

**THOMISTARUM
TRIUMPHUS ID EST
SANCTORUM
AUGUSTINI ET
THOMAE GEMINI...**

Charles : de Bryas





Ex Bibliotheca
majori Coll. Rom.
Societ. Jesu

43
D
41

THOMISTARUM TRIUMPHUS
ID EST, SANCTORVM
AUGUSTINI, ET THOMÆ
GEMINI ECCLESIAE SOLIS
SUMMA CONCORDIA.

I. De Scientiâ Mediâ. II. De Naturâ Purâ, seu duplici Dei
Amore. III. De Libertate. IV. De Contritione.
V. De Probabilitate.

PER GERMANVM PHILAETHEN EVPISTINVM
INCLYTIS ALMÆ SOCIET. IESV PROFESSORIBVS
DEDICATA.

TOMUS SECUNDUS

Complectens quatuor posteriora Opuscula

II. DE NATURA PURA, SEU DUPLICI DEI AMORE.
III. DE LIBERTATE. IV. DE CONTRITIONE.
V. DE PROBABILITATE.

EDITIO SECUNDA.

*In quâ Secundum, & Quintum Opusculum ad-
dita sunt, cum brevis Refutatione*

EXTRACTI MOLINISTICI JOSEPHI DE VITA.



DUACI,

Typis B. BELLERI, JOAN. PATTE', & Viduae ANT. DIEULOT
Anno 1673. +

THE JOURNAL OF THE

ROYAL SOCIETY OF MEDICINE

VOLUME 100 PART 1 JANUARY 1907

CONTENTS

ORIGINAL ARTICLES

THE EFFECT OF THE INFLUENZA VIRUS ON THE
RESPIRATORY SYSTEM

THE EFFECT OF THE INFLUENZA VIRUS ON THE
RESPIRATORY SYSTEM

THE EFFECT OF THE INFLUENZA VIRUS ON THE
RESPIRATORY SYSTEM

THE EFFECT OF THE INFLUENZA VIRUS ON THE
RESPIRATORY SYSTEM

THE EFFECT OF THE INFLUENZA VIRUS ON THE
RESPIRATORY SYSTEM

TOMUS SECUNDUS
COMPLECTENS QVATVOR POSTERIORA
OPUSCULA
II. DE NATVRA PVRA, SEV DVPLICI
DEI AMORE.
IIJ. DE LIBERTATE.
IV. DE CONTRITIONE.
V. DE PROBABILITATE.
PER GERMANUM PHILALET HEN
EVPISTINVM.
EDITIO SECUNDA.

APPROBATIO ORDINARIJ

VIDI Tomum Secundum Triumphi Thomistarum, seu Sanctorum AUGUSTINI, & THOMÆ summæ Concordiæ, per GERMANUM PHILALETHEN EUPISTINUM intentatæ, & modò feliciter magno Cordatorum gaudio ad finem perductæ. Complectitur hic Tomus secundus quatuor posteriora Opuscula. IJ. DE NATURA PURA. IJJ. DE LIBERTATE. IV. DE CONTRITIONE. V. DE PROBABILITATE. Nihil in hisce quatuor Opusculis vidi Fidei, aut bonis moribus adversum; sed Concordem ubique Gemini Ecclesiæ Solis mentem conspexi. Opuscula DE LIBERTATE, & CONTRITIONE secundo eduntur, & illustrantur Refutatione brevi, & solidâ EXTRACTI MOLINISTICI JOSEPHI DE VITA: nec-non Appendicæ de Motivo amoris Dei, tam concupiscentiæ, quàm amicitia. Quare hunc secundum Tomum novo prælo dignum non solum judicavi, sed & ipse curavi, ut quamprimum lucem videret ad majorem Cordatorum utilitatem, & Gemini Ecclesiæ Solis concordem gloriam. Datum Duac 1. Julii, Anno 1673.

NICOLAUS JOSEPHUS DE LA
VERDURE, S. Theologiæ Doctor,
& Reginus, Ordinariusque Professor.

INDEX CAPITUM

OPVSC. II.

Et brevis insinuatio eorum, quæ in illis
continentur.

DE NATURA PURA.

Proœmium.

CAPUT PRIMUM.

Duplex Dei amor distinguatur. pag. 2.

Paragraphus Primus.

QUID per naturam puram intelligere oportet? & quo ordine procedendum? pag. 4.

Natura pura dicitur natura carens gratiâ. ibid.

Equiparantur immortalitas corporis, & sanctitas animæ. ibid.

Punctum difficultatis aperitur. 5.

Paragraphus Secundus.

Distinctio gemini amoris Dei exponitur. 5.

Radix gemini amoris Dei assignatur. 6.

Ex amore creatura ascenditur ad amorem

Creatoris. ibid.

S. Bonaventuræ Itinerarium mentis commendatur. ibid.

Paragraphus Tertius.

Obiatur cuidam objectioni; & ex Angelico Sole doctrina tradita confirmatur. 7.

Duplici Dei cognitioni duplex Dei amor correspondet. ibid.

Datur amor Dei, & quidem super omnia; qui ex amore creatura ortum ducit. 8.

*

Datur

Paragraphus Secundus.

EX amore istius formæ, sive rationis, quam de justitiâ concipimus, diligimus quæ justa sunt, 17.

Paragraphus Tertius.

AMor justî auget amorem justitiæ; & fide amatur Deus non tanquam emri:ò incognitus, aut omninò non dilectus, 19.

Paragraphus Quarrus.

PRæcedens doctrina S. AUGUSTINI Angelicâ elucidatur expositione, 19. S. AUGUSTINUS Platoniorum doctrinis suis imbutus. Quod quidam non advertentes ex verbis ejus sumptulerunt occasionem errandi, 20.

Paragraphus Quintus.

Qualiter videatur in animo forma incommutabilis justitiæ, ex cujus dilectione diligimus, quæ justa sunt, 21. Quid sit intueri, & diligere rationes æternas? 21.

Paragraphus Sextus.

Confirmatur præcedēs elucidatio alio Angelici Solis testimonio, 26. Quod S. AUGUSTINUS fecit in Platone, hoc & in Aristotele fecit S. THOMAS, 22. Quo sensu dixeris S. AUGUSTINUS, omnia

cognosci in rationibus æternis? 23.

XXXXXXXXXXXXXXXXXXXX

CAPUT QUARTUM.

Ex præmissâ S. Augustini doctrinâ duplex Dei amor colligitur, 24

Paragraphus Primus.

Forma incommutabilis justitiæ, si ab ideis Platoniciis separaretur, est aliquid in mentē nostrâ impressum, 24. Amor justitiæ est implicitus amor Dei, 25. Quomodo voluntas feratur in ipsam rationem boni? 25. Iustitia dicitur incommutabilis, & semper à nobis videri, eo sensu, quo prima principia, & rerum definitiones, 26.

Paragraphus Secundus.

Duplex Dei amor colligitur, 26. Independentè à fide, & omni cognitione elevando ad visionem Dei per essentiam potest amari Deus super omnia, tanquam sors incommutabilis sapientiæ, 27. Duplex modus gubernandi creaturam rationalem, 28.

Paragraphus Tertius.

IN quo defecerint Adversarii ostenditur, 29.

In tribus videntur defecisse Adversarii. 1. Quod non distinxerint inter ea, quæ sunt perse credibilia, & ea, quæ per accidens creduntur, 29.

2. Quod existimaverint perfectam virium inferiorum subjectionem dependere à gratiâ sanctificante, 29.

3. Quod non attenderint legem æternam multipliciter participari, 29. 30.

Duplex legis æternæ cognitio, 31.

Cujuslibet veritatis cognitio est cognitio legis æternæ: ergo & cuiuslibet veritatis amor est amor legis æternæ, 32.

¶

CAPUT QUINTUM.

Ex notione beatitudinis, quam tradit S. Augustinus, eadem duplicis amoris Dei distinctio concluditur, 32.

Paragraphus Primus.

NOtio beatitudinis ex S. AUGUSTINO, 32.

Paragraphus Secundus.

EX hâc notione beatitudinis probatur, possibilem esse amorem Dei, qui non sit ex fide, 33.

Paragraphus Tertius.

Objectio ex doctrinâ Angelicâ; 34.

Vera beatitudo non videtur posse dari extra visionem Dei per essentiam, & quod illa sola potest quietare desiderium naturale, 35.

Paragraphus Quartus.

Solvitur prædicta objectio, 35.


Si revelata fuerit possibilitas visionis Dei per essentiam, nulla alia Dei cognitio potest quietare desiderium naturale; secus si non fuerit revelata, 36.

Paragraphus Quintus.

EX Syllogismo practico corroboratur præcedens solutio, 37.

Colliguntur efficacia rationum D. THOMÆ, quibus ex desiderio naturali probatur possibilitatem visionis Dei, 38.

Aliud est demonstrare, visionem Dei per essentiam esse possibilem; & aliud demonstrare, possibilitatem visionis rationabiliter, & convenientissime asserui. Primum non cadit sub demonstratione, secus secundum, 38.



CAPUT SEXTUM.

*Alia duæ beatitudinis
notiones idem probant,*
40.

Paragraphus Primus.

Sine lumine gloriæ, aut fidei, potest creatura rationalis habere gaudium de veritate, 40.

Qui contemplatur veritatem, quam amat, non potest non de veritate gaudere, 40.

Inter omnes operationes virtutis delectatissima est contemplatio sapientiæ, 41.

Paragraphus Secundus.

Nulla est in notione beatitudinis inter utrumque Ecclesiæ Solem quoad rem diversitas, 42.

Beatitudo dupliciter consideratur, transitive, et intransitive, 42.

Consecutio ultimi finis non potest esse actus voluntatis, 43.

Amor prærequiritur ad essentiam beatitudinis, 44.

Paragraphus Tertius.

Sine lumine gloriæ, aut fidei, potest creatura rationalis habere omnia, quæ

vult, & nihil mali velle, 45.

Disputatio S. AUGUSTINI cum piissimâ suâ Matre, 45.

Voluntas inseparabiliter conjuncta regulæ est impeccabilis, 46.

Paragraphus Quartus.

EX aliâ profundissimâ Angelici Solis doctrinâ colligitur, posse condi creaturam rationalem, quæ sine lumine gloriæ, aut fidei, nihil mali velit, 46.

Paragraphus Quintus.

Nullatenus à S. AUGUSTINO recedit S. THOMAS in assignandâ radicem impeccabilitatis beatorum, 49.

Paragraphus Sextus.

Vlgo divinæ essentiae causat abundantiam amoris requisitam à S. AUGUSTINO ad impeccabilitatem, 50.

Conditiones amoris causantis impeccabilitatem enumerantur, 51.

Huiusmodi conditiones reperiuntur in amore causato ex visione divinæ essentiae, 51. 52.

Duplex immutabilitas distinguitur in operationibus, 51. 52. 53.

Paragraphus Septimus.

Confirmatur doctrina præcedens ex syllogismo practico, 54.

Firmitas intellectus practici oritur ex aliquâ dispositione voluntatis, 55.

* III

Quod

Quod sine aliquâ collatione rationis judicatur bonum, provenit ex aliquâ speciali inclinatione appetentis, 56.

Explicatur quoddam dictum S. AUGUSTINI, 57.

CAPUT SEPTIMUM.

Non omnia opera infidelium sunt peccata, 58.

Paragraphus Primus.

Duplex infidelitas distinguitur, 58.

Traditi sunt in deteriorem sensum, qui S. THOMAM à S. AUGUSTINO separant, 59.

Infidelitas, alia est negativa, alia positiva, 60.

Paragraphus Secundus.

Probatur clarissimè, non omnia opera infidelium esse peccata. 60.

Ut aliquod præceptum legis naturalis impleatur, sicut oportet, sufficit ut ex amore legis naturalis impleatur, 61.

Duplex impotentia ad faciendum actum, 62.

Auxilium orationis est auxilium infirmitatis cognita, 62.

Infidelis non in omnibus agit ut infirmus, 62.

Paragraphus Tertius.

Confirmatur ex verbis Apostoli Rom. 14. *Quod non est ex fide peccatum est: in quibus præcipuè fundantur Adversarii, 63.*

Ut carentia reddat actum malum, debet esse carentia debiti, 63.

Esse ex fide non est quid debitum actui infidelis negativè, 63.

Nam potest habere obligationem operandi ex fide, qui non obligatur habere fidem, 64.

Verba Apostoli intelligenda sunt de eo, quod non est ex fide, vel privativè, vel contrariè, 64.

Præceptum Apostoli faciendi omnia in gloriam Dei, non aliam inducit obligationem, quam præceptum charitatis, 65.

CAPUT OCTAVUM

Agnovit S. Augustinus non omnia infidelium opera esse peccata, 60.

Paragraphus Primus.

Quid intendat S. AUGUSTINUS in tribus Capitibus 26. 27. & 28. libri de spiritu, & litterà, 66.

Para-

Paragraphus Secundus.

Textus S. AUGUSTINI adducitur quibuldam litteris distinctus, 67.

Paragraphus Tertius.

Probatur ex dicto sensu intentum; Solutio Adversariorum adducitur, primaque illius impugnatio, 69.

Paragraphus Quartus.

Secunda solutionis Adversariorum impugnatio ex causâ operum desumpta, 70.

Opus ad finem malum relatum non potest dici factum ex reliquis imaginis, 71.

Mira SS. AUGUSTINI, & THOMÆ concordia, 71.

Paragraphus Quintus.

Tertia solutionis Adversariorum impugnatio ex statu quæstionis ab AUGUSTINO suscitatur, 72.

Paragraphus Sextus.

Quarta, & ultima, eaque efficacissima solutionis Adversariorum impugnatio ex decisione quæstionis supradictæ, 73.

CAPUT NONUM.

Nullum est Adversariorum fundamentum,

75.

Paragraphus primus.

Primum argumentum, quo probatur, S. AUGUSTINUM exegisse ad bonitatem operis, dilectionem Dei super omnia, desumitur ex animo fornicante, 76.
Duo amores distinguunt secundum AUGUSTINUM duas civitates, 77.

Paragraphus Secundus.

Secundum argumentum, quo probatur, S. AUGUSTINUM exegisse ad bonitatem operis dilectionem Dei super omnia, desumitur ex fide justificante, 78.

Paragraphus Tertius.

Tertium argumentum, quo probatur, S. AUGUSTINUM exegisse ad bonitatem operis dilectionem Dei super omnia, desumitur ex voluntate bonâ, 81.

Quid voluntas bona? 82.

Sensu Molinisticus reprobat. 82.

Radix

Radix mali, indigentia boni, 83.

Paragraphus Quartus.

A Signatur radix, cur S. AUGUSTINUS exegerit ad bonitatem operis dilectionem Dei super omnia ex fide justificante, 83.

In radice doctrinae AUGUSTINIANÆ credimus Adversarios hallucinator, 83.

Triplex naturæ humanæ status, 83. Deus est vita anima per gratiam sanctificantem, 84.

Vera virtus simpliciter est, quæ conducit ad visionem Dei per essentiam, 85.

Hujus virtutis consideratio sufficiebat S. AUGUSTINO ad confutandum Pelagianos, 85.

Duo totius doctrinae AUGUSTINIANÆ dogmata contra Pelagianos, 86.

Paragraphus Secundus.

V Erbum Apostoli, *Omne quod non est ex fide peccatum est*, duobus modis S. THOMAS interpretatur, & uterque ad mentem S. AUGUSTINI, 91.

Paragraphus Tertius.

S AUGUSTINUS nullam actionem peccato mortali conjunctam reputat esse bonam, 92.

Fides informis secundum S. AUGUSTINUM non sufficit ad implendum aliquod præceptum legis, sed impetrat gratiam sanctificantem, ex qua impletur præceptum, 93.

Meritum fidei informis est meritum impetrationis, non retributionis 94.

Paragraphus Quartus.

I Dem est apud S. AUGUSTINUM, non esse ex fide, ac esse ex infidelitate, 94.

Paragraphus Quintus.

C Oncordia utriusque Solis concluditur, 96.

CAPUT DECIMUM

S. Augustinus à Divo Thomâ optimè intellectus, 87.

Paragraphus primus.

D Octrina Angelica de bonitate operis sine gratiâ sanctificante conformatur doctrinae AUGUSTINIANÆ, 88.



CAPUT UNDECIMUM.

Carentia gratiæ in filiis Adam est pœna, 98.

Para-

Paragraphus primus.

QUæ sit connexio naturæ cum gratiâ? & quæ fuerit Adversariorum hallucinatio? 99.

Qualiter in statu innocentie cum natura fuisset propagata & gratia, 99.

Gratia in filiis Adam nescitur cum naturâ, non ex conditione naturæ, sed ex elevationis privilegio, 100.

Paragraphus Secundus.

Carentia gratiæ in filiis Adam est pœna, 100.

Paragraphus Tertius.

QUâ ratione probet S. AUGUSTINUS peccatum originale contra Pelagianos per exclusionem à regno cœlorum, 101.

Doctrina fidei quam defendit S. AUGUSTINUS, est quod homo sit creatus propter Regnum cœlorum, tanquam propter ultimum finem, 104.

Quo titulo regnum cœlorum sit de facto ultimus finis, an ex natura debito, an verò ex elevationis privilegio, impertinens est ad fidem quasi, 104.

Paragraphus Quartus.

Declaratur efficacia argumenti, quo S. AUGUSTINUS probat peccatum originale contra Pelagianos ex denegatione Baptismi, 105.

Denegatione gratiæ adoptionis spernitur imago Dei, fructus dicatur debita huiusmodi gratia ex natura debito, fructus ex elevationis privilegio dicatur debita, 105.
Incidunt Adversarii in petitionem principii, quam nobis obtrudunt, 107.

Paragraphus Quintus.

Carentiam gratiæ esse pœnam ex elevatione naturæ, probant duo Adversariorum argumenta, 109.

Quanta ab Adversariis doctrina AUGUSTINIANÆ irrogetur injuria? 110.

Ad doctrinam S. AUGUSTINI tuendam sufficit certissimum istud fidei principium, videlicet, hominem conditum esse propter regnum cœlorum, 111.

Non minus punitur exilio civis ex privilegio, quam civis à naturâ. 112.

Paragraphus Sextus.

Objectiones duæ; earumque solutio ad materiam prædeterminationis perutilis, 113.

Duplex debitum naturæ, & personæ, 113.
Utrumque debitum excludit rationem gratiæ propriè dictæ, 113.

Secus debitum elevationis gratuita, 113.

Nullum auxilium necessarium ad salutem denegatur sine culpâ, 114.

Denegatio auxilii dantis posse exigat culpam præcedentem; denegatio auxilii dantis actum culpam concomitantem, 114.

CAPUT DUODECIMUM.

Primum hominis peccatum non potest ex cecā, & indomitā procedere concupiscentiā, 115.

Paragraphus Primus.

Cæca, & indomita concupiscentia non est à Deo, 115.

Paragraphus Secundus.

Radix detegitur, ex quā probanda venit intentio hujus capitis assertio, 117.

Alia est ratio de motibus illicitis, alia de potentiā elicitivā motuum illicitorum. 118.

Paragraphus Tertius.

Premittitur profunda Angelici Solis doctrina, 118.

Paragraphus Quartus.

Prafato voluntatis regimini repugnant modus illiciti prævenientes rationem, 120.

Explicatur, quomodo homo infirmus dicatur læsus in naturalibus, & nihilominus intacta permanferint naturalia, 122.

Paragraphus Quintus.

Quid de possibilitate naturæ puræ sit judicandum, concluditur: & finis huic Opusculo imponitur, 124.

Distinguntur genuini S. AUGUSTINI Discipuli à non genuinis, 125.

Contra eos egimus qui THOMAM ab AUGUSTINO separarunt, 126.



INDEX CAPITUM

OPVSC. III.

Et brevis insinuatio eorum, quæ in illis
continentur.

DE LIBERTATE.

Proëmium, 129.

CAPUT PRIMUM.

*Vtrum ad potestatem, &
dominium sui actûs re-
quiratur, ut objectum
apprehendatur sub ali-
quâ ratione mali? 131.*

Paragraphus Primus.

Punctum difficultatis aperitur, 131.

- ✧ *Quid dominium sui actûs? 131.*
- ✧ *Intellectus se habet ad voluntatem, sicut*
- ✧ *ostendens viam volenti ire Romam, 131.*
- ✧ *Molinistarum defectus; 132.*
- ✧ *Libertas formalis in solâ voluntate, non in*
- ✧ *intellectu reponitur, 133.*
- ✧ *Accidit dominio sui actûs, quod voluntas*
- ✧ *possit se applicare ad plura volenda, 133*

Paragraphus Secundus.

- ✧ **C**oncluditur, ad dominium sui a-
- ✧ ctûs non requiri, ut intellectus ap-
- ✧ prehendar bonitatem objecti cum ali-
- ✧ quâ ratione mali, 134.
- ✧ *Si prædicta conditio requireretur, potestas*
- ✧ *volendi esset inseparabilis à potestate vo-*
- ✧ *lendi plura, 134. 135.*

*Disollicitia objecti oritur ex aliquo amore
distincto ab illo amore, quo places objectum,*
135.

Confunditur ab Adversariis dominium intensivum cum extensivo, 136.

CAPUT SECUNDUM.

Ex duobus absurdis ostenditur vanitas supradictæ conditionis,
137.

Paragaphus Primus.

Primum absurdum, potentiam scilicet errandi esse inseparabilem ab actus dominio, 137.

In Adamo ante peccatum nullus potuit esse error, nec qualiscunque falsa opinio; imò nec minima opinio, 137.

Paragraphus Secundus.

Secundum absurdum, potentiam inimicum peccandi non posse à libertate separari, 139.

Si ad amandum liberè voluntatem requiritur potestas repudiandi eam: ergo è contra ad repudiandum liberè mendacium requiritur potestas amandi mendacium, 140.

Paragraphus Tertius.

✠ **E**ffugium Adversariorum totaliter
✠ præluditur, 141.

¶ Eo ipsò quòd exercitiūm amoris apprehen-
 datur sub aliquā ratione mali, datur potestas
 ad duos amores inter se impossibiles, 141.
 Potestas nōn volendi non attenditur per ca-
 rentiam actūs, sed per indeterminatiōem ad
 actum, 142.

CAPUT TERTIUM.

♦ *Lumine utriusque Ec-*
♦ *clesiæ Solis SS. Augusti-*
♦ *ni, & Thoma destitun-*
♦ *tur Adversarii, pag.*
♦ 143.

Paragraphus Primus.

✠ **N**Otio dominii à S. AUGUSTINO
✠ tradita, vanam ostendit Adver-
✠ sariornm conditionem, 143.

✱ Dominium aeternū est potestas faciendi aeternū
✱ ex praevia volitione, 144.

* *Differentia inter hanc duo, volo non facere,*
* *& non volo facere, 144.*

Paragraphus Secundus:

EX Angelco Sole nebula conditio-
nis supradictæ dissipatur, 145.

Beasi

Beati libere utuntur gratiâ, & tamen non possunt habere hoc iudicium, bonum est non uti gratiâ, 146.

Paragraphus Tertius.

QUæ ex Angelico Sole conditioni Adversariorum videntur favere explicantur, 147.

Ad libero agendum iudicio nihil aliud requiritur secundum D. THOMAM, quam ex collatione rationis iudicare aliquid esse agendum, 148.

CAPUT QUARTUM.

Libertatis essentia ex syllogismo practico manifestatur, 149.

Paragraphus Primus.

Natura syllogismi practici declaratur, cujus conclusio est actus liber, 150.

Differentia syllogismi practici à speculativo, 150.

In utroque syllogismo major non est causa minoris: sed in syllogismo practico major est causa, quod minor subsumatur sub maiore, non autem in speculativo, 151.

Paragraphus Secundus.

Differentia syllogismi practici à syllogismo practico adhuc magis declaratur, 151.

Paragraphus Tertius.

DE indifferentiâ iudicii ad libertatem requisita, 152.

Indifferentia objectiva alia est objecti universalis, sive majoris, alia est objecti particularis, sive minoris, 154.

CAPUT QUINTUM.

Ex Angelico Doct. procedens libertatis notio elucidatur, 154.

Paragraphus primus.

Primum testimonium ex lib. 2. contra Gentes, cap. 48. 154.

Omne iudicium est formaliter liberum, quod ex amore boni concluditur, 155.

Paragraphus Secundus.

Secundum Angelici Solis testimonium ex quest. 24. de veritate, art. 2. 155.

Ex hoc, quod voluntas sit aliis imperans, & 2. ult.

à nullo imperata, provenit, quòd habeas dominium sui actus.

Paragraphus Tertius.

Tertium Angelici Solis testimonium ex 1. p. q. 83. ar. 1. 156.

Sicut ratiōnari est unum actum intellectus ex alio colligere; ita eligere est in unum actum voluntatis ex alio tendere, 157.

Paragraphus Quartus.

Quartum D. THOMÆ testimonium ex lib. 2. contra Gentes, cap. 27. 158.

Paragraphus Quintus.

Objectio contra præcedens argumentum ex MOLINISTICO EXTRACTO quod novissimè exhibuit, qui nomen nostrum assumpsit, 159.

Extractum FALSI PHILALETHIS ex libro P. JOSEPHI DE VITA, 159.

Tria Opuscula prodire Duaci contra falsum Philalethen, 160.

Paragraphus Sextus.

Solutio præcedentis objectionis, & BREVIS REFUTATIO EXTRACTI MOLINISTICI, 161.

Prædeterminatio Physica licet non sit ab agente, causat tamen operationem dependentem à formâ, quæ est ab agente, 161.

Angelica doctrina eò se potentior, quò magis impugnatur, 162.

Quo sensu Prædeterminatio Physica determinetur à voluntate, 162.

Quæ sit mens D. THOMÆ dicentis, voluntatem non determinari ab aliquo agente extrinseco, 164.

Deum causat immediatè, & proxime quamcumque actionem, 165.

Quando suppositum est, sua virtus, potest esse causa immediata actionis alterius suppositi, 165.

Cœtunt in meridie, qui Prædeterminationem Physicam in D. THOMÆ non legunt, 167.

Sicut Deus vult totum, quod est perfectionis in actu peccati, non volendo malitiam, ut fateatur Josephus de Vita; ita Prædeterminatio Physica causas totum, quod est perfectionis in actu peccati, non prædeterminando malitiam, 167.



CAPUT SEXTUM.

Eadem libertatis notio ex principiis S. Augustini manifestatur, pag.

168.

Paragraphus Primus.

DE distinctione voluntatis ut naturæ, & voluntatis ut rationis, 168.

Voluntas ut natura comparatur ad rationem

*Item eodem ferè modo ac appetitus sensiti-
vus, 169.*

*Sola voluntas ut ratio propriè voluntas dici-
tur, 169.*

Paragraphus Secundus.

EX præmissâ distinctione mens S.
Augustini pro nostrâ libertatis no-
tione aperitur, 170.

~~~~~

CAPUT SEPTIMUM.

*Necessitas naturalis in-  
clinationis dominio sui  
actûs non repugnat, pag.  
172.*

Paragraphus Primus.

**D**eterminatio ad unum objectum  
dominio sui actûs non repugnat,  
172.

Paragraphus Secundus.

**S**olvitur objectio de potestate agen-  
di, vel non agendi, 174.  
*Negatio actûs dupliciter cadit sub potestate  
agentis, 174.*

Paragraphus Tertius.

**P**raclaro Angelici Doctoris testi-  
monio ostenditur, neutram neces-  
sitatem dominio sui actûs repugnare, 176.

~~~~~

CAPUT OCTAVUM.

*Justissimè à Pio V. pro-
scriptæ sunt duæ proposi-
tiones: Quod volunta-
riè fit, etiamsi de ne-
cessitate fiat, liberè
tamen fit: & Sola vio-
lencia repugnat liber-
tati hominis naturali,*

Paragraphus Primus.

Falsitas primæ propositionis osten-
ditur, 178.

Paragraphus Secundus.

Falsitas secundæ propositionis osten-
ditur, 180.

CAPUT

✠ *Elia est agentis libertas*, 188.

CAPUT NONUM.

Paragraphus Quartus.

Concluditur Beatū habere perfectissimum amoris sui beatifici dominium, 182.

Necessitas amoris beatifici est necessitas naturalis inclinationis, tenens se ex parte minoris: & ideo non excludens perfectissimum ejus dominium, 189.

Paragraphus primus.

EX vanitate conditionis ab Adversariis requisita deducitur amoris beatifici perfectissimum dominium, 182. *Recte agere solum una modo contingit*, 183.

Quod Beati non possint velle non amare Deum, hoc non facit infirma necessitas, sed firma in bono voluntas, & voluntaria firmitas, 191.

Paragraphus Quintus.

Concordantur utriusque Solis Discipuli, 192.

Paragraphus Secundus.

EX naturā syllogismi practici deducitur, Beatum habere perfectissimum amoris sui beatifici dominium, 185. *In actu beatitudinis salvatur actus naturæ*, 186.

✠

CAPUT DECIMUM

Adducuntur argumenta, quæ contra nostram de libertate doctrinam formaripossunt; eaq; solvuntur, 193.

Paragraphus Tertius.

CONFIRMATUR doctrina præcedens; & Angelicis testimoniis corroboratur, 187. *Quo major est objecti necessitas, eo perfe-*

Paragraphus primus.

Primum argumentum, ejusque solutio, 193.

Oh-

Objectum necessarium connexum cum fine perfectioni libertate amatur, si sola libertate agentis amatur, 194.

Paragraphus Secundus.

Secundum argumentum, ejusque solutio, 195.

Aliud est necessarium ad exercitium ab objecto, & aliud necessarium ad exercitium agente, 196.

Necessitas ad exercitium proveniens ex objecto, nihil est aliud, quam quod ad apprehensionem objecti debet sequi amor, 196.

Si autem hoc fiat ex vi precedentis voluntatis non tollitur libertas agentis, 196.

Paragraphus Tertius.

Tertium argumentum, ejusque solutio, 197.

Dupliciter sit acceptatio unius recusato altero, 199.

Paragraphus Quartus.

Quartum argumentum, ejusque solutio, 199.

Paragraphus Quintus.

Ultimum argumentum, ejusque solutio, 201.

Quomodo distinguatur libertas coactionis à libertate indifferentia, 201.

Quid Sancti Patres intellexerunt per libertatem à coactione, 202.

APPENDIX AD CAP. X.

Amica Refutatio quatuor conclusionum, pag. 203.

Paragraphus primus.

Proponitur prima conclusio, 203.

AMICA REFUTATIO, 204.

Paragraphus Secundus.

Proponitur secunda conclusio, 205.

AMICA REFUTATIO, 206.

Paragraphus Tertius.

Proponitur tertia conclusio, 207.

AMICA REFUTATIO, 208.

Paragraphus Quartus.

Proponitur quarta conclusio, 208.

AMICA REFUTATIO, 209.

Paragraphus Quintus.

EX principiis R. M. JOANNIS A S. THOMAE ostenditur, cum convenire nobis.

nobiscum; sed in eo, quod asserimus
ambo, aliquid plus à nobis fuisse con-
sideratum, 211.

In amore beatifico si consideretur ordo voluntatis ad obiectum, non est libertas formalis, sed eminentialis; si verò consideretur ordo voluntatis ad actum est libertas formalis, 215.

五、六十年代

CAPUT UNDECIMUM.

*Libertas natura lapsa ex
syllogismo practico decla-
ratur, 216.*

Paragraphus primus.

DE iustâ damnatione hujus propositionis : Ad merendum, & demerendum in statu naturæ lapsæ, non requiritur in homine libertas à necessitate, sed sufficit libertas à coactione, 216.

Qui AUGUSTINUM à THOMA sejungit,
quid mirum, si de veritate reddatur suspi-
ritus, 217.

Libertas natura lapsa oritur ex minore syllogismi practici, 217.

Paragtaphus Secundus.

Duplex contrarietatis libertas distinguitur, 218.

Alia est libertas voluntatis se applicantis,

• alia est libertas voluntatis applicata tan-
* tùm, 218.

Paragraphus Tertius.

✠ **E**X supradictâ libertatis distinctione
✠ ostenditur differentia naturæ lapsæ.
✠ à naturâ sanâ, 219.

✱ *Ad libertatem non requiritur equalis pos-*
✱ *sitae volendi oppositum, 220.*

Ad libertatem sufficit, quod voluntas possit
velle unum ex propriâ applicatione, & op-
positum ex alterius applicatione, 220.

✱ *Natura solum respectu iustitiae, & peccati,*
✱ *habet potestatem volendi utrumque ex pro-*
✱ *pria applicatione, 220.*

✱ *Natura infirma habet etiam potestatem vo-*
✱ *lendi & iustitiam, & peccatum; sed pecca-*
✱ *tum ex propriis applicatione, iustitiam verd*
✱ *ex speciali Dei applicatione, 220.*

✱ *Præclara aliadifferentia ex hac primâ con-*
✱ *3ra Molinistas concluditur.* 220.

Paragraphus. Vltimus.

✱ **C**orollarium de necessitate orandi si-
✱ bertati naturæ lapsæ conjuncta, 222.

✱ Ideò peccamus, quia ad Deum, sicut oportet, non
✱ recurrimus. 222.

* Nihil libertati natura lapsa tam contrarium,
* quàm sufficiens Molinistarum gratia, 222.

✱ Argumentum efficacissimum contra Molini-
✱ stas ex oratione petitur, 223.

* *Elidiser responso Junioris Molinistæ;*
* 223.

INDEX CAPITUM

OPUSC. IV.

Et brevis insinuatio eorum, quæ in illis continentur.

DE CONTRITIONE.

Proœmium. 225.

CAPUT PRIMUM.

*Doctrina utriusque So-
lis circa timorem ser-
vilem, 231.*

Paragraphus primus.

IN quo consistat Timoris servilitas.
231.
Peccat qui ex solo timore bonum operatur,
232.

Paragraphus Secundus.

QUâ ratione timor Dei servilis sit bonus, & utilis, 233.
Amor naturalis, id est, à voluntate ut natura procedens non sufficit ad bonitatem animi, 234.
Timor servilis ex amore naturali procedit, 235.
Est tamen à Spiritu Sancto, 235.
Catholicus non est, quisquis timorem servilem asseruerit esse malum, 235.

Paragraphus Tercius.

TImor servilis annexam habere potest voluntatem peccandi, 236.

*** ij

Duplex

Deus à quâlibet creaturâ naturaliter diligitur super omnia, 247.

Paragraphus Tertius.

Casta Dei concupiscentia gignit timorem castum, non servilem, 249.

Timor oritur ex amore vite æternæ est castus, 249.

Nulla est causa timendi, nisi ne amittatur bonum amatum, 250.

Paragraphus Quartus.

Ex aliquo timoris objecto idem comprobatur, 251.

Comparatio S. AUGUSTINI de duabus mulieribus, quarum una est adultera, & altera casta, 252.

Differentia summè notanda inter bona æterna, & bona temporalia, 253.

Nodus difficultatis præsentis non attingunt, qui amorem Dei per modum concupiscentiæ dividunt ab amore Dei per modum amicitie, 254.

Paragraphus Quintus.

Quis sit, castus Dei amor super omnia, tam affectivus, quàm effectivus? 254.

Quid sit præponere affectivè Deum omnibus, quid præponere effectivè? 256.

Amor Dei beatificantis super omnia, si procedat ab auxilio gratiæ est affectivus; si verò procedat à gratiâ habituali est effectivus, 247.

Propositum non peccandi mortaliter ex amore Dei ortum, idem est, quòd amor Dei affectivus super omnia, 258.

Salvatur doctrina SALMANTICENSII de impossibilitate conversionis actualis ad unum ultimum finem cum conversione habituali ad alium, 259.

Qui concupiscit sibi Deum, amat seipsum ne Deo conjunctum, 159.

APPENDIX AD CAP. IJ.

De motivo utriusque amoris, 259.

Paragraphus Primus.

DE diversis motivis concupiscendi Deum, & eum diligendi, 260.

Paragraphus Secundus.

EX eodem charitatis motivo procedunt, & amor concupiscentiæ, quo Deus castè concupiscitur, & amor amicitie, quo Deus castè diligitur, 261.

Hoc tribus firmissimis rationibus comprobatur, 262.

Primario sumitur ex ipsis affectibus voluntatis, qui omnes in amore radicanur, 262.

Secunda ratio petitur ex speciali ratione ultimi finis, & objecti beatitudinis, 262.

Tertiam rationem præbet ipsa ratio amicitie, 262.

Para-

Paragraphus Tertius.

Tertia ratio magis elucidatur, 263.

Deus est bonum nostrum, quia ordinatur ad illum, sicut sanitas est bonum medicina, quia medicina ordinatur ad sanitatem, 264.

Finis cuius gratia ordinatur ad finem cui si se habeat sicut pars ad totum, secus si se habeat sicut totum ad partem, 265,

Paragraphus Quartus.

Confirmantur prædictæ rationes ex Unitate Spei, 265.

Subtiliter distinguere oportet inter spem quâ speramus habere Deum, & spem quâ speramus habere aliquod bonum creatum, 266.


Paragraphus Quintus.

Casta Dei concupiscentia, & casta Dei amicitia distinguuntur sicut imperfectum, & perfectum intra eandem lineam, 267.

Paragraphus Sextus.

Solvitur quædam objectio; & doctrina tradita ex GRATIA VICTRICIS corroboratur, 270.

Ex doctrinâ GRATIÆ VICTRICIS ostenditur, quod respicere Deum ut bonum nostrum non sit contra rationem casti amoris, 270.



CAPUT TERTIUM.

Dolor ex solo timore Dei servili conceptus sine aliquo amore iustitia non est sufficiens dispositio ad gratiam per Sacramentum Pœnitentie consequendam, 272.


Paragraphus Primus.

Probatur ex S. AUGUSTINO, sine aliquo amore iustitia non excludi voluntatem peccandi, 273.

Paragraphus Secundus.

Probatur ex S. THOMA, sine aliquo amore iustitia non excludi voluntatem peccandi, 278.

Detestari peccatum ex solo motivo gehennæ est actus inordinatus, quia plus displicet minus malum, quàm majus malum, 279.



CAPUT QUARTUM.

Amor iustitia necessarius ad gratiam per Sacramentum.

*cramentum Pœnitentia
consequendam, est castus
Dei amor super omnia,*
281.

Paragraphus Primus.

Duplex, distinguitur iustitia, iustitia
hominis, & iustitia Dei, 282.
*Abbreviata traditur tota S. AUGUSTINI de
gratiâ doctrina, 283.*
*Quam si attentè meditatùs fueris Molinif-
mo renuntiandum minimè dubitabis, 283.*

Paragraphus Secundus.

Explicatur magis secunda differenti-
tia iustitiæ hominis à iustitiâ Dei, 284.

Paragraphus Tertius.

Ex differentiâ assignatâ manuducitur
intellectus ad assertiõnem intentam,
286.

Paragraphus Quartus.

Authoritate Concilii Tridentini pro-
batur, amorem iustitiæ requisi-
tum ad gratiam per Sacramentum Pœ-
nitentiæ consequendam esse castum Dei
super omnia amorem, 288:
Tres loci Concilio Tridentini adducuntur,
288.

Paragraphus Quintus.

EX Angelico Sole probatur necessi-
tas casti amoris Dei super omnia ad
gratiam per Sacramentum Pœnitentiæ
consequendam, 292.
*Pœnitentia veteris legi, & Pœnitentia no-
væ legi non debent distingui penes objectum,
& motivum doloris, 293.*

Paragraphus Sextus.

Ratio à priori desumitur ex eo,
quòd voluntas peccandi non ex-
cluditur sine casto Dei super omnia amo-
re, 295.

CAPUT QUINTUM.

*Solvuntur argumenta
in contrarium confuta-
tione P. Le Dent, pag.*
298.

Paragraphus Primus.

Confutatur Assertio P. Le Dent,
298:
*Qui operatur propter temporalia est mercena-
rius, scilicet ille qui operatur propter æterna,*
298.
*Aliud est timere pœnam, aliud est amare vi-
tam æternam, 300.*

INDEX CAPITUM OPUSC. IV. DE CONTRITIONE.

Aliud est desiderium premii, aliud formido supplicii, 301.

Paragraphus Secundus.

Confutatur primum argumentum P. Le Dent, 302.

Paragraphus Tertius.

Insistantia cuiusdam Junioris, 303.

Paragraphus Quartus.

Confutatur secundum argumentum Patris Le Dent, 305.

Paragraphus Quintus.

Confutatur tertium argumentum P. Le Dent, 308.

Pater Le Dent non fideliter recitat testimonium S. AUGUSTINI, 308.

Idem sibi contradicit, 309.

Paragraphus Sextus.

Confutatur aliud Adversariorum argumentum contra secundam assertionem, 310.

Vnus ultimus finis potest haberi in re, & alius in voto, 311.

Quo sensu dicit D. THOMAS, quod minima gratia sufficit ad resistendum cuicumque concupiscentia, & minima contritio ad delendum quacumque peccata, 312.

Paragraphus Septimus.

Breve pro praxi documentum, 312.

Diversa SS. Patrum testimonia, ex quibus contritionis signa percipies, 313. & sequentibus.



INDEX

INDEX CAPITUM

OPVSC, V.

Et brevis insinuatio eorum, quæ in illis
continentur.

DE PROBABILITATE.

Proëmium, 321.

CAPUT PRIMUM.

*Verus modus expurgan-
di probabilitatem ad mē-
tem Angelicā stabilitur,*

323.

Paragraphus primus.

Probabilitas assensus est inordinatio
intellectus orta ex peccato primi ho-
minis, 323.

Probabile sygnum se habet ad intellectum,

sicut delectabile sensus ad voluntatem, 324.

Paragraphus Secundus.

Medium probabile separari potest
à formidine oppositi, 324.

*Triplex assensus sine formidine oppositi de-
claratur ex D. THOMA. 325.*

Differentia inter credere, & opinari, 326.

*Ex ignorantia terminorum impugnatur pro-
babilitas faciendo vim in verbo opinionis,*

326.

Nescientis, & dubitantis dispositio, 327.

*Voluntas potest determinare intellectum ad
assensum sententia minus probabilis sine for-
midine probabiliore, 327.*

Pa-

Paragraphus Tertius.

ALio Angelici Solis testimonio confirmatur doctrina tradita, 327.
Elegantissimè D. THOMAS explicat dispositiones dubitantis, opinantis, scientis, & credentis, 328.
In medio probabili distinguitur duas rationes, unam de lineâ intellectûs, aliam de lineâ voluntatis, 328.

Paragraphus Quartus.

Verus modus expurgandi probabilitatem, 330.
Ea propriè probabilitati subiiciuntur, quorum veritas ignoratur, 331.



CAPUT SECUNDUM.

In lege naturali nulla probabilitas, 332.

Paragraphus Primus.

Quæ ignorantia excuset à peccato? 332.
Triplex à S. THOMA dicitur ignorantia voluntaria, directè, indirectè, & per accidens, 333.
Tertium modum, quo ignorantia dicitur voluntaria per accidens, non consideraverunt Iuniores, 334.

Paragraphus Secundus.

Probatur ex Angelico Sole, ignorantiam legis naturalis non excusare à peccato, 335.
Omnis error, quo bonum creditur esse quod malum est, oritur ex aliquâ passione, vel habitu. 335.
Principia secundaria legis naturæ possunt ignorari, secus primaria, non tamen inde sequitur, quod possint ignorari invincibiliter, 336.

Paragraphus Tertius.

Confirmatur altero Angelici Solis testimonio, ignorantiam legis naturalis non excusare à peccato, 336.
Triplex cognitionis principium, lumen naturale intellectûs, lumen alienius habitus, lumen alienius principii intelligibilis, 336.
Quæcumque oblivio, quæcumque ignorantia, quæcumque non advertentia oritur ex defectu alicujus bonæ cogitationis, quam habuissimus, si mens ad alias vanas cogitationes non se applicuisset, nullatenus à peccato excusare possunt, 337.
Merito doctrinam P. Baunii Jesuitæ gravi censurâ coercuit tota Sorbona, 334.

Paragraphus Quartus.

EX S. AUGUSTINO, ignorantiam legis naturalis nunquam à peccato excusare, evincitur, 339.
Duplex ignorantia secundum S. AUGUSTINUM,

NUM,

NUM, una potestis intelligere, & nolentis: ✧ neam certam; hanc excusare, secus illam, alia est volentis intelligere, & impotentis, ✧ 35 L.

340.

Prima est ea, quam S. THOMAS dicit voluntariam per se: secunda est ea, quam dicit voluntariam per accidens, 340.

Ex SYLLOGISMO PRACTICO elucidatur mirum in modum doctrina præsens, 341.

Promulgatio juris positivi fit per exteriorem verbi prædicationem, cui nihil obstat interiora nostra. At promulgatio juris naturalis fit per interiorem cordis inspirationem, cui plurimum effluunt passionēs, & habitus corrupti, 342.

Paragraphus Quintus.

SECUNDUM S. AUGUSTINI testimonium, quo conformiter ad doctrinam Anglicam probatur, ignorantiam legis naturalis non excusare, 342.

Paragraphus Sextus.

RADIX doctrinæ traditæ enucleatur, 342.

Paragraphus Septimus.

DETERRIMA Probabilistarum confectaria transglutire coguntur, qui ignorantiam juris naturalis à peccato credunt excusare, 347.

Si vera sit Juniorum sententia, pauci hæretici propter suam hæresim damnantur, 349.

Futile est distinguere cum aliquibus opinionem falsam probabilem, & opinionem erro-

Paragraphus Octavus.

DILUUNTUR quatuor objectiones, 351.

Obiectio prima ex defectu advertentia, 352.

Peccatum ex ignorantia reducit S. AUGUSTINUS ad originale peccatum, non ut ab eo sumat rationem voluntarii; sed propter errorem, 353.

Quo sensu dicit S. AUGUSTINUS quod erramus inviti, 343.

Obiectio secunda ex voluntario in causa, 354.

Obiectio tertia ex peccato infirmitatis, 354.

Redditur ratio cur lex naturalis obtenebrata sit, & opus fuerit lege exteriori, 355.

Quomodo lex exterior auxit peccatum, & concupiscentiam, 356.

Doctrina S. AUGUSTINI durus est Molinistis sermo, 357.

Obiectio quarta ex pollutione puberum,

Qui nesciens pollutionem esse malam, polluit se voluntarie, peior est eo qui ex passione solummodo polluit se, 358.

Quicumque ex ignorantia peccat contra legem naturalem gravius peccat, quam ille qui peccat ex passione contra dictam legem, 359.

Pessimè sunt dispositi, qui ex ignorantia legis naturalis peccant, 360.

Paragraphus Nonus.


CONCLUDITUR præsens caput abominanda Caramuelis doctrina, 360.

*** ij

Inordi-

Inordinatum est quicquid contra legem naturalem ex probabilitate concluditur, non minus ac iudicium inferioris contra superiorem latum, 360.

Impugnatio Caramuelis ex Salmanticensibus 361.



CAPUT TERTIUM.

In lege divina probabilitas subijcitur, 363.

• Paragraphus primus.

NVlla probabilitas falsa excusat à transgressione legis divinæ, 364.
Deus, quantum est in se, semper paratus est nobis dare suam lucem, 365.
Celeberrimus S. AUGUSTINI locus, quo Molinistæ plurimum abutuntur, 365.

Paragraphus Secundus.

PRObatur ex gemino Ecclesiæ Sole, probabilitatem falsam non excusare fideles à transgressione legis divinæ, 367.
Medium probabile stans pro lege est signum infallibile practicum, 368.
Eo solo quis peccat, quod certis incerta præponat, 369.
Duplex certitudo, una conscientia, alia legis, 371.
Metus cum quo operari debemus non se tenet ex parte conscientia, sed ex parte veri-

tatis, quæ non certò, & evidenter cognoscitur, 371.

Paragraphus Tertius.

IDem ratione probatur, ut aiunt, à priori, 371.
Ratio humana se habet ad legem divinam, sicut sensus se habet ad rationem, 371.
Probabilitas falsa non est nisi veritatis apparentia, 371.
Inordinatum est iudicare de intelligibilibus secundum apparentiam sensuum, ita inordinatum est iudicare de supernaturalibus secundum apparentiam rationis, 371.
Censura Illustrissimi Domini EPISCOPI VINCENSIS, 372.
Multiplex Probabilistarum inconstancia, constansque contradictio, 373.
Legis divinæ immutabilitas, 374.
Quò quis magis errat, eo prudentius agit apud Probabilistas, 375.

Paragraphus Quartus.

ADducitur doctrina Angelica quodlibeti 8. ar. 13. ex qua ostenditur, in quo defecerint Juniores, 376.
Lex divina, & conscientia sunt duæ regulæ disparatæ in ordine ad peccatum: sed in ordine ad vitandum peccatum sunt regulæ subordinatæ, 377.
Eiusmodi quòd aliquis agat contra conscientiam peccat, non tamen eo ipso quòd aliquis agat secundum conscientiam vitat peccatum, 378.
Non ideo quis non peccat, quia putat certò se non peccare, 379.
Certitudo conscientia non sufficit ad securitatem, 379.
Qua sit certitudo Sanctorum, 379.

Clarè

Clarè exponitur doctrina Angelica, 380.

Paragraphus Quintus.

Non licet lequi sententiam alterius contra propriam sententiam, quâ credimus aliquid esse illicitum, 380.

Mirabilis GRATIÆ VERSATILIS, & PROBABILITATIS conformitas, 380.

Valdè differunt, credere, quod aliqua sententia sit probabilis, & credere, quod à parte rei sit vera, 381.

Indicatur id quod facis suum in presenti materia, 382.

Peccatum est mutare sententiam rectè acceptam, 384.

Paragraphus Sextus.

Solvuntur argumenta in contrarium, 386.

Nulla est apud Probabilistas scientia morum, 386.

Decretum ARCHIEPIEPISCOPI MECHLINIENSIS, 387.

Quid SINNICHUS de securitate, quam promittunt Probabilistæ, 387.

PAROCHI PARIENSES plurimum laudandi, 387.

D. FAGNANI sine oculis videntis iudicium de Probabilistis, 387.

ANTONIUS MEKENDA. dicit usum probabilistarum esse COMMENTUM DIABOLI, 388.

JOANNIS CARAMUELIS APOLOGEMA, & APOLOGIA CASUISTARUM à Summo Pontifice reprobantur, 388.

Quicumque obligatur præcepto divino, illud cognosceret, & faceret, si temporalia non amaret, 388.

Detegitur radix cur error in factis possit esse

involuntarius, secus error juris divini, 390.

Peccatum ignorantie nunquam est contra conscientiam, sed solum est contra legem, 391.

Elegantissimum D. THOMÆ testimonium, quo ostenditur voluntatem excludere formidinem oppositi, 392.

Ex hoc, quod voluntatis sit firmitas assensus, in his quæ non evidentè cognoscuntur, destruiunt totaliter Probabilistarum doctrinam, 394.

CAPUT QVARTVM

In lege humanâ probabilitas dominatur, pag. 394.

Paragraphus Primus.

Quæ sit legis humanæ natura? 395.

Duplex legis humanæ præceptum, 395.

Aliud est non scire conclusionem, aliud contrarium conclusionis deducere, 395.

Distinctio legis Ecclesiasticæ à lege civili, 396.

Laxitates Probabilistarum circa cultum Dei, 397.

Eradicatur sententia docens attentionem internam non esse necessariam ad horas, 397.

Paragraphus Secundus.

Probabilitatis dominium in lege humanâ stabilitur, 398.

****** iij*

In

INDEX CAPITVM OPUSC. V. DE PROBABILITATE.

In concursu sententiarum probabilium cor-
datis praesumitur, legislatorem humanum non
velle obligare in conscientia, 399.

Ratio probabilis contrarium se habet ad le-
gem humanam, sicut defectus conditionis ad
valorem legis requisita, 399.

Colligitur supradicta praesumptio ex perfectio-
ne hominis, 399.

Similiter ex fine dominii humani, 400.

Item ex libertate Evangelica, 401.

Lucidissimum S. CHRYSOSTOMI testimonium
contra eos, qui grave pondus venientibus ad
penitentiam imponunt, 401.

Quid in legibus humanis pro praxi obser-
vandum? 402.

Diversi casus ex hac regula judican-
tur contra laxitates Probabilistarum,
403.

1. De furto filiorum, 404.

2. De furto famulorum, 404.

3. De affectu domini ad servum furantem,
405.

4. De sartore, 405.


5. De taxatione pretii, 405.

6. De fisione personae, 406.

7. De jurante sine animo iurandi, 406.

8. De usu restrictionum mentalium coram
Iudice, 407.

9. De restrictione mentali, 407.



Paragraphus Secundus.

CAPUT QUINTUM.

*Tres regulæ ad rectum de-
agendis iudicium effor-
mandum. pag. 403.*

Paragraphus primus.

Prima regula regulans intellectum,
403.

PRIMA REGULA. Quandocumque intelle-
ctus movetur ab aliquo fallibili sensu est ali-
qua inordinatio in ipso sive perfecte, sive
imperfecte moveatur, 403.

Secunda regula rectificans volunta-
tem, 410.

SECUNDA REGULA. Semper contingit in-
ordinatio quando aliquid movetur à non
proprio motivo, sicut voluntas moveatur à
delectabili sensu cum debeat tantummodò
moveri ab honesto, 410.

Satisfit cuidam CONSULTORI ROMANO,
410.

Judicium ex hac Regula diversorum
casuum contra laxitates Probabilistarum,
410.

1. De victu ob solam voluptatem, 410.

2. De amictu ob fastus inclinationem, 411.

3. De dolore peccatorum ob malum tempo-
rale, 411.

4. De ludice accipiente, 411.

5. De

5. De Iudice per concubinam *ſeſtendo*, 412.

6. De contractu Mohatra, 412.

Viliſſima traditur pro-Vſuris doctrina, 413.

Paragraphus Tertius.

Tertia Regula regulans amanda, 414.

Ad amorem iuſtitie pertinet ut unumquod-que ametur ſecundum quod ordinatum eſt, 414.

Diſtinguuntur diligenda à concupiſcendis, 415.

Quatuor ſunt ex charitate diligenda, 415.

Paragraphus Quartus.

Ordo diligendorum, 416.

Hic eſt ordo diligendorum, Plus debet homo diligere Deum, quam ſeipſum. Plus ſeipſum, quam proximum. Plus proximum, quam corpus ſuum, 416.

In proximis diligendis quis ordo? 417.

Ille alteri præferendus eſt ad ſdem bonum, qui eſt magis diligenti coniunctus, 417.

Paragraphus Quintus.

Ex ordine diligendorum assignato aliquæ ex multis diſſolvuntur Probabilistarum laxitates, 419.

1. De præcepto amoris, 419.

Doctrina P. SIRMUNDI leſuita, 419.

Elidunt TAMBURINI diſcuſſus, 420.

2. De externis charitatis actibus, 421.

3. De occaſionibus vitandis, 421.

4. De cooperantibus ad peccatum, 423.

Paragraphus Sextus.

Ordo concupiſcendorum, 424.

Hic eſt ordo concupiſcendorum.

Minora ſubdenda ſunt majoribus, corporalia ſpiritalibus, temporalia ſempiternis, 424.

Deciduntur tres caſus contra laxitates Probabilistarum, 425.

1. De homicidio propter res temporales, 425.

2. De homicidio propter famam, & honorem, 426.

3. De Simonia, 427.

Finis concluditur. 429.

APPRO:



DE NATURA PURA. SEU DUPLICI DEI AMORE. *OPUSCULUM SECUNDUM.*



Proemium.

I. **Q**uidam proprio præoccupati iudicio, nec Angelico attendentes Lumini, S. THOMAM à S. AUGUSTINO dissentientem circa naturam puram nobis repræsentant; Solemque Angelicum tacite sugillant nimium adhæsisse principiis Aristotelis, atque ex illis in materiâ Philosophis incognitâ sua stabilivisse dogmata, cum magno veritatis præiudicio, nec-non & gratiæ à S. AUGUSTINO per viginti annos gloriosè contra Pelagianos defensiæ. Hi litteram S. AUGUSTINI magis ponderantes, quàm spiritum ejus & sensum, plusque propriæ rationis studio quàm infuso Angelici Solis Lumine veritatem indagare præsumentes, defecerunt scrutantes scrutinio: ut merito de veritate suspecti in diversas inciderint à Sede Apostolicâ censuras.

II. At fidelissimus S. AUGUSTINI discipulus, & Communis omnium Doctor Sol Angelicus S. THOMAS Aquinas apprimè Sciens litteram occidere, spiritum verò vivificare, lumine plusquam humano non tam litteram, quàm mentem sapientissimi Magistri sui ponderavit; & secundùm eam dijudicans, adeò veritatem Doctrinæ Catholicæ est assecutus, ut qui eum sequitur, nunquam de veritate possit esse suspectus. Hic triumphat Angelica Schola, quæ Discipulum conjungens Magistro necessitatem GRATIÆ VICTRICIS,

A

in naturâ infirmâ cum S. AUGUSTINO defendit, & vires naturæ sanæ independentes à gratiâ Deificante cum S. THOMÂ intrepidè tuetur, non tamen sine auxilio Dei moventis & PRÆDETERMINANTIS. Necessitas GRATIÆ VICTRICIS in naturâ infirmâ non contrariatur viribus perfectè subordinatis naturæ sanæ: nec independentia à gratiâ Deificante in naturâ sanâ tollit GRATIAM VICTRICEM naturæ infirmæ. Cum necessitate gratiæ doctissimè componit Angelica Schola libertatem arbitrii; & cum independentiâ naturæ sanæ à gratiâ Deificante prudentissimè conservat causæ primæ dignitatem. Etenim Deum non minùs naturæ, quàm gratiæ recognoscit authorem; non minùs rationis, quàm fidei credit institutorem; non minùs amoris naturalis, quàm charitatis reputat inspiratorem; omne siquidem donum optimum descendens à Patre luminum, apud quem non est transmutatio, nec vicissitudinis obumbratio.

III. S. AUGUSTINUS à Deo specialiter electus, ut tamquam antemurale murum Ecclesiæ contra Manichæos & Pelagianos gloriosè defenderet, omnem suam doctrinam ad duo capita revocavit, videlicet, naturæ ex dono Deificante sanitatem, naturæ ex peccato originis infirmitatem. Ex primo capite, solam hominis voluntatem esse peccati omnisque humanæ miseriæ causam adversus Manichæos convincebat; ex secundo capite necessitatem gratiæ sanantis & PRÆDETERMINANTIS contra Pelagianos astruebat. Quod factum fuit solummodò respexit S. AUGUSTINUS, quid fieri posset non curavit. An sanitas naturæ aliter institui posset, impertinens erat ad ejus intentum quæstio; cui pro Manichæis sufficiebat sanitas à Deo instituta, liberrimâque hominis voluntate deperdita; cui pro Pelagianis satis erat naturæ ex peccato originis infirmitas, & gratiæ sanantis necessitas.

IV. S. THOMAS à Deo specialiter electus, ut sapientes hujus mundi in suâ comprehenderet sapientiâ, duo in actibus humanis consideravit principia, naturam naturaliter rectam, & gratiam supernaturaliter deificantem. Hinc non solum quid factum esset, sed quid fieri posset attendit; ut non minùs prudenter, quàm subtiliter ea quæ sunt naturæ ab iis quæ sunt gratiæ segregaret; necnon quæ sunt naturæ redderet naturæ, & quæ sunt gratiæ redderet gratiæ; ipsam verò naturam & gratiam, quæ Dei sunt, redderet Deo, magnificando eum apud sapientes tam ut naturæ conditorem, quàm ut gratiæ largitorem; naturam subjiciendo gratiæ; rationem captiuando in obsequium fidei; amorem Dei naturalem subordinando charitati; denique demonstrando, quòd suppositâ naturæ elevatione naturale felicitatis desiderium compleri non possit, nisi in visione Dei per essentiam in Societate Filii Dei Domini nostri Jesu Christi, qui factus est nobis via, veritas, & vita; & in quo solo est salus, & redemptio nostra.

V. Errant toto cœlo, qui veritatem attingere se putant in alio quàm in An-

angelici Solis lumine S. AUGUSTINUM intuentes. Jactent indefessum viginti annorum studium in evoluendis S. AUGUSTINI libris, uno intuitu plus vidit S. THOMAS, quàm humanum valeat per mille annos capere ingenium: siquidem lumine plusquam humano totam S. AUGUSTINI Doctrinam inspexit, penetravit, & ita mirabiliter contraxit, ut tot miracula fecisse dicatur, quot de illà edidit articulos. Quem igitur ut AUGUSTINUM contractum omnes suspiciunt, non magis est possibile, à mente S. AUGUSTINI deviasse, quàm S. AUGUSTINUM mentem suam non percepisse.

Quarè qui à viâ veritatis noluerit deviare, aut de veritate noluerit fieri suspectus S. THOMAM S. AUGUSTINO conjungat, & in utriusque Ecclesiæ Solis Lumine videbit lumen veritatis. Si S. AUGUSTINI littera videatur aliud sonare, credat firmiter mentem S. AUGUSTINI Angelicâ indiguissè explicatione; nec superbè præsumat, humano suo studio intelligere in S. AUGUSTINO, quod S. THOMAS lumine divinitus infuso non intellexit. Si S. THOMAS littera difficilis judicetur, S. AUGUSTINUS consulatur, ex quo tamquam fonte tota desumitur Angelicæ Doctrinæ puritas; nec leviter credat, Discipulum sapuisse supra Magistrum.

Quod sit hujus Opusculi intentum, & quis ordo, initium capitis primi declarabit.



CAPVT PRIMVM.

Duplex Dei amor distinguitur.

QUæcumque de naturâ purâ se ingerunt difficultates, ab unâ geminî amoris Dei distinctione ut plurimum dependent. Ad hanc igitur distinctionem stabiliendam præcipuè versabitur intentio nostra; quæ claritùs innotescet, si ante omnia explicuerimus, quid per naturam puram intelligere oporteat; & quo ordine sit procedendum?

S. I. Quid per naturam puram intelligere oportet? & quo ordine procedendum?

VI. **N**atura purâ dicitur natura carens gratiâ. Gratia verò dicitur donum indebitum; idque dupliciter. *Primò* & maximè propriè, quando donum idèò est indebitum, quia Deificat naturam in ordine ad visionem Dei per essentiam, quæ est propria Dei operatio ac beatitudo; quidquid ad hujusmodi donum spectat, communiter à Theologis nomine incomplexo vocatur supernaturale. *Secundò* aliquid dicitur indebitum, quia non consequitur principia rei; cujusmodi est immortalitas corporis, & perfectâ virium inferiorum ad superiores subjectio. Sicut enim immortalitas non consequitur principia corporis compositi ex contrariis: ita perfectâ virium inferiorum ad superiores subjectio non consequitur animam quasi ex duabus inclinationibus compositam, quarum una est ad bonum intelligibile, alia ad bonum sensibile.

Permanendo in eâdem comparatione, sicut immortalitas est duplex, ita & perfectâ subjectio est duplex. Alia est immortalitas orta ex dono quodam habituali; alia est ex auxilio actuali conservante, potest enim Deus corpus corruptibile in æternum conservare, alimentis reparantibus calorem naturalem, vel semotis omnibus corrumpentibus. Ità alia est perfectâ subjectio orta ex dono quodam habituali, alia ex auxilio actuali impediente ne vis inferior suo motu hic & nunc præveniat superiorem.

VII. Cum natura pura dicatur per carentiam gratiæ, id est, doni indebiti,

duplíciter natura pura poterit significari. Primò, ut natura pura dicatur natura carens omni dono Deificante, id est, elevante ad visionem Dei per essentiam, sive omni dono supernaturali. Secundò, ut natura pura dicatur natura carens non solum omni dono Deificante, sed etiam omni dono perfectæ subjectionis.

Præcipua difficultas est, & à quâ aliæ quamplurimæ dependent, An possit condi natura humana cum dono perfectæ subjectionis sine ullo dono Deificante & elevante eam ad visionem Dei per essentiam? Quæ difficultas ad distinctionem gemini amoris Dei reducitur, unus naturæ Deificatæ, alius naturæ in suis principiis cum dono perfectæ subjectionis relictæ: sive quòd idem est, unus qui sit Dei ut finis naturalis, alius qui sit Dei ut finis superexcedentis; unus per quem ratio operetur, alius per quem fides, sive lumen gloriæ operetur.

VIII. Hanc igitur gemini amoris Dei difficultatem præcipuè in hoc opusculo intendimus pertractare. Et idèò primò in hoc capite distinctionem exponemus; Secundò in capite sequenti ex sacris scripturis eam probabimus; Tertiò pluribus aliis capitibus doctrinam esse S. AUGUSTINI demonstrabimus; Quartò ex illà distinctione multis capitibus concludemus, non omnia infidelium opera esse peccata. Postremis autem duobus capitibus ostendemus carentiam gratiæ, tam doni Deificantis, quàm doni subjicientis, esse pœnam peccati in omni homine ex Adam oriundo; nec possibile esse ut primum peccatum oriatur ex concupiscentiâ; sed peccatum ex concupiscentiâ ortum debere esse pœnam peccati. Denique quid ex his omnibus de naturâ purâ resolvendum sit aperiemus. Quæ omnia, favente Deo, necnon utroque Ecclesiæ Solè prælucente aggredimur, solo veritatis amore permoti, ac ardenti utriusque Solis discipulos conciliandi desiderio.

§. II. *Distinctio gemini amoris Dei exponitur.*

IX. **C**Um natura humana sit plusquam specie distincta à naturâ divinâ, alia est operatio naturæ humanæ propria, & alia est operatio naturæ divinæ propria. Conveniunt natura divina & natura humana in cognitione & amore Dei, id est, utraque natura nata est cognoscere & amare Deum; cum ergo sint naturæ specie distinctæ, alius debet esse amor Dei qui sit naturæ humanæ proprius & connaturalis, & alius est amor Dei qui sit naturæ divinæ proprius & connaturalis. Impossibile enim est, ut duabus naturis, si inquantum specie distinctæ considerentur, una specie operatio sit connaturalis; & idèò si naturæ humanæ aliquis amor Dei sit connaturalis, & similiter si naturæ divinæ aliquis amor Dei sit connaturalis, impossibile est, ut unus detur specie amor Dei, qui sit utrique naturæ connaturalis.

A. iij.

Verum quod est connaturale uni naturæ fit connaturale alteri naturæ, si una natura elevetur ad participationem alterius; ut patet in igne, cui connaturale est ignire, quæ tamen operatio fit connaturalis ferro, si fiat ignitum, & naturam ignis participet. Ad hunc modum dico, quod amor Dei qui est propria & connaturalis operatio Dei, poterit esse connaturalis naturæ humanæ, si per gratiam sanctificantem fiat Divinæ consors naturæ.

X. Ecce radix gemini amoris Dei. Unus enim datur amor Dei qui est connaturalis naturæ humanæ ut distinctæ à naturâ divinâ; alius datur amor Dei qui ex quodam divinæ consortio naturæ fit naturæ humanæ connaturalis. Primo amore homo amat Deum ut universale bonitatis creatæ principium; secundo amore homo Deum amat ut increatæ fruitionis objectum. Primo amore Deus amatur ut cunctis existens causa bonitatis; secundo amore Deus amatur ut summâ suâ bonitate in seipso fruibilis.

Hinc alia oritur differentia multum observanda, videlicet, quod in amore Dei connaturali naturæ humanæ, prius origine ametur creatura, quam Deus; in amore Dei procedente ex divinæ consortio naturæ, prius ametur Deus, quam creatura. Nam sicut Deus ex amore suæ bonitatis descendit ad amandum creaturas; ita natura humana deificata ex amore Dei descendit ad amorem creaturarum. E contra in amore connaturali, ex amore sui ordinato, & cæterarum creaturarum ascenditur ad amorem creatoris, quasi per viam excessus; si enim bonitas creaturæ nobis placet, quanto magis bonitas creatoris placebit, qui omnis bonitatis creatæ sapientissimus est artifex. Quicumque diligit aliquod bonum, oportet ut largitorem istius boni quoque diligit, & ideo Deus, qui largitor est omnium bonorum nostrorum, nunquam posset à nobis odio haberi, si aliqua mala non inferret nobis, quæ magis pensamus, quam bona quæ ab eo accipimus. Ex amore igitur visibilium ad amorem invisibilium rapimur, ut in præfatione Nativitatis canit Ecclesia. Et S. Gregorius homil. 11. in Evangelia ait; *Cælorum regnum idcirco terrenis rebus simile dicitur, ut ex his quæ animus novit surgat ad incognita quæ non novit, quatenus exemplo visibilium se ad invisibilia rapiat, & per ea quæ usu didicit quasi confectus incalescat, ut per hoc quod scit nota diligere, discat & incognita amare.*

XI. Quâ ratione per amorem creaturarum ascendimus ad amorem creatoris eleganter perstringit S. AUGUSTINUS lib. 11. confess. cap. 4. his verbis: *Tu Domine fecisti ea qui pulcher es, pulchra sunt enim: qui bonus es, bona sunt enim: qui es, sunt enim. Nec ita pulchra sunt, nec ita bona sunt, nec ita sunt, sicut tu conditor eorum: cui comparata nec pulchra, nec bona sunt, nec sunt. Scimus hæc, gratias tibi, & scientia nostra scientiæ tuæ comparata ignorantia est.*

De isto amoris ascensu composuit S. Bonaventura Itinerarium mentis, quod Gerson Universitatis Parisiensis Cancellarius summopere inter alia D. Bonaventuræ commendavit. Ubi Doctor Seraphicus non minus eruditè

quàm piè dicit: „ Qui igitur tantis rerum creaturarum splendoribus non il-
 „ lustratur cœcus est; qui tantis indiciis primum principium non advertit,
 „ stultus est. Aperi ergo oculos, aures spirituales admoue, labia tua solve,
 „ & cor tuum appone, ut in omnibus creaturis Deum tuum videas, au-
 „ dias, laudes, diligas & colas, magnifices & honores; ne fortè contra
 „ te universus orbis terrarum consurgat: nam propter hoc pugnabit orbis
 „ terrarum contra insensatos. Et è contrà sensatis erit materia gloriæ; qui
 „ secundùm prophetam possunt dicere, delectasti me Domine in facturâ
 „ tuâ, & in operibus manuum tuarum exultabo. Quàm magnificata sunt
 „ opera tua Domine? omnia in sapientiâ fecisti, impleta est terra posses-
 „ sione tuâ.

*§. IIJ. Obviatur cuidam objectioni; & ex Angelico sole doctrina
 tradita confirmatur.*

XII. **O**ccurret fortè Adversarius dicens, amorem Dei ex creaturis in-
 niti fidei, quâ credimus Deum esse omnis boni creatorem; inniti
 etiam gratiæ, quæ facit nos, non inhærere creaturis, sed statim per eas
 transire ad amorem & laudem creatoris.

Verùm non percipit iste intentum nostrum. Nam in præsentì solùm in-
 tendimus, quòd sit aliquis amor Dei possibilis in quem ascendimus ex amore
 creaturæ; de principio istius amoris nondum inquirimus. Possibilitatem
 amoris Dei ex amore creaturæ causati probant evidenter quæ diximus, &
 quæ dicturi sumus. Quo posito, dicimus, quòd iste amor Dei ex amore
 creaturæ causatus, sit omnino alius ab illo amore Dei, quo Deus in seipso
 bonus ex visione divinæ essentiae amatur. Aliter enim bonitas divina in crea-
 turis relucet, aliter in divinâ essentiâ, quæ nullâ bonitate creaturæ existente
 adhuc esset luminè & infinitè bona, imò ipsa summa & infinita bonitas.

Quarè sicut nullus Cordatè dubitat distinguere duplicem Dei cognitio-
 nem, unam ex creaturis causatam; aliam ex visione divinæ essentiae; ita
 nullus Cordatè negare potest duplicem esse Dei amorem, unum ex amore
 creaturæ causatum, alium ex visione divinæ essentiae productum.

XIJJ. Si modò principia utriusque amoris velimus examinare, inveni-
 mus quòd sicut cognitio Dei ex creaturis est naturæ humanæ connaturalis tan-
 quam propria ipsius operatio: ita amare Deum ex amore visibilium erit na-
 turæ humanæ connaturale ut quid naturali cognitioni proportionatum.
 Amor sequitur ad cognitionem; ergo amor, quo in Deum rapimur ex amore
 visibilium, debet sequi ad cognitionem, quâ invisibilia Dei per visibilia quæ
 facta sunt intellecta conspiciuntur. Et sicut cognitio Dei per visionem di-
 vinæ essentiae, non potest naturæ humanæ esse connaturalis, nisi desinatur

intellectus; ita nec amor Dei, ut est increatae fruitionis objectum, potest naturae humanae esse connaturalis, nisi voluntas Deificetur, & homo fiat divinae consors naturae.

XIV. Istam de amore Dei connaturali doctrinam desumpsimus ex Praeceptore nostro Angelico Sole, qui in 3. dist. 29. q. 1. a. 3. ad 3. ait: *Dicendum quod amabilia quae sunt ad alterum venerunt ex amabilibus quae sunt ad seipsum, non sicut ex causâ finali, sed sicut ex eo quod est prius in viâ generationis. Quia sicut quilibet sibi prius est notus quam alter, & quam Deus, ita etiam dilectio quam quisque habet ad seipsum est prior câ dilectione quam habet ad alterum in viâ generationis.*

Et in corpore articuli profundè demonstrat Deum amore naturali diligere super omnia, his verbis: „ Bonum autem illud unusquisque maximè vult „ salvari, quod est sibi magis placens, quia hoc est appetitui informato per „ amorem magis conforme; hoc est autem suum bonum. Undè secundum „ quod bonum alicujus rei est, vel aestimatur magis bonum ipsius amantis, hoc amans magis salvari vult in ipsâ re amatâ. Bonum autem ipsius „ amantis magis invenitur ubi perfectius est; & idè pars quaelibet imperfecta est in seipsâ. perfectionem autem habet in suo toto: idè etiam „ naturali amore pars plus tendit ad conservationem sui totius, quam sui „ ipsius. Undè etiam naturaliter animal opponit brachium ad defensionem „ capitis, ex quo pendet salus totius: & indè est etiam quod particulares „ homines seipsos morti exponant pro conservatione communitatis, cujus „ ipsi sunt pars.

Ex quibus concludit, id quod intendimus, dicens: „ Quia ergo bonum „ nostrum in Deo perfectum est sicut in causâ universali primâ perfectâ „ bonorum; idè bonum in ipso esse magis naturaliter complacet, quam „ in nobis ipsis; & idè etiam amore amicitiae naturaliter Deus ab homine „ plus seipso diligitur.


XV. Non posset clariùs exprimi quomodò amor boni nostri, sit origo amoris Dei; & quidem ita perfecti ut super omne bonum nostrum diligatur Deus: quantò magis super omne bonum alienum? Datur igitur amor Dei, & quidem super omnia, qui ex amore creaturae ortum ducit; qui proinde non potest non esse distinctus ab amore Dei, qui ex visâ per suam essentiam Dei bonitate procedit. Quos amores sic distinguit Magister noster Doctor Ecclesiae Communis quodlib. 1. 2. 8. *Dicendum, quod diligere Deum, prout est principium totius esse, ad naturalem dilectionem pertinet; sed diligere Deum, prout est objectum beatitudinis, est gratiae.* Item 2. 2. q. 23. art. 3. *ubi specialis ratio boni, ibi est specialis ratio amoris. Bonum autem Divinum inquantum est beatitudinis objectum habet specialem rationem boni.* (Intellige, distinctam à speciali ratione boni, quam habet bonum divinum ut relucens in creaturis.)

Et idè

Et ideo amor charitatis, qui est amor huius boni, est specialis amor.

Si Deus duplici *super omnia* amore à creaturâ rationali ametur, & solus ultimus finis sit *super omnia* amandus, evidenter sequitur, Deum sub duplici finis ultimi ratione creaturam rationalem ad se convertere. Primò, ut est universale boni principium; secundò, ut, est visionis Dei per essentiam & increatæ fruitionis objectum. Secunda conversio præsupponit & perficit primam, sicut gratia Deificans perficit naturam, eamque præsupponit. Prima conversio salvatur sine secundâ, sicut natura salvatur sine gratiâ Deificante, cum quâ nullam habet necessariam connexionem, nec aliqua Cordatè fingi potest, ut magis in sequentibus declarabitur.

Nec isti gemino Dei amori aliquid obest, quòd uterque fide dirigatur, & à GRATIA VICTRICE prædeterminetur. Hoc, inquam, nihil obest, eò quòd fides in viatoribus surrogetur loco luminis gloriæ, à quo connaturaliter petit procedere amor Dei, ut est beatitudinis increatæ objectum. Unus est amor viæ & patriæ, ait enim Apostolus, *charitas nunquam excidit*. Quod à Beatis videtur & amatur, hoc ipsum est, quod a nobis creditur & amatur. Est igitur per accidens, quòd Deus ut est propriæ beatitudinis objectum à nobis ametur cognitione fidei, cum cognitione luminis gloriæ postulet sic amari. Est etiam per accidens quòd amor boni divini, ut ex creaturis relucet, per fidem habeatur. Potest enim Deus solo lumine naturali extra visionem divinæ essentiae *evidenter* cognosci esse universale boni principium, per quam cognitionem qui aliquod particulare bonum amat, ascendit connaturaliter ex amore boni particularis ad amandum bonum illud, quòd esse cognoscit universale boni principium. Nec ad hoc opus esset GRATIA VICTRICE, si natura foret sana, id est, si vires inferiores perfectè subjicerentur superioribus. Quam perfectam subjectionem potest Deus præstare sine ullo dono Deificante, id est, absque ullâ elevatione ad amandum Deum per essentiam suam visum. Et in hoc existimamus hallucinatos fuisse Adversarios, quòd naturæ sanitatem voluerint indispensabiliter esse à dono Deificante, cum possit esse ab alio dono multò inferioris ordinis. Non negamus, quòd in Adamo fuerit à dono Deificante; sed intendimus naturæ sanitatem posse à Deo dari sine dono Deificante.



CAPVT SEC V N D V M.

Duplex Dei amor Probatur ex sacris scripturis.

Benedicam Dominum qui tribuit mihi intellectum, canebat vir secundum cor Dei; & ego Benedicam Dominum qui tribuit mihi in Angelicâ crudiri doctrinâ. Etenim video illius Impugnatores jure merito de veritate fuisse suspectos; & eos qui præsumperunt aliter intelligere S. AUGUSTINUM, quàm intellexit cum S. THOMAS, conspicio in manifestos cecidisse errores. Benedictus igitur ille, cui Deus Angelicum tribuit intellectum.

§. I. Punctus difficultatis aperitur.

XVII. **C**onvenimus cum Adversariis, quod non possit condi creatura rationalis nisi in tali statu, ut legi obedire possit propter justitiam legis; ut amare possit justitiam, diligere veritatem, concupiscere bonum, voluntate benefaciendi benefacere, declinare peccatum quia injustum est. Ex quo apertè sequitur, esse aliquem Dei amorem & justitiæ, qui sit debitus creature rationali, ad quem connaturalem habet ordinem, & sine quo non potest recta condi creatura rationalis. Non enim putandum est, minoris fecisse Deum creaturam rationalem factam ad imaginem suam, quàm ceteras creaturas, quibus indidit inclinationem in finem naturæ suæ consentaneum. Deus est finis creaturæ rationalis, amor est vitalis ejus inclinatio; cum ergo inclinatio ad finem detur propter finem, necessarium est, si sit aliquis finis debitus & connaturalis creaturæ rationali, ut amor ille qui est vitalis ad finem inclinatio, sit quoque creaturæ rationali debitus & connaturalis.

XVIII. Communem hanc uniuscujusque rei in Deum inclinationem breviter exponit Doctor Communis ac Magister Noster, quodlib. 1. a. 8. dicens: *Deus est bonum commune totius universi, & omnium partium ejus: unde qualibet creatura suo modo naturaliter plus amat Deum, quàm seipsam: insensibilia quidem naturaliter; bruta vero animalia sensitivè; creatura verò rationalis per intellectualem*

CAP. II. DUPLEX DEI AMOR PROBATUR EX S. SCRIPT. **II**
amorem qui dilectio dicitur. Absurditatem per se redolet, quod creatura rationalis bonum creatum connaturaliter cognitum, possit amare connaturaliter; Deum verò, quem esse ultimum suum finem connaturaliter cognoscit, non posset connaturaliter amare. Ad cognitionem boni sequitur amor boni; si cognitio fuerit sensitiva, amor erit sensitivus; si fuerit rationalis, amor erit rationalis: ergo similiter si cognitio boni divini sit debita & connaturalis creature rationali, amor boni divini erit etiam debitus & connaturalis; nec quoad hoc nisi apud insipientes ulla potest esse difficultas.

XIX. Verùm tota difficultas in hoc versatur, utrum ille amor Dei qui est creaturæ rationali debitus & connaturalis sit amor Dei ut est beatitudinis increatæ objectum, sive quod idem est, utrum sit ille amor per quem fides operari dicitur ab Apostolo. Nam si semel prædictus amor Dei connaturalis non sit amor per quem fides aut lumen gloriæ operatur, nec attingat Deum ut est increatæ fruitionis objectum, evidentissimè sequitur. ponendum esse duplicem Dei amorem; unum per quem cognitio connaturalis operetur, alium per quem fides, aut lumen gloriæ, operetur; unum qui Deum ut in creaturis relucentem attingat, alium qui tendat in Deum ut in seipso beatum. Primò igitur ostendam, amorem per quem fides operatur non esse creaturæ rationali debitum & connaturalem; Deindè probabo S. Scripturas alium agnovisse amorem Dei, qui sit distinctus ab illo per quem fides operatur.

§. II. *Probatur ex S. Scripturis, amorem per quem fides operatur non esse creaturæ rationali debitum & connaturalem.*

XX. **A** Morem per quem fides operatur non esse creaturæ rationali debitum & connaturalem, efficaciter probat Apostoli locus 1. cor. 2. ubi dicitur: *Quod oculus non vidit, nec auris audivit, nec in cor hominis ascendit, quæ præparavit Deus iis qui diligunt illum, nobis autem revelavit Deus per spiritum suum.* Certum est, amorem per quem fides operatur terminari per se primò ad ea quæ oculus non vidit, nec auris audivit, nec in cor hominis ascendit: his enim omnibus nihil aliud intelligitur, quàm fruitionem Dei per visionem divinæ essentiae, & quidquid Deum respicit ut est increatæ beatitudinis objectum, nullo sensu percipi posse, nec in cogitationem intellectus humani venire posse, sed speciali revelatione per spiritum Dei intelcere.

Cujus rationem reddit ipse Apostolus subdens: *spiritus enim omnia scrutatur etiam profunda Dei. Quis enim hominum scit quæ sunt hominis, nisi spiritus hominis qui in ipso est? ita & quæ Dei sunt nemo agnovit nisi spiritus Dei? Quasi*

diceret, cogitationes cordis nostri, & internos animi nostri motus tollimus, nec quispiam alius ea cognoscere valet, si ei cor nostrum non revelemus. Ita ea, quæ Deus ad intra operatur, solus ipse novit, nec cuiusvis ea videre, nec auris ea audire valet, nec in cor hominis ascendere possunt, id est, non possunt ullo modo cognosci, si Deus per spiritum suum ea non revelaverit. Et benè per spiritum suum dicitur Deus ea revelare; spiritus enim Dei est amor ejus. Quamvis benevolentiam habeamus ad omnes, & in multis externis operibus mutua sit communicatio; attamen secreta cordis nostri non nisi illis communicamus, ad quos ultra benevolentiam habemus amicitiam. Ita Deus benevolentiam habuit ad creaturam rationalem, dum illam creavit, & bonitatis suæ in operibus, quæ fecit ad extrâ, relucens participem fecit: sed ultra istam benevolentiam, ad amicitiam suam elevare dignatur, dum eorum, quæ agit ad intra, ita participem facit, ut divinæ fiat confors naturæ, nec solum creatura, sed creatura Deificata evadat. Et ideo hæc Dei ad intra operantis communicatio convenientissimè dicitur fieri & revelari per spiritum Dei; qui cum sit amor, sibi attribuit super omnia opera sua, ea quæ sunt specialis amicitie.

XXI. Quis modò absurdum non diceret, istam Dei ad intra operantis communicationem esse creaturæ rationali debitam & connaturalem, sine qua non possit creari? Ipsa creatura rationalis nullum habet jus sciendi cogitationes cordis alterius creature, & dabitur in creaturâ exigentia ad cognoscendum ea, quæ intra se operatur Deus? Maneat igitur firmum, distinguendum esse duplicem Dei amorem, unum quo Deus communicatur creaturæ rationali secundum opera quæ facit ad extrâ, qui est creaturæ debitus & connaturalis, eo ipso quòd facta sit ad imaginem Dei; alium, quo Deus communicatur creaturæ rationali secundum opera quæ facit ad intra, qui totaliter superexcedit omne debitum creaturæ, & ex speciali Dei amicitia, ac magnâ ejus liberalitate solummodò communicabilis est; ac proinde non ex operibus exterioribus factis dignosci potest, sed per spiritum Dei revelari debet.

XXIJ. Eadem veritas non minùs elucet ex illis locis, in quibus S. Scripturæ dicunt, amorem per quem fides operatur, esse filiorum Dei, id est, ad filiationem Dei ordinari. 1. Ioan. 3. *Videte qualem charitatem dedit nobis Pater, ut filii Dei nominemur & simus.* Certissimum est, filiationem Dei non esse debitam nec connaturalem creaturæ rationali in Christo; ergo multò minùs in aliis hominibus. Patet consequentia, quia filiatio Dei in Christo est naturalis, in aliis autem hominibus est adoptiva. Si homo ille, qui factus est filius Dei naturalis, nullam habuit exigentiam & connaturalitatem ad

CAP. II. DUPLEX DEI AMOR PROBATUR EX S. SCRIPT. 13
hoc quod esset filius Dei naturalis; qualis exigentia & qualis connaturalitas fingi poterit in aliis hominibus ad hoc quod fiant filii Dei adoptivi? In humanis ex sola hominis bonitate, & ex mero illius beneplacito adoptatur aliquis in filium; & divina adoptatio jure naturæ possidebitur à creaturâ rationali? Quid est filius hominis, & quæ ejus tanta dignitas, ut non possit esse filius hominis, quin simul sit filius Dei; ut non possit ex voluntate viri nasci, quin ex Deo nascatur; ut non possit caro fieri, quin Deificetur; ut denique non possit humanam accipere naturam, sine divinæ consortio naturæ; fiatque ei injuria si non elevetur ad illam unitatem, de qua dictum est; *ut Sint unum, sicut & nos unum sumus, Joan. 17.*

S. IIJ. *Esse alium Dei amorem, per quem fides non operatur, sacræ paginæ testantur.*

XXIIJ. **A** Pertissimus ad hoc locus est 1. Rom. ubi ait Apostolus: *Quod notum est Dei manifestum est in illis. Deus enim illis manifestavit. Invisibilia enim ipsius à creaturâ mundi per ea, quæ facta sunt, intellecta conspiciuntur, sempiterna quoque ejus virtus & divinitas: ita ut sint inexcusabiles. Quia cum cognovissent Deum non sicut Deum glorificaverunt, aut gratias egerunt. Ex quo loco sic formatur argumentum: Cognitio, quâ invisibilia Dei per ea quæ facta sunt intellecta conspiciuntur, non est fides: sed ex tali cognitione poterant gentiles amare Deum: ergo sine fide potest amari Deus. Major est evidens. Probatur minor: ex tali cognitione poterant gentiles glorificare Deum, ei que gratias agere; alioquin non fuissent inexcusabiles: ergo poterant & amare Deum; non enim sine amore potest glorificari Deus sicut oportet.*

Nec vim hujus argumenti minuit indigentia auxilii specialis ex parte voluntatis ad Deum sicut oportet glorificandum, ei que gratias agendum; nihil, inquam, hoc obest, quia solum intendimus, quod ex sola illâ cognitione Dei per ea quæ facta sunt, seclusâ omni fidei revelatione, poterat Deus movere gentiles ad sui amorem, & debitam gratiarum actionem. Ex hoc enim possibili evidentè sequitur: esse aliquem amorem Dei, per quem fides, aut lumen gloriæ non operatur, & ad quem nulla sit revelationis, aut visionis Dei necessitas.

XXIV. Quam doctrinam ex S. AUGUSTINO desumpsimus, qui prædicta verba, scilicet de verbis Domini 11. sic interpretatur: *Manifestavit illis quibus legem non dedit: Audi quem modo manifestavit. Invisibilia enim ejus per ea quæ facta sunt intellecta conspiciuntur. Interroga mundum omnium, talis fulgerem, dispositionemque siderum, solem dei sufficientem, Lunam non solum, Interroga terram:*

fructificantem herbis & lignis, animalibus plenam, hominibus exornatam: interroga mare quantis & qualibus natalibus plenum, interroga aëra quantis volatilibus viget: interroga omnia, & vide si non sensu suo tanquam tibi respondent, Deus nos fecit. Hæc & Philosophi nobiles, & ex arte artificem cognoverunt.

Deinde exponens, quomodo dicat Apostolus, eos veritatem in iniquitate detinuisse, subdit: „Totum considerasti cœli, terræ, maris elementorumque omnium ordinem collegisti, istud non vis attendere, quod „mundus est opus Dei, idolum est opus fabri? si faber idolo, sicut dedit „figuram, daret & cor, ab ipso idolo faber adoraretur. Quomodo enim „ô homo faber tuus Deus est, sic homo idoli faber est. Quis est Deus tuus? „Qui te fecit. Quis est Deus fabri? Qui illum fecit. Quis est Deus idoli? „Qui fecit idolum. Ergo si idolum cor haberet nonne fabrum adoraret, qui „illud fecit? Ecce qua iniquitate veritatem tenuerunt, & ad possessionem „illam quam viderunt, viam perducentem non invenerunt.

Iniquitas Philosophorum fuit, quod cum cognitione; quâ pervenitur ad intelligentiam invisibilis Creatoris, Deum non adoraverunt: ergo adjuti Dei auxilio poterant cum solâ illâ cognitione Deum adorare; & specie artificii delectati ascendere ad amorem artificis; ut ipse S. Doctor magis exprimit lib. 10. confess. c. 6. *& cælum & terra & omnia quæ in eis sunt, undique mihi dicunt ut te amem, nec cessant dicere omnibus ut sint inexcusabiles. Alius autem tu misereberis cui miserus fueris, & misericordiam præstabis cui misericors fueris, Alioq; cælum & terra sævis loquuntur laudes tuas.*

XXV. DICES, aperte requirit S. AUGUSTINUS gratiam ad amandum Deum ex cognitione creaturarum: ergo non possumus ex illis concludere, dari amorem Dei qui non sit ex gratiâ. RESPONDETUR, distinguendo consequens, non possumus ex S. AUGUSTINO concludere, dari amorem Dei, qui non sit ex gratiâ Deificante, negatur. Qui non sit ex gratiâ prædeterminante, conceditur. Jam dixi intentum nostrum non esse excludere gratiam prædeterminantem, sed gratiam Deificantem & elevantem naturam ad visionem divinæ essentiæ, ac communicationem eorum quæ Deus intra se operatur.

Ut igitur, id quod intendimus clarius elucescat, advertendum est, tam esse donum Dei ipsam cognitionem quâ invisibilia De, ipse ea quæ facta sunt, intellecta conspiciuntur, quam amorem Dei ex tali cognitione datum. Si enim scriptum est, 1. Joan. 4. *Charitas ex Deo est;* scriptum quoque est Eccli. 1. *Omnia sapientia à Domino Deo est.* Et si charitas dicitur diffusa per spiritum sanctum, similiter & sapientia dicitur creata in spiritu sancto. Denique si dixit S. AUGUSTINUS, quod omnis amor boni cibus sit donum spiritus sancti, ita & S. Ambrosius dixit, quod omne verum à quocumque dicatur est à spiritu sancto.

XXVJ. Quemadmodum igitur sapientia, quæ à Domino Deo est, rectè & sapienter dividitur in eam quâ Deus per creaturas cognoscitur, & eam quâ Deus per seipsum cognoscitur; ita & amor, qui ex Deo est, rectè & sapienter dividetur in eum quo ex amore visibilibus in Deum rapimur, & eum quo Deum in seipso amamus. Et sicut utraque sapientia etsi dicatur donum spiritus sancti, una tamen est creaturæ rationali debita & connaturalis; alia eam totaliter superexcedens: ita & uterque amor etsi dicatur donum esse spiritus sancti, unus tamen erit creature rationali debitus & connaturalis; alius eam totaliter superexcedens. Denique quemadmodum nullus Cordatè negat creaturam rationalem auxilio Dei illuminantis posse per vires sibi proportionatas pervenire ad sapientiam sibi commensuratum & connaturalem, per quas tamen non potest ad sapientiam superexcedentem pervenire; ita nullus Cordatè negare potest creaturam rationalem auxilio Dei inflammantis posse per vires sibi proportionatas pervenire ad amorem Dei sibi commensuratum & connaturalem, qualis est amor Dei ex amore visibilibus, per quas tamen non poterit ad amorem Dei superexcedentem, qui ex visione divinæ essentiae oritur, pervenire.

XXVIJ. Quarè qui desipere noluerit, Angelico Doctore se subiciat, & in tanti Solis lumine legat S. AUGUSTINUM; & procul dubio agnoscer non tam ex principiis Philosophi, quàm ex fide rationem captivante traditam esse ab Angelico Sole distinctionem duplicis ultimi finis, quorum unus sit creaturæ rationali connaturalis, ad quem auxilio Dei sibi proportionato per vires sibi proportionatas pertingere potest, si non obstat concupiscentie prævenientis impedimentum; alter naturam rationalem superexcedens, quia naturæ divinæ proprius & connaturalis, ad quem non nisi auxilio Dei elevante, & per vires Deificatas gratis & ex superabundanti Dei pietate transmittitur. Quid Adversarios deceperit, dicemus inferius.





CAPVT TERTIVM

*Doctrina S. AUGUSTINI de amore justitiæ, cum
expositione S. THOMÆ.*

A Mor justitiæ, & beatitudo creaturæ rationalis sunt duo Doctrinæ AVGVSTINIANÆ capita, ex quibus concludere satagunt Adversarii repugnantiam amoris Dei, qui non sit ex fide. Si Angelicum non respiciant lumen, clarè perspexissent, possibilitatem dicti amoris ex iisdem capiibus efficacissimè astrui. Et ut hoc Cordatis sit manifestum, primò præmittemus in hoc capite Doctrinam S. AUGUSTINI de amore justitiæ, eamque Angelicà indiguissè expositione ostendemus. Deindè capite quarto ex datà Doctrinà possibilitatem amoris Dei, qui non sit ex fide, colligemus; idemque ex notione beatitudinis capite quinto, & sexto concludemus.

*S. J. Una est justitiæ forma secundum quam ab omnibus justum
judicatur.*

XXVIIJ. TRia ad intentum nostrum de amore justitiæ docet fulgentissimus Ecclesiæ Sol S. AVGVSTINVS. Primum est, quòd iudicium de veritate rerum, & actionum nostrarum bonitate, fiat in nobis ex impressione alicujus formæ incommutabilis, quam intùs conspiciamus. Ut v. g. si quis vidisset Regem Parisiis, rediens ad suam provinciam offerrentur ei diversæ Regis effigies; is gerens in animo impressam Regis imaginem, ut iudicium ferat de diversis illis effigiebus sibi oblatis, comparat eas cum imagine Regis, quam intra se conspiciat, cui videns conformari effigies, iudicat eas verè efformatas, esseque veras effigies. Ad istum modum, qui scit quid sit bonum, quid sit justitia, per impressam sibi à Deo boni & justitiæ rationem, sivè imaginem, conspiciens apud se istam boni & justitiæ imaginem, & ad eam comparans ea quæ hic & nunc occurrunt agenda, iudicat inter illa quid sit verè bonum, & quid sit verè justum: quidque alio melius, quidque alio justius.

Islam doctrinam luculenter tradit lib. 8. de Trinitate, ubi cap. 3. sic se exprimit:

CAP. IIJ. DOCTRINA S. AUGUST. DE AMORE JUSTITIÆ. 17
 exprimit: „ Bonum hoc & bonum illud. Tolle hoc & illud, & vide ipsum
 „ bonum si potes, ita Deum videbis non alio bono bonum, sed bonum
 „ omnis boni. Neque enim in his omnibus bonis, vel quæ commemoravi,
 „ vel quæ alia cernuntur sive cogitantur diceremus aliud alio melius cum
 „ verè iudicamus, NISI ESSET NOBIS IMPRESSA NOTIO IPSIUS BONI SECUN-
 „ DUM QUOD ET PROBAREMUS ALIQUID, ET ALIUD ALII PRÆPONEREMUS.
 „ Sic amandus est Deus, non hoc & illud bonum, sed ipsum bonum.
 „ Quærendum enim bonum animæ non cui supervolitet iudicando, sed
 „ cui inhæreat amando. Et quid hoc nisi Deus?

XXIX. Dilucidat hanc doctrinam cap. 4. per comparisonem ad fidem,
 quæ credimus Christum esse hominem ex notione naturæ humanæ, quæ
 eadem est apud omnes, licet diversam sibi efformet quisque de Christo ef-
 figiem. Verba ejus sunt. „ Nam & ipsius Dominicæ facies carnis innumera-
 „ bilium cogitationum diversitate variatur & fingitur, quæ tamen una erat,
 „ quæcumque erat. Neque enim in fide nostrâ quam de Domino Jesu Christo
 „ habemus, illud salubre est quod sibi animus fingit, longè fortassè aliter
 „ quàm res se habet, sed illud quod secundum speciem de homine cogita-
 „ mus: HABEMUS ENIM QUASI REGULARITER INFIXAM HUMANÆ NATURÆ
 „ NOTITIAM SECUNDUM QUAM QUIDQUID TALE ASPICIMUS STATIM HOMI-
 „ NEM ESSE COGNOSCIMUS, VEL HOMINIS FORMAM.

§. II. *Ex amore istius formæ, sive rationis, quam de justitiâ
 concipimus, diligimus quæ justa sunt.*

XXX. **S**ecundum, quod de amore justitiæ docet S. AUGUSTINUS, est,
 nos diligere quæ justa sunt ex amore istius formæ, sive ratio-
 nis, quam de justitiâ concipimus. Cui doctrinæ videbatur opponi, quod
 contingat illos, qui non habent justitiâ, diligere justos; etenim ille qui
 justus non est non videtur posse scire quid justum sit, & nemo diligit quod
 ignorat. Quâ igitur ratione qui justus non est poterit ex amore justitiæ
 amare justum?

Quæstionem illam sic excitat S. Doctor cap. 6. „ Quid sit animus, ut di-
 „ ctum est, novimus ex nobis. Quid autem sit justus undè novimus, si justus
 „ non sumus? Quod si nemo novit quid sit justus, nisi qui justus est, nemo
 „ diligit justum unquam, nisi justus. Nemo enim potest diligere quem ju-
 „ stum esse credit ob hoc ipsum, quia justum esse credit, si quid sit justus
 „ ignorat, secundum quod superius demonstravimus, neminem diligere
 „ quod credit & non videt nisi ex aliquâ regulâ notitiæ generalis, sive
 „ specialis. Ac per hoc si non diligit justum nisi justus, quomodo volet
 „ quisque justus esse qui nondum est? Non enim vult quisquam esse quod

„nondum diligit. Ut autem sit justus qui nondum est, volet utque justus esse: ut autem velit, diligit iustum. Diligit ergo iustum & qui nondum justus est. Diligere autem iustum non potest, qui quid sit justus ignorat. Proinde novit quid sit justus etiam qui nondum est, ubi ergo novit? num oculis vidit?

XXXI. Ecce quaestio, cui primò respondet non oculis videri iustum, est enim, ait, *quædam pulchritudo animi iustitia, quæ pulchri sunt homines, plerique etiam qui corpore distorti atque deformes sunt. Sic ut autem animus non videtur oculis, ita nec pulchritudo ejus.*

Deinde ostendit, quòd ista cognitio intus habeatur, non tamen ut rei absantis (sicut dum apud me cogito de aliqua civitate quam vidi, aut dum fingo imaginem cujusdam civitatis de qua audio loqui) sed ut alicujus objecti præsantis, id est in animo existentis ad eum modum quo rerum rationes, definitiones, atque principia existunt in intelligente ut quid ab eo realiter distinctum. Verba illius sunt:

„Cum enim dico & sciens dico, justus est animus qui scientiâ atque ratione in vitâ ac moribus sua cuique distribuit, non aliquam rem absentem cogito sicut Chartaginem, aut fingo ut possum sicut Alexandriam, sive ita sit, sive non ita; sed præsens quiddam cerno, & cerno apud me, etsi non sum ipse quod cerno, & multi qui audiunt approbabit. Iustus verò cum id dicit, id quod ipse est cernit, & dicit.

XXXII. Denique concludit, quòd amando illam formam iusti quam apud se novit, diligit quis iustum, & si sufficienter diligeret, justus ipse etiam efficeretur: ipsa verò iustitia non ex alio amore ametur. Audiamus ipsum loquentem:

„Quod undè esse potuerunt nisi inhærendo eidem ipsi formæ quam inveniuntur, ut inde formentur, & sint iusti animi non tantum cernentes aut dicentes, iustum esse animum qui scientiâ atque ratione in vitâ ac moribus sua cuique distribuit, sed etiam ut ipsi iuste vivant iustæque morati sint sua cuique distribuendo, ut nemini quidquam debeant, nisi ut invicem diligant. Et undè inhæretur illi formæ nisi amando. Cum ergo alium diligimus quem credimus iustum, & non diligimus ipsam formam; ubi videmus quid sit iustus animus, ut & nos iusti esse possimus? An verò nisi & istam diligere iustum nullo modo eum diligeremus, quem diligimus ex istâ? sed dum iusti non sumus, minus eam diligimus quam ut iusti esse valeamus. Homo ergo qui creditur iustus, ex eâ formâ & veritate diligitur, quam cernit & intelligit apud se ille qui diligit; ipsa verò forma & veritas non est quomodò aliunde diligitur. Neque enim invenimus aliquid tale præter ipsam, ut eum cum incognita est credendo diligamus, ex eo quòd jam tale aliquid novimus. Quidquid enim tale aliquid perpe-

CAP. IIJ. DOCTRINA S. AUG. DE AMORE JUSTITIÆ. 19
„ xeris ipsa est: & non est quidquam tale quoniam sola ipsa talis est qualis
„ ipsa est.

S. IIJ. *Amor justī auget amorem justitiæ; & fide amatur Deus,
non tamquam omninò incognitus, aut omninò
non dilectus.*

XXXIII. **T**ertium, quod docet S. AUGUSTINUS de amore justitiæ, est,
quod per amorem illius qui justus est, augeatur: ex quo conclu-
dit, fide amari Deum non tamquam omninò incognitum, aut omninò non
dilectum. Hoc docet cap. 9. ubi postquam enumeravit ea quæ de se ad fi-
delium exemplum narrat Apostolus 2. cor. 6. sic loquitur:

„ Quod est enim quod accendimur in dilectione Pauli Apostoli cum ista
„ legimus, nisi quod credimus ita eum vixisse? vivendum tamen sic esse Dei
„ ministris, non de aliquibus auditum credimus, sed intus apud nos, vel po-
„ tius supra nos in ipsa veritate conspiciamus. Illum ergo quem sic vixisse
„ credimus, ex hoc quod videmus diligemus. Et nisi hanc formam, quam
„ semper stabilem atque incommutabilem cernimus, præcipue diligereamus,
„ non ideo diligereamus illum quia ejus vitam cum in carne viveret, huic
„ formæ coaptatam & congruentem fuisse fide retinemus. Sed nescio quo-
„ modò amplius & in ipsius formæ charitatem (*amorem*) excitamur per fi-
„ dem quæ credimus vixisse sic aliquem, & spem quæ nos quoque ita posse
„ vivere, qui homines sumus, ex eo quod aliqui homines ita vixerunt,
„ minimè desperamus, ut hoc desideremus ardentius & fidentius pre-
„ cemur.

„ Ita & ipsorum vitam facit à nobis diligere formæ illius dilectio secundum
„ quam vixisse creduntur; & illorum vita credita in eandem formam fla-
„ grantiorem excitat charitatem, ut quantò flagrantius diligimus Deum,
„ tantò certius sereniusque videamus: quia in Deo conspiciamus incommu-
„ tabilem formam justitiæ, secundum quam hominem vivere oportere ju-
„ dicamus. Valet ergo fides ad cognitionem & dilectionem Dei non tam-
„ quam omninò incogniti aut omninò non dilecti, sed quo cognoscatur ma-
„ nifestius, & quo firmitus diligatur.

S. IV. *Præcedens doctrina S. AUGUSTINI Angelicâ elucidatur
expositione.*

XXXIV. **S**i præcedenti Doctrinæ AUGUSTINIANÆ lumen Anglicum
non adhibueris, facile incidēs in ideas Platonicas, & diverso-

rum indè errorum fumes occasionem. Jamdudum id advertit fidelissimus Discipulus & Doctor Communis 2. 2. q. 23. a. 2. ad 1. ubi explicat ista verba sui Magistri lib. 8. de Trinit. c. 8. *Qui proximum diligit, consequens est ut ipsam dilectionem diligit. Deus autem dilectio est: consequens est ergo ut præcipue Deum diligit.* Similiter id quod dicitur lib. 15. cap. 15. *Ita dictum est, Deus charitas est; sicut dictum est, Deus spiritus est.*

Hæc verba sibi opponit S. THOMAS inquantum ex illis sequi videtur, quod charitas non sit aliquid creatum in animâ sed ipse Deus. Quibus respondet in hunc modum: *Dicendum quod ipsa essentia divina charitas est, sicut & sapientia est, & bonitas est, unde sicut dicimur boni bonitate quæ est Deus (quia bonitas quâ formaliter boni sumus est participatio divinæ bonitatis: & sapientia quâ formaliter sapientes sumus est participatio quædam divinæ sapientia) ita etiam charitas, quâ formaliter diligimus proximum est quædam participatio divinæ charitatis.* HIC ENIM MODVS LOQUENDI CONSVETUS EST APVD PLATONICOS, QUORVM DOCTRINIS IMBVTVS FVIT AVGVSTINVS. QVOD QVÏDAM NON ADVERTENTES EX VERBIS EJVS SVMPSERVNT OCCASIONEM ERRANDI.

● XXXV. Utinam & hoc adverterent, qui modò S. THOMAM à S. AVGVSTINO separant, non forent de numero eorum, qui ex verbis S. AVGVSTINI, teste Angelico Sole, sumpserunt occasionem errandi. Nam si dicimur boni bonitate Dei, quia bonitas creata quâ formaliter boni sumus est quædam participatio divinæ bonitatis: eodem prorsus sensu dici poterit, quod conspiciamus apud nos veritatem incommutabilem, sive rationes æternas, quia veritas creata quam intelligimus est quædam participatio divinæ veritatis, & rationes creatæ quas intra nos inuenimus sunt quædam participationes rationum æternarum. Certissimum est, quod extra visionem Dei per suam essentiam, veritas incommutabilis non potest in seipsâ videri, oportet igitur ut in aliquâ veritate creatâ sicut in quodam speculo relucens conspiciatur.

Similiter ratiocinandum est de ratione illâ boni & justitiæ, quam dicit S. AVGVSTINVS esse incommutabilem, & à nobis amari. Nam si dicimur inspicere veritatem incommutabilem, quia veritas creata quam inspicimus est quædam participatio divinæ veritatis; ita convenienter dici poterit, quod amando bonitatem quâ formaliter boni sumus, & amando justitiam quâ formaliter justii sumus, amemus bonitatem & justitiam incommutabilem, quia bonitas quâ formaliter boni sumus, & justitia quâ formaliter justii sumus, sunt quædam participationes divinæ bonitatis & divinæ justitiæ.

XXXVI. Evidens igitur est, eos sumpsisse ex verbis S. AVGVSTINI occasionem errandi, qui ex eo quod S. AVGVSTINVS dicat nos inspicere formam incommutabilem justitiæ, ex cujus dilectione diligimus quæ iusta sunt, concludunt unicam esse Dei dilectionem quæ ex fide sit. Nam sicut visio

CAP. IIJ. DOCTRINA S. AUGUST. DE AMORE JUSTITIÆ. 21
la formæ incommutabilis justitiæ longè distat ab illâ visione, quâ forma
incommutabilis justitiæ videtur in divinâ essentiâ; ita amor, qui sequitur
nam visionem, longè distare debet ab alio amore, qui alteram consequitur
visionem. Uno enim amore amatur bonitas divina ut bonificans creaturam,
io autem amore amatur bonitas divina ut bonificans Deum. Ad amandum
onitatem divinam ut bonificantem creaturas, connaturaliter ordinamur; ad
mandum bonitatem divinam ut bonificantem Deum, supernaturaliter eleva-
ur participatione divinæ naturæ. Et ideo amare Deum sicut ipse se amat,
gratiæ est; sed amare Deum sicut universale boni principium, naturæ est.

S. V. *Qualiter videatur in animo forma incommutabilis justitiæ, ex
cujus dilectione diligimus quæ justa sunt?*

XXXVIJ. **D**iscant hic veritatis amatores Angelicam prorsus S. AUGUS-
TINI expositionem, & ex eâ agnoscant AUGUSTINUM in
THOMA legendum. Hic mentem sui Magistri apprimè assecutus, nobis cla-
rissimè exposuit, quid voluerit S. AUGUSTINUS intelligi, dum dixit nos in-
tùs cernere formam incommutabilem justitiæ, ex cujus dilectione quæ justa
sunt diligimus. Nam q. unicâ de spirit. creat. a. 10. ad 8. sic loquitur: „Au-
„ GUSTINUS autem Platonem sequutus quantum fides Catholica patiebatur,
„ non posuit species rerum subsistentes: sed loco earum posuit rationes re-
„ rum in mente divinâ, & quòd per eas secundum intellectum illustratum
„ à luce divinâ de omnibus judicamus; non quidem sic quòd ipsas rationes
„ videamus, hoc enim esset impossibile nisi Dei essentiam videremus: sed
„ secundum quòd ILLÆ SUPREMÆ RATIONES IMPRIMUNT IN MENTES NOS-
„ TRAS, sic enim Plato posuit scientias de speciebus separatis esse, non quòd
„ ipsæ viderentur; sed secundum quòd eas mens nostra participat, de rebus
„ scientiam habet. Undè & in quâdam glossâ super illud, diminuta sunt
„ veritates à filiis hominum dicitur: quòd sicut ab unâ facie resplendent
„ multæ similitudines in speculis; ita ex unâ primâ veritate resultant multæ
„ veritates in mentibus nostris.

XXXVIJ. Et ad 9. signanter dicit: quòd REGULÆ ILLÆ, QUAS IMPII
CONSPICIUNT, SYNT PRIMA PRINCIPIA IN AGENDIS, quæ conspiciuntur
per lumen intellectus agentis à Deo participati, sicut etiam prima princi-
pia scientiarum speculativarum. Qui igitur intuetur istas regulas, *quod tibi
non vis fieri, alteri ne feceris; Iustus est animus, qui scientiâ atque ratione
in vitâ ac moribus sua cuique distribuit*; Qui, inquam, intuetur hujus-
cemodi regulas, intuetur rationes æternas; & qui diligit istas regulas, dili-
git rationes æternas. Denique qui ex amore istarum regularum determinat
se ad amandum eum, quem novit non facere alteri quod sibi non vult fieri,

quem novit scientiâ ac ratione sua cuique tribuere, iste ex amore rationum æternarum, ex amore justitiæ incommutabilis determinat, se ad amandum, sive alium, sive seipsum. A quo certè amore longè distat amor ille, quod Deus ut in seipso bonus ex visione divinæ essentiæ diligitur. Hic enim totaliter superexcedit creaturam rationalem, & non nisi ex divinæ confortio naturæ ab eâ possidetur: ille verò non est minùs creaturæ rationali debitus ac connaturalis, quàm sit ei debita & connaturalis ipsarum regularum cognitio.

§. VI. *Confirmatur præcedens elucidatio alio Angelici Solis testimonio.*

XXXIX. QUàm constans fuerit fidelissimus discipulus in allatâ sapientissimi Magistri sui expositione testatur, art. 5. q. 84. primæ partis, ubi quærit, *utrum anima intellectiva cognoscat res immateriales in rationibus æternis?* In argumento sed contrâ adducit verba S. AUGUSTINI ex lib. 12. confess. cap. 25. *Si ambo videmus verum esse quod dicis, & ambo videmus verum esse quod dico, ubi quæso id videmus? nec ego utique in te, neque tu in me: sed ambo in ipsâ, quæ supra mentes nostras est, incommutabili veritate.* Veritas autem incommutabilis in æternis rationibus continetur: ergo anima intellectiva omnia vera cognoscit in rationibus æternis. Sic ex verbis S. AUGUSTINI arguit S. THOMAS.

Verùm in corpore articuli sic dissolvit quæstionem: „Respondeo dicendum, quod sicut AUGUSTINUS dicit in 2. de Doctrinâ Christianâ; qui Philosophi vocantur, si quæ fortè vera & fidei nostræ accomoda dixerunt, ab eis tanquam ab injuriis possessoribus in usum nostrum vendicanda sunt. „Habent enim doctrinæ Gentilium quædam simulata & superstitiosa figmenta, quæ unusquisque nostrum de gentilitate exiens debet evitare. „Et ideo AUGUSTINUS QUI DOCTRINIS PLATONICORUM IMBUTUS FUERAT, „SI QUÆ INVENIT FIDEI ACCOMMODA IN EORUM DICTIS ASSUMPSIT; QUÆ VERÒ INVENIT FIDEI NOSTRÆ ADVERSA IN MELIÙS COMMUTAVIT.

XL. Liccat mihi ad hæc aurea Angelici Solis verba tantisper digredi. Utinam Angelica hæc verba perpendissent qui indefessum in S. AUGUSTINO jactant viginti annorum studium, certissimè didicissent ex fidelissimo Discipulo, qualiter interpretanda venit mens sapientissimi Magistri. Didicissent, quod non culpatur, sed magnificè laudatur S. AUGUSTINUS, si ex dictis Platonis quæ invenit fidei accommoda assumpsit, & quæ invenit adversa in meliùs commutavit. Didicissent igitur, non perfringere tacitè Angelicum Solem, quod principiis Aristotelis nimium adhæserit. E contrâ Magnificarent S. THOMAS, fecisse cum in Aristotele, quod fecit S. AUGUSTINUS.

TINVS in Platone. Nam ex dictis Aristotelis si quæ invenit fidei accommoda-
 assumpsit, & quæ invenit adversa in melius commutavit: ut sicut Platonem
 fecit S. AVGVSTINVS Christianum, ita S. THOMAS Aristotelem. Non igitur
 segregetur amplius S. THOMAS à S. AVGVSTINO, sed quid mirabile in con-
 junctione utriusque Solis suspiciatur. Eorum siquidem fulgentissimâ luce
 fastuosos gentilitatis sapientes devicit Christiana Theologia, dum quidquid à
 Platone naturali intellectus intelligentiâ sapienter contemplatum, quidquid
 ab Aristotele naturali rationis indagatione verè & subtiliter excogitatum
 fuerit, nihil fidei nostræ adversari, manifestum fecit geminus Ecclesiæ Sol
 AVGVSTINVS & THOMAS.

XLI. Redeamus ad textum Angelicum, à quo discessimus. Posuit au-
 tem Platō (ait Doctor Angelicus) sicut suprâ dictum est formas rerum per
 se subsistere à materiâ separatas, quas ideas vocabat, per quarum participatio-
 nem dicebat intellectum nostrum omnia cognoscere..... Sed quia videtur
 esse alienum à fide, quòd formæ rerum extra res per se subsistant absque ma-
 teriâ, sicut Platonici posuerunt..... Idèò AVGVSTINVS in lib. 83. qq. posuit
 loco harum idearum, quas Plato ponebat, rationes omnium creaturarum in
 mente divinâ existere, secundum quas omnia formantur; & secundum quas
 etiam anima humana omnia cognoscit..... Quòd autem AVGVSTINVS non
 sic intellexit omnia cognosci in rationibus æternis, vel in incommutabili
 veritate, quasi ipsæ rationes videantur, patet per hoc quòd ipse dicit in lib.
 83. qq. (q. 46.) quòd rationalis anima non omnis & quæcumque, sed que
 sancta & pura fuerit asseritur illi visioni scilicet rationum æternarum esse ido-
 nea: sicut sunt animæ bonorum.

Cùm ergo commune sit, & bonis & impiis conspiciere formam incom-
 mutabilem justitiæ secundum S. AVGVSTINVM, necessariò debet intelligi de
 visione rationum æternarum in illis regulis, quas naturaliter attingit lumen
 intellectus agentis à Deo participati.

CAPVT QVARTVM

Ex præmissâ S. AVGVSTINI Doctrinâ duplex Dei amor colligitur.

Si separaveris pretiosum a vili quasi os meum eris, dicit veritas Hierem. 15. Orecigitur veritatis loquemur, si pretiosam & sanam S. AVGVSTINI doctrinam à vilibus Platoniorum commentis cum Angelico Sole separaverimus.

S. J. Forma incommutabilis iustitiæ, si ab ideis Platoniciis separatur, est aliquid in mente nostrâ impressum.

XLII. **A** Gnoscit S. AVGVSTINVS rationem quamdam seu formam iustitiæ, quam animus noster apud se intuetur, & amat. Agnoscit eam stabilem & incommutabilem; nec solum iustis, sed & iniustis adesse, qui ex ejus amore diligunt quæ iusta sunt, volentes esse iusti. Hæc ratio seu forma, si separaretur ab ideis Platoniciis, debet esse quædam ratio æterna in mente divinâ existens, vel aliquid in mente nostrâ ab ipsâ ratione impressum.

Certum est, S. AVGVSTINVM non intellexisse rationem quamdam æternam in mente divinâ existentem. Primò id probat THOMAS ex lib. 83. qq. ubi dicit S. AVGVSTINVS, rationes æternas videri solum à Sanctis & puris animabus, quæ istâ visione fiunt beatissimæ, vide num. 41.

Secundò, expressè docet S. Doctor, quòd non judicaremus aliquid esse bonum & alio melius, nisi esset nobis impressa notio ipsius boni secundum quam & probaremus aliquid, & aliud alii præponeremus, vide num. 28. Ergo & ista forma incommutabilis iustitiæ est quædam nobis impressa notio, secundum quam probamus aliquem esse justum, & eum diligimus. Quam doctrinam ad quaslibet formas & naturas extendit S. AVGVSTINVS, siquidem num. 29. ait, habemus quasi regulariter infixam humanæ naturæ notitiam, secundum quam quidquid tale aspicimus, statim hominem esse cognoscimus, vel hominis formam.

Tertiò,

CAP. IV. EX DOCTRINA S. AVG. DUPLEX DEI AMOR COLLIG. 25

Tertiò, docet esse pulchritudinem animi, quâ pulchri sunt homines, plerique etiam qui corpore distorti atque deformes sunt. Pulchritudo animi debet esse quid inhærens animo, sicut pulchritudo corporis est quid inhærens corpori, nisi pretiosam fulgentissimi Solis doctrinam vilibus Platoniorum commentis commiscere volueris. Vide num. 31.

Quartò, qui habet hanc notitiam & definitionem, *justus est animus qui scientiâ atque ratione in vitâ & moribus sua cuique distribuit*, habet apud se formam incommutabilem justitiæ, ut patet ex cap. præced. Sed ista notitia & definitio est aliquid impressum in mente nostrâ, eo modo quo primorum principiorum notitia, rerumque rationes in nobis imprimuntur: ergo prædicta ratio, seu forma incommutabilis justitiæ non potest non esse juxta S. AVGVSTINVM aliquid in mente nostrâ impressum, ut quædam rationis æternæ in mente divinâ existentis participatio.

XLIIJ. DICES 1. Amor istius formæ incommutabilis non ponit in numero cum amore casto Dei juxta phrasim S. AVGVSTINI: ergo non potest esse aliquid impressum in mente nostrâ, sed erit ipse Deus.

RESPONDETUR, distinguendo ant. Non ponit in numero cum amore casto Dei implicito, conceditur. Non ponit in numero cum amore casto Dei explicito, negatur. Qui amat ipsam notionem justitiæ implicitè amat omnem illum, in quo talis notio reperitur, sicut qui amat ipsam notionem boni, amat implicitè quodcumque bonum. Cujus ratio est, quòd voluntas non fertur in ipsam rationem boni purè in abstracto, sed ut existit à parte rei; est enim principium Angelicum, quòd bonum sit in rebus, verum in intellectu; & quòd intellectus terminetur ad res ut in ipso sunt, voluntas verò fertur ad res ut in seipsis existunt, de quo vide 1. p. q. 16. a. 1. Voluntas igitur diligit id quod a parte rei justum & bonum est, sed abstrahendo ab aliqua re determinatâ; Id autem quod a parte rei justum est, implicitè includit rem illam quæ justa est. Et ideò quando amans id quod justum est cognoscit in particulari rem aliquam esse justam, tunc ex amore implicito determinat se ad explicitè amandum.

Videtur S. AVGVSTINVS ad hoc intendisse, dum loco num. 33. citato conclusit: *Valeat ergo fides ad cognitionem & dilectionem Dei non tanquam omninò incogniti, aut omninò non dilecti, sed quòd cognoscatur manifestius, & quo firmitus diligatur. Cognosci manifestius nihil est aliud, quàm explicitè cognosci quod implicitè cognoscebatur; & firmitus certè bonum diligitur quandò scitur determinatè quid à parte rei sit bonum. Vide §. sequentem.*

XLIV. DICES 2 S. AVGVSTINVS docet formam justitiæ, quam apud nos intuemur & diligimus, esse firmam & stabilem, semperque à nobis videri: ergo non potest esse aliquid impressum in mente nostrâ, cum intellectus noster non sit semper actu cogitans de justitiâ.

D

RESPONDETUR, S. AVGVSTINVM non aliam dare stabilitatem & incommutabilitatem isti formæ, quàm datur primis principiis & rerum definitionibus, quæ inuariabiles dicuntur & incommutabiles, sicut essentiæ rerum, & illæ propositiones quæ dicuntur æternæ veritatis propter necessariam connexionem prædicati cum subiecto. Quod non tollit quin sint aliquid impressum in animâ, & quædam participationes rationum æternarum in mente divinâ existentium.

Dicuntur etiam à nobis semper videri, non quia de illis continuò cogitamus, sed quia in omni loco, in omni tempore, in quacumque occasione dum occurrit cogitatio de iusto animo, semper formatur in nobis illa forma, seu definitio, quòd *iustus animus est, qui scientiâ ac ratione in vitâ & moribus suis cunctis distribuit*; eo modo quo dum occurrit cogitatio de homine, statim formatur illius ratio, quâ cogitatur esse animal rationale, aut esse talis figuræ. Et quicumque audiunt nominari iustum animum, eandem formam seu definitionem intra se concipiunt. Ita S. AVGVSTINVS tract. 35. in Joan. his verbis : *Intelligit quis in oriente iustitiam, intelligit alius in occidente iustitiam, numquid alia est iustitia quam ille intelligit, alia quam iste? separati sunt corpore, & in uno habent faciem mentium istarum. Quam video iustitiam hic consuetus, si iustitia est, ipsam videt iustus nescio quot mansionibus à meâ carne seiunctus, & in illius iustitiæ luce conjunctus.*

§. IJ. Duplex Dei amor colligitur.

XLV. **H** Inc clarissimè deducitur, distinguendum esse duplicem Dei amorem, unum qui consequitur visionem divinæ essentiæ, aut cognitionem fidei ad eam elevantem; alium qui consequitur cognitionem rationis iustitiæ mentibus nostris impressæ. Hic enim amor haberi potest sine ullâ cognitione elevante ad visionem divinæ essentiæ, & sine ullo dono Deificante, id est sine ullâ participatione divinæ naturæ, & sine illâ societate de quâ scriptum est Joan. 17. *ut sint unum sicut & nos unum sumus*. Ut enim dictum est, qui amat ipsam rationem iustitiæ, implicitè amat eum, in quo talis ratio reperitur; undè ex tali amore fit potens ad explicitè amandum, dum explicitè cognoverit. Si ergo explicita cognitio Dei ut iustus est, extra visionem divinæ essentiæ, & sine ullâ cognitione ad eam elevante haberi possit, manifestè sequitur, eum qui amat ipsam rationem iustitiæ, posse amare explicitè Deum ut iustus est.

Imò cùm Deus cognitione evidenti extra visionem divinæ essentiæ possit cognosci esse fons omnis iustitiæ, & universale boni principium; ille qui amat ipsas rationes boni & iustitiæ, non utcumque fit potens ad amandum Deum explicitè, sed insuper ad amandum eum super omnia, Nam hæc

est differentia inter Deum justum & hominem justum, quòd homo quasi partem habeat justitiæ, ipse autem Deus totam justitiæ plenitudinem & universalitatem: ac proinde justitiæ ratio perfectius esse habet in Deo, quàm in homine; & ideo amor ipsius rationis justitiæ efficacius determinat ad amorem Dei explicitum, quàm ad amorem hominis justii explicitum. Quod eleganter docuit S. AUGUSTINVS lib. de catechisand. rud. cap. ult. *Sed amandus est (Deus) non sicut aliquid quod videtur oculis, sed sicut amatur sapientia, & veritas, & sanctitas & justitia & charitas, & si quid aliud tale dicitur; non quemadmodum sunt ista in hominibus, sed quemadmodum sunt IN IP SO FONTE incorruptibilis & immutabilis sapientie.* Si ergo possit dari cognitio evidens Dei, ut est fons incorruptibilis & immutabilis sapientie, quæ sit debita & connaturalis creaturæ rationali, poterit quoque dari amor, quo ametur Deus super omnia, tanquam fons incorruptibilis & immutabilis sapientie, qui sit creaturæ rationali debitus & connaturalis. Cognitio ista evidens non potest esse cognitio fidei, nec exigit visionem divinæ essentiae; ergo independentem à fide, & omni cognitione elevante ad visionem Dei per essentiam poterit amari Deus super omnia, tanquam fons immutabilis sapientie.

XLVIJ. Ad majorem horum evidentiam sciendum est, quòd ratio illa justitiæ mentibus nostris impressa potest considerari dupliciter, primò ut quoddam bonum amantis, in quod amans feratur ex amore suæ perfectionis, & sic diligitur amore concupiscentiæ, & non castè. Secundò potest justitia considerari secundum se, ita ut per se placeat voluntati, & ex amore illius velit esse justus & amet justos, & sic diligitur amore amicitie & castè; hoc enim quod est *esse justum* placet homini per se nullà factà relatione ad aliquid aliud, & ex hac justitiæ complacentiâ, procedit ad dilectionem sui, & alterius, si seipsum & alterum noverit esse justum. En castus amor justitiæ.

Distinguamus modò duas justitias & distinctionem duarum dilectionum justitiæ consequemur. Una est justitia mentibus nostris impressa quam ratio naturalis dictat; alia est justitia tribus personis in unâ naturâ divinâ subsistentibus propria, quam fides divina dictat. Utraque castè amatur si per se placeat, & ex amore earum diligantur illa, quæ ad ipsas ordinantur. Amor prioris justitiæ attingit Deum ut communicabilem ad extra, in suis creaturis; Amor posterioris justitiæ attingit Deum ut se ad intra communicat in tribus personis. Primus amor facit hominem naturaliter rectum, & ordinatur ad magnificandum Deum in suis creaturis; secundus amor facit hominem supernaturaliter rectum, & ordinatur ad magnificandum Deum in tribus personis. In primo amore à creaturâ ad creatorem ascenditur; in quo ascensu fit homo beatus cognoscendo & magnificando Deum in omnibus suis operibus: in secundo amore, creatura non attenditur nisi ex supera-

bundanti, & independenter ab eâ fit homo beatus eâ beatitudine, quâ Deus in tribus personis est beatissimus.

XLVII. En duplex modus gubernandi creaturam rationalem. Unus quo per rectitudinem legis naturalis menti impressam, & amorem istius rectitudinis voluntati inspiratum, Deus facit creaturam rationalem per vires naturæ suæ proportionatas ex cognitione creaturarum ascendere ad contemplationem sui creatoris, & ex amore visibilium assurgere ad amorem invisibilem: in quo modo, sicut prius cognoscitur creatura quàm creator, ita prius viâ generationis, non causalitate finis, amatur creatura secundum regulas justitiæ, quàm ametur Deus explicitè ut fons omnis justitiæ, & universale omnis boni creati principium.

Alius modus gubernandi creaturam rationalem est per lumen gloriæ, aut fidem quæ sunt Dei propria revelantem, & per dilectionem Dei ut in seipso tribusque personis beati, ita ut homo factus divinæ consors naturæ, fiat quoque divinæ consors beatitudinis, dum lumine gloriæ evacuante fidem videbit Deum sicuti est: in quo modo, sicut cognitio descendit à Deo ad creaturas, ita dilectio Dei præcedit dilectionem creature.

XLVIII. In primo modo gubernandi, consideratur natura rationalis ut distincta à naturâ divinâ: ac proinde ut distinctas habens operationes; & cum finis in perfectissimâ operatione cujuslibet naturæ consistat, necesse est ut distinctæ naturæ distinctos fines habeant; Non poterit ergo in hoc modo gubernandi perducì creatura rationalis ad visionem Dei per essentiam & fruitionem ejus in tribus personis, cum hæc sint, ut ita dicam, finis connaturalis divinæ naturæ, ut condistinctæ à creaturâ rationali.

In secundo modo gubernandi, natura rationalis fit quodammodo Deus per consortium divinæ naturæ, quæ ei mirabiliter communicatur. Quare proprietates naturæ divinæ non minus ei communicantur, ac ferro ignito communicantur proprietates ignis. Proprietates Dei sunt (si sic licet loqui) videre se per suam essentiam, & seipso frui in tribus personis. Ad hæc elevatur natura rationalis per gratiam sanctificantem Deificata. Quæ igitur implicantia excogitari potest in hoc, quòd creatura rationalis creatur à Deo sine ullâ cognitione sanctissimæ Trinitatis; & consequenter sine illo amore Dei, qui in istâ cognitione fundatur; nec-non sine illâ beatitudine, quâ Deus seipso in tribus personis perfruitur. Quodnam jus in creaturâ rationali potest fingi, ut ei fiat injuria, si denegetur ei Sanctissimæ Trinitatis cognitio? si ad ea, quæ sunt Dei propria, non elevetur?

§. IIJ. *In quo defecerint Adversarii, ostenditur.*

XLIX. **I**N tribus videntur defecisse Adversarii. Primò, in eo quòd non distinxerint inter ea quæ per se sunt credibilia, & ea quæ per accidens creduntur, qualia sunt quæ per rationem naturalem evidenter de Deo cognosci possunt, de quibus sic loquitur Magister noster S. THOMAS 1. p. q. 2. a. 2. *Dicendum quòd Deum esse, & alia huiusmodi, quæ per rationem naturalem nota possunt esse de Deo, ut dicitur Rom. 1. non sunt articuli fidei, sed præambula ad articulos. Sic enim fides præsupponit cognitionem naturalem, sicut gratia naturam, & ut perfectio perfectibile: nihil tamen prohibet, illud quod secundum se demonstrabile est & scibile, ab aliquo accipi ut credibile, qui demonstrationem non capit.*

Si Adversarij cum suo indefesso studio orassent Deum precibus Sanctæ Matris Ecclesiæ, ut quæ docuit S. THOMAS intellectu conspicerent, vidissent non benè inferri; S. AUGUSTINVS docet Deum non amari ut fontem omnis iustitiæ, nisi ex fide; ergo non est possibilis amor Dei ut fontis omnis iustitiæ, qui non sit ex fide. Nam consequens illud solum verificatur in eo, qui ex fide cognoscit Deum esse fontem omnis iustitiæ. In eo autem, qui per rationem naturalem cognosceret Deum esse fontem omnis iustitiæ, & cui connaturaliter placeret forma incommutabilis iustitiæ, nulla posset esse indigentia fidei, ad amandum Deum ut fontem omnis iustitiæ. An de facto in naturâ lapsâ propter motum prævenientis concupiscentiæ non possit sine fide per dilectionem operante amari Deus ut fons omnis iustitiæ, non inquirimus modò, sed solum quid possibile sit in alio ordine rerum.

L. Secundò defecerunt Adversarii existimantes, perfectam virium inferiorum subjectionem dependere à gratiâ sanctificante, & elevante naturam ad visionem divinæ essentiae, & communicationem eorum quæ Dei propria sunt. Undè, quæso, ista connexio? quæ, amabo, fingi potest implicantia, dari creaturam rationalem cum perfectâ virium inferiorum subjectione, & plenâ potestate amandi Deum, quem evidenter, & connaturaliter cognosceret esse fontem omnis iustitiæ, universaleque boni principium, & in isto actuali amore perpetuò à Deo conservari, absque ullâ misterii Sanctissimæ Trinitatis revelatione, & communicatione beatitudinis, quâ sanctissimæ tres illæ personæ ad intra perfruuntur? quæ, inquam, implicantia in hoc fingi potest, iudicet Cordatus Theologus.

LI. Tertiò defecerunt Adversarii, eò quòd non attenderint legem æternam multipliciter participari. Considerantes enim legis æternæ unitatem, existimarunt unicum esse legis æternæ amorem; ex quo creatura rationalis

debet se ad omnia opera sua determinare; cùm enim nullum sit peccatum quod legi æternæ non adversetur, & nihil sit bonum quod ei non conformetur, sequitur nullum posse vitari peccatum sicut oportet, nec ullum fieri posse bonum actum, si non adsit amor legis æternæ, qui haberi non potest sine fide, per quam lex æterna solummodò innotescit.

Hinc inculcant legem æternam apud S. AVGVSTINVM non aliter explicari quàm quòd sit ratio, *vel voluntas Dei ordinem naturalem conservari jubens, perturbari vetans: quòd sit lex quæ justum est, ut omnia sint ordinatissima; quòd jubet avertere amorem à temporalibus, & eum mundatum convertere ad æterna.*

Inculcant etiam istam legem supra mentes nostras tanquam mutabiles præsidere, eamque in omnibus esse consulendam. Quod clarè probant ex S. AVGVSTINO in quæstionibus super Exodum q. 67. ubi ait: *Lex sempiterna est, quam consulunt omnes piæ mentes, ut quod in eâ invenerunt, vel faciant, vel jubeant, vel vetent, secundum quòd illâ incommutabili veritate perceperint. Numquid enim Moyses, quamvis cum illo Deus loqueretur, per singula credendum est, quòd consulere sole- ret Deum, si quid esset in disceptationibus tantæ multitudinis, quæ illum in hoc judi- candi negotio à mane usque ad vespèram detinebat? Et tamen nisi suæ menti præside- rem Dominum consuleres, legemque ejus æternam semper attenderet, quid justissimum judicare inter disceptatores posset, non inveniret.*

LII. QUÆ S. AUGUSTINI doctrina procul dubio verissima est; sed sepa- randum est pretiosum à vili. Lex æterna non inspicitur in seipsâ, nisi ab eis qui vident divinam essentiam. Oportet ergo ut in aliquo ejus effectu cognoscatur à non videntibus divinam essentiam; & cùm nullus sit effectus qui eam adæquatè participare possit, oportet ut cognitio legis æternæ in non videntibus divinam essentiam multiplicetur. Poterit ergo creatura rationalis per diversas leges, quæ omnes sint participationes legis æternæ, diversimodè gubernari, ita ut cuilibet ex istis legibus correspondeat suus amor, qui cò ipsò quòd sit amor legis, à lege æternâ participatæ, non pote- rit non esse amor legis æternæ; & quicumque consuluerit legem, à lege æternâ participatam, consulendus sit consuluisse legem æternam.

LIII. Adeamus S. THOMAM, ipse docebit nos omnem veritatem, nec la- tum unguem à suo Magistro discedet. Primò enim ostendit 1. 2. q. 93. a. 1. verè dixisse S. AVGVSTINVM, quòd *lex æterna sit summa ratio, cui semper obtemperan- dum est.* Hanc Magistri sui definitionem sic explicat fidelissimus discipulus: *Respondeo dicendum, quòd sicut in quolibet artifice præexistit ratio eorum, quæ consti- tuuntur per artem, ita etiam in quolibet gubernante oportet quòd præexistat ratio ordinis eorum, quæ agenda sunt per eos qui gubernationi subduntur..... Undè sicut ratio divina in quantum per eam cuncta sunt creata rationem habet artis, vel exemplaris, vel ideæ: ita ratio divinæ sapientiæ moventis omnia ad debitum finem, obtinet rationem*

CAP. IV. EX DOCTRINA S. AUG. DUPLEX DEI AMOR COLLIG. 31
legis. Et secundum hoc lex æterna nihil aliud est, quàm ratio divinæ sapientiæ, secundum quod est directiva omnium actuum, & motionum.

Item illud S. AUGUSTINI, *lex quæ summa ratio nominatur non potest cuipiam intelligenti non incommutabilis æternæque videri*, explicatur ab Angelico Sole 1. 2. q. 91. a. 5. his verbis: *Ipsa ratio gubernationis rerum, in Deo sicut in principe universitatis existens, legis habet rationem. Et quia divina ratio nihil concipit ex tempore, sed habet æternum conceptum, ut dicitur Prov. 8. inde est quod huiusmodi legem oportet dicere æternam.*

LIV. Modum, quo lex æterna à nobis cognoscitur, expressit S. AUGUSTINUS relatus à S. THOM. 1. 2. q. 93. a. 2. in argumento *sed contra*, ubi dixit, quod æternæ legis notio nobis impressa est. De hac impressione eleganter discurret Sol Angelicus, mentem Magistri sui dilucidans in corpore articuli his verbis:

„Respondeo dicendum, quod dupliciter aliquid cognosci potest, uno
„modo in seipso: alio modo in suo effectu, in quo aliqua similitudo ejus
„invenitur: sicut aliquis non videns solem in suâ substantiâ, cognoscit
„ipsum in suâ irradiatione. Sic igitur dicendum est, quod legem æternam
„nullus potest cognoscere, secundum quod in seipsâ est, nisi solus Deus,
„& beati qui Deum per essentiam vident. Sed omnis creatura rationalis
„ipsam cognoscit secundum aliquam ejus irradiationem, vel majorem,
„vel minorem. OMNIS ENIM COGNITIO VERITATIS EST QUÆDAM IRRADIATIO
„ET PARTICIPATIO LEGIS ÆTERNÆ, quæ est veritas incommu-
„tabilis, ut AUGUSTINUS dicit in lib. de verâ religione. Veritatem autem
„omnes aliquâter cognoscunt, ad minùs quantum ad principia communia
„legis naturalis. In aliis verò quidam plus, & quidam minùs participant
„de cognitione veritatis: & secundum hoc etiam plus, vel minùs cognoscunt legem æternam.

Ubique resonat AUGUSTINUS in THOMA; imò & AUGUSTINUM AUGUSTINO opponit fidelissimus discipulus, ut nulli dubium esse possit, non leviter, sed diligenter examinasse verba, & mentem sapientissimi sui Magistri. Nam ad 2. sibi objicit in hunc modum: AUGUSTINUS dicit in lib. de libero arbitrio, *lex æterna est, quæ justum est, ut omnia sint ordinatissima: sed non omnes cognoscunt qualiter omnia sint ordinatissima: ergo non omnes cognoscunt legem æternam.*

Respondet his verbis: *Dicendum quod legem æternam, etsi unusquisque cognoscat pro suâ capacitate secundum modum prædictum, nullus tamen eam comprehendere potest. Non enim totaliter manifestari potest per suos effectus. Et ideo non oportet, quod quicumque cognoscit legem æternam secundum modum prædictum, cognoscat totum ordinem, quo omnia sunt ordinatissima.*

LV. Quidquid igitur de lege æternâ à S. AUGUSTINO profertur assertum, totum à S. THOMA invenitur convenientissimè explicatum, ut mirum sit, Adversarios plus detulisse proprio lumini, quàm lumini divinitus infuso Angelici Solis; in quo si legissent S. AUGUSTINUM, certissimè agnovissent, possibilem esse amorem Dei castum, qui non sit ex fide: nihilque doctrinæ AUGUSTINIANÆ (quæ factum, non quid fieri posset, attendit) habere adversum.

Etenim si cujuslibet veritatis cognitio sit cognitio legis æternæ; ergo & cujuslibet veritatis amor erit amor æternæ legis. Non possunt negare Adversarii duplicem esse cognitionem veritatis, unam quæ ex speciebus creaturarum de Deo habetur; aliam quæ ex visione divinæ essentiae oritur, cujus loco fides surrogatur. Nec igitur negare poterunt duplicem esse amorem veritatis, unum qui amet Deum secundum illas perfectiones, quæ ex creaturis cognoscuntur; alium qui amet Deum secundum alias perfectiones, quæ ex solâ visione divinæ essentiae possunt cognosci, aut ex fide, quæ visionis est vicaria. Uterque amor est amor legis æternæ; & qui contra unum ex illis peccat, necesse est ut peccet contra legem æternam.



CAPUT QUINTUM

Ex notione beatitudinis, quàm tradit S. AUGUSTINUS, eadem duplicis amoris Dei distinctio concluditur.

P Ostquam duplicem Dei amorem ex doctrinâ S. AUGUSTINI de amore iustitiæ collegimus, restat aliud caput, notio videlicet beatitudinis, ex quâ non minùs efficaciter eadem distinctio concluditur.

§. J. Notio beatitudinis ex S. AUGUSTINO.

LVJ. **N**otionem beatitudinis inquit S. AUGUSTINUS lib. de Moribus Ecclesiæ cap. 3. his verbis: „Ratione igitur quæramus quemad-
„modum

CAP. V. EX NOTIONE BEATITUD. EADEM DISTINCT. CONCLUD 33
„ modum sit homini vivendum. Beatè certè omnes vivere volumus : neque
„ quisquam est in hominum genere , qui non huic sententiæ , antequam
„ planè sit emissâ , consentiat. Beatus autem , quantum existimo , neque ille
„ dici potest , qui non habet quod amat , qualecumque sit : neque qui habet
„ quod amat si noxium sit ; neque qui non amat quod habet etiamsi opti-
„ mum sit.

„ *Rationem reddit* : Nam & qui appetit , quod adipisci non potest , cruciatur ;
„ & qui adeptus est quod appetendum non est , fallitur ; & qui non appetit
„ quod adipiscendum esset , agrotat. Nihil autem istorum animo contingit
„ sine miseriâ ; nec miseriâ & beatitudo in homine uno simul habitare con-
„ sueverunt. Nullus igitur istorum beatus est.

„ *Undè concludit* : Quartum restat , ut video , ubi beata vita inveniri queat ,
„ cùm id quod est hominis optimum , & amatur , & habetur. Quid enim est
„ aliud quod dicimus frui , nisi præstò habere quod diligis ? Neque quisquam
„ beatus est qui non fruitur eo quod est hominis optimum ; nec quisquam
„ qui eo fruitur non est beatus. Præstò ergo esse nobis debet optimum no-
„ strum , si beatè vivere cogitamus.

„ *Et post pauca explicat quid dicatur optimum* : si id est beatum esse ad tale
„ bonum pervenisse quò amplius non potest , id est autem quod dicimus
„ optimum ; quo tandem pacto potest in eâ definitione includi qui ad sum-
„ mum bonum suum nondum pervenerit ? hoc igitur si est , tale esse debet
„ quod non amittat invitatus. Quippè nemo potest confidere de tali bono
„ quod sibi eripi posse , sentit , etiamsi retinere id amplectique voluerit. Quis-
„ quis autem de bono quo fruitur non confidit , beatus esse qui potest ?

Ipsam hominis optimum docet esse Deum ; de quo etiam lib. 8. de civitate
Dei cap. 9. dicit : *Beatum esse eum Deo frui caperit.* & ibid. *Quisquis ergo fruitur*
eo quod amat , verumque & summum bonum amat , quis eum beatum nisi miserrimus
negat ?

§. II. *Ex hac notione beatitudinis probatur , possibilem esse amorem*
Dei , qui non fit ex fide.

LXVII. **E**X hac luculentissimâ S. AUGUSTINI doctrinâ hoc formo argumen-
tum : Extra visionem Dei per essentiam potest creari homo , qui
optimum hominis , & amet , & habeat : ergo extra visionem divinæ essentiae
est possibilis aliqua hominis beatitudo : & cùm sine amore Dei non detur
beatitudo , oportet ut sit etiam possibilis aliquis amor Dei extra visionem
Dei per essentiam , & qui proinde non sit ex fide , quæ solum loco visionis
Dei surrogatur. Antecedens , in quo est difficultas , probatur ; homo qui in
E

creaturis contemplaretur Deum esse fontem omnis justitiæ, & universale boni principium, eumque sub illâ ratione amaret, iste optimum hominis, & amaret, & haberet. Sed extra visionem divinæ essentiae potest homo creari qui in istâ contemplatione & isto Dei amore jugiter permaneret: nulla enim potest fingi implicantia istius contemplationis, & jugis amoris, maximè in Angelis: ergo, &c.

LVIII. Confirmatur primò. *Id est, beatum esse*, ait S. AUG. suprà, *ad tale bonum pervenisse quò amplius non potest, id est autem quod dicimus optimum.* Sed contemplari Deum ex creaturis, eumque ut universale boni principium amare, est tale bonum hominis ad quod facultate suæ naturæ amplius pervenire non potest: ergo ista contemplatio & iste amor erunt optimum hominis, eumque beatum facient, consideratâ suæ naturæ facultate.

Confirmatur secundò. *Quisquis fruitor, eo quod amat, verumque & summum bonum amat, quis eum beatum nisi miserrimus negat?* ait S. AUGUSTINUS: Sed qui contemplatur Deum ex creaturis, eumque ut universale boni principium amat, iste verum & summum bonum amat, & eo fruitor juxta facultatem suæ naturæ, non enim est possibile ut viribus suis naturalibus aliter Deum possideat. *Quare* sicut homo verè dicitur possidere visibilia dum ea videt, tangibilia dum ea tangit; ita & intelligibilia dum ea intelligit, solo siquidem intellectu possidetur veritas. Qui intelligit veritatem, & amat eam, fruitor eâ; præstò enim habet quod diligit. *Quid autem est, aliud quod dicimus frui, nisi præstò habere quod diligit?* ait S. AUGUSTINUS. Qui ergo istam veritatem, Deum esse fontem omnis justitiæ, & universale boni principium, cognoscit, & amat, præstò habet eam & si jugiter in illâ permaneat, quis beatum esse nisi miserrimus negat? Sed absque visione Dei per essentiam, & absque ullo ordine ad illam posset homo prædictam veritatem cognoscere, & jugiter amare: ergo quis hominem, extra visionem Dei per essentiam posse esse beatum nisi miserrimus negat?

S. IIJ. Objectio ex Doctrinâ Angelicâ.

LIX. **O**BJICIES. Veram beatitudinem posse reperiri extra visionem Dei per essentiam, videtur negare Sol Angelicus: ergo cum homo non possit creari sine ordine ad veram beatitudinem, non poterit etiam creari sine ordine ad visionem Dei per essentiam: & consequenter tota nostra doctrina ruit sumpta ex notione beatitudinis. Probatur antecedens, vera beatitudo debet quietare naturale desiderium hominis, ut patet: sed extra visionem Dei per essentiam, negat Angelicus Sol quietari hujusmodi desiderium: ergo, &c. Minor probatur tribus rationibus desumptis ex lib. 3. contra gentes cap. 50. quas formavit Magister noster in Angelis;

CAP. V. EX NOTIONE BEATITUD. EAD. DISTINCT. CONCLVD. 35
verum cum de hominibus sit par ratio, eandem vim & efficaciam in eis etiam
fortiuntur.

„*Prima ratio est talis*: Omne enim quod est imperfectum in aliqua specie,
„desiderat consequi perfectionem illius speciei. Qui enim habet opinionem
„de re aliquâ, quæ imperfecta illius rei est notitia; ex hoc ipso incitatur
„ad desiderandum illius rei scientiam. Prædicta autem cognitio quam sub-
„stantiæ separatæ habent de Deo, non agnoscunt ipsius substantiam plenè,
„est imperfecta cognitionis species. Non enim arbitramur nos aliquid co-
„gnoscere si substantiam ejus non cognoscamus. Undè & præcipuum in
„cognitione alicujus rei, est scire de eâ quid est. Ex hac igitur cognitione
„quam habent substantiæ separatæ de Deo, non quiescit naturale deside-
„rium, sed incitatur magis ad divinam substantiam videndam.

„*LX. Secunda ratio sic habet*: Ex cognitione effectuum incitatur deside-
„rium ad cognoscendum causam, undè & homines Philosophari incept-
„runt causas rerum inquirentes. Non quiescit igitur sciendi desiderium
„naturaliter omnibus substantiis intellectualibus inditum, nisi cognitis sub-
„stantiis effectuum, etiam substantiam causæ cognoscant. Per hoc igitur,
„quòd substantiæ separatæ cognoscunt omnium rerum, quarum substantias
„vident, esse Deum causam; non quiescit naturale desiderium in ipsis, nisi
„etiam ipsius Dei substantiam videant.

„*Tertia ratio in hunc modum formatur*: sicut naturale desiderium inest
„omnibus intellectualibus naturis ad sciendum; ita inest eis naturale desi-
„derium ignorantiam seu nescientiam pellendi. Substantiæ autem separatæ,
„sicut jam dictum est, cognoscunt prædicto cognitionis modo substantiam
„Dei esse supra se, & supra omne id quod ab eis intelligitur: & per conse-
„quens sciunt divinam substantiam sibi esse ignotam. Tendit igitur natu-
„rale ipsorum desiderium ad intelligendam divinam substantiam.

§. IV. Solvitur prædicta objectio.

LXJ. **R**ESPONDETUR, negando ant. ad cujus probat. distinguitur mino-
„extra visionem divinæ essentiae negat Angelicus Sol quietari natu-
„rale hominis desiderium, si possibilitas visionis Dei per essentiam fuerit reve-
„lata, conceditur: si non fuerit revelata, negatur: supposita enim revelatione
„de possibilitate visionis Dei per essentiam, in nullâ prorsus cognitione Dei,
„extra talem visionem, potest quietari desiderium naturale sciendi: nullâ tamen
„habita revelatione de possibilitate talis visionis quietatur desiderium naturale
„sciendi in illâ contemplatione Dei, quâ major per vires naturales haberi non
„potest.

Ad evidentiam hujus solutionis recolenda est quadam Angelici Solis doctrina, quam ex Philosopho tradit 2. 2. q. 27. a. 6. his verbis: „Appetitus „finis in omnibus artibus est absque fine & termino: eorum autem quæ „sunt ad finem, est aliquis terminus. Non enim medicus ponit aliquem „terminum sanitati, sed facit eam perfectam quantumcumque potest, sed „medicinæ imponit terminum. Non enim dat tantum de medicinâ, quan- „tum potest, sed secundum proportionem ad sanitatem: quam quidem „proportionem si medicina excederet, vel ab eâ deficeret, esset immode- „rata. Finis autem omnium actionum humanarum & affectionum, est di- „lectio Dei, per quam maximè attingimus ultimum finem, ut suprà dictum „est. Et ideo in dilectione Dei non potest accipi modus, sicut in re men- „suratâ, ut sit in eâ accipere plus & minus: sed sicut invenitur in mensurâ, „in quâ non potest esse excessus, sed quantò plus attingitur regula, tantò „melius est: & ita quantò Deus plus diligitur, tantò est dilectio melior.

LXIJ. Quam doctrinam sic applicamus ad nostrum intentum. Appetitus efficax beatitudinis est appetitus finis; oportet ergo ut sit sine fine & termino, ita ut homo naturaliter appetat appetitu efficaci habere bonum perfectum quantumcumque potest, sive illud possit consequi per se, sive solum per alium. Quare adveniente cognitione quòd per alium, nempe, Deum possit consequi visionem Dei per essentiam, appetitus efficax beatitudinis non potest quietari in illâ Dei cognitione, quam per vires suas homo consequi potest: sed inquietum erit cor illius donec perveniat ad videndum Deum per essentiam.

E. contrâ adveniente cognitione quòd non sit possibile consequi bonum perfectum perfectiori modo, quàm contemplatione illarum veritatum, quæ ex creaturis de Deo cognosci possunt; appetitus efficax beatitudinis quietatur in istâ Dei ex creaturis contemplatione, & amore istarum veritatum. Non enim potest efficaciter appeti quod scitur non esse possibile. Similiter se habet desiderium naturale sciendi. Homo efficaciter desiderat appetitu naturali cognoscere quod quid est sui objecti, & ideo dum cognoscit effectum habere causam, efficaciter desiderat vi præcedentis appetitus cognoscere essentiam causæ, si cognoscat cognitionem illam sibi esse possibilem; si autem ignoraverit, quietatur in illâ cognitione quam scit sibi esse possibilem, & ad quam novit se ordinatum. Alioquin inordinatè appeteret, quod repugnat appetitui naturali, qui cum sit à Deo, non potest esse inordinatus.

LXIIJ. Desumpsimus istam explicationem ex Angelico Sole in suo simili; Nam q. 5. de veritate a. 3. docet pueros decedentes cum solo originali non dolere de carentiâ visionis divinæ, eò quòd eam ignorent; id verò quod

CAP. V. EX NOTIONE BEATITUD. EADEM DISTINCT. CONCLUD. 37
per naturam habent sine dolore possident; quietatur ergo eorum efficax appetitus in illis quæ per naturam habent; siquidem carentia alicujus rei efficaciter desideratæ non potest non dolorem seu displicentiam aliquam causare.

Verba Angelica sunt hæc: Pertinet autem ad naturalem cognitionem, quod anima sciat se propter beatitudinem creatam, & quod beatitudo consistit in adeptione perfecti boni: sed quod illud bonum perfectum ad quod homo factus est, sit illa gloria quam sancti possident est supra cognitionem naturalem. Unde Apostolus dicit 1. ad Corinth. 2. quod nec oculus vidit, nec auris audivit, nec in cor hominis ascendit, quæ præparavit Deus diligentibus se, & postea subdit: nobis autem revelavit Deus per spiritum suum. Quæ quidem revelatio ad fidem pertinet. Et ideo se privari tali bono animæ puerorum non cognoscunt. Et propter hoc non dolent, sed hoc quod per naturam habent absque dolore possident.

Et ad 4. ait: Dicendum quod pueri in originali decedentes sunt quidem separati a Deo perpetuo quantum ad amissionem gloriæ quam ignorant: non tamen quantum ad participationem naturalium bonorum, quæ cognoscunt. Noli hinc inferre pueros decedentes cum originali esse beatos; quia ad beatitudinem non sufficit quies in bono, sed etiam requiritur exclusio mali, & maximè peccati. De quo vide doctissimos Salmanticenses in 1. 2. tract. 9. disp. 6. dub. 2. in fine.

§. V. Ex Syllogismo practico corroboratur præcedens solutio:

LXIV. **I**N appetitu beatitudinis intervenit quidam syllogismus practicus sive formalis, sive virtualis, ut opusculo sequenti de libertate latissimè declaratur. Hujus syllogismi major est amor efficax beatitudinis, sive boni perfecti, minor est cognitio illius rei in quâ à parte rei bonum perfectum continetur: conclusio est amor efficax & explicitus istius rei particularis quæ bonum perfectum esse creditur. In hujusmodi syllogismo manifesta fit nostra solutio. Efficacia majoris ad conclusionem terminatur, & in eâ quiescit. Qui ergo efficaciter desiderat bonum perfectum, & cognoscit quod in contemplatione, & in amore Dei ex creaturis possit solummodo bonum perfectum consequi; oportet ut in tali contemplatione & amore Dei quiescat efficacia sui appetitus. Qui verò cognoverit, quod bonum perfectum in visione divinæ essentiae consequi possit, quantumvis per alium, impossibile est, ut ex amore boni perfecti concludat aliquid aliud esse appetendum: & ideo frustraneus erit in illo amor boni perfecti si visionem divinæ essentiae non consequatur: nunquam enim majoris efficacia ad aliquam conclusionem poterit terminari.

E. iii.

Idem est dicendum de desiderio naturali cognoscendi quidditatem causæ. Hoc enim desiderium, si revelata fuerit possibilitas visionis divinæ essentiae, in nullâ Dei cognitione poterit quietari, id est ex illo desiderio nulla Dei cognitio extra visionem divinæ essentiae poterit concludi appetenda. Si autem nulla fuerit facta revelatio, quietabitur prædictum desiderium, quia non extendetur ad cognoscendum quidditatem Dei. Nam desiderium naturale solum immediatè desiderat cognoscere quidditatem causæ ut sic; & hoc est major syllogismi practici. Ut autem se extendat ad cognoscendum quidditatem talis, aut talis causæ, indiget cognitione minoris quâ cognoscat hoc sibi esse possibile; quâ posita concluditur desiderium cognoscendi quidditatem talis, aut talis causæ. Si verò non adit cognitio minoris, desiderium naturale ulterius non progreditur; & potest dici *quiescere negativè*, quia quiescit non consecutione rei desideratæ, quod est *quiescere positivè*, sed quiescit non extensione sui desiderii ad illud particulare, quod vocamus *quiescere negativè*. Sicut in motu locali, aliquod corpus dicitur quiescere, quia non movetur; aliud dicitur quiescere, quia ad terminum sui motus pervenit.


LXV. Hinc colliges efficaciam rationum Angelici Solis quas ex lib. 3. contra gentiles §. IIJ. adduximus. Non enim intendit D. THOMAS demonstrare ex illis directè & immediatè possibilitatem visionis Dei per essentiam, sed solum quòd suppositâ illius possibilitate, in nullâ aliâ cognitione potest desiderium naturale sciendi quiescere. Ex quo postmodum sequitur, possibilitatem visionis Dei, quam astruit fides, esse rationabilem, & convenientissimam. Fit enim hujusmodi argumentum: in visione Dei per essentiam perfectè quietabitur desiderium naturale sciendi. Rationabile & convenientissimum est, desiderium naturale quietari: ergo rationabile & convenientissimum est, astruere possibilitatem visionis Dei per essentiam.

Nota, quòd aliud sit demonstrare, visionem Dei per essentiam esse possibilem, & aliud demonstrare, possibilitatem visionis rationabiliter & convenientissimè astrui. Primum non cadit sub demonstratione: secus secundum. Quòd in suâ radice profundè docet Magister noster Doctor Ecclesiæ communis S. THOMAS I. p. q. 32. a. 1. ad 2. his verbis: *Dicendum quòd ad aliquam rem dupliciter inducitur ratio. Uno modo ad probandum sufficienter aliquam radicem: sicut in scientiâ naturali inducitur ratio sufficiens ad probandum, quòd motus tali semper sit uniformis velocitatis. Alio modo inducitur ratio, non quæ sufficienter probet radicem: sed quæ radici jam positi ostendat congruere consequentes effectus. Sicut in Astrologiâ ponitur ratio excentricorum & epiciclorum ex hoc, quòd hæc positioe factâ possunt salvari apparentia sensibilia circa motus celestes: non tamen hæc ratio est sufficienter probans, quia etiam fortè aliâ positioe factâ salvari possent. Primo ergo modo potest induci ratio ad probandum Deum esse unum, & similia. Secundo*

CAP.V. EX NOTIONE BEATITUD EADEM DISTINCT. CONCLUD. 39
modo se habet ratio quæ inducitur ad manifestationem Trinitatis, quia scilicet Trinitate posita congruunt hujus rationes, non tamen ita, quod per has rationes sufficienter probetur Trinitas personarum.

Ita est in præsentī; posita possibilitate visionis Dei per essentiam optimè salvatur quietatio desiderii naturalis, quæ tamen negatà tali possibilitate adhuc salvari posset. Nam sicut ex desiderio naturali sciendi non potest concludi, ad quietationem illius necessariam esse cognitionem omnium creaturarum possibilem, aut cognitionem cogitationum cordium, rerumque contingentium; ita, non potest ex desiderio naturali sciendi concludi ad quietationem illius necessariam esse visionem Dei per essentiam. Si enim dicatur desiderium naturale non se extendere ad cognitionem omnium creaturarum possibilem; ita dicetur desiderium naturale non se extendere ad visionem divinæ essentiæ.

LX. Non igitur putandum est **D. THOMAM** induxisse rationes, quæ probarent sufficienter possibilitatem visionis Dei per essentiam; sed quæ radici jam positæ ostenderent congruere consequentes effectus. Et ideo in principio operis sui contra gentiles præmisit difficillimum esse, arguere contra Paganos ad suadendum mysteria fidei nostræ, quia non conveniunt nobiscum in autoritate alicujus scripturæ per quam possunt convinci, sed necesse est ad naturalem rationem recurrere, quæ in rebus divinis deficiens est. Quare cap. 8. concludit: *Humana igitur ratio ad cognoscendum fidei veritatem, quæ solum videntibus divinam substantiam potest esse notissima, ita se habet, quod ad eam potest aliquis veras similitudines colligere, quæ tamen non sufficiunt ad hoc quod prædicta veritas quasi demonstrativè vel per se intellecta comprehendatur. Utile tamen est, ut in hujusmodi rationibus quantumcumque debilibus semens humana exerceat, dummodo desit comprehendendi, vel demonstrandi præsumptio, quia de rebus altissimis, etiam parvâ & debili consideratione aliquid posse inspicere jucundissimum est.*





CAPVT SEXTVM.

Alia dua beatitudinis notiones idem probant.

Idem probant alia dua beatitudinis notiones, quas tradit S. Augustinus, quarum prior est, *Beata vita est gaudium de veritate* lib. 10. confessionum cap. 23. posterior traditur de Trinitate lib. 13. cap. 5. *Beatus est, qui habet omnia quæ vult, & nihil mali vult.* Si ostenderimus quòd sine lumine gloriæ, aut fidei, possit creatura rationalis habere gaudium de veritate; item quòd possit habere omnia quæ vult, & nihil mali velle, consequemur intentum.

S. J. *Sine lumine gloriæ, aut fidei, potest creatura rationalis habere gaudium de veritate.*

LXVII. **C**ertum est, quòd nullus possit gaudere de veritate, qui non amaverit eam: siquidem gaudium præsupponit amorem qui est prima voluntatis affectio. Nec ad gaudium de veritate sufficit amor, sed debet veritas possideri: causatur enim gaudium ex possessione rei amatæ. Solâ autem contemplatione intellectus possidetur veritas. Qui ergo contemplatur veritatem quam amat, non potest non de veritate gaudere. Evidens est ex præcedentibus quòd sine lumine gloriæ aut fidei possit creatura rationalis contemplari veritatem, eamque amare: ergo sine lumine gloriæ aut fidei potest creatura rationalis habere gaudium de veritate.

Quicumque gaudet de veritate, gaudet etiam implicitè de Deo, qui in omni veritate tamquam summa veritas participatur. Sicut enim ex Sole Angelico num. 35. dictum est, quòd qui est bonus bonitate à Deo participatâ, est bonus bonitate divinâ, ita qui gaudet de veritate participatâ à summa veritate, dicetur gaudere de summa veritate: & qui amaverit quamcumque veritatem, dicetur etiam amare summam veritatem. Quare sicut facilis est transitus ab implicito ad explicitum, ita facilis est ascensus ab amore veritatis participatæ, ejusque gaudio, ad amorem & gaudium summæ veritatis.

LXVIII. Quam sit delectabilis contemplatio veritatis declarat Magister noster

CAP. VI. ALIÆ DUÆ BEATITUD. NOTIONES IDEM PROBANT. 41

noster Doctor Communis ex Philosopho 10. Ethicor. lec. 10. his verbis: „ omnes operationes virtutis delectabilissima est contemplatio sapientiæ; „ sicut manifestum est, & concessum ab omnibus. Habet enim Philosophia „ in sapientiæ contemplatione delectationes admirabiles, & quantum ad „ puritatem, & quantum ad firmitatem. Puritas quidem talium delecta- „ tionum attenditur ex hoc, quod sunt circa res immateriales. Firmitas au- „ tem earum attenditur secundum hoc quod sunt circa res immutabiles. „ Qui enim delectatur circa res materiales, incurrit quamdam impurita- „ tem affectus, ex hoc quod circa inferiora occupatur. Qui autem circa „ res mutabiles delectatur, non potest firmam delectationem habere: quia „ mutatâ re aut corruptâ, quæ delectationem asserbat, delectatio cessat: „ & quandoque in tristitiam vertitur Dicit autem delectationes Philosophiæ „ esse admirabiles, propter inconsuetudinem talium delectationum apud „ multitudinem hominum, qui in rebus materialibus delectantur.

„ Et lec. 11. Illud quod est optimum secundum naturam in unoquoque „ est maximè proprium sibi: quod autem est optimum & proprium, con- „ sequens est quod sit delectabilissimum: quia unusquisque delectatur in „ bono sibi convenienti. Sic ergo patet, quod si homo maximè est intelle- „ ctus tanquam principalissimum in ipso, quod vita quæ est secundum in- „ tellectum est delectabilissima homini, & maximè sibi propria. Hæc Ang- „ gelicus Sol, qui sanum habebat affectum & benè dispositum, propter inti- „ mam virtutis cum sapientiâ conjunctionem, quâ cœpit prius facere, quam docere.

LXIX. Liceat mihi hic uti verbis S. Joannis Chrysostomi explicantis illud Apostoli, *semper gaudete sine intermissione orate*. Quod si hic ubi morbi, ubi infectiones, ubi præmaturæ mortes, ubi calumniæ, ubi invidiæ, ubi perturbationes, ubi iræ, ubi cupiditates, ubi innumerabiles insidiæ, ubi quotidianæ sollicitudines, ubi perpetua sibi que succedentia mala sunt, in- „ numeros ex omni parte dolores afferentia, S. THOMAS dixit, Philosophiam habere in contemplatione sapientiæ delectationes admirabiles, & quantum ad puritatem, & quantum ad firmitatem; multò magis si Deus crearet creaturam rationalem cum perfectâ virium inferiorum ad superiores sub- „ jectione, & in tali statu, in quo hæc omnia sublata forent, adversa va- „ letudo, morbi, peccandi materia, ubi non esset meum ac tuum, frigidum illud verbum, & quidquid est malorum in vitam nostram invehens, in- „ numeraque gignens bella. Quæ potest fingi necessitas luminis gloriæ, aut fidei, ad condendum creaturam rationalem in tali statu?

S. II. *Nulla est in notione beatitudinis inter utrumque Ecclesiæ
Solem quoad rem diversitas.*

LXX. **C**um intentio nostra sit concordem exhibere Discipuli ac Magistri mentem; & quidam præcedentibus AUGUSTINI notionibus intenti existimarint, cum in amore, & gaudio collocasse essentiam beatitudinis, quam tamen S. THOMAS in visione Dei per essentiam collocavit: non à proposito nostro erit, si etiam exhibuerimus unanimem in hac re gemini Ecclesiæ Solis sensum, qui contortis explicationibus à pluribus magis eliditur, quàm capiatur.

Quare sciendum est, quòd de beatitudine dupliciter possumus loqui. Uno modo *transitive* distinguendo ea, quæ sunt de lineâ beatitudinis, ab omnibus illis, quæ non pertinent ad beatitudinem. Alio modo *intransitive* distinguendo essentiam beatitudinis ab illis, quæ sunt de lineâ beatitudinis. Primus modus loquendi est sacris Scripturis & sanctis Patribus maximè usitatus: cujus ratio est, quòd sacræ Scripturæ & sancti Patres hoc unum intendunt, ut falsam beatitudinem à verâ secernant, & à falsâ ad veram revocent corda fidelium. Hinc fit, ut semper loquantur de beatitudine secundum quòd existit à parte rei; & cum à parte rei ista tria reperiantur in beatitudine inter se connexa, nempe, amor boni, possessio boni amati, & delectatio de bono amato & possessio, non curarunt Scriptores sacri, quis esset istarum operationum ordo, sed semper solliciti fuere de vero earum objecto: per illud enim vera beatitudo à falsâ secernitur, & ad illud cor nostrum converti oportet.

Dum igitur in sacris Scripturis & sanctis Patribus legitur, quòd beatitudo sit gaudium de veritate, aut amor veritatis, locutio est transitiva, & sensus planus est, quòd gaudium pertinens ad beatitudinem sit de veritate, & quòd amor pertinens ad beatitudinem sit amor veritatis, & consequenter quòd possessio pertinens ad beatitudinem sit possessio veritatis, quæ contemplatione possidetur. In quâ ex illis operationibus sita sit essentia beatitudinis, & quæ ex illis antecederet, quæ consequenter se habeat, nihil prorsus conducit ad discernendum veram beatitudinem à falsâ, nec ad inflammandum corda nostra ad prosecutionem veræ beatitudinis: quod solum intendunt Scriptores sacri. Non igitur ex eis ista distinctio petenda est, sed ex principiis lumine rationis notis.

LXXI. Secundus modus loquendi, distinguendo essentiam beatitudinis ab illis, quæ sunt de lineâ beatitudinis, maximè observatur à Scholasticis, quorum princeps est S. THOMAS ad eruditionem sapientum hujus mundi specialiter prædestinatus. Vidit Sol Angelicus consecutionem ultimi finis in verâ.

CAP. VI. ALIÆ DUE BEATITUD. NOTIONES IDEM PROBANT. 43
 Philosophiā nominari beatitudinem; vidit etiam quod per actum alicujus potentie à voluntate distinctæ consequatur voluntas rem amatam, ex cujus possessione delectaretur; & idè non in actu voluntatis, sed in actu intellectus, quo consequimur veritatem, essentiam beatitudinis reposuit. Ratio ejus apertissima est. Tres enim sunt actus voluntatis, amor, desiderium, delectatio. Certum est quod voluntas per suum amorem non consequatur rem amatam, alioquin statim ac amaret, haberet quod amat: nec etiam desiderio consequitur rem amatam, cum sit de essentia desiderii tendere in rem absentem; delectatio autem advenit ex consecutione rei amate, nec igitur per ipsam habetur res amata. Oportet ergo ut per actum alterius potentie consequatur voluntas rem amatam. Ut v.g. pecuniam manu consequitur, vinum gustu, veritatem intellectu. Ita D. THOMAS 1.2 q.3. a.4.

Ex quibus magis apparet, quod impossibile sit, actum voluntatis esse consecutionem rei amate. Non enim consecutio rei amate ponit in numero re cum amata in ratione objecti voluntatis: siquidem actus voluntatis, quo volumus rem amatam, fertur etiam in consecutionem rei amate; etenim qui vult pecuniam, non vult pecuniam præcisè, sed vult eam manu tenere; qui vult vinum, non vult vinum utcumque, sed vult bibere vinum; & qui vult veritatem, eodem actu vult contemplari eam. Ergo & primum volubile, & consecutio primi volubilis, non ponent etiam in numero: cum igitur impossibile sit primum volubile esse actum voluntatis, impossibile quoque erit consecutionem primi volubilis esse actum voluntatis. Primum autem volubile est ultimus finis: non igitur ultimus finis, nec consecutio ultimi finis, poterunt esse actus voluntatis. Ita D. THOMAS suprâ ad 2.

LXXIJ. Cognitione bonum possideri, docuit etiam S. AUGUSTINUS lib. 83. qq. q. 35. his verbis: *Quid est aliud beatè vivere nisi æternum aliquid cognoscendo habere? Æternum est enim de quo solo rectè fideitur, quod amanti auferri non potest: idque ipsum est quod NIHIL SIT ALIUD HABERE QUAM NOSSE. Omnium enim rerum præstantissimum est, quod æternum est: & propterea id habere non possumus, nisi ea re quâ præstantiores sumus, id est mente. QUIDQVÆ AVTEM MENTE HABETVR, NOSCENDO HABETVR, nullumque bonum perfectè nascitur, quod non perfectè habetur.*

Nec obest, S. AUGUSTINVM ibidem dicere, bonum non perfectè haberi si non ametur; non enim intendit quod amare sit habere bonum, sed solum vult quod, quidquid habetur sive ab intellectu, sive ab aliquâ aliâ potentia, non habetur sub ratione boni & finis, si non ametur. v.g. si habeam divitias & non amem illas, non potest verè dici quod habeam divitias ut finem meum, cujus signum est, quod sine amore ad possessionem divitiarum non sequitur delectatio.

LXXIIJ. Ad majorem istius evidentiam notandum est, non sufficienter à

quibusdam distingui inter amorem, & gaudium, eò quòd existiment amorem consequenter se habere ad beatitudinem, sicut & gaudium: cum tamen beatitudo, id est, consecutio finis mediet inter amorem, & gaudium. Priùs enim res aliqua debet à parte rei esse finis, quàm possit haberi ut finis; nulla autem res exercet rationem finis respectu alterius, nisi ratione inclinationis existentis in altero; est enim inclinatio cujuslibet rei quædam convenientia, & proportio quam habet res cum aliâ, quæ ut est terminus hujusmodi inclinationis dicitur bonum, & finis alterius. Ita D. THOMAS 4. contra gentes cap. 19. ubi dicit, *quòd amatum in voluntate amantis est sicut terminus motus. in principio motivo proportionato per convenientiam, & proportionem quam habet ad ipsum: sicut in igne quodammodo est locus sursum ratione levisitatis, secundum quam habet proportionem & convenientiam ad talem locum.*

Quare si ignis non esset levis, existentia in loco sursum non foret consecutio finis ignis: nec in loco sursum tanquam in fine sui motus quiesceret ignis; similiter & terra in centro tanquam in fine suo non quiesceret, si non foret gravis: ità in consecutione veritatis, tanquam in consecutione finis sui non quiesceret, & delectaretur voluntas, si non amaret veritatem. Habet enim se amor ad voluntatem, sicut gravitas ad terram: juxta illud S. AUGUSTINI *Amor meus pondus meum*; eò feror quocumque feror. Et ideò qui non amat veritatem, non inhæret ei ut fini, non possidet eam ut finem quantumvis cognoscat eam, nec denique in eâ delectatur tanquam de fine possesso.

LXXIV. In hoc sensu intelligimus quod S. THOMAS dixit 1.2.q.4.a.8. ad 3. *Dicendum quòd perfectio charitatis est essentialis beatitudini quantum ad dilectionem Dei.* Non quòd formaliter pertineat ad essentiam beatitudinis, sed antecedenter tanquam inclinatio ad ipsam; quæ si non præcederet, actus intellectus non foret beatitudo; sicut gravitas non potest dici formaliter consecutio finis rei gravis, sed antecedenter se habet ad contactum centri, & si non præcederet gravitas, contactus centri non esset consecutio finis rei gravis. Sic se explicuerat Sol Angelicus q. 3. a. 4. ad 5. dicens: *voluntas autem bona ponitur in numero bonorum, quæ beatum faciunt, prout est inclinatio quædam in ipsa: sicut motus reducitur ad genus sui termini ut alteratio ad qualitatem.* In quo etiam sensu verificatur quod ex S. AUGUSTINO colligunt Adversarii, nempe, *Beatitudinem appetitione summi boni inchoari; & ejus adeptione compleri*, intellige, essentialiter.

S. IIJ. *Sine lumine gloriæ, aut fidei, potest creatura rationalis habere omnia quæ vult, & nihil mali velle.*

LXXV. **S**emper loquimur de creaturâ rationali sanâ, id est habente perfectam virium inferiorum ad superiores subjectionem; de quâ dicimus, quòd possit à Deo condi creatura rationalis sine ullâ elevatione ad videndum Deum per essentiam, & consequenter sine ullâ cognitione mysteriorum sanctissimæ Trinitatis, aut ordine ad illam, quæ habeat omnia quæ vult, & nihil mali velit. Quòd sic probatur. Creatura rationalis conjuncta suo ultimo fini, & à quo non potest separari, habet omnia quæ vult, & nihil mali vult: sed potest à Deo sine lumine gloriæ, aut fidei condi creatura rationalis quæ sit conjuncta suo ultimo fini, & à quo non valeat separari: ergo potest à Deo sine lumine gloriæ, aut fidei, condi creatura rationalis, quæ habeat omnia quæ vult, & nihil mali velit.

Major est evidens; cum enim ultimus finis sit bonum satiativum voluntatis, non foret ultimus finis, si voluntas ei conjuncta non haberet omnia quæ vult. Et si aliquid mali vellet à fine suo separaretur, cum peccatum non sit nisi recessus à fine. Evidens ergo est, creaturam rationalem conjunctam suo ultimo fini, & à quo non potest separari, habere omnia quæ vult, & nihil mali velle.

Probatur minor. Possibile est, Deum condere creaturam rationalem non ordinando illam ad alium finem, quàm ad cognoscendum suum creatorem per species creaturarum, cumque sicut Deum, id est, ut authorem naturæ, & universale boni principium glorificandum, & gratias agendum. Nulla enim est in hac positione implicantia. Si ista creatura rationalis ita à Deo disponderetur, ut quacumque cognitione creaturæ occurrere ad cognitionem creatoris sui, ejusque super omnia amorem ascenderet, illa suo ultimo fini foret conjuncta, nec ab illo separari posset, ut patet. Cum ergo hujusmodi cognitio, & amor non exigant lumen gloriæ, aut fidei, manifestè sequitur, sine lumine gloriæ, aut fidei posse condi creaturam rationalem, quæ sit conjuncta suo ultimo fini, nec ab illo separari possit.

LXXVI. Confirmatur primò. S. AUGUSTINUS cum piissimâ suâ matre disputans lib. de vitâ beatâ in disput. i. diei eam interrogat: *Quid? omnis qui quod vult habet beatus est? Tum mater: SI BONA, inquit, VELIT, ET HABEAT BEATUS EST. Si autem mala velit, quamvis habeat miser est. Cui ego arridens atque gestiens: Ipsam inquam prorsus mater arcem Philosophiæ tenuisti.* Quibus verbis docemur, illum beatum esse, qui vera bona quæ amat etiam possidet: ita ut beatitudo duas actiones secum trahat, ut velit seu appetat rectè videlicet voluntate, & appetitum possideatur bonum. Sed qui ex creaturis

contemplatur Deum, quem super omnia amat, rectam habet voluntatē & appetitum possidet bonum, eo modo quo sibi possibile est: ergo qui ex creaturis contemplatur Deum, quem super omnia amat, beatus est, juxta notionem beatitudinis, in quā arcem philosophiæ, dicit S. AUGUSTINUS, esse repositam.

Confirmatur secundò. Sine lumine gloriæ, aut fidei potest creatura rationalis nihil mali velle: ergo nec ex illā parte poterit illi deesse beatitudo. Probatur ant. Sit creatura rationalis cui nullam aliam regulam dederit Deus, quā legem naturalem: si ista creatura conderetur cum perfectā cognitione legis naturalis, & amore illius super omnia, non posset hujusmodi creatura aliquid mali velle. Nam semper esset conjuncta suæ regulæ: sicut manus artificis nunquam malè incideret, si semper esset conjuncta regulæ incisionis.

Quòd ritè explicat Sol Angelicus 1. p. q. 63. a. 1. his verbis: *Quia peccare nihil est aliud quā declinare à rectitudine actus quam debet habere, siue accipiat peccatum in naturalibus, siue in artificialibus, siue in moralibus: solum autem illum actum à rectitudine declinare non contingit, cujus regula est ipsa virtus agentis. Si enim manus artificis esset ipsa regula incisionis nunquam posset artifex nisi rectè lignum incidere.* Eandem vim habet hæc doctrina in illā virtute, quæ licet non sit ipsa regula, est tamen ipsi regulæ immobiliter conjuncta, ut acutissimè advertit Cajetanus in illum locum dicens: „Scito quòd fundatur super hoc, „quòd actus rectus dicit duo, actum & rectitudinem: ac per hoc principia „ejus sunt duo, scilicet potentia operativa, & regula. Et propterea secundum conjunctionem potentiæ cum regulā erit conjunctio actus cum „rectitudine: ita quòd si conjunctio est inseparabilis, etiam actus necesse „fariò erit rectus: similiter si conjunctio est ex naturā, actus naturaliter „erit rectus: & si ex dono gratiæ, actus stante dono erit rectus, & non „ex vi naturæ.

§. IIJ. *Ex aliā profundissimā Angelici Solis doctrinā colligitur, posse condi creaturam rationalem, quæ sine lumine gloriæ, aut fidei, nihil mali velit.*

LXXVIJ. **S**imus nullam creaturam ex naturā suā esse absolutè & simpliciter impeccabilem: attamen ex dono gratiæ potest fieri absolutè & simpliciter impeccabilis. Modò intendimus, quòd factā aliquā suppositione possit condi creatura rationalis, quæ sine lumine fidei, aut gloriæ, sit impeccabilis: & consequenter beata erit, si habuerit omnia quæ vult. Hæc autem probamus ex profundissimā quadam Angelici Solis doctrinā, quā utitur ad probandum demones nullo modo naturaliter,

CAP. VI. ALIÆ DUÆ BEATITUD. NOTIONES IDEM PROBANT. 47
sed voluntate esse malos; quam doctrinam adducit q. 16. de malo a. 2. his
verbis :

„ Sciendum est ergo quòd appetitus nihil est aliud quàm inclinatio quæ-
„ dam in appetibile : & sicut appetitus naturalis consequitur formam natu-
„ ralem, ita & appetitus sensitivus vel rationalis sive intellectivus sequitur
„ formam apprehensam; non enim est nisi boni apprehensi per sensum,
„ vel intellectum. Non ergo potest malum accidere in appetitu ex hoc,
„ quòd discordet ab apprehensione, quam sequitur: sed ex eo quòd dis-
„ cordat ab aliquâ superiori regulâ. Et ideò considerandum est, utrum illa
„ apprehensio, quam sequitur inclinatio hujus appetitus, sit dirigibilis ali-
„ quâ superiori regulâ. Si enim non habeat superiore regulam, quâ di-
„ rigi debeat, tunc impossibile est, quòd sit malum in tali appetitu, &
„ hoc quidem contingit in duobus. Apprehensio enim bruti animalis non
„ habet superiore regulam quâ dirigi debeat. Et ideò in ejus appetitu non
„ potest esse malum. Bonum enim est, quòd moveatur hujusmodi animal
„ ad concupiscentiam, vel iram secundum formam sensibilem apprehensam.
„ Unde Dionys. dicit 4. de divi. nom. quòd bonum canis est esse furibundum.
„ Similiter etiam intellectus divinus non habet superiore regulam quâ
„ dirigi possit: ideò in appetitu ejus seu voluntate non potest esse
„ malum.

„ In homine autem est duplex apprehensio à superiori regulâ dirigenda:
„ Nam cognitio sensitiva debet dirigi per rationem, & cognitio rationis
„ per sapientiam seu legem divinam. Dupliciter ergo potest esse malum in
„ appetitu hominis. Uno modo, quia apprehensio sensitiva non regulatur
„ secundum rationem. Et secundum hoc Dionys. dicit 4. de divi. nom. quòd
„ malum hominis est præter rationem esse. Alio modo, quia ratio humana
„ est dirigenda secundum sapientiam, & legem divinam. Et secundum
„ hoc Amb. dicit quòd peccatum est transgressio legis divinæ. In substantiis
„ autem à corpore separatis est una cognitio, scilicet intellectualis, dirigenda
„ secundum regulam sapientiæ divinæ. Et ideò in voluntate earum potest
„ esse malum ex hoc, quòd non sequitur ordinem superioris regulæ, sci-
„ licet sapientiæ divinæ. Et per hunc modum dæmones facti sunt volun-
„ tate mali. Hæc Sol Angelicus.

LXXVIIJ. Ex hac profundissimâ doctrinâ sic probo intentum. Homo
cujus apprehensio sensitiva semper à ratione procedit; & cujus ratio sem-
per est sapientiæ & legi divinæ conjuncta, est impeccabilis: sed sine lumine
gloriæ, aut fidei, potest condi homo qui ita se habeat: ergo sine lumine
gloriæ aut fidei potest condi creatura rationalis quæ sit impeccabilis. Prob-
minor. Supposito quòd sapientia divina non ordinet hominem ad alium fi-
nem, quàm ad invisibilia Dei per ea quæ facta sunt conspicienda, Deumque:

sic cognitum glorificandum, & gratias ei agendum in omnibus operibus suis: si tali homini tantum rationis vigorem dederit, ut vires inferiores habuerit ad nutum suum perfectissimè subjectas, ejusque rationem contemplatione Dei ex creaturis impleverit, & voluntatem amore divinæ sapientiæ ex operibus suis relucens continuò inflammaverit; nulli dubium esse poterit, talem hominem fore impeccabilem. Cum ergo nulla sit implicantia in hac suppositione, & sine lumine gloriæ, aut fidei tota possit mandari executioni, sit manifestissimum, quòd possit condì creatura rationalis, quæ factà suppositione quòd non ordinetur ad finem altiorem, possit sine lumine gloriæ, aut fidei, esse impeccabilis: & taliter à Deo disponi ut omnes habitus & virtutes ad hanc suppositionem necessariæ, dimanent ex principiis talis creaturæ.

Quod certè satis insinuavit S. THOMAS, dum q. 16. de Malo art. 3. dixit: *In nullo quod ad ordinem naturæ pertineat, potuit malum angeli consistere. Malum enim non invenitur in his, quæ sunt semper in actu, sed solum in his, in quibus potentia potest separari ab actu, ut dicitur 9 Metaph. Angeli autem omnes sic conditi sunt, ut quidquid pertinet ad naturalem perfectionem eorum statim à principio habuerunt, tamen erant in potentia ad supernaturalia bona, quæ per Dei gratiam consequi poterant. Unde relinquitur quòd peccatum diaboli non fuit in aliquo, quod pertinet ad ordinem naturalem, sed secundum aliquid supernaturale.* Factà ergo suppositione, quòd ad supernaturalia bona non fuisset elevatus, fuisset impeccabilis. Est autem implicantia in adjecto, uti dicitur, quòd Deus non possit condere creaturam rationalem sine elevatione ad supernaturalia bona. Essent enim supernaturalia, ut supponitur: & non essent supernaturalia, quia supernaturale non potest dici, quod est cum naturâ necessariò connexum. Essent quoque gratuita, ut supponitur, & non essent, quia gratuitum dici non potest, quod est naturæ debitum.

LXXIX. Radicem istius veritatis optimè, & divino prorsus lumine, detexit nobis Sol Angelicus in 2. dist. 23. q. 1. a. 1. dicens: *Quando alicui naturæ convenit aliquod accidens ex influentiâ superioris tantum, non potest inferior natura illud accidens per se habere, nisi efficeretur naturæ superioris, sicut si aer illuminatur actu per ignem, non potest esse, quòd sit de naturâ suâ lucidus in actu, nisi fiat ignis. Dico ergo quòd si confirmatio inest creaturæ rationali solum per gratiam, quæ est quoddam spirituale lumen & similitudo luminis increati, non potest esse, quòd aliqua creatura ex naturâ suâ confirmationem hanc habeat, vel gratiam, nisi efficeretur divinæ naturæ, quod est omnino impossibile.* Fundatur hæc ratio in eo, quòd distinctæ naturæ exigunt distinctas proprietates; & ideò impossibile est, ut quod est connaturale uni naturæ, prout distinctæ ab aliâ, sit connaturale alteri; quòd si inveniaturn aliquid connaturale duabus naturis distinctis, hoc non competit eis inquantum distinctæ sunt, sed ut communicant in aliqua una

CAP. VI. ALIÆ DUE BEATITUD. NOTIONES IDEM PROBANT. 49
unâ ratione. Cùm ergo per bona supernaturalia participetur natura
divina secundùm sibi propria, impossibile est, ut fiant alicui naturæ creatæ
connaturalia, nisi prius talis natura quodammodò deficeretur divine factæ
confortis naturæ.

S. V. Nullatenus à S. AUGUSTINO recedit S. THOMAS in assignandâ radice impeccabilitatis beatorum.

LXXX. CUM potissima sit intentio nostra, concordem exhibere gemini Ecclesiæ Solis doctrinam; non à fine nostro divertemur, si in assignandâ radice impeccabilitatis beatorum ostenderimus, fidelissimum Discipulum nullatenus à sapientissimo Magistro suo recessisse, ut quidam sibi sapientes autumant. Hi enim legunt, & verissimè legunt, S. AUGUSTINUM impeccabilitatem beatorum reduxisse in abundantiam amoris, seu charitatis. Docet siquidem frequenter idcirco hominem in futurâ vitâ peccare non posse, quia conspectæ veritati & sapientiæ Dei immobili amore conjungitur, ex cujus vinculi firmitate fiat, ut omnia inferiora bona præ illius charitate contemnat, & ab ejus contemplatione averti non possit, aut velit. Nam hoc est quod de Angelis viatoribus lib. de corrept. & grat. cap. 10. dicit: *Erat quod eorum adderetur beatitudini, si per liberum arbitrium in veritate steterissent, donec istam summæ beatitudinis plenitudinem tamquam præmium ipsius permanſionis acciperent, id est, UT MAGNA PER SPIRITVM DATA ABUNDANTIA CHARITATIS DEI, CADERE VLTERIUS OMNINO NON POSSENT, & hoc de se certissimè nossent.* Hoc etiam significat id quod contra Julianum lib. 4. c. 3. tradit de mente rationali: *Quàm verò periculose, imò perniciosè sibi placeat (mens rationalis) cùm per hoc tumescit typho & morbo inflationis extollitur, quamdiu non vides, sicut videbit in fine, summum illud & incommutabile bonum, in cujus comparatione se spernat, sibi que illius charitate vileſcat: Tantoque spiritu ejus impleatur, ut id sibi NON RATIONE SOLA (hoc est visione seu cognitione veritatis) SED ÆTERNO QUOQUE AMORE præponat, multum est disputando velle monstrare.* Et paulò inferius. *Quando TANTA SATIABITVR VISIONE & TANTA INFLAMMABITVR CHARITATE SUPERIORIS BONI, ut ad seipsum sibi placendo deficere ab illius dilectione non possit.* Quòd si ad seipsum diligendum deficere mens rationalis præ summi boni dilectione non possit, profectò multò minùs ad alia inferiora: quia nihil est in creaturis mente rationali præstantius; & ideo mens bona magis sibi placet, quàm quælibet alia creatura.

LXXXI. Cujus quidem veritatis duplex ab eis assignatur radix: prima, quia charitatis delectatio absorbet omnes omnino terrenæ atque carnalis, hoc est, cujuslibet dilectionis oppositæ motus quâ voluntas ad aliud diligendum, & per hoc peccandum pellici ac perducì possit. Nam hæc ab-

forptio omnium libidinum infimarum, cœlestis charitatis effectus est, iuxta illud AUGUSTINI lib. de spirit. & lit. cap. ult. *Verum ecce jam talem constituamus animam humanam, in hoc corruptibili corpore, quæ etsi nondum illat supereminenti perfectione charitatis Dei omnes motus terrænæ libidinis absorberis atque contempseris, &c.* Et lib. 83. qq. quæst. 7. Tunc itaque absorpta erit mors in victoriâ, cum per sanctificationem in omni parte hominis PERFECTA DELECTATIONE SPIRITUALIVM, DELECTATIO CARNALIS OBREVETVR.

Itaque secunda radix est, quia charitatis illa supereffluens abundantia figit non solum voluntatem, sed & intellectum ipsum immobiliter in Deum, ut cum sine cessatione contempletur. Nam quemadmodum ab intio spiritualis inchoationis in hac vitâ, voluntas est, quæ bonitatem inchoat, utpote quæ facit intellectum credere imbutum lumine spirituali quod requiritur, quamvis fide jam radicâtâ fortius diligit: ita etiam in fine spiritualis consummationis, voluntas est, quæ bonitatem felicitatemque consummat, applicans & figens intellectum lumine gloriæ perfutum in objectum suum, ne velit unquam ab ejus contemplatione divertere. Ex quo intuitu claro veritatis nascitur, ut etiam ferventiùs diligit. Præclare tradit hoc fulgentissimus Ecclesiæ Sol lib. 1. soli loq. c. 7. *charitati verò non solum nihil detrahatur, sed additur etiam plurimum. Nam & illam singularem veramque pulchritudinem cum videris plus amabis: & nisi ingenti amore oculum infixeris, nec ab aspiciendo usquam declinaveris, manere in illâ beatificâ visione non poteris.*

Ab hac AUGUSTINIANA doctrinâ existimant illi S. THOMAM recedere, dum ex ratione visionis beatificæ impeccabilitatem assignat. Verum non attendunt cum ita esse Discipulum, ut sit etiam Doctor Ecclesiæ quintus, & Sapientum eruditor: Quia igitur fidelissimus est Discipulus, etiam cum Magistro suo tenet, ex abundantia amoris, & delectationis impeccabilitatem procedere. Ut autem sapientissimus Doctor, ad altiorem causam ascendit, ostendens, visionem Dei per essentiam causare istam amoris, & delectationis abundantiam. Totum, quod dixit S. AUGUSTINVS, dicit & S. THOMAS, sed alius ascendit, & plus dicit Doctor Ecclesiæ quintus, ut sequenti paraphrasi fiet manifestum.

§. VI. Visio divinæ essentiae causat abundantiam amoris requisitam à S. AUGUSTINO ad impeccabilitatem.

LXXXII. **S**I abundantia amoris, quam §. præced. S. AUGUSTINVS requirit ad impeccabilitatem, oriatur ex visione divinæ essentiae, manifestissimum erit, unam esse utriusque Solis de impeccabilitatis causâ doctrinam; nec posse aliam inter eos assignari differentiam, quàm quòd causam proximam consideraverit S. AUGUSTINVS, ultra quam ad remotam.

CAP. VI. ALIÆ DUÆ BEATITUD. NOTIONES IDEM PROBANT. 51
& radicalem ascenderit fidelissimus Discipulus, ac simul ex Doctore Doctor,
& ex Sole Sol S. THOMAS.

Ad cuius evidentiam solum expendere oportet, quòd tria requirat S. AUGUSTINUS ad abundantiam amoris causantis impeccabilitatem. Primum, quòd sit amor Dei super omnia, ait enim, *in cuius comparatione se spernat, sibi que illius charitate vilescat.* Bonum illud super omnia amatur, in cuius comparatione sibi vilescit amans. Secundum, quòd amor Dei super omnia absorbeat omnem alium amorem, id est à nullo alio amore præveniri possit, sed omnem amorem sibi subiciat actualiter ordinando in suum finem. Amor Dei super omnia excludit peccatum mortale, sed non veniale nisi vires inferiores perfectè subiciat superioribus. Omne igitur actuale peccatum & mortale, & veniale excluditur per amorem Dei super omnia absorbentem; non tamen adhuc potestatis peccandi; & idèò tertium requirit S. AUGUSTINUS, nempe quòd sit æternus: signanter enim dicit, *sed æterno quoque amore præponat.* Nam si amor Dei super omnia fuerit immobilis & æternus, non poterit voluntas ab illo separari; nec consequenter peccare, siquidem omne peccatum est impossibile cum supradictò amore Dei super omnia.

Quibus suppositis sic probo intentum. Tunc datur abundantia amoris causantis impeccabilitatem, quando est Dei super omnia, & in tantà perfectione crescit, ut absorbeat omnem alium, id est, à nullo alio præveniri possit, & consequatur æternitatem, seu immutabilitatem: sed visio divinæ essentiae causat amorem Dei super omnia, & in tantà perfectione, ut à nullo alio præveniri possit, & æternitatem consequatur. Ergo visio divinæ essentiae causat abundantiam amoris causantis impeccabilitatem. Major est nota ex dictis. Minor quoad amorem Dei super omnia, & absorptionem illius sic probatur ab Angelico Sole q. 24. de veritate. a. 8. *Nam divinam essentiam videntes cognoscunt ipsum Deum ESSE FINEM MAXIME AMANDUM. Cognoscunt etiam omnia, quæ ei uniant, vel quæ ab eo disjungunt, in particulari cognoscentes Deum, non solum in se, sed etiam prout est ratio aliorum. Et ex hac cognitionis claritate in tantum mens roborabitur, quòd in inferioribus viribus nullus motus insurgere poterit, nisi secundum regulam rationis.*

LXXXIIJ. Quoad æternitatem autem seu immutabilitatem, ut probetur minor, præmittenda est distinctio duplicis immutabilitatis. Nam una se tenet ex parte potentiae agentis, secundum quam potentia semper est in actu, ita ut non ampliùs transcat de non actu in actum, aut de actu in non actum. Alia se tenet ex parte habitus determinantis objectum, secundum quam licet potentia non sit semper in actu, quandocumque tamen occurrit aliquid agendum circa objectum istius habitus, non valet potentia se determinare ad oppositum. In quo sensu dicit D. THOMAS loco citato nos immutabiliter bonum in generali appetere. Non enim semper actu.

appetimus bonum in generali, sed quia quidquid appetimus sub ratione boni appetimus, & ratio boni est tota ratio appetendi, idèò dicimur immutabiliter bonum appetere. Quod etiam locum habet circa bonum particulare v. g. castitatis. Si enim virtus castitatis in tantâ perfectione creverit, ut circa materiam castitatis sit tota ratio agendi, & quidquid circa illam materiam occurrerit, appetatur sub ratione castitatis, tunc dicetur aliquis immutabiliter appetere bonum castitatis, licet non semper foret in actuali amore castitatis.

LXXXIV. Utamque istam immutabilitatem consequitur amor Dei ex visione divinæ essentiae. De primâ sic probatur. Amor sequitur cognitionem; ergo ex immutabilitate cognitionis sequitur immutabilitas amoris. Si enim cognitio causet amorem, oportet ut æterna cognitio æternum causet amorem. Visio autem divinæ essentiae ex se habet æternitatem, ut præclare probat Doctor Communis ac Magister noster S. THOMAS lib. 3. contra gentes cap. 61. ubi inter alias rationes hanc assignat: *si aliqua actio sit in tempore hoc erit, vel propter principium actionis quod est in tempore, sicut actiones rerum naturalium sunt temporales; vel propter operationis terminum, sicut substantiarum spiritualium quæ sunt supra tempus quas exercent in res temporis subditas. Visio autem prædicta non est in tempore ex parte ejus quod videtur, cum hoc sit substantia æterna; neque etiam ex parte videntis, quod est intellectus, cujus esse non subjacet tempori, cum sit incorruptibilis, ut supra probatum est. Est igitur visio illa secundum æternitatis participationem: utpotè omnino transcendens tempus.*

Et cap. 62. Ex hoc autem apparet; quod illi qui ultimam felicitatem consequuntur ex visione divinâ nunquam ab illâ decidunt. Omne enim quod quandoque est, & quandoque non est tempore mensuratur: ut patet in 4. Physic. Visio autem prædicta quæ intellectuales creaturas facit beatas non est in tempore, sed in æternitate. Impossibile est ergo quod ex quo illius particeps aliquis fit, ipsam amittat. Si impossibile sit videntem Deum amittere visionem, impossibile quoque erit ut amans Deum ex visione divinâ amittat amorem. Primam igitur immutabilitatem, quâ voluntas semper actu amat, consequitur beatus ex visione Dei.

LXXXV. Secunda quoque immutabilitas ex parte habitus determinantis objectum, competit amori beatifico ex visione divinæ essentiae. Quæ determinatio sola sufficeret ad impeccabilitatem; nam dato per impossibile quod beatus non semper amaret actu Deum, si tamen videret divinam essentiam, immutabiliter Deum amaret, id est, quandocumque exiret in actum semper Deum amaret, quia nihil amare posset, nisi sub ratione divinæ bonitatis. Cujus ratio est, quod videns essentiam divinam videt ipsam esse rationem omnis boni, & nihil esse bonum nisi quod participat eam; & idèò habet se hujusmodi videns ad divinam essentiam, sicut non videns eam se habet ad communem rationem boni, in ordine ad alia volenda. Quare sicut non videns

CAP. VI. ALIÆ DUÆ BEATITUD NOTIONES IDEM PROBANT. 53
 essentiam divinam, non potest velle aliquid quod non participet rationem
 boni, & quidquid voluerit semper amabit bonum; ita videns Deum non
 potest velle aliquid quod non participet rationem bonitatis divinæ, & quid-
 quid voluerit semper amabit Deum. Docet hoc expressis terminis S. THOMAS
 1.p.q. 62. a. 8. *Angeli beati peccare non possunt. Cujus ratio est, quia eorum beatitudo in
 hoc consistit, quod Deum per essentiam videant. Essentia autem Dei est ipsa essentia
 bonitatis, unde hoc modo se habet Angelus videns Deum ad ipsum Deum, sicut se habet
 quicumque non videns Deum ad communem boni rationem. Impossibile autem est, quod
 aliquid quisquam velit & operetur nisi attendens ad bonum, vel quod velit divertere
 a bono in quantum hujusmodi. Angelus igitur beatus non potest velle vel agere nisi at-
 tendens ad Deum, sic autem volens vel agens non potest peccare, unde Angelus beatus
 nullo modo peccare potest. Id ipsum concludit q. 24. de veritate a. 8. dicens: unde
 scit nunc immutabiliter bonum in generali appetimus, ita immutabiliter in particulari
 bonum debitum appetunt beatorum mentes.*

LXXXVJ. Imò utramque immutabilitatem, tam ex parte potentia agentis,
 quam ex parte objecti determinati, tetigit præceptor noster 2. 2.q. 24.
 a. 11. ubi quærit, utrum charitas semel habita possit amitti, & respondet:

„Charitas comparari potest ad subjectum suum scilicet liberum arbitrium
 „secundum universalem rationem, quâ forma comparatur ad materiam, &
 „secundum specialem rationem, quâ comparatur habitus ad potentiam:
 „est autem de ratione formæ, quod sit in subjecto amissibiliter, quando
 „non replet totam potentialitatem materiæ, sicut patet in formis genera-
 „bilium, quia materia eorum sic recipit unam formam, quod in eâ rema-
 „net potentia ad aliam formam, & ideò una forma potest amitti per ac-
 „ceptionem alterius. Sed forma corporis cœlestis, quia replet totam po-
 „tentialitatem materiæ, ita quod non remanet in eâ potentia ad aliam
 „formam, inamissibiliter inest. Sic igitur charitas patriæ, quia replet to-
 „tam potentialitatem mentis rationalis, in quantum scilicet omnis actualis
 „motus ejus fertur in Deum, inamissibiliter habetur. Charitas autem viæ
 „non sic replet potentialitatem sui subjecti, quia non semper actu fertur
 „in Deum, unde quando actu in Deum non fertur, potest aliquid occur-
 „rere, per quod charitas amittatur.

Ecce immutabilitas ex parte potentia agentis, quâ voluntas videntis
 Deum semper actu fertur in Deum; quod certè non haberet voluntas, si
 intellectus non foret prius semper in actu: ac proinde ex visione divinæ
 essentia consequitur voluntas ex parte potentia agentis immutabilitatem, &
 ex eâ impeccabilitatem. Prosequitur Magister noster dicens:

„Habitui verò proprium est, ut inclinet potentiam ad agendum, quod
 „convenit habitui in quantum facit illud videre quod ei convenit, malum

„ autem quod ei repugnat. Sicut enim gustus dijudicat sapes secundum
 „ sui dispositionem, ita mens hominis dijudicat de aliquo faciendo secundum
 „ suam suam habitualem dispositionem. Unde philosophus dicit 3. Ethic. quod
 „ qualis unusquisque est, talis finis videtur ei. Ibi ergo charitas inamissibili-
 „ ter habetur, ubi illud quod convenit charitati non potest videri nisi bonum,
 „ scilicet in patria, ubi Deus per essentiam videtur, quæ est ipsa essentia
 „ bonitatis, & ideo charitas patriæ amitti non potest. Charitas autem viæ,
 „ in cujus statu non videtur ipsa essentia Dei, quæ est essentia bonitatis,
 „ potest amitti.

En alia immutabilitas ex parte objecti determinati per habitum, quæ videns Deum, etiam si per impossibile non esset in actuali amore Dei, adhuc tamen non posset peccare, quia perfectio charitatis in vidente facit, quod nihil repugnans charitati possit videri bonum; quam certè perfectionem consequitur charitas ex conjunctione cum visione Dei. Est igitur visio Dei causa radicalis impeccabilitatis, charitas & amor Dei causa proxima; hanc consideravit principaliter S. AUGUSTINUS (*principaliter* dico, quia meminit etiam visionis, ut patet ex testimoniis §. 5. recitatis) utramque S. THOMAS, sed principaliter visionem Dei per essentiam. Qui hæc bene perpenderit, nullatenus in assignandâ causâ impeccabilitatis separabit Solem à Sole, Discipulum à Magistro, sed unius profunditatem alterius splendore elucidabit.

§. VIII. Confirmatur doctrina præcedens ex syllogismo practico.

LXXXVII. **N**on parum confirmari potest, & elucidari doctrina data de impeccabilitate beatorum, ex eis quæ præclare docet Sol Angelicus 4. contra gentes cap. 95. his verbis: „ Quod autem ex fine in
 „ omnibus animabus separatis sequatur immobilitas voluntatis, sic manifestum esse potest. Finis enim, ut dictum est, se habet in appetitivis, sicut
 „ prima principia in demonstrativis: hujusmodi autem principia naturaliter
 „ cognoscuntur, & error qui circa hujusmodi principia accideret, ex corruptione naturæ proveniret, unde non posset homo mutari de verâ acceptione principiorum in falsam, aut re converso, nisi per mutationem
 „ naturæ: non tamen qui errant circa principia, revocari possunt per aliqua
 „ certiora, sicut revocatur homo ab errore, qui est circa conclusiones. Et similiter non posset aliquis à verâ acceptione principiorum per aliqua magis
 „ apparentia seduci.

„ Sic igitur & se habet circa finem, quia unusquisque naturaliter habet desiderium ultimi finis, & hoc sequitur in universali naturam rationa-

CAP. VI. ALIÆ DUÆ BEATITUD. NOTIONES IDEM PROBANT. 59

„lem ut beatitudinem appetat, sed quòd hoc vel illud sub ratione beati-
 „tudinis, & ultimi finis desideret, ex aliquà speciali dispositione contingit.
 „Undè Philosophus dicit, quòd qualis unusquisque est, talis & finis videtur
 „ei. Si igitur dispositio ista per quam aliquid desideratur ab aliquo, ut ulti-
 „mus finis, ab eo removeri non possit: non poterit immutari voluntas ejus
 „quantùm ad desiderium finis illius. *Et post pauca*: sic igitur manifestum est,
 „quòd dispositione manente quâ aliquid desideratur ut ultimus finis, non
 „potest illius finis desiderium moveri, quia ultimus finis maximè deside-
 „ratur: undè non potest aliquis à desiderio ultimi finis revocari per aliquid
 „desiderabile magis.

„*Et infra*: sicut igitur non repugnat libero arbitrio, quòd immobili vo-
 „luntate desideramus beatitudinem, & miseriam fugimus in communi, ita
 „non erit contrarium libero arbitrio quòd voluntas immobiliter fertur in
 „aliquid determinatum sicut in ultimum finem, quia sicut nunc nobis im-
 „mobilitèr inhæret natura communis per quam beatitudinem appetimus in
 „communi, ita etiam immobiliter manebit illa specialis dispositio per quam
 „hoc vel illud desideratur ut ultimus finis.

LXXXVIIJ. Ex quibus manifestum est, principia intellectus practici in agen-
 dis habere suam firmitatem & stabilitatem ex aliquâ dispositione voluntatis &
 agentis: ita ut ad inclinationem naturalem voluntatis in bonum universale
 (quam realiter distingui ab essentiâ voluntatis docent doctissimi Salmanticen-
 tes tract. 12. de virtutibus disp. 2. n. 41.) sequatur firmitas & immutabilitas istius
 judicij, *Bonum est appetendum, Beatitudo est appetenda*. Et ad inclinationem in
 aliquod bonum particulare v. g. temperantiæ, sequitur firmitas illius judicij
temperatè vivere hic & nunc est bonum, temperantia est appetenda, sive *temperatè est*
vivendum. Ita D. THOMAS 3. sent. dist. 33. q. 2. a. 4. quæstiunc. 4. his verbis: *cum*
negotatio de his quæ sunt ad finem, præsupponat naturalem cognitionem finis, quæ se-
quitur naturalem inclinationem voluntatis in finem, oportet quòd habitus perficiens ratio-
nem negotiantem de his quæ sunt ad finem, præsupponat inclinationem appetitus ad fi-
nem. Quem doctissimi Salmanticenses sic interpretantur disp. cit. n. 35.

„Rectum judicium de aliquo objecto ut sit firmum & stabile, uti esse
 „debent judicia synderesis, supponit affectum rectè ordinatum, quia qualis
 „unusquisque est, talis finis videtur ei, & sicut habet dispositum affectum
 „sic judicat. Undè D. THOMAS 2. 2. q. 47. a. 15. cùm dixisset quòd *quidam ha-*
 „*bent ex naturali dispositione quasdam virtutes, quibus inclinantur ad rectos fines,*
 „subdit: *& per consequens etiam habent naturaliter rectum judicium de hujusmodi.*
 „Ergo nisi voluntas supponatur immobiliter rectificata, atque adeo recti-
 „tudine participatâ per modum naturæ, non habebit homo adhuc ex parte
 „intellectus principia & judicia firma & immobilia, undè possit sibi acqui-

„ rere virtutes, quæ firmiter & in modum naturæ habent inclinare ad actus
 „ rectos. Certum est enim eandem vel majorem firmitatem præquiri in
 „ dictis principiis, ac debet esse in virtutibus, eorum virtute generatis. Et
 „ idè dixit Angelicus Doctor loco cit. ex distinct. 33. quod non tantum
 „ prudentia quæ est recta cognitio eorum quæ sunt ad finem, sed etiam recta
 „ cognitio ipsius finis quæ spectat ad synderesim supponit necessariò rectitu-
 „ dinem naturalem voluntatis, ex quâ & ex prædictâ cognitione virtutes
 „ acquisite procedunt. & q. 63. hujus 1. 2. a. 2. ad 3. sic ait: *Virtutum acqui-*
 „ *situm præexistunt in nobis quædam semina sive principia secundum naturam, quæ*
 „ *quidem principia sunt nobiliora virtutibus eorum acquisitis. Refertque se ad. a. 1.*
 „ *ubi docet principia præexistere tam in intellectu, quàm in voluntate: hac-*
 „ *que ratione virtutes esse homini connaturales secundum inchoationem.*
 „ *Inquantum (inquit) in ratione hominis insunt naturaliter quædam principia na-*
 „ *turaliter cognita, tam scibilium quàm agendorum, quæ sunt quædam semina in-*
 „ *tellektualium virtutum & moralium: & inquantum in voluntate insunt quidam na-*
 „ *turalis appetitus boni, quod est secundum rationem, &c.* Hæc Salmanti-
 „ cences.


LXXXIX. Quæ Angelici Solis doctrina ex Syllogismo practico fiet cla-
 rissima. Ratio in eligendis & fugiendis quibusdam syllogismis utitur, in
 quibus ex universalibus principiis circa particularia judicium assumit. Ubi
 major est universalis, & conclusio particularis, minor debet esse particu-
 laris, ut constat ex Summulis. In syllogismo practico est hæc major uni-
 versalis, *Bonum est amandum, summum bonum est amandum*; Minor, hoc est bo-
 num, hoc est summum bonum: conclusio est amor hujus boni, vel amor
 hujus summi boni. Ex inclinatione naturali ad bonum, & beatitudinem
 habetur firmitas majoris, & immutabilitas amoris quo bonum & beatitudi-
 nem amamus. Minor dupliciter accipitur, vel per collationem rationis, vel
 ex inclinatione ad aliquod bonum particulare. v. g. conferendo pecuniam
 cum eleemosynâ judico eam esse bonum, quia utilis ad eleemosynam.
 Avarus verò ex inclinatione sui habitus judicat pecuniam esse per se bo-
 num. Ego amo pecuniam propter eleemosynam, avarus amat eam propter
 se. Quidquid judicatur ut per se bonum sine aliqua collatione rationis,
 oportet ut ad illud sit quædam inclinatio in judicante, ita ut judicium quo
 aliquid judicatur esse bonum sine aliqua collatione ad aliam rationem, sem-
 per sequatur ad aliquam interiorem inclinationem.

XC. Quare omnis inclinatio ad quodcumque bonum particulare sem-
 per obtinet locum minoris in syllogismo practico. Undè sub istâ majore
summum bonum est amandum, nunquam sine aliqua collatione subsumam
Deus est summum bonum, si non habeam præter inclinationem naturalem majore-
 ris, aliam

CAP. VI. ALIÆ DUX BEATITUD. NOTIONES IDEM PROBANT. 57
ris, aliam particularem inclinationem in Deum. Similiter sub istâ majore
Bonum est amandum, nunquam in minori judicabo justitiam esse ex se &
nullâ factâ collatione bonam, si non adsit mihi quædam interior inclinatio,
aut virtualis quidam amor justitiæ. Hoc est igitur, quod docet Sol Angelicus;
dispositio, quâ in majori judicamus bonum & beatitudinem esse amandam, est
in nobis immobilis: si modò dispositio, quâ in minori judicamus Deum esse no-
stram beatitudinem, fuerit etiam immobilis, erimus impeccabiles, & veri-
ficabitur ista comparatio Angelica, quâ docet Sol Ecclesiæ, quodd *sicut nunc*
immutabiliter bonum in generali appetimus, ita immutabiliter bonum debitum appetunt
beatorum mentes, cum hac ramen differentiâ quodd immutabilitas ad bonum
in generali oriatur ex majori, immutabilitas verò ad bonum in particulari
oriatur ex minori. Et ideò subdit S. Doctor, *super naturalem autem inclina-*
tionem voluntatis (ex parte majoris) erit in eis charitas perfecta (ex parte minoris)
totaliter ligans eos Deo. q. 24. de veritate art. 8.

XCI. Illud autem S. AUGUSTINI dictum: *Et nisi ingenti amore oculum in-*
fixerit, nec ab aspiciendo usquam declinaverit, manere in illâ beatificâ visione non po-
terit: istud, inquam, dictum quod n. 81. magnificant Adversarij, planum
habet sensum, si dixeris beatos non posse permanere in beatificâ visione,
si Deum non amaverint; eò quodd ipsa visio beatifica indispensabiliter amo-
rem Dei causet modo in Opusc. seq. explicando. Nam sicut videns Deum non
solum videt Deum esse ipsam essentiam bonitatis, sed etiam videt istam
essentiam bonitatis visione Dei possideri, ita non solum ex visione vult ipsam
essentiam bonitatis, sed insuper ex ipsâ visione vult Deum videre, nec ab
illo videndo unquam divertere; quodd certè si non vellet, beatificam visio-
nem non haberet. Verè igitur dixit S. AUGUSTINUS, *nisi ingenti amore oculum*
infixerit, nec ab aspiciendo usquam declinaverit, manere in illâ beatificâ visione non
poterit: ingens siquidem est amor, non qui visionem causet, sed qui à vi-
sione causetur; ingens non tam intensiõis magnitudine, quàm termini affec-
tione, cum sit & minimo beatorum, & maximo communis.





CAPVT SEPTIMVM.

Non omnia opera infidelium sunt peccata.

XCIJ. **I**nviçtè credimus probatam possibilitatem duplicis Dei amoris absolute, & secundum se, abstrahendo à præsentì rerum ordine. Non enim consideravimus hominem qui creatus est, sed qui creari posset cum naturâ sanâ, id est, perfectâ virium inferiorum ad superiores subjectione; in quo amor justitiæ homini commensuratæ, quam lex naturalis dictat, ita roboraretur, ut omnem alium amorem sibi subjiciens, quidquid amandum & agendum occurreret, amaret, & ageret juxta prædictæ justitiæ regulas, & legis naturalis dictamen: in quo intellectus ita illuminaretur, ut nihil eorum quæ agenda forent ignoraret: in quo denique vera creaturarum cognitio, & rectus earum amor deducere eum possent usque ad cognitionem & amorem Dei ut authoris naturæ, & fontis omnis justitiæ, quem sic cognoscere & amare secundum suum posse, summum sibi reputaret gaudium. Nunc intendimus ostendere, duplicem illum Dei, seu justitiæ amorem in naturâ infirmâ de facto reperiri. Quæ sententia coincidit cum illâ, quâ asseritur, non omnia opera infidelium esse peccata. Nam si omnis amor justitiæ in naturâ infirmâ sit ex fide elevante naturam ad visionem Dei, oportet ut qui carent fide, nullum possint facere actum, qui non sit peccatum. Si verò præter amorem justitiæ, qui est ex fide elevante, detur alius justitiæ amor, poterit carens fide ex illo amore facere actum bonum, qui non sit peccatum. Quare hoc unum capite præsentì, & sequentibus verfabimur, nempe, non omnia opera infidelium esse peccata.

§. I. Duplex infidelitas distinguitur.

XCIJ. Quidam litteram S. AUGUSTINI plus nimio ponderantes in istam inciderunt sententiam, quâ intrepidè asserunt, tantam esse hominis infirmitatem, ut sine fide, quâ Christiani sumus, nullam actionem facere possit, quæ non sit peccatum; in hoc æquiparantes hominem alienâ voluntate infirmum demonibus propriâ voluntate infirmis; etenim sicut quidquid eligunt

CAP. VIJ. NON OMNIA OPERA INFIDELIUM SUNT PECCATA. 59
dæmones peccare eos necesse est, ita quicquid eligat homo infirmus fide destitutus, peccare etiam cum sit necessarium.

A quâ sententiâ alienum prorsus esse S. AUGUSTINUM, tutissimè & inconcussè docet præceptor noster Sol Angelicus; qui plus spiritum, quàm litteram S. AUGUSTINI ponderavit. Qui cum sit Doctor Ecclesiæ quintus, & ejus æquè ac S. AUGUSTINI tutissima sint & inconcussa dogmata; Qui cum miracula tot fecerit, quot edidit articulos, omnia resolvens lumine plusquam humano; necesse est Cordatum quemlibet plus judicio tanti Doctoris, & fulgentissimi Solis acquiescere, quàm centum aliis priyatis Doctoribus, qui non nisi lumine humano (etsi multorum annorum studio ac labore) S. AUGUSTINUM legerunt, mentemque ejus inquisierunt. Plus dat Deus unâ horâ, quàm centum annorum studia. Quapropter nullum mihi superest dubium, traditos eos esse in deteriorem sententiam, qui S. THOMAM, à S. AUGUSTINO separarunt, Discipulum à Magistro, Solem à Sole, unico corporis Ecclesiæ oculo contenti.

Nec possibile est, istam sententiam solido niti fundamento. Nam si vera sunt, quæ de duplici Dei amore ex utroque Ecclesiæ Sole huc usquè diximus, contrarium evidenter concluditur. Diximus alium esse amorem legis naturalis sive boni naturæ rationali proportionati, per quem ratio operatur; alium verò legis supernaturalis sive boni naturæ divinæ proportionati, & consequenter naturam rationalem excedentis, per quem fides, aut lumen gloriæ operantur. Ad amorem legis naturalis non requiritur auxilium elevans ad finem naturæ superioris: siquidem lex naturalis ordinatur ad finem, quem ratio, quæ est naturæ inferiori connaturalis, demonstrat; in quo distinguitur à lege divinâ, sive supernaturali, quæ ordinat hominem ad finem, quem fides, elevans ad participationem naturæ superioris & superexcedentis, præscribit. Quod igitur fide præscribitur, est superioris naturæ; quod autem ratio demonstrat, naturæ inferiori commensuratur. Quapropter ad amorem legis naturalis, quæ naturæ inferiori commensuratur, nulla esse potest indigentia auxilii elevantis ad participationem naturæ superioris, nisi adfuerit obligatio amandi legem naturalem ex amore legis supernaturalis, sive quod idem est, nisi currat obligatio referendi finem naturæ inferiori proprium, quem ratio dicat, ad finem superioris naturæ, quem fides præscribit.

XCIV. Occurret statim Adversarius, ergo adest in natura infirmâ, cum quâ nunc nascimur, indigentia auxilii elevantis: siquidem elevati sumus ad finem superioris naturæ, quem fides præscribit; ac proinde adest obligatio referendi finem naturæ nostræ commensuratum, in finem naturæ divinæ proprium. Verùm confundetur Adversarius, si duplicem infidelitatem notaverit. Eam dilucidè explicat Sol Angelicus 2.2.q.10.a.1. & probat ex Magistro suo S. AUGUSTINO dicens:



CAPVT SEPTIMVM.

Non omnia opera infidelium sunt peccata.

XCIJ. **I**nviſtè credimus probatam poſſibilitatem duplicis Dei amoris abſolutè, & ſecundùm ſe, abſtrahendo à præſenti rerum ordine. Non enim conſideravimus hominem qui creatus eſt, ſed qui creari poſſet cum naturâ ſanâ, id eſt, perfectâ virium inferiorum ad ſuperiores ſubjectione; in quo amor juſtitiz homini commenſuratæ, quam lex naturalis dictat, ita roboraretur, ut omnem alium amorem ſibi ſubjiciens, quidquid amandum & agendum occurreret, amaret, & ageret juxta prædictæ juſtitiz regulas, & legis naturalis dictamen: in quo intellectus ita illuminaretur, ut nihil eorum quæ agenda forent ignoraret: in quo denique vera creaturarum cognitio, & rectus earum amor deducere eum poſſent uſquè ad cognitionem & amorem Dei ut authoris naturæ, & fontis omnis juſtitiz, quem ſic cognoscere & amare ſecundùm ſuum poſſe, ſummum ſibi reputaret gaudium. Nunc intendimus oſtendere, duplicem illum Dei, ſeu juſtitiz amorem in naturâ infirmâ de facto reperiri. Quæ ſententia coincidit cum illâ, quâ aſſeritur, non omnia opera infidelium eſſe peccata. Nam ſi omnis amor juſtitiz in naturâ infirmâ ſit ex fide elevante naturam ad viſionem Dei, oportet ut qui carent fide, nullum poſſint facere actum, qui non ſit peccatum. Si verò præter amorem juſtitiz, qui eſt ex fide elevante, detur alius juſtitiz amor, poterit carens fide ex illo amore facere actum bonum, qui non ſit peccatum. Quare hoc unum capite præſenti, & ſequentibus verſabimur, nempe, non omnia opera infidelium eſſe peccata.

§. I. Duplex infidelitas diſtinguitur.

XCIJ. Quidam litteram S. AUGUSTINI plùs nimio ponderantes in iſtam inciderunt ſententiam, quâ intrepidè aſſerunt, tantam eſſe hominis infirmitatem, ut ſine fide, quâ Chriſtiani ſumus, nullam actionem facere poſſit, quæ non ſit peccatum; in hoc æquiparantes hominem alienâ voluntate infirmum demonibus propriâ voluntate infirmis; etenim ſicut quidquid eligunt

CAP. VIJ. NON OMNIA OPERA INFIDELIUM SUNT PECCATA. 59
dæmones peccare eos necesse est, ita quidquid eligat homo infirmus fide destitutus, peccare etiam cum sit necessarium.

A quâ sententiâ alienum prorsus esse S. AUGUSTINUM, tutissimè & inconcussè docet præceptor noster Sol Angelicus; qui plus spiritum, quàm litteram S. AUGUSTINI ponderavit. Qui cum sit Doctor Ecclesiæ quintus, & ejus æquè ac S. AUGUSTINI tutissima sint & inconcussa dogmata; Qui cum miracula tot fecerit, quot edidit articulos, omnia resolvens lumine plusquam humano; necesse est Cordatum quemlibet plus judicio tanti Doctoris, & fulgentissimi Solis acquiescere, quàm centum alius privatis Doctoribus, qui non nisi lumine humano (etsi multorum annorum studio ac labore) S. AUGUSTINUM legerunt, mentemque ejus inquisierunt. Plus dat Deus unâ horâ, quàm centum annorum studia. Quapropter nullum mihi superest dubium, traditos eos esse in deteriorem sententiam, qui S. THOMAM, à S. AUGUSTINO separarunt, Discipulum à Magistro, Solem à Sole, unico corporis Ecclesiæ oculo contenti.

Nec possibile est, istam sententiam solido niti fundamento. Nam si vera sunt, quæ de duplici Dei amore ex utroque Ecclesiæ Sole huc usquè diximus, contrarium evidenter concluditur. Diximus alium esse amorem legis naturalis sive boni naturæ rationali proportionati, per quem ratio operatur; alium verò legis supernaturalis sive boni naturæ divinæ proportionati, & consequenter naturam rationalem excedentis, per quem fides, aut lumen gloriæ operantur. Ad amorem legis naturalis non requiritur auxilium elevans ad finem naturæ superioris: siquidem lex naturalis ordinatur ad finem, quem ratio, quæ est naturæ inferiori connaturalis, demonstrat; in quo distinguitur à lege divinâ, sive supernaturali, quæ ordinat hominem ad finem, quem fides, elevans ad participationem naturæ superioris & superexcedentis, præscribit. Quod igitur fide præscribitur, est superioris naturæ; quod autem ratio demonstrat, naturæ inferiori commensuratur. Quapropter ad amorem legis naturalis, quæ naturæ inferiori commensuratur, nulla esse potest indigentia auxilii elevantis ad participationem naturæ superioris, nisi adfuerit obligatio amandi legem naturalem ex amore legis supernaturalis, sive quod idem est, nisi currat obligatio referendi finem naturæ inferiori proprium, quem ratio dicat, ad finem superioris naturæ, quem fides præscribit.

XCIV. Occurrat statim Adversarius, ergo adest in natura infirmâ, cum quâ nunc nascimur, indigentia auxilii elevantis: siquidem elevati sumus ad finem superioris naturæ, quem fides præscribit; ac proinde adest obligatio referendi finem naturæ nostræ commensuratum, in finem naturæ divinæ proprium. Verùm confundetur Adversarius, si duplicem infidelitatem notaverit. Eam dilucidè explicat Sol Angelicus 2.2.q.10.a.1. & probat ex Magistro suo S. AUGUSTINO dicens:

H ij

„Infidelitas dupliciter accipi potest. Uno modo secundum puram negationem, ut dicatur infidelis ex hoc solo, quod non habet fidem. Alio modo potest intelligi infidelitas secundum contrarietatem ad fidem: quia scilicet aliquis repugnat auditui fidei, vel etiam contemnit ipsam, secundum illud Isaïæ 53. *Quis credidit auditui nostro?* Et in hoc propriè perficitur ratio infidelitatis; & secundum hoc infidelitas est peccatum. Si autem accipiatur secundum negationem puram sicut in illis, qui nihil audierunt de fide, non habet rationem peccati, sed magis poenæ: quia talis ignorantia divinatorum ex peccato primi parentis consecuta est. Qui autem sic sunt infideles, damnantur quidem propter alia peccata, quæ sine fide remitti non possunt: non autem damnantur propter infidelitatis peccatum. Undè Dominus dicit Joan. 15. *Si non venissem & locutus eis non fuisset peccatum non haberent.* Quod exponens Aug. dicit (tract. 89. in Joan.) quod loquitur de illo peccato, quo non crediderunt in Christum.

Itam distinctionem recipiunt etiam Adversarii, & admittunt ignorantiam juris divini positivi invincibilem tribuere legitimam à peccato excusationem. Propriè autem, inquirunt, jus divinum est, quod Evangelium continet, ut per ejus annuntiationem filii Dei incarnatio, humani generis redemptio, & æterna vita credantur.

§. II. *Probatur clarissimè, non omnia opera infidelium esse peccata.*

XCV. **E**X præmissâ distinctione constat infidelem negativè nullum habere peccatum, ex eo quod non credat filii Dei incarnationem, humani generis redemptionem, & vitam æternam, ac consequenter Deum ut est beatitudinis objectum. Undè sic argumentor. Ubi non est obligatio credendi in Deum ut est beatitudinis objectum, nulla etiam esse potest obligatio amandi Deum ut est beatitudinis objectum: sed infideles negativè nullam habent obligationem credendi in Deum ut est beatitudinis objectum; ergo infideles negativè nullam etiam habent obligationem amandi Deum ut est beatitudinis objectum.

Syllogismus est legitimus. Minorem concedunt Adversarii; Majorem negare non valent, cum sit evidens; amor enim sequitur cognitionem: sicut ergo amari non potest, quod cognosci non potest: ita amari non debet, quod cognosci non debet. Non stat igitur obligatio ad amandum Deum ut est beatitudinis objectum, si non adsit obligatio ad credendum in Deum ut est beatitudinis objectum. Si infideles negativè nullam habent obligationem ad amandum Deum ut est beatitudinis objectum, nullam iterum habebunt obligationem referendi suos actus in Deum ut est beatitudinis

CAP. VII. NON OMNIA OPERA INFIDELIUM SUNT PECCATA. 61
objectum. Cum ergo fides sit primum auxilium elevans hominem ad Deum ut est beatitudinis objectum, non poterit actus infidelis ex solâ absentia fidei esse peccatum, sicut nequit esse peccatum ex solo defectu relationis in Deum ut est beatitudinis objectum, cum ad illam relationem infidelis negativè non teneatur.

Nec infideles contrariè subtrahendi sunt ab efficacia hujus argumenti. Quia non tenentur referre suos actus in finem fidei, id est, in Deum ut est beatitudinis objectum, nisi dum præceptum fidei, aut charitatis obligat. Hæc autem præcepta, cum sint affirmativa, non obligant pro omni tempore. In illo igitur tempore quo præceptum fidei, aut charitatis non obligat, nullus actus in infideli contrariè poterit esse peccatum ex solo defectu relationis actualis in Deum ut est beatitudinis objectum.

XCVI. Dices. Infidelis negativè non peccat, quia transgreditur legem divinam Evangelii, sive quia non ordinat actus suos in Deum ut est beatitudinis objectum; sed peccat transgrediendo legem naturalem; quam propter suam infirmitatem nequit implere sine recurſu ad Deum adiutorem, qui per fidem innotescit, juxta illud Apostoli Rom. 10. *Quomodo ergo invocabunt in quem non crediderunt?*

SED CONTRA. Hic non agimus de cognitione, aut impletione præcepti necessariâ ad salutem; sed de cognitione, aut impletione præcepti requisitâ ad bonitatem actus, & excludente omnem malitiam. Ut aliquod præceptum legis naturalis impleatur, sicut oportet, sufficit quòd ex amore legis naturalis impleatur. Tunc enim juxta phrasim S. AUGUSTINI bonum benè fit, quando ex amore boni fit bonum, & juxta eundem Solem nihil est aliud amore justitiæ bonum operari, quàm voluntate benefaciendi, benefacere, & amore præcepti adimplere præceptum. Quæ omnia verificantur de eo, qui actum lege naturali præceptum adimplet ex amore legis naturalis. Si igitur infideli negativè, qui excusatur à cognitione, & amore Dei ut est beatitudinis objectum, Deus inspiraverit amorem legis naturalis hic & nunc occurrentis, ipse faciet actum præceptum, qui non sit peccatum. Cum ergo Deus independenter ab omni cognitione, & amore Dei ut est beatitudinis objectum, possit infideli negativè inspirare amorem legis naturalis hic & nunc occurrentis, evidentissimè sequitur infidelem negativè posse independenter à cognitione, & amore Dei ut est beatitudinis objectum, facere actum, qui non sit peccatum: & consequenter sine fide, quæ est cognitio Dei ut est beatitudinis objectum.

Non recusamus indigentiam specialis auxilij: sed volumus speciale illud Dei auxilium non debere inniti fidei, nec amori, per quem fides operatur. Non enim datur in ordine ad Deum ut est beatitudinis objectum; eò quòd à tali ordine excusetur infidelis negativè. Verùm innititur legi naturali,

& inspirat amorem per quem lex naturalis operetur, ordinans infidelem negativè ad Deum ut authorem naturæ, & universale boni principium, fontemque omnis justitiæ homini commensuratæ. Nec impotentiam negamus; sed eam distinguimus. Est enim ad faciendum actum duplex impotentia; una procedit ex supernaturalitate objecti, & est omni creaturæ intellectuali communis: Alia procedit ex infirmitate potentiae, & est homini specialis, qui componitur ex duobus appetitibus, quorum inferior prævenit superiorem. Primam impotentiam vincit fides, per dilectionem Dei ut est beatitudinis objectum, operans. Secundam impotentiam vincit fortior amor appetitus superioris, quem Deus dare potest independentè à fide.

XCVIJ. Si nobis objeceris, doctrinam Opusc. I in fine capituli primi traditam, quâ diximus, auxilium infirmitatis esse auxilium orationis; oratio autem est recursus ad adiutorem, qui debet fide cognosci: respondebimus auxilium infirmitatis cognitæ esse auxilium orationis, non autem si ignoretur infirmitas. Pro quo notandum est, quod dupliciter Deus adjuvare potest infirmitatem nostram, vel dando nobis notitiam nostræ infirmitatis, nec non & adiutoris; vel præveniendò hujusmodi notitiam. Ad primum opus est auxilio orationis, ad secundum minimè; sufficit enim ut dum prævenimur concupiscentiæ, nobis latenter inspiret fortiorem amorem legis naturalis, hic & nunc occurrentis. An de facto sic moverit aliquos ex infidelibus negativè, ut ipsis nescientibus inspiraverit, in certis quibusdam occasionibus, fortiorem amorem legis naturalis, quo heroicis quosdam virtutum actus exercuerint, & vehementes quasdam concupiscentiæ passiones vicerint; an inquam, sic in aliquibus factum sit, potest probabiliter affirmari, ut in hominibus infirmis etiam ostenderetur, bonum rationis insufficiens esse ad salutem, id est, ad liberationem à peccato, & consecutionem beatitudinis: quandoquidem & illi qui Deo interiori specialiter, & latenter adjuvantè heroicis exercuerunt virtutum actus, non per illos à peccato liberati sunt, sed in damnatione relictæ.

Verumtamen quidquid sit de hac facti questione, satis est ad nostrum intentum, quod infidelis non in omnibus agat ut infirmus, eò quod non in omnibus appetitus inferior præveniat superiorem. Aliqua siquidem occurrunt secundum dictamen legis naturalis faciendæ, quæ, si non insurrexerit motus concupiscentiæ in contrarium, accipiuntur ut per se bona, & statim ex inclinatione naturali ad bonum rationis in universali, in majori Syllogismi practici positæ, concluduntur esse faciendæ. v. g. Fornicator infidelis ex voluntate fornicandi vadit ad certum locum, & in viâ occurrentem offendit patrem, quo viso, statim accipitur ut per se bonum, *salutate hic & nunc patrem*, si nullus insurgat motus in contrarium. Et ideo ex inclinatione naturali ad bonum, statim concludit salutationem patris.

CAP. VII. NON OMNIA OPERA INFIDELIUM SUNT PECCATA. 63
Dico in isto casu fornicatorem infidelem non agere ut infirmum, sed ut retinentem aliquid sanitatis ex reliquiis imaginis, quod infrà ex S. AUGUSTINO luculentius fiet.

§. IIJ. *Confirmatur ex verbis Apostoli Rom. 14. Quod non est ex fide peccatum est: in quibus præcipue fundantur Adversarii.*

XCVIII. **P**aradoxum videbitur Adversariis nos indè probare assertionem nostram, undè ipsi præcipuum, imò & unicum, sumunt suæ sententiæ fundamentum. Attamen non quia eis paradoxum, idè non in se verum. Oportet enim Adversarios sibi ipsis contradicere, similiter & S. AUGUSTINUM, si ex eo quod dixit Apostolus, Rom. 14. *Quod non est ex fide peccatum est*, sequatur solam absentiam fidei reddere actum malum. Sic enim argumentor. Ut aliqua carentia reddat actum malum, debet esse carentia perfectionis debitæ inesse: siquidem malum non simplicem negationem, sed privationem dicit, quæ est carentia boni debiti inesse, ut communiter notum est. Ut ergo ipsum *non esse ex fide* reddat actum malum, debet ipsum *esse ex fide* esse perfectionem debitam inesse actui. Certum autem est, admisâ infidelitate negativâ, ipsum *esse ex fide*, non esse perfectionem debitam inesse actui infidelis negativè. Inconceptibile siquidem est, quòd aliquis teneatur operari ex fide, & quòd non teneatur habere fidem, sive quod idem est, quòd aliquis excusetur à peccato si non habeat fidem, & non excusetur à peccato, si non operetur ex fide à quâ habendâ excusatur. Si non peccem ex eo quòd non diligam Christum, nec etiam peccabo ex eo quòd non ex amore Christi aliquid faciam: ita si non peccem ex eo quòd non habeam dilectionem, per quam fides operatur, non etiam peccabo ex eo quòd non ex dilectione, per quam fides operatur, aliquid faciam. Qui excusatur à fidè excusatur etiam à dilectione, per quam fides operatur.

Si modò Apostolus in illo loco loquatur, ut volunt Adversarii, de fide *sine quâ impossibile est placere Deo*, oportet ut loquatur de illâ fide cujus ignorantia invincibilis excusat à peccato; siquidem illam fidem agnoscit esse ex auditu; fides autem quæ est ex auditu invincibiliter ignorari potest: ait enim Apostolus, Rom. 10. *Fides ex auditu, auditus autem per verbum Christi* & suprâ præmiserat, *Quomodò autem audient sine prædicante? Quomodò verò prædicabunt nisi mittantur?* Illi ergo ad quos nulli missi sunt, quos dicimus esse infideles negativè, carent illâ fide sine peccato, de quâ dixit Apostolus, *Quod non est ex fide peccatum est*. Non peccant, fidem *sine quâ impossibile est placere Deo*, non habendo; quomodò ergo non ex illâ fide operando, peccabunt?

XCIX. Quare necessarium est Adversarios, vel nullam agnoscere infidelitatem negativam, vel negare actionem infidelis negativè cā solum ratione esse peccatum, quod non sit ex fide: quorum neutrum sine sui contradictione præstare possunt. Hinc sequitur eadem certitudine verificari, actum non esse malum ex solā absentia fidei, quā certitudine verificatur, ipsam absentiam fidei non esse in omnibus infidelibus peccatum: & consequenter locus iste Apostoli, *Quod non est ex fide peccatum est*, non potest habere in infidelibus negativè hunc sensum, omnis actio infidelis, eo ipso quod non sit ex fide, est peccatum, quia nullam potest habere obligationem operandi ex fide, qui non obligatur habere fidem: sicut nullam potest habere obligationem operandi ex amore Christi, qui non obligatur amare Christum. Unde sicut in non amante Christum negativè non est verum dicere, quod non est ex amore Christi, peccatum est; ita in non habente fidem negativè, non erit verum in sensu Adversariorum dicere, quod non est ex fide, peccatum est.

Similiter ista S. AUGUSTINI dogmata, quibus docet, hoc ipso esse peccatum, *Si opus fiat non propter hoc quod facere debet; si ad eum non referatur finem ad quem referri debet; si non propter hoc propter quod fieri debere vera sapientia præcipit*; ista, inquam, tutissima & inconcussa dogmata non possunt in infidelibus negativè intelligi de fine fidei per dilectionem operantis, cum impossibile sit eum non excusari à relatione suorum actuum in finem fidei per dilectionem operantis, qui excusatur à fide per dilectionem operante,

C. Quapropter ad Solem Angelicum convertere nos oportet, si veraciter in hac materia voluerimus illuminari. Hic enim lumine plusquam humano mentem Magistri sui explicuit de eo, quod non est ex fide, vel privativè, vel contrariè: non verò de eo quod non est ex fide purè negativè. Illud non est ex fide privativè, quod non procedit ex fide dum obligat præceptum fidei; illud autem non est ex fide contrariè quod sit propter finem infidelitatis; utrumque horum manifestum est peccatum. Illud non est ex fide negativè, quod non procedit ex fide dum non obligat præceptum fidei, nec ordinatur ad finem infidelitatis. Et sic clarum est, non omnem actionem infidelis esse peccatum, siquidem non omnem suam actionem ordinat in finem infidelitatis; *sicut enim* (ait Magister noster 2. 2. q. 10. a. 4.) *habens fidem potest aliquod peccatum committere in actu, quem non refert ad fidei finem, vel venialiter vel mortaliter peccando: ita etiam infidelis potest aliquam actionem bonam facere in eo quod non refert ad finem infidelitatis.* Alioqui potentior foret voluntas mala, quàm voluntas bona; & bonum commutabile magis dominaretur voluntati, quàm bonum incommutabile; efficaciorque esset concupiscentia, quàm gratia.

Nec infidelis negativè urgetur præcepto fidei, ut actio ejus sit peccatum quod eo

§ CAP. VII. NON OMNIA OPERA INFIDELIUM SUNT PECCATA. 65
 eo quod non sit ex fide privativè: siquidem invincibiliter ignorat ea quæ
 sunt fidei. Infidelis etiã contrariè non semper urgetur præcepto fidei,
 sicut nec ipsi fideles. Quod eleganter docuit Sol Angelicus 1.2.q.100.a.10. Ubi
 quaerit utrum modus charitatis cadat sub præcepto divinæ legis? Respondet, quod
in hoc præcepto, Honora patrem, non includitur quod honoretur pater ex charitate
(id est, ex dilectione Dei) sed solum quod honoretur pater: unde qui honorat
patrem, licet non habeat charitatem, non efficitur transgressor hujus præcepti, etsi sit
transgressor præcepti quod est de actu charitatis: propter quam transgressionem mere-
tur penam.

¶ Cl. Si transgressor charitatis non transgreditur præceptum honorandi
 parentes, dum honorat illos non ex charitate, multò minùs infidelis nega-
 tivè, qui non est transgressor charitatis, peccabit honorando parentes non
 ex charitate, sivè non ex dilectione, per quam fides operatur. Nec infi-
 deles contrariè in hoc peccabunt, si non urgeat præceptum charitatis. Quod
 dictum est de charitate, eandem prorsus vim habet in fide: siquidem in
 isto præcepto, honora patrem, non includitur quod honoretur pater ex
 fide, sed solum quod honoretur pater: unde qui honorat patrem, licet non
 habeat fidem, non efficitur transgressor hujus præcepti, etsi foret transgressor
 præcepti, quod esset de actu fidei.

Quam doctrinam clarissimè expressit idem Sanctus ad 2. ubi sibi objicit:
Ad modum charitatis propriè pertinet ut omnia fiant propter Deum. Sed istud cadit
sub præcepto. Dicit enim Apostolus 1. Cor. 10. Omnia in gloriam Dei facite. Ergo
modus charitatis cadit sub præcepto. Huic objectioni hanc adhibet solutionem
à quolibet Cordato notatu dignissimam. Ad secundum dicendum, quod sub
præcepto charitatis continetur ut diligatur Deus ex toto corde: ad quod pertinet ut om-
nia referantur in Deum. Sic ergo qui honorat parentes tenetur ex charitate honorare,
non ex vi hujus præcepti, quod est honorare parentes: sed ex vi hujus præcepti,
diliges Dominum Deum tuum ex toto corde tuo. Et cum illa sint duo præcepta affir-
mativa non obligantia ad semper, possunt pro diversis temporibus obligare: Et ita po-
test contingere, quod aliquis implens præceptum de honoratione parentum, non tunc trans-
grediatur præceptum de omissione modi charitatis.

In illis verbis notatu dignissimum est, quod præceptum Apostoli diri-
 gendi omnia in Deum, non aliam inducat obligationem, quam præceptum
 charitatis, quod alio tempore potest obligare, ab eo quo obligat præceptum
 de honoratione parentum. Idem sentiendum est de præcepto fidei. Quem-
 admodum igitur qui honorat parentes non ex charitate, sivè non refe-
 rendo in Deum, non peccat, si præceptum charitatis non urgeat: ita qui
 honorat parentes non ex fide, non peccabit, si præcepto fidei non obli-
 getur. Infidelis autem negativè nullo tempore obligatur; infidelis verò pri-
 vativè vel contrariè pro aliquo solum tempore.



CAPV T OCTAVVM.

*Agnovit S. AUGUSTINUS, non omnia infidelium opera
esse peccata.*

SI quis nullo mentis proprio præoccupatus judicio legerit capita 26. 27. & 28. Libri de spiritu & litterâ, facillè percipiet, S. AUGUSTINUM agnovisse in infidelibus aliqua opera, quæ non sint peccata. Ut hoc manifestemus, primò præmittemus, quid in istis capitibus intenderit fulgentissimus Ecclesiæ Sol. Secundò totum textum adducemus; quem quibusdam litteris distinguemus, ad clariorem ejus quod intendimus probationem, Tertiò ex allato textu concludemus intentum, cum multiplici solutionis Adversariorum impugnatione.

S. I. Quid intendat S. AUGUSTINUS in tribus capitibus 26. 27. & 28. libri de spiritu & litterâ.

CIJ. **E**Xponit S. AUGUSTINUS in dictis capitibus locum istum Apostoli Rom. 2. *Cum enim gentes quæ legem non habent naturaliter quæ legis sunt faciunt, hi legem non habentes ipsi sibi sunt lex, qui ostendunt opus legis scriptum in cordibus suis.* His verbis quæstio non mediocris exorta est, videlicet, qualiter certa sit distantia novi Testamenti, quòd leges suas Dominus in cordibus populi sui se scripturum esse promisit, quandoquidem hoc gentes naturaliter habeant.

Hanc quæstionem pertractans S. AUGUSTINUS ostendit primò, istum locum convenienter intelligi de gentibus ad fidem conversis, quòd cap. 26. multis probat. Et initio cap. 27. removet difficultatem, quæ congruitatem hujus intellectus videbatur impedire, ex eo quòd dixisset Apostolus, naturaliter eos quæ legis sunt facere. Quòd autem iste locus posset etiam rectè intelligi de gentibus à Christo alienis, non erat probandum, cum littera hunc sensum præ se ferre videretur.

Secundò, istum locum in utroque sensu explicat S. AUGUSTINUS. Nec audiendi sunt, qui dicunt S. Doctorem secundum sensum in aliorum retulisse

CAP. VII. AGNOV. S. AUG. NON OMNIA OPERA INF. ESSE PECC. 69
sententiâ. Nam postquam ostendit Apostolum posse convenienter intelligi de gentibus ad fidem converſis; & ex aliâ parte littera præ se ferret intellectum de gentibus à Christo alienis; utrumque sensum prosequitur conditionaliter, & eodẽ tenore, nec doctrinam fidei voluit uni sensui alligari. In primo siquidem sensu quæstionem resolvit circa finem cap. 26. dicens: *Si ergo cum gentes commemorans naturaliter quæ legis sunt facientes, & scriptum habentes opus legis in cordibus, illos intelligi voluit qui credunt in Christum, quia non sicut Indæi promissâ sibi lege veniunt ad fidem, non est cur eos conemur discernere ab iis, quibus per prophetam Dominus promittens testamentum novum dixit, leges suas scripturam in cordibus eorum.* Ecce quomodò conditionaliter loquatur, & ad modum ejus qui duos sensus intendit exponere & ait, si unus sensus accipiat, dicendum est &c. Si autem alter sensus, dicendum est &c. Qui sic loquitur, utrumque sensum exponit, nec unum magis sibi appropriat, quàm alium, quantumvis probationi unius sensus, qui non ita est patens sicut alter, magis incumbat.

Ita se habuisse S. AUGUSTINUM, legenti est manifestum; postquam enim cap. 26. priorem sensum exposuit, verbis nuper relatis, & initio cap. 27. removit difficultatem quæ sensum illum offendere potuisset ex ly *naturaliter quæ legis sunt faciunt*: mox circa finem dicti cap. 27. prosequitur posteriorem sensum hoc modo; *Si autem hi qui naturaliter quæ legis sunt faciunt, nondum sunt habendi in numero eorum quos Christi justificat gratia, &c.* ut §. seq. habetur. Quibus liquidò constat, non in aliorum sententiâ, sed in propriâ utrumque sensum fuisse prosecutum; & idè qui perspicaciores in AUGUSTINO videntur, ad aliam recurrunt solutionem infra adducendam.

§. II. *Textus S. AUGUSTINI adducitur quibusdam litteris distinctus.*

CHJ. **U**T mens S. AUGUSTINI à Cordato lectore clarè dignosci possit, textum integrum adducimus, certis litteris distinctum.

A. Si autem hi qui naturaliter quæ legis sunt, faciunt, nondum sunt habendi in numero eorum quos Christi justificat gratia: sed in eorum potiùs quorum etiam impiorum, nec Deum verum veraciter justèque credentium, quædam tamen facta vel legimus, vel novimus, vel audimus, *QUE SECUNDUM JUSTITIÆ REGULAM NON SOLUM VITUPERARE NON POSSUMUS, VERUM ETIAM MERITO RECTEQUE LAUDAMUS*: quamquàm si discutiatur quo fine fiant: vix invenientur quæ justitiæ debitam laudem defensionemque mereantur. cap. 27. in fine: *Quæ sequuntur, ex cap. 28.*

B. Verumtamen quia non usque adeò in animâ humanâ imago Dei terrenorum affectuum labe detrita est, ut nulla in eâ velut lineamenta extrema remanserint, UNDE MERITO DICI POSSIT ETIAM IN IPSA IMPIETATE VITÆ SUÆ FACERE ALIQUA LEGIS, VEL SAPERE: Si hoc est quod dictum est, quia gentes quæ legem non habent, hoc est, legem Dei, naturaliter quæ legis sunt faciunt, & quia huiusmodi homines ipsi sibi sunt lex, & scriptum opus legis habent in cordibus suis, id est, non omnimodò deletum est, quod ibi per imaginem Dei cum crearetur impressum est:

C. Etiam sic illa differentia non perturbabitur, quâ distat à vetere Testamentum novum, eò quòd per novum scribitur lex Dei in corde fidelium, quæ per vetus in tabulis scripta est: HOC ENIM ILLIC SCRIBITUR PER RENOVATIONEM, QUOD NON OMNIMODO DELETUM EST PER VETUSTATEM.

D. Nam sicut ipsa imago Dei renovatur in mente credentium per Testamentum novum, quam non penitus impietas aboleverat: nam remanerat utique id quod anima hominis nisi rationalis esse non potest: ita etiam ibi lex Dei non ex omni parte deleta per injustitiam, profectò scribitur renovata per gratiam. Nec istam inscriptionem quæ justificatio est, poterat efficere in Iudæis lex in tabulis scripta, sed solum prævaricationem.

E. Nam & ipsi homines erant, & VIS ILLA NATURÆ INERAT EIS, QUÆ LEGITIMUM ALIQUID ANIMA RATIONALIS ET SENTIT, ET FACIT. Sed pietas quæ in aliam vitam transfert beatam & æternam, legem habet immaculatam convertentem animas, ut ex illo lumine renoventur, fiatque in eis, signatum est super nos lumen vultus tui Domine. Undè & averſi obsolescere meruerunt, renovari autem nisi gratiâ christianâ, hoc est, nisi mediatoris intercessionem non possunt. Unus enim Deus, unus & mediator Dei & hominum, homo Christus Iesus, qui dedit semetipsum redemptionem pro omnibus.

F. A quâ gratiâ si alieni sunt illi de quibus agimus, qui secundum illum modum, de quo superius satis diximus, naturaliter quæ legis sunt faciunt, quid eis proderunt cogitationes excusantes in die quâ iudicabit Deus occulta hominum, nisi fortè ut mitius puniantur?

G. Sicut enim non impediunt à vitâ æternâ justum quædam venialia, sine quibus hæc vita non ducitur: sic ad salutem æternam nihil profunt impio ALIQUA BONA OPERA, SINE QUIBVS DIFFICILLIME VITA CUJUSLIBET PESSIMI HOMINIS INVENITUR.

H. Verumtamen sicut in regno Dei velut stella ab stellâ in gloriâ differunt Sancti, sic & in damnatione poenæ sempiternæ tolerabilius erit Sodomæ, quàm alteri civitati, & erunt quidam duplò ampliùs quibusdam gehennæ filii: ita nec illud in iudicio Dei vacabit, quòd in ipsâ impietate damnabili magis alius alio minusve peccaverit.

CAP. VIIJ. AGNOV. S. AUG. NON OMNIA OPERA INF. ESSE PECC. 69

I. Quid ergo hinc Apostolus efficere voluit quòd iactantiam cohibens Judæorum, cum dixisset non auditores legis iusti sunt apud Deum, sed factores legis iustificabuntur: continuo subiicit de his, qui legem non habentes naturaliter quæ legis sunt faciunt, si non illi sunt intelligendi qui pertinent ad gratiam mediatoris, sed illi potius qui cum DEUM VERUM VERA PIETATE NON COLANT, HABENT TAMEN QUÆDAM OPERA BONA IN VITA IMPIA?

L. An fortè hoc ipso probandum credidit, quod suprà dixerat, quia non est personarum acceptio apud Deum: & quod postea dixit, quia non Judæorum Deus est tantum, sed etiam gentium? quòd QUANTULACUMQUE LEGIS OPERA NATURALITER INSITA NON INVENIRENTUR IN EIS QUI LEGEM NON ACCEPERUNT, NISI EX RELIQUIIS IMAGINIS DEI, quam non contemnunt cum in eum credunt, apud quem non est acceptio personarum.

En totus fulgentissimi Solis contextus ad præsentem materiam necessarius; ex quo intendimus probare, cum agnovisse in infidelibus aliqua bona opera, quæ non sint peccata. Pro quo erit §. sequens.

§. IIJ. Probatur ex dicto textu intentum, solutio Adversariorum adducitur. primaque illius impugnatio.

CIV. **N**on aliter ex prædicto textu probari debet, S. AUGUSTINUM agnovisse in infidelibus quædam opera bona quæ non sint peccata, quam ipsum textum percurrendo. Non enim potuisset se clariùs exprimere, quam dum litt. A. ait, in illis esse quædam facta quæ secundum iustitiæ regulam non solum non vituperare non possumus, verum etiam meriti rectèque laudamus. Dum litt. B. dicit, aliqua in imagine Dei lineamenta mansisse, jundè meriti dici possit etiam in ipsa impietate vitæ suæ facere aliqua legis, vel sapere. Dum litt. E. inquit, Nam & ipsi homines erant, & vis illa naturæ inerat eis, quâ legitimè aliquid anima rationalis & sentit, & facit. Dum litt. G. agnoscit aliqua bona opera sine quibus difficillimè vita cujuslibet pessimi hominis invenitur. Dum litt. I. asserit, quòd illi qui cum Deum verum verà pietate non colant, habent tamen quædam opera bona in vitâ impiâ. Dum denique litt. L. affirmat, quòd quantulacumque opera legis naturaliter insita inveniantur, in eis qui legem non acceperunt, ex reliquiis imaginis Dei.

Respondent Adversarii, S. AUGUSTINUM loqui de bonis operibus, quæ sunt ex objecto bona; cum quo stat ea esse mala ex fine. Est enim S. AUGUSTINI proloquium, bonum posse fieri non bonè. In hoc sensu agnoscit inquirunt, S. Doctor, infidelès facere aliqua bona opera, sed non bonè. Quod videtur sufficienter expressisse, dum in textu litt. A. addidit: quamquam si

discutiantur quo sine fiant, vix inveniuntur quæ justitiæ debitam laudem defensionem merentur.

Hæc solutio veram continet S. AUGUSTINI doctrinam, non tamen rectè applicatur in præsentī: eò quòd cum illà solutione non stet germanus hujus textus intellectus; hocq̃e multipliciter probatur.

CV. PRIMÒ. Opus bonum non benè factum semper ab AUGUSTINO vituperatur ut peccatum, nec secundùm justitiæ regulam potest dici factum, eùm ordo ad debitum finem ita sit de ratione justitiæ, ut qui cum suis actibus non apponunt, eo ipso efficiantur injusti. Sic enim lib. 4. contra Julian. cap. 3. loquitur: *cum itaque facit homo aliquid ubi peccare non videtur, si non propter hoc facit propter quod facere debet, peccare convincitur.* Et suprà: *cum non ad suum referuntur authorem dona Dei, hoc ipso mali his utentes efficiuntur injusti.*

Quà igitur ratione dixisset S. AUGUSTINUS, aliqua esse in infidelibus opera, quæ sint secundùm justitiæ regulam facta, si iidem operibus existimasset eos fieri injustos. Quare quod addidit, *quamquam si discutiantur quo sine fiant*, &c. Non ad illa opera refertur, quæ agnoscit esse facta secundùm justitiæ regulam, quæque meritò rectèque laudantur; sed ad ipsa infidelium opera refertur, ut planus sit sensus, si facta infidelium discutiantur quo sine fiant, vix inveniuntur, quæ secundùm justitiæ regulam fiant, eò quòd vel hominibus, vel saltem sibi ut plurimum placere desiderant. Qui dicit, *vix inveniuntur*, non dicit nulla prorsus inveniri, sed solum quòd sit difficile; quod etiam fatemur, & maxime in illis ad quæ se movet infidelis ex præcedente consilio. Si quis attentè consideraverit totum contextum, inveniet eam esse S. AUGUSTINI mentem: siquidem conjungit potestatem faciendi cum potestate cognoscendi; ut patet dum ait: *facere aliqua legis, vel sapere; legitimum aliquid & sentire, & facit*; sed infidelis potest cognoscere aliquid verum, & legitimum sine admixtione falsi: ergo poterit etiam facere aliquid bonum, & legitimum sine admixtione mali.

§. IV. *Secunda solutionis Adversariorum impugnatio ex causâ operum desumpta.*

CVI. SECUNDÒ. Causa quam assignat S. AUGUSTINUS istorum operum quæ secundùm justitiæ regulam meritò rectèque laudantur, manifestè indicat, ea non esse de numero illorum, quæ ad finem malum referuntur. Etenim pro causâ assignat litt. B. imaginem Dei non ita detritam, quin aliqua ejus lineamenta extrema remanserint, undè meritò dici possit facere aliqua legis, vel sapere. Imago Dei non relucet in operibus injustis & ad malum finem ordinatis, sed in operibus ex omni parte bonis. Sicut

CAP. VIII. AGNOV. S. AUG. NON OMNIA OPERA INF. ESSE PECC. 71
enim non per opera ex aliquâ parte mala renovari dicitur in nobis imago Dei; ita nec imago Dei secundum aliqua sui lineamenta remanere dici potest propter opera ex aliquâ parte mala. Ratio est manifesta. Ad imaginem Dei maximè spectat cognitio veritatis, & amor boni, sive voluntas bona. Quæ igitur sunt imaginis Dei lineamenta extrema, nisi lineamenta aliqua cognitionis veritatis, & bonæ voluntatis? Et quid alii sunt reliquæ imaginis nisi aliquid residuum de cognitione veritatis, & aliquid permanens de amore boni, seu bonâ voluntate?

Quapropter si opera ex omni parte bona non agnovisset S. AUGUSTINUS, nullatenus dixisset litt. L. esse naturaliter insita, & ex reliquiis imaginis inveniri. Opera illa ordinantur ad aliquem finem, non ad bonum secundum Adversarios, ergo ad malum. Quis affirmabit opera ad finem malum ordinata esse naturaliter insita, & ex reliquiis imaginis, nisi qui affirmaverit Deum esse authorem peccati? Cum igitur pars negativa debeat ab omni fidei defendi, nullo modo dubitandum est, opera ex omni parte bona agnovisse S. AUGUSTINUM in infidelibus, qui litt. L. ex reliquiis imaginis manifestat eorum originem; qui litt. B. imaginem Dei non omnino deletam dicit explicare in illis sua extrema lineamenta; qui litt. E. docet ea procedere ex ipsâ naturâ hominis, & quâdam vi innatâ animæ rationalis legitimè aliquid sentiendi, & faciendi.

CVII. Hæc in S. Augustino legens S. THOMAS indubitanter asseruit, non omnia infidelium opera esse peccata, nec aliundè probavit, quàm quòd peccatum non totum bonum naturæ corrumpit; quæ ratio planè coincidit cum eo quod dixit S. AUGUSTINUS, imaginem Dei non omnino esse deletam. Secundam etiam rationem ex hoc textu videtur desumpsisse fidelissimus discipulus; Nam ex eo quòd fidelis potest facere aliquod opus malum, non relatum ad fidei finem, infert infidelem posse facere aliquod opus bonum, non relatum ad finem infidelitatis. Quæ certè illatio & comparatio non est absimilis illi comparationi, quam format S. AUGUSTINUS litt. G. dicens: *Sicut enim non impediunt à vitâ æternâ justum quedam peccata venialia, sine quibus hæc vita non ducitur; sic ad salutem æternam nihil prosunt impia aliqua bona opera, sine quibus difficillimè vita cujuslibet pessimi hominis invenitur.* Quasi diceret, sicut opera aliqua justorum non ordinata ad vitam æternam, eos non impediunt ab affectione vitæ æternæ; ita quædam opera infidelium non ordinata ad damnationem, eos à damnatione non eripiunt.

Comparatio Angelica est: fidelis potest aliquid facere non ordinatum ad finem fidei: ergo infidelis potest aliquid facere non ordinatum ad finem infidelitatis. Comparatio AUGUSTINIANA est: aliqua opera non ordinata ad vitam æternam, non impediunt justum à vitâ æternâ: ergo aliqua opera non ordinata ad damnationem, non impediunt infidelem à damnatione.

Tollitur igitur efficacia comparationis AUGUSTINIANÆ, si infidelis non possit facere aliquod opus non ordinatum ad damnationem, ad quod requiritur, quòd sit ex omni parte bonum.

Nihil dixit Sol Angelicus, quod non ex sapientissimo Magistro suo de sumpfit. Quis modò patienter ferat illos, qui in cœlum ponentes os suum audent dicere, S. THOMAM ex scholâ Peripateticâ firmasse suam sententiam, relicti Magistri sui principis? Verius hujusmodi hominibus reponere possem, quod impiè dixit Bucherus, *Tolle Thomam & dissipabo Ecclesiam*; verius, inquam, dicere illis possem, *Tollite THOMAM & dissipabo AUGUSTINUM*. Nam pluries jam expertum est, eos qui sine THOMA AUGUSTINO studuerunt, Discipulum Magistro opposcentes, à tramite veritatis deviasse, & semper fuisse de veritate suspectos.

§. V. Tertia solutionis Adversariorum Impugnatio ex statu questionis ab AUGUSTINO suscitata.

CVIII. **T**ERTIO. Status questionis à S. AUGUSTINO suscitatur postulat, ut de operibus ex omni parte bonis intelligatur. Nam de illis operibus legis agitur, quæ dicit Apostolus, scripta esse in cordibus infidelium, Nullâ autem ratione sustineri potest, opus ex amore perversi finis factum scriptum esse in cordibus infidelium. Opus scribitur in corde per amorem, non qualemcumque, sed qui ex Deo est; amor perversi finis non ex Deo est. Si opus legis non sit ex amore Dei, oportet ut fiat ex amore sui, qui juxta Adversarios est amor perversi finis, inter quem & amorem Dei non datur medium; ac proindè opus legis quod facit infidelis, cum non faciat illud ex amore Dei, oportet ut faciat illud juxta Adversarios ex amore perversi finis: tale igitur opus non poterit dici opus legis scriptum in cordibus infidelium, de quo agit Apostolus. Hic enim intendit, ut S. AUGUSTINUS ait litt. I. cohibere jactantiam Iudæorum, qui in lege gloriabantur. Quæ jactantia firmissimè cohibetur, dum ostenditur, quòd non sufficiat audire legem, sed oporteat eam facere; dum etiam exhibentur illi, qui non audierunt legem, & tamen eam fecerunt, ostendentes opus legis scriptum in cordibus suis.

Argumentum Apostoli est hujusmodi. Quid Iudæ in lege gloriaris? Quid supra gentiles te extollis? legem quidem habuisti, quam ipsi non habuerunt: sed legem fecerunt, quam tu non fecisti. Non auditores legis iusti sunt apud Deum, sed factores legis justificabuntur. Iustitia quæ apud Deum est non facit audire legem, sed facit eam observare. Tu ergo Iudæ noli extolli ut auditor legis, qui eam non facis, supra gentiles, qui faciunt eam etiam non audierint, ostendentes opus illius scriptum in cordibus suis.

Quomodo

Quomodo scriptum? amore legis; non enim factor legis dici potest, qui opus legis non facit ex amore legis. Si factor legis nullus sit sine amore legis, & amor legis sit scriptura cordis, optimè intulit Apostolus, eos qui non audierunt legem, & tamen fecerunt eam, habuisse opus legis scriptum in cordibus suis. Ex quo se statim offert difficultas quæstionis à S. AUGUSTINO suscitata. Nam cum lex scripta in corde, sive quod idem est, amor legis sit distantia certà novi Testamenti à veteri; quomodo illi qui non pertinent ad novum Testamentum, quales sunt infideles, possunt dici habere legem scriptam in corde, sive habere aliquem amorem legis? Si S. AUGUSTINUS non agnovisset aliquod bonum opus infidelium ex amore legis factum, non potuisset istam quæstionem pertractare, ut de se est manifestum. Ipse igitur status quæstionis à S. AUGUSTINO suscitatae evidenter ostendit, cum agnovisse in infidelibus aliqua opera non solum ex objecto, sed etiam ex fine bona, utpote amore legis facta, & idè in cordibus eorum scripta. Quod non minùs evidenter ipsa quæstionis supradictæ decisio demonstrabit, ut §. seq. dicturi sumus.

§. VI. *Quarta, & ultima, eaque efficacissima solutionis Adversariorum impugnatio ex decisione quæstionis supradictæ.*

CIX. QUARTO. Ipsa quæstionis supradictæ decisio efficacissimè demonstrat, S. AUGUSTINUM agnovisse in infidelibus aliqua opera, tam ex objecto, quam ex fine bona. Decisionem tradit litt. C. D. & L. Quasi diceret, adhuc stat differentia novi Testamenti à veteri per legem scriptam in corde, sive per amorem legis, etiamsi aliquis legis amor in infidelibus inveniat, quia *hoc scribitur per renovationem quod non omni modo deletum est per vetustatem*, ut dicitur litt. G. In his paucis, sed profundissimis sensu, verbis consistit tota quæstionis resolutio, & planissima assertionis nostræ probatio. Utinam Adversarii non in lumine proprio, sed in lumine Angelico considerassent hæc verba: *hoc scribitur per renovationem, quod non omni modo deletum est per vetustatem*: decepti certè non fuissent, nec supra fundamentum arenosum propriam ædificassent doctrinam, quam ipsissimam esse S. AUGUSTINI mentem, contra tutissima & inconcussa Angelici Solis dogmata, totis viribus persuadere nituntur.

Ex germano prædictorum verborum sensu ruit tota illa ædificii moles, quam construxerunt, qui supra firmam Angelicæ Doctrinæ petram sensum S. AUGUSTINI ædificare noluerunt. Quos, ut diximus, non est mirum fuisse de veritate suspectos. A minimâ hujusmodi suspicionis umbrâ liberabimur, si Magistrum non nisi per Discipulum intelligere studeamus. Tantus enim Magister tanto indigebat Discipulo, ad profundissimas mentis suæ acutissimæ

conceptiones indagandas, nobisque sine errore manifestandas. Faue igitur, ANGELICE DOCTOR, & ardentissimo quo urgeor veritatis tuæ amorī da robur, fer auxilium.

CX. Imprimis in prædictis S. AUGUSTINI verbis statim se offert, aliquid per gratiam scribi, quod ante fuit scriptum, & non omnino deletum. Oportet igitur investigare, quid sit illud quod gratia in corde scribit, & ante fuit scriptum, nec postea omnino deletum. Amatam in corde scribitur, juxta illud Canticorum 8. *pone me ut signaculum super cor tuum*. Unde lex in corde scripta est lex amata; amor itaque legis est, ut nuper dicebamus, scriptura cordis. Lex Dei, si vè lex æterna, est duplex, videlicet lex naturalis, & lex fidei quam dicimus supernaturalem, quæ distinctio patet ex antecedentibus. Lex igitur Dei scribitur in corde, & amore legis naturalis, & amore legis supernaturalis. Deus condens naturam rationalem ad imaginem suam, scripsit in corde illius amorem legis naturalis, quem significat S. AUGUSTINUS, dum litt. E. ait, *nam & ipsi homines erant, & vis illa naturæ inerat eis, quæ legitimam aliquid anima rationalis sentit, & facit*. Largiens autem Deus gratiam sanctificantem, si vè justificantem cā justitiæ, quā homo elevatur ad participandum ea quæ sunt Dei propria, scripsit in corde illius amorem legis supernaturalis, quem significat S. AUGUSTINUS dum ibid. subdit: *sed pietas quæ in aliam vitam transfert beatam & æternam, legem habet immaculatam convertentem animas, ut ex illo lumine renouentur, ad communicationem eorum quæ Dei sunt propria*.

Hinc sumitur germanus sensus istorum verborum: *hoc scribitur per renovationem, quod non omni modo deletum est per vetustatem*. Nam lex Dei scripta in corde, & amore legis naturalis, & amore legis supernaturalis, dum homo ad imaginem, & similitudinem Dei creatus est, non omnino deletur per vetustatem: quia ex eo quod homo rationalis est, semper restat aliquis amor legis naturalis, ratione cujus lex Dei scripta in corde non omnino deletur; dum ergo homo infidelis renovatur per gratiam, lex Dei scribitur in corde amore legis supernaturalis, quæ non fuit omnino deleta propter aliqualem legis naturalis amorem à naturâ rationali inseparabilem. En germanus sensus dictorum verborum: *hoc enim illic scribitur per renovationem, quod non omni modo deletum est per vetustatem*. Quam sententiam adhuc brevius expressit fidelissimus Discipulus dicens: *peccatum non totum bonum naturæ corrumpit*.

CXI. Ex isto principio, *peccatum non totum bonum naturæ corrumpit*, colligit S. THOMAS, non omnia opera infidelium esse peccata. Ergo cum idem dixerit S. AUGUSTINUS in istis verbis, *quod non omnimodo deletum est per vetustatem*, manifestè infertur, S. AUGUSTINUM agnovisse non omnia opera infidelium esse peccata. Nam si quod in creatione scriptum fuit, non sit in infidelibus omnimodo deletum, & id quod in creatione scriptum fuit sit

CAP. IX. NULLUM EST ADVERSARIORUM FUNDAMENTUM. 73
 amor legis Dei, oportet ut aliqualis amor legis Dei remaneat secundum S. AUGUSTINUM in infidelibus, ex quo aliquod opus legis facere valeant. Dum verò infideles renovantur per gratiam, fiuntque novi Testamenti participes, tunc lex Dei, quæ non fuit ex omni parte deleta, scribitur renovata per gratiam; inquantum amatur lex Dei, non solum ut in naturali rationis dictamine participatur, sed etiam ut in lege fidei convertit animas ad aliam beatam vitam & æternam, in quâ Deus secundum sibi propria communicatur. Quam inscriptionem, sive quem legis Dei amorem, non potuit facere lex vetus: idè certa manet distantia novi Testamenti à veteri, per amorem legis, quo novi participes Testamenti ostendunt opus legis scriptum in cordibus suis.

Hæc est apertissima S. AUGUSTINI doctrina dum litt. D. ait: *Nam sicut ipsa imago Dei renovatur in mente credentium per Testamentum novum, quam non penitus impietas aboleverat: nam remanserat utique id quod anima hominis nisi rationalis esse non potest: ita etiam ibi lex Dei non ex omni parte deleta per injustitiam profecto scribitur renovata per gratiam. Nec istam inscriptionem quæ justificatio est, poterat efficere in Iudeis lex in tabulis scripta, sed solum pravaricationem.*

Deinde distinguens id quod remansit, ab eo quod renovatur, subjungit: *Nam & ipsi homines erant, & vis illa naturæ inerat eis, quâ legitimum aliquid anima rationalis sentit, & facit. En quod remansit; subsequitur quod renovatur: Sed pietas quæ in aliam vitam transfert beatam & æternam, legem habet immaculatam convertentem animas, ut ex illo lumine renouentur, fiatque in eis signatum est super nos lumen vultus tui Domine.*



CAPVT NONVM

Nullum est Adversariorum fundamentum.

CXIJ. **F**undamentum Adversariorum non est aliud, quàm S. AUGUSTINUS malè intellectus; qui idè malè intelligitur, quia sine THOMA legitur. Legant Adversarii AUGUSTINUM in THOMA, & eorum quæ obijciunt nihil invenient, quod non viderit, & plenè soluerit S. THOMAS Doctor Angelicus. Quod si præsumant se melius intellexisse S.

K ij

AVGVSTINVM lumine humanitùs acquisito, quàm eum intellexerit S. THOMAS lumine divinitùs infuso, eo ipso agnoscant se fuisse de veritate suspectos, & in æternum fore. Digna certè tantæ præsumptionis pœna.

Ut autem clarè conspiciant Adversarij, S. AVGVSTINVM malè ab eis fuisse intellectum; attentè considerent se nimium probare, & consequenter nihil. Nam si ex Doctrinâ S. AVGVSTINI efficaciter probetur, omnia opera infidelium esse peccata; oportet ut ex eadem doctrinâ efficaciter quoque probetur, omnia opera fidelium existentium in peccato mortali esse peccata. Cujus ratio apertissima est: quòd fides necessaria ad opus, quod non sit peccatum, est secundùm S. AVGVSTINVM fides operans per dilectionem Dei super omnia: cùm igitur fides taliter operans non sit in peccatoribus, sequitur peccatores nullum posse facere opus, quod non sit peccatum, quamdiu Deum super omnia non diligunt. Tribus argumentis probabimus, S. AVGVSTINVM exegisse ad bonitatem operis dilectionem Dei super omnia, & causam istius postremò assignabimus.

S. J. Primum argumentum, quo probatur, S. AUGUSTINUM exegisse ad bonitatem operis dilectionem Dei super omnia, desumitur ex animo fornicante.

CXIIJ. P RIMUM ARGUMENTUM, quo probatur, S. AVGVSTINVM exegisse ad bonum opus dilectionem Dei super omnia, desumitur ex animo fornicante. De quo S. AVGVSTINVS lib. 1. de nupt. & concup. cap. 4. sic loquitur: *cùm enim virtus sit pudicitia, cui vitium contrarium impudicitia: omnesque virtutes, etiam quæ per corpus operantur, in animo habitent: quomodo verà ratione pudicum corpus asseritur, quando à vero Deo ipse animus fornicatur? Quam fornicationem sanctus ille psalmus accusat, ubi dicit, ecce enim qui longè se faciunt à te peribunt: perdidisti omnem qui fornicatur abs te. Quæ verba dicit se adhibuisse ut probaret, pudicum non veraciter dici qui non propter Deum fidem connubii servat uxori, lib. 4. contra Julianum cap. 3. Ex quo sequitur, eum cujus animus fornicatur à Deo, non posse propter Deum fidem connubii servare uxori.*

Ex hoc loco sic argumentor: cujus animus fornicatur à Deo non potest esse veraciter pudicus: sed qui non diligit Deum super omnia, ejus animus fornicatur à Deo: ergo qui non diligit Deum super omnia, non potest esse veraciter pudicus, nec propter Deum fidem connubii servare uxori; & consequenter nec aliud quidpiam propter Deum facere. Est enim omnium operum par ratio in præsentì. Quare si ad opus bonum exigit S. AVGVSTINUS, ut non fiat ab animo fornicante, exigit etiam ut fiat ex dilectione Dei super omnia.

Eum autem, qui non diligit Deum super omnia, fornicari à Deo, pluribus

CAP. IX. NULLUM EST ADVERSARIORUM FUNDAMENTUM. 77

in locis docet S. AUGUSTINVS, & maxime serm. 3. inter fragmenta, ubi ait :
 „ Generalis igitur fornicatio aperte manifestatur in psalmo, ubi dicitur :
 „ *Quoniam ecce qui longe se faciunt à te peribunt : perdidisti omnem qui forni-*
 „ *catur abs te :* ubi subsequenter, qualiter ista generalis fornicatio evadi
 „ & effugi possit, adjunxit dicens : *Mibi autem adherere Deo bonum est ;*
 „ ut exinde facile advertamus, illam esse generalem fornicationem animæ
 „ humanæ, quā non adhærens quisque Deo adhæret mundo. Unde beatus
 „ Apostolus Ioannes dicit : *si quis diligit mundum dilectio patris non est in*
 „ *eo.* Et Apostolus Iacobus dicit : *Adulteri nescitis quia amicitia huius*
 „ *mundi inimica est Deo !* Breviter ergo definitum est non posse habere dile-
 „ ctionem Dei, qui habet dilectionem mundi ; & inimicum esse Dei, qui amicus
 „ esse voluerit mundi.

„ Ad hoc etiam pertinet quod Dominus in Evangelio dicit : *Nemo potest*
 „ *duobus Dominis servire ; aut enim unum odio habebit, & alterum diligit ;*
 „ *aut unum patietur, & alterum contemnet ;* & concludit : *Non potestis*
 „ *Deo servire & mammonæ.* Ista est ergo generalis, ut dictum est, fornicati-
 „ tio omnia omnino in se continens, quia non adhæretur Deo dum adhære-
 „ tur mundo. Hæc S. AUGUSTINVS.

Quibus sic arguo : Qui non adhærens Deo adhæret mundo, ejus animus
 fornicatur à Deo : sed qui non diligit Deum super omnia, non adhærens
 Deo adhæret mundo : ergo qui non diligit Deum super omnia ejus animus
 fornicatur à Deo. Si igitur opus veræ virtutis, sive quod idem est, opus bo-
 num quod non sit peccatum, non possit esse cum animo fornicante, nec po-
 terit esse cum animo non diligente Deum super omnia. Non enim tollitur
 fornicatio animæ, quæ suum ultimum finem in creaturâ constituit, nisi ad-
 hæserit Deo ut ultimo fini : eumque proinde super omnia dilexerit, quod
 enim super omnia non amatur, ei ut ultimo fini non adheretur.

CXIV. Quæ omnia non parùm confirmantur ex duobus amoribus, qui-
 bus S. AUGUSTINVS distinguit duas civitates. *Secernunt* (ait lib. 14. de civitate
 Dei cap. 28) *civitates duas amores duo, terrenam scilicet amor sui usque ad con-*
temptum Dei, cælestem verò amor Dei usque ad contemptum sui. Amor Dei usque
 ad contemptum sui est amor Dei super omnia. Qui seipsum contemnit, cæ-
 tera omnia quæ ad ipsum ordinantur contemnere necesse est ; sicut qui des-
 picit finem, despicit & media. Qui ergo præ amore Dei seipsum contemnit,
 plus amat Deum, quàm seipsum, & cætera omnia quæ propter se amat.
 Amor sui usque ad contemptum Dei, est etiam amor sui super omnia. Hi sunt
 duo amores, de quibus Dominus noster dicit in Evangelio : *Nemo potest duobus*
Dominis servire.

Inter hos duos amores non datur medium secundum S. AUGUSTINVM : vel
 enim amor Dei usque ad contemptum sui dominatur animo, & est charitas ;

vel amor sui usque ad contemptum Dei dominatur animo, & est cupiditas. Est enim celebris illa & universalis S. AUGUSTINI sententia in psalm. 18. *Qui voluerit servare charitati, necesse est ut serviat iniquitati.* Familiare est Sancto Doctori nomine iniquitatis intelligere cupiditatem: in quo sensu explicat illud psalmi 118. *& non dominetur mei omnis iniquitas.* Ex eodem immediata oppositionis intuitu dixit in Enchiridio ad Laurentium; *Regnat enim carnalis cupiditas, ubi non est Dei charitas.* Quidquid ergo fiet absente charitate, fiet regnante cupiditate; & è contra quidquid fiet non regnante cupiditate, fiet dominante charitate.

Certum est, animum fornicari à Deo dum regnat cupiditas, sive quod idem est, dum non amatur Deus usque ad contemptum sui. Atqui S. AUGUSTINUS ad bonitatem operis exigit animum non fornicantem: ergo exigit dominantem charitatem, sive amorem Dei usque ad contemptum sui, qui est amor Dei super omnia. Ex quo aperte sequitur, omnia opera existentia in peccato mortali, esse peccata, quia nullum opus peccatoris sit dominante charitate, sive ex amore Dei super omnia effectivo. Quod si non concedunt hoc Adversarii, uti nec concedere possunt, negent igitur etiam omnia opera infidelium esse peccata: siquidem illud Apostoli, in quo fundantur, omne quod non est ex fide peccatum est, non de qualicumque fide explicatur à S. AUGUSTINO, sed de fide per dilectionem Dei super omnia operante, ut probatum est, & seq. §. adhuc probabitur.

§. II. *Secundum argumentum, quo probatur, S. AUGUSTINUM exegisse ad bonitatem operis dilectionem Dei super omnia, desumitur ex fide justificante.*

CXV. SECUNDUM ARGUMENTUM, quo probatur, S. AUGUSTINUM exegisse ad bonum opus dilectionem Dei super omnia, sumitur ex omnibus illis locis, in quibus fidem justificantem requirit ad faciendum opus, quod non sit peccatum. De hac enim fide intelligit verba Apostoli, ita ut sensus AUGUSTINIANUS sit, *omne quod non est ex fide justificante, peccatum est.* Et cum fides non justificet, nisi per dilectionem Dei super omnia operetur, erit quoque sensus AUGUSTINIANUS, *omne quod non est ex dilectione Dei super omnia, peccatum est.* Nam primus iustitiæ, sive quod idem est, fidei iustificantis gradus est amare Deum super omnia, ut patet ex sermon. 17. de verbis Apostoli cap. 2. Ubi S. AUGUSTINUS dicit: *Amanda est enim iustitia: & in hac iustitiâ amandâ gradus sunt proficientium. Primus est ut amor iustitiæ non præponantur omnia quæ delectant. Ipse est primus gradus. Quid est quod dixi? ut inter omnia quæ delectant plus te delectet ipsa iustitia; non ut alia non delectent, sed plus ipsa delectet.*

Antequam adducam loca in quibus S. AVGVSTINVS ad bonitatem actus, qui non sit peccatum, requirit fidem iustificantem, suppono ex doctrinâ Adversariorum, idem esse apud S. AVGVSTINVM, in aliquo non posse esse veram virtutem, & aliquem non posse facere actum bonum; cùm enim actus bonus sit opus veræ virtutis, qui poterit facere actum bonum, in eo poterit esse vera virtus; & in quo non poterit esse vera virtus, ille etiam non poterit facere actum bonum. Undè sit ut omnia loca, in quibus requirit S. AUGUSTINUS fidem iustificantem ad veram virtutem, probent quoque necessitatem fidei iustificantis ad bonitatem operis.

Quo supposito primus locus se offert lib. 4. contra Julianum cap. 3. ubi expressissimis verbis docet, fidem iustificantem esse necessariam ad veram virtutem. Sic enim ait: *Sed absit ut sit in aliquo vera virtus nisi fuerit iustus. Absit autem ut sit iustus verè nisi vivat ex fide: iustus enim ex fide vivit. Quis porro eorum qui se Christianos haberi volunt, nisi soli Pelagiani, aut in ipsis etiam forrè tu solus, iustum dixerit infidelem, iustum dixerit impium, iustum dixerit diabolo mancipatum?*

CXVI. Respondet quidam ex Adversariis, S. AVGVSTINVM per veram virtutem intelligere quamdam perfectionem virtutis, ad quam requiritur iustitia. Ecce quò illum perduxit humanum studium. Continuo S. THOMAS, & Scholasticos perstringit, quòd glossent S. AVGVSTINVM de virtutibus infusis, ad quas requiritur iustitia quâ iustificatur impius: & ipsemet glossat AUGUSTINUM de quâdam perfectione virtutis. Verùm cap. seq. ostendemus, optimam esse glossam S. THOMÆ; modò ostendo ipsiusmet glossam esse S. AVGVSTINO contrariam. Nam splendidissimus Ecclesiæ Sol eodem modo accipit veram virtutem, sicut accipit veram iustitiam, sine quâ dixit nullam esse veram virtutem. Veram autem iustitiâ dicit, non perfectionem quamdam iustitiæ, sed eam sine quâ nulla prorsus est iustitia. Etenim veram iustitiâ dicit eam quæ non est per legem; eam de quâ dicitur, *finis legis Christus ad iustitiâ omni credenti*; eam quæ veræ sapientiæ conjuncta deducit ad regnum; eam pro quâ Christus mortuus est; eam denique cui si denegaretur regnum iniustus foret Deus. Sine illâ verâ iustitiâ quâ omnes carent impij dicit nullas alias virtutes posse esse veras. Si iustitia dicitur vera sine quâ nulla est iustitia; virtus etiam dicetur vera, sine quâ nulla est virtus. Verba AUGUSTINI sunt:

, Quomodò in eis est vera iustitia, in quibus non est vera sapientia? Quam, si eis tribueremus, nihil erit causæ cur eos non ad illud regnum pervenire dicamus, de quo scriptum est: *concupiscentia sapientiæ deducit ad regnum*. Ac, per hoc Christus gratis mortuus est, si homines sine fide Christi ad fidem veram, ad virtutem veram, ad iustitiâ veram, ad sapientiâ veram, quâcunque re aliâ quâcumque ratione perveniunt. Prorsus; sicut de lege ve-

„rissimè ait Apostolus, si per legem iustitia, ergo Christus gratis mortuus est: ita verissimè dicitur, si per naturam voluntatemque iustitia, ergo Christus gratis mortuus est. Si per doctrinas hominum qualicumque iustitia, ergo Christus gratis mortuus est. Per quod enim vera iustitia, per hoc etiam regnum Dei, namque, quod absit, ipse erit iniustus, si ad ejus regnum verus non admittitur justus; cum & ipsum ejus regnum iustitia sit, quemadmodum scriptum est, *Non est regnum Dei esca & potus, sed iustitia, & pax, & gaudium*. Porro si veram iustitiam non habent impii, profectò nec alias virtutes comites ejus, & socias, quia cum non ad suum referuntur authorem dona Dei, hoc ipso mali his utentes efficiuntur iniusti, si quas habent, veras non habent, ac per hoc nec continentia, sive pudicitia vera virtus est impiorum.

Mirum certè est eum, qui in S. AUGUSTINO perhibetur perspicacissimus, uti ultimis lineis hujus testimonii, quibus dicitur, *quia cum non ad suum referuntur authorem, &c.* ad probandum in infidelibus nullam inesse iustitiam, & virtutem, & tamen velle, quod in dicto loco loquatur S. AUGUSTINUS de quâdam perfectione virtutis, dum dicit, *absit ut sit in aliquo vera virtus, nisi fuerit iustus*.

CXVIJ. Secundò, necessitatem fidei justificantis ad bonitatem operis probant omnia ferè loca, in quibus S. AUGUSTINUS fidem exigit per dilectionem operantem. De hac enim sic loquitur lib. de grat. & lib. arbit. c. 7. *Ipsa est fides quæ fideles Dei separat ab immundis demonibus: nam & ipsi sicut dicit Apostolus Iacobus, credunt & contremiscunt, sed non bene operantur. Non habent ergo istam fidem ex qua iustus vivit, id est quæ per dilectionem operatur, ut reddat ei vitam æternam secundum opera ejus. Fides ex qua iustus vivit est fides justificans: fides quæ per dilectionem operatur est fides ex qua iustus vivit: ergo fides quæ per dilectionem operatur est fides justificans: ac proinde dum Adversarii ad bonitatem operis inducunt ex S. AUGUSTINO necessitatem fidei per dilectionem operantis, inducunt etiam necessitatem fidei justificantis.*

Idem docet serm. 13. de verbis Apostoli c. 5. *Fides bene operari non potest, nisi per dilectionem. Ipsa est enim fidelium fides, ne sit demonum fides: quia & demones credunt, & contremiscunt. Illa est ergo laudabilis fides, ipsa est vera gratia fides, quæ per dilectionem operatur. Ut autem habeamus dilectionem. & ex eâ possimus habere bonam operationem: nunquid eam nobis dare nos possumus. cum scriptum sit, charitas Dei diffusa est in cordibus nostris per Spiritum Sanctum qui datus est nobis? Spiritus Sanctus non datur sine fide justificante: dilectio, per quam fides operatur, diffunditur in cordibus nostris per Spiritum Sanctum, qui datur nobis: ergo dilectio, per quam fides operatur, non est sine fide justificante.*

CXVIII. Hoc magis explicat lib. 1. de gratia christi c. 21. ubi ait: *Charitas quæ virtus est, ex Deo nobis est, non ex nobis, scripturâ teste, quæ dicit, charitas ex Deo est, & omnis qui diligit ex Deo natus est, & cognovit Deum quia Deus charitas est. Secundum istam charitatem, melius intelligitur dictum: Qui natus est ex Deo, non peccat:*

CAP. IX. NULLUM EST ADVERSARIORUM FUNDAMENTUM. 81

peccat: & quia non potest peccare, quia charitas secundum quam natus ex Deo est, non agit perperam, nec cogitat malum..... Cum ergo dicat scriptura charitas ex Deo est; vel quod est amplius, Deus charitas est: cum apertissime clamet Ioannes Apostolus, ecce qualem charitatem dedit nobis Pater, ut filii Dei vocemur & simus: isle audiens Deus charitas est: quare adhuc usque contendit, quod ex illis tribus tantummodo possibilitatem habeamus ex Deo, bonam verò voluntatem, bonamque actionem habeamus ex nobis? Quasi verò aliud sit bona voluntas quam charitas, quam scriptura nobis esse clamat ex Deo, & à Patre datam, ut filii ejus essemus.

Quis dubitare potest, charitatem à Patre datam ut filii ejus essemus, esse charitatem justificantem? si eam S. AUGUSTINUS exigat ad bonam voluntatem, bonamque operationem, necesse est ut ad bonitatem operis non aliam agnoverit fidem, quam eam quâ justificatur impius. De quo ne supersit dubitationi locus, disertissime & lucidissime se explicuit lib. de gratiâ Christi cap. 30. Istam quippe gratiam quâ justificamur, id est, quâ charitas Dei diffunditur in cordibus nostris per Spiritum Sanctum, qui datus est nobis, in Pelagii & Calestii scriptis, quaecumque legere potui, nusquam eos inveni quemadmodum confisenda est, confiteri. Ideò serm. 16. de verbis Apostoli cap. 7. absolute conclusit: Fides ergo quæ per dilectionem operatur, si est in vobis, jam pertinetis ad prædestinatos, vocatos justificados. Hæc est etiam ratio cur S. AUGUSTINUS dilectionis ad bonum opus requisitæ, & justitiæ quæ per fidem justificamur eisdem assignet gradus, ut patet lib. de nat. & grat. cap. ult. ubi ait: Charitas ergo inchoata, inchoata justitia est: charitas provelta, provelta justitia est: charitas perfecta, perfecta justitia est: sed charitas de corde puro, & conscientiâ bonâ, & fide non fictâ, quæ tunc maxima est in vita, quando pro illâ ipsa contemnitur vita.

§. IIJ. *Tertium argumentum, quo probatur, S. AUGUSTINUM exegisse ad bonitatem operis dilectionem Dei super omnia, desumitur ex voluntate bonâ.*

CXIX. **T**ERTIUM ARGUMENTUM, quo probatur, S. AUGUSTINUM exegisse ad bonitatem operis dilectionem Dei super omnia, desumitur ex voluntate bonâ. Antequam deducatur argumentum, præmittenda est utriusque Solis doctrina de voluntate bonâ. Per voluntatem intelligit S. AUGUSTINUS more suo, & antiquorum, volitionem, non ipsam volendi facultatem. Volitionem verò, & non ipsam naturam, dicit esse arborem bonam, aut malam. Nam lib. 1. contra Julianum cap. 8. arguit Julianum, quod ad probandum mala non oriri ex bonis, assumeret ista Christi verba Matth. 7. *Arbor bona fructus malos non facit*: „cùm ille magister Deus (ait S. Aug.) non „utique naturam constituat arborem, ex quâ fructus de quâ loquebatur, „exilit; sed voluntatem seu bonam seu malam; fructus autem opera,

„quæ nec bona voluntatis malæ, nec mala possunt esse voluntatis bonæ.
 „Hoc est enim quod ait, *Arbor mala fructus bonos non facit, & arbor bona fructus malos non facit*: tanquam diceret. Nec opera bona voluntas mala, nec mala opera facit voluntas bona. Nam ipsarum arborum, id est, ipsarum voluntatum si quaerantur origines, quæ occurrunt nisi naturæ, quas bonas Deus condidit? Ac per hoc ex bonis orta sunt mala, non ex bonis voluntatibus opera mala, sed ex bonis naturis voluntates malæ.

Magistrum sequitur Discipulus, dum i.p.q. 46.a.6. docet à bonâ voluntate hominem dici simpliciter bonum. Verba ejus sunt: „cùm bonum simpliciter consistat in actu, & non in potentiâ, ultimus autem actus est operatio, vel usus quarumcumque rerum habitarum, bonum hominis simpliciter consideratur in bonâ operatione, vel bono usu rerum habitarum. Utimur autem rebus omnibus per voluntatem. Undè ex bonâ voluntate quâ homo benè utitur rebus habitis, dicitur homo bonus, & ex malâ malus. Potest enim qui habet malam voluntatem, etiam bono quod habet malè uti, sicuti si grammaticus voluntariè incongruè loquatur. Vide q. 1. de malo a. 3. ad 1.

CXX. Quæ gemini Ecclesiæ Solis doctrina non ità accipi debet, ut pro nutu voluntatis suæ homo faciat sibi voluntatem bonam; uti asserunt Molinistæ, qui velint nolint coguntur tenere merum voluntatis beneplacitum esse primam causam & radicem, cur voluntas se determinet ad bonum. Sensus istum reprobat & damnat S. AUGUSTINUS lib. 1. De gratiâ Christi cap. 18. his verbis: „De quâ possibilitate Pelagius in libro primo pro libero arbitrio, ita loquitur, *Habemus, inquit, possibilitatem utriusque partis à Deo insitam, velut quamdam, ut ità dicam, radicem fructiferam atque fecundam, quæ ex voluntate hominis diversa gignat & pariat, & quæ possit ad proprii cultoris arbitrium, vel nitere flore virtutum, vel sentibus horrere vitiorum*. Ubi non intuens quid loquatur, unam, eandemque radicem constituit bonorum & malorum, contra Evangelicam veritatem doctrinamque Apostolicam. Nam & Dominus *nec arborem bonam, dicit posse facere fructus malos, nec malam bonos*. Et Apostolus Paulus cùm dicit *radicem malorum omnium esse cupiditatem*, admonet utique intelligi radicem bonorum omnium charitatem. Undè si duæ arbores bona & mala, duo sunt homines bonus & malus, quid est bonus homo, nisi voluntatis bonæ hoc est arbor radicis bonæ? & quid est homo malus nisi voluntatis malæ, hoc est arbor radicis malæ? fructus autem harum radicum atque arborum, facta sunt, dicta sunt, cogitata sunt, quæ bona de bonâ voluntate procedunt, & mala de malâ.

Deindè cap. seq. docet quomodò fiat voluntas bona, aut mala his verbis: *Facit autem homo arborem bonam, quando Dei gratiam accipit. Non enim se ex malo bonum per se ipsum facit, sed ex illo, & per illum, & in illo qui semper est bonus..... Malam verò arborem homo facit quando seipsum malum facit, quando à bono incom-*

CAP. IX. NULLUM EST ADVERSARIORUM FUNDAMENTUM. 83

mutabili deficit, ab eo quippe defectus est origo voluntatis malæ. Qui defectus non aliam naturam malam initiat, sed eam qua bona est condita vitiat. Sanato autem vitio nullum malum remanet, quia vitium naturæ quidem inerat, sed vitium natura non erat. Idem docet lib. 1. contra Iulianum cap. 9. dicens: Et hinc intelligat idem esse arborem malam, voluntatem malam, quia defectus est a summo bono, ubi bonum creatum bono creante privatur; ut sit in eo radix mali nihil aliud, quam indigentia boni. Arbor autem bona, quia per ipsam convertitur homo ad summum atque incommutabile bonum, & impletur bono ut facias bonum.

Quibus satis constat, voluntatem à Deo ut ultimo fine averſam non eſſe voluntatem bonam, ſed voluntatem malam. Undè non poterit fieri voluntas bona niſi ad Deum, ut ultimum finem convertatur, quod fieri non poteſt ſine dilectione Dei ſuper omnia: ultimus ſiquidem finis ſuper omnia diligitur: nam ſi aliquid ſupra ipſum diligitur, jam ultimus finis non eſt.

CXXI. Quid modò ſunt dicturi Adverſarii, qui Scholaſticos ſerè omnes ſpernentes volunt in S. AUGUSTINO ſoli videri ſapientes. Audebuntne aſſerere, omnem actionem eà ſolùm ratione eſſe peccatum, quia non eſt ex fide per dilectionem Dei ſuper omnia operante, ita ut ſola abſentia dilectionis Dei ſuper omnia reddat actionem malam? Quod ſi audeant, ergo non ſolàm omnia opera infidelium ſunt peccata, ſed etiam omnia opera fidelium exiſtentium in peccato mortali ſunt peccata; ſiquidem in peccatoribus non adeſt dilectio Dei ſuper omnia. Si autem non audeant dicere, actionem fieri malam ex ſolâ abſentia dilectionis ſuper omnia; nec igitur ex S. AUGUSTINO inferre debent ſolam abſentiam fidei reddere actionem malam: quandoquidem invictè probatum ſit, S. AUGUSTINUM, non aliam agnoſcere fidem ad bonitatem actionis, quàm eam quæ per dilectionem Dei ſuper omnia operatur. Undè iſta propositio, *omne quod non eſt ex fide peccatum eſt*, æquivaleret iſti in ſenſu S. AUGUSTINI, *omne quod non eſt ex dilectione Dei ſuper omnia, peccatum eſt*. Si prior ſit vera: ergo & poſterior. Si poſterior explicari debet, ergo & prior.

S. IV. *Assignatur radix, cur S. AUGUSTINUS exegerit ad bonitatem operis dilectionem Dei ſuper omnia ex fide iuſtificante.*

CXXII. **I**N radice doctrinæ AUGUSTINIANÆ credimus Adverſarios fuiſſe hallucinatos. Ordinem qui in mundo ex divinâ providentiâ agitur, non qui agi poſſet conſideravit S. AUGUSTINUS. In quo ordine triplex ſtatus naturæ humanæ reperitur. Primus naturæ inſtitutæ à Deo. Secundus naturæ per peccatum infirmatæ. Tertius naturæ per Chriſtum ſanatæ. Natura humana in priâ ſui inſtitutione ex gratuitâ Dei bonitate, ſummâque ejus liberalitate, elevata eſt ad connaturalem & propriam Dei beatitudi-

nem per consortium divinæ naturæ ex gratiâ sanctificante, & subjiciente vires inferiores superioribus; per quam homo factus filius Dei adoptivus jus acquirit ad regni cœlestis hæreditatem: per quam etiam Deus factus vita animæ, eadem operatur in animâ, quæ in semetipso: ita ut homo sic quodammodo Deificatus vivat vitâ Dei cognoscens & amans Deum; sicut Deus à seipso cognitus est, & amatus.

Hanc hominis primævam institutionem profundè considerans S. AUGUSTINUS, nullum aliud bonum hominis sic instituti agnoscit, quàm Deum animam vitâ (ut ita dicam) Dei propriâ vivificantem. Nam de hac vitâ intelligitur quod in psalm. 70. concione 2. enarravit: *Dicam enim audacter fratres, sed tamen verum. Dux viæ sunt: una corporis, altera animæ, sicut vita corporis anima, sic vita animæ Deus. Quomodo si anima deserat moritur corpus, sic anima moritur si deserat Deus. Ipsa est enim gratia ejus, ut resuscitet, & sit nobiscum. Dicit ut resuscitet, & sit nobiscum, non enim sic resuscitatur à Deo impius, & sit justus, ut cum ab eo factus fuerit justus abscedat, sicut à corporis medico sanatur, & abit, Non ita* (inquit lib. 8. de genes. ad litt. cap. 12.) *Deus operatur hominem justum, id est justificando eum, ut si abcesserit maneat in absente quod fecit; sed potius sicut aër præsepte lumine non factus est lucidus, sed fit, quia si factus esset non fieret, sed etiam absente lumine lucidus maneret. Sic homo à Deo sibi præsepte illuminatur, absente continue tenebratur, à quo non locorum intervallis, sed voluntatis aversione disceditur. Si totum hominis bonum sit vita gratiæ, manifestè sequitur quod nulla actio hominis à Deo instituti possit dici bona simpliciter, quin procedat à gratiâ sanctificante, per quam Deus est vita animæ. Econtrâ ipsa privatio gratiæ, & quidquid illam inducit erit malum hominis simpliciter. Si verò aliquid sit quod non inducat privationem gratiæ, nec à gratiâ sanctificante procedat, poterit esse verum bonum secundum quid, non tamen verum bonum simpliciter. Sicut accidens est verum ens secundum quid, non tamen verum ens simpliciter, quod solum habet substantia.*

CXXIIJ. Ratio doctrinæ AUGUSTINIANÆ est, quòd si homo à Deo institutus non fuisset elevatus ad vitam gratiæ, tunc bonum naturæ humanæ commensuratum, quod est vita secundum rationem, fuisset non solum finis proximus, sed & ultimus; quem homo maximè possideret, dum Deum ex creaturis cognosceret, & amaret. Verùm suppositâ elevatione ad vitam secundum gratiam, vita secundum rationem remanet finis proximus, & definit esse finis ultimus. Cum autem bonum simpliciter desumatur per ordinem ad ultimum finem, oportet ut bonum simpliciter hominis à Deo instituti accipiatur per ordinem ad vitam gratiæ, non autem per ordinem ad vitam rationis. Vera virtus est quæ bonum facit habentem, & opus ejus bonum reddit. Vera virtus simpliciter est quæ bonum simpliciter facit habentem, & opus ejus bonum simpliciter reddit. Vera virtus secundum quid,

CAP. IX. NULLUM EST ADVERSARIORUM FUNDAMENTUM. 85.
quæ bonum secundum quid facit habentem, & opus ejus bonum secundum quid reddit: sicut verum ens est, quod habet esse; verum ens simpliciter, quod habet esse simpliciter, ut substantia: verum ens secundum quid, quod habet esse secundum quid, ut accidens.

Hinc fit ut vera virtus simpliciter in homine à Deo instituto sit illa, quæ ordinat hominem ad operationes ex vitâ gratiæ procedentes: vera virtus secundum quid, quæ ordinat hominem ad operationes ex vitâ rationali procedentes. De hac verâ virtute secundum quid non curavit S. AUGUSTINUS, sed ad veram virtutem simpliciter, quæ est ex vitâ gratiæ, totam mentis suæ aciem convertit, nullum opus veræ virtutis agnoscens, quod non procederet ex gratiâ sanctificante, per quam Deus est vita animæ. In quo sensu constantissima sibi est, & concatenata S. AUGUSTINI doctrina. Nam hoc est illud bonum, quod charitatem exigit diffusam in cordibus nostris per Spiritum Sanctum, qui datus est nobis. Hoc est illud bonum, quod bonam postulat voluntatem tanquam arborem bonam, cui carnalis non dominetur cupiditas. Hoc est illud bonum, quod non invenitur in animo fornicante à Deo, quod non servit cupiditati, sed charitati, qualem dedit nobis Pater ut filii Dei vocemur & simus. Hoc est denique illud bonum, quo benè vivendo ad beatitudinem tendimus, & ad quod voluntas non habet libertatem, nisi prius à dominante fuerit liberata cupiditate, per Christum IESUM Dominum nostrum qui justificat impium; & ideo dicit, *si Filius vos liberaverit verè liberi eritis.*

CXXIV. Nec ad confutandum Pelagianos opus fuit S. AUGUSTINO de alio bono sermonem texere. Cum enim ipsi docerent, hominem ex solo voluntatis suæ beneplacito posse esse sine peccato, talemque facere iustitiam quâ vitaret damnationem æternam, quantumvis vita æterna non foret ei debita; duo in contrarium constanter eis opposuit fulgentissimus Ecclesiæ Sol, quibus abundè revincebantur. *Primum*, neminem sine fide iustificante, sive quod idem est, sine gratiâ sanctificante posse esse sine peccato: & sine eadem fide facere actum bonum eâ bonitate, quæ facientem eripiat à damnatione æternâ. *Secundum*, fidem iustificantem non ex operibus, nec ex aliquâ liberi arbitrii determinatione dari, sed per Spiritum Sanctum, qui quibuscumque datur, misericorditer datur; quibus non datur, justè non datur, in poenâ peccati originalis.

Ex primo revincebat Pelagianos in eo, quòd nullus actus foret steriliter bonus eâ bonitate, quæ facientem liberaret à damnatione æternâ: quia si nullus actus liberet facientem à damnatione æternâ, quin procedat à fide iustificante, sequitur quòd nullus actus liberet facientem à damnatione æternâ, quin etiam debeat ei vita æterna, siquidem omni actui procedenti à gratiâ sanctificante debetur vita æterna: ac proinde non datur medium inter liberationem à damnatione æternâ, & debitum vitæ æternæ; sed quicumque

actus est ita bonus ut liberet facientem à damnatione æternâ, est etiam sufficienter bonus ut facientem perducatur ad vitam æternam: una enim est bonitas gratiæ sanctificantis quæ liberat facientem opus bonum à damnatione, & dignum eum facit æternâ vitâ.


Ex secundo revincebat Pelagianos in eo quòd salus hominis, & omnis operum nostrorum iustitia sufficiens ad liberationem à damnatione, & consecutionem vitæ æternæ, non in aliquod operis meritum, nec in aliquam voluntatis nostræ determinationem, sed in solam Dei misericordiam sit refundenda: defectus verò, & carentia cujuscunque auxilii necessarii ad prædictos effectus ad Dei iustitiam pertineat: juxta illud *Osee*..... *Perditio tua ex te Israël, tantummodò in me auxilium tuum.*

In his duobus dogmatibus consistit tota illa doctrina, quam S. AUGUSTINUS docet esse fidem Catholicam, quamque contra Pelagianos continuò urget. Cui certè doctrinæ nihil prorsus obest, aliquod opus bonum fieri ex reliquiis imaginis, ut loquitur S. AUGUSTINUS, vel ex bono nature, ut loquitur Sanctus THOMAS; quod opus bonum licet non habeat illam bonitatem, quæ facientem liberet à damnatione, dignumque reddat vitâ æternâ, ratione cujus vocatur à S. AUGUSTINO peccatum, id est peccato conjunctum: habet tamen ex proximo sine bonitatem, propter quam faciens hujusmodi actum non puniatur; sed pro aliis, à quibus sola proximi finis bonitas non liberat. Quapropter vana est sola proximi finis bonitas, non quia culpabilis, sed quia ad ultimum finem inutilis, quem solùm attendit S. AUGUSTINUS.

CXXXV. Qui sic suam, ut non posset clarius, expressit mentem lib. 4. contra Julianum cap. 3. cujus verba ad longum referimus. „ Aut certè quoniam „ sãtem concedis opera infidelium, quæ tibi eorum videntur bona, non tam „ meritos ad salutem sempiternam regnumque perducere: Scito nos illud „ bonum hominum, dicere illam voluntatem bonam, illud opus bonum, sine „ Dei gratiâ quæ datur per unum mediatorem Dei & hominum, nemini posse „ conferri; PER QUOD SOLÙM HOMO POTEST AD ÆTERNUM DEI DONUM REGNUMQUE PERDUCI. Omnia proinde cætera quæ videntur inter homines „ habere aliquid laudis, videantur tibi virtutes veræ, videantur opera bona, „ & sine ullo facta peccato. Quod ad me pertinet, hoc scio quia non ea facit „ voluntas bona (*id est adherens Deo ut ultimo fini*) Voluntas quippe infidelis „ atque impia (*id est, aversa à Deo ut ab ultimo fine*) non est bona. Dicantur secundùm te hujusmodi voluntates arbores bonæ, sufficit quòd apud Deum „ steriles sunt, ac per hoc non bonæ. (*intellige bonitate liberante à damnatione, „ dignum faciente vitâ æternâ*) Sint inter homines, fructuosæ (*ad aliquem finem „ particularem*) inter quos sunt & bonæ, te authore, te laudatore, si vis etiam „ plantatore: dù n tamen illud velis nolis obtineam, quòd amor mundi, quo „ quisque amicus est hujus mundi, non est à Deo: amorque fruendi quibus-

„cumque creaturis sine amore creatoris non est à Deo. AMOR AUTEM DEI
 „QVO PERVENITUR AD DEUM, non est nisi à Deo Patre per Iesum Chri-
 „stum cum Spiritu Sancto. Per hunc amorem creatoris bene (*id est, in ordine*
 „*ad ultimum finem*) quisque utitur creaturis. Sine hoc amore creatoris nullus
 „quisquam bene (*per ordinem ad ultimum finem*) utitur creaturis. Hoc ERGO
 „AMORE (*procedente à gratiâ sanctificante*) OPUS EST, UT BONUM BEATIFICUM
 „SIT ET PUDICITIA CONJUGALIS, ut sit ejus intentio quando utitur conjugis
 „carne, non in voluptate libidinis, sed in voluntate propaginis.

Quibus omnibus clarissimè patet; S. AUGUSTINUM eam solum bonitatem
 attendisse, quâ ad ultimum finem pervenitur; quæ pudicitiam conjugalem
 facit bonum beatificum; quæ ex amore à peccato liberante, & dignum facien-
 te æternâ vitâ procedit. Undè absentia hujus amoris in peccatoribus non mi-
 nùs reddet mala omnia eorum opera, quàm in infidelibus reddit absentia fidei.
 Quòd si in peccatoribus ista propositio, *omne quod non est ex gratiâ sanctificante*
peccatum est, suam patitur explicationem intra limites Doctrinæ AUGUSTINIA-
 NÆ; ità & in infidelibus ista propositio, *omne quod non est ex fide peccatum est*,
 suam patietur explicationem intra limites ejusdem doctrinæ AUGUSTI-
 NIANÆ.



CAPUT DECIMUM.

S. AUGUSTINUS à D. THOMA *optimè intellectus.*

CONFUTATIS Adversariis oportet ad complementum Concordiæ nostræ
 ostendere, non ab humano studio, sed à lumine Angelico veram S.
 AUGUSTINI intelligentiam esse petendam. Qui fieret, ut fidelissimus Dis-
 cipulus ab agnitâ Magistri sui mente recederet? & quomodò contingeret, ut
 alter Ecclesiæ Sol Doctorque Communis mentem Magistri sui non agnos-
 ceret? Agnovit indubiè, nec latum unguem ab eâ recessit, ut ex hoc capite
 patebit. In quo primò Doctrinam Angelicam de bonitate operis sine gratiâ
 sanctificante, conformari S. AUGUSTINO demonstrabimus. Deinde duplicem
 Angelici Solis expositionem verborum Apostoli, *omne quod non est ex fide pecca-*
rum est, tuebimur ex mente S. AUGUSTINI. Demùm utriusque Concordiam
 proponemus.

§. I. *Doctrina Angelica de bonitate operis sine gratiâ sanctificante conformatur doctrinæ AUGUSTINIANÆ.*

CXXVJ. **Q**Uæ bonitas operis possit haberi sine gratiâ sanctificante optimè, in suâ radice explicatur à Præceptore nostro Doctore Angelico 2. 2. q. 23. a. 7. Ubi quærit, *utrum sine charitate possit esse aliqua vera virtus!* quod idem est ac si quæreret, *utrum sine gratiâ sanctificante possit esse aliqua virtus?* Charitas enim ut virtus non est sine gratiâ sanctificante. Charitas etiam ut amor non est sine gratiâ sanctificante, prout de illâ loquitur S. AUGUSTINUS, est enim amor excludens omne peccatum mortale, tam actuale quàm habituale, qui amor non potest non esse à gratiâ sanctificante. Quæstionem resoluit Sol Angelicus his verbis:

„Respondeo Dicendum, quòd virtus ordinatur ad bonum, ut suprâ habitum est. Bonum autem principaliter est finis. Nam ea quæ sunt ad finem, non dicuntur bonâ, nisi in ordine ad finem. Sicut ergo duplex est finis, unus ultimus, & alius proximus, ita etiam est duplex bonum. Unum quidem ultimum & universale, & aliud proximum & particulare. Ultimum quidem principale bonum hominis, est Dei fruitio secundum illud Psal. 72. *Mibi adhærere Deo bonum est*, & ad hoc ordinatur homo per charitatem. Bonum autem secundarium, & quasi particulare hominis potest esse duplex. Unum quidem quod est verè bonum, utpote ordinabile, quantum est in se, ad principale bonum, quod est ultimus finis: aliud autem est bonum apparens, & non verum quia abducit à finali bono.

„Sic ergo patet, quòd virtus vera simpliciter est illa, quæ ordinat ad principale bonum hominis sicut etiam Philos. in 8. Ethic. dicit, *quòd virtus est dispositio perfecti ad optimum*: Et sic nulla vera virtus potest esse sine charitate. Sed si accipitur virtus secundum quòd est in ordine ad aliquem finem particularem, sic potest aliqua virtus dici sine charitate, inquantum ordinatur ad aliquod particulare bonum: Sed si illud particulare bonum non sit verum bonum, sed apparens, virtus etiam, quæ est in ordine ad hoc bonum non erit vera virtus, sed falsa similitudo virtutis. Sicut non est vera virtus avarorum prudentia, quâ excogitant diversa genera lucellorum: & avarorum iustitia, quâ gravium damnorum metu contemnunt aliena: & avarorum temperantia, quâ luxuriæ, quæ sumptuosa est, cohibent appetitum: & avarorum fortitudo, quâ, ut ait Horatius libro primo epistolarum, *per mare pauperiem fugiunt, per saxa, per ignes*, ut AUGUSTINUS dicit in quarto libro contra Iulianum. Si verò illud bonum particulare sit verum bonum, puta, conservatio civitatis, vel aliquid huiusmodi, erit quidem *VERA VIRTUS*, sed imperfecta, nisi referatur ad finale, & perfectum bonum. Et
„secundum

„secundum hoc simpliciter verā virtus sine charitate esse non potest.

CXXVII. Quam doctrinam jam antē tradiderat ex sapientissimo suo Magistro 1. 2. q. 65. a. 2. ubi concludit : *Patet igitur ex dictis , quod solæ virtutes infusæ sunt perfectæ , & simpliciter dicendæ virtutes , quia bene ordinant hominem ad finem ultimum simpliciter , aliæ verò virtutes scilicet acquisitæ , sunt secundum quid virtutes non autem simpliciter , ordinant enim hominem bene respectu finis ultimi in aliquo genere , non autem respectu finis ultimi simpliciter . Unde Rom. decimo quarto , super illud , omne quod non est ex fide , peccatum est , dicit glossa AUGUSTINI , ubi deest agnitio veritatis , falsa est virtus etiam in bonis moribus .*

En habes optimam S. AUGUSTINI interpretationem , pro omnibus locis in quibus fundantur Adversarii , nempe , quod virtus non ordinans ad ultimum finem sit falsa simpliciter , & vera secundum quid si ordinet ad aliquod verum bonum , utpote ordinabile , quantum est in se , ad ultimum finem : si verò ordinet ad aliquod bonum apparens quod abducit ab ultimo fine , tunc ita est simpliciter falsa ut nec sit vera secundum quid , & consequenter nullam habens speciem veræ virtutis . Ut actus sit de se bonus , sufficit quod sit ordinabilis , quantum est in se , ad ultimum finem ; ut vero sit hic & nunc bonus sufficit quod dum exercetur , non obliget præceptum ordinandi suos actus in ultimum finem . Nam actui ordinato ad aliquod verum bonum particulare , licet debita sit relatio ad ultimum finem , ratione cuius actus bonus carens tali relatione dicitur imperfectus : quia tamen debitum prædictæ relationis non urget pro omni tempore , sit ut carentia relationis ad ultimum finem non vitiet actum illum , qui ordinatur ad aliquod verum bonum particulare , dum non urget præceptum charitatis , ut ex Angelico Sole probatum est num. 101.

CXXVIII. Hinc desumitur germanus intellectus solutionis , quam d t Magister noster S. THOMAS argumento primo articuli citati ex 2. 2. quæ solutio satis clarè exponit quod intendimus , & idcō eam de verbo ad verbum recitamus.

„Videtur , quod sine charitate possit esse aliqua vera virtus . Virtutis enim , proprium est , bonum actum producere : sed illi qui non habent charitatem , faciunt aliquos bonos actus , puta , dum nudum vestiunt , famelicum , pascunt , & similia operantur : ergo sine charitate potest esse aliqua vera , virtus .

„Ad primum ergo dicendum , quod actus alicujus charitate carentis potest esse duplex . Vnus quidem secundum hoc , quod charitate caret , utpote , cum facit aliquid in ordine ad id , per quod caret charitate . Et talis actus , semper est malus sicut AUGUSTINUS dicit in 4. contra Iulianum , quod actus , infidelis , inquantum est infidelis , semper est peccatum , etiam si nudum , operiat , vel quidquid aliud faciat , ordinans ad finem suæ infidelitatis .

„ Alius autem potest esse actus charitate carentis non secundum id, quod charitate caret, sed secundum quod habet aliquod aliud donum Dei, ut fidem, vel spem, vel etiam naturæ bonum, quod non totum per peccatum tollitur, ut supra dictum est. Et secundum hoc sine charitate potest quidem esse, aliquis actus bonus ex suo genere, non tamen perfectè bonus, quia deest debita ordinatio ad ultimum finem.

Ubique in verbis Angelicis resonat S. AUGUSTINUS: ubique legitime exponitur. Ubi non est charitas non adest debita ordinatio ad ultimum finem. Sed carens charitate potest operari actum, qui non sit peccatum, si operetur ex dono, fidei, aut spei, ut admittunt Adversarii: ergo carens charitate potest operari actum, qui non sit peccatum, etiamsi non adsit debita ordinatio ad ultimum finem. Cur ergo similiter carens charitate, aut etiam fide, non poterit operari actum qui non sit peccatum, si operetur ex bono naturæ, sive ut ait S. AUGUSTINUS ex reliquiis imaginis. Nam si actus ex fide procedens non vitiat ex carentiâ debitæ ordinationis ad ultimum finem, cur ex eadem carentiâ vitaretur actus procedens ex bono naturæ? non minùs est donum Dei bonum naturæ, quàm sit fides: & qui largitus est fidem, donavit & naturam.

CXXIX. Dices. Actus carens debito ordine est peccatum: ergo si absente charitate actus careat debito ordine, actus ille erit peccatum. Respondetur, distinguendo ant. Actus carens debito ordine, pro illo tempore quo debet habere ordinem, est peccatum, conceditur, pro illo tempore quo non debet habere ordinem, negatur. Jam diximus ordinem ad ultimum finem esse debitum actui, sed non pro omni tempore, eo quod cadat sub præcepto affirmativo. Quæ solutio est D. THOMÆ in 2. dist. 41. q. 1. a. 2. ad 4. ubi hoc sibi format argumentum: *Illud propriè dicitur malum, quod caret aliquâ perfectione, quam natum est & debet habere: sed omnis actus humanus natus est in ultimum finem beatitudinis referri, nisi sit per se malus. & debet referri, ut ex dictis patet: cum ergo actus infidelium in ultimum finem non referatur, in quem fides dirigit, ut dictum est, videtur quod omnis actus infidelium sit malus.* Ipsissimum est argumentum cui respondimus, & totum Adversariorum fundamentum. Audiamus Anglicam solutionem: *Dicendum quod non obligamur ad hoc, quod quilibet actus actu dirigatur in finem illum, in quem non potest nisi fides dirigere, quia præcepta affirmativa non obligant ad semper, quamvis semper obligent: & ideo non oportet ut actus infidelium, qui in finem illum non est ordinatus, semper sit peccatum: sed solum pro tempore illo, in quo tenetur actum suum in finem ultimum referre.*

CXXX. Ipsissima quoque est solutio nostra: quâ totaliter ruit Adversariorum fundamentum; & doctrina AUGUSTINIANA separatur à vilibus hæreticorum commentis, quibus credi posset, quod natura destrueret gratiam, aut gratia naturam; aut certè natura confunderetur cum gratiâ. Utrumque

esse donum Dei, & naturam, & gratiam, confitetur fides Catholica; utrique reddit quæ sua sunt; nullam in naturâ virtutem agnoscit, ad ea quæ sunt gratia; quibus tamen naturam non destrui, sed perfici proficitur. Quare distinguamus finem quem ratio dicat, à fine quem fides præscribit, & manifestum erit, ad bonitatem actus, qui non sit peccatum, sufficere directionem in finem quem ratio dicat, dum non urget fidei præceptum. Ita Sol Angelicus 2. 2. q. 10. a. 4. ad 2. Ubi hoc argumentum sibi objicit: *fides intentionem dirigit: sed nullum bonum potest esse, quod non est ex intentione rectâ: ergo in infidelibus nulla actio potest esse bona.* Respondet Doctor Communis: *fides dirigit intentionem respectu finis ultimi supernaturalis; sed lumen etiam naturalis rationis potest dirigere intentionem respectu alicujus boni connaturalis.* Et ad 3. subjungit: *quod per infidelitatem non corrumpitur totaliter in infidelibus ratio naturalis, quin remaneat in eis aliqua veri cognitio, per quam facere possunt aliquod opus de genere bonorum.* Quam solutionem tradiderat in 2. dist. 41. q. 1. a. 2. ad 5. Dicendum quod infideles non semper ex infidelitatis errore finem sibi præstituunt, sed aliquando ex vero & recto judicio rationis, & idèd non oportet quod in quolibet actu peccent: sed tunc solum quando ex errore finem sibi præstituumt. Qui hanc doctrinam non recipiunt, necesse est ut naturam cum gratiâ confundant.

§. II. *Verbum Apostoli, omne quod non est ex fide peccatum est, duobus modis S. THOMAS interpretatur; & uterque modus ad mentem S. AUGUSTINI.*

CXXXI. **V**erbum Apostoli, omne quod non est ex fide peccatum est, fuit Adversariis petra scandali, quo in interpretationem Anglicam offendentes ad propria abierunt, & à lumine Solis Angelici recedentes, in tenebris ambulaverunt. Certè in tenebris ambulasse Adversarios, judicabit Cordatus, qui ea quæ dicturi sumus altâ mente recogitaverit. Verbum illud Apostoli sibi opponit D. THOMAS 2. 2. q. 10. a. 4. ad 1. in hunc modum: *videtur quod qualibet actio infidelis sit peccatum. Quia super illud Rom. 14. omne quod non est ex fide peccatum est, dicit glossa: omnis infidelium vita est peccatum. Sed ad vitam infidelium pertinet omne quod agunt. Ergo omnis actio infidelium est peccatum.* Respondet huic argumento Magister Orbis: *Dicendum quod verbum illud est intelligendum, vel quia vita infidelium non potest esse sine peccata, cum peccata sine fide non tollantur: vel quia quidquid agunt ex infidelitate peccatum est. Unde ibid. subditur: quia omis infideliter vivens vel agens vehementer peccat.*

Duplex ex verbis Angelicis colligitur modus interpretandi propositionem Apostolicam. Primus ex parte prædicati, quod est *ly peccatum*, intelligendo per peccatum actum peccato conjunctum: ut sit sensus, *omne quod non est ex fide peccato conjunctum est.* Secundus ex parte subjecti, quod est *ly non ex fide*

accipiendo ly *non ex fide* pro eo quod est ex infidelitate, ut sit sensus, *omne quod est ex infidelitate peccatum est.*

Utrumque hunc modum interpretandi verbum Apostoli contendimus esse ad mentem S. AUGUSTINI. Primum modum evincemus, si ostenderimus S. AUGUSTINUM ad opus bonum exegisse gratiam liberantem à peccato; ita ut prius debeat quis à peccato sanari per gratiam sanctificantem, quàm valeat aliquod præceptum implere. Nam si ad impletionem alicujus præcepti necessarium sit, quod gratia sanctificans, & à peccato liberans influat in opus; sequitur aperte, *omne quod non est ex gratiâ sanctificante esse peccatum*; & cum hoc non sit universaliter verum de peccato, ut dicit actum malitiâ infectum: oportet quòd ad veritatem illius universalis propositionis intelligatur de peccato, ut dicit actum peccato conjunctum. Secundum modum interpretandi probabunt ipsa S. AUGUSTINI testimonia, in quibus prædictum locum Apostoli pertractat fulgentissimus Ecclesiæ Sol. Singulis igitur paragraphis utrumque modum prosequemur.

§. IJ. S. AUGUSTINUS *nullam actionem peccato mortali conjunctam reputat esse bonam.*

CXXXIJ. **S**I Sanctus AUGUSTINUS nullam actionem peccato mortali conjunctam reputet bonam, convenientissima erit Angelica interpretatio quâ dicit, S. AUGUSTINUM vocare peccatum actum peccato conjunctum, sive quod idem est, actum qui facientem non liberat à peccato, nec dignum reddit vitâ æternâ. Quòd autem S. AUGUSTINUS nullam actionem peccato mortali conjunctam reputet bonam; sed solum eam quæ facientem liberat à peccato, eumque dignum reddit vitâ æternâ, capite præcedenti efficaciter probatum est, dum §. 2. ostendimus, S. Doctorem ad bonitatem operis exigere fidem justificantem. Ponderentur verba ista, quæ num. 116. retulimus: *PER QVOD ENIM VERA JUSTITIA, PER HOC ETIAM REGNUM DEI, namque quidd absit ipse, eris injustus, si ad ejus regnum verus non admittitur justus.... Porro si veram justitiam non habent impii, profectò nec alias virtutes comites ejus, & socias, quia cum ad suum non referuntur authorem dona Dei, hoc ipso MALI his utens efficiuntur injusti.* Quæ verba non solum infideles, sed & omnes impios in peccato mortali existentes universaliter comprehendunt. Omnis igitur actus qui non liberat facientem à peccato, nec facit eum dignum vitâ æternâ, non est opus veræ justitiæ, nec veræ virtutis secundum S. AUGUSTINUM. Quare sicut vera justitia & vera virtus est secundum eundem Solem virtus infusa; ita peccatum erit actus carens perfectione virtutis infusæ; in quo sensu verissimum est, *omne quod non est ex fide, nec ex gratiâ sanctificante peccatum est.* Quem sensum ut AUGUSTINIANVM si noluerint recipere Adversarii,

oportet ut fateantur, non solum omnia opera infidelium, sed etiam omnia opera fidelium impiorum esse peccata in sensu AUGUSTINIANO.

CXXXIIJ. Nam constantissima est & perpetua S. AUGUSTINI doctrina, nullum opus esse bonum, si non procedat à gratiâ sanctificante, per quam justificatur impius; nec ullam esse in homine perduto & vendito potestatem faciendi aliquod opus justitiæ, si prius per gratiam sanctificantem non fuerit liberatus & redemptus. Primò, id apertissime docet fulgentissimus Ecclesiæ Sol lib. 4. ad Bonifacium cap. 6. *Quid mihi obrendis liberum arbitrium, quod ad faciendum justitiam liber non erit, NISI OVIS FUERIS. Qui facit igitur OVES homines, ipse ad obedientiam pietatis humanas liberat voluntates. Solâ autem gratiâ sanctificante fiunt OVES homines.* Et in Enchiridio ad Laurentium cap. 30. *Quid enim boni operari potest perditus, nisi in quantum fuerit A PERDITIONE LIBERATUS? Unde ad justè faciendum liber non erit, nisi A PECCATO LIBERATUS esse justitiæ cæperis servus..... Sed ista libertas ad benefaciendum undè erit homini additò & vendito, NISI REDIMAT ILLE, cujus illa vox est, si vos filius liberaverit, tunc verè liberi eritis? Quod antequàm fieri in homine incipiat, quomodò quisquam de libero arbitrio in bono gloriatur opere, qui nondum liber est ad operandum bonè..... Tunc ergo efficitur verè liberi, cum Deus nos fingit, (id est format & creat) non ut homines quod jam fecit, sed ut boni homines simus, quod nunc gratiâ suâ facit, ut simus in Christo IESU nova creatura, secundum quod dictum est, cor mundum crea in me Deus. Sine gratiâ sanctificante non liberamur à peccato, non sumus nova creatura, nec cor mundum creatur in nobis; ista requirit S. AUGUSTINUS ad bonum opus: ergo & gratiam sanctificantem.*

Clarissimè omnium lib. de Moribus Ecclesiæ cap. 13. „ Si ergo querimus „ quid sit bonè vivere, id est ad beatitudinem bene vivendo tendere, id „ erit profectò amare virtutem, amare sapientiam, amare veritatem, & „ amare ex toto corde, & ex totâ animâ, & ex totâ mente virtutem, quæ in „ violabilis & invicta est, sapientiam cui stultitia non succedit, veritatem „ quæ converti atque aliter quàm semper est sese habere non novit. Per hanc „ ipse cernitur Pater, dictum est enim, nemo venit ad Patrem, nisi per me. „ Huic HÆREMUS PER SANCTIFICATIONEM. Sanctificati enim plenâ & in „ tegrâ charitate flagramus, quâ solâ efficitur ut à Deo non avertamur, ciq̃ue „ potius, quàm huic mundo conformemus, &c.

CXXXIV. Secundò, Doctrina S. AUGUSTINI est, per fidem informem nulum impleri præceptum, sed solum impetrari justificationem, & charitatem ex quâ impleri possit præceptum: ergo ad impletionem præcepti requirit gratiam sanctificantem; & per bonum opus, illud solum intelligit, quod facientem liberat à peccato, & cum perducit ad visionem Dei per essentiam. Probatur antecedens ex epist. 106. his verbis: *Si quis autem dixerit quod gratiam bonè operandi fides mereatur, negare non possumus, imò verò gratissimè confitemur.*

Hanc enim fidem volumus habeant quâ impetrent charitatem, quæ sola verè bene operatur, isti fratres nostri qui multum de suis operibus gloriantur. Charitas autem usque adeo donum Dei est, ut Deus dicatur. Qui ergo habent FIDEM QVA IMPETRENT JUSTIFICATIONEM, per Dei gratiam pervenerunt ad legem iustitiæ. Unde dicitur tempore acceptabilis exaudi vi te, & in die salutis adiuvi te. Hic notè bene meritum fidei informis, solum esse meritum impetrationis, non vero retributionis cui debeatur vita æterna; quod nullum est ante gratiam sanctificantem.

Idem docet de spirit. & litt. cap. 29. „*Quæ mandata ut possit homo facere, Deus operatur in homine per fidem Iesu Christi, qui finis est ad iustitiam, omnirendenti; id est, cui per spiritum incorporatus factusque membrum ejus potest quisque illo incrementum intrinsecus dante, operari iustitiam. De cujus operibus etiam ipse dixit, quia sine me nihil potestis facere. Ideò quippè proponitur iustitia legis, quòd qui fecerit eam vivet in illà, ut cum quisque infirmitatem suam cognoverit, non per suas vires, neque per litteram ipsius legis, quod fieri non potest, sed per fidem concilians iustificatorem perveniat, & faciat & vivat in eà. OPUS ENIM QVOD QUI FECERIT VIVET IN EO, NON FIT NISI A JUSTIFICATO. JUSTIFICATIO AUTEM EX FIDE IMPETRATUR. Hæc S. AUGUSTINUS qui tandem cap. seq. Eiusdem libri totum fidei processum proponit his verbis.*

„*Liberum ergo arbitrium evacuamus per gratiam? Absit, sed magis liberum arbitrium statuimus. Sicut enim lex per fidem sic liberum arbitrium per gratiam non evacuatur, sed statuitur. Neque enim lex impletur nisi libero arbitrio, sed per legem cognitio peccati, PER FIDEM IMPETRATIO GRATIÆ CONTRA PECCATUM, per gratiam sanatio animæ à vitio peccati, per animæ sanitatem libertas arbitrii, per liberum arbitrium iustitiæ dilectio, per iustitiæ dilectionem legis operatio. Ex hoc fidei processu manifestum est, quòd sistetur in fide informi, nulla habeatur iustitiæ dilectio, nec ulla legis operatio; sed prius per fidem impetrare oportet gratiam sanctificantem, quâ sanetur liberum arbitrium, & per sanitatem fiat liberum ad diligendum iustitiam & faciendum legem. Totum hoc breviter expressit lib. 1. retract. cap. 15. Quantum est quod valet voluntas sub dominante cupiditate, nisi forè si pia est, ut oret auxiliunt? intantum enim libera est, in quantum liberata.*

CXXXV. Tertio, ipse confitètur S. AUGUSTINI cum Iuliano id ipsum manifestat. Docebat Iulianus, opus bonum sine fide factum esse steriliter bonum. Contra quem sic arguit S. AUGUSTINUS lib. 4. cap. 3. *Quapropter dici non potest quantum te fallat ista opinio, quâ dixisti omnes virtutes effectus esse, per quos aut fructuosè, aut steriliter boni sumus. FIERI ENIM NON POTEST, VT STERILITER BONI SIMUS, SED BONI NON SUMUS QUIDQUID STERILITER SUMUS. Quod planissimum est de bonitate, quæ habetur ex gratiâ sanctificante. De hac igitur bonitate loquens Ecclesiæ Sol, verissimè insultat Iuliano dicens: fieri non*

potest ut steriliter boni sumus; quia opus procedens a gratiâ sanctificante reddit debitam vitam æternam facienti illud; & consequenter sterile esse non potest. Si autem opus aliquod bonum sterile ponatur, necesse est quod faciens illud careat gratiâ sanctificante; & quia S. AUGUSTINUS per solam gratiam sanctificantem nos esse bonos sentiebat, statim intulit, *sed boni non sumus quidquid steriliter sumus*: quod dicere non potuisset, si aliam bonitatem reputaret, præter eam, quæ est in opere ex gratiâ sanctificante.

S. IV. *Idem est apud S. AUGUSTINUM. non esse ex fide, ac esse ex infidelitate.*

CXXXVI. **S**ecundus modus interpretandi verbum Apostoli, ab Angelico Sole traditus, dicebat, quod *ly non esse ex fide* idem valeret ac *esse ex infidelitate*. Hanc interpretationem esse legitimam, probant ipsa S. AUGUSTINI testimonia, in quibus pertrahat verbum Apostoli. Primum sumitur ex lib. 1. de nupt. & concup. cap. 3 ubi ait: *Quid ergo dicimus, quando & in quibusdam impiis invenitur pudicitia conjugalis? utrum & peccare dicendi sunt, quod dono Dei malè utantur, non id referentes ad cultum ejus à quo acceperunt?* Et post pauca resolvendo quæstionem explicat, quid sit non referre ad cultum Dei, Cum igitur faciunt hæc homines sine fide, quæ videntur ad conjugalem pudicitiam pertinere, sive hominibus placere quærentes, vel sibi, vel aliis, sive in his rebus quas vitiose concupiscunt, humanas molestias deuitantes, sive dæmonibus fervientes, non peccata coercentur, sed aliis peccatis peccata vincuntur. Ecce quomodo non referre ad cultum Dei, S. AUGUSTINUS intellexit de eo, quod fit ex delirio inordinato placendi hominibus, vel sibi, vel aliis, aut ex quocumque alio amore perversi finis.

Item cap. seq. dicit: *Hoc tam evidens bonum cum infideles habent, quia infideliter utuntur, in malum peccatumque convertunt.* Infideliter uti bono nunquid est ex infidelitate operari? audiamus S. AUGUSTINUM magis se explicantem; Quapropter, ait, qui non hac intentione, hac voluntate, hoc fine generat filios, ut eos ex membris hominis primi in membra transferant Christi: sed INFIDELIS PARENTES DE INFIDELI PROLE GLORIENTUR, etiamsi tanta sit observantia, ut secundum matrimoniales tabulas non nisi liberorum procreandorum causâ concumbant, non est in eis vera pudicitia conjugalis. De infideli prole gloriari, hoc est infideliter uti bono. Qui igitur infidelium peccant generando filios, non propter solam absentiam fidei peccant, sed quia ex infidelitate generant, id est intentione de infideli prole gloriandi. Quare non adinvenit Sol Angelicus supradictam interpretationem, sed eam à suomet Magistro accepit, & fideliter reddidit.

CXXXVII. Secundum testimonium ex lib. 4. contra Julianum cap. 3. Sic se habet: *Quidquid autem boni fit ab homine, & non propter hoc fit propter quod fieri debere vera sapientia præcipit, etsi officio videatur bonum, ipso non recto fine peccatum est.*

Hoc testimonium iterum, & iterum ingeminant Adversarii, ut ostendant, solam absentiam fidei facere actum malum, eo quòd dicat S. AUGUSTINUS *ipso non recto fine peccatum est*. Verùm tam clarè se explicat Sanctus Doctor, ut nonnisi magnam possint Adversarii ex prædicto testimonio haurire confusionem. Idem est enim apud S. Doctorem, *ipso non recto fine*, ac *ipso perverso fine*: Undè sensus legitimus doctrinæ AUGUSTINIANÆ est, quòd opus quantumvis ex officio bonum, si tamen perverso fine fiat, peccatum est; quòd faciunt infideles ex perverso fine, faciunt ex infidelitate, prout infidelitas opponitur fidei formatæ: idem ergo dixit S. AUGUSTINUS, quod dixit S. THOMAS, dum uterque asserit peccare infideles ex amore perverli finis. Verba AUGUSTINI sunt in loco citato: *Possunt ergò aliqua bona fieri non benè facientibus à quibus fiunt: bonum est enim ut subveniatur homini pereclitanti, præsertim innocenti: sed ille qui hoc facit, si amando gloriam hominum magis quàm Dei facit, non benè bonum facit. quia non bonus facit quod non bonâ voluntate facit. Absit enim ut dicatur voluntas bona quæ in aliis, vel in seipsâ, non in Domino gloriatur. Quibus patet; illud non bonâ voluntate fieri, non recto fine, quod fit ex voluntate hominibus placendi vel aliis, vel sibi. Simile est de quâcumque aliâ perversâ voluntate.*

S. V. Concordia utriusque Solis concluditur.

CXXXVIII. **Q**Uibus omnibus evidens fit, scrutatores doctrinæ AUGUSTINIANÆ defecisse scrutinio suo, dum ex propriâ ratione, neglecto Angelici Solis lumine, mentem S. AUGUSTINI in litterâ, non in Spiritu, scrutari præsumpserunt. Nam in hac Angelici Solis tutissimâ & inconcussâ distinctione, quâ duplex bonitas distinguitur, una ex fine ultimo, alia ex fine proximo, uniuntur ambo Ecclesiæ Soles, Magister & Discipulus. Etenim bonum factum ab infideli *non benè fit, non sicut oportet*, secundum S. AUGUSTINUM, quia *non benè* per ordinem ad ultimum finem, *non sicut oportet* ad ultimum finem. At secundum D. THOMAM bonum factum ab infideli *benè fit, & sicut oportet*; quia *benè* per ordinem ad finem proximum, quia *sicut oportet* ad finem particularem. *Non benè simpliciter*, dicit S. AUGUSTINUS, *benè secundum quid* dicit S. THOMAS.

Bonitas ex fine proximo liberat quidem actum à malitiâ peccati, sed non liberat facientem actum à peccato: & idè licet faciat actum bonum secundum quid, facientem tamen actum relinquit simpliciter malum, & æternâ damnatione dignum. Bonitas ex fine ultimo facientem actum à peccato liberat, redditque actum ejus simpliciter bonum, quia vitâ æternâ dignum. Omne opus factum ab infideli est peccatum dicit S. AUGUSTINUS, quia à peccato & damnatione non liberat facientem. Non omne opus factum ab infideli est peccatum,

est peccatum, dicit S. THOMAS, quia aliquem facit actum ad finem proximum ordinatum. Sine amore Creatoris ex charitate super omnia dilecti nullus bene utitur creaturis secundum S. AUGUSTINUM; quia non bene per ordinem ad ultimum finem: sine prædicto amore Creatoris contingit in aliquo bonus usus creaturæ, secundum D. THOMAM quia bene per ordinem ad aliquem finem naturæ commensuratum, non urgente pro tunc præcepto referendi in ultimum finem.

CXIL. Aliquas virtutes ponit in Gentilibus S. THOMAS, quas vitiari sui complacentiâ contendit S. AUGUSTINUS. Si iustificati per gratiam vix opus bonum facimus sive in moribus, sive in negotiis humanis; sive in artibus & scientiis, quin nobis ipsis interius de tali opere complacemus; quanto magis infideles in bonis operibus quæ contigerit eos fecisse sibi complacent? Complacentia concomitans non inficit actum bonum, sed vitiat facientem. Quemadmodum sapientes illi, qui cum Deum cognovissent non sicut Deum eum glorificaverunt, non peccaverunt in cognitione Dei sed in eo quod de tali cognitione gratias non egerunt nec ipsum Deum cognitum sicut Deum glorificaverunt: ita concipi potest quosdam fuisse bene moratos, qui aliquos virtutum actus exercentes, in illorum exercitio præcisè non peccaverunt; sed non agnoscentes cujus munere virtutes exercerent, in seipsis & non in Domino gloriati sunt.

Alia est Pelagianorum sententia quam impugnabat S. AUGUSTINUS, alia S. THOMÆ doctrina fidelissimi S. AUGUSTINI Discipuli. Pelagiani virtutes quæ tales essent simpliciter ex solo nutu voluntatis sine auxilio Dei præveniente volebant acquisitas. Ac S. THOMAS agnoscit Gentiles aliquos auxilio Dei præveniente voluntatem, & vincente concupiscentiam adjutos, habuisse aliquas virtutes non simpliciter, sed secundum quid, non sine peccato, sed fortè cum multâ sui complacentiâ. Quam doctrinam videtur ex sapientissimo Magistro suo desumpsisse, qui lib. 4. contra Iulianum cap. 3. ait: *Quantò ergo tolerabilius illas dicitis in impiis esse virtutes, divino muneri potius, quàm eorum tribuere tantummodò voluntati; LICET IPSI HOC NESCIANT, donec si ex illo sunt prædestinatorum numero accipiant Spiritum qui ex Deo est, ut sciatur quæ à Deo donata sunt eis. Sed absit ut sit in aliquo vera virtus nisi fuerit iustus. Absit autem ut sit iustus verè nisi vivat ex fide; iustus enim ex fide vivit.* Non ergo improbat S. AUGUSTINUS, eum qui diceret ex divino munere esse aliquas in impiis virtutes per ordinem ad finem aliquem proximum naturæ commensuratum, in quibus sibi complacent, quia non sciunt quæ donata sunt eis. Cum tamen, ut dictum est, nihil reputetur ab AUGUSTINO bonum, quod à peccato non liberat, nec ad vitam perducit æternam, idèò subjungit: *sed absit ut sit in aliquo vera virtus nisi fuerit iustus. Absit autem ut sit iustus verè nisi vivat ex fide, iustus enim ex fide vivit.*

Sit igitur inter Magistrum & Discipulum differentia aliqua, sed contrarietas nulla. Quod unus expressit, alter non negavit. Una utriusque veritas, sed diversis hominibus diversimodè explicata. Modus explicandi quem observavit S. AUGUSTINUS, erat Pelagianis convincendis necessarius. Modus explicandi quem tenuit S. THOMAS erat sapientibus hujus mundi illuminandis opportunus. In utroque laudemus Deum, qui utrumque elegit: Utrumque sequamur, ut à damnatione Ecclesiæ subtrahamur. Nam propositionem istam Baii, *omnia infidelium opera sunt peccata, & Philosophorum virtutes sunt vitia*, damnatam ab Ecclesiâ credimus, non solum propter censuram ei annexam, ut quidam volunt, sed & maximè, quia contrariatur menti S. AUGUSTINI per S. THOMAM declaratæ; siquidem non minùs Discipuli quàm Magistri iustissima sunt & inconcussa dogmata.



CAPV T VNDECIMVM.

Carentia gratiæ in filiis Adam est pœna.

EXL. **P**ER gratiam intelligo gratiam sanctificantem, quæ gratia Deificans & adoptionis filiorum dicitur, & gloriam beatificantem, quæ vita æterna, regnumque cœlorum nuncupatur. Gratiæ sanctificans collata naturæ humanæ in primo homine, non solum eam Deificabat per quamdam divinæ naturæ secundum sibi propria participationem; sed etiam perfectè subiciebat vires inferiores superioribus; ita ut ex eodem dono oriretur, & elevatio naturæ ad finem superexcedentem, & sanitas naturæ in ordine ad finem sibi commensuratum. Undè fit ut carentia doni elevantis sit quoque carentia doni subjicientis, & consequenter carentia gratiæ sanctificantis in filiis Adam sit eorum quoque infirmitas naturæ: & perfectæ ejusdem gratiæ reparatio, sit quoque perfectæ naturæ sanitas. Merito igitur S. AUGUSTINUS semper conjunxit naturæ sanitatem cum gratiâ, & gratiam cum naturâ; non quod naturæ sanitas ex alio dono haberi non posset, nec natura condita sine gratiâ absolutè & simpliciter loquendo; sed quia taliter natura in primo homine condita est, ut quicumque eam ex illo acciperet, deberet simul cum naturâ accipere & gratiam, indeque ortam sanitatem, ac jus ad hæreditatem regni cœlorum; ita ut nullus ex Adam oriundus potuisset sine injuriâ privari.

CAP. II. CARENTIA GRATIÆ IN FILIIS ADAM EST PŒNA. 99
gratiâ sanctificante, & à regno cœlorum excludi, nullo præcedente peccato.
Hoc est quod intelligimus, dum dicimus carentiam gratiæ in filiis Adam esse
pœnam.

S. J. *Quæ sit connexio naturæ cum gratiâ? & quæ fuerit Adversariorum hallucinatio?*

CXLJ. **C**arentia gratiæ non posset esse pœna, ut §. seq. dicetur, si gratia non foret aliquo modo debita. Nec gratia foret debita, si non intercederet aliqua naturæ cum gratiâ connexio. Quare antequam probemus, carentiam gratiæ esse pœnam; necessarium est, de connexione gratiæ cum naturâ sinceram Gemini Ecclesiæ Solis exponere doctrinam. In hac enim connexione plurimum hallucinati sunt Adversarii, dum ea quæ S. AUGUSTINUS docet de naturâ & gratiâ in filiis Adam, ipsi transfulerunt ad naturam secundum se spectatam; & eam ex conditione propriâ conjungi cum gratiâ existinarunt, cum tamen ex solo elevationis privilegio hujusmodi connexionem in Adamo prototâ suâ posteritate consecuta sit. Nam in hoc differt gratia adoptionis filiorum sanctificans homines ab eâ quæ sanctificat Angelos; quod gratia in hominibus sit donum naturæ, in Angelis verò sit donum personæ: non enim Angeli, sicut homines, ex uno omnes: & ita non uni Angelo ut præcontinenti omnes alios potuit dari gratia, sicut data est Adamo, à quo omnes naturam humanam accipientes acceperunt & gratiam, si miserabiliter comestione pomi veluti eam sibi, & omnibus aliis Adamus non perdidisset.

CXLII. Qualiter cum naturâ propagata fuisset & gratia, eleganter, & dilucidè id explicat Magister noster S. THOMAS I. p. q. 100. a. 1. his verbis:
„ Dicendum quòd naturaliter homo generat sibi simile secundum speciem.
„ Unde quæcumque accidentia consequuntur naturam speciei, in his necesse est,
„ quòd filii parentibus simulentur, nisi sit error in operatione naturæ.
„ qui in statu innocentie non fuisset. In accidentibus autem individualibus
„ non est necesse, quòd filii parentibus simulentur. Justitia autem originalis,
„ in quâ primus homo conditus fuit, fuit accidens naturæ speciei, non quasi
„ ex principiis speciei causatum, sed tantum sicut quoddam donum divinitus
„ datum toti naturæ. Et hoc apparet: quia opposita sunt unius generis: peccatum autem originale, quòd opponitur illi justitiæ dicitur esse peccatum
„ naturæ, unde traducitur à parente in posteros. Et propter hoc etiam filii
„ parentibus assimilati fuissent, quantum ad originalem justitiam.

Contra hanc doctrinam tibi objicit Sol Angelicus: *Iustitia est per gratiam ut Apostolus dicit ad Rom. 5. Si gratia non transfunditur, quia sic esset naturalis, sed à*
N ij

solo Deo infunditur. Ergo pueri cum iustitiâ nati non fuissent. Soluit objectionem his verbis:

„Ad secundum Dicendum; quòd quidam dicunt quod pueri non fuissent
 „nati cum iustitiâ gratuitâ; quæ est merendi principium, sed cum iustitiâ
 „originali. Sed cum radix originalis iustitiæ, in cuius rectitudine factus est
 „homo, consistat in subiectione supernaturali rationis ad Deum, quæ est
 „per gratiam gratum facientem, ut supra dictum est, necesse est dicere,
 „quòd si pueri nati fuissent cum originali iustitiâ, quòd etiam nati fuissent
 „cum gratiâ: sicut & de primo homine supra diximus, quòd fuit cum gratiâ
 „conditus. Non tamen fuisset propter hoc gratia naturalis, quia non fuisset
 „transfusa per virtutem seminis, sed fuisset collata homini statim cum ha-
 „buisset animam rationalem. Sicut etiam statim cum corpus est dispositum,
 „infunditur à Deo anima rationalis, quæ tamen non est ex traduce.

CXLIIJ. Est igitur nexus in hominibus ex Adam oriundis inter naturam,
 & gratiam, non ex conditione naturæ, ut putant Adversarii, sed ex eleva-
 tionis privilegio, ut docet S. THOMAS. Quare homo, qui nascitur ex Adam,
 sicut habet jus ad ea quæ sunt naturæ, ita habet jus ad ea quæ sunt gratiæ,
 quod sine ejus injuriâ violari non potest. Ad hoc continuò attendens S. AU-
 GUSTINUS sæpè inculcat hominem factum ad imaginem Dei nulli obnoxium
 peccato eo non posse privari vitâ æternâ: contumeliamque esse imaginis se-
 parationem à regno Dei. De quo §. seq.

§. II. Carentia gratiæ in filiis Adam est pœna.

CXLIII. **P**œna est malum. Malum autem non est pura negatio sed pri-
 vatio boni debiti. Ut enim ait Magister noster q. 1. de malo a.
 4. ad 10. *Non omnis defectus habet rationem mali, sed defectus boni quod natum est ha-*
beri. Unde non est defectus homini qui non potest volare, & per consequens nec culpa est
nec pœna. Et eadẽ q. a. 1. ad 1. *Illud autem dicitur simpliciter malum quod est secun-*
dum se malum; hoc autem est quod privatur aliquo particulari bono, quod est ex debito
sue perfectionis: sicut aegritudo est malum animalis, quia privat æqualitatem humorum,
quæ requiritur ad perfectum esse animalis. Ut ergo carentia gratiæ sit malum oportet
 quod gratia sit aliquo debita. Non potest esse debita ex conditione,
 & principiis naturæ; alioquin gratia jam non esset gratia, sed natura: est
 ergo debita, inquantum fuit beneficium datum toti naturæ, quod propter
 peccatum amissum est. Si aliquis propter culpam suam privatur aliquo beneficio sibi
 dato, carentia illius beneficii est pœna culpæ illius, ait S. THOMAS 2. 2. q. 164. a. 1.

Hinc est, quòd carentia gratiæ non sit malum creaturæ rationali secun-
 dum se & absolutè sumptæ; sed creaturæ rationali ex Adam oriundæ, & ideo
 si quis ex Adam nasceretur innocens, non posset sine injuriâ à regno cœlorum

CAP. II. CARENTIA GRATIÆ IN FILIIS ADAM EST POENA. tot
excludi. Ratio differentiæ est; quod gratia, id est, *illuminatio spiritalis, adoptio
filiorum Dei, municipatus Hierusalem celestis, sanctificatio*; atque in *Christi membra
translatio*, & *possessio regni cælorum*, quæ refert S. AUGUSTINUS lib. 1. operis im-
perfecti contra Iulianum cap. 53. Hæc inquam gratiæ munera, sunt respectu
creaturæ rationalis secundum se & absolutè sumptæ beneficia indebita, quæ
omnes vires creaturæ rationalis superexcedunt, nullumque nexum cum eâ
habent, sed tota ad huiusmodi dona capacitas est secundum potentiam obe-
dientiæ, de qua ait S. AUGUSTINUS lib. de prædestinat. Sanctorum cap. 5.
*Posse habere fidem, sicut posse habere charitatem, naturæ est hominum; habere autem
fidem, quemadmodum habere charitatem, gratiæ est fidelium.*

CXLIV. Certum est, carentiam beneficii indebiti quod omnem creaturæ
rationalis proportionem excedit, non posse dici malum creaturæ rationali.
Ita D. THOMAS in 2. distinct. 33. q. 2. a. 1. 2. *Sciendum ergo quodd ex hoc quodd
caret aliquis eo, quod suam proportionem excedit, non affligitur si sit recte ratio-
nis sed tantum ex hoc quodd caret eo, ad quodd aliquo modo proportionatus fuit: sicut nullus
sapiens homo affligitur de hoc, quodd non possit volare sicut avis, vel quia non est Rex
vel Imperator, cum sibi non sit debitum.* Si non regnare in terris non sit malum
homini qui nullam proportionem, nullumque regnandi habet debitum;
multò minùs non regnare in cælis erit malum creaturæ rationali, quando-
quidem minor sit proportio in creaturâ rationali ad regnum cælorum, quàm
sit in homine ad regnum terrenum. Similiter non potest dici quodd carentia
gradus supremi gloriæ sit malum minimo beatorum; quia licet secundum
potentiam obedientiæ potuerit ad illum elevari, nullo tamen modo est ei
debitum. Certum igitur est quodd carentia boni ad quodd quis potest, solum-
modò secundum potentiam obedientiæ elevari, non sufficiat ad rationem mali,
nisi huiusmodi bonum superexcedens fiat aliquo modo debitum. Ita contin-
git in gratiâ respectu creaturæ rationalis ex Adam nascituræ; nam ex libe-
ralissimâ Dei bonitate fuit beneficium datum toti naturæ ex Adam oriundæ;
& ita quodammodò tali naturæ fuit appropriata non ex debito naturæ, sed
ex elevationis privilegio. Quare iurè merito dicitur, carentiam gratiæ in filiis
Adam esse illis malum; & consequenter pœnam, eò quodd non nisi per res-
pectum ad peccatum in quo omnes peccaverunt eis denegatur.

**§. III. Quâ ratione probet S. AUGUSTINUS peccatum originale con-
tra Pelagianos per exclusionem à regno cælorum.**

CXLV. Capitale Pelagianorum dogma fuit, quodd parvuli nascerentur
sine peccato originali. Hoc dogma acriter impugnavit S. AU-
GUSTINUS per exclusionem à regno cælorum, & denegationem baptismi. Ex
utroque impugnationis AUGUSTINIANA medio credunt Adversarii invincibile

formari argumentum, ad probandum creaturam rationalem non posse condē sine ordine ad regnum cœlorum, nec sine gratiâ adoptionis filiorum; neutrumque posse ei sine peccato justē denegari. Verū eos falli, & injuriam facere doctrinæ AUGUSTINIANÆ, hoc paragrapho quantum ad exclusiōnem à regno cœlorum, & sequenti quantum ad denegationem baptismi, favente Deo ostendemus.

Ex parte exclusiōnis à regno cœlorum, sic urget Pelagianos lib. 3. contra Julianum cap. 12. *Sed ceterē vos qui miseram falsā defensione præmittis, & perniciosa laude oppugnatīs infantiam, quare nihil malē merentes tot in parvulis imagines Dei; si non baptiscentur non admittitis ad regnum Dei? Nunquid ipsi sibi defuerunt, ut pręveniret regno, ut tam fluctuosa puniantur exilio, cum id non fecerint quod facere omnino non poterant?* Et lib. 1. de peccatorum meritis cap. 30. *Nunquam explicant isti quā iustitiā nullum peccatum habens imago Dei, separatur à regno Dei.* Et lib. 1. contra Julianum operis imperfecti cap. *Clamas eos peccatum nullum habere, & ad civitatem Regis ad cuius imaginem facti sunt non permittis intrare.* Et lib. 2. Eiusdem operis cap. *Nunquam dicimus eos ut sit iustum, ut parvuli nullā suā, nullā plerumque etiam suorum culpā sine baptismate mortui à parentibus, & proximis fidelibus separantur, & ad regnum Dei non admittantur.* Et lib. 9. contra Julianum dicit parvulos baptizandos, *ne à regno Dei pereant imagines Dei: quod sine malo qui fieri dicit, nec amorem habet nec timorem Dei.*

CXLVI. Hæc Sancti AUGUSTINI testimonia perspicuē declarant, sine ullo ambiguitatis incerto, non posse ullo pacto defendi iustitiam Dei negantis regnos cœlorum parvulis, si vera est Pelagiana sententia quod parvuli sine ullā labe peccati nascerentur. Ex quo inferunt Adversarii universi, scilicet esse verum, omni creaturæ rationali sine peccato existenti deberi regnum cœlorum, ita ut sine Dei iniustitiā ab eo excludi non possit. Quod si dicatur eis S. AUGUSTINUM ex illā suppositione loqui, quod humana naturæ jam ad statum supernaturalem elevata & ordinata sit; explodunt hoc dictum; & exgibitant dicentes, nullam esse istius hypotesis umbram in locis allegatis: nec verò sine insigni ejus absurditate esse posse, cum Adversarios quos impugnabat contrariam hypotesin velut certissimam tenere non ignoraret. Quid enim nisi ridiculum in modum aërem verberando dimicaret & principium peteret, si id in argumentis suis suppositum veller, quod velut falsissimum à Pelagianis negabatur. Addunt præterea, quod etiam illā hypotesi factā, injustum non esset parvulos à regno innocentes excludere: si enim gratuitæ supernaturalis ordinationis & elevationis est regnum Dei, nulla est Dei iniustitia si negetur.

Aperiant, quæso, mentis suæ oculos Adversarii, & videant quod si injustum sit imaginem Dei excludi à regno cœlorum, oportet ut exclusio à regno cœlorum sit quid malum imagini Dei; si exclusio à regno sit malum,

CAP. XI. CARENTIA GRATIÆ IN FILIIS ADAM EST POENA. 103
ergo ex Doctrinâ nuper traditâ regnum cœlorum est bonum debitum imagini Dei. Supponunt igitur omnia S. AUGUSTINI testimonia, quod regnum cœlorum sit bonum debitum imagini Dei innocenti: & proinde imaginem Dei innocentem jus habere ad regnum cœlorum: ex quâ suppositione efficaciter inferunt, huiusmodi bonum debitum injustè denegari imagini Dei innocenti. Istam tamen suppositionem velut falsissimam negabant Pelagiani. Quare & ipsi Adversarii fateri debent, ridiculum in modum aërem verberando dimicasse S. AUGUSTINUM & petiisse principium, si velint quod sese habuerit, si supposuisset naturam humanam jam esse elevatam ad ordinem supernaturalem. Nam sicut Pelagiani negabant elevationem ad regnum cœlorum, ita & negabant jus aliquod ad regnum cœlorum: quod tamen jus supponit qui dicit injustum esse imaginem Dei innocentem excludi à regno cœlorum.

CXLVII. Quapropter dicendum est, efficaciam rationis AUGUSTINIANÆ tam apud Adversarios quàm apud nos proximè desumi ex eo quod regnum cœlorum sit bonum debitum imagini Dei, quæ de facto à Deo condita est, & quæ nunc ex Adam nascitur. Non enim de hominibus possibilibus disceptabant cum AUGUSTINO Pelagiani, sed de illis qui ex Adam quotidie nascuntur. Illi igitur homines qui ex Adam nascuntur, si sine peccato nascerentur, haberent jus ad regnum cœlorum, quod injustè violaretur, si sine aliquo peccato à regno excluderentur. En proximum fundamentum in quo firmatur veritas ista toties à S. AUGUSTINO repetita, *injustum est, innocentem excludi à regno cœlorum*. Undè autem habeatur jus innocentis ad regnum cœlorum, sive quod idem est, undè regnum cœlorum sit debitum imagini Dei? Respondeo ex Sacris Scripturis, quæ continuò prædicant hominem esse creatum propter regnum cœlorum, propter vitam æternam. Nihil est tam debitum homini quàm ultimus finis propter quem creatus est; nec ullum jus est magis legitimum & actionibus nostris magis, ut ita dicam, indispensabile quàm jus ad ultimum finem. Hoc igitur jus ut notissimum ex Sacris Scripturis supposebat S. AUGUSTINUS contra Pelagianos, quos ex illo efficacissimè revincebat. Nam supposito quòd finis ultimus propter quem homo creatus est, sit à parte rei regnum cœlorum; sequitur evidentissimè nullum hominem posse à regno cœlorum sine peccato excludi.

Nequaquam autem, sequitur, hominem non posse condi sine ordine ad regnum cœlorum; quia aliud est quod regnum cœlorum sit à parte rei, & de facto ultimus finis propter quem homo creatus est; & aliud est quo titulo habeat regnum cœlorum esse ultimum finem. Adversarii dicunt regnum cœlorum esse ultimum finem ex naturæ rationalis debito, seu conditione, nos cum Angelico Sole dicimus ex elevationis supernaturalis privilegio. Ad efficaciam testimoniorum S. AUGUSTINI abundè

sufficit, regnum cœlorum esse de facto ultimum finem hominis, quo verò titulo habeat esse ultimum, nihil conducit ad prædictam efficaciam. Nam quemadmodum nihil interest ut quis habeat jus ad bona civitatis, quòd sit civis ex jure nativitatis, aut ex privilegio Principis, nec minor fit injuria civi ex privilegio, si sine peccato excludatur à civitate, quàm fieret injuria ei qui foret civis ex naturâ; ita dico de eo qui civis est Sanctorum & Domesticus Dei, quicumque à parte rei est talis, fit ei injuria si nullo obnoxius peccato exulet à patriâ, & excludatur à regno, nec ad istam injuriam aut minuendam aut aggravandam multum conducit, si quis sit civis Sanctorum ex debito suæ naturæ, aut ex privilegio seu participatione alienæ naturæ.

CXLVIII. Separemus hic pretiosum à vili, id est, doctrinam fidei ab eâ quæ non est fidei. Doctrina fidei est, regnum cœlorum seu vitam æternam esse ultimum finem propter quem homo creatus est. Doctrina, quæ non est fidei, est titulus quo regnum cœlorum dicitur esse ultimus finis: nam aliqui dicunt ex debito naturæ, alii ex privilegio elevationis. Quòd fit non parum fuisse Adversarios hallucinatos, dum à lumine Angelico recedentes crediderunt, ab AVGVSTINO ut communem Ecclesiæ doctrinam assertum, Creaturam rationalem, connaturalem habere nexum cum gratiâ elevante ad visionem Dei per essentiam, ut sine illâ nullatenus creari possit. Quid est hoc, nisi Doctrinam AVGVSTINIANAM exponere ludibrio? ut enim de doctrina fidei docet S. THOMAS 1. p. q. 32. a. 1. *Cum aliquis ad probandum fidem inducit rationes, quæ non sunt cogentes, cedit in irrisionem infidelium; credunt enim quòd hujusmodi rationibus innitatur, & propter eas credamus; ita dico cum auctoritates S. AVGVSTINI, aliorumque Patrum reducuntur ad principia quæ ex scripturis aut ratione solidâ firma non sunt cedit in irrisionem hæreticorum, qui vident quòd propter hujusmodi principia recipiantur auctoritates Sanctorum.*

Ut igitur omnia quæ diximus secundum fidem concludantur, firmiter tenendum est regnum cœlorum esse ultimum finem propter quem homo creatus est; ex quo fidei principio efficacissimè confutantur Pelagiani à S. AVGVSTINO, qui de istâ quæstione parum fuit sollicitus, an videlicet regnum cœlorum sit ultimus finis ex debito naturæ, an vero ex elevationis privilegio? & consequenter, an in alio ordine rerum posset creari creatura rationalis sine ullo jure ad regnum cœlorum?

§. IV. *Declaratur efficacia argumenti, quo S. AUGUSTINUS probat peccatum originale, contra Pelagianos, ex denegatione Baptismi.*

CXLIX. **D**uplici viâ procedit S. AVGVSTINVS contra Pelagianos ex denegatione Baptismi. Prima via est eadem cum eâ, quâ ex exclusione à regno cœlorum processit, ad probandum peccatum originale, nempe, ex eo quodd injustum sit, imaginem Dei non adoptari in filium. Hanc viam sternit lib. 1. operis imperfecti cap. 35. Dic, inquit, quid iustitid ille parvulus adoptatur in baptismo, ille sine hac adoptione moriatur. Cur non sit ambobus honor ille communis, aut ab isto honore alienatio, cum sit ambobus seu bona seu mala causa communis? Non dicit, quia nec Dei gratiam nec Dei iustitiam homo magis Pelagianus quàm Christianus sapit. Hoc est non potest hoc Pelagianus dicere, quia non intelligit hoc esse contra iustitiam, si eis bona causa communis est: esse gratiam, si mala. Quod multò evidentius ibid. cap. 39. explicatur; Dic si potes cur ambos adoptare voluerit, qui certè ambos ad imaginem suam condidit? An ita iustus est ut non sit omnipotens? & iterum: Dic utrum spernat imaginem suam nisi spretus? Quod si non audes, dic unde spernat eos, quos parvulos non adoptat, in quibus cum spretum non invenies nisi eos invenias in Adam.

Eadem est vis huius argumenti, ac illius quod petitur ex exclusione à regno. Supponit enim gratiam adoptionis esse honorem debitum imagini Dei, alioquin per denegationem talis gratiæ non sperneretur imago Dei; nullus enim spernitur nisi in honore sibi debito injuriam patiatur. Ad contemptum sufficit injuriam facere in honore debito, quocumque titulo honor ille debeat. Sive igitur dixerim gratiam adoptionis esse debitam ex naturæ debito, sive ex elevationis privilegio dixerim debitam, semper denegatione illius spernetur imago Dei. Cui regnum cœlorum est debitum, sive cui visio beatifica Dei per essentiam est debita, oportet ut gratia adoptionis, quâ divinæ sumus consortes naturæ, sit quoque ei debita. Homini creato propter visionem Dei per essentiam ut ultimum finem quo, debita est visio beatifica: ergo & gratia adoptionis. Quomodò cum isto debito adhuc possit dici gratiâ dicemus §. 6. Interim obijcimus iterum oculis Adversariorum civem à naturâ, civem ex privilegio: si honor debitus civi, non deferatur civi ex privilegio, non minùs iste contemnitur, quàm si civi à naturâ debitus honor non deferatur. Sumus cives Sanctorum & domestici Dei, non à naturâ, ut totis viribus contendunt Adversarii; sed ex elevationis privilegio, ut ex utroque Ecclesiæ Sole in hoc opusculo invictè probatum credimus.

CL. Secunda via, quâ S. AVGVSTINVS probat peccatum originale ex denegatione Baptismi, desumitur à Baptismi superfluitate. Etenim sæpius

docet parvulos frustra baptizari, frustra fieri Christianos si vera est Pelagiana sententia quòd sine peccati ullius labe nascerentur. Ita serm. 10. de verbis Apostoli cap. 2. *Quid necessarium ergo habuit infans Christo, si non agrotas? si sanus est, quare per eos qui eum diligunt medicum queris? si quando portantur infantes dicuntur omnimò nullum propaginis habere peccatum, & veniunt ad Christum: quare non eis dicitur in Ecclesià, qui eos portant ad Ecclesiam, Auferte hinc innocentes istos, non est opus sanis medicus, sed malè habentibus. Non venit Christus vocare justos, sed peccatores. Quod apertius adhuc lib. 2. operis imperfecti cap. 174 dicit: Ut quis cum eis ad baptismum vivificatoris & salvatoris simulatione damna bide curritis, quos vivos sanosque laudando, vivificari sanarique non vultis?*

Ex his verbis firmissimum credunt Adversarii argumentum sumi, quod probetur creaturam rationalem non posse creari innocentem sine gratià. Nam Pelagiani licet faterentur, nullum per Baptismum sanari peccatum, admittebant tamen multa gratiæ dona supernaturalia per baptismum parvulis concedi; vox eorum est apud S. AVGVSTINVM lib. de peccat. orig. cap. 5. & 3. contra Julianum cap. 3. *Innovationis & adoptionis gratiam & regnum cælorum non nisi baptizatis posse conferri: quod quia vires naturæ non habent, conferre necesse est per gratiæ largitatem.* Item eorum est illud: *Christus qui est sui operis redemptor; auget circa imaginem suam continuà largitate beneficia, & quos fecerat condendo bonos, facit innovando, adoptandoque meliores.* Cùm hæc Pelaginos dicere non ignoraret S. AVGVSTINVS, quomodò potest eis obtrudere superfluum esse Baptismum? An superfluum dici debet quod tanta dona confert? Sed ideo hoc dicit S. AVGVSTINVS, quia eo ipso quòd eos in innocentia, & immunitate ab omni peccato nasci fatebantur, cogeantur fateri adoptionis gratiam eis abesse non posse.

CLI. Demus hoc Adversariis, vim scilicet hujus argumenti AVGVSTINIANI in eo consistere, quòd qui habet innocentiam, habeat & adoptionis gratiam, ac proinde Pelagianos debuissè fateri, quòd parvuli nati innocentia, nascerentur quoque in adoptionis gratia. Ex quo ulterius cogerentur dicere superfluum esse Baptismum. Quæ omnia videtur S. AVGVSTINVS satis insinuare, dum serm. 14. de verbis Apostoli cap. 17. compellit Pelagianos dicens; *sed dic mihi obsecro te, parvulus baptizatus Christus aliquid prodest, aut nihil prodest? Necesse est ut dicat prodesse. Premitur mole matris Ecclesiæ. Forè quidem vellent hoc dicere, nam ratiocinationes eorum ad hoc videntur compellere, sed auctoritate reprimuntur Ecclesiæ, ne non dicam sputis hominum obruantur, sed ipsorum infantium lachrymis tanquam fluvio pertrabantur.*

Demus, inquam, Adversariis, argumentum S. AVGVSTINI fundari in nexu qui est inter innocentiam & gratiam adoptionis; adhuc tamen permanente argumento in suo robore, inquiri potest de causâ istius nexus, an nimirum sit ex naturâ innocentis, an ex privilegio elevationis? Ad est an inno-

centia quæ est ex gratiâ adoptionis competat parvulo ex debito suæ naturæ, an ex elevationis privilegio? Ubi homo creatur propter ultimum finem supernaturalem, non potest dari immunitas à peccato, sive innocentia, sine gratiâ adoptionis, siquidem ipsa est quæ convertit creaturam rationalem ad ultimum finem supernaturalem. Si igitur homo ex debito suæ naturæ exigit creari propter ultimum finem supernaturalem, tunc ex eodem debito oritur nexus inter innocentiam & gratiam. Si verò ex solâ dignatione divinâ, & elevationis privilegio homo creetur propter finem ultimum supernaturalem, tunc etiam ex eadem dignatione, & elevationis privilegio procedet nexus inter innocentiam & gratiam. Quare si hujusmodi privilegium noluerit Deus suæ creaturæ concedere, tunc per solam conversionem ad ultimum finem sibi commensuratum dabit ei Deus innocentiam, sine ullo ordine ad finem supernaturalem.

Videant Adversarii quomodò à petitione principii salvare possint istum modum explicandi superfluitatem Baptismi. Sic enim se habet eorum explicatio: *Qui habent gratiam adoptionis superfluum est eis baptismus: sed qui dicit parvulos nasci innocentes dicit eos habere gratiam adoptionis: ergo qui dicit parvulos nasci innocentes dicit eis superfluum esse Baptismum.* In quo syllogismo assumitur pro minore id quòd maximè negabant Pelagiani, nempe, innocentiam esse ex gratiâ adoptionis, quod tamen supponit S. AUGUSTINVS, nec secundum doctrinam Adversariorum potest probari ex ullo sacrarum litterarum testimonio. Ubi enim invenietur scriptum, quòd ex debito naturæ sit nexus inter innocentiam & gratiam; quòd ex debito naturæ sit debitum creaturæ rationali regnum cælorum, de quo dicitur, *quod oculus non vidit, nec auris audivit, nec in cor hominis ascendit.* At in nostrâ sententiâ, licet admitteremus prædictum syllogismum esse ad mentem S. AUGUSTINI, minor reducitur ad certissimum fidei principium, nempe hominem esse creatum propter regnum cælorum, & vitam æternam de quâ scriptum est Joan. 17. *Hæc est vita æterna ut cognoscant te solum Deum verum, & quem misisti Iesum Christum.* Ex isto enim certissimo fidei principio evidenter sequitur, immunitatem ab omni peccato non posse dari sine gratiâ adoptionis; siquidem per eam convertitur voluntas ad finem ultimum supernaturalem, sine quâ conversione non potest esse immunitas à peccato.

CLIJ. Verumtamen longè aliam credimus esse S. AUGUSTINI mentem: & quidem adeò conspicuam, ut mirum sit eos, qui oculatissimi videri volunt in AUGUSTINI operibus, in tantâ luce caligasse. Non enim superfluitatem Baptismi in parvulis sine peccato nascentibus colligit S. AUGUSTINVS, ex eo quòd haberent gratiam adoptionis quæ necessaria est, ad immunitatem ab omni peccato: sed dictam superfluitatem colligit ex ipsâ ratione peccati, ad quod sanandum per se primò est institutus Baptismus, & pro quo mortuus

est Christus, in cuius morte baptizamur. Nam sicut sanis superfluous est Medicus, ita & parvulis sine peccato nascentibus superfluous est Baptismus: & sicut non nisi pro peccatoribus mortuus est Christus, ita non nisi pro peccatoribus institutus est Baptismus. Hæc est argumenti AUGUSTINIANI efficacia, non in opinionibus Doctorum fundata, sed ex Sacris Scripturis firmissimè deducta. Audiamus ipsum fulgentissimum Ecclesiæ Solem suas rationes proponentem.

Primò sic loquitur lib. 2. operis imperfecti contra Iulianum cap. 30., Cur „ nec tu admittis in regnum Dei, nullum habentem secundum te meritum „ peccati, imaginem Dei? Cur ministratur sanguis, qui de similitudine carnis peccati in remissionem fusus est peccatorum, quem bibat parvulus, „ ut habere possit vitam, si de nullâ peccati origine venit in mortem? Si hoc „ tibi displicet, APERTE NEGA PRO PARVULIS MORTUUM, QUI UNUS PRO „ OMNIBUS MORTUUS EST. Undè colligitur quod dicit Apostolus: ergo omnes mortui sunt, & pro omnibus mortuus est: Dic apertè, mortui parvuli non sunt, qui peccatum nullum habent. Iam dic evidenter, quod latenter sentis, quoniam satis prodis tuâ disputatione quod sentis. Dic, inquam, parvulos frustra fieri Christianos. Sed vide, utrum teipsum debeas „ dicere Christianum.

Secundò in eodem libro cap. 172. non minus clarè idem urget argumentum his verbis: *Quisquis igitur à peccato in quo inimicitie factæ sunt, liberos esse parvulos dicit, profectò eos negat ad hanc reconciliationem, propter quam Christus Mediator factus est, pertinere. Proinde separat eos, & à justificatione quæ fit in Christi sanguine, cujus fundendi causâ, quando eum bibendum commendavit, nulla nisi in remissionem delicta est peccatorum. Unde fit consequens, ut PARVULI PECCATA NON HABENTIBUS MORS CHRISTI NIHIL PROSIT OMNINÒ..... Ubi est libertas & fortitudo animi vestri? Quare timetis dicere, quod credere non timetis, parvulos in Christo baptizari non oportere, quos PECCATUM CUI MORIANTUR dicitis non habere?*

Tertiò cap. seq. lucidissimè dicit: „ Sed homines qui dicitis mortem, quæ „ in peccato est ob imitationem, non generationem ad posteros transisse, cur „ non apertè dicitis baptizari in Christo parvulos non debere? si enim „ baptizandi sunt in Christo (quoniam quicumque baptizantur in Christo, in morte ipsius baptizantur) procul dubio peccato & ipsi moriuntur..... Quisquis igitur peccatum non habet, non est, cur moriatur in baptismo: QVISQVIS AUTEM CVM BAPTIZATUR NON PECCATO MORITUR, NON BAPTIZATUR IN MORTE CHRISTI, ac per hoc non baptizatur in Christo. Quid tergiversamini? liberè aperite inferos vestros; liberè „ ad vos intrent, qui nolunt in delicto mortuos, in Baptismo vivificari parvulos suos.

Et paulo inferius: *Aperi oculos. In Adam omnes moriuntur. In quo si non sumus*

mortui parvuli, nec in Christo vivificantur; ut quid cum eis ad Baptismum vivificatoris, & Salvatoris simulatione damnabili curritis, quos vivos sanosque clamando, vivificari sanarique non vultis?

CLIIJ. Tria hæc loca consultò selegimus, eo quòd jisdem, truncatis tamen, utantur Adversarii ad suam antedictam explicationem: Iudicet modò Cordatus Lector, an vis & efficacia istorum testimoniorum reducat ad istum syllogismum: *Qui habent gratiam adoptionis superfluum est eis Baptismus: sed vos Pelagiani dicitis parvulos habere gratiam adoptionis, eo ipso quòd dicatis nasci sine peccato: ergo vos Pelagiani fateri debetis, parvulis superfluum esse Baptismum? Annon potius ad hoc argumentum Qui non habent peccatum cui moriantur superfluum est eis Baptismus, sed vos Pelagiani dicitis parvulos non habere peccatum cui moriantur: ergo vos Pelagiani fateri debetis parvulis superfluum esse Baptismum?* Non enim qualiscumque gratia adoptionis sufficit ad Baptismum; sed debet esse gratia adoptionis redemptiva quæ liberet à morbo, & morte peccati, sanando, & vivificando baptizatum. Quare Pelagiani, quantumvis multiformem gratiam confiterentur per Baptismum conferri, usquedum tamen gratiam à morte peccati liberantem agnoscerent, necessarium erat, ut superfluum dicerent parvulis Baptismum, qui non nisi pro mortuis est institutus. Tam dilucidè hoc urget S. AUGUSTINUS, ut nullum possit remanere dubium veritatem amanti. *Aliud est* (ait libro citato cap. 120.) *Varios effectus gratiæ dicere, quia & Scriptura Sancta multiformem dicit gratiam Dei: & aliud est gratiam remissionis peccatorum parvulis denegare, eosque in Ecclesiâ veritatis, si non eruantur de potestate tenebrarum, mendaciter exorcizari exsufflarique contendere, cum magnâ injuriâ Creatoris, si non indigent auxilio Salvatoris, ut de potestate deceptoris evuantur.*

S. V. *Carentiam gratiæ esse pœnam ex elevatione naturæ, probant duo Adversariorum fundamenta.*

CLIV. **D**octrinam Catholicæ fidei reducere ad principium, quod ex Sacris Scripturis, aut Traditionibus, nullatenus firmari valet, quid est aliud, quàm eam ludibrio exponere? Hoc faciunt Adversarii, dum doctrinam S. AUGUSTINI de injustâ innocentis à regno cœlorum exclusionem, quam ut Catholicam fidem dicunt ab eo proponi, reducunt ad istud principium, quòd ex conditione creaturæ rationalis ejusque eminenti dignitate ita sit ei debitum regnum cœlorum, ut nonnisi propter illud creati valeat. Ex Scripturis Sacris & Traditionibus ut fidei Catholicæ dogma tenemus, hominem esse à Deo creatum propter regnum cœlorum: Sed quod hujusmodi creatio ex debito naturæ humanæ oriatur, quo propter suam eminentem dignitatem postulet propter regnum cœlorum creati, ut ad alium finem sibi commensuratum nullatenus valeat ordinari, nullum prorsus habet in Scripturis Sacris,

& Traditionibus fundamentum. Imò contrarium ex Sacris Scripturis apertè colligitur, dùm in eis dicitur regnum cœlorum esse aliquid quod nec oculus vidit, nec auris audivit, nec in cor hominis ascendit; id est, aliquid esse quod nec sensu, nec intellectu viribus propriis cognosci valet, & per consequens nec à voluntate amari, & desiderari: voluntas enim non fertur in ignotum; quod ergo naturaliter ignoratur, nec naturaliter amari potest. Si per vires supernaturales cognosci & amari debeat regnum cœlorum, quomodò ex naturæ debito oritur in naturâ rationali ad illud ordo? quomodò ex naturâ, si supra naturam?

CLV. Ponderent, quæso, Adversarii quantam Doctrinæ AUGUSTINIANÆ irrogent injuriam, dum illius ædificio tam debile supponunt fundamentum. Et quidem sine ullâ prorsus necessitate. Nam ad veritatem tutissimæ & inconcussæ fulgentissimi Solis Doctrinæ, sufficit istud certissimum fidei principium, *creaturam rationalem esse conditam à Deo propter regnum cœlorum*. Ex hoc certissimo principio evidenter sequitur, exclusionem a regno cœlorum esse malum, & nocumentum creaturæ rationalis. *Habet autem hoc TRADITIO FIDEI* (ait Sol Angelicus q. 1. de Malo a. 4.) *quod nullum nocumentum creatura rationalis potuisset incurrere, neque quantum ad animam, neque quantum ad corpus, neque quantum ad aliqua exteriora: nisi peccato præcedente, vel in personâ, vel saltem in naturâ. Et sic sequitur, quod omnis talis boni privatio, quo uti quis potest ad bene operandum in hominibus pœna dicatur, & pari ratione in Angelis. Et sic omne malum rationalis creaturæ, vel sub culpâ, vel sub pœnâ continetur*. Ex his duobus efficacissimè concluditur, injustum esse, hominem innocentem excludi à regno cœlorum. Quo supposito invictissimè Pelagianis insultat S. AUGUSTINUS, & eos vehementissimè urget, ut fateantur peccatum originale, si parvulos sine Baptismo morientes excludi credant à regno cœlorum. Etenim vel Scripturas, vel Traditionem fidei debent negare. Ex Scripturis habetur quòd exclusio à regno sit malum parvulorum; ex Traditione fidei, quòd illud malum non possunt pati sine præcedente peccato. Quo efficaciore argumento potuissent redargui & superari?

CLVI. Hanc esse vim argumenti AVGVSTINIANI manifestè ostendunt ipsa duo doctrinæ S. AVGVSTINI fundamenta, quæ adducunt Adversarii, ut evincant injustam innocentis à regno cœlorum exclusionem. Primum est, quòd nemo beatus esse possit nisi habeat quod velit, ideoque quamdiu non habeat quod vult, certissimò miser sit: Doctrina ista in S. AVGVSTINI scriptis perpetuò est. Unde lib. 14. de civitate Dei cap. 16. *Quæ hominis est alia miseria, nisi adversus eum ipsum inobedientia ejus ipsius, & quoniam nolit quod potuit, quod non potest velit. Quare regula illa & AVGVSTINI, & Philosophorum judicio indubitata vîsa est, Beatum esse neminem posse nisi habendo quod vellet, & nihil pati quod nollit*. Inter beatitudinem autem, & miseriam in creaturâ rationali

CAP. XJ. CARENTIA GRATIÆ IN FILIIS ADAM EST POENA. III
nullum est medium. Alterum fundamentum S. AUGUSTINI est, creaturam rationalem non posse miseris quantumvis minimis affici à Creatore sine culpâ: *Neque enim*, ut ipse loquitur lib. 1. operis imperfecti cap. 39. *Sub Deo justo miser esse quisquam nisi meretur potest.*

Ex his duobus capitibus, quæ Sanctus Doctor ubiquè tanquam indubitata tradit, putant Adversarii evincere, non posse creaturam rationalem conditi sine ordine ad regnum cœlorum. Certum est, aiunt, creaturam rationalem innocentem velle fortiter, hoc est diligere æternæ vitæ beatitudinem & regnum cœlorum; quod si negetur necesse est esse miseram, hoc videlicet ipso quo non habet quod vult, & rectè vult, & maximè vult. *Beata quippè vita* (ait S. AUG. lib. 14. de civit. Dei c. 25.) *si non amatur, non habetur; Porro si amatur & habetur cæteris omnibus rebus excellentius necesse est ametur; quoniam propter hanc amandum est, quicquid aliud ametur.* Porro miseram creaturam non potest Deus efficere nisi eum culpa provocaverit. Non ergo Deus potest creaturam rationalem à regno cœlorum, & æternâ vitâ quam diligit sine ejus culpâ separare. Hæc est Adversariorum ratiocinatio.

CLVIJ. Admittimus utrumque S. AUGUSTINI fundamentum ut tutissimum & in concussum; ratiocinationem autem Adversariorum efficacem fatemur in creaturâ rationali, quæ condita est propter regnum cœlorum. Nam suppositâ Scripturarum veritate, quâ regnum cœlorum est ultimus finis creaturæ rationalis, & illa beata vita propter quam condita est, certum est quod aiunt Adversarii, creaturam rationalem innocentem diligere regnum cœlorum; quod si creaturæ rationali amanti denegetur necesse est esse miseram, eo ipso quo non habet quod rectè, & maximè amat. Sed quo Scripturæ loco, quâ fidei Traditione ostendent Adversarii creaturam rationalem non potuisse à Deo condi propter alium finem, propter aliam Dei cognitionem, propter alium Dei amorem, quàm sit visio divinæ essentiae, & amor bonitatis divinæ sub eadem ratione quâ illa perfruuntur sanctissimæ Trinitatis personæ? Ad quid doctrinam AUGUSTINIANAM fundare in quæstione de possibili? Non ex negatione possibili ordinis, sed ex iis quæ præsentialiter asserunt Scripturæ, debent redargui & superari hæretici. De fide est, quod homo fit conditus propter regnum cœlorum; hoc consideravit S. AUGUSTINUS, nec curavit an aliter posset condi. Hoc ipsi ad convincendos Pelagianos sufficiebat, nec impossibilitas alterius status & ordinis aliquid ad victoriam conferebat, ut ex dictis manifestissimum est.

CLVIJ Quapropter si tutissima & inconcussa volumus esse S. AUGUSTINI dogmata, sistamus in illo certissimo fidei principio, creaturam rationalem esse creatam propter regnum cœlorum. In hac fide verificatur regnum cœlorum esse patriam, & exclusionem à regno esse exilium. De quo elegantissimè scribit fulgentissimus Ecclesiæ Sol term. 14. De verbis Apostoli cap. 6.

„ Quare enim patrimonium regni cœlorum abripis innocenti? A quo regnum cœlorum non acquiritur, profectò magno bono fraudatur. Quare est ista iustitia? Dic quare? Quid offendit parvulus non baptizatus, nullam habens culpam, nec suam, nec de parente tractam? Quid offendit, dic mihi, ut non intret in regnum cœlorum, ut separetur à sorte Sanctorum, ut sit exul à Societate Angelorum? Videris enim tibi misericors, quia non aufers ei vitam; damnas tamen quem separas à regno cœlorum. Damnas, non eum percutis, sed in exilium mittis. Nam & qui exulantur, vivunt si sani sunt: in doloribus corporis non sunt, non torquentur, non carceris tenebris affliguntur, HÆC ILLISSOLA POENA EST NON ESSE IN PATRIA. SI AMATUR PATRIA, MAGNA POENA; SI AUTEM NON AMATUR PATRIA, PEIOR EST CORDIS POENA. Parvum malum est in hominis corde, qui Societatem non querit Sanctorum, qui non desiderat regnum cœlorum? Si non desiderat, poena est de perversitate: si autem desiderat, poena est de fraudatâ charitate. Sed si, quod vis, parva poena: & ipsa parva magna est, si nulla culpa est. Hic defende iustitiam Dei. Quare vel parva poena infligitur innocenti, in quo nullum invenitur omnino peccatum?

Quæ Sancti Augustini verba veritatis plena sunt, eò ipsò quòd homo conditus est propter regnum cœlorum, tamquam propter ultimum finem, ad quem est ordinatus. A quo enim ultimus finis non acquiritur magno bono fraudatur. Si ultimus finis ametur, magna poena est eo fraudari. Si non ametur, peior est cordis poena in eo, qui potest amare. Si non desideret aliquis illud bonum, quod à parte rei est ultimus suus finis, poena est de perversitate: id est, perversè amat, quod est peius quàm carere bono amato, si autem desiderat, poena est de fraudatâ charitate, id est, qui desiderat & non habet, fraudatur suo amore. Similiter ex hoc quòd homo sit conditus propter regnum cœlorum, habet se ad illud sicut ad patriam suam, & exclusio à regno est hominis exilium. An autem homo ex debito suæ naturæ exigat condi propter regnum cœlorum, an solùm ex dignatione divinâ & elevationis privilegio? quæstio est nihil faciens ad efficaciam rationis AUGUSTINIANÆ, ad quam solùm sufficit, quòd à parte rei regnum cœlorum sit ultimus finis, & patria hominis à Deo conditi. Nam sive à naturâ id homo habeat, sive ex privilegio, semper bono sibi debito, quod maximè amat & amare debet, privabitur: sicut si civis mittatur in exilium, non minor poena esset si foret civis ex privilegio, quàm si à naturâ civis existeret: quomodo-cumque civis fuerit, semper elongatio à Patriâ est ei exilium, quo æquè benè punitur civis ex privilegio, quàm civis à naturâ.

§. VI. *Objectiones duæ, earumque solutio ad materiam prædestinationis perutilis.*

CLIX. **O**BJECIES 1. Si homini condito propter regnum cœlorum debeatur opus in regnum: ergo etiam debita erit ei gratia ad optinens filiorum, & quodcumque auxilium sive habituale, sive actuale necessarium ad consecutionem regni. Quia modò igitur tam regnum, quàm auxilia omnia ad regnum consequendum necessaria, dicuntur gratia! quòd enim ex debito redditur, non datur gratis.

RESPONDETUR, distinguendo ultimam propositionem. Quòd ex debito naturæ, aut ex debito operum redditur, non datur gratis, conceditur. Quòd ex debito elevationis gratuitæ, redditur, non datur gratis, negatur. Illud propriè dicitur gratis dari, quòd non debetur naturæ, nec personæ; quòd consequitur naturam debetur naturæ, quòd consequitur opera debetur personæ. Ea quæ sunt suprâ omnem naturam non debentur naturæ; si ergo nullo operum præcedenti non intuitu donentur, nec debentur personæ: Et consequenter ipsa erunt quæ propriè dicuntur gratis dari. Ita se habent ea quæ ex debito elevationis gratuitæ redduntur; etenim eò ipsò quòd ad elevationem pertineant, excedunt omnem naturam, sicquid debitu naturæ excludunt; eo autem ipsò quòd elevat o sit gratuita, id est, nullo præcedenti operum intuitu facta, excludit debitum personæ, sive meritum. Est igitur manifestum, quòd debitum elevationis gratuitæ, non tollat rationem gratiæ propriè dictæ.

Hæc est Magistri nostri S. THOMÆ doctrina, qui eam tradit 1. 2. q. 111. à 1. ad 2. his verbis: „ Gratia secundum quòd gratis „ datur, excludit rationem „ debiti. Potest autem intelligi duplex debitum. Unum quidem ex merito „ proveniens, quòd refertur ad personam, cujus est agere meritoria opera, secundum illud ad Rom. 4. *Ei qui operatur merces imputatur secundum debitum, non secundum gratiam.* Aliud est debitum secundum conditionem naturæ, puta si dicamus debitum esse homini, quòd habeat rationem, & alia quæ ad humanam pertinent naturam. Neutro autem modo dicitur debitum propter hoc quòd Deus creaturæ obligetur, sed potius inquantum creatura debet subijci Deo, ut in eâ divina ordinatio impleatur: quæ quidem est ut talis natura tales conditiones, vel proprietates habeat, & quòd talia operans talia consequatur. Dona igitur naturalia carent primo debito, non autem carent secundo debito: sed dona supernaturalia utroque debito carent, & idèd speciosius sibi nomen gratiæ vendicant.

CLX. Utrumque hoc debitum tam ex conditione naturæ, quàm ex merito personæ proveniens complexus est S. AUGUSTINUS, & à gratia se nuper excludit: quandoquidem Manichæos dicit oppugnare gratiam Christi,

ed quòd debitum naturæ bonæ præsupponerent; Pelagianos verò eidem gratiæ infestos perhibet, ed quòd merita voluntatis bonæ, (quod idem est, ac debitum personæ) requirerent. Ita lib. 2. ad Bonifacium c. 2. his verbis: *Nam Monichæ meritis natura bona, Pelagiani autem meritis voluntatis bona perhibent divinitus subveniri. Illi dicunt debet hoc Deus laboribus membrorum suorum. Isti dicunt, debet hoc virtutibus servorum suorum. Perisque ergo merces non imputatur secundam gratiam, sed secundam debitum.*


En duplex meritum, unum naturæ bonæ, aliud voluntatis bonæ; unum membrorum quæ laborant toti, aliud servorum qui serviunt Domino. Alterius rationis est quòd totum debet membris sibi laborantibus, & aliud quòd Dominus debet servis sibi servantibus. Sicut igitur membra non debent confundi cum servis; ita nec meritum membrorum, quod dicimus meritum naturæ, debet confundi cum merito servorum, quod vocamus meritum personæ, ut quidam contendunt, qui volunt gratiam esse naturæ debitam; contra quos est apertissima Fulgentissimi Ecclesiæ Solis Sententia: *Si dua natura essent, gratia ulla non esset: nulli enim daretur gratuita liberatio, si natura debita redderetur.* cap. 8. de dono persever. Ecce quomodo liberatio non foret gratuita, si naturæ esset debita. Propositio causalis æquivallet universali. Ergo quodcumque naturæ debetur, gratuito non donatur.

CLXI. OBICIENS 2. Si injustum sit, hominem innocentem excludere à regno cœlorum; ergo injustum etiam erit, denegare homini innocenti auxilia necessaria ad consecutionem regni cœlorum. Nam cui denegatur auxilium necessarium ad finem, denegatur & ipse finis. Consequens est inconveniens: siquidem sequeretur denegationem gratiæ efficacis esse injustam, si absque peccato gratia efficax denegaretur.

RESPONDETUR, distinguendo consequens: ergo injustum erit denegare auxilium necessarium absque culpâ aut concomitante, aut præcedente, conceditur, cum culpâ aut concomitante, aut præcedente, negatur. Dico, quòd nullum auxilium necessarium ad Beatitudinem regni cœlorum denegatur creaturæ rationali sine culpâ. Agnosco sententiam S. Augustini lib. de nat. boni c. 7. dicentis: *Creaturis enim præstantissimis, hoc est, rationalibus spiritibus, hoc præstitit Deus, ut si nolint corrumpi non possint.* Et ut ibidem dicitur: *Si obediensiam conservare noluerint, quoniam volentes corrumpuntur in peccatis, nolentes corrumpantur in pœnis.*

Verumtamen distinguere oportet inter auxilium dans aliquid ex parte posse, & auxilium dans solummodo actum. Nam auxilium dans posse exigit culpam præcedentem; auxilium verò dans actum habet culpam concomitantem. Culpâ præcedens habet rationem demeriti, in cujus pœnam denegatur auxilium dans posse. Culpâ concomitans habet rationem obstaculi, non verò demeriti. Quare denegatio auxiliû dantis solummodo actum non

CAP. XI. PRIMVM PECCATVM NEQVIT ESSE EX CONCVP. 115
 est pœna propriè sumpta. Ad illam tamen reducitur, inquantum sicut
 ista conditionalis est vera: *pœna non infligitur, si non praeceperit de meritum*; ita
 hæc conditionalis est vera, *auxilium dans actum non denegatur, si non pœne
 retur ei obstaculum*, volendo scilicet contrarium. Quemadmodum igitur in-
 iustum esset, homini innocenti denegare auxilium dans *posse*, nullo præce-
 dente ejus demerito: ita iniustum dico, homini innocenti denegare auxi-
 lium dans *actum*, nullo ab ipso posito obstaculo.



CAPUT XII.

*Primum hominis peccatum non potest ex cæcâ &
 indomitâ procedere concupiscentiâ.*

CÆcam & indomitam voco concupiscentiam, motus illos animi,
 quibus id quod de se malum est bonum creditur, & desideratur;
 post quos si consentiendo abeat voluntas, peccare ex cæcâ & indo-
 mitâ dicitur concupiscentiâ. Istum voluntatis consensum prætendimus in hoc
 capite ultimo non posse esse primum hominis peccatum. Ex quo, & om-
 nibus antedictis relolvemus, qualiter de *possibilitate natura pura* sit judi-
 candum.

§. I. *Cæca & indomita Concupiscentia non est à Deo.*

CLXII. CERTUM est cæcam & indomitam concupiscentiam esse malam,
 nec Deum habere Authorem. Id apertè colligitur ex Epi-
 stolâ Catholicâ S. JACOBI cap. 1. *Nemo cùm tentatur, dicat quoniam à
 Deo tentatur: Deus enim intentator malorum est: ipse autem neminem tentat.
 Unusquisque verò tentatur à concupiscentiâ suâ abstractus & illectus.* Ubi no-
 tanter dicitur, unumquemque tentari à concupiscentiâ suâ, quia scilicet
 concupiscentia tentans ab homine est, non à Deo.

Hæc est etiam gemini Ecclesiæ Solis concurs doctrina. Nam primò Sanctus
 Augustinus totam disputandi causam cum Juliano dicit fuisse, quòd ille con-
 cupiscentiam affirmaret bonam, ipse malam; ut apertè testatur lib. 3. contra
 Julianum cap. 21. Undè cap. 23. concludit: *Causa itaque nostra finita est. Quan-*

sumilibet enim laudes concupiscentiam carnis, quamdiu pugnas adversus eam, cernis quam verum de illâ, nec nisi de illâ dixerit Apostolus Ioannes, quid non est à Patre..... sed ab his angustius liberaberis si credideris non lingua tua, sed pugna tua. Continentia est enim à Patre quâ non expugnaretur concupiscentia, nisi non esset à Patre. Et lib. 4. cap. 13. Duo enim bona quæ à Patre sunt inter se pugnare non possunt. Pugnant enim inter se continentia & concupiscentia; quid horum à Patre magis velis esse, responde, video quas passaris angustias; faves quidem concupiscentia, sed erubescis continentia &c.

Consentit Magistro suo fidelissimus discipulus S. THOMAS, qui tentationem ex parte concupiscentiæ excludit à Christo. 3 p. q. 41. à 1. ad 3. his verbis: Dicendum, quod sicut Apostolus dicit, Christus in omnibus tentari voluit absque peccato. Tentatio autem quæ est ab hoste, potest esse sine peccato: quia fit per solam exteriorem suggestionem: Tentatio autem quæ est à carne, non potest esse sine peccato: quia huiusmodi tentatio fit per delectationem & concupiscentiam. Et sicut AVGUST. dicit, nullum peccatum est quando caro concupiscit adversus spiritum. Et ideo Christus tentari voluit ab hoste, sed non à carne.

Item 1. 2. q. 82. à 3. ad 1. docet concupiscentiam esse contra naturam: Dicendum, quod quia in homine concupiscibilis naturaliter regitur ratione, instantiam concupiscere est homini naturale inquantum est secundum rationis ordinem: concupiscentia autem quæ transcendit limites rationis, inest homini contra naturam. & q. 85. a. 3. ad 3. Concupiscentia instantiam est naturalis homini, inquantum subditur rationi: quod autem excedat limites rationis, hoc est homini contra naturam. Quod est contra naturam ab Authore naturæ non potest esse; sicut nec quod est contra rationem proced. re valet à ratione & voluntate Dei, quæ ordinem naturalem conservari jubet, perturbari vetat, ut ait S. AVGVSTINVS lib. 22. contra Faust. cap. 27.

CLXIII. Ratio quoque efficax non deest, quæ sic proponi potest. Potentia peccandi non est à Deo: ergo nec cæca & indomita concupiscentia. Patet consequentia: minus enim deformitatis habet potentia peccandi, & minus inclinatur ad peccatum, quam motus concupiscentiæ contra rationis ordinem insurgens: siquidem plus est delictum peccandi, quam potestas peccandi: prædicti autem motus non sunt nisi delicta quædam peccandi. Si ergo potentia peccandi non sit à Deo, multo minus ab eo erit cæca & indomita concupiscentia. Quod potentia peccandi non sit à Deo aperta est utriusque Solis Ecclesiæ doctrina. Nam S. AVGVSTINVS lib. 12. de civitate Dei cap. 6. quærens causam efficaciam nostræ voluntatis secundum quod est deficiens & principium mali operis, sic ait: Huius perô mala voluntatis causa efficiens si quærat: nihil invenitur. Quid est enim quid facit voluntatem malam: cum ipsa faciat opus malum: ac per hoc mala voluntas efficiens est operis mali: mala autem voluntatis efficiens est nihil.

Non minus clarè sapientissimò suo Magistro se conformat fidelissimò discipulus S. THOMAS in 2. dist. 37. q. 2. a. 1. ad 2. ubi inquit : *Dicendum quòd peccatum refertur in voluntatem sicut in causam , & quamvis voluntas sit creata à Deo in quantum est quoddam ens , non tamen quantum ad hoc quòd defectus ex ipsâ incidere potest : est enim possibilis ad defectum ex hoc quòd ex nihilo est : quamvis autem Deus sit causa voluntatis faciens eam ex nihilo , hoc tamen quòd est ex nihilo esse , non habet ab alio , sed à se . unde secundum hoc non habet causam aliam : & ideo defectus , qui sequitur ex eâ secundum quòd ex nihilo est , non oportet quòd in ulteriorem causam reducatur .* Hæc Magister noster.

§. II. *Radix detegitur , ex qua probanda venit intentio
hujus capituli assertio.*

CLXIV. **Q**uamvis doctrina paragraphi præcedentis , certa videatur ; dubitari tamen potest , an sine ullo præcedente peccato possit condita à Deo natura humana cum cæcâ & indomitâ concupiscentiâ , sicut sine ullo præcedente peccato condita fuit in Adamo cum potestate peccandi ? Nam sicut se habet *esse ex nihilo* ad potentiam peccandi ; ita *vires inferiores non esse super periculis subjectas* se habere videtur ad cæcam & indomitam concupiscentiam . Quare sicut eò ipso quòd natura humana producat^{ur} ex nihilo , producit^{ur} cum potestate peccandi ; ita eò ipso quòd producat^{ur} natura humana sine perfectâ virium inferiorum subjectione , producit^{ur} etiam cum cæcâ & indomitâ concupiscentiâ ;

Verùm cum cæcam & indomitam concupiscentiam dixerimus , esse ipsos motus tendentes in illicitum contra rationem , quam præveniunt , non potest fieri omnimoda paritas de istis motibus cum potestate peccandi ; benè tamen de potentia producendi tales motus ; sic enim currit omnimoda paritas , quam ab omnibus recipere necesse est . Nam si natura humana possit innocens creari cum potentiâ peccandi ; cur non poterit etiam innocens creari cum potentiâ concupiscendi ? sicut ad *esse ex nihilo* sequitur potentia peccandi , ita ad *esse sine perfecta virium inferiorum subjectione* sequitur potentia cæcæ & indomitæ concupiscendi . Cum ergo perfecta virium inferiorum subjectio non oriatur ex principiis naturæ humanæ , nec illi sit debita ; nulli dubium esse debet non minus sine ullo prævio peccato condi posse naturam humanam cum potentiâ concupiscendi , quàm cum potentiâ peccandi . Sicut enim hæc oritur ex nihilo , ita illa oritur ex defectu subjectionis ; & sicut natura humana ex se habet fieri ex nihilo , ita ex se habet fieri cum defectu subjectionis . Oportet igitur , ut si sibi relinquatur , non solum cum potestate peccandi producat^{ur} , sed insuper cum potentiâ concupiscendi ; id est , producendi motus concupiscentiæ illicitos rationem prævenientes .

CLXV. Alia est ratio de ipsis motibus, ac de potentiâ ipsorum motuum productivâ. Hæc institutionem naturæ consequitur, ipsi verò motus ad gubernationem pertinent institutæ naturæ. Aliquid potest esse debitum naturæ ut subijcitur divinæ gubernationi, quod ei non debetur ex suâ institutione, & ita licet sine ullo prævio peccato posset natura humana institui sine perfectâ virium inferiorum subiectione, & consequenter cum potentiâ concupiscendi; non sequitur ad divinam gubernationem pertinere, quod sine ullo prævio peccato motus illicitos permittat rationem prævenientes.

Hinc dependet conclusio, quam in hoc ultimo capite principaliter intendimus, nempe, *primum hominis peccatum non posse ex cæcâ & indomitâ produci concupiscentiâ*. Nam si divinæ gubernationi repugnet, quod permittat hujusmodi motus sine ullo prævio peccato; sequitur manifestè primum hominis peccatum non posse produci ex cæcâ & indomitâ concupiscentiâ, quæ juxta hanc suppositionem non potest non esse pœna præcedentis peccati. Quare intentum hujus capitis obtinebimus, si probaverimus contra rationem divinæ gubernationis esse, quod motus illicitus præveniat rationem nullo præcedente peccato: sive quod idem est, si probaverimus divinam gubernationem exigere, ut motus illicitus præveniens rationem sit pœna præcedentis alicujus peccati.

§. III. *Præmittitur profunda Angelici Solis
Doctrina.*

CLXVI. **A**D hoc probandum observanda est profunda S. Thomæ Solis Ecclesiæ doctrina. Hic orbis Magister & Doctor communis 3. cont. gent. cap. 112 pluribus docet, creaturas rationales gubernari propter seipsas, alias verò creaturas gubernari in ordine ad eas: sic enim loquitur.

Primum igitur ipsa cognitio intellectualis naturæ secundum quam est domina sui actus, providentia curam requirit, quæ sibi propter se provideatur; aliorum verò conditio, quæ non habent dominium sui actus, hoc indicat, quod eis non propter ipsam curam impendatur, sed velut ad alia ordinatis. Hanc conclusionem probat Sanctus Doctor primò in hunc modum:

„ Quod enim ab altero tantum agit, rationem instrumenti habet: quod vero per se agit, habet rationem principalis agentis: instrumentum autem non queritur propter seipsum, sed ut eo principale agens utatur; unde oportet, quod omnis operationis diligentia quæ circa instrumenta adhibetur, ad principale agens referatur sicut ad finem. Quod autem circa principale agens vel ab ipso, vel ab alio adhibetur, in quantum est principale agens, propter ipsum est: disponuntur ergo à Deo intellectuales creaturæ quasi propter se procuratæ, creaturæ verò alæ quasi ad rationales creaturas ordinatæ.

2. Adhuc, quod dominium sui actus habet, liberum est in agendo, liber

„enim est qui sui causa est. Quod autem quadam necessitate ab alio agitur ad
 „operandum, servituti subiectum est: omnis autem alia creatura naturaliter
 „servituti subiecta est, sola verò natura intellectualis libera est. In quolibet
 „autem regimine liberis providetur propter seipsos: servis autem ut sint in
 „usum liberorum. Sic igitur per divinam providentiam intellectualibus crea-
 „turis providetur propter se, cæteris autem creaturis propter ipsas.

„3. Amplius, Quodcumque sunt aliqua ordinata ad finem aliquem, si qua
 „inter illa ad finem pertingere non possunt per seipsa, oportet ea ordinari ad illa
 „quæ finem consequuntur, quæ propter se ordinantur in finem: sicut finis exerci-
 „tus est victoria, quam milites consequuntur per proprium actum pugnando: qui
 „soli propter se in exercitu quærantur. Constat autem ex præmissis, finem ul-
 „timum universi Deum esse, quem sola intellectualis natura consequitur in se-
 „ipso, eum scilicet cognoscendo & amando, ut ex dictis patet. Sola igitur
 „intellectualis natura est propter se quæritur in universo, alia autem omnia
 „propter ipsam.

Post istas rationes, & alias, tria excludit, quæ possent in contrarium
 obijci.

„*Primum.* Non est autem ei, quod præmissis rationibus est ostensum, con-
 „trarium, quòd omnes partes universi ad perfectionem totius ordinantur.
 „Sic enim ad perfectionem totius omnes partes ordinantur, inquantum una
 „deservit alteri: sicut in corpore humano apparet, quòd pulmò in hoc est de
 „perfectiōe corporis, quòd deservit cordi, unde non est contrarium, pul-
 „monem esse propter cor, & propter totum animal, & similiter non est con-
 „trarium alias creaturas esse propter intellectuales, & propter perfectionem
 „universi. Si enim decissent ea quæ requirit substantiæ intellectualis perfectio,
 „non esset universum completum.

„*Secundum.* Similiter etiam prædictis non obviat quòd individua sunt pro-
 „pter proprias species. Per hoc enim quòd ad suas species ordinantur, ordi-
 „nem habent ulteriùs ad intellectualem naturam. Non enim aliquod corru-
 „ptibilem ordinatur ad hominem propter unum individuum hominis tantum,
 „sed propter totam humanam speciem. Toti autem humanæ speciei non pos-
 „set aliquod corruptibilem deservire, nisi secundum suam speciem totam:
 „ordo ergò quòd corruptibilia ordinantur ad hominem, requirit quòd individua
 „ordinentur ad speciem.

„*Tertium.* Per hoc autem quòd dicimus substantias intellectuales, propter
 „se à divinà providentiâ ordinari, non intelligimus quòd ipsa ulteriùs non
 „referantur in Deum, & ad perfectionem universi. Sic igitur propter se pro-
 „curari dicuntur, & alia propter ipsa: quia bona quæ propter divinam provi-
 „dentiam sortiantur, non eis sunt data propter alterius utilitatem: quæ verò
 „aliis dantur in eorum usum ex divinà ordinatione cedunt.

CLXVIII. Si Angelica hæc doctrina sit efficax, oportet iisdem rationibus efficaciter concludere, voluntatem hominis gubernari à Deo propter seipsam, appetitum verò sensitivum, cæterasque vires inferiores voluntati subditas propter voluntatis utilitatem. Nam prima ratio probat creaturas rationales à Deo gubernari propter seipsas, quia ex dominio suorum actu ad alias creaturas comparantur sicut principale agens ad instrumentum; quod non queritur propter seipsum, sed ut eo principale agens utatur. Quæ ratio etiam in appetitu sensitivo locum habet; non enim habet dominium sui actus, nisi ex aliquâ voluntatis participatione. Unde eo utitur voluntas sicut instrumento ad executionem sui propositi.

Secunda etiam ratio fundatur in eo quod creaturæ intellectuales se habent ad alias sicut liberi ad servos, in quolibet autem regimine liberis prodeur propter seipsum, servis autem ut sunt in utrumque liberorum. Cum ergo & voluntas quodammodo comparetur ad appetitum sensitivum sicut liber ad servum, necesse est ut in ultimam voluntatis totaliter cedat appetitus sensitivus.

Tertia denique ratio ex cognitione & amore Dei procedit, cujus sola creatura intellectualis est capax. Manifestum est appetitum sensitivum amovendo non contingere Deum; sicut nec sensus eum percipit in seipso. Ratio igitur & voluntas quæ hanc ultimam consequuntur in seipso gubernantur propter seipsas, cæteræ verò vires inferiores in earum utilitatem.

9. III. *Præfatio voluntatis regimini repugnant motus illiciti prævenientes rationem.*

CLXIX. **I**sti voluntatis regimini, quo voluntas in comparatione ad alias vires sibi inferiores gubernari postulat propter seipsam, repugnant motus illiciti prævenientes rationem. Quod probatur tam ex parte voluntatis, quam ex parte appetitus.

Ex parte voluntatis sic formatur ratio. Ut voluntas propter seipsam sapienter gubernetur debet per se primò in bonum suum moveri. Bonum voluntatis rationi subdi, & vires inferiores ad ea quæ ratio dicitur applicare. Ratio enim, ~~quævis in originali habetur etiam, cui videatur lumen debere~~, cur voluntari bonum est subditi, est ipsa lex naturalis ex cujus amore apparere debet se & alias vires ad agendum. Motus illicitus præveniens rationem impedire voluntatem, ne in particulari operabiliter ex amore legis naturalis voluntas doceat se & vires inferiores applicare ad ea quæ sunt secundum legem agenda, ut videlicet in Opusculo primo dictum est. Est igitur motus prædictus contra

CAP. XII. PRIMVM PECCATVM NEQVIT ESSE EX CONCVP. 119
modum regiminis quo voluntas petit in suum bonum gubernari, appetitum verò ad illius utilitatem.

Confirmatur. Voluntas propter seipsam gubernari debet ex eo quòd dominium sui actus habet: sed hoc Dominium postulat, ut nihil sine suo consensu fiat in actibus sibi subiectis. Ergo non sapienter gubernaretur voluntas, si nullo præcedente peccato permetterentur isti motus illiciti rationem prævenientes.

CLXX. Ex parte appetitus probatur eadem assertio. Quod ad bonum alterius ordinatur non sapienter gubernatur si actus illius in bono proprio sistant. Appetitus sensitivus in homine ad bonum voluntatis ordinatur. Ergo non sapienter gubernatur si actus ejus in bono appetitus sistant. Hoc autem contingit in motibus illicitis rationem prævenientibus. Non igitur sapienter gubernaretur appetitus si nullo præcedente peccato permetterentur prædicti motus..

Confirmatur. Servus imprudenter regeretur si domino se benè habente permetteretur ei rebellio & voluntas nocendi domino. Cùm ergò appetitus sit voluntatis servus imprudenter regeretur si voluntate se benè habente, id est, nullo ejus præcedente peccato permetterentur rebelles concupiscentiæ motus.

CLXXI. His omnibus conficitur, voluntatem non posse à Deo sapienter gubernari, nisi primò applicetur à Deo ad amorem legis naturalis, aut Dei; à quo si recesserit voluntas, conveniens est ut ab ea recedat appetitus; à quo si non discesserit, conveniens quoque est ut à voluntate non recedat appetitus. Quare subiectio actualis voluntatis per amorem sui superioris (sive per superiorem legem, sive Deus intelligatur) exigit ut appetitum inferiorem actualiter subiectum habeat. Nec divina Providentia quæ ordinem naturalem conservari jubet, perturbari vetat, disponderet omnia suaviter & fortiter, si nullà inordinatione actuali voluntatis præcedente, aliquà inordinatiō^m actualis in viribus voluntati subditis excitari permetteret.

Unde licet natura infirma, id est carens vigore rationis quo sibi habitualiter subiectum reddit appetitum, non possit ex suis principiis intrinsecis habere virtutem impediendi motus illicitos prævenientes rationem; ut tamen à solo Deo exigit sapienter gubernari habet in divina Providentia debitum, ut motus illos actu non patiatur nisi prius per peccatum subtraxerit se ab ordine divinæ gubernationis.

Hæc est differentia naturæ integræ ab infirmâ, si nullum præcesserit peccatum, quòd natura integra ex vigore rationis tanquam ex principio intrinseco subidato non solum non patiatur motus illicitos, sed nec pati possit remanente tali vigore. Natura verò infirma nullo præcedente peccato possit quantum est ex suis principiis intrinsecis pati motus illos illicitos; ut tamen subditur motioni divinæ gubernationis non patiatur illos, usquedum se actu subduxerit à prædictâ

Q

motione, eò quòd motio divina subdens voluntatem legi naturali subdit & appetitum voluntati donec voluntas se subtrahat ab amore legis naturalis; sicque suo rebellens Superiori meretur voluntas ut sibi vicissim suus rebellet inferior. Ad actualem igitur voluntatis subjectionem sequitur & actualis appetitus subiectio; remota prima subiectione removetur & secunda. Si subiectio prima sit gratuita & supernaturalis, secunda quoque subiectio gratuita erit & supernaturalis. Si prima subiectio fuerit ex integritate naturæ & vigore rationis interno, secunda etiam subiectio naturæ debebitur, ejusque integritatem consequetur. Si prima denique subiectio proveniat ex solâ divinæ gubernationis motione, secunda itidem subiectio divinam consequetur gubernationem.

GLXXII. Facile modò conciliabis duo illa, quæ Sancti Patres, & Doctores Scholastici communiter docent de homine per peccatum infirmato. Etenim ex unâ parte docent, hominem non solum donis supernaturalibus spoliatum, sed etiam in naturalibus vulneratum. Ex aliâ verò parte docent, naturalia mansisse integra. Quomodo mansere integra si vulnerata sunt? clara est ex doctrinâ traditâ solutio. Nam homo in naturalibus vulneratus dicitur, quia rebelles patitur concupiscentiæ motus, qui sunt contra naturam. Integra verò dicuntur permansisse naturalia, quia nihil naturalium ex parte actus primi deest homini. Vultus in corpore dicitur, dum inter partes continuas fit ruptio; Appetitus naturaliter continuatur voluntati per hoc quod sit naturaliter à voluntate mobilis. Istam connaturalem mobilitatem quodammodo tollit rebellis concupiscentiæ motus rationem preveniens, eò quòd in sensu composito istius motus appetitus non est naturaliter à voluntate mobilis. Verum quia rebellio concupiscentiæ non tollit connaturalem appetitus mobilitatem per subtractionem alicujus principii aut inclinationis naturalis, sed per appositionem impedimenti, convenienter quoque dicitur, integra permansisse naturalia; ad eum modum quòd lapis superius per trabem detentus integer permanet in suis naturalibus, sed ab appposito trabis impedimento motus ejus discontinuatur; quam discontinuationem si lapis sentiret, non immeritò lædi & vulnerari in suis naturalibus diceretur.

Ita vultus naturæ videtur explicasse S. THOMAS 1. 2. q. 85. a. 3. Ubi de constitutionem ordinis, quo potentie naturaliter ordinantur ad virtutem, dicit esse vulnerationem naturæ. Verba ejus sunt: *Dicendum quod per justitiam originale perfectè ratio continebat inferiores animæ vires; & ipsa ratio à Deo perfectiebatur, ei subiecta. Hac autem originalis justitia subtracta est per peccatum primi parentis, sicut jam dictum est: & ideo omnes vires animæ remanens quodammodo destituta proprio ordine, quo naturaliter ordinantur ad virtutem; & ipsa destitutio vulnératio dicitur naturæ. Sunt autem quatuor potentie animæ, quæ possunt esse subiectæ virtutum, ut supra dictum est, scilicet ratio in quâ est prudentia: voluntas, in quâ est justitia; irascibilis, in quâ est fortitudo: concu-*

piscibilis, in qua est temperantia. Inquantum ergo ratio destituitur suo ordine ad verum, est vulnus ignorantia: inquantum vero voluntas destituitur ordine ad bonum est vulnus malitia: inquantum vero irascibilis destituitur suo ordine ad arduum est vulnus infirmitatis: inquantum vero concupiscentia destituitur ordine ad delectabile moderatum ratione est vulnus concupiscentia.

CLXXIII. Hæc autem ordinis destitutio non consistit in simplici privatione, sed in appositione actus contrarii per modum impedimenti. Ex hoc enim quod aliquid inclinatur ad unum contrarium, diminuitur inclinatio ejus ad aliud, sive quod idem est destituitur ordine ad aliud. Idque per modum impedimenti fieri disertè docet Præceptor noster ibidem art. 2. his verbis.

„ Bonum naturæ quod per peccatum diminuitur, est naturalis inclinatio ad
 „ virtutem prædicta inclinatio intelligitur ut media inter
 „ duo: fundatur enim sicut in radice, in natura rationali; & tendit in bo-
 „ num virtutis, sicut in terminum & finem. Dupliciter igitur potest intelli-
 „ ejus diminutio: uno modo ex parte radicis, alio modo ex parte termini.
 „ Primo quidem modo non diminuitur per peccatum eo quod peccatum non
 „ diminuit ipsam naturam, ut supra dictum est: sed diminuitur secundo
 „ modo, inquantum scilicet PONITVR IMPEDIMENTVM pertingendi ad ter-
 „ minum. Si autem primo modo diminueretur; oporteret quod quandoque to-
 „ taliter consummeretur natura rationali totaliter consumpta. Sed quia DIMI-
 „ NUITVR EX PARTE IMPEDIMENTI quod apponitur ne pertingat ad ter-
 „ minum: manifestum est quod diminui quidem potest in infinitum; quia in
 „ infinitum possunt impedimenta apponi, secundum quod homo potest in
 „ infinitum addere peccatum peccato, non tamen potest totaliter consumi, quia
 „ semper manet radix talis inclinationis: sicut patet de diaphano corpore,
 „ quod quidem habet inclinationem ad susceptionem lucis ex hoc ipso, quod
 „ est diaphanum: diminuitur autem hæc inclinatio, velabilitas ex parte ne-
 „ bularum sepevenientium, cum tamen semper maneat in radice naturæ.

CLXXIV. Quæ Solis Angelici doctrina profundius intelligitur ex SYLLO-
 GISMO PRACTICO, cujus natura Opusculo sequenti dilucidè explicatur. In
 hoc Syllogismo major in qua indicatur *B. num est amandum*, oritur ex inclina-
 tione ad bonum simpliciter. Unde ex hac inclinatione ad bonum simpliciter
 homo mediante minori particulari concludit hoc particulare bonum esse aman-
 dum. Peccatum est circa aliquod particulare bonum; & ideo minori, non
 verò majori opponitur. Non enim per istam particularem conclusionem
fornicatio est bona, ergo est amanda tollitur major in qua indicatur, *bonum est*
amandum; sed permanente ista majore, peccatum fornicationis impedit, ne
 ex dictâ majore concludatur, hoc particulare virtutis bonum fornicationi op-
 positum esse amandum. Similiter peccatum furti superadditum, impedit, ne
 aliud particulare virtutis bonum furto oppositum concludatur esse amandum;

& sic in infinitum circa particularia bona possunt conclusiones impediri, secundum quod potest in infinitum addi peccatum peccato.

Hinc lucidissima fiunt verba Solis Angelici quibus dicit: *Sed quia diminuitur ex parte impedimenti quod apponitur ne pertingat ad terminum: manifestum est quod diminui quidem potest in infinitum; quis in infinitum possunt impedimenta apponi, secundum quod homo potest in infinitum addere peccatum peccato; non tamen potest totaliter consumi, quia semper manet radix talis inclinationis. Quali diceret inclinatio ad bonum virtutis diminuitur, dum per peccatum v. g. intemperantiæ impeditur, ne concludat temperantiæ esse amandam, sed nunquam potest totaliter consumi, quia semper remanet ista major Bonum est amandum, ex quâ concludi potest, bonum temperantiæ est amandum.*

§. IV. *Quid de possibilitate naturæ puræ sit judicandum, concludit; & finis huic Opusculo imponitur.*

GLXXV. **N**on erit difficile ex doctrinâ hujus Opusculi concludere, quid de possibilitate status naturæ puræ sit judicandum. Non enim unica responsione & conclusione satisfieri potest quæsitio: sed sub distinctione oportet quæstioni multiplicis intellectus respondere.

Si puritas naturæ solum dicat exclusionem gratiæ adoptionis filiorum, & carentiam omnis auxilii elevantis naturam ad fruitionem Dei ut est divinæ beatitudinis objectum; certum est, creaturam rationalem in statu naturæ puræ posse creari, & solâ cognitione Dei ex creaturis, ejusque amore beatificari posse, ut efficaciter tum ratione, tum auctoritatibus utriusque Solis comprobatum est. In ista naturæ puritate potest homo dupliciter condi, vel integer & sanus, id est, cum vigore rationis integrante naturam, qui vigor rationis quamvis gratis datus, naturalis tamen dici potest, secundum quod naturale opponitur supernaturali elevanti ad perfectionem superexcedentem naturæ proportionem. Vel infirmus infirmitate naturæ, non peccati, id est, sine debito vigore, cum debito tamen, ex subjectione divinæ gubernationis orto, non patiendi rebellem concupiscentiam usque dum se prius substraxerit ab ordine sui superioris.

CLXXVI. Si puritas naturæ includat rebellem concupiscentiam; impossibile est, ut nullo præcedente peccato condatur homo in statu naturæ puræ. Nec aliud voluit S. AUGUSTINUS, contra Pelagianos, quam rebellem concupiscentiam debere esse poenam alicujus peccati; ex quo sufficienter vincebat peccatum originale. Cum enim rebellis concupiscentia non sit in multis poena peccati per propriam voluntatem commissi; oportet ut sit poena peccati per alienam voluntatem, quæ nostra reputetur, commissi. Unde hæc duo sem-

CAP. XII. PRIMVM PECCATVM NEQVIT ESSE EX CONCVP. 123
per urget S. AVGVSTINVS; primum, rebellem concupiscentiam cum omnibus suis affectionibus malum hominis esse, & maximam pœnam. *Non aliunde (inquit sermone 182. de tempore) tantum dolorem habet humana miseria, quam inde quod caro concupiscit adversus spiritum, & spiritus adversus carnem.* Secundum, pœnam non posse inferri à iustissimo Deo sine culpa. *Omnis autem pœna (ait lib. 3. de lib. arbit. cap. 18.) Si iusta est, peccati pœna est & supplicium nominatur, si autem injusta pœna est quoniam pœnam esse nemo ambigit, injusto aliquo dormiente homini impoſita est.* Porro quia de omnipotentia Dei & iustitia dubitare demens, iusta hæc pœna est, & pro peccato aliquo penditur.

Nec aliquid folidum ex doctrinâ S. AVGVSTINI contra nostram decisionem potest offerri, quod planam ex dictis non habeat solutionem. Quare rogamus Adversarios, qui THOMAM ab AVGVSTINO segregarunt, non in alis proprii ingenii & humani studii sperare, sed in lumine Angelico divinitus inspirato S. AVGVSTINVM evolvere si voluerint veraciter illuminari.


CLXXVII. Scimus genuinos esse S. AVGVSTINI Discipulos, quorum facile Princeps est Ægidius Romanus Ordinis S. AVGVSTINI præstantissimum decus, & sidus splendidissimum. Hos S. AVGVSTINI genuinos Discipulos, sicut & cæteros Sacri Ordinis Augustiniani præclarissimos Doctores adversarios non existimamus, nec contra eos dictum declaramus, si quid acrius zelo veritatis Angelicæ in hoc Opusculo diximus. Ipsi enim S. THOMAM ut fidelissimum S. AVGVSTINI Discipulum summè venerantur, nec peregrinis Philosophorum doctrinis Augustinianam de gratiâ doctrinam infecisse arbitrantur. Undè & nos vicissim eos tamquam Condiscipulos diligimus, & in eorum quoque gratiam CONCORDIÆ S. AVGVSTINI ET THOMÆ studuimus, ut eos à quibudam aliis S. AVGVSTINI Discipulis, qui THOMAM ab AVGVSTINO segregarunt, separaremus, & in utroque Ecclesiæ Sole in perpetuum consolidaremus.

Quare contra eos invehimus, qui THOMAM ab AVGVSTINO separarunt, & existimarunt se viginti annorum studio in continuâ & sæpiùs repetitâ S. AVGVSTINI lectione melius intellexisse S. AVGVSTINI mentem, quàm S. THOMAS fecerit lumine divinitus infuso, qui tot miracula fecit, quot articulos ex S. AVGVSTINO contraxit. De his triumphat Angelica Schola in hoc Opusculo, sicut & de Molinistis in præcedenti. Undè Concordiam gemini Ecclesiæ Solis Thomistarum triumphum verè nominamus. Quia vincuntur Molinistæ, & isti non genuini S. AVGVSTINI Discipuli, ac de utriusque triumphant Thomistæ, dum concordem exhibent Magistri & Discipuli mentem.

F I N I S .



CLAVIS REGIA LIBERTATIS, OPUSCULUM TERTIUM.



Proëmium.

CLAVIS est instrumentum, quo quod clausum est referatur. Distinctis in unâ domo officinis distinctæ claves destinantur, ut sua cuique officiali, non aliena pateat officina. Præter has particulares claves solet universalis domus Præfectus unam habere communem, quâ omnia domus ostia referantur, quæ idcirco CLAVIS REGIA nuncupatur. Multiplex Juniorum de Libertate opinio clausam satis ostendit Libertatis essentiam. Hanc SYLLOGISMUS PRACTICUS aperit; nec quoad unam tantummodo difficultatem, sed quoad omnes ejus abditos sinus manifestam nobis facit Libertatis notitiam. Quare Opusculum hoc, in quo Libertatis occulta per naturam SYLLOGISMI PRACTICI pandimus, jure meritissimo CLAVIS REGIA LIBERTATIS nuncupatur.

Ij. Præcipuum hujus Opusculi intentum est, Geminum Ecclesiæ Solem in in notione Libertatis conciliare, & ubique S. AUGUSTINUM IN THOMA, ET S. THOMAM IN AUGUSTINO legendum esse à sincero Veritatis Amatore. Concordes eos Opusculo 1. ostendimus, in explodendâ Scientiæ Mediæ vanitate, & adstruendâ GRATIÆ PRÆDETERMINANTIS necessitate. Qualiter admittitur ab eis Natura pura, & qualiter recusetur, Opusculum 2. manifestavit. In notione Libertatis eos non dissentire Opusculum hoc 3. principaliter intendit; cujus est hic ordo. Primò, favente Deo, conditionem Libertatis à Junioribus assertam removebimus.

vebimus. Secundò, ex naturâ SYLLOGISMI PRACTICI notionem Libertatis aperiemus; eamque ad mentem Gemini Ecclésiæ Solis aperiri ostendemus. Tertio, Libertatem amoris beatifici ex datâ notione concludemus, & utriusque Solis discipulos conciliare conabimur. Quarto, Adversariorum argumenta diluimus; & quæ sit Libertas Naturæ lapsæ ex SYLLOGISMO PRACTICO finaliter deducemus.

IIJ. Unum ante omnia ab Angelicis requiro discipulis, ut conclusionem nostram de Dominio Amoris beatifici non in se considerent, sed ex principiis ex quibus deducitur, videbunt me, ne latum quidem unguem à principiis recedere Thomisticis; nec etiam in re aliud asserere, quàm Libertatem virtuales, & eminentialem R. M. Joannis à S. Thomâ, Verum in eo, quod ambo asserimus, aliquid me considerasse cernent, quod ipse, & alij non considerant, idque ex meditatione SYLLOGISMI PRACTICI, ratione cuius non solùm virtualiter, sed & formaliter liber, sustineri possit amor beatificus. Si cum veritate nostræ assertio- nis stet veritas principiorum, quæ communiter à Thomistis traduntur quoad formalem Libertatem, & indifferentiam iudicij, confido in Domino non malè laturos Veritatis Thomisticæ amatores, si ad conciliandum Discipulum Magistro S. THOMAM S. AUGUSTINO, si, inquam, & dictis principiis communiter ab omnibus Thomistis receptis non tam *novam* conclusionem, quàm antiquam *novè* deduxerim, in memoriâ habens illud Vincentij Lirinensis, *ita docens, ut dum dicit novè, non dicit nova.*



CAPUT

CAPUT PRIMUM.

Vtrum ad potestatem & Dominium sui actûs requiratur, ut objectum apprehendatur sub aliquâ ratione mali?

HIC est cardo, super quem vertitur tota de libertate difficultas, & cui verè in præsentî appropriatur, quod ex Philosopho dicit Angelicus Doctor in libro de ente, & essentiâ, *Modicus error in principio, magnus in fine*. Propterea diligenter est à nobis examinandus.

§. I. Punctum difficultatis aperitur.

IV. NE in æquivoco laboremus, explicandum est primò, quid per dominium sui actûs intelligamus. Angelicus Sol, à quo omne lumen nostrum accipere gloriamur, q. 10. de potentia, ar. 10. ad 4. sic ait: *Ambrosius dicit, quòd hoc nomen, Dominus, nomen est potestatis, & Boëtius dicit, quòd dominium est potestas quedam, quâ servus coercetur*. Ex quo dominium actûs convenienter dicitur: potestas quædam coercendi actum, cumque actus non agendo coercetur, nihil aliud erit dominium sui actûs, quàm quædam potestas agendi, vel non agendi. Notandum tamen est, quòd *ly potestas agendi*, non sit solum potentia activa; sed nomen *potestatis*, ut scitè animadvertit Præceptor noster 4. dist. 24. a. 1. q. 2. ad 3. *Proprie nominat potentiam activam cum aliquâ præminentiâ*. Prima autem potentie activæ præminentiâ est, applicare se ad agendum; potestas igitur agendi erit potestas se applicandi ad actum. Hoc est, quòd, per dominium sui actûs intelligimus, videlicet potestatem se applicandi ad actum; & non applicandi: sicut & dominium respectu servi dicitur, potestas applicandi servum ad actum, ac non applicandi, siquè quod idem est, potestas imperandi, & non imperandi.

V. Observandum est secundo, quòd actus intellectûs, præcisâ motione voluntatis, se habet ad voluntatem sicut ostendens viam volenti ire Romam. Nam sicut ostendens viam non facit effectivè, quòd volens ire Romam velit sequi viam

demonstratam, sed ipse volens ire Roman ex voluntate, quam habet, eundem Romam facit se *velle* sequiviam sibi demonstratam: Ita & intellectus ostendens objecti bonitatem, v. g. *Delectabile esse bonum*, non facit effectivè, quòd voluntas velit delectabile, sed ipsa voluntas ex amore boni facit se *velle* delectabile, quòd intellectus ostenderat hie, & nunc, esse bonum. Cum igitur *facere se velle*, sit se ad agendum applicare; ipsa voluntas est, quæ se applicat ad volendum ex præcedente actu. Intellectus verò non nisi ex præsupposito voluntatis actu habet movere voluntatem objectivè, & si diversas rationes boni adinvenit, dicitur alliciendo, & suadendo movere; nunquam tamen persuadere, id est, sequetur actio voluntatis, si non præcesserit actus aliquis voluntatis. Etenim centies proponet intellectus, *fornicationem esse delectabilem*, & nunquam movebitur voluntas ad volendum fornicationem, si non præcedat amor delectabilis: sicut quia præceptum debet impleri ex amore justitiæ, ut impleatur, *sicut oportet*, quantumvis intellectus mille rationes inveniret ad suadendum quòd iustum sit, *facere hunc actum præceptum*, si tamen Deus non dederit prius amorem justitiæ, nunquam voluntas adimplebit præceptum, *sicut oportet*.

VJ. Quam doctrinam si ponderarent Molinistæ, statim conspicerent, quæ sit in homine infirmo indigentia GRATIÆ VICTRICIS, ET PRÆDETERMINANTIS. Huius enim infirmitas maximè in hoc consistit, quòd licet sit per gratiam sanctificantem à peccato liberatus, & ad bonum inclinatus, attamen in occasionibus hie, & nunc occurrentibus, propter prævenientis concupiscentiæ impedimentum, non potest sibi dare amorem prædictum justitiæ; sed debet eum immediatè à Deo accipere per speciale auxilium GRATIÆ VICTRICIS, ET PRÆDETERMINANTIS. Agnoscerent præterea, nullas esse in homine infirmo vires actu datas, quæ totaliter sint sufficientes ad implendum præceptum, *sicut oportet*, utque dum Deus dederit prædictum amorem justitiæ. Penetrarent denique profundam illam Sancti Augustini doctrinam, & distinctionem *hominis sub lege*, & *hominis sub gratiâ*; tamdiu enim homo remanet *sub lege*, quamdiu non accipit amorem justitiæ adimpletivum præcepti, qui solus juxta phrasim Augustinianam ponit hominem *sub gratiâ*. Et cum lex solum suadeat, gratia verò Christi persuadeat: oportet, ut fateantur Scientiæ Mediæ, & Gratiae versatilis defensores, se non aliam gratiam agnoscere, quam suadentem, quascumque excitationes ex parte voluntatis poluerint; ac proinde se ignorare specialem illam Christi gratiam persuadentem, quæ mali disceruntur à bonis secundum propositum æternum divinæ voluntatis. Utriusque verò Solis discipuli, suam insufficientiam ubique agnoscentes statim conspiciunt, quam fortiter, & suaviter Virtus Christi in infirmitate eorum perficiatur: fortiter, quia GRATIA VICTRICE, ET PRÆDETERMINANTE mandatum implent; suaviter, quia amando implent; quid suavius, quam quòd amando fit? videatur Opusculum primum.

VII]. Sequitur primò, quòd rationabiliter Angelicus Doctor cum suis discipulis constituat libertatem formalem in voluntate, non in intellectu. Cùm enim ipsa voluntas se applicet ad volendum, & intellectum, omnesque alias potentias ad suos actus, & juxta hanc applicationem consideretur verum sui actus dominium, in quo consistit formalis libertas; sequitur, quòd sola voluntas formali gaudeat libertate, alię verò potentie non eam participant, nisi in quantum aliquammodo possunt à voluntate moveri.

Sequitur secundo, quòd per accidens se habeat ad potestatem se applicandi propositio plurium objectorum ab intellectu: quantumvis enim unicuique intellectus voluntati proponeret bonum, adhuc ad volendum istud unicum bonum sibi ab intellectu ostensum applicaret se voluntas, si ex amore boni præcedente *face- ret se velle* istud unicum bonum: sicut volens ire Romam æquè benè se determinat ad sequendum unicam viam, quæ sibi demonstratur, ac si plures fuissent sibi viæ demonstratæ. Cujus ratio est, quòd tam ostendens viam, quàm intellectus ostendens bonitatem objecti, magis se habeant ad instar approximantis objectum, quàm moventis ad actum.

VIII]. Undè sicut approximans lignum v. g. se habet ad virtutem calefaciendi, ita intellectus ostendens bonitatem objecti se habet quodam modo ad potestatem se applicandi, quam habet voluntas. Nam sicut approximans lignum nihil confert igni de virtute calefaciendi, ita intellectus determinans objectum, nihil confert voluntati de potestate se applicandi. Et sicut ignis non calefacit, nisi lignum sibi approximatum; ita voluntas non se applicat ad volendum, nisi objectum ab intellectu determinatum. Quare sicut approximatio plurium lignorum requiritur, ut ignis possit proximè calefacere ligna, non quidem ut conferens, aut augens virtutem calefaciendi, sed materialiter eam determinando, & extendendo; ita determinatio speculativa plurium objectorum requiritur, ut voluntas possit proximè se applicare ad plura, non quidem ut conferens, aut augens virtutem se applicandi, sed eam materialiter determinando, & extendendo. Deniquè, sicut si fingeremus non nisi unicum lignum posse approximari igni, non minùs illud calefaceret, ac si plura haberet ligna sibi approximata; ita supposito quòd intellectus non nisi unum objectum consideraret, aut non nisi rationes boni in eo apprehenderet, non minùs ad illud se applicabit voluntas ex amore boni universalis, ac si plura bona haberet ab intellectu sibi proposita.

IX. Quapropter cùm ad potestatem se applicandi sequatur dominium sui actus, accidet prædicto dominio, quòd voluntas possit se applicare ad plura volenda. Ex quo poterimus distinguere duplex actus dominium; unum intensivum, quo sufficienter inest voluntati potestas se applicandi ad suum actum, & non applicandi; aliud extensivum, quod dat voluntati potestatem se applicandi ad plura. Nec ex hac potestate ad plura fit voluntas magis domina sui actus, sicut nec qui habet

plures servos est magis dominus, quàm qui habet unicum, sed solùm major dominus, & majus, sivè extensius habens dominium. Et ideo sicut per respectum ad unicum servum salvatur perfecta ratio dominij, ita & per respectum ad unicum actum salvatur in voluntate perfecta ratio dominij.

Ad hoc plurimùm attendere rogamus Cordatum Lectorem: non enim per libertatem amoris beatifici aliud intendimus, quàm voluntatem Beati habere perfectissimum sui amoris dominium, & perfectissimè habere eum in suâ potestate. Quod si Cordatus aliquis libenter hoc concesserit; noluerit tamen amori beatifico concedere libertatem, non ultrà cum eo contendimus, qui non voces, sed rei veritatem amamus.

§. II. *Concluditur, ad dominium sui actûs non requiri, ut intellectus apprehendas bonitatem objecti cum aliquâ ratione mali.*

X. **D**ICENDUM EST, ad dominium sui actûs non requiri, ut intellectus apprehendat bonitatem objecti cum aliquâ ratione mali. Ita D. THOMAS q. 22. de Veritate, a. 6. Ubi docet potestatem *volendi*, vel *non volendi* posse inveniri sine potestate *volendi plura*. Verba Præceptoris nostri sunt: *Cum autem voluntas dicatur libera in quantum necessitatem non habet, libertas voluntatis in tribus considerabitur, scilicet quantum ad actum, in quantum POTEST VELLE, VEL NON VELLE; & quantum ad objectum, in quantum POTEST VELLE HOC, VEL ILLUD, & ejus oppositum; & quantum ad ordinem finis, in quantum potest velle bonum, vel malum. Sed quantum ad primum horum (potestatem scilicet volendi, vel non volendi) inest libertas voluntati in quolibet statu naturæ respectu cujuslibet objecti. Secundum verò horum (Potestas volendi hoc, vel illud) est respectu quorundam objectorum, scilicet respectu eorum, quæ sunt ad finem, & non ipsius finis, & etiam secundum quemlibet statum naturæ. Tertium verò, &c.*

XJ. Quibus verbis continetur ratio à priori nostræ assertionis in hunc modum formata. Si ad dominium sui actûs requiratur, ut intellectus apprehendat bonitatem objecti cum aliquâ ratione mali, nunquam potestas *volendi*, vel *non volendi* possit separari à potestate *volendi plura*; Sed hoc est contra Angelici Doctoris nuper citatum testimonium: ergo, &c. Minor clara est. Nam posse *velle hoc, vel illud*, est potestas *volendi plura*. Clarissimè autem dicit Communis Doctor, quod hæc potestas non inest voluntati respectu cujuslibet objecti. Potestas autem *volendi*, vel *non volendi* inest voluntati respectu cujuslibet objecti: ergo contra Angelici Doctoris nuper citatum testimonium est docere, quod una potestas nunquam possit ab aliâ separari.

Probatur Majoris Sequela. Ubi apprehenditur bonitas objecti cum aliquâ ratione mali, ibi adest potestas *volendi plura*, & ubi est dominium sui actûs, ibi adest pote-

potestas *volendi*, vel *non volendi*: Ergo si ad prædictum dominium requiratur, ut apprehendatur bonitas objecti cum aliquâ ratione mali, inseparabilis erit potestas *volendi* *plura* à potestate *volendi*, vel *non volendi*. Consequentia est evidens; & similiter Antecedens, quia ubi apprehenditur aliqua ratio mali in objecto, ibi potest objectum displicere; displicentia autem cujuscumque objecti fundatur in aliquo amore, non enim potest esse primus voluntatis actus. Tunc sic: Amor, ex quo displicet objectum, distinguitur ab amore, qui amplectitur objectum: sed ubi apprehenditur aliqua ratio mali in objecto, ibi adest potestas ad utrumque amorem inter se oppositum: ergo ubi apprehenditur aliqua ratio mali in objecto, ibi semper adest potestas ad duos amores oppositos, quorum unus amplectitur objectum, alter facit displicere objectum. Et cum sub unâ, & eadem ratione boni non possit objectum placere, & displicere, debent diversæ rationes boni posse amari, quod est habere potestatem *volendi* *plura*. Si ergo juxta Angelicum testimonium potestas *volendi* *plura* separabilis sit à potestate *volendi*, vel *non volendi*, sequitur evidenter, quod ad potestatem *volendi*, vel *non volendi*, & consequenter ad dominium sui actûs, non requiratur aliqua apprehensio mali in objecto.

XIJ. Totum hunc discursum, totiusque nostræ rationis pondus desumpsimus ex Magistro nostro Angelico 1. 2. q. 10. a. 2. cujus verba ab longum adducimus, quia ex Summâ petita: *Si proponatur aliquod objectum voluntati, quod sit universaliter bonum, & secundum omnem considerationem, ex necessitate voluntas in illud tendit, si aliquid velit: non enim poterit velle oppositum. Si autem proponatur sibi aliquod objectum, quod non secundum quamlibet considerationem sit bonum, non ex necessitate voluntas fertur in illud, (id est potest velle oppositum) & quia defectus cujuscumque boni habet rationem non boni, ideo illud solum bonum, quod est perfectum, & cui nihil deficit, est tale bonum, quod voluntas non potest non velle, quod est beatitudo. Alia autem qualibet particularia bona in quantum deficiunt ab aliquo bono, possunt accipi, ut non bona, & secundum hanc considerationem possunt repudiari, vel approbari à voluntate, quæ potest in idem ferri secundum diversas considerationes.*

Duplex ex his luculentissimis verbis habetur rationis nostræ corroboratio, & confirmatio. Prima sic formatur. Quando proponitur voluntati aliquod objectum, quod non secundum omnem considerationem est bonum, tunc voluntas potest velle oppositum, ut patet ex testimonio: sed ubi apprehenditur bonitas objecti cum aliquâ ratione mali, proponitur supradictum objectum voluntati: ergo quandoque apprehenditur bonitas objecti cum aliquâ ratione mali, semper poterit voluntas velle opposita. Quare si ad dominium sui actûs requiratur prædicta apprehensio, dominium sui actûs erit inseparabile à potestate volendi opposita.

Secunda sic proponitur. Bonum particulare, in quantum deficit ab aliquo bono, accipitur ut non bonum, sive ut malum: ergo non poterit bonum particulare displicere, si non possit amari bonum illud à quo deficit, & ratione cujus apprehen-

henditur ut malum. Semper igitur erit potestas ad duos amores, ubi apprehenditur bonitas objecti cum aliqua ratione mali, videlicet, ad amorem objecti, & ad amorem boni illius, à quo deficit objectum: qui amores sunt inter se oppositi.

* Nota, quòd ratio mali non sumitur hic pro aliquo disconvenienti, & nocivo, sed pro defectu, sive carentià cujuscumque boni particularis, v. g. bonum honestum, ut est non delectabile, dicitur malum. Si ad amandum liberè bonum honestum debeat simul cum honestate apprehendi quòd sit non delectabile, ad libertatem dicti amoris requiretur potestas amandi honestatem, & potestas amandi delectationem, ut ex potestate amandi honestatem possim amare quod judico esse honestum, & ex potestate amandi delectationem possim non amare id, quod ita judico esse honestum, ut simul judicem non esse delectabile. Et sic est de defectu sive carentià cujuscumque bonitatis.

Fundamentum est, quòd carentia alicujus boni, v. g. delectabilis, non sit causa non amandi aliquid, nisi ametur delectabile; sicut carentia vini non est causa non amandi aquam nisi ametur vinum. Si ergo ut amem aquam liberè debeat mihi proponi aqua cum carentià v. g. vini, oportet ad liberum amorem aque adsit in me potestas amandi vinum. Quod diximus de carentià vini, dicendum quoque est de carentià lactis, aut cujuscumque alterius potus. Ex quo patet libertatem non posse salvari sine potestate amandi plura particularia bona, si ad libertatem requiritur quòd objectum proponatur cum carentià alicujus bonitatis. *

XIIJ. Colliges, penitus confundi ab Adversarijs potestatem *amandi, vel non amandi* cum potestate *amandi plura*; contra apertam Angelici Solis doctrinam, si ad potestatem *amandi, vel non amandi*, exigitur, ut apprehendatur in objecto aliqua ratio mali. Similiter confunditur dominium intensivum voluntatis ad unum actum, cum dominio extensivo ad plures actus. E contra, si cum Angelico Sole distinxerimus potestatem se applicandi ad unum actum à potestate se applicandi ad plures actus, sive, quod idem est, potestatem *amandi, vel non amandi*, à potestate *amandi plura*, dominiumque intensivum à dominio extensivo, reperiemus istam conditionem, quam Juniores requirunt, esse solummodò necessariam pro dominio extensivo, sive pro potestate se applicandi ad opposita: nullo autem modo pertinere ad veram rationem dominij intensivi, sicut nec ad veram rationem dominij respectu personarum ullo modo exigitur pluralitas servorum.



CAPUT SECUNDUM.

*Ex duobus absurdis ostenditur Vanitas supra-
dictæ conditionis.*

SECUNDA ratio nostræ assertionis desumitur ex duobus absurdis, quæ sequuntur ex præfatâ Juniorum conditione, potentiam, scilicet errandi, & potentiam peccandi esse inseparabiles à potestate, & dominio actûs.

§ I. *Primum absurdum, potentiam, scilicet, errandi esse inseparabilem ab actûs dominio.*

XIV. PRIMò ostendo, potentiam errandi esse inseparabilem à dominio sui actûs, si ad illud dominium requiritur objectum apprehensum sub aliqua ratione mali. Quod quàm sit absurdum, patet in Christo, Beatis, & statu innocentiz. Nam absurdum foret dicere, Adamum non habuisse dominium sui amoris, quo Deum amabat: quod tamen dicendum foret, si potentia errandi sit de essentia dominij, quia in Adamo ante peccatum nullus potuit esse error, nec qualiscunque falsa opinio, imò nec minima opinio. Ita D. THOM. de Veritate, q. 18. a. 6. his verbis: *undè dico quòd non solum in statu innocentia non potuit esse error, sed nec qualiscunque falsa opinio*: hanc assertionem probat tribus rationibus. Primam deducit ex hoc, quòd falsa opinio sit malum intellectûs: Secundam sumit ex eo, quòd falsa opinio sit monstrum naturæ intellectualis: Tertiam excludentem etiam minimam opinionem format his verbis: *Semper contingit inordinatio, quando aliquid movetur à non proprio motivo, sicut si voluntas moveatur à debili sensus, cum debeat tantummodo moveri ab honesto. Proprium autem motivum intellectûs est verum id, quod habet infallibiliter veritatem. Undè QUANDOCUMQUE INTELLECTUS MOVETUR AB ALIQUO FALLIBILI SIGNO, EST ALIQUA INORDINATIO IN IPSO, SIVE PERFECTE, SIVE IMPERFECTE MOVEATUR. Undè cum nulla inordinatio in statu innocentie in intellectu hominis esse potuerit, numquam intellectus hominis inclinatus fuisset magis in unam partem, quàm in aliam, NISI AB INFALLIBILI ALIQUO MOTIVO. Ex quo patet,*

S quòd

quod non solum in eo nulla falsa opinio fuisset, sed penitus nulla opinio in eo fuisset, & quidquid cognovisset secundum certitudinem cognovisset.

XV. Absurdum sub hac formâ deducimus. Si ad dominium sui amoris requiritur objectum apprehensum sub aliquâ ratione mali, non poterit liberè amari Deus, nec vita æterna, nisi apprehendatur sub aliquâ ratione mali: sed qui potest apprehendere Deum, aut vitam æternam sub aliquâ ratione mali, potest errare: ergo si ad dominium sui amoris requiritur objectum apprehensum sub ratione aliquâ mali, potentia errandi erit conjuncta amorì libero Dei, & vitæ æternæ. Minor, in quâ solâ potest esse difficultas, probatur. Non repudiatur Deus, nec vita æterna sine judicio erroneo: ergo cum ille, qui apprehendit Deum, aut vitam æternam sub ratione mali, possit ea repudiare, poterit etiam errare.

Probatur Antecedens: Non repudiatur Deus, nec vita æterna, nisi priùs judicetur aliquid esse amandum, quod nequit amari ex amore Dei; aut vitæ æternæ. Illud enim quod est causa cur Deus, aut vita æterna displiceat, & repudietur, non potest amari ex amore Dei, aut vitæ æternæ. Quidquid autem non potest amari ex amore Dei, vel vitæ æternæ est de se malum; ergo judicare illud esse amandum, est errare: ac proinde si Deus, & vita æterna non repudientur, nisi aliquid hujusmodi judicetur esse amandum, apertè sequitur, nec Deum, nec vitam æternam repudiari sine judicio erroneo. Quare si ad dominium amoris Dei debet voluntas posse repudiare Deum, debebit quoque intellectus posse errare, judicando, nimirum, aliquid inamabile ex amore Dei esse amandum.

XVI. Dices. Potest aliquis velle non amare Deum, vel vitam æternam sine judicio erroneo: ergo poterit etiam repudiare Deum, vel vitam æternam sine judicio erroneo. Prob. Ant. Potest aliquis velle non cogitare de Deo, vel de vitâ æternâ sine judicio erroneo; ut patet in eo, qui ex obligatione sui muneris cogitat de studijs, vel alijs negotijs: sed velle non cogitare de Deo, vel de vitâ æternâ, est velle ea non amare: cum amor non possit esse sine cogitatione de objecto: ergo, &c.

Respondetur negando Ant. ad Probat. distinguitur Major. Potest aliquis velle non cogitare de Deo sine judicio erroneo, ita ut hæc voluntas procedat ex displicentiâ Dei, negatur: ita ut hæc voluntas procedat ex defectu subjecti non volentis simul cogitare de Deo, & studijs, conceditur. Deindè concessâ Minore, eodem modo distingui debet Consequens. Explicatur solutio. Voluntas non amandi Deum potest dupliciter considerari. Uno modo, ut procedens ex displicentiâ Dei, in quantum Deus consideratur cum defectu alicujus boni, quod hic, & nunc magis placet. Et hæc voluntas sine dubio non habetur, nisi cum judicio erroneo, quo aliquid postposito Deo judicatur amandum. Alio modo, ut procedens ex defectu subjecti, quod non valet simul Deo vacare, & negotijs Charitatis: & hæc voluntas nullum habet judicium erroneum sibi conjunctum; nec propterea confert

tert aliquid ad intentum Adversariorum, eo quòd ex bonitate, & amore objecti procedat; Adversarii volunt ad dominium actus pertinere potestatem ad duos actus, quorum unus procedat ex bonitate objecti, alius ex aliquo objecti defectu; ut ergo voluntas non amandi Deum sit repudiatio Dei juxta intentionem Adversariorum, debet procedere ex aliquo objecti defectu, non ex ejus bonitate: ac proinde cum judicio erroneo. Nam alia voluntas non amandi Deum orta ex limitatione subjecti (non valentis simul cogitare de Deo, & exercere alterum actum, qui à Deo præcipitur) oritur ex bonitate Dei, & voluntate illi placendi; & haberetur, etiamsi nulla ratio mali in Deo apprehenderetur, ac proinde impertinens est ad oppositum nostræ assertionis. Quis dicet studentem ex amore Dei repudiare Deum? & eum, cui ob aliquam rationem mali displicet objectum, ex amore objecti repudiare objectum?

XVIJ. Certè ritu dignum est, quòd nos, qui eos, quos amamus, volumus esse ex omni parte perfectos, excusando omnes eorum defectus, & omnia in meliorem partem semper interpretando; ut tamen amemus liberè Deum, debeamus excogitare, ut ita dicam, aliquam rationem mali, ex quà possimus Deum repudiare. Nolumus ab eis, quos amamus, recedere, & inviti id facimus; ut tamen amemus Deum liberè, oportet, ut possimus velle ab eo recedere, & eum voluntariè repudiare, Hanc libertatem aliis relinquo; eique totaliter abrenuntio; *Mihi enim adhaerere Deo bonum est*, nec aliam cupio circa Deum libertatem, quam ut ita mihi semper placeat, ut in æternum nunquam displicere valeat. *O veritas Deus, fac me unum tecum in charitate perpetuâ.*

§. II. Secundum absurdum, potentiam, nimirum, peccandi non posse à libertate separari.

XVIJ. **S**ecundum hoc absurdum ex primo sequitur, & potest sic probari, ille, cui potest displicere Deus, potest peccare; sed potest displicere Deus ei, qui apprehendit Deum cum aliquâ ratione mali; ergo si ad dominium actus exigatur objectum apprehensum cum aliquâ ratione mali, potestas peccandi semper erit conjuncta cum libertate amandi Deum. Probat. Major. Cui potest displicere Deus, potest ei aliquid magis placere, quàm Deus: sed hoc est posse peccare: ergo, &c. Antecedens constat ex eo, quòd displicentia unius objecti debet oriri ex amore alterius, quod hic, & nunc magis placet. Cum enim displicentia, & repudiatio objecti non possit esse primus actus voluntatis, nec per ordinem ad bonum universale aliquid sit, ut ita dicam, displicibile, aut repudiabile; oportet ut, per ordinem ad aliud particulare bonum, quod hic, & nunc magis placet, displiceat, & repudietur.

Confirmatur. Peccat voluntas, quando non movetur à bono honesto, ut docet D. THOM. num. 14. relatus his verbis: *Semper contingit imordinatio, quando aliquid movetur à non proprio motivo, sicut si voluntas moveatur à delectabili sensus, cum debeat tantum moveri ab honesto: sed dum voluntari displicet Deus, & eum repudiat, non movetur voluntas ab honesto: ergo peccat voluntas dum ei displicet Deus, & eum repudiat. Sicut reverà peccaret, si bonum honestū ei displiceret, & illud repudiaret. Prob. Min. Amor medii conducentis ad finem non potest esse causa repudiandi finem: ergo cum amor honesti sit amor medii conducentis ad Deum, ut finem, non poterit esse causa repudiandi Deum. Imò omnis amor virtuosus est quidam virtualis amor Dei, nullā igitur ratione ex amore virtuoso poterit displicere Deus, & repudiari.*

Non videntur Adversarii sufficienter distinguere inter *non amare Deum, & repudiare Deum*. In primo negatur actus; in secundo affirmatur aliquis actus. In primo Deus non placet actu, nec amatur; in secundo Deus displicet, & repudiatur. Quamvis autem præceptum dilectionis Dei respectu amoris sit affirmativum; & idè non obliget ad semper actu amandum, respectu tamen displicentiæ, & repudiationis, est negativum, & obligans ad semper; undè licet voluntas non debeat semper amare Deum actu, tenetur tamen nunquam repudiare Deum; & ita si velit exercere actum circa Deum, debet esse actus amoris, & non repudii, & displicentiæ. *Si vanitas vanitatum, & omnia vanitas præter amare Deum, & illi soli servire, An non vanitas erit velle non amare Deum, eumque repudiare? Si finis præcepti Charitas, Quomodo ex recto amore poterit alicui displicere Charitas? Concludatur igitur Cordatus potestatem volendi non amare Deum, aut eum repudiandi, non tam esse impeccabilis iustitiæ libertatem, quàm peccabilis naturæ vanitatem.*

Denique in his, quæ sunt secundum se mala, luculentissime effulget utriusque absurdi sequela. Nam si ad liberè amandum, & faciendum bonum, debet bonum apprehendi cum aliquâ ratione mali, *ex quâ possit repudiari*; ergo etiam ad liberè repudiandum malum, & ab eo declinandum, debebit malum, v.g. *fornicatio, mendacium, &c.* apprehendi sub aliquâ ratione boni, *ex quâ possit amari*. Ex quocumque autem motivo iudicetur fornicationem esse bonum, iudicium semper erit erroneum, & ex quocumque motivo amplectatur illam voluntas, semper peccabit. Quare si ad repudiandum liberè fornicationem, debeat ipsa apprehendi sub aliquâ ratione boni, *ex quâ possit amari*, repudiatio libera fornicationis erit necessarîo connexa cum potestate errandi, & peccandi: nec aliquis poterit liberè repudiare mendacium, nisi habeat errandi, & peccandi potestatem. Quòd si quis potest liberè repudiare mendacium, absque eo quòd possit amare mendacium; cur etiam non liberè poterit amare veritatem, absque eo quòd possit eam repudiare? Nam si mendacium non debeat apprehendi cum aliquâ ratione boni, ut liberè repudietur; cur veritas debbeat apprehendi cum aliquâ ratione mali, ut liberè ametur?

§. III. *Effugium Adversariorum totaliter præcluditur.*

O Ccurrent sine dubio Adversarii, dicendo, nec rationem Capitis præcedentis, nec absurda hujus Capitis, contra eos militare; eo quòd ad eorum sententiam sufficiat, quòd in exercitio amoris apprehendatur aliqua ratio mali. Ubi enim non apprehenditur aliqua ratio mali in objecto, debet, & sufficit ad actus dominium, ut apprehendatur in amoris exercitio.

XIX. Hæc solutio primâ facie videtur satisfacere; si tamen rectè perpendatur, in nullo infringit vim Angelicæ rationis num. 11. traditæ; nec ipsa etiam vitæ absurda. Imprimis adversatur Luminî Angelico in quodam D. THOMÆ testimonio num. 26. referendo, ubi docetur, quòd usus gratiæ, sive exercitium gratiæ, in Beatis cadit sub eorum dominio, absque eo quòd prædictus gratiæ usus apprehendatur cum aliquâ ratione mali: non enim possunt Beati habere hoc iudicium, *Bonum est, non uti gratiâ*, quod tamen possent habere, si in usu gratiæ apprehenderent aliquam rationem mali, vel, quod idem est, *si non uti gratiâ* proponeretur eis sub aliquâ specie boni.

Ex hâc doctrinâ sic argumentor; ut usus, sive exercitium gratiæ cadat sub dominio voluntatis, non requiritur, quòd in eo apprehendatur aliqua ratio mali: si-
vè, quòd idem est, non est opus ut haberi possit hoc iudicium, *Bonum est, non uti gratiâ*: ergo similiter ut exercitium, sive usus amoris cadat sub dominio voluntatis, non requiritur, quòd in exercitio, & usu amoris apprehendatur aliqua ratio mali, sive, quòd idem est, non est opus ut haberi possit hoc iudicium, *Bonum est, non amare*.

Secundò, ratio nostrâ manet adhuc in suo robore. Nam eo ipso quòd exercitium amoris apprehendatur cum aliquâ ratione mali, potestas *volendi, vel non volendi* non poterit separari à potestate *volendi opposita*; sed hoc fuit robur rationis nostræ, nempe, quòd Angelicus Doctor clarissimè doceret esse aliqua objecta, circa quæ voluntas haberet potestatem *volendi, vel non volendi*, & tamen non haberet potestatem *volendi opposita*: ergo remanet ratio nostrâ in suo robore. Probat. Major. Potestas ad duos amores inter se impossibiles est potestas *volendi opposita*: cum enim amor, sicut & omnis actus, ab objecto specificetur, impossibile est, quòd duo amores sint inter se impossibiles, nisi tendant in duo objecta aliquâ-
qualiter opposita: sed eo ipso quòd exercitium amoris apprehendatur sub aliquâ ratione mali, datur potestas ad duos amores inter se impossibiles: datur enim potestas ad amorem objecti, siquidem bonitas objecti simul apprehenditur cum aliquâ-ratione mali in exercitio amoris; datur etiam potestas ad amorem illius particularis boni, à quo deficit exercitium amoris, siquidem nullum bonum accipitur, ut non bonum, nisi in quantum deficit ab aliquo particulari bono, ut ibid.

ait Doctor Communis. Amor autem objecti, & amor illius boni, ex quo repudietur amor objecti, sunt inter se impossibiles: ergo concludendum est, quod quodcumque simul cum bonitate objecti apprehenditur aliqua ratio mali in exercitio amoris, detur potestas ad duos amores inter se impossibiles: & consequenter potestas *volendi opposita*. Unde si dicta apprehensio sit de ratione dominii actus, nunquam dabitur actus sui dominium sine potestate *volendi opposita*.

XX. Tertiò, in eadem incidunt Adversarii absurda per solutionem supra memoratam. Nam si ad dominium amoris requiratur, ut aliqua ratio mali in exercitio amoris apprehendatur, non poterit dominium sui amoris separari à potestate errandi, & peccandi. Antequam probetur hoc, oportet duplex amoris exercitium distinguere; unum, quo exercetur amor *secundum se* sine actuali ordine ad præceptum, aliud, quo exercetur amor *ut actualiter præceptus*. Exercitium amoris *secundum se* spectat ad diversas virtutes secundum diversitatem objectorum, sed exercitium amoris *ut actualiter præcepti* pertinet ad unicam virtutem obedientiæ, cuius ratio formalis est tendere in actus sub illâ circumstantiâ, quâ præcepti sunt. Quo supposito sic formo argumentum. Sicut exercitium amoris *secundum se* cadit sub dominio aliarum virtutum, ita & exercitium amoris *ut actualiter præcepti* cadit sub dominio virtutis obedientiæ: ergo sicut in exercitio amoris *secundum se* debet apprehendi aliqua ratio mali, juxta doctrinam Adversariorum, ita & in exercitio amoris *ut actualiter præcepti* oportebit apprehendere aliquam rationem mali. Subsumo. Ubi apprehenditur aliqua ratio mali in exercitio amoris, ibi potest haberi hoc iudicium: *bonum est non exercere amorem*: ergo si in exercitio amoris *ut actualiter præcepti* apprehenditur aliqua ratio mali, ibi poterit haberi hoc iudicium *bonum est, non exercere amorem, ut actualiter præceptum*. Quod iudicium est erroneum, & trahens post se repudium amoris *ut actualiter præcepti*: quale repudium sine dubio peccatum est. Nunquam ergo actus obedientiæ poterit cadere sub dominio voluntatis sine potestate errandi, & peccandi, si semel ad dictum dominium requiratur, ut actus obedientiæ apprehendatur cum aliqua apprehensione mali: liquidem exercitium obedientiæ est, *exercere amorem in sensu composito cum præcepto*: & apprehensio mali in exercitio obedientiæ virtualiter infert hoc iudicium, *Bonum est, non exercere amorem in sensu composito cum præcepto*.

Adversarii videntur in hoc deficere, quod potestatem *volendi, vel non volendi*, distinguant ex parte objecti, cum illius rationem deberent accipere, non ex objecto, (sicut eam accipit potestas *volendi opposita*, sive potestas ad duos amores oppositos) sed ex modo tendendi in objectum. Nam si voluntas ex determinatione suæ naturæ tendat in objectum, ita tendet in illud, ut non habeat potestatem *non volendi* illud; si verò tendat ex propriâ determinatione in objectum, ad quod ex naturâ suâ non est determinata, ita tendet in illud, ut habeat potestatem *non volendi* illud. Hec potestas *non volendi* non attenditur per carentiam actus, id est, ex eo quod volun-

voluntas possit esse sine actu; verum accipi debet secundum indeterminationem ad actum cum potestate applicandi se ad actum; eo enim ipso, quod voluntas est indeterminata ad actum cum potestate applicandi se ad actum, sufficienter concipitur habere potestatem *volendi, vel non volendi*, quantum requiritur ad actus sui dominium.



CAPUT TERTIUM.

*Lumine utriusque Ecclesie Solis SS. AUGUSTINI,
& THOMÆ, destituuntur Adversarij.*

Supradictam dominii conditionem non acceperunt Adversarii ex inconcussis; stutissimisque utriusque Ecclesie Solis dogmatibus; quid mirum si veritatem non fuerint in ea affecti? hoc breviter in Capite presenti conabor demonstrare; & simul quæ ex Angelico Doctore huic Juniorum asserto possent favere, favente Deo, explicabo.

§. I. *Notio dominii, à S. Augustino tradita, vanam ostendit
Adversariorum conditionem.*

XXJ. **S**ola potestatis, & dominii actus notio, quam constanter tradit Ecclesie Sol AUGUST. vanam ostendit sæpè dictam conditionem. Eum enim actum dicit esse in potestate nostrâ, & dominio, quem *cum volumus, facimus*, id est, quem facimus, quia volumus; & si non vellemus, non faceremus. Sic habetur lib. I. retract. cap. 31. *Cum enim hoc sit in potestate, QUOD CUM VOLUMUS, FACIMUS, nihil tam in potestate nostrâ. &c. Quia in potestate nostrâ non est, nisi QUOD NOSTRAM SEQUITUR VOLUNTATEM.* Omnis ergo actus, qui nostram sequitur volitionem, erit in potestate nostrâ, & consequenter illius habebimus dominium: sed actus tendens in objectum apprehensum sine aliquâ ratione mali sequitur nostram volitionem; siquidem ex amore, & volitione boni ad illum se determinat voluntas: ergo actus tendens in objectum apprehensum sine aliquâ ratione mali, erit in potestate nostrâ, & illius erimus domini, juxta S. AUGUSTINUM. Quare *van*
na est

na est illa conditio, quâ bonitas objecti apprehenditur cum aliquâ ratione mali.

Actum fieri quia volumus, sive actum sequi nostram voluntatem, nihil est aliud, quàm actum fieri ex præcedente voluntate; ac proindè actûs dominium secundum S. AUGUSTINUM erit ipsa potestas faciendi aliquid ex præcedente volitione. Nam quando volitio est causa actûs, tunc verè dico, *facio illum actum, quia volo*, & si non vellem, non facerem. Tunc etiam possum illum actum *facere*, & *non facere*, & consequenter verum habeo illius actûs dominium. Possum *facere*, quia dum volo, *facio*; id est, dum me ex amore boni determino ad faciendum, *facio*; Possum *non facere*, quia si non volo, id est, si non me determino ad faciendum, *non facio*.

XXIJ. Hic observandum est, multum differre hæc duo, *volo non facere*, & *non volo facere*; in primo affirmatur volitio ad quam sequitur *non actus*: in secundo negatur volitio, ad quam volitionis negationem sequitur *non actus*, dum enim affirmatio est causa affirmationis, & negatio est causa negationis; si igitur volitio sit causa actûs, & negatio volitionis erit causa negationis actûs. Et hoc sufficit, ut negatio actûs dicatur esse in potestate nostrâ. Ille enim potest *non agere*, qui idè non agit, quia non vult agere, & si vellet, ageret: nec ad hoc requiritur, ut aliquando sit sine actu, aut possit suspendere actum; sed dato quòd semper ageret, nec posset ab actu cessare, aut eum suspendere, adhuc hæc conditionalis esset vera, *si non vellet, non ageret*, & idè agit, quia vult: quod sufficit, ut negatio actûs dicatur esse in potestate volentis, ejusque dominio.

In hoc videntur deficere Juniores, quòd *negationem actûs* putent, non esse in potestate volentis, si non possit, aut suspendere actum, aut cessare ab actu; ex hoc enim sequitur, quòd debeat apprehendi aliquis defectus in objecto, ut judicetur bonum esse, aut suspendere actum, aut ab actu cessare. Verùm nihil horum requiritur, ut absolute, & simpliciter dicatur *negatio actûs* esse in potestate volentis; nam ad hoc abundè sufficit, quòd *negatio actûs* dependeat à voluntate ipsius, in quantum determinando se ad actum potest impedire *negationem actûs*, quæ certè non subsistit, sed destruitur, eo ipso quòd ad actum se determinet. Solemus dicere, est in potestate meâ, quòd Petrus v. g. non obtineat Canonicatum, quia si vellem impedire, non haberet; ita quoque optinè dici potest esse in potestate meâ, quòd caream tali actu, quia dum vult voluntas agere, impedit carentiam talis actûs: non ergo requiritur ad hoc, quòd negatio actûs sit in meâ potestate, ut possim *velle non agere*, sed sufficit, ut possim *velle agere*, & actio ad meam sequatur voluntatem; tunc enim & negatio actionis à meâ voluntate dependet; estque in meâ potestate, quia si actio est in meâ potestate, eo quòd à voluntate meâ dependet; & negatio actionis erit in meâ potestate, si à voluntate meâ dependeat. Vid. infrâ Caput 7. Paragraph. 2.

XXIIJ. Quare Laconica, & nervosissima est hæc actionis sub dominio cadentis defi-

definitio, *quam facimus, cum volumus, sive qua ex precedente voluntate procedit*: & qui hoc non capit, sciat se alienum à Magistro veritatis S. Augustino habere de actus dominio conceptum. Modus operandi brutorum clarum nobis reddit hanc definitionem. Ovis v. g. judicans lupum venientem sibi esse inimicum, timet, & fugit, non quia appetit tinere, & fugere, sed ex instinctu naturæ posito tali iudicio timet, & fugit. Homo verò judicans lupum venientem sibi esse inimicum, si rationabiliter operatur, format hunc syllogismum, *inimicus est timendus, & fugiendus: lupus veniens est inimicus: ergo lupus veniens est timendus, & fugiendus*. In hoc processu homo non timet lupum, nec fugit ex instinctu naturæ, sed ex præcedente voluntate, & rationis iudicio: ex hoc enim quòd vult timere, & fugere inimicum, determinat se ad timorem, & fugam lupi: timorem verò, & fugam inimici habet ex instinctu naturæ, quem etiam aliàs posset sibi dari ex iudicio rationis. Brutum igitur non timet, & fugit lupum venientem, *quia vult*, homo verò timet, & fugit lupum, *quia vult*, si rationabiliter operatur. Non enim negamus, quin etiam homo ad primam apprehensionem lupi possit timere, & fugere, sed tunc voluntate *ut natura*, vel solo appetitu sensitivo operabitur, non autem voluntate, *ut voluntas est*, quæ semper ex aliquo amore boni, aut aliquâ fugâ mali, se determinat ad aliquid prosequendum, aut fugiendum. Vide infra num. 28. ubi egregium Angelici Solistestimonium ad hunc sensum ponderatur.

§. II. *Ex Angelico Sole nebula conditionis supradictæ dissipatur.*

XXIV. **N**on minori veritatis fulgore Angelicus Sol nebulam conditionis supradictæ dissipat, dum q. 22. de Veritate, a. 7. hanc præclarissimam ad nostrum intentum tradit doctrinam: *Homini inditus est appetitus ultimi finis sui in communi, ut scilicet appetat naturaliter se esse completum in bonitate. Sed in quo ista completio consistat, utrum in virtutibus, vel scientiis, vel delectabilibus, vel huiusmodi alijs, non est ei determinatum à naturâ. Quando ergo ex propria ratione, adjutus divinâ gratiâ, apprehendit aliquod speciale bonum ut suam beatitudinem, in quo verè sua beatitudo consistit, tunc meretur, non ex hoc quòd appetit beatitudinem, quam naturaliter appetit: sed ex hoc quòd appetit hoc speciale, quod non naturaliter appetit, ut visionem Dei, in quâ tamen secundum rei veritatem sua beatitudo consistit. Si verò aliquis per rationem erroneam deducatur, ut appetat aliquid speciale ut suam beatitudinem, puta corporales delectationes, in quibus tamen secundum rei veritatem sua beatitudo non consistit, sic appetendo beatitudinem demeretur, non quia appetit beatitudinem, sed quia indebitè appetit hoc ut beatitudinem, in quo beatitudo non est.*

Ex his luculentissimis verbis, hoc formo argumentum: qui appetit aliquid speciale ut suam beatitudinem, non considerat illud cum aliquâ ratione mali, siquidem

T

beati-

beatitudo, nullum defectum dicit: sed qui appetit aliquid speciale ut suam beatitudinem, non considerat illud cum aliqua ratione mali, siquidem beatitudo nullum defectum dicit: sed qui appetit aliquid speciale ut suam beatitudinem, habet sui actus dominium, quia ut docet D. THOM. verbis citatis, ille meretur, vel demeretur: ergo datur aliqua operatio sub dominio cadens, sine eo quod consideratur objectum cum aliqua ratione mali.

XXV. Nec effugitur vis argumenti dicendo, quod qui in statu viæ appetit aliquid speciale ut suam beatitudinem, non videt necessarium nexum alicujus boni particularis cum sua beatitudine: idem cum dominio sui actus operatur, quodcumque speciale appetat ut suam beatitudinem; Nam considerare aliquod speciale ut suam beatitudinem, non considerando nexum necessarium, est considerare illud cum aliquo defectu, si non ex parte objecti, saltem ex parte subjecti considerantis; quod sufficit ad dominium sui actus.

Non, inquam, per hanc responsionem effugitur vis argumenti, sed inciditur in aliqd inconueniens, scilicet, necessariam esse ad libertatem v. g. amandi vitam æternam, in qua secundum rei veritatem nostra beatitudo consistit, potentiam errandi, & peccandi; siquidem per hoc quod non consideratur necessarius nexus vitæ æternæ cum beatitudine, habetur potestas considerandi aliquid aliud ut suam beatitudinem; posse autem judicare aliquid aliud, præter vitam æternam, ut suam beatitudinem, est posse errare: & sic nec Beatissima Virgo, nec Sancti Apostoli potuissent mereri appetendo vitam æternam, & cupientes dissolvi, ac esse cum Christo: cum fuerit eis concessum per dona Sapientiæ, & Consilii, ut ratio nullatenus erraret circa finem boni, & circa utilia in particulari, ait D. THOMAS de Veritate q. 24. c. 9.

XXVJ. His addimus aliam doctrinam Angelici Doctoris, supradictam conditionem discretè negantem. Nam si hæc conditio sit libertati essentialis, non poterit quis liberè *uti gratiâ*, & *non uti*, si in eo quod possit judicare bonum esse *non uti gratiâ* Carenzia mali quoddam bonum est: qui ergo apprehendit utrum gratiæ ut malum, poterit judicare bonum esse, *non uti gratiâ*. Et tamen de Beatis, & confirmatis in gratiâ, qui liberè utuntur gratiâ, (aliqui omnis Beatorum actio expers esset libertatis, cum omnis eorum actio sit quidam usus gratiæ, utpotè ex actuali amore Dei super omnia procedens) docet Angelicus Præceptor hoc ipsum, quod est *non uti gratiâ*, non posse eis sub specie boni proponi, ut videre est de Veritate, q. 24. a. 8. ad 2. Dicendum quod in potestate liberi arbitrii est *non uti habita*. Tamen potest hoc ipsum, quod est *non uti habita* sibi proponi sub specie boni, quod de gratiâ in Beatis accidere non potest. Quam doctrinam extendit ad confirmatos in gratiâ, dum dicit eodem modo esse respondendum ad tertium argumentum, quod sic concludebat: *liberum arbitrium habet dominium sui actus: sed uti gratiâ est quidam actus liberi arbitrii: ergo hoc est in potestate liberi arbitrii uti, vel non uti, & se per gratiam confirmari non potest.*

Clarissi-

Clarissimum inde formo argumentum: *non uti gratiâ* non potest Confirmatis in gratiâ proponi sub specie boni: & tamen *non uti gratiâ* est in potestate liberi arbitrii in gratiâ confirmati: ergo ut aliqua negatio sit in potestate liberi arbitrii, non est opus, ut possit proponi sub specie boni; ac proinde ut *non amare Deum* sit in potestate liberi arbitrii, non requiritur, ut proponi possit sub specie boni. Si enim *non uti gratiâ* sit in potestate arbitrii, & cadat sub illius dominio, etiam si non possit proponi sub specie boni, cur etiam *non amare Deum* non erit sub potestate, & dominio arbitrii, etiam si beatus non possit illud sibi proponere sub specie boni? & si negatio actus non debeat posse proponi sub specie boni, ad hoc, ut voluntas habeat illius dominium; ergo nec actus debeat proponi sub specie mali, ut cadat sub voluntatis dominio. Concludamus igitur, aversam esse à Lumine Angelico supradictam Juniorum conditionem.

§. III. *Quæ ex Angelico Sole conditioni Adversariorum videntur favere, explicantur.*

XXVIJ. **S**upradictæ Juniorum conditioni videtur favere Angelicus Sol, & Magister noster, dum intendens probare libertatem arbitrii, ut plurimum eam probat ex potestate ad opposita, quæ non potest salvari, si bonitas objecti non apprehendatur cum aliquâ ratione mali. Agnoscimus efficaciam probationis Angelicæ. Cum enim essentia libertatis sit potestas se applicandi ad actum, efficacissimè probatur talis potestas, dum ostenditur, quòd inest alicui potestas se applicandi ad opposita. Non quòd potestas se applicandi ad actum non possit salvari sine potestate se applicandi ad opposita: sed quia hæc, ut magis apparens, & nota, manifestat potestatem se applicandi ad actum, in quâ consistit essentia liberi arbitrii.

Quemadmodum intendens probare *Petrum existere*, efficaciter id probaret demonstrando eum currere, & moveri: nec ideo diceret, existentiam *Petri* dependere à motu, & cursu *Petri*: ita Angelicus Magister intendens probare hominem esse liberi arbitrii, efficacissimè id probat, demonstrando in homine potestatem se applicandi ad opposita; nec ideo dicit existentiam liberi arbitrii dependere à potestate se applicandi ad opposita: cum ea sufficienter salvetur in potestate se applicandi ad actum. Non confundatur potestas se applicandi ad actum cum potestate se applicandi ad actus oppositos, & ex Angelicis testimoniis nihil aliud poterit colligi, quàm supradictam conditionem esse dominio extensivo ad plures actus essentialem, nullo autem modo exigi ad dominium sui actus intensivum.

XXVIJ. Nescientes igitur distinguere ea, quæ attribuit Angelicus Doctor libertati ad opposita, ab iis quæ sunt libertati essentialia, requisierunt ad libertatis essentiam supradictam conditionem. Ad quod sufficiet unicum D. THOM. expendere te-

re testimonium ex 1. p. q. 83. a. 1. ubi probat hominem esse liberi arbitrii his verbis: *Ad cuius evidentiam considerandum est, quod quadam agunt absque iudicio, sicut lapsus movetur deorsum; & similiter omnia cognitione carentia. Quadam autem agunt iudicio, sed non libero, sicut animalia bruta. Indicat enim ovis videns lupo, cum esse fugiendum naturali iudicio, ET NON LIBERO, QUIA NON EX COLLATIONE, SED EX NATURALI INSTINCTU HOC IUDICAT: & simile est de quolibet iudicio brutorum animalium.*


Hic paulisper subtilizamus, & perpendamus rationem, quam reddit Magister noster, cur bruta non agant iudicio libero: quia, dicit, *non ex collatione, sed ex naturali instinctu iudicant.* Ergo qui ex collatione, & non ex instinctu naturæ iudicat, libero agit iudicio, juxta Angelicum Magistrum. Subsumo: sed qui nullam rationem mali considerans in objecto iudicat, *hoc est amandum, quia bonum est amandum,* ille ex collatione, & non ex instinctu naturæ iudicat: ergo qui nullam rationem mali considerans in objecto iudicat, *hoc est amandum, quia bonum est amandum,* ille libero agit iudicio. Similiter libero agit iudicio, qui ex amore ultimi finis in communi iudicat ultimum finem in particulari esse amandum: siquidem ex collatione, & non ex instinctu naturæ iudicat. * Item, qui nullam in exercitio amoris apprehenderet rationem mali, libero ageret iudicio, si ex collatione, & non ex instinctu naturæ iudicaret, *hoc est amandum.* *

XXIX. Prosequitur Angelicus Magister: *sed homo agit iudicio: quia per vim cognoscit viam iudicat aliquid esse fugiendum, vel prosequendum.* SED QUIA IUDICIUM ILLUD NON EST EX NATURALI INSTINCTU IN PARTICULARI OPERABILI, SED EX COLLATIONE QUADAM RATIONIS, IDEO AGIT LIBERO IUDICIO, *potens in diversa ferri. Ratio enim circa contingentia habet viam ad opposita, ut patet in Dialecticis syllogismis, & Rhetoricis persuasionibus. Particularia autem operabilia sunt quadam contingentia: & ideo circa ea iudicium rationis ad diversa se habet, & non est determinatum ad unum.*

Consequentiam, quam supra intulimus, manifestè hic tradit D. THOM: nempe quod, qui ex collatione iudicat, & non ex instinctu naturali, libero agit iudicio; ex hoc enim principio statim infert, hominem agere libero iudicio, ut patet ex verbis majusculis designatis. Ad libero igitur agendum iudicio, nihil aliud requiritur, quam ex collatione rationis iudicare. Nam quod superaddit D. THOM: *potens in diversa ferri. Ratio enim circa contingentia habet viam ad opposita,* &c. Pertinet ad libertatem specificationis, sive ad potestatem volendi opposita, quasi diceret, homo non solum agit iudicio libero, quia ex collatione rationis iudicat, sed etiam potens est in diversa ferri, quia ratio circa particularia operabilia habet viam ad opposita. Ecce quàm profundè, quàm radicatus utramque libertatem actûs, & objecti, distinxit D. THOM. & utriusque causam proximam ex unâ rationis radice sapienter assignavit. Radix totius libertatis est ratio, sed dum iudicat aliquid esse amandum ex collatione ad rationem boni, causat libertatem actûs: dum verò iudicat aliquid esse amandum ex collatione ad aliud bonum, & oppositum, causat libertatem objecti.

Libert.

Libertas actus est potestas volendi, vel non volendi; libertas objecti est potestas volendi opposita. Formalis verò libertas est potestas se applicandi ad actum, sive amor boni, quæ potestas est potestas volendi, vel non volendi, dum ratio non attendit in objecto nisi rationem boni: est autem potestas volendi opposita, dum ratio simul cum bonitate objecti confert aliquam rationem mali. Ita singula singulis reddendo veritas manifestatur Angelica; qui eam tenuerit nunquam erit de veritate suspectus.



CAPUT QUARTUM.

Libertatis essentia ex syllogismo practico manifestatur.

XXX. **Q**ui sublato omni fœco libertatem in sua pulchritudine intueri voluerit, verba omnium Magistrorum Magistri, verba ipsius veritatis diligenter revolvat, quibus dicitur Joanni. 8. *Si filius vos liberaverit* (id est, liberos fecerit) *verè liberi eritis.* Quà autem ratione nos facit liberos? Subjungit, & *cognoscetis veritatem, & veritas liberabit vos,* id est, liberos faciet. Quàto igitur plenius, & perfectius veritatem amaverimus, tantò plenius, & perfectius liberi erimus. Nam qui perfectè veritatem amat, ex amore veritatis se determinat ad omnem suam volitionem, & operationem, & ideo omnis suæ volitionis, & operationis perfectum habet dominium. Nec ex ipsâ veritatis plenitudine necessitatur, sed intensius è contrà accipit dominium. Nam si amor veritatis est causâ veritatem participatam amandi, multò magis causâ erit veritatis fontem amandi: Qui quærit veritatem, sine fine, & ullâ limitatione eam quærit; vult enim secundùm omne suum posse eam attingere, ubi ergo eam in suo plenitudinis fonte invenerit, sine morâ, sine violentiâ non ex solo instinctu naturæ, sed ex rationis judicio, & propriâ voluntatis determinatione liberrimè eam amplectitur. En perfectissima libertatis essentia, cujus principia, ut clariùs Cordatis effulgeat, intendamus hoc Capite declarare.



§. I. *Natura syllogismi practici declaratur, cujus conclusio est actus liber.*

XXXJ. **D**OCET D. THOMAS, cui Filius libertatis author dixit ; BENE SCRIPSI-
STI DE ME, docet Angelicus Sol 1. 2. q. 76. a. 1. in corp. quod,
*Ratio conferens de agendis utitur QUODAM SYLLOGISMO, cujus conclusio est judicium,
sen electio, vel operatio: actiones autem in singularibus sunt. Unde conclusio syllogismi ope-
rativi est singularis.* Et in 2. dist. 24. q. 2. a. 4. *Sciendum est igitur quod sicut in 7. E-
thic. Philosophus dicit, ratio in eligendis, & fugiendis, quibusdam syllogismis utitur. In syllo-
gismo autem est triplex consideratio secundum tres propositiones, ex quarum duabus tertia
concluditur. Ita etiam contingit in proposito, dum ratio in operandis ex universalibus prin-
cipijs, circa particularia judicium assumit.*

Cum judicium, cui attribuitur libertas, sit judicium electionis secundum D. THOM.
q. 24. de Veritate, a. 1. ad 17. necesse est, ut actus liber sit quædam conclusio
dependens à duabus præmissis. Hujus conclusionis natura non poterit melius de-
clarari, quàm differentiam illius à conclusione syllogismi speculativi assignando. Si
enim hæc differentia rite perpendatur, perfecta statim ratio libertatis innoscescit.
Prima utriusque conclusionis differentia est, quod conclusio syllogismi practici ex
amore boni causetur, secus conclusio syllogismi speculativi. Hinc oritur alia dif-
ferentia, quod conclusio syllogismi practici cadat sub dominio, & potestate volun-
tatis, & consequenter formaliter sit libera; secus conclusio syllogismi speculativi.

XXXIJ. Ad majorem utriusque differentię evidentiam diligenter observandum
est, hunc syllogismum, *Bonum est amandum; Hoc est bonum; ergo hoc est amandum*,
posse considerari dupliciter, & speculativè, & practicè. Speculativè consideratur dum
listeritur in cognitione: practicè verò dum applicatur ad affectum. Ego scribens hunc
syllogismum, speculativè illum considero, quia sic à me consideratur, ut nullus vo-
luntatis actus eliciatur. At practicè illum considero, dum à Deo prædeterminor ad
amorem efficacem boni, ex hoc enim amore oritur, quod minor dicens, *hoc est bonum*,
consideretur sub majori, & subsumatur; ac proinde quod inferatur conclusio, *hoc
est amandum*. Millies dicam, & considerabo, *hoc est bonum*, absque eo quod conclu-
dam practicè, *hoc est amandum*, si non præcedat in voluntate amor efficax boni,
ut num. 5. insinuavimus.

Si autem amem bonum, illudque efficaciter desiderem, dum intellectus ostendit
mibi, *hoc est bonum*, statim ex amore, & desiderio boni infero, *hoc est amandum*, &
amo. Major igitur syllogismi practici non est nudum intellectus judicium, sed ipse
voluntatis actus, quo vult efficaciter bonum. Qui amor boni, licet non sit causa
quod intellectus judicet, hoc, aut illud esse bonum, est tamen causa quod obje-
ctum

Actum ab intellectu hic, & nunc iudicatum bonum, sublumatur sub Majore, & concludatur esse amandum. In syllogismo speculativo major, nec est causa assensus minoris, in quo convenit cum syllogismo practico, nec est causa, quod assensus minoris conjungatur, & sublumatur cum assensu majoris, quia hoc pertinet ad eum, qui applicat intellectum ad considerationem utriusque propositionis. Ille enim intendens aliquam conclusionem elici ab intellectu, applicat intellectum ad considerandum, & ordinandum præmissas intentæ conclusioni necessarias. Hoc autem manifestè pertinet ad aliquam voluntatem, & idèd principium movendi intellectum quoad exercitium conclusionis, non est in syllogismo speculativo; secus autem, ut dictum est, in syllogismo practico, cujus major est actus voluntatis bonum intendens.

§. II. Differentia syllogismi practici à syllogismo speculativo adhuc magis declaratur.

XXXII]. **D**ifferentia nuper assignata lucidior adhuc fiet, si consideretur, quòd in conclusione particulari utriusque syllogismi, una ex præmissis se habet ut causa universalis, alia ut particularis. Particularis præmissa determinat præmissam universalem, sed diversimodè in utroque syllogismo. Nam in syllogismo speculativo præmissa particularis determinat universalem in genere causæ efficientis, in syllogismo autem practico præmissa particularis determinat universalem in genere causæ finalis, & objectivæ. Cujus ratio est, quòd in syllogismo speculativo tres sunt actus intellectus, & ita conclusio particularis exit à præmissâ universali mediante alio actu intellectus, determinante effectivè præmissâ universalem indifferentiam. In syllogismo practico, duo tantùm sunt actus voluntatis, ita ut actus particularis non alio mediante actu voluntatis exeat à præmissâ universali, ab amore scilicet boni. Undè ipse amor boni sine adminiculo causæ particularis effectivè concurrentis, voluntatem immediatè determinat, & applicat ad actum conclusionis particularem; nam actus intellectus scilicet minor medians inter duos voluntatis actus, non effectivè, sed solàm objectivè, & per modum finis determinat voluntatem ipsâ solâ ex amore boni effectivè se determinante; quod sufficit, ut verè dicatur domina sui actus particularis.

XXXIV. Quare in syllogismo speculativo præmissa universalis, & præmissa particularis se habent aequaliter sicut sol, & planta ad generationem plantæ, quæ nec est in potestate solis, nec in potestate plantæ, sed illius qui solem, & plantam conjungit. In syllogismo practico præmissa universalis, & præmissa particularis se habent, sicut volens sagitare, & ostendens signum, vel sicut volens ire Romam, & ostendens viam. Clarum est, quòd ostendens signum non influat effectivè in volentem sagitare.

ſagittare, nec oſtendens viam inſluit effectivè in volentem ire Romam; ſed uterque inſluit objektivè, per modum finem oſtendentis: dicunt enim, ſi vis ſagittare, ecce ſignum album, in quod debes ſagittare; ſi vis ire Romam, ecce via, quam debes ſequi. Ipſe autem ſagittans ex voluntate ſagittandi ſe determinat ad ſagittandum in album, & idè ſagittationis in album eſt verè dominus. Similiter volens ire Romam, ipſe ſe determinat ex voluntate eundi Romam, ad ſequendum viam ſibi oſtenſam, & idè liberè illam ſequitur, nullà neceſſitate coactus, ſed ſi quæ ſit neceſſitas, ex præcedente voluntate oritur: undè non poteſt libertati ſe determinantis præjudicare. Vide cap. 1. §. 1.

Eodem modo ſe habet voluntas in majore ſyllogiſmi practici amans bonum; & intellectus in minore ſyllogiſmi oſtendens bonum, qui virtualiter dicit voluntati, ſi vis bonum, ecce, *hoc eſt bonum*; ſivè hoc amando, amabis bonum; tum voluntas amans bonum applicat ſe, & determinat ad amandum hoc bonum, ſicut & intellectum ad judicandum, *hoc bonum eſſe amandum*; & ſic ſola exiſtens cauſa ſui judicii, & amoris particularis, libero aſſiat judicio, non ex aliquo inſtinctu naturæ. Ipſa enim ſola facit intellectum judicare, *hoc eſſe amandum*, & ipſa ſola facit ſe elicere hunc amoris actum; intellectus ſolùm concurrente per modum oſtendentis viam, ſi præſcindatur ab omni voluntatis motione; ſi verò conſideretur cum motione voluntatis, tunc etiam ut imperans concurret effectivè ad hunc amoris actum; qui tamen imperii influxus, nihil diminuit de propriâ voluntatis applicatione, cum totam ſuam efficaciam fortiatur à voluntate; nec tenet ſe ex parte minoris, ſed ex parte concluſionis, quæ ſemper tota ex amore boni procedit, & concluditur.

In vanum laborant Adverſarii, qui ad eſſentiam libertatis, ſivè in judicando, ſivè in amando, aliud requirunt, quàm voluntatem ex amore præcedente effecauſam judicii, & amoris; ſic enim & liberè judicat, & liberè amat, cum *liberum illud ſit, quod cauſa ſui eſt*, ut cap. ſeq. dicitur.

§. III. De indifferentiâ judicii ad libertatem requiſitâ.

XXXV. **N**Ec in hâc libertatis noſione excludimus indifferentiam judicii. Quâ ratione enim ſe determinaret voluntas, tum ad judicandum, tum ad amandum, ſi judicium, quo dirigitur, eſſet omninò determinatum ad unum? non ob aliam rationem bruta carent in agendo libertate, quàm, quòd ſemper agant ex judicio ad unum determinato. Neceſſaria igitur omninò eſt ad liberam actionem alicujus judicii indifferentia. Verùm, cum concluſio ſyllogiſmi practici ſemper ſit determinata; ſiquidem eſt electioſis judicium, & ipſe actus particularis; ſolùm in præmiſſis requirenda eſt judicii indifferentia. Duplex autem eſt præmiſſa, una univerſalis, alia particularis, quare duplex diſtinguenda eſt indifferentia judicii,

dicii, una objecti universalis, alia objecti particularis, prout in objecto particulari contrariæ rationes boni, & mali considerantur.

Indifferentia objecti universalis est in iudicio attingente rationem boni; v. g. respectu cuiuscumque boni est illud iudicium, *bonum est amandum*; respectu cuiuscumque delectabilis est illud, *delectabile est amandum*; respectu cuiuscumque amici est illud, *amicus est amandus*. Et sic de aliis rationibus boni. Dum enim ratio boni à pluribus participetur, iudicium attingens præcisè huiusmodi rationem, est objectivè indifferens ad ea omnia, quæ de istâ boni ratione participant; imò & ad istius rationis fontem, & principium.

Hæc objecti universalis indifferentiâ iudicii constituit majorem syllogismi practici, si cum amore sibi correspondente conjungatur. Vi enim istius iudicii amor ei correspondens habet potestatem applicandi voluntatem, ad amandum omne quod intellectus monstraverit sub istâ ratione universali participare bonitatem: v. g. voluntas amans bonum potest, quantum ex vi sui amoris se applicare ad amandum quodcumque intellectus judicaverit esse bonum; similiter voluntas amans delectabile accipit potestatem, quantum est ex vi sui amoris, se applicandi ad amandum quodcumque intellectus judicaverit esse delectabile.

Sequitur dominium actûs, sive potestatem *volendi, vel non volendi*, procedere ex indifferentiâ iudicii de objecto universali, sive ex indifferentiâ majoris syllogismi practici, quæ potestas nullo modo tollitur per determinationem minoris: quamdiu enim iudicatur, hoc bonum est amandum, quia bonum est amandum, tamdiu hoc bonum liberè amatur; sicut quamdiu hoc delectabile iudicatur esse amandum, quia delectabile est amandum, tamdiu delectabile liberè amatur. Semper enim voluntas, tam ex amore boni, quam ex amore delectabilis se applicat ad hunc actum particularem, ad quem vi iudicii, & amoris, per quæ se determinat, non erat determinata.

Hoc non minùs clarè, quàm eleganter docuit Præceptor noster D. THOMAS lib. 2. cont. Gent. cap. 48. his verbis: *Si igitur iudicans ad iudicandum seipsum moveat, oportet, quod per aliquam altiorē formā apprehensā se moveat ad iudicandum, quæ quidem esse non potest, nisi ipsa ratio boni, vel convenientis, per quam de quolibet determinato bono, vel convenienti iudicatur. ILLA IGITUR SOLA SE AD IUDICANDUM MOVENT, QUÆ COMMUNEM BONI, SEU CONVENIENTIS RATIONEM APPREHENDUNT. Hæc autem sunt sola intellectualia: sola igitur intellectualia se non solum ad agendum, sed etiam ad iudicandum movent. Sola igitur ipsa sunt libera in iudicando, quod est liberum arbitrium habere. De hoc testimonio vide quæ dicemus Cap. sequenti.*



no enim, &c. explicant libertatem objecti, sive specificationis.

Quare hoc formo argumentum; Qui non agit ex naturali instinctu, sed ex collatione quâdam rationis, libero agit judicio: sed dum actus mediante syllogismo pratico concluditur, tunc aliquis non agit ex naturali instinctu, sed ex collatione rationis: syllogismus enim est quædam rationis collatio: ergo dum actus mediante syllogismo pratico concluditur, tunc aliquis libero agit judicio.

Id ipsum ex parte electionis efficaciter probat a. 4. *Sicut autem ex parte apprehensionis intellectiva se habent intellectus, & ratio: ita ex parte appetitus intellectivi se habent voluntas, & liberum arbitrium, quod nihil est aliud quam vis electiva. Et hoc patet ex habitudine, & objectorum, & actuum. Nam intelligere importat simplicem acceptionem alienius rei: unde intelligi dicuntur proprie principia, quæ sine collatione per se ipsa cognoscuntur. Ratiocinari autem proprie est devenire ex uno in cognitionem alterius: unde proprie de conclusionibus ratiocinamur, quæ ex principiis innotescunt. Similiter ex parte appetitus velle importat simplicem appetitum alienius rei: unde voluntas dicitur esse de fine, qui propter se appetitur. Eligere autem est appetere aliud propter alterum consequendum: unde proprie est eorum, quæ sunt ad finem. Sicut autem se habet in cognitis principium ad conclusionem, cui propter principia assensimus, ita in appetitis se habet finis ad ea, quæ sunt ad finem, quæ propter finem appetuntur. Unde manifestum est, quod sicut se habet intellectus ad rationem ita se habet voluntas ad vim electivam, id est, ad liberum arbitrium.*

XL. Duplex ex uno principio, clarissime in his verbis tradito, formo pronotâ libertatis notione argumentum. Principium clarissime traditum est, quod liberum arbitrium se habeat ad voluntatem, sicut ratio ad intellectum; ergo quicumque actus se habebit ad actum simplicem voluntatis, sicut actus rationis ad actum simplicem intellectus erit actus liberi arbitrii. Sequela est evidens: & ex Consequente dupliciter proba, amorem, qui concluditur ex amore boni, esse formaliter actum liberi arbitrii. Primò ex parte ipsius actus; amor qui concluditur ex amore boni, habet se ad amorem boni, qui est simplex voluntatis actus, sicut ratiocinari ad intelligere, est enim utrobique actus ex alio actu deductus: ergo juxta principium Angelicum, amor, qui concluditur ex amore boni, est actus liberi arbitrii. Nec refert, quod amor ad unum objectum determinetur, dummodò ex alio amore boni deducatur, semper se habebit ad amorem boni, sicut ratiocinari ad intelligere; & idè semper erit actus liberi arbitrii.

Secundò, idem proba ex parte objecti. Volitum propter rationem boni habet se ad bonum volitum absolute, sicut conclusio ad principium: ergo juxta principium datum, volitum propter rationem boni erit objectum actus liberi arbitrii, sicut conclusio est objectum assensus ratiocinativi.

XLJ. Nec huic duplici argumento obstat, quod D. THOMAS dicat voluntatem esse finis, & electionem mediorum; ac proinde ubi non datur aliquid volitum propter finem, non erit actus liberi arbitrii. Hoc dico, non obstat, eo quod idem

sit processus in amore boni particularis, qui concluditur ex amore boni universalis, ac in amore medii, qui concluditur ex amore finis, est enim utrobique unus actus ex alio deductus; & unum volitum propter aliquam rationem prius volitam. Quapropter in amore finis particularis ex amore ultimi finis militat eadem ratio, propter quam dicit D. THOMAS amorem medii esse electionem, & actum liberi arbitrii: tota enim ratio est, quia actus deducitur ex alio, & comparatur ad simplex *velle*, sicut ratiocinari ad intelligere; ulterius, quia unum objectum est volitum propter aliud objectum prius volitum, & comparatur sicut conclusio ad principium. Quæ omnia verificantur in amore, qui concluditur ex amore boni, sive in amore finis particularis, qui concluditur ex amore ultimi finis; aut etiam in amore ultimi finis in particulari, qui concluditur ex amore ultimi finis in universali. Omnes isti amores sunt formaliter actus liberi arbitrii, eo ipso quod sunt ex præcedente amore deducti, sicut quicumque actus intellectus ex alio deductus pertinet ad rationem, & non ad intellectum. Vide quæ dicemus de duplici electione cap. 10. num. 82.

* §. IV. *Quantum D. THOMAS testimonium ex lib. 2. contra Gentes, cap. 47.*

Quantum in hac secundâ editione superaddimus testimonium, quo clarissime convincitur, nihil aliud ad libertatem actus requiri, quam quod sint median-
te syllogismo practico, sive, quod idem est, ex amore præcedenti. Desumitur ex lib. 2. contra Gentes, cap. 47. ratione tertiâ, ubi sic discurrens Magister noster Doctor Communis: *Principium cuiuslibet operationis est forma, per quam aliquid est actu: cum omne agens agat in quantum est actu. Oportet igitur, quod secundum modum formæ sit modus operationis consequentis formam: Forma igitur, quæ non est ab ipso agente per formam, causat operationem cuius agens non est dominus. Si quæ verò fuerit forma quæ sit ab eo, qui per ipsam operatur, etiam consequentis operationis dominium habebis.* Quo posito. principio, plurimum observando, deducit, operationes, & motus naturales non cadere sub dominio agentium naturalium, quia formæ per quas agunt non sunt ab eis, sed ab exterioribus agentibus: non enim grave movet seipsum deorsum, sed generans, qui dedit ei formam. Idem deducit in animalibus brutis, quia formæ sensatæ, vel imaginatæ moventis non sunt adinventæ ab ipsis animalibus brutis, sed sunt receptæ in eis ab exterioribus sensibilibus; & omne æstimationis naturalis iudicium est eis inditum, non excogitatum.

Contrarium autem de agentibus per intellectum colligit in hunc modum: *Forma autem intellecta, per quam substantia intellectualis operatur, est ab ipso intellectu, ut patet per ipsum concepta, & quodammodo excogitata: ut patet de formâ artis, quam artifex concipit.*

concludat, v. g. ex hoc iudicio, *Dulce est amandum* concluditur hoc, quod est dulce esse amandum; & qui sic concludit, movet seipsum ad iudicandum, *hoc dulce est amandum*. Quare si oporteat aliquem movere seipsum ad iudicandum de quocumque particulari amando, necesse est, ut præhabeat iudicium attingens universalem rationem boni, ex quâ possit concludere quodcumque particulare esse amandum; nam ex iudicio v. g. quo iudicatur *dulce esse amandum*, solum ea, quæ sunt dulcia, possunt concludi esse amanda, ut ergo de quocumque bono possit concludi esse amandum, debet esse iudicium attingens rationem universalem boni. Ita Angelicus Doctor post verba nuper relata subiungens: *quæ quidem esse non potest nisi ipsa ratio boni, vel convenientiæ, per quam de quolibet determinato bono, vel convenienti iudicatur.*

Quidquid ergo iudicatur esse amandum ex universali isto iudicio, *bonum est amandum*, liberè iudicatur; non tamen practice iudicatur aliquid esse amandum ex universali iudicio, nisi præcesserit amor boni. Quare iudicium universale non est perfecte practicum, nec maiorem syllogismi practici format, nisi ut includit amorem efficacem boni; & sic omne iudicium erit formaliter liberum, quod ex amore boni concluditur.

§. II. Secundum Angelici Doctoris testimonium ex

q. 24. de Veritate, a. 2.

XXXVII. **S**ecundò nostra libertatis notio deducitur ex q. 24. ds Veritate, a. 2. ubi hæc habentur: *Si iudicium cognitive non sit in potestate agentis, sed sit aliunde determinatum, nec appetitus erit in potestate ejus, & per consequens nec motus, vel operatio absolute. Iudicium autem est in potestate iudicantis secundum quod potest de suo iudicio judicare. Iudicare autem de suo iudicio solius est rationis, quæ super actum suum reflectitur, & cognoscit habitudines rerum, de quibus iudicat, & per quas iudicat. Unde totius libertatis radix est in ratione constituta.*

Sat clarè his verbis nostra comprobatur doctrina: quod sub hâc formâ demonstrato. Quando iudicium est in potestate agentis, tunc amor sequens tale iudicium est in potestate agentis: sed iudicium conclusionis syllogismi practici est in potestate agentis: ergo, & amor, qui cum tali iudicio concluditur, erit in potestate agentis. Major exprimitur verbis citatis. Probatur Minor eadem autoritate: tunc iudicium est in potestate iudicantis, quando iudicat de suo iudicio: sed de iudicio conclusionis iudicat amans bonum; siquidem ex collatione boni particularis ad rationem boni concluditur; ergo iudicium conclusionis est in potestate amantis. Quare sive apprehendatur aliqua ratio mali in objecto, sive non apprehendatur, dummodo iudicetur esse amandum ex collatione ad universalem rationem boni, semper iudicans iudicabit de iudicio conclusionis, & consequenter iudicium conclusionis

semper erit in potestate judicantis. Si iudicium conclusionis sit in potestate judicantis, & actus sequens erit in potestate judicantis.

XXXIIJ. Perpetuus est Angelicus Doctor in asserendo, quod habere libertatem arbitrii, non sit aliud, quam esse causam sui iudicii. Ex quo principio probat ibidem bruta carere libertate arbitrii, quia non sunt causa sui iudicii, sed illud habent à naturâ determinatum. E contrâ hominem probat esse liberi arbitrii, quia est causa sui iudicii in quantum cognoscit rationem boni, & ejus, quod participat hujusmodi rationem. Verba Angelici Doctoris sunt hæc: *Ex iudicio rationis homines agunt, & moventur, conferunt enim de agendis: sed ex iudicio naturali agunt, & moventur omnia bruta Unde rectè consideranti apparet, per quem modum attribuitur motus, & actio corporibus naturalibus inanimatis, per eundem modum attribuitur brutis animalibus iudicium de agendis. Sicut enim gravia, & levia non movent seipsa ut per hoc sint causa sui motus, ita nec bruta iudicant suo iudicio: sed sequuntur iudicium sibi à Deo inditum, & sic non sunt causa sui arbitrii, nec libertatem arbitrii habent; homo verò per virtutem rationis iudicans de agendo potest de suo arbitrio iudicare, in quantum cognoscit rationem finis, & ejus, quod est ad finem, & habitudinem, & ordinem unius ad alterum.*

His omnibus luce meridiana clarius est, Angelicum Doctorem, libertatem tam iudicandi, quam amandi, non in alio posuisse, quam in potestate se applicandi, tam ad iudicandum, quam ad amandum. Unde sicut actio contingens est illa, quæ procedit à causâ impeditibili, ita actio libera est illa, quæ procedit à causâ potente se applicare, sive ad quam causâ se applicat: eo enim ipso habet sui actûs dominium. Quid est in aliquam personam dominium, nisi potestas imperandi tali personæ? nec igitur aliud erit dominium in aliquem actum, quam potestas imperandi talem actum, sive, quod idem est, potestas applicandi se ad actum. Hoc breviter perstrinxit D. THOMAS 22 dist. 24. q. 1. a. 1. dicens: *quod voluntas habeat dominium sui actûs, ex ipsâ naturâ potentia habet prout est imperans aliis, & à nullo imperata.*

§. III. Tertium Angelici Solis testimonium ex 1.

p. q. 83. a. 1.

XXXIX. NE quid desit authoritati, quam ex Angelico Doctore sumimus, ad probandam supradictam libertatis notionem, ex Summâ adducimus testimonium: in quo doctrina à nobis traditur mirificè splendet. Sumitur ex 1. p. q. 83. a. 1. Ubi dicitur: *Homo agit iudicio, quia per vim cognoscitivam iudicat aliquid esse fugiendum, vel prosequendum. Sed quia iudicium istud non est ex naturali instinctu in particulari operabili, sed ex collatione quadam rationis, ideo agit libero iudicio.* Quibus verbis ut num. 29. notavimus, tota traditur essentia libertatis; nam verba, quæ sequuntur, *Potens in diversa ferri, &*

concepti, & excogitas & per eam operatur. Substantia igitur intellectuales seipsas agunt ad operandum, ut habentis suæ operationis dominium.

Ex hoc testimonio convinco intentum sub hâc formâ: *judicium conclusionis est à voluntate, quæ per illud operatur: ergo operationis quæ ad judicium conclusionis consequitur, voluntas habebit dominium.* Prob. Ant. Si voluntas non amaret bonum, quantumcumque apprehenderet intellectus, & judicaret aliquid esse bonum, nunquam concluderet illud esse amandum: ergo judicium quo concluditur, *hoc est amandum* est à voluntate amante bonum: Non enim est ei à naturâ inditum, sed collatione actûs ex objecto excogitatum. Ex quo ulterius sequitur, amorem hujus boni eo ipso cadere sub dominio voluntatis, quod consequitur judicium conclusionis. Nam, ut ait D. THOMAS: *Si quæ fuerit forma, quæ fit ab eo, qui per ipsam operatur, etiam consequentis operationis dominium habebis.*

Quantumvis igitur in objecto nulla consideretur ratio mali, seu defectus boni, nec etiam in exercitio amoris; si tamen ex amore præcedenti judicaretur esse amandum; necesse est, ut amoris hujusmodi objecti voluntas habeat dominium: quia sequitur judicium, quod est ab eo, qui per ipsum operatur.

§. V. Objectione contra præcedens argumentum ex Molinistâ Extra-cto quod novissime exhibuit, qui nomen nostrum assumpsit.

Objicies, Doctrina præcedentis argumenti totaliter destruit Prædeterminationem Physicam: ergo insipienter à nobis adducitur. Prob. Ant. Juxta istam doctrinam oportet, ut Prædeterminatio Physica evellat libertatem: siquidem est forma quæ non est ab eo, qui operatur per ipsam. Dicit autem D. THOMAS, quod *Forma, quæ non est ab ipso agente per formam, causat operationem, cujus agens non est dominus.* Constat autem apud nos Prædeterminationem Physicam non esse à voluntate, quæ per eam operatur: ergo causat operationem, cujus voluntas non habet dominium.

Hanc objectionem novissimè nobis exhibuit quidam Molinista in quodam extracto ex libro Patris Josephi de Vitâ, de quo hætenus in hâc Almâ Universitate nihil fuit auditum. Undè credere nos oportet isti Molinistæ, quem non sincerâ valdè fide esse credimus. Ipse enim est, qui nomen Germani Philalethis Eupistini falsò sibi assumens Libellum edidit, in quo multiplices Antiquorum, Juniorumque autoritates pro Scientiâ Mediâ adversus Prædeterminationem Physicam inaniter congestit; præcipuum sanæ doctrinæ punctum prætermittens, & ad fictam propositionem Lessii approbationem, se convertens.

Hæc ego considerans zelo zelatus sum pro gratiâ Salvatoris nostri Domini IESU-CHRISTI, Unigeniti Filii Dei, & sincerum Veritatis amatorem, Vnumque bo-
næ fi-

incipit, & excogitas & per eam operatur. Substantia igitur intellectuales seipsas agunt ad operandum, ut habentis suæ operationis dominium.

Ex hoc testimonio convinco intentum sub hâc formâ : iudicium conclusionis est à voluntate, quæ per illud operatur : ergo operationis quæ ad iudicium conclusionis consequitur, voluntas habebit dominium. Prob. Ant. Si voluntas non amaret bonum, quantumcumque apprehenderet intellectus, & iudicaret aliquid esse bonum, nunquam concluderet illud esse amandum : ergo iudicium quo concluditur, hoc est amandum est à voluntate amante bonum : Non enim est ei à naturâ inditum, sed collatione actûs ex objecto excogitatum. Ex quo ulterius sequitur, amorem hujus boni eo ipso cadere sub dominio voluntatis, quod consequitur iudicium conclusionis. Nam, ut ait D. THOMAS : *Si quæ fuerit forma, quæ sit ab eo, qui per ipsam operatur, etiam consequentis operationis dominium habebis.*

Quantumvis igitur in objecto nulla consideretur ratio malî, seu defectus boni, nec etiam in exercitio amoris ; si tamen ex amore præcedenti iudicaretur esse amandum ; necesse est, ut amoris hujusmodi objecti voluntas habeat dominium : quia sequitur iudicium, quod est ab eo, qui per ipsum operatur.

§. V. Objectione contra præcedens argumentum ex Molinistâ Extra-cto quod novissime exhibuit, qui nomen nostrum assumpsit.

O Bijcies, Doctrina præcedentis argumenti totaliter destruit Prædeterminationem Physicam : ergo insipienter à nobis adducitur. Prob. Ant. Juxta istam doctrinam oportet, ut Prædeterminatio Physica evellat libertatem : siquidem est forma quæ non est ab eo, qui operatur per ipsam. Dicit autem D. THOMAS, quod *Forma, quæ non est ab ipso agente per formam, causat operationem, cujus agens non est dominus.* Constat autem apud nos Prædeterminationem Physicam non esse à voluntate, quæ per eam operatur : ergo causat operationem, cujus voluntas non habet dominium.

Hanc objectionem novissimè nobis exhibuit quidem Molinista in quodam extracto ex libro Patris Josephi de Virâ, de quo hætenus in hâc Almâ Universitate nihil fuit auditum. Undè credere nos oportet isti Molinistæ, quem non sinnerâ valde fide esse credimus. Ipse enim est, qui nomen *Germani Philalethis Eupisini* falsò sibi assumens Libellum edidit, in quo multiplices Antiquorum, Juniorumque auctoritates pro Scientiâ Mediâ adversus Prædeterminationem Physicam inaniter congestit ; præcipuum sanæ doctrinæ punctum prætermittens, & ad fictam propositionum Lessii approbationem, se convertens.

Hæc ego considerans zelo zelatus sum pro gratiâ Salvatoris nostri Domini JESU-CHRISTI, Unigeniti Filii Dei, & sincerum Veritatis amatorem, Vnumque bo-
næ fi-

ne fidei introduxi, qui mysteriosâ quâdam significatione, suo tempore revelandâ, eâ quæ suo nomini imposuerat prædictus Molinista, contrarium edocendo, retractaret. Non e mentito nomine, sed verè assumpto Scientiam mediam in præcipuo sanæ doctrinæ puncto revocavi ad examen: quia sine mendacio, & ullâ imposturæ notâ deformitatem illius aperui; pigmenta ex apothecis S. AUGUSTINI Impugnatorum conquesta dilui; varias Molinistarum fallacias, & cavillationes detexi; eos Concilio Tridentino, Sanctis Patribus non conformari invictè probavi; nec in re ab Impugnatoribus S. AUGUSTINI dissentire, tribus clarissimis collationibus ostendi; ut legenti Tomum primum manifestè patebit.

Successit nobis R. P. *Fasseau Ordinis Prædicatorum universalis Studii Regens, & Særa Theologia Licentiatu*, qui plerasque dicti Molinistæ authoritates falsificatas, vel truncatas, vel impertinentes esse ostendit. In præclaro suo, & studioso Opusculo, cui Titulus *Authoritas Germani Philalethii Euphysini contra Præmotiones Physicas pro Scientiâ exauthorata*.

Accessit, & *Veri Philalethii Amicus*, qui easdem authoritates sicut ab ipso Molinistâ afferuntur, pertractat, ac si fideliter relatæ fuissent. Et ex eis ostendit nihil ad intentum *Falsi Philalethii* posse concludi, undè meritò Titulum hunc assumpsit: *Vanitas triumphorum quos ab authoritate adversus Prædeterminationes Physicas pro Scientiâ Mediâ erigere nititur*, &c.

Expectabant Cordati solidum aliquod à Molinistis responsum, ut qui primi in arenam descenderant, pugnas, & palmas Scientiæ Mediæ referendo, postremi etiam pugnarent, & re palmas reportarent, quas verbis in libello suo prætulerant. Sordus incœpit spargi rumor de novo libro. Ererunt se Cordati, & magnū quid aviditate magnâ præstolabantur. Dicebatur eis quotidie, hodie scietis, quia publicabitur liber, & cras videbitis Molinistarum triumphos: sed antecessit noster Thomistarum triumphus, & ita Molinistas percutit, ut novus liber fuerit dilatus. Quis dilatum non crederet, ut triumphum nostrum destrueret, ad minùs turbaret? Crevit igitur cuiuslibet Cordati aviditas, sicut & dilationis tarditas. Tandem aliquando parturiere Molinistæ, & vidit lucem cum novo anno novus liber. Cœpit à Cordatis legi, & parvi fieri. Nam, loco solidæ alicujus responsionis ad tres præfatos libros, aut ad unum saltem ex illis, inventum tantum est quoddam Extractum ex Disputationibus Patris Josephi de Virâ è Regno Siciliæ nobis omnibus incogniti, qui Præmotionem Physicam impugnat, nullatenùs tamen Scientiæ Mediæ adhærens, Addita est Præfatio verbosa, & contumeliosa, remittens nos pro omni responsione ad lecturam istius Extracti. Accusantur Molinistæ de variis imposturis, falsificationibus Textuum, truncationibus, & mutilationibus testimoniorum. Quid faciliùs erat, quam ostendere falsò eos accusari, adducendo ipsos Textus, ipsaq̃ue testimonia. Et sicut fecerunt genuini Doctoris Angelici Sancti THOMÆ Discipuli, qui non ad inania recurrunt effugia.

Hoc

cia? Hoc est, ingenuè fateor, quòd totaliter me à Molinistis abalienavit; ardens enim amore veritatis ferre non potui, quòd à tor criminibus falsi, à triginta annis eis impositis, purgare se non curarent, nec valerent. Non igitur nova facta obtrudant, sed ad præterita respondeant; ne istis assimilentur litigantibus, quos vulgò dicimus *Chicaners*, qui injustitiam suæ causæ agnoscentes nunquam ad principale (ut dicitur) veniunt, sed semper nova incidentia excogitant, & proponunt. Ad rem redeamus, & objectionem propositam dissolvamus, breviterque Extractum Molinisticum confutemus.

§. VI. *Solutio præcedentis objectionis; & BREVIS REFUTATIO EXTRACTI MOLINISTICI.*

SI unus è Scholaribus nostris extraheret ea, quæ Claudius Tiphanius Jesuita docuit contra Scientiam Mediam, & pro solutione præsentis Objectionis remitteremus Adversarios ad hujusmodi Extractum aliquà Præfatione adornatum, jure merito à Molinistis subfannaremur. Sed absit ut hanc injuriam Angelicæ faciamus doctrinæ. Hæc sunt Scientiæ Mediæ præsidia. Angelica doctrina sibi sola sufficit, & eò sit potentior, quò magis expugnatur. Prodeant audacter Adversarii, quocumque advocent nos, si veritas prævaleat, & non autoritas, certi sumus de victoriâ. Testis sit brevis hæc refutatio.

Objectionis tota vis consistit in hoc syllogismo: *Forma, quæ non est ab ipso agente, per formam causat operationem, cujus agens non est dominus: sed Prædeterminatio Physica est forma, quæ non est à voluntate agente per eam; ergo Prædeterminatio Physica causat operationem, cujus voluntas non est domina.*

RESPONDETUR distinguendo Majorem; Forma, quæ non est ab ipso agente per formam causat, &c. si sit dependens ab aliâ formâ, quæ est ab agente, negatur: Si sit independens, conceditur. Deindè distinguitur Minor, Prædeterminatio Physica est forma, quæ non est à voluntate, & est independens ab aliâ formâ, quæ est à voluntate, negatur: & est dependens ab hujusmodi formâ, conceditur. Admittimus principium Angelicum, quòd operatio non sit libera, si principium, quod proxime sequitur, non sit à voluntate; nec dubitamus Prædeterminationem Physicam non posse causare operationem liberam, si se solâ, & independentem à dicto principio prædeterminet voluntatem. Hoc autem est quod negamus, & in quo impingunt Adversarii.

Nam, ut notavimus Opusc. 1. num. 53. ipsi existimant, & suis Scholaribus inculcant, nos docere, eò ipso voluntatem operari liberè, quò Deus in illâ producit aliquam qualitatem determinantem eam ad amandum. Hocque operationis liberæ simulachrum videtur sibi efformasse *Iosephus de Vitis*. Verùm falluntur Adversarii.

X

Con-

Concedimus qualitatē determinantem, sed dependentē à iudicio practico, quod est conclusio syllogismi practici, quæ conclusio à voluntate procedit. Hanc conclusionem agnoscit Iosephus de *Vitâ* esse proprium motivum voluntatis liberè agentis: idē contra illum efficacissimè retorquetur argumentum: *Actio, quæ sequitur conclusionem syllogismi practici, quæ est à voluntate, est libera: sed Prædeterminatio Physica causat actionem, quæ sequitur dictam conclusionem: ergo Prædeterminatio Physica causat actionem liberam.*

Cerne, CORDATE LECTOR, verum esse quod diximus, nempe Anglicam doctrinam ed fieri potentiorē, quod magis impugnatur. Medium, quo putavit Iosephus de *Vitâ* Prædeterminationem Physicā funditus destrui, ipsum est quod eam magis confirmat, ejusque suavitatem declarat. Prædeterminatio enim Physica recepta in voluntate, eo quod non sit ab illâ, determinat eam efficaciter ad agendum; sed quia determinat dependentē à conclusione syllogismi practici, determinat eam ad agendum liberè.

INSTABIS I. Prædeterminatio Physica determinatur, & specificatur à voluntate: ergo non determinat eam. Prob. Ant. Prædeterminatio Physica non est aliud, quàm motio primo moventis. De hac autem sic loquitur D. THOMAS q. 1. de potent. 2. 4. ad 3. *Dicendum, quod licet causa primaria maxime influat in effectum, tamen ejus influentia per causam proximam determinatur, & specificatur: Et idē ejus similitudinem imitatur ejus effectus.* & q. 5. de Veritate, a. 9. ad 10. dicit: *Effectus causæ secundæ magis assimilatur causæ secundæ; quia per eam determinatur quodammodo actus causæ primæ ad hunc effectum.* Denique in 1. dist. 38. q. unicâ. art. 5. in corp. docet, necessitatem, & contingentiam effectus non sequi ad causam primam, sed ad causam proximam: quia *virtus causæ primæ recipitur in causâ primâ secundum modum causæ secundæ. Effectus enim ille non procedit à causâ primâ; nisi secundum quod virtus causæ primæ recipitur in secundâ causâ.* His testimoniis urgeri, & premi nos putat Iosephus de *Vitâ*, qui ex illis alterum depromit gladium ad confodiendam Prædeterminationem Physicā.

RESPONDETUR, distinguendo Ant. Prædeterminatio Physica determinatur, & specificatur à voluntate, ut substat iudicio intellectus proponente ei bonitatem objecti, conceditur. Prædeterminatio Physica determinatur, & specificatur ab actione voluntatis, negatur. Et similiter dicendum est de motionē primi moventis, quam in citatis testimoniis docet D. THOMAS determinari, & specificari à virtute causæ secundæ, non tamen ab actione causæ secundæ quam antecedit. Sensus nostræ solutionis est, quod Prædeterminatio Physica, seu motio primi moventis, determinatur à voluntate ut intelligitur in actu primo, sed determinat eam ad actum secundum. Voluntas dupliciter est in actu primo. Uno modo per suam potentialitatem conjunctam intellectui proponenti objectum; si Prædeterminatio Physica recipiatur in voluntate sic dispositâ, ita modificabitur ut solam determinabit voluntatem.

luntatem ad elicitive amandum, non autem ad applicative amandum. Alio modo voluntas est in actu primo per aliquem amoris actum; si Prædeterminatio Physica recipiatur in voluntate amante, v. g. finem, determinabit eam ad amandum applicative media: similiter, si recipiatur in voluntate amante rationem boni, determinabit eam mediante syllogismo practico, ut se applicet ad amandum hoc particulare bonum. Ex quo aperte videri potest, ipsum *agere*, esse proprium effectum Prædeterminationis secundum se sumptæ, sed *saliter*, & *taliter agere*, esse effectum Prædeterminationis, ut in tali, & tali virtute receptæ, & in voluntate, ut sub tali, & tali iudicio constitutæ. Vide Opusc. 1. num. 50. & sequentes; specialiter num. 56.

Hic iterum elucet, Angelici Solis doctrinam in infirmitate perfici, id est, majus robur accipere, ubi ab Adversariis infirma putatur. Nam ex citatis ab Adversario in hac instantiâ testimoniis aperte habetur, motionem primi moventis, ad quam sequitur actio causæ secundæ, esse quid receptum in causâ secundâ antecedens actionem causæ secundæ, & inferens eam. Motio recepta in causâ secundâ antecederet ad actionem, & inferens eam est apud nos Prædeterminatio Physica. Agnoscit *Iosephus de Vitâ* motionem primi moventis inferre actionem causæ secundæ. Dicit D. THOMAS motionem primi moventis recipi in causâ secundâ: ergo *Iosephus de Vitâ* cogitur agnoscere esse aliquid receptum in causâ secundâ, quod inferat actionem illius; ergo & Prædeterminationem Physicam cogitur admittere. Quia tamen *motus primi moventis recipitur in unoquoque secundum modum proprium*, ut ait Magister postea, ideo Prædeterminatio Physica à virtute, in quâ recipitur, ita modificatur, ut causæ liberæ non inferat necessitatem, nec causæ necessariæ conferat libertatem. Proprium illius munus est, si secundum se consideretur, facere quod causa secunda agat. Sed recepta in calore v. g. facit quod calor agat, & quia actio exiens à calore est calefactio, facit quod calor calefaciat. Similiter recepta in voluntate dependenter à iudicio de amando, facit quod voluntas dependenter à iudicio de amando agat, & quia voluntatem agere dependenter à iudicio de amando, est amare, facit quod voluntas amet; & quidem liberè amet, si iudiciû de amando fuerit conclusio syllogismi practici. Non dubitat Adversarius, amorem esse liberum, qui syllogismi practici sequitur conclusionem: nec igitur in dubium vertere poterit, Prædeterminationem Physicam fundare, & firmare libertatem amoris, dum dependenter à conclusione syllogismi practici facit quod voluntas amet.

• INSTABIS 2. Per conclusionem syllogismi practici sufficienter determinatur voluntas ad amandum; ergo superfluit Prædeterminatio Physica. Patet Consequentia, quia indigentia Prædeterminationis oritur ex eo quod voluntas est ad utrumlibet; si ergo voluntatis indifferentia sufficienter determinetur per conclusionem syllogismi practici, superflua erit Prædeterminatio Physica. Prob. Ant. ex D. THOMA q. 3. de malo, a. 3. ad 5. ubi subi obicit hoc modo: *Omne quod se habet*

ad utrumlibet indiget aliquo determinante ad hoc, quod exeat in actum: sed liberum arbitrium hominis ad utrumlibet se habet, scilicet ad bonum, & malum: ergo ut exeat in actum peccati, indiget ut ab aliquo determinetur ad malum. Maximè autem hoc videtur fieri à diabolo, cujus voluntas est determinata ad malum: ergo videtur quòd diabolus sit causa peccati. Et respondet: Ad quartum dicendum, quòd voluntas cum sit ad utrumlibet, per aliquid determinatur ad unum, scilicet per consilium rationis. Nec hoc oportet esse per aliquid agens extrinsecum. Ergo per conclusionem syllogismi practici sufficienter determinatur voluntas ad amandum.

RESPONDETUR, distinguendo Ant. Per conclusionem syllogismi practici sufficienter determinatur voluntas ad amandum, in ratione agentis liberi, conceditur. In ratione liberi secundi, negatur. Voluntas non solum est agens liberum, sed insuper est liberum secundum. In quantum est agens liberum debet à se determinari; ad quod sufficit conclusio syllogismi practici. In quantum est liberum secundum debet à primo libero determinari; ad quod requiritur Prædeterminatio Physica. Quando ergo Thomistæ ex eo quòd D. THOMAS dicit, omne quod est ad utrumlibet debet ab alio determinari, concludunt voluntatem à solo Deo determinari, sensus est, quòd à solo Deo tanquam à primo libero debeat determinari, cui non obstat, quòd à seipsa tanquam à secundo libero determinetur. Quod ait D. THOMAS, nec hoc oportet esse aliquid agens extrinsecum, sensus est, quòd ut voluntas determinetur in ratione agentis liberi non oportet ut hoc fiat ab agente extrinseco; cum quo stat eam ab extrinseco determinari in ratione liberi secundi.

INSTABIS 3. Ad hoc quòd actio voluntatis tribuatur Deo, ut primo moventi, sufficit quòd præcedens actus, ex quo se applicat, sit à Deo prædeterminans: ergo superfluit Prædeterminatio ad actum secundum. Prob. Ant. ex D. THOMA 1. 2. q. 9. a. 4. ubi dicitur: *Voluntas movet seipsam in quantum per hoc, quod vult finem, reducit seipsam ad volendum ea, quæ sunt ad finem. Hoc autem non potest facere nisi consilio mediante.* Cum enim aliquis vult sanari, incipit cogitare quomodo hoc consequi possit, & per talem cogitationem pervenit ad hoc, quòd potest sanari per Medicum, & hoc vult, sed quia non semper sanitatem ætèrnam voluit, necesse est quòd inciperet velle sanari ab aliquo movente, & siquidem ipsa moveret seipsam ad volendum, oportuisset quòd mediante consilio hoc ageret ex aliqua voluntate præsupposita: hoc autem non est procedere in infinitum. Unde necesse est ponere, quòd in primum motum voluntatis voluntas procedat ex instinctu aliquus exterioris moventis, ut Arist. concludit in quodam cap. Ethicæ Endimica.

RESPONDETUR, distinguend. Ant. Ad hoc quòd actio voluntatis tribuatur Deo, ut primo moventi remotè, sufficit, &c. conceditur. Tribuatur Deo, ut primo moventi immediatè, negatur. Hic plurimùm hallucinatus est Adversarius, dum consideravit Deum, ut causam remotam illius operationis, quam facit mediis causis secundis inter se subordinatis; cum tamen cujuscumque operationis, & effectus causarum secundarum Deus sit causa proxima, & immediata; ita ut quicumque

Dei

Dei effectus trahat secum substantiam Dei sibi conjunctam; ratione cujus Deus dicitur omni rei præsens secundum suam essentiam; quod certè verum non esset, si solum sit causa remota illorum effectuum, qui fiunt à causis secundis inter se subordinatis; ut patet in sole, qui non est præsens mineralibus secundum suam essentiam, sed solummodo secundum suam virtutem; quia mineralium non est nisi causa remota. Docet hoc Sol Angelicus multis in locis, & breviter in 1. dist. 37. q. 1. a. 1. ad 2. *Illud quod agit per suam absentiam non est causa proxima ejus, quod sit, sed remota: virtus enim solis primò imprimitur in corpore sibi conjuncto, & sic deinceps usque ad ultimum, & hæc virtus est lumen ejus, per quod agit in his inferioribus, ut Avic. dicit. Similiter patet, quod Rex præcipiens est causa prima, sed exequens præceptum est causa proxima, & conjuncta: Deus autem immediatè in omnibus operatur, undè oportet, quod in omnibus sit.*

Ratiostius doctrinæ est, quod Deus non agat per virtutem à se diffusam, sed virtus Dei est ipsa essentia Dei; & idèò ubicumque est virtus Dei, est ipsa essentia Dei. Cùm ergo cuicumque actioni, & effectui causarum secundarum virtus Dei sit immediatissima, oportet ut essentia Dei immediatè quamcumque actionem causæ secundæ operetur. Quod si obiciatur impossibile esse, quod duo agentia operentur immediatè eandem rem; Respondet Communis Ecclesiæ Doctor ibid. ad 4. *Dicendum, quod respectu ejusdem operationis non potest esse duplex causa proxima eodem modo: sed diversimodè potest, quod sic patet. Operatio reducitur sicut in principium in duo: in ipsum agentem, & in virtutem agentis, qui mediante exit operatio ab agente. Quantò autem agens est maius proximum, & immediatum, tantò virtus ejus est mediata, & primi agentis virtus est immediatissima. Et postquam hoc probavit, concludit. Et ita patet, quod enim Deus sit prima causa omnium, sua virtus est immediatissima omnibus. Sed quia ipsemet est sua virtus; idèò non tantum est immediatum principium operationis in omnibus: sed immediatè in omnibus operans, quod in aliis causis non contingit, quamvis singulares operationes habeant, quibus produciunt suos effectus. Vis solutionis consistit in hoc quod una actio possit esse immediata à duobus suppositis, si unum sit sua virtus: quia tunc non uno modo exhibet operatio ab utroque; etenim ab uno exhibet immediatè ut à supposito distincto à suà virtute; ab alio exhibet immediatè ut à supposito quod est sua virtus, in cujus virtute alterum operatur. Ut ergo actus secundus voluntatis sit immediatè à Deo, non sufficit quod in virtute actus primi à Deo prædeterminati se applicet voluntas, sed oportet ut etiam ad illum detur sua prædeterminatio, quæ recepta in voluntate habente primum actum facit quod se determinet ad secundum in ratione liberi secundi.*

Mirum in modum stabilitur ex doctrinâ traditâ Prædeterminatio Physica, quam infirmare enixus est Adversarius. Etenim ex eâ habemus quod Deus substantialiter sit præsens omnibus causis, quantumvis inter se subordinatis; nec si aliquis effectus qui non sit immediatè à Deo. Undè dum dicitur aliquos effectus esse im-

mediatè à Deo, ut *Angelus*, *anima rationalis*, qui immediatè à Deo creantur, non est sensus, quòd alii, qui fiunt mediis causis secundis non sint immediatè à Deo, sed sensus est, quòd ad aliquos effectus dignetur Deus communicare quibusdam creaturis dignitatem causandi; secus ad alios. Non enim ob indigentiam, sed ex solà dignatione utitur Deus suis creaturis ad causandum aliquos effectus; sicut si dominus aliquis habens solus potestatem sufficientem trahendi navem, assumeret secum ad trahendum servos suos, quos ita subordinaret ut primus moveret manum secundi, secundus tertii; quamvis sit sua disparitas, quòd dominus ille, & servi ejus se haberent ut causæ partiales; Deus autem, & causæ secundæ se habeant ut causæ totales.

Certum est in doctrinâ Angelicâ Deum esse in omni operante quadruplici titulo; 1. Ut causans virtutem agendi. 2. Ut conservans eam. 3. Ut applicans eam. 4. Ut elevans eam. Qui tituli ita se habent, ut detur causans virtutem, qui non sit conservans; & conservans, qui non fuerit causans; detur etiam applicans virtutem, qui non sit conservans eam, nec etiam elevans; & quamvis detur elevans, qui non sit applicans, ut lumen gloriæ respectu intellectus, attamen respectu effectus proprii Dei, Deus applicando causas secundas elevat eas ad accipiendum hujusmodi effectum; sicut, qui non habet artem, applicat securum ad scindendum; qui verò habet artem, applicando securum elevat eam ad attingendum effectum artis.

Certum quoque est in doctrinâ Angelicâ, *Deum esse in aliquo*, idem esse ac *Deum operari in aliquo*. Ex eo quòd Deus sit in operante illo speciali titulo per modum applicantis virtutem, debet producere aliquid in operante, quod nec sit productio, nec conservatio virtutis. Nam alius est modus essendi in operante, ut causans, & conservans; alius est modus essendi ut applicans, & elevans: sed diversus modus essendi in operante inducit diversum effectum: ergo Deus habet aliquem effectum in operante ut applicans, & elevans, quem non habet ut causans, & conservans virtutem. Clarissimè hoc expressit Sol Angelicus q. 3. de potentia, a. 7. ubi in corp. ait: *Tertiò dicitur una res esse causa actionis alterius, in quantum movere eam ad agendum; in quo non intelligitur collatio, aut conservatio virtutis activæ, sed applicatio virtutis ad actionem; sicut homo est causa incisionis cuspide, ex hoc ipso quod applicat acumen cuspide ad incidendum movendo ipsum.*

Deinde concludit: *Sic ergo Deus est causa actionis cujuslibet, in quantum dat virtutem agendi, & in quantum conservat eam, & in quantum applicat actioni, & in quantum ejus virtute omnis alia virtus agit. Et cum conjunxerimus his, quòd Deus sit sua virtus, & quòd sit intra rem quamlibet non sicut pars essentialis, sed sicut remans rem in esse, sequatur quòd ipse in quolibet operante immediatè operetur, non exclusâ operatione voluntatis, & naturæ. En quomodo mediæ causæ, quibus Deus utitur ad producendum esse alicujus creaturæ, non tollunt, quin Deus immediatè operetur illud, ex eo quòd sit sua virtus. Cur ergo causæ mediæ applicantes, quibus Deus utitur ad applicandum virtutem*

rorem alicujus operantis, tollent quod Deus immediatè applicet, quandoquidem licet etiam sua virtus applicativa. Hoc autem salvari nequit, nisi cuilibet operationi propria sit aliqua applicatio; cujus naturam sic explicat Lucidissimus Ecclesiæ Sol ibid. ad 7. his verbis: *Id quod à Deo fit in re naturali, quo actualiter agat, est ut intentio sola, habens esse quoddam incompletum, per modum quo, colores sunt in aëre, & virtus artis in instrumento artis.* Quibus lucidioribus verbis potuisset Magister Orbis exprimere Prædeterminationem Phycicam? per quam nihil aliud intelligimus, quam aliquid in causâ existens quo actualiter agat, distinctum ab actione causæ, sicut virtus artis in instrumento artis distinguitur ab actione artis: Judicet Cordatus, an non cæcuriant in meridie, qui Prædeterminationem Phycicam in D. THOMA non legunt?

Supposito quod Deus prædeterminet causas secundas ad suas operationes evidenter sequitur, quod ad totum id, quod est perfectionis, & entitatis in actione peccati, debeat quoque Deus prædeterminare voluntatem. Nam si, ut fatetur *Iosephus de Virâ*, Deus vult totum, quod est perfectionis, & entitatis, non volens o malitiam; cur non applicaret voluntatem ad totum, quod est perfectionis, & entitatis, non applicando ad malitiam? cum enim executio voluntatis divinæ commensuretur voluntati divinæ, si voluntas secernat bonitatem actionis peccati à malitiâ peccati, & ipsa prædeterminatio, quæ est divinæ voluntatis executio, secernat bonitatem actionis peccati à malitiâ peccati. Mirari non valeo aliquos in hac assertionem pati difficultatem: cum clarissimum sit, nullum actionis defectum refundi in Deum ut applicantem. Nam applicatio præsupponit principium, & ab eo modificatur, & ideo, si in principio fuerit defectus, principio deficiente tribuetur defectus actionis, non ipsi applicationi. Ratio est, quod causa applicans, quantum est ex parte suâ, æqualiter secundum regulas suæ artis applicat principium deficiens, & rectum; quasi enim per accidens se habet ad causam applicantem, quod principium sit deficiens, aut rectum, eo quod dispositio principii non cadat sub causâ applicante, in quantum tali.

Quare si voluntas fuerit in debitâ dispositione ad Deum, applicabitur à Deo ad actionem virtutis; si non fuerit in debitâ dispositione applicabitur à Deo ad actionem peccati, ita ut totum, quod est perfectionis, sit à Deo applicante, malitia verò sit à voluntate non existente in debitâ dispositione. Differt voluntas à causâ naturali, quod defectus causæ naturalis reducatur in Deum, ut in causam; & ideo peccatum naturæ, licet non sit à Deo ut applicante, est tamen à Deo ut causante defectum principii. Defectus autem voluntatis est ex solo arbitrio, & ideo peccatum moris nec in Deum ut applicantem, nec in Deum ut causantem defectum principii, sed in totam voluntatem reduci potest. Quæ omnia observatu dignissima sunt, & largius explicuimus Opusc. 1. cap. 2. toto a. 3. ubi ostendimus majorem pati difficultatem in hac materiâ concursum pedissequum Molinistarum, quam concursum prædeterminantem.

nantem Gemini Ecclesiæ Solis. De quo iterum vide Speculum Scientiæ Mediæ oppositum in eodem Opusculo. cap. 1. art. 4.

Nec sufficienter Salmanticenses impugnat dictus *Iosephus*; quia dato (quod tamen minime damus) testimonia S. AUGUSTINI posse solum intelligi de permissione quoad malitiam, & causalitate occasionali; supposito tamen (ut invictè probatur) quod S. AUGUSTINUS admiserit Prædeterminationem Physicam ad actiones bonas; cum majori energiâ intelliguntur ejus testimonia, si ad materiale peccati extendatur Prædeterminatio Physica. Ad libertatem redeamus.*

CAPUT. SEXTUM.

*Eadem libertatis notio ex principiis Sancti
AUGUSTINI manifestatur.*

EX notione libertatis ab AUGUSTINO cap. 3. traditæ, satis constat amorem, qui ex amore boni concluditur, esse formaliter liberum: cum fiat, quia volumus, Ut tamen mens S. AUGUSTINI magis pateat, placuit in hoc Capite amplius eam examinare.

§. I. De distinctione voluntatis ut natura, & voluntatis ut ratio.

XLIJ. CERTUM est, non omnes actus voluntatis esse formaliter liberos, & in potestate voluntatis, ut paret in subditis motibus contra fidem. Quare cum Angelico Doctore distinguenda est voluntas *ut natura*, à voluntate *ut ratio*. Quam distinctionem tradit 3. p. q. 38. a. 3. & alibi sæpè. Voluntas *ut natura* dicitur, dum ad simplicem apprehensionem alicujus rei statim judicamus eam esse amandam, & amamus. Sicut enim posita terminorum cognitione naturaliter assentimur principiis; ita sunt quædam bona, quæ quamprimum ea cognoscimus, naturaliter prosequimur, non ex quâdam rationis collatione, sed ex instinctu naturæ, qui tamen instinctus aliquando est viciatæ naturæ instinctus. Voluntas autem *ut ratio* dicitur, quando ex collatione rationis judicamus aliquid esse appetendum, sive con-

fera-

feratur medium cum fine, sive ultimus finis in particulari cum ipsâ ratione ultimi finis in communi, aut bonum particulare cum bono universali. Exempli gratiâ, quis febricitans ad apprehensionem sanitatis judicat eam esse amandam, & amat, ac desiderat: Ecce voluntas *ut natura*. Supervenit ratio, & advertens se amare sanitatem deliberat, an sanitas sit amanda. Tunc conferens illam cum ratione convenientis, format hunc syllogismum practicum: *Omne, quod est mihi conveniens, est amandum, sed sanitas est mihi conveniens: ergo est amanda*. Si verò ratio conferat sanitatem cum aliquo alio bono particulari, v. g. animæ salute, formabit hunc syllogismum: *Omne bonum est amandum; sanitas est bona, quia conducit ad salutem animæ: ergo sanitas est amanda propter animæ salutem*. In primo syllogismo amatur sanitas propter propriam bonitatem; in secundo propter alterius bonitatem. In utroque, si sola ratio convenientiæ, aut utilitatis consideretur, concluditur libertas exercitii, sive dominium sui actûs. Si verò aliqua ratio mali simul consideretur, concluditur libertas specificationis, sive dominium ad plures actus.

XLIIJ. Circa hanc distinctionem hic obiter nota, voluntatem *ut natura*, comparari ad rationem, eodem ferè modo ac appetitus sensitivus. Nam sicut iste prævenit in nobis rationem, & retardat, aut impedit voluntatis motum, ita & voluntas *ut natura* prævenit rationem, & impedit quandoque motum voluntatis *ut ratio*; ut patet in subitis moribus, quibus movemur, vel contra fidem, vel ad judicandum malum de proximo, & similibus aliis multis. Verùm in Christo Domino, tam voluntas *ut natura*, quàm appetitus sensitivus sequebantur in omnibus imperium rationis, quæ quandoque permittebat ea moveri secundum propriam rationem, ut patet in illâ voluntate, quâ Christus erat tristis de morte secundum se, quam & voluntas *ut natura*, & appetitus sensitivus refugiebant, in nullo tamen impediennes motum voluntatis *ut ratio*, quæ mortem, ut conducentem ad salutem nostram, amplectebatur.

XLIV. Hoc autem ad nostrum intentum facit, quòd sola voluntas *ut ratio* propriè, simpliciter voluntas dicitur, eo quòd voluntati competit secundum quòd ei proprium est, sive secundum quòd voluntas est. Ita Doctor Angelicus de verit. q. 22. a. 5. Ad ultimum argumentum sibi in hac formâ propositum: *ex eo quòd est aliquid voluntarium, dicitur esse in nobis, ita quòd nos domini illius sumus; sed illud, quòd est in nobis, cuius domini sumus, possumus velle, & non velle: ergo omne, quòd voluntas vult, potest velle, & non velle, & ita non de necessitate aliquid vult*. Concedit D. THOM. totum argumentum, & solum negat quòd ultimò inferitur, scilicet voluntatem non de necessitate aliquid velle; quia totum argumentum verificatur de voluntate *ut ratio*, sive de voluntate ut voluntas est, cum quo stat, quòd voluntas *ut natura* de necessitate aliquid velit. Verba Angelica sunt hæc: *Dicendum quòd ratio illa procedit de voluntate secundum quòd voluntas est, hoc enim est PROPRIUM VOLUNTATI IN QUANTUM EST VOLUNTAS, QUOD SIT DOMINA SUORUM ACTUUM*.

§. II. *Ex præmissâ distinctione mens S. AUGUSTINI pro
nostrâ libertatis notione aperitur.*

XLV. *J*uxta regulam Angelici Doctoris nuper datam convenientissimè intelligitur S. AUGUSTINUM semper loqui de voluntate ut voluntas est, sive de voluntate ut ratio, dum volitionem docet esse liberam, eo ipso quòd volitio est: siquidem est proprium voluntati secundum quòd voluntas est, quòd sit dominum suorum actuum, inquit D. THOMAS. Et cum voluntas, ut voluntas est, sit ipsa voluntas, ut ex amore boni se determinans, idem erit apud S. AUGUSTINUM volitionem esse liberam, & in nostrâ potestate, eo ipso quòd volitio est; ac dicere volitionem esse liberam, & in nostrâ potestate, eo ipso quòd sit à voluntate ex amore boni se determinante. Undè volitionem sumit S. AUGUSTINUS ut plurimum pro volitione rationali, ad quam voluntas modo dicto se determinat. Ratio quoque convincit sic esse intelligendum S. AUGUSTINUM; cum enim omnis actus voluntatis sit quædam volitio, sicut omnis actus intellectus intellectio; & certum sit plures actus voluntatis esse indeliberatos, & consequenter plures volitiones non esse in potestate nostrâ, necessarium est, ut dictum S. AUGUSTINI, quo asserit, volitionem esse in potestate nostrâ, eo ipso quòd volitio est, explicetur de voluntate rationali, sive de volitione, ut est à voluntate ex amore boni se determinante: vel, ut ait D. THOMAS, de volitione, quæ procedit à voluntate secundum quòd voluntas est.

XLVI. Quibus suppositis perspicuum est, S. AUGUSTINUM nostram tradidisse libertatis notionem, nempe, illum actum esse in potestate nostrâ, ad quem voluntas ex amore boni se determinat. Dum ergo lib. de spiritu, & litterâ, cap. 3. r. ait: *Hoc quisque in potestate habere dicitur, quod si vult, facit, si non vult, non facit*: est idem ac si diceret, hoc quisque habere in potestate, quod, si determinat ad faciendum, facit, si non determinat ad faciendum, non facit. Item quodlib. r. retract. cap. 21. dicitur, *in potestate nostrâ non est, nisi quod nostram sequitur voluntatem*, non habet convenientiorem intellectum, quàm ut intelligatur, illud esse in potestate nostrâ, quod fit ex præcedente voluntate.

Si illud sit in potestate nostrâ, quod fit ex præcedente voluntate, multò magis ipsa volitio, quæ fit ex præcedente voluntate, erit in potestate nostrâ. Nam si actio, quæ non semper adest, eo quòd ab aliquo superveniente potest impediri, sit in potestate nostrâ, quia ex præcedente voluntate fit: multò magis volitio erit in potestate nostrâ; si ex præcedente voluntate fiat; quia si ad illam nos determinamus, mox aderit, nec ab ullâ causâ impediri poterit. Quod dilucidè expressit S. AUGUSTINUS lib. 3. de libero arbitrio, cap. 3. *Non enim posses aliud sentire esse in potestate nostrâ, nisi quod, cum volumus, facimus. Quapropter nihil tam in nostrâ potestate, quàm ipsa volumus*

voluntas est, (intellige volitionem rationalem, seu eam, ad quam se determinat voluntas) eam enim prorsus nullo intervallo, mox, ut volumus, præsto est.

XLVIJ. Nota, quod sola volitio, ad quam se applicat voluntas, dicitur præsto esse voluntati, non verò ea, ad quam non se applicat. Cujus ratio est, quòd actio tribuitur applicanti; non enim rectè dicitur, quòd calefactio præsto sit igni, sed magis, quòd præsto sit applicanti ignem: similiter motus voluntatis, naturalis, & indeliberatus, non rectè dicitur præsto esse voluntati, sed magis applicanti voluntatem: siquidem non adest nobis ex propriâ voluntatis determinatione, sed ex instinctu naturæ, & determinatione illius, qui naturam fecit. Quare rectè subdit S. AUGUSTINUS: *non enim negare possumus habere nos potestatem, nisi cum nobis, quod volumus, deest.* Illud nobis deest, quod non fit, dum voluntas se applicat ad volendum facere. Quando verò ab alio applicatur ad volendum facere, & actio non fit; tunc actio non deest nobis, sed ei qui applicat nos ad volendum. Nam sicut actio, ita & actionis defectus tribuitur applicanti; si ergo Deus faciat me velle *intensè amare*, & non intensè amo, intensus amor deest Deo applicanti, non mihi. Si verò è contrà, faciam me velle *intensè amare*, & non intensè amo, intensus amor deerit mihi, nec erit in potestate meâ.

Verùm, quia dum applico me ad volendum, *volo*, volitio ad quam me applico, adest mihi, & si illa deesset, non me ad volendum applicarem. In quo sensu dixit S. AUGUSTINUS, *dum autem volumus, si ipsa voluntas deest nobis, non utique volumus.* Quasi diceret, dum voluntas se determinat ad volendum, si ipsa volitio non statim poneretur, non se determinaret ad volendum.

Quatuor verbis totam libertatis essentiam expressit S. AUGUSTINUS dicens: illud esse liberum, & in potestate nostrâ, *quod, cum volumus, facimus.* Ubi ly *volumus* certum est non accipi pro actu voluntatis indeliberato, sed pro actu voluntatis secundum quòd voluntas est, ac proinde pro actu voluntatis se ex amore boni determinantis, voluntas, ut voluntas idem est, ac voluntas ex amore boni se determinans. Quidquid igitur ex amore boni facimus, liberum, & in potestate nostrâ est secundum S. AUGUSTINUM. En germana libertatis species, & essentia; en verum actus sui dominium; quæ, qui aliter concipit, caligine se involvit.

1231

Yz

CAPUT

CAPUT SEPTIMUM.

*Neceſſitas naturalis inclinationis dominio
ſui actûs non repugnat.*

XLVIIJ. **S**I determinatio ad unum objectum dominio ſui actûs non repugnet, nec neceſſitas naturalis inclinationis ei repugnabit. Nam hæc neceſſitas eſt quædam determinatio ad aliquid unum, ex aliquâ interiori inclinatione procedens, ſivè iſta inclinatio ſit à naturâ, ſivè ſit acquiſita, ſivè inſuſa; qualiſcumque ſit hæc interior inclinatio, dicitur naturalis ex modo inclinandi: ſicut enim natura in unum ſemper tendit, ita & interior inclinatio ad aliquid unum ſemper inclinatur. Determinatio ergo ad aliquid unum ex interiori inclinatione procedens, dicitur neceſſitas naturalis inclinationis; ſicut determinatio ad aliquid unum, ſine quo finis amatus haberi non poteſt, dicitur neceſſitas ex fine. Neutram neceſſitatem dominio ſui actûs repugnare, frequentiffimè ab utroque Eccleſiæ Sole aſſeritur, & clarè ex jam dicto principio in præſenti capite deducemus.

*§. I. Determinatio ad unum objectum dominio ſui
actûs non repugnat.*

XLIX. **O**Mnes admittunt, neceſſitatem ſpecificationis dominio ſui actûs non repugnare. Determinatio ad unum objectum, ſi benè conſideretur, non aliam, quam ſpecificationis inducit neceſſitatem. Quod ex ſyllogiſmo practico manifeſtum ſit. Major huius ſyllogiſmi cauſat exercitium actûs tanquam principium applicans ad actum; Minor verò ſolam actûs ſpecificationem attingit: quare ſicut indifferentia Minoris, quâ bonitas objecti cum aliquâ ratione mali conſideratur, & oppoſitum ſub ſpecie boni, cauſat libertatem ſpecificationis, ita determinatio Minoris, quâ bonitas objecti ſine ullâ ratione mali, nec oppoſitum ſub ſpecie boni conſideratur, cauſat neceſſitatem ſpecificationis; non auferendo à majore poteſtatem applicandi ad actum, nec conſequenter actûs dominium, quod ex prædictâ poteſtate oritur, vel eſt ipſa poteſtas ſe applicandi ad actum: ſicut dominium

minium personæ oritur ex potestate applicandi personam ad actum, vel est ipsa imperandi potestas.

L. Omnes igitur rationes, quibus suprà probavimus, ad dominium sui actûs non requiri apprehensionem bonitatis objecti cum aliquâ ratione mali, probant etiam determinationem ad unum objectum dominio sui actûs non repugnare. Imprimis: si hæc determinatio ad unum objectum obstarer actûs dominio, nunquam daretur potestas *volendi*, vel *non volendi* separata à potestate *volendi opposita*, cujus contrarium docet D. THOM. suprà cap. 1.

Deindè, si determinatio ad unum objectum obstarer dominio actûs, inseparabilis esset à libertate potestas errandi, & peccandi. Quod tripliciter ex illis, quæ diximus cap. 2. probatur

Primò, impeccabilitas exigit, ut nullum objectum præter Deum, aut vitam æternam possit accipi ut summum bonum: sed ubi intellectus non est ad hoc unum determinatus, nempe, ad judicandum Deum, aut vitam æternam esse summum bonum, ibi potest aliquod objectum præter Deum, aut vitam æternam, accipi ut summum bonum: ergo ubi intellectus non erit modo dicto ad unum determinatus, non erit impeccabilitas. Si autem impeccabilitas exigit determinationem intellectûs ad unum objectum; & hæc determinatio tollat libertatem, nunquam cum impeccabilitate poterit conjungi libertas.

Secundò, impeccabilitas exigit, ut id quod est de se malum v. g. mendacium, non possit sub specie boni proponi, sed ubi intellectus non est determinatus ad hoc unum, nempe, ad judicandum mendacium esse malum, ibi potest mendacium proponi sub specie boni. Ergo, &c. sicut prius. Dicant, quæso, Adversarii, dum diabolus dixit Christo, *Si cadens adoraveris me*, &c. Vel intellectus Christi erat determinatus ad hoc unicum judicium, *Adoratio diaboli est mala*, vel poterat circa adorationem diaboli habere aliud judicium, quo judicaret adorationem diaboli esse bonam. Si primum; ergo non repudiavit liberè adorationem diaboli: si secundum; ergo poterat eam amplecti. Angustias patiuntur: à quibus liberamur, dicendo, quod determinatio intellectûs ad judicandum adorationem diaboli esse malam, tenet se ex parte minoris, quæ non tollit, quominus Christus ex voluntate solum Deum adorandi, in majori positâ, se determinaret ad concludendum adorationem diaboli esse repudiandam.

Tertiò, impeccabilitas exigit, ut hoc, quod est, *non uti gratiâ*, non possit sub specie boni proponi. Sed ubi intellectus non est determinatus ad semper judicandum bonum esse *uti gratiâ*, ibi *non uti gratiâ* potest proponi sub specie boni: ergo, &c. sicut prius.

LJ. Deniquè, cum determinatione ad unum objectum verificantur ea, quæ ad essentiam libertatis exigit utrumque Ecclesiæ Lumen; ut patet ex iis, quæ suprà diximus. S. AUGUSTINUS dicit, illud esse in potestate nostrâ, *quod cum volu-*

mus, facimus; quod nostram sequitur voluntatem; quod volentibus adest: sed stante determinatione minoris ad unum objectum, elicimus conclusionem cum volumus, conclusio nostram sequitur voluntatem, conclusio volentibus adest: ergo stante determinatione ad unum objectum conclusio syllogismi practici est secundum S. AUGUSTINUM in potestate nostrâ. S. THOMAS docet, agens liberè agere, quando non ex instinctu naturæ, sed ex collatione rationis iudicat, quando de suo iudicio iudicat; quando est causa sui iudicii, & amoris: sed stante determinatione minoris ad unum objectum, iudicium conclusionis non est ex instinctu naturæ, sed ex quâdam collatione rationis: de iudicio conclusionis iudicat concludens: est etiam illius causa, sicut & amoris particularis ex eo sequuti: ergo stante determinatione minoris ad unum objectum, conclusio syllogismi practici liberè elicitor secundum Angelicum Solem.

Efficaciter manet probatum determinationem intellectûs ad unum objectum non repugnare dominio sui actûs. Hæc autem determinatio, dum procedit ex interiori inclinatione, dicitur necessitas naturalis inclinationis, dum verò procedit ex habitudine necessariâ ad aliquem finem priûs amatum, dicitur necessitas ex fine. Et ita neutra necessitas dominio sui actûs præiudicabit. Unum adhuc videtur obstarè, nempe cum determinatione ad unum objectum non stare potestatem agendi, & non agendi, de quo per modum objectionis paragrafo seq.

§. II. Solvitur Obsectio de potestate agendi, & non agendi.

Obiectis. Dominium actûs consistit in potestate agendi, & non agendi: sed determinatio ad unum objectum tollit potestatem agendi, & non agendi: ergo determinatio ad unum objectum tollit dominium actûs: ac proinde cum necessitate naturalis inclinationis, aut necessitate finis, quæ includunt determinationem ad unum, non stabit actûs dominium.

LIJ. Respondetur, distinguendo Majorem, dominium actûs consistit in potestate agendi, & non agendi *positivè*, negatur. Et *non agendi negativè*, conceditur. Deinde, distinguitur Minor: determinatio ad unum objectum tollit potestatem agendi, & non agendi *positivè*, conceditur. Potestatem *non agendi negativè*, negatur. Distinctio cadit supra potestatem *non agendi*, quæ dupliciter distinguitur: eo quod negatio actûs dupliciter cadit sub potestate agentis. Primo, *positivè*, dum negatio actûs potest fieri à voluntate; secundò, *negativè*, dum solum potest impediri. Ad primum requiritur actus, vel saltem debitum illius, cum enim unumquodque fiat ex suo contrario, si actus, qui negatur, non adsit formaliter in se, vel virtualiter in debito, negatio poterit quidem esse volita, sed non voluntaria, quia defectu termini à quo non poterit fieri à voluntate, quod sonat nomen voluntarii.

Ut

Ut autem negatio actûs possit impediri, sive destrui, non requiritur actus, nec debitum ad talem actum, sed sufficit voluntatem non esse determinatam ad talem actum, cum potestate tamen se determinandi: nihil enim potest impediri, sive destrui, nisi prius sit, debet ergo negatio actûs existere priusquam possit destrui; existit autem in indeterminatione voluntatis: quod enim de se est indeterminatum ad agendum, quantum est de se, caret actu. Præterea, ut possit aliquid destrui, non sufficit, quod existat, sed debet dari potestas agentis ordinata ad illius destructionem; similiter ut negatio actûs possit destrui, non sufficit, quod existat in indeterminatione agentis, sed debet in agente dari potestas ordinata ad destruendum negationem actûs, quæ potestas non est alia, quam potestas applicandi ad actum: qui enim potest applicare ad actum, ille verò potest destruere negationem actûs, sive, quod idem est, eam impedire. Ex quo apparet, quod ipsa potestas se applicandi ad actum, est etiam potestas *non agendi negativè*, sive potestas impediendi negationem actûs. Ad dominium sui actûs sufficit, quod negatio actûs possit impediri per determinationem propriam ad actum.

Dixi *per determinationem propriam ad actum*, ut tacita obiectio solveretur: dicit fortè aliquis, ignis calefaciendo destruit *negationem calefactionis*: ergo habet *negationem calefactionis* in sua potestate: ad quod Respondetur, quod ignis, non determinando se ad calefaciendum, destruit negationem calefactionis, & ideo nec calefactionem, nec ejus negationem habet in sua potestate; verum qui quando vult applicat ignem ad calefaciendum, eo ipso habet, & *calefacere*, & *non calefacere* in sua potestate: similiter illi actus, quos voluntas non facit se *velle*, sicut sunt actus in-deliberati, & ipse amor boni, non sunt in potestate voluntatis; sed solum illi, quos facit se *velle*, sicut sunt omnes actus, qui ex amore boni concluduntur: hos enim omnes potest voluntas *velle*, & *non velle*; in quantum hoc ipsum, quod est *non velle*, potest determinando se ad agendum impedire.

LIIJ. Quæ solutio desumitur ex Angelico Præceptore 1.2. q. 6. a. 3. his verbis: *Quia igitur voluntas volendo, & agendo potest impedire hoc, quod est non velle, & non agere, & aliquando debet hoc, quod est, non velle, & non agere, imputatur ei, quasi ab ipsâ existens*. His verbis distinguit D. THOMAS voluntarium in actu primo à voluntario in actu secundo: & dicit negationem actûs esse voluntariam in actu secundo quando adest debitum; esse autem voluntariam in actu primo, quod idem est, ac esse in potestate voluntatis, quando voluntas volendo potest negationem actûs impedire. Quare licet negatio actûs non imputetur voluntati, ut quid ab eâ productum, quando non debet; semper tamen remanet in potestate voluntatis, quando potest ab eâ impediri: quæ potestas non tollitur dum de facto impeditur; sicut dum quis actu agit, non amittit potestatem non agendi. Non enim habet aliquis potestatem non agendi, quia potest carere actu, sed quia est indeterminatus ad agendum virtute alicujus iudicii indifferentis, atque præcedentis amoris.

LIV. Ratio quoque evincit nostram solutionem. Nam *negationem actûs pssoe fieri à voluntate*, vel est, posse cessare ab actu, si adlit actus; vel est, posse conjungere negationem actûs cum debito, si adlit solum debitum actûs: sed neutrum requiritur, ut *negatio actûs* dicatur esse in potestate nostrâ: ergo ut *negatio actûs* sit in potestate nostrâ non requiritur, quod possit fieri à voluntate; sed sufficit, quod possit impediri. Major constat, quia *negatio actûs* non fit nisi ex actu, vel ex debito actûs: ergo potestas illam faciendi est potestas, vel cessandi ab actu, vel conjungendi illam cum debito actûs. Minor autem non minùs clara est: imprimis ut *negatio actûs* sit in potestate voluntatis, non requiritur potestas cessandi ab actu; alioqui Angeli possent cessare ab eo, quod semel elegerunt; & ita non essent in suis electionibus immobiles, quod est contra D. ТИОММ. Non etiam requiritur potestas conjungendi *negationem actûs* cum debito actûs; hæc enim potestas est potestas peccandi; siquidem debitum actûs est præceptum; conjungere autem negationem actûs cum præcepto de actu est peccare. Concludendum igitur est, *negationem actûs* sufficienter dici in potestate nostrâ, dum potest à voluntate impediri per propriam determinationem ad actum. Et ita ipsa potestas applicandi se ad volendum, & agendum est potestas *volendi*, & *non volendi*; *agendi*, & *non agendi*.

§. III. *Præclaro Angelici Doctoris testimonio ostenditur neutram necessitatem dominio sui actûs repugnare.*

LV. **C**oncludimus præsens caput præclaro Angelici Doctoris testimonio, quo docet necessitatem naturalis inclinationis, necnon necessitatem, quæ est ex fine, non solum non repugnare actûs dominio, verum illud augere. Desumitur ex lib. 3. contra Gentes, cap. 138. ubi sic loquitur: *Est enim duplex necessitas: quædam coactionis, & hæc laudem virtuosorum actum diminuit: quia voluntario contrariatur: coactum enim est, quod est voluntati contrarium. Est autem quædam necessitas ex interiori inclinatione procedens; & hæc laudem virtuosum actûs non minuit, sed auget. Facit enim voluntatem magis intensè tendere in actum virtutis: patet enim quod habitus virtutis, quanto fuerit perfectior, tanto vehementius facit voluntatem tendere in bonum virtutis, & minù ab eo desicere; quod si ad finem perfectionis devenerit, quædam necessitatem insert ad bene agendum, sicut est in Beatis, qui peccare non possunt, ut infra patebis: nec tamen propter hoc libertati voluntatis aliquid defferit, aut actûs bonitati.*

Ecce necessitas clarissimè conjuncta libertati, & eam augens. Sed quæ necessitas est necessitas specificationis, necessitas determinationis ad unum, ex interiori inclinatione procedens. Pro quâ sciendum est, quod cum primò acquirimus habitum aliquem virtutis, proponitur nobis bonum virtutis cum aliquâ specie mali, vel quod idem est, oppositum virtutis etiam proponitur cum aliquâ specie boni; sed cum ue-

ratis

ratis actibus se determinavit voluntas ad prosequendum bonum virtutis, generatur in nobis interior aliqua inclinatio, quā incipit ita placere bonum virtutis, ut minùs sub ratione mali apparens, minùs etiam displicere possit, minùsque placere oppositum: & quantò magis perficitur hæc habitualis inclinatio, tantò minùs displicere potest bonum virtutis, minùsque placere oppositum, quod si ad finem perfectionis devenerit, quandam necessitatem inserit ad bene agendum; quia ita facit proponere bonum virtutis, ut nullà ampliùs ratione mali apparente, non possit ullo modo displicere, nec placere oppositum. *Nec tamen propter hoc libertati voluntatis aliquid deperit, aut actus bonitati*, quia intensivum actus sui dominium non exigit, ut bonum virtutis proponatur cum aliquà ratione mali, aut oppositum sub specie boni: sed sufficit ipsa potestas se applicandi ad actum virtutis, quæ tantò vehementius se applicat, quantò ex interiori inclinatione magis apparet bonitas virtutis. Qui enim ex amore boni se determinat ad aliquid amandum, quantò magis aliquid iudicatur bonum, tantò fortius se determinat ad illud amandum. Non immeritò igitur dixit Angelicus Sol, *quod necessitas ex interiori inclinatione procedens laudem virtutis actus non minuit, sed auget. Facit enim voluntatem magis intensè tendere in actum virtutis*. Tenet enim se hæc necessitas, ut dictum est, ex parte minoris, quæ quantumcumque determinetur ad unum, Nunquam tollit potestatem applicandi se ad actum ex indifferentià majoris ortam. Vide Opus. 2. num. 89.

LVJ. De necessitate autem ex fine sic prosequitur D. THOMAS: *Est autem alia necessitas ex fine, sicut cum dicitur alicui necesse habere navem ut transeat mare. Patet autem quod nec huiusmodi necessitas libertatem voluntatis dimittit, nec actum bonitatem; quin potius quod quis agit quasi necessarium ad finem ex hoc ipso laudabile est, & tanto laudabilius, quanto finis fuerit melior*. Lux horum verborum ex doctrinà traditā mirificè splendet. Cùm enim amor finis sit quædam potestas se applicandi ad media, eò laudabilius aliquis se applicat ad volendum aliquid propter finem, quò finis est bonum excellentius. Nec necessaria cum fine connexio tollere potest libertatem, si non tollat se applicandi potestatem. Pulchrè igitur dixit D. THOMAS: *quod quis agit quasi necessarium ad finem, ex hoc ipso laudabile est, & tanto laudabilius, quanto finis fuerit melior*.

Est tamen differentia inter necessitatem naturalis inclinationis, & necessitatem ex fine: quòd licet utraque necessitas sit ex minore, & utriusque libertas sit ex maiore: necessitas tamen naturalis inclinationis habet pro maiore amorem finis universalis: concludit enim finem particularem, eo quòd illud, ad quod interiùs inclinamur, accipitur ut per se bonum. Necessitas verò ex fine habet pro maiore amorem finis particularis, respectu cuius accipitur ratio medii. Hinc oritur alia differentia in conclusione, quòd, scilicet, actus, qui ex necessitate naturalis inclinationis concluditur, accipit ex minore suam specialem bonitatem; actus verò, qui ex necessitate finis concluditur, accipit ex maiore totam suam laudabilitatem.

Z

CAPUT,

diceret. quem sensum alia etiam propositio, quâ dicitur, solam violentiam repugnare libertati, sufficienter evincit.

In isto ergo sensu damnata fuit legitimè utraque propositio, utpotè non distinguens inter actus, qui procedunt à voluntate, *ut natura.* & à voluntate *ut ratio,* quibus omnibus commune est, quòd fiant voluntariè, & sine violentiâ; nec tamen omnibus commune est, quòd liberè fiant. Nam soli illi actus, qui à voluntate *ut ratio* procedunt, liberè fiunt. Rationem hujus diversitatis reddit Angelicus Magister q. 22, de veritate, a. 5. his verbis: *Natura autem, & voluntas hoc modo ordinata sunt, ut ipsa voluntas quadam natura sit, quia omne, quod in rebus invenitur, natura quadam dicitur. Et ideo in voluntate oportet invenire non solum id quod voluntatis est, sed etiam quod natura est: hoc autem est cujuslibet natura creata, ut à Deo sit ordinata in bonum, naturaliter appetens illud. Unde & voluntati ipsi inest naturalis quidam appetitus sibi boni convenientis, & prater hoc habet APPETERE ALIQUID SECUNDUM PROPRIAM DETERMINATIONEM, NON EX NECESSITATE: QUOD EI COMPETIT IN QUANTUM VOLUNTAS EST.*

Quibus verbis duplex voluntarium distinguit D. THOMAS: unum, quod voluntariè fit, & ex necessitate; aliud, quon voluntariè fit, & non ex necessitate. Primum procedit ex instinctu naturæ à Deo in bonum ordinatæ; secundum procedit per propriam voluntatis determinationem, dum ex amore boni præcedente concludit voluntas aliquid esse amandum.

LVIJ. Quare non immeritò damnata fuit illa propositio, quæ ex solâ ratione voluntarii rationem libertatis perpendit, & quæ necessitatem simpliciter à libertate non excludit. Necessitas autem naturalis inclinationis, quam liberati non repugnare, constanter affirmat utrumque Ecclesiæ Lumen, non est necessitas simpliciter, sed secundum quid: quia non tollit propriam voluntatis determinationem, nec est ex instinctu naturæ, sed ex collatione rationis discernentis actum à ratione objecti, & ex amore istius rationis se determinantis ad actum.

Hic subtiliter distingue duas rationis collationes. Una enim est, quâ ratio confert objectum cum objecto, & discernens rationes utriusque judicat, unum esse propter aliud bonum: tunc voluntas sequens hujusmodi collationem ex amore boni se determinat ad amandum unum propter aliud. Alia est rationis collatio, quâ ratio confert actum cum objecto, & discernens rationes utriusque judicat rationem boni exposulare amorem; tunc voluntas sequens hujusmodi collationem, ex amore boni se determinat ad hunc particularem actum amoris, propter rationem boni in objecto sibi proposito inventam. In primâ collatione, liberè amatur medium quantumvis necessarium ad finem: in secundâ collatione, liberè amatur finis particularis quantumvis necessariò cum fine universali connexus. Utrobique enim voluntas amat, non ex instinctu naturæ, sed ex collatione rationis se determinando: siquidem ex amore boni se determinat ad amandum, non

ad odiendum hoc objectum, vel quia in se bonum est, vel quia propter aliud bonum.

Huic propriæ determinationi accedit, quod exerceatur circa unum, aut circa plura, sicut dominationi accedit, quod exerceatur circa unam personam, aut circa plures; hoc est, sicut ad perfectam dominandi rationem sufficit una persona, cui dominemur, ita ad perfectam se determinandi rationem sufficit unum objectum, ad quod nos determinet voluntas. Hæc propria determinatio exercetur circa unum, quando objectum consideratur ex omni parte bonum: exercetur verò circa plura, quando objectum consideratur ex omni parte bonum, & ex parte malum; si ergo propriæ determinationi accedit, quod exerceatur circa unum, aut circa plura; etiam ei accedit, quod sit circa objectum ex omni parte bonum, aut circa objectum partim bonum, & partim malum. Ex quo fit, ut necessitas orta ex objecto secundum omnem considerationem boni sit necessitas secundum quid, nihil de ratione propriæ determinationis diminuens. Ubi autem propria determinatio, ibi actus dominium sibi potestas agendi, & non agendi, modo explicato num. 52. ibi denique exercitii libertas in suâ perfectionis essentialis integritate conservatur.

§. II. Falsitas secunda propositionis ostenditur.

LIX. **Q**Uæ de primâ propositione diximus, secundæ falsitatem non minùs convincunt. Quâ ratione sola violentia repugnet libertati, Ubi etiam necessitas simpliciter, sive necessitas excludens propriam determinationem, actûque dominium, libertati repugnat? Ut actus non sit violentus, sufficit in agente principium inclinans ad actum, ut patet ex Philosopho in 3. Ethic. definiente violentum, *cujus principium est extra, nihil conferente vim passio*. Ut verò actus sit liber, requiritur, quod principium inclinans ad actum applicetur ad agendum per propriam agentis determinationem. Et idè quando in agente est solum principium inclinans ad actum, & non applicans, liberatur à violentiâ, non tamen à necessitate.

Voluntas est quædam inclinatio ad actum: nullus igitur actus voluntatis potest esse violentus; nec idè omnis ejus actus est liber, quia non ad omnem actum per propriam determinationem applicatur. Illi ergo actus, ad quos voluntas non se determinat ex amore boni, erunt liberi à violentiâ, & à necessitate simpliciter.

Hæc est ipsissima Angelici Solis doctrina, quam q. 22. de veritate, a. 5. tradit sub his verbis: *Quamvis autem quædam necessariâ inclinatione ultimum finem velit voluntas, nullo tamen modo concedendum est, quod ad illum volendum cogatur. Coactio enim nihil aliud est, quàm violentiæ cujusdam inductio. Violentum autem secundum Philosophum in 3. Ethic. est, cujus principium est extra, nihil conferente vim passio, sicut si lapis sursum projiciatur, quia nullo modo, quantum est de se, ad hunc motum inclinatur. Sed cum ipsa voluntas sit quædam inclinatio, eo quod est appetitus quidam, non potest contingere ut*
volunt.

voluntas aliquid velit, & inclinatio ejus non sit in illud. Et ita non potest contingere, ut voluntas aliquid coacte, vel violenter velit, si aliquid naturali inclinatione velit. Patet igitur quod voluntas non necessario aliquid vult necessitate coactionis, vult tamen aliquid necessario necessitate naturalis inclinationis.

LX. Ad plenam dictorum, præcedentisque testimonii intelligentiam, diligenter observanda est differentia inter *violentum*, & *naturaliter volitum*. Violentum non potest ullo modo esse simul liberè volitum, & idè totaliter libertati repugnat. *Naturaliter volitum* potest esse simul liberè volitum, & idè nullatenus libertati repugnat; non quod idem sit actus, qui sit necessarius simpliciter, & simul liber, ut contendit proscriptarum propositionum Author, sed quod ipsum *naturaliter volitum* possit per alium actum simpliciter liberum, & necessarium secundum quid, esse volitum. Quod hoc exemplo clarificatur. Ad apprehensionem vitæ ex naturali inclinatione statim judicatur, vita est amanda, & amatur. Advertit ratio amorem vitæ, quam sequitur voluntas *ut ratio* consentiens amori vitæ median'te hoc syllogismo practico. *Omne bonum mihi conveniens est amandum: vita est bonum mihi conveniens: ergo amanda.* In quo syllogismo voluntas ex amore boni convenientis se determinat ad amandum vitam, & idè liberè eam amat. Amor autem naturalis vitæ ministrat minorem; eo quod vita non accipiat ut per se conveniens, si eam naturaliter non amaremus. Conclusio est amor vitæ propter rationem convenientis. Ex instinctu naturæ *amatur vita*, ex collatione rationis *amatur vita, quia conveniens.*

LXI. Amor vitæ necessarius, & amor vitæ liber differunt sicut cognoscere tantum quid est res, & cognoscere etiam propter quid. Amans enim ex instinctu naturæ non valet sui actûs reddere rationem, quam tamen reddere novit, qui amat ex collatione rationis. Idem ergo objectum ab utroque in præsentia amatur, nempe vita, sed dum amatur ex instinctu naturæ non scitur quare, scitur verò, dum amatur ex collatione rationis; amans ex instinctu naturæ non judicat de suo judicio, quia non agnoscit rationem sui judicii: amans ex collatione rationis judicat de suo judicio, quia reddit rationem sui judicii: indè fit, ut in amore naturali non se applicet voluntas; in amore verò rationali, qui ex amore præcedente concluditur, se determinet voluntas; & quia amor naturalis concurret ad amorem rationalem ex parte minoris syllogismi practici, ut dictum est, non potest repugnare libertati; necessitasque ex illo orta, est necessitas specificationis tenens se ex parte objecti, non verò ex parte actûs. Non igitur *sola violentia repugnat libertati*, sed etiam necessitas simpliciter, quæ excludit propriam voluntatis determinationem: ac proindè falsum est, *illud liberè fieri, quod voluntariè fit, etiam si necessitate fiat*: è contra verissimum est, *necessitatem naturalis inclinationis non repugnare libertati*; cum non tollat propriam voluntatis determinationem, in quâ perfectè salvatur essentia liberatis.

CAPUT NONUM.

Concluditur, Beatum habere perfectissimum amoris sui beatifici dominium.

PER amorem beatificum intelligimus amorem tendentem in divinam bonitatem, non ut est ratio diligendi creaturam, sed ut est ratio diligendi Creatorem: sub istâ enim ratione dicitur beatificus, eo quod inseparabilis sit à beatitudine; à quâ tamen posset separari sub illâ ratione, quâ tendit in bonitatem divinam, ut est ratio diligendi creaturam: cum possit amari Deus clarè visus sine ullo creaturarum amore.

In Titulo capitis signanter posuimus verbum, *Concluditur*, ut significâremus intentum hujus capitis, non tam esse ad probandum amoris beatifici dominium, quàm ad illud ex doctrinâ præcedentium capitulum deducendum. Nam si vera sunt, quæ in illis diximus, veraciter quoque concluditur, Beatum habere perfectissimum amoris sui beatifici dominium.

§. I. Ex vanitate conditionis ab Adversariis requisita, deducitur amoris beatifici perfectissimum dominium.

LXIJ. **T**RIBUS primis capitibus invictè probavimus, ad dominium sui actûs non requiri, ut in objecto apprehendatur aliqua ratio mali; iisdemque rationibus ostendimus, quod nec in exercitio amoris requiratur aliqua apprehensio mali. Suppositâ prædictâ conditionis vanitate, nihil ob stare videtur amoris beatifici dominio. Sic enim argumentor: si beatus non haberet amoris sui dominium, idè esset, quia ad amoris dominium requiritur in objecto, vel in exercitio amoris aliqua apprehensio mali: sed inutilis est ad amoris dominium prædictâ apprehensio: ergo Beatus habet amoris sui beatifici dominium.

Majorem docent Adversarii. Minorem probat doctrina hucusque tradita; & ne huic loco desit etiam sua probatio, adducimus doctrinam insignem Angelici Solis ex Philosoph. 2. Ethic. lect. 7. In eâ enim evidentè mihi probari videtur, ad domi-

dominium actûs nullam requiri in exercitio actûs apprehensionem mali: eo quod hæc apprehensio infallibiliter fundet potestatem ad plures actûs; cum tamen ex verbis subiicientis aperte constet, sufficere potestatem ad unicum actum, ut verum habeatur actûs sui dominium. Verba Angelica sunt hæc:

„ Multipliciter contingit peccare, quia malum, quod includitur in ratione peccati pertinet ad infinitum secundum Pythagoricos, & bonum secundum eos pertinet ad finitum; per oppositum est intelligendum, quod RECTE AGERE CONTINGIT SOLUM UNO MODO. Hujusmodi autem ratio accipi potest ex eo quod Dionysius dicit in libro de Divinitate nominum, quia bonum contingit ex unâ & integrâ causâ, malum autem ex singularibus defectibus, sicut patet in bono, & malo corporali. Turpitudine enim, quæ est malum corporalis formæ, contingit, quodcumque membrum indecenter se habeat: sed pulchritudo non contingit, nisi omnia membra sint benè proportionata, & colorata. Et similiter agritudo, quæ est malum complexionis corporalis, provenit ex singulari deordinatione cujuslibet humoris: sed sanitas esse non potest, nisi ex debita proportionem omnium humorum.

„ Et similiter peccatum in actione humanâ contingit, quæcumque circumstantiarum inordinatè se habeat qualitercumque, vel secundum superabundantiam, vel secundum defectum: sed rectitudo ejus non erit, nisi in omnibus circumstantiis debito modo ordinatis. Et idè sicut sanitas, vel pulchritudo contingit uno modo, ægritudo autem, & turpitudine multis, imò infinitis modis, ita etiam RECTITUDO OPERATIONIS UNO SOLO MODO CONTINGIT, peccatum autem in actione contingit infinitis modis. Et indè est, quod peccare est facile, quia multipliciter hoc contingit: sed RECTE AGERE EST DIFFICILE, QUIA NON CONTINGIT NISI UNO MODO.

„ Et ponitur exemplum, quia facile est recedere à contactu signi, id est, puncti, sive in centro circuli, sive in quâcumque aliâ superficie determinatâ signati, quia hoc contingit infinitis modis. Sed tangere signum est difficile; quia contingit uno solo modo. Manifestum est autem quod superabundantia, & defectus multipliciter contingunt, sed MEDIETAS UNO MODO.

LXII]. Ex hac splendidissimâ doctrinâ efficaciter probatur, veram dominii rationem salvari in potestate applicandi se ad unicum actum. Argumentum sub hac formâ proponitur: in potestate se applicandi ad rectam operationem hæc, & nunc occurrentem, salvatur vera ratio dominii: sed potestas se applicandi ad rectam operationem hæc, & nunc occurrentem, est potestas se applicandi ad unicum actum: ergo in potestate se applicandi ad unicum actum salvatur vera ratio dominii. Major est evidens, sicut evidens est actum virtutis cadere sub dominio voluntatis. Major ex verbis Angelicis clare deducitur. Si enim rectè agere uno modo contingit, oportet, ut recta operatio hæc, & nunc occurrens sit tantum una: ergo & potestas se appli-

applicandi ad rectam operationem hęc, & nunc occurrentem, erit potestas se applicandi ad unum tantum actum.

Vis hujus argumenti magis declaratur. Sit aliquis, qui velit in omnibus suis actibus virtuosè operari, dum ei occurrit tale objectum, seu talis occasio, dicit ei intellectus, ut circa tale objectum, seu in tali occasione rectè agas, debes ad hunc actum te applicare, & non ad alium: siquidem rectè agere uno modo contingit. Quærø, an ut ille cum dominio operetur, sit necesse quòd possit se applicare ad alium actum? si dicatur quod sic; ergo ad operationem cum dominio requiritur potestas peccandi: nam potestas se applicandi ad alium actum, dum ratio dicitur hunc esse exercendum, est potestas peccandi: sicut potestas attingendi aliud punctum à centro circuli est potestas recedendi à centro, & non rectè sagittandi. Si dicatur, quòd non requiratur ad operationem cum dominio, quòd possit se applicare ad alium actum ab eo, quem ratio dicitur hęc, & nunc exercendum: ergo, cum ille actus sit unicus, ad liberam operationem sufficit potestas se applicandi ad unicum actum: sicut ad rectè sagittandum sufficit potestas attingendi unum punctum in centro circuli determinatum.

LXIV. Nemo, nisi parùm Cordatus, dicit peccatorem esse magis dominum sui actus, quàm sit justus; cum veritas attestetur, *Si Filius vos liberaverit, verè liberi eritis*, Joan. 8. Hoc tamen foret dicendum, si potestas se applicandi ad plures actus sit de ratione domini. Cum enim in unà, & eadem occasione, & circa idem objectum peccare multis modis, & rectè agere non nisi uno modo contingat; poterit peccator ad plures actus se applicare; dum virtuosus, non nisi ad unum se poterit applicare. Si ergo à quolibet Cordato sustinendum sit, virtuosum, & justum perfectius habere dominium, quàm peccatorem: Cordatè etiam sustinebitur, rationem domini perfectè salvari in potestate se applicandi ad actum, estò ille unicus tantummodò sit.

Quare si debitum, sive necessitas illa, quam habet virtuosus ad eliciendum actum, quem ei ratio præscribit, non tollit, nec diminuit ejus dominium, eo quòd per propriam voluntatis determinationem ad eliciendum hujusmodi actum se applicet; cur, quærø, necessitas, quam habet Beatus ad eliciendum amorem Dei, quem visio divinæ essentiae præscribit eliciendum, tollit, aut diminuet Beati dominium; cum etiam ad illum eliciendum per propriam voluntatis determinationem se applicet? & si necessitas illa virtutem amantis non impedit, quominus sit omni virtutis amante liberior, cur necessitas Deum clarè visum amantis oberit, quominus sit omni creaturam amante liberior? Nullam hęc video, salvo meliori judicio, disparitatem. Nam sicut Deus clarè visus necessariam habet cum summo bono, sive cum ratione boni, quam amat voluntas, connexionem; ita actus hęc, & nunc à ratione præscriptus, necessariam habet cum virtute, quam voluntas amat, connexionem; unde si hæc necessaria connexio nihil præjudicat dominio amantis virtutem; ita nec præcedens

dens necessaria connexio præjudicabit dominio amantis Deum clarè visum.

Si quis ad sensum compositum confugerit, sciat se nostram stabilire doctrinam. Nam si dixerit, ad dominium actus sufficere, quod alius actus possit exerceri à voluntate secundum se sumptà, quamvis non possit exerceri à voluntate ut subdità dictamini rationis; quod tamen requirebatur ut posset peccare: ita & nos dicimus, ut negatio actus cadat sub dominio voluntatis, non requiritur, ut possit componi cum voluntate ut subdità: iudicio minoris, sed sufficit, quod possit componi cum voluntate amante bonum, & iudicio indifferente majoris. Ratio est, quod sicut Adversarii potestatem ad alterum actum desumunt ex indifferentià objecti particularis: ita & nos potestatem non agendi desumimus ex indifferentià objecti universalis: & sic salvamus apertam illam Angelici Solis doctrinam, quā potestas agendi, & non agendi separatur circa aliqua objecta à potestate agendi hoc, vel illud, quæ circa conditionem Adversariorum sunt inseparabiles.

Hæc tamen separat Angelicus Præceptor q. 22. de Veritate, a. 6. ubi distinguens duas libertates, sive, quod idem est, duo actus dominia, unum in quantum voluntas potest velle, & non velle; aliud, in quantum potest velle hoc, vel illud; subiungit: *Quantum ad primum horum inest libertas voluntati in quolibet statu naturæ respectu cuiuslibet objecti. Secundum vero horum est respectu quorundam objectorum, scilicet respectu eorum, quæ sunt ad finem, & non ipsius finis, & etiam secundum quemlibet statum naturæ.* Vide cap. 1. §. 2. ubi latè efficaciam huius testimonii exposuimus.

§. II. Ex naturâ syllogismi practici deducitur, Beatum habere perfectissimum amoris sui beatifici dominium.

LXV. **T**alem ostendimus tribus aliis capitibus esse naturam syllogismi practici, ut ejus conclusio sit actus cadens sub dominio voluntatis. Secundum multiplicem istorum capitum doctrinam, multiplex quoque formari potest argumentum, ad probandum, beatum habere perfectissimum amoris sui dominium.

1. Amor, qui syllogismo practico concluditur, est actus cadens sub dominio voluntatis: sed amor beatificus syllogismo practico concluditur; ergo amor beatificus est actus cadens sub dominio voluntatis.

2. Amoris, ad quem se applicat voluntas, homo habet dominium: sed ad autorem beatificum se applicat voluntas; ergo amoris beatifici beatus habet dominium.

3. Amori, qui procedit ex collatione rationis per propriam voluntatis determinationem, non ex instinctu naturæ, dominatur voluntas: sed amor beatificus procedit ex collatione rationis, per propriam voluntatis determinationem, non ex instinctu naturæ; ergo amori beatifico dominatur voluntas.

4. Ubi habetur iudicium indifferens de objecto universali, ubi habetur dominium actus: sed in amore beatifico habetur iudicium indifferens de objecto universali: ergo in amore beatifico habetur dominium actus.

5. Potestas non amandi negativè sufficit ad dominium sui amoris: sed beatus habet potestatem non amandi Deum negativè: ergo beatus habet dominium sui amoris.

6. Eo ipso quod amor exit à voluntate ut voluntas est, cadit sub voluntate, & dominio voluntatis: sed amor beatificus exit à voluntate ut voluntas est: ergo amor beatificus cadit sub potestate, & dominio voluntatis.

7. Dum iudicium est in potestate judicantis, & amor sequens cadit sub ejus dominio: sed iudicium, quo videns Deum judicat eum esse amandum, est in potestate beati: ergo & amor beatificus sequens tale iudicium cadit sub dominio beati.

8. Amoris, qui sit, quia volumus, qui sequitur nostram voluntatem, qui ex præcedente volitione fit, habemus verum dominium: sed amor beatificus fit, quia summo bonum volunt beati, sequitur eorum voluntatem, fit ex præcedente volitione: ergo amoris beatifici habent beati verum dominium.

LXV]. Octo formavimus argumenta, quorum majores in præcedentibus probantur capitibus: minores verò ab hoc uno dependent principio, nempe, amorem beatificum esse conclusionem syllogismi practici, sive, quod idem est, ex amore boni præcedente concludi. Veritatem hujus principii ex duobus aliis Angelici Solis principiis evidenter sequi credimus; quorum primum traditur 1 p. q. 72. a. 8. his verbis: *Dicendum quod in Angelis beatis remanet cognitio, & dilectio naturalis, sicut enim se habent principia, ita se habent & operationes ipsæ: manifestum est autem, quod NATURA AD BEATITUDINEM COMPARATUR SICUT PRIMUM AD SECUNDUM, quia beatitudo natura additur, Semper autem salvatur primum in secundo. Unde oportet, quod natura salvetur in beatitudine, & similiter oportet, quod IN ACTU BEATITUDINIS SALVETUR ACTUS NATURÆ.*

In hoc principio clarè habetur, quod quemadmodum natura distinguitur à principio beatitudinis, ita actus naturæ ab actu beatitudinis, qui præsupponit actum naturæ, sicut principium beatitudinis præsupponit naturam. Quis autem sit actus naturæ? manifestat Magister Angelicus num. 57. relatus, his verbis: *In voluntate oportet invenire non solum id quod voluntatis est, sed etiam quod natura est: hoc autem est cuiuslibet natura create ut à Deo sit ordinata in bonum naturaliter appetens illud. Unde & voluntati ipsi inest naturalis quidam appetitus sibi boni convenientis.*

Ipse igitur amor boni universalis, sive ultimi finis in communi, est ille actus qui debet salvari, & præsupponi in actu beatitudinis.

Secundum principium superaddit primo causalitatem. Ex primo habemus, quod amor boni ut sic, sive ultimi finis in communi salvetur, & præsupponatur in actu beatitudinis ex secundo, quod actus beatitudinis particularis ex illo amore boni, & ul-

& ultimi finis in communi concludatur. Sic enim se habet secundum principium q. 22. de veritate, a. 5. sub his verbis propositum: *sicut autem est ordo naturæ ad voluntatem, ita se habet ordo eorum, quæ naturaliter vult voluntas ad ea respectu quorum à seipsâ determinatur, non ex naturâ. Et ideo sicut natura est voluntatis fundamentum, ita appetibile, quod naturaliter appetitur, est aliorum appetibilium principium, & fundamentum.*

Ex his duobus principiis sic deduco intentum. Amor ultimi finis in communi remanet in beatis, ut patet ex primo principio: ergo amor beatificus ex illo amore concluditur. Probatur Conseq. ex secundo principio: amor illius, ad quod voluntas à seipsâ determinatur, non ex naturâ, concluditur ex amore illius, quod voluntas naturaliter vult; ut dicit secundum principium: sed amor beatificus est amor illius, ad quod voluntas à seipsâ determinatur, non ex naturâ, & amor ultimi finis in communi est amor illius, quod voluntas naturaliter vult: ergo amor beatificus concluditur ex amore ultimi finis in communi.

3. *Confirmatur doctrina precedens; & Angelicis testimoniis corroboratur.*

LXVIJ. **C**onfirmatur. Sicut se habet finis ad medium; ita proportionali modo se habet ratio boni ad bonum particulare, & ratio ultimi finis in communi ad ultimum finem in particulari; non quod hæc proportio se teneat ex parte objecti, sed ex parte amoris; id est, sicut amor finis est causa amandi medium, ita amor boni universalis est causa amandi bonum particulare, & amor ultimi finis in communi est causa amandi ultimum finem in particulari. Cum ergo Deus clarè visus sit ultimus finis in particulari, oportet ut amor ultimi finis in communi, qui naturaliter inest beatis, sit causa amandi Deum clarè visum, ad quem amandum voluntas ex seipsâ, non ex naturâ determinatur. Si enim voluntas non amaret ipsam boni universalis rationem, quantumcumque intellectus videret Deum esse ipsam boni plenitudinem per essentiam, nunquam tamen judicaret Deum esse amandum, quia est per essentiam bonus: sicut si voluntas non amaret delectabile, nunquam intellectus judicaret hoc esse amandum, quia delectabile.

Hæc observandum, quod aliud sit judicare Deum esse amandum, aliud judicare Deum esse amandum, quia est ipsa bonitas per essentiam. Primum iudicium non est rationis discernentis rationem sui amoris, sed intellectus ex instinctu naturali judicantis, sicut iudicium sensus judicat hoc esse amandum. Secundum autem iudicium est rationis discernentis suum actum à ratione sui objecti. Primo iudicio correspondet voluntas naturalis, secundo iudicio voluntas rationalis. Certum est, quod beati non more brutorum ex impetu, & instinctu naturæ ferantur in Deum clarè visum; sed ex voluntate rationali discenentes Deum summè amandum propter sum-

nam illius bonitatem. Voluntas autem rationalis, ut ex Angelico Doctore vidimus, fundatur in aliquâ voluntate naturali; ex quo amore naturali voluntas se determinat ad amorem rationalem; & ita si non præcederet amor naturalis, illud, quod rationabiliter amatur, non posset à ratione judicari amandum, quia tale. Sicut ergo si non præcederet amor delectabilis, non posset practicè judicari hoc esse amandum, quia delectabile; ita si non præcederet amor summi boni, non posset judicari Deus esse amandus, quia summum bonum est.

In hoc sensu credimus Angelicum Doctorem in 2. dist. 25. q. 1. a. 1. ad 4. dixisse, sempiternam, & liberam esse in beatis electionem respectu videre, & amare Deum. Ipsa enim visio Dei non aliter potest cadere sub electione, nisi in quantum judicat Deum esse amandum propter rationem summi boni in eo clarè conspectam; voluntas amans ipsam summi boni rationem, intellectu ostendente ei per omnimodam certitudinem, & evidentiam Deum esse ipsam summi boni rationem, facit quòd intellectus practicè concludat Deum esse amandum, quia summum bonum est. Et sic existens causa sui iudicii, & amoris, verissimè dicitur, liberam habere respectu visionis, & amoris electionem. Verba Angelici Doctoris sunt: *Illud, quod est ad finem, est duplex: quoddam enim est distans à fine, & quoddam est conjunctum fini.* Quod declarat de calore disponente ad formam ignis, & de calore perfecto, qui non excluditur per formam: Ita dico, inquit, *quod quedam ordinata sunt ad finem ultimum beatitudinis, quæ ipsi fini conjungunt, ut videre, amare, & huiusmodi; & respectu horum erit sempiterna, & libera electio, non autem imperfectorum, quæ à fine distant, ut fides, spes, & huiusmodi.*

Quasi diceret, ad judicandum practicè Deum esse amandum, cumque super omnia amandum, in sempiternum se determinabit voluntas, & idèò semper liberè iudicabit, & amabit; non verò se determinabit in sempiternum ad credendum, & sperandum, cum huiusmodi actus non sint actus finem possidentis, eoque fruentis.

LXVIJ. Amoris beatifici dominium breviter perstrinxit Doctor Angelicus, dum in 3. dist. 18. a. 2. ad 5. docuit: *Quòd etiam si (liberum arbitrium) esset determinatum ad unum numero, sicut ad diligendum Deum, quod non facere non potest; tamen ex hoc non amittit libertatem, aut rationem laudis, sive meriti, quia in illud non coactè, sed spontè tendit, & ita est sui actus dominus.* Ubi ly coactè significat tam exclusionem violentiæ, quàm exclusionem causæ particularis determinantis; ut sit sensus, quia in illud non violenter, nec ab aliquâ causâ particulari applicatur, sed spontè, id est, per propriam voluntatis determinationem tendit: ex quâ propriâ applicatione oritur, quòd sit actus sui dominus. Nam necessitas, orta ex determinatione ad unum numero diligendum, est solum necessitas objecti, non agentis; necessitas ex suppositione, & secundum quid, non absoluta, & simpliciter: quia forma, per quam se applicat, & determinat voluntas, quantum est de se, remanet indeterminata ad illud

illud, aut aliud diligendum, si ei ab intellectu proponeretur. Per accidens est, quod amans sit determinatus ad unum numero diligendum: sicut accidit sagittanti, quod ei tantum unum signum proponatur; & sicut accidit volenti ire Romam, quod ei tantum una via ostendatur; ex eadem enim voluntate eundi Romam posset se applicare adsequendum alteram viam, aut plures vias, si ei fuissent ostensæ: ita accidit amanti bonum, quod unum tantum numero bonum proponatur; ex eodem enim amore boni posset se applicare ad aliud objectum prosequendum. Et ita solum ex suppositione objecti determinati necessitatur, non ex vi formæ applicantis. Nam forma applicans est iudicium universale, & amor boni universalis. Vide supra num. 7. & 8.

LXIX. Colligitur, quod, si semel ad dominium actus sufficiat potestas se applicandi ad actum ex iudicio universaliter indifferenti, id est, ex iudicio attingente ipsam rationem boni, non solum dabitur amoris beatifici dominium, sed & perfectissimum. Etenim si actus cadat sub dominio, quia exit ab applicante se, quod magis voluntas se applicabit, eò magis domina erit sui amoris. Tanto autem amans bonum magis se applicat ad amandum, quanto magis cognoscit esse bonum: cum ergo beatus perfectissime cognoscat plenitudinem divinæ bonitatis, perfectissime etiam, & liberrime ad illam amandam se determinabit: & ita quod major erit objecti necessitas, eò perfectior erit agentis libertas. Testatur hoc Christus Dominus dicens, *si Filius vos liberaverit, verè liberi eritis. Quà ratione liberi? & cognoscetis veritatem, & veritas liberabit vos*, id est, liberos efficiet. Quasi diceret, veritas vos efficiet liberos in amando, dum solam, & unicam veritatem amaveritis. Cognoscere enim veritatem est illam solam amare: quia, qui solam veritatem non amat, non eam cognoscit. Quando ergo solam veritatem amando eam cognoverimus, verè liberi erimus in amando, non quia poterimus aliquid præter illam amare, sed quia videntes, quod unicum sit bonum nostrum, & sola sit summum bonum, ad illius amorem nos ex toto corde determinamus. Præter hoc nobis Deus, sicut & Adversariis, in sæculum sæculi.

§. IV. *Necessitas amoris beatifici, est necessitas naturalis inclinatio-
nis, tenens se ex parte minoris: & idè non excludens
perfectissimum ejus dominium.*

LXX. **N**ecessitatem naturalis inclinationis non repugnare dominio actus, capite septimo demonstratum est determinat enim voluntatem ad unum ex parte minoris; quæ minoris determinatio non tollit majoris indifferentiam, ex qua oritur dominium sui actus. Quidquid Angelici discipuli docent de iudicio pratico, cum quo in sensu composito non fiat negatio actus, bene tamen in sensu di-

vifo; idipsum minori in syllogismo practico proportionaliter est applicandum. Nam quemadmodum apprehensio bonitatis cum aliquâ ratione mali dat potestatem amandi, & repudiandi objectum: ita indifferentia iudicii de objecto universali cum amore boni universalis, dat potestatem amandi, & non amandi, quoad hunc particularem actum, eo ipso quod voluntas nulli actui particulari alligata, potest se ad quemcumque actum determinare. Et sicut iudicium practicum, quo iudicatur hic, & nunc aliquid esse amandum, non tollit potestatem amandi, & repudiandi, quamvis cum tali iudicio nequeat componi negatio actûs: ita minor syllogismi practici, quâ ostenditur aliquid esse bonum sine ullâ prorsus ratione mali, non tollit potestatem amandi, & non amandi, quamvis cum tali minore nequeat componi negatio hujus particularis actûs. Vide num. 37.

LXXJ. Tota necessitas amoris beatifici non est nisi necessitas naturalis inclinationis ex parte minoris se tenens. Dum audis naturalem inclinationem, non putes talem esse, quæ ex principiis naturæ oriatur, sed eam intellige, quæ ad unum objectum, unumque actum determinat voluntatem; quæ proinde naturalis dicitur ex modo inclinandi ad unum: & quæ posita ex parte minoris non tollit actûs dominium. Probatur unico syllogismo necessitatem amoris beatifici ex parte minoris se tenere. Lumen gloriæ, ejusque iudicium succedit lumini fidei, ejusque iudicio? sed lumen fidei, ejusque iudicium tenent se ex parte minoris: ergo lumen gloriæ, ejusque iudicium tenent se ex parte minoris: ac proinde cum tota necessitas amoris beatifici oriatur ex lumine gloriæ, ejusque iudicio, hæc necessitas tenebit se quoque ex parte minoris.

Minor, in quâ solùm potest esse difficultas, insigni, & fulgentissimo probatur Angelici Solis testimonio, qui de veritate, q. 22. a. 7. eam docet his verbis: *hominis inditus est appetitus ultimi finis sui in communi, ut scilicet appetat naturaliter se esse completum in bonitate. Sed in quo ista completio consistit, utrum in virtutibus, vel scientiis, delectabilibus, vel hujusmodi aliis, non est ei determinatum à natura. Quando ergo ex propria ratione aditus divinâ gratiâ apprehendit aliquod speciale bonum ut suam beatitudinem, in quo verè sua beatitudo consistit, tunc meretur; non in hoc, quod appetit beatitudinem, quam naturaliter appetit; sed ex hoc, quod appetit hoc speciale, quod non naturaliter appetit, puta visionem Dei, in quo tamen secundum rei veritatem sua beatitudo consistit.*

Cum suprà num. 66. ostenderimus ex eodem Præceptore nostro, id, quod naturaliter appetitur, esse causam appetendi id, quod non naturaliter appetitur, non potest clariùs explicari prædictum testimonium, quàm reducendo illud ad formam syllogismi practici, in quo amor naturalis ultimi finis ut sic erit major: minor verò lumen gratiæ ostendens Deum esse ultimum finem: conclusio auxilio GRATIÆ PRÆDETERMINANTIS deducta, ipse amor Dei supernaturalis. Ad quem supernaturalem amorem voluntas ex amore naturali se applicat adjuta lumine gratiæ, & auxilio supernaturali prædeterminante. Quæ tamen doctrina intelligenda est de amore

Natu-

naturali ultimi finis ut sic, non prævento à motu concupiscentiæ insurgentis, quia tunc propter impedimentum concupiscentiæ non potest cum solo auxilio generali determinante deduci conclusio; sed debet voluntas speciali auxilio GRATIÆ VICTRICIS, ET PRÆDETERMINANTIS, ad amorem Dei prædeterminari. In quo motu voluntas non se habet ut applicans, sed ut applicata tantum, liberè tamen eliciens actum, ut cap. ult. dicemus.

LXXIJ. Concipiamus igitur Beatissimam Virginem Mariam suum ultimum finem amantem, & quærentem, venit lumen fidei ostendens ei solum Deum esse totum suum bonum, ad cujus agnitionem statim, utpotè nullum habens minimæ concupiscentiæ impedimentum, se determinat ex amore præcedente ad amandum Deum, concludens cum Patre suo David, *Mihi adhaerere Deo bonum est*. Hic actus liberrimus est, etiam si à voluntate Virginis Matris procedat sine ullà potestate ad Deum repudiandum; eà solum ratione, quòd non ex instinctu naturæ, sed ex collatione rationis per propriam voluntatis determinationem à voluntate producat, cum auxilio generali GRATIÆ PRÆDETERMINANTIS

Concipiamus iterum, quòd loco luminis fidei lumen gloriæ præbeat minorem; an quia clariùs videt, Deum solum esse totum bonum, amittere sui actus dominium? an non potiùs quòd perfectiùs id ipsum cognoscat, eò majori dominio amabit Deum, quòd majori conatu se applicabit ad illum amandum. Quid? obscuritas luminis conservabit libertatem, evidentia tollit? dum Beatissima Virgo firmiter credebat necessariam divinæ bonitatis cum ratione boni connexionem, liberè amabat; nunc quia clarè eandem connexionem videt, non ampliùs liberè amabit. Dicant hoc Adversarii, qui libertatem non concipiunt sine potestate pro nutu suo repudiandi objectum: nos verò qui, salvo semper meliori iudicio, libertatis essentiam cum utroque Ecclesiæ Sole in proprià voluntatis determinatione ex amore præcedenti reponimus, clarè agnoscimus, & firmiter tenemus, lumen gloriæ non tollere, sed perficere amoris beatifici dominium, ac libertatem. Quòd enim beati non possint velle non amare Deum, Hoc (ut verbis Melliflui Doctoris utar) NON INFIRMA FACIT NECESSITAS, SED FIRMA IN BONO VOLUNTAS, ET VOLUNTARIA FIRMITAS.

LXXIIJ. Observandum est, maiorem syllogismi practici solummodò influere exercitium actûs, specificationem verò actûs semper oriri ex minore. Quare si minor oriatur ex cognitione, vel inclinatione ortà ex principiis naturæ, amor qui concluditur, erit naturalis; si verò minor oriatur ex cognitione, vel inclinatione supernaturali, amor qui concludetur, erit supernaturalis: naturalitas liquidem, & supernaturalitas pertinent ad specificationem actûs. Amor boni universalis est naturalis elicitive, id est, ex naturæ principiis ortus; applicative indifferens ad naturale, & supernaturale.

§. V. Concordantur utriusque Solis Discipuli.

Quemadmodum ad unitatem idem sapiendi, circa differentiam gratiæ in naturâ sanâ, & lapsâ, reducere tentavimus in primo Opusculo, utriusque Solis discipulos: ita & circa libertatem idipsum tentamus in præsentî Opusculo. Una distinctio duplicis indifferentiæ judicii, duplicisque dominij præstabit hanc concordiam, sicut & istam præstitit distinctio duplicis prædeterminationis.

LXXIV. Certum est, quòd judicium attingens rationem aliquam universalem non sit ad unum determinatum, sicut enim ipsa ratio universalis ad nullum particulare sub eâ contentum est determinata, ita judicans de aliquâ ratione universali est indeterminatus, & indifferens ad judicandum de quocumque particulari sub istâ ratione contento. Ulteriùs, certum est, quòd judicium attingens diversas rationes particulares in aliquo objecto, ex quibus diversi actus possunt concludi, non sit etiam ad unum determinatum: siquidem principium; ex quo plura concludi possunt; non potest dici, quantum est de se, ad unum determinatum.

Nullus Angelici discipulus inficiari hæc potest: nec ergo inficiari poterit duplicem esse indifferentiam judicii; unam judicii attingentis rationem universalem, aliam judicii attingentis plures rationes particulares in uno objecto. Primam vocavimus num. 35. indifferentiam objecti universalis, sive majoris; secundam diximus indifferentiam objecti particularis, sive minoris. Ad hanc duplicem indifferentiam judicii sequitur in voluntate duplex actûs dominium; unum quod sit dominium actûs tantum, aliud quod sit dominium actûs, & objecti simul. Primum potest dici intensivum, eo quòd respiciat solummodò actum, & negationem actûs. Secundum potest dici extensivum, in quantum ad plures actus se extendit, prosequendo objectum, quod posset repudiare.

LXXV. Ut *negatio actûs* sit sub dominio intensivo voluntatis, non requiritur juxta dicta num. 52. quòd exire possit à voluntate, sed sufficit, quòd possit impediri per propriam determinationem ad actum. Quod hoc exemplo aliquammodo declarari potest. Sit aliquis, qui non valeat accendere candelam, possit tamen candelam accensam extinguere: illuminatio candelæ est in illius potestate, non quia potest illuminationem accensâ candelâ causare, sed quia extinguendo candelam potest illuminationem impedire: ita dico, quòd *negatio actûs* est in potestate applicantis se ad actum, non quia volendo *negationem*, potest eam causare, sed quia applicando se ad actum potest eam impedire: ut sic *negatio actûs* sit in potestate applicantis se ad actum, sicut illuminatio candelæ est in potestate extinguentis candelam, & non valentis eam accendere.

LXXVI. Ex præmissâ distinctione facile est utriusque Solis discipulos circa dominium amoris beatifici adunare. Nam Angelici discipuli tale denegant amoris beati-

beatifico dominium, quo tam actus, quàm negatio actûs possint exire à voluntate; ita ut utrumque possit esse volitum: quod etiam denegant S. AUGUSTINI discipuli, qui solum volunt dominium intensivum, quo voluntas per propriam determinationem possit ad actum applicare, etiam si ipsa negatio actûs non possit esse volita, sed solum possit per propriam applicationem ad actum impediri. Quod sine dubio non negabunt Angelici discipuli; quandoquidem concedant amorem beatificum non procedere à voluntate ex instinctu naturæ, sed ex collatione rationis per propriam voluntatis determinationem. Hoc autem abundè sufficit, ut habeatur dominium actûs intensivum. Quare, si relinquuntur nomina, & ipsæ res ponderentur, non magna inveniri poterit inter utriusque Solis discipulos diversitas circa perfectum amoris beatifici dominium. Utinam, Deus meus, tali dominio cum Adversariis nostris potiamur in æternum. Et ultrà.



CAPUT DECIMUM.

*Adducuntur argumenta, quæ contra nostram de
libertate doctrinam formari possunt;
eaq; solvuntur.*

UT veritas doctrinæ nostræ ex omni parte elucescat, argumenta, quæ contra eam formari possent, specialiter solvemus in præsentì capite; memoriâ semper retinentes, ad essentiam libertatis, actûsq; dominium sufficere potestatem se applicandi ad actum ex iudicio universaliter indifferenti. Qui præter hoc aliquid ad libertatem quærit, ultrà quàm oportet, sapit.

§. I. Primum argumentum; ejusq; solutio.

LXXXVII. **P**rimum argumentum sub hac formâ proponitur: actus verè liber à necessitate procedit ex iudicio indifferenti, ut communiter docent THOMISTÆ: sed amor beatificus non procedit ex iudicio indifferenti; quia qui videt Deum, necessariò determinatur ad iudicandum ipsum solum esse summum bonum: ergo amor beatificus non est verè liber à necessitate.

B b

Ref

Respondetur distinguendo Minorem: amor beatificus non procedit ex iudicio indifferenti universaliter, id est, attingente ipsam rationem boni, negatur. Ex iudicio indifferenti particulariter, id est, attingente contrarias rationes objecti particularis, conceditur. Deinde distinguitur Consequens: ergo amor beatificus non est verè liber à necessitate agentis, & exercitii, sive à necessitate simpliciter, negatur: non est verè liber à necessitate objecti, & specificationis, sive à necessitate secundùm quid, conceditur.

Pater solutio ex dictis, cap. 4. §. 3. Ubi duas indifferentias iudicii ex parte objecti distinximus. Unam de objecto universali, ex quo iudicium dicitur indifferens universaliter: aliam de objecto particulari, ex quo iudicium dicitur indifferens particulariter. Ex hac duplici indifferentia duæ distinguuntur libertates: una, quæ est libertas agentis, & exercitii, procedens ex iudicio indifferenti universaliter: alia, quæ est libertas objecti, & specificationis procedens ex iudicio indifferenti particulariter. Libertas ergo agentis est potestas se applicandi ad actum ex iudicio universaliter indifferenti, sive ex iudicio attingente universalem rationem boni. Libertas objecti, & specificationis est potestas se applicandi ad diversos actus ex iudicio particulariter indifferenti, sive ex iudicio attingente diversas, & contrarias rationes in objecto particulari. Hæc libertas objecti non est de ratione libertatis, sed solum extendit illam, eo quod perfecta ratio libertatis consistit in dominio actus, quod abundè oritur ex potestate se applicandi ad actum, quæ est quædam potestas sibi imperandi actum: sicut dominium personæ oritur ex potestate imperandi alicui. Vide quæ diximus num. 52. & 68.

Amor beatificus procedit ex iudicio universaliter indifferenti, id est, attingente ipsam universalem rationem boni, aut ultimi finis in communi. Quare voluntas, vultus iudicii, & amoris boni se determinat, & applicat ad amandum Deum, quem videt esse ipsam bonitatem per essentiam, omnisque boni fontem. Oportet igitur ut amor beatificus sit liber libertate agentis, & exercitii, cum necessitate objecti, & specificationis: concluditur enim mediante syllogismo practico, in quo stat iudicium indifferens majoris, cum iudicio minoris ad unum determinato, & ita est simpliciter liber, necessarius secundùm quid.

LXXXVIIJ Instabis. Perfectior libertas est, amare objectum libertate agentis, & objecti simul, quam solum amare illud libertate agentis. Si ergo amor beatificus sit solum liber libertate agentis, non erit perfectissime liber.

Respondetur dist. Ant. Perfectior est libertas, &c. Si objectum non habeat cum ratione boni necessariam connexionem, conceditur. Si objectum habeat cum ratione boni necessariam connexionem, negatur. Explicatur solutio. Objectum habens cum ratione boni, aut sine necessariam connexionem non potest secundùm aliquam rationem laudabiliter, id est, *servato ordine finis* repudiari. Certum est, quod non sit de perfectione libertatis posse se applicare ad volendum aliquid non

serva-

servato ordine finis: & consequenter de perfectione libertatis non erit, ut objectum necessario connexum cum fine possit repudiari: contrà, ad perfectionem libertatis spectabit, ut objectum non habens necessariam connexionem cum fine, possit secundum unam rationem amari, & secundum aliam rationem repudiari. Cum ergo libertas agentis sit potestas se applicandi ad actum, & negationem actus, eam destruendo; libertas objecti sit se applicandi ad diversos actus, amoris scilicet, & repudii, sequitur manifestè, quòd perfectior libertas sit amare objectum necessario eum fine connexum solà libertate agentis, quàm amare illud, & libertate agentis, & libertate objecti simul. E contrà, perfectior libertas erit, si objectum non necessario connexum cum fine ametur utrâque libertate, quàm si ametur solà libertate agentis.

Fundatur nostra solutio in eo, quod docet D. THOMAS 1. p. q. 62. a. 8. ad 3. Ubi ait: *quòd liberum arbitrium diversa eligere possit, servato ordine finis, hoc pertinet ad perfectionem libertatis ejus: sed quòd eligas aliquid diveriendo ab ordine finis, quòd est peccare, hoc pertinet ad defectum libertatis.*

LXXIX. Potest nostra solutio adhuc magis declarari. Libertas, ut sæpè diximus, est potestas se applicandi ad actum; hæc potestas sequitur ad perfectam cognitionem finis, & ideo ad ipsius perfectionem spectat, quòd se applicet ad actum juxta merita cujuslibet objecti: ex defectu enim cognitionis provenit, quòd aliquid ametur contra id, quod exigit. Objectum autem habens necessariam connexionem cum ratione boni, aut fine, exigit amorem, & non repudium; ad perfectionem igitur libertatis spectabit, ut possit se applicare ad amorem, sine potestate se applicandi ad repudium. Objectum verò non habens dictam connexionem, exigit secundum unam rationem amorem, & secundum aliam rationem repudium; ad perfectionem igitur libertatis spectabit, ut voluntas possit se applicare ad utrumque. Undè evidens est, quòd objectum necessariam habens cum fine connexionem perfectiori libertate ametur, si solà libertate agentis ametur: objectum verò carens prædictâ connexionem perfectiori libertate ametur, si utrâque libertate, & agentis, & objecti, à voluntate ametur.

§. II. Secundum argumentum, ejusq; solutio.

LXXX. **S**ecundum argumentum ad hanc formam reducitur: Ad dominium sui amoris exigitur, ut voluntas possit amare, & non amare; sed beati non possunt non amare Deum: ergo beati non habent dominium sui amoris.

Respondetur distinguendo Majorem: ad dominium sui amoris exigitur potestas non amandi negativè, conceditur. Potestas non amandi positivè, negatur. Deinde distinguitur Minor. Beati non possunt non amare Deum positivè; conceditur. Non possunt non amare negativè, negatur. Solutio paret ex dictis cap. 7. §. 2. Ubi dictum

dictum est, quòd potestas non amandi positivè, est potestas producendi negationem amoris; potestas non amandi negativè, est potestas impediendi negationem amoris per propriam determinationem ad amandum. Ut negatio amoris sit simpliciter & absolutè in potestate amantis sufficit, quòd per propriam determinationem ad amorem possit impedi, & impediatur: eo modo, quod diximus num. 75. illuminationem candelæ esse simpliciter, & absolutè in potestate extinguentis candelam ex propriâ voluntate, non tamen potentis eam accendere. Cùm ergo beatus ex propriâ voluntatis suæ determinatione amando Deum impediatur negationem amoris; ipsa negatio amoris erit simpliciter, & absolutè in potestate beati; nec proinde aliquid ei deerit quominus habeat perfectum amoris sui dominium intensivum, quamvis non extensivum, hoc enim ad perfectionem libertatis non spectat, nisi circa illa objecta, quæ non habent necessariam cum ratione boni, aut sine connexionem, ut in solutione præcedentis argumenti num. 78. & 79. dictum est. Dominium intensivum est dominium actus: dominium extensivum est dominium plurium, & contrariorum actuum.

Instabis. D. THOMAS 1. 2. q. 10. a. 2. docet, voluntatem à nullo objecto necessitari quoad exercitium, quia potest de quolibet objecto non cogitare: ergo à contrâ beati necessitabuntur quoad exercitium ab objecto beatifico, cùm non possint de illo non cogitare.

LXXXJ. Respondetur concedendo totum: quia aliud est necessitari ad exercitium ab objecto, & aliud necessitari ad exercitium ab agente. Necessitas exercitii proveniens ab objecto, nihil est aliud, quàm quòd ad apprehensionem objecti debet sequi amor; hoc autem contingit dupliciter, quandoque ad apprehensionem objecti alicujus sequitur amor ratione præcedentis volitionis; & tunc necessitas exercitii ab objecto proveniens non excludit libertatem agentis, quia ratione præcedentis volitionis applicat se voluntas ad actum amoris, ut patet in volente ire Romam, quia ad ostensionem viæ incedit per illam; incensus per viam sequitur necessariò ad ostensionem viæ, sed quia sequitur ratione præcedentis volitionis eundem Romam, idè liberè vult incedere per viam. Similiter ad apprehensionem boni sine ullâ ratione mali debet sequi amor, sed quia amor non sequitur nisi ratione præcedentis volitionis, idè liberè adhuc amatur hoc bonum, eo ipso, quòd voluntas se applicat ad amandum. Nec refert, quòd debeat se applicare; quia debere se applicare, est debere liberè agere, cùm liberè agere nihil sit aliud, quàm se ad agendum applicare.

Quandoque autem ad apprehensionem objecti sequitur amor, non ratione volitionis præcedentis, sicut contingit in brutis, & in motibus voluntatis *ut natura est*; tunc necessitas exercitii proveniens ab objecto excludit libertatem agentis; siquidem excludit propriam voluntatis applicationem, & determinationem. Et sic patet, quòd aliqua necessitas exercitii procedens ab objecto compatitur secum libertatem agentis; aliqua non; necessitas autem exercitii procedens ab objecto beatifico, est ne-

cessitas

cessitas orta ratione præcedentis volitionis, in nullo excludens propriam voluntatis determinationem; nec consequenter libertatem agentis. Hanc semper excludit necessitas exercitii proveniens ab agente, quia hæc necessitas nihil est aliud, quàm quòd agens ex solâ alterius applicatione moveatur ad agendum sine ullâ indifferentiâ iudicii, & potestate applicandi se ad oppositum. Ratio huius doctrinæ est, quòd objectum non applicat effectivè voluntatem ad exercitium actûs: sed materialiter, & objectivè terminando exercitium illius. Tunc ergo necessariò movebit voluntatem, quando necesse erit, ut terminet illius exercitium. Quæ tamen necessitas, si oriatur ex aliquâ volitione præcedenti, erit solum necessitas suppositionis, non excludens propriam voluntatis determinationem, nec libertatem agentis, ut dictum est. Si verò non oriatur ex aliquâ volitione præcedente, sed ex naturali dispositione, erit necessitas absoluta excludens libertatem agentis. At tamen quæcumque sit, non necessariò terminabit, si voluntas possit de illo objecto non cogitare; si non possit non cogitare, sicut in objecto beatifico contingit, objectum necessariò terminabit exercitium voluntatis; verùm necessitate ortâ ex præcedente volitione, quam necessitatem diximus stare cum libertate agentis.

* Nota, differentiam inter beatitudinem in communi, & beatitudinem in particulari. Beatitudo in communi liberè quoad exercitium amatur, quia possumus de illâ non cogitare. At beatitudo in particulari liberè amatur quoad exercitium, quia ex præcedente volitione ad illius amorem se applicat voluntas. *

§. III. Tertium argumentum, ejusq; solutio.

LXXXIJ. **T**ertium argumentum hoc modo concluditur: Proprius actus liberi arbitrii est electio; sed amor beatificus non est electio: ergo amor beatificus non est proprius actus liberi arbitrii; nec consequenter erit perfectissimè liber. Probatur Minor. Electio est mediorum; sed amor beatificus non est circa media: ergo amor beatificus non est electio.

Respondetur negando Minorem. Ad prob. distinguitur Major. Electio distincta ab intentione finis particularis, est mediorum, conceditur. Electio non distincta ab intentione finis particularis est mediorum, negatur. Deindè concessâ Minore distinguitur Consequens. Ergo amor beatificus non est electio distincta ab intentione finis particularis, conceditur: non est electio, quæ sit intentio finis particularis, negatur.

Explicatur solutio. Electio dupliciter sumitur: primo modo, ut est actus voluntatis attingentis media. Secundo modo, ut est actus voluntatis intendentis finem particularem ex amore ultimi finis in communi. Juxta quam acceptionem omnis actus virtutis electio est: Philosophus 2. Ethic. cap. 6. definit virtutem, quòd sit *habitus electum in mediocritate consistens prout sapiens*, &c. non quia principalis actus virtutis sit

circa media, sed quia ipsa intentio finis, in particulari materia, quæ est potissimus virtutis actus, electio nominatur. Quod etiam docuit Angelicus Præceptor 1. 2. q. 68. a. 3. ad 3. his verbis: *dicendum quod prudentia non solum dirigit virtutes morales in eligendo ea, quæ sunt ad finem, sed etiam in præstipiendo finem: est autem finis unusquisqueque virtutis moralis attingere medium in propria materia: quod quidem medium determinatur secundum rectam rationem prudentiæ, ut dicitur in 2. & 6. Ethic.*

Clarissimè, & adhuc magis ad nostrum intentum idem docet in 3. dist. 33. q. 2. a. 3. *Medium virtutis moralis, ut 2. Ethic. dicitur, est secundum rationem rectam, quæ est prudentia, & sic quodammodo prudentia præstipuit finem virtutibus moralibus, & ejus actus in earum actibus immiscetur: sed inclinatio in finem illum pertinet ad virtutem moralem, quæ consentit in bonum rationis per modum naturæ. ET HÆC INCLINATIO IN FINEM DICITUR ELECTIO IN QUANTUM FINIS PROXIMUS AD FINEM ULTIMUM ORDINANTUR.* Et ideo dicit Philosophus 2. Ethic. quod VIRTUS MORALIS FACIT ELECTIONEM RECTAM.

LXXXIIJ. Eo igitur modo, quo actus attingens medium rationis in materia hic, & nunc occurrente, dicitur electio, quia, scilicet, ex amore boni virtuosius concluditur: ita etiam amor beatificus attingens ultimum finem in particulari, electio convenienter dicitur, in quantum ex amore ultimi finis in communi concluditur. Ut hæc aliqualis paritas melius innotescat, considerandum est virtuosum suum specialem habere syllogismum; cujus major est actus, quo amatur bonum rationis, minor est medium à prudentiâ in materia hic, & nunc occurrente determinatum, conclusio est electio actus secundum prudentiam commensurati hic, & nunc occurrentis. Amanti enim bonum rationis, & occurrente v. g. delectatione, prudentia dicit, si amas bonum rationis, debes taliter uti delectatione, quæ tibi hic, & nunc occurrat, tunc qui amat bonum rationis determinat se ad volendum uti delectatione secundum commensurationem prudentiæ. Hæc voluntas utendi delectatione est actus liberi arbitrii, nec aliquid libertatis amittit, eo quod virtuosus non possit uti aliter delectatione, quam juxta modum sibi à prudentiâ commensuratum.

Cur, quæso, non eodem modo ratiocinari poterimus de amore beatifico. Voluntas ex naturali suâ inclinatione quærit summum bonum, & inquietum est cor nostrum, ait S. AUGUSTINUS, donec inveniat illud; unit se Deus intellectui nostro, & clarissimè ostendit voluntati se esse illud, quod tam ardentem quærit; tunc voluntas ex amore summi boni, quo urgebatur, determinat se ad amandum Deum; cur ergo hic amor, quem concludit voluntas, non etiam dicitur electio? & cur aliquid libertatis perderet, eo quod voluntas videntis non possit se ad alium amorem determinare? Vide quæ diximus num. 63. & 64.

LXXXIV. Instabis. Eligere secundum D. THOMAM nihil est aliud, quam acceptione unum alio recusato: sed ad hoc requiritur, ut diversa voluntati proponantur: ergo ubi intellectus est determinatus ad unum proponendum, sicut est intellectus beati,

beati, non ibi electio erit secundum quod est actus liberi arbitrii.

Respondetur distinguendo Majorem. Eligere est acceptare unum alio recusato; sive formaliter, sive virtualiter fiat hæc acceptatio, conceditur: ita ut hæc acceptatio fiat formaliter, negatur. Dupliciter fit acceptatio unius altero recusato, vel formaliter, quando de duobus propositis unum amatur, alio repudiato: vel virtualiter, quando aliquid unum amatur propter aliquam rationem boni in ipso repertam: tunc enim segregatur objectum ab eo, quod non habet illam rationem, & habens illam rationem acceptatur virtualiter recusatio, omni non habente. V. g. qui amat vinum quia dulce, virtualiter acceptat vinum, recusato eo quod non habet dulcedinem. Similiter, qui amat aliquid, quia bonum, virtualiter acceptat illud, recusato eo quod non est bonum, & qui amat aliquid, quia utile ad sanitatem, virtualiter illud acceptat recusato eo, quod non conducit ad sanitatem. Hæc virtualis acceptatio unius præ alio sufficit ad rationem electionis, cujus essentia perfecte salvatur in hoc, quod sit actus voluntatis ex alio deductus, ut dictum est num. 40. Constat autem ad hanc virtualem acceptionem non requiri, quod intellectus diversa proponat, sed satis est, quod discernat actum à ratione amandi, ut sic voluntas propter rationem amandi se determinet ad actum. Cum ergo in amore beatifico discernatur amor à ratione amandi, & voluntas propter rationem summi boni, quam naturaliter amat, se determinet ad amandum Deum; virtualiter illum acceptat recusato omni eo, quod non est summe bonum; & ideo congruè amor beatificus electio dicitur.

§. IV. Quartum argumentum Ejusq; solutio.

LXXXV. **Q**uartum argumentum hæc ratione deducitur: quando necessitatur ad finem, necessitatur etiam ad media, sine quibus non habetur finis: ergo & beati, qui necessitantur ad beatitudinem in communi, necessitantur etiam ad Deum clarè visum, in quo solo videntur salvari suam beatitudinem. Ubi autem est actus necessitatis, non potest esse electionis libertas.

Respondetur distinguendo Antec. Quando necessitatur ad finem, necessitatur ad media necessitate objecti, conceditur. Necessitate agentis, negatur. Jam sæpè dictum est, necessariam cum fine connexionem solum inducere necessitatem objecti, sive finis, cum qua stare potest libertas agentis. Nam hoc ipso, quod prædicta connexio non tollit, quin voluntas ex amore finis mediante syllogismo practico se determinet ad amandum medium, impossibile est, quod tollat agentis libertatem. Nam accidit amanti finem, quod ei intellectus proponat medium necessario connexum, aut non connexum; unum, aut plura; siquidem quantum est ex vi judicii, & amoris applicantis, eodem modo se determinat ad unum, ac si plura fuissent media proposita, & eodem modo se applicat ad volendum medium connexum, ac si proponere.

neretur non connexum; cum solâ hâc differentiâ, quod si proponeretur medium non connexum, posset repudiare illud; verum potestas repudiandi accidit libertati agentis; nec ullo modo ad perfectam illius rationem requiritur: ut sufficienter patet ex suprà dictis.

LXXXVJ. Instabis. Sicut se habet assensus principiorum ad assensum conclusionis, ita se habet amor finis ad electionem mediî; sed assensus principiorum causat assensum conclusionis necessariò, tam quoad exercitium, quàm quoad specificationem: ergo & amor finis causabit electionem mediî necessariò, tam quoad exercitium, quàm quoad specificationem. Argumentum procedit de conclusionem, sine cuius veritate non salvatur veritas principiorum, sicut & de medio, sine quo finis haberi non potest: desumiturque ex D. THOMA 1. 2. q. 10. a. 6. *Non semper ex principis ex necessitate procedit conclusio: sed tunc solum quando principia non possunt esse vera, conclusio vera non sit, & similiter non oportet quod semper ex fine infir homini necessitas ad eligendum ea, quæ sunt ad finem, quia non omne, quod est ad finem tale est, quod sine eo finis haberi possit, aut si tale sit, non semper sub tali ratione consideratur.*

Et 1. p. q. 19. a. 3. Sic ait: *Ea quæ sunt ad finem non necessariò volumus volentes finem; nisi sint talia, sine quibus finis esse non potest; sicut volumus cibum volentes conservationem vitæ, & navem volentes transire.*

LXXXIJ. Respondetur distinguendo Majorem. Sicut se habet assensus principiorum ad assensum conclusionis, ita se habet amor finis ad electionem mediî, quoad specificationem actûs, conceditur; quoad exercitium actûs, negatur. Deindè concessâ Minore, negatur Consequentia, quæ fundatur in omnimodâ paritate, quam negamus. Est paritas quoad specificationem, disparitas quoad exercitium. Paritas consistit in hoc, quod sicut assensus principiorum est causa, quod actus tendens in conclusionem sit ita assensus conclusionis, ut non possit esse illius dissensus; ita amor finis est causa, quod actus tendens in medium sit ita mediî prosecutio, ut non possit esse illius repudiatio; en paritas quoad specificationem actûs. Disparitas quoad exercitium actûs desumitur ex differentiâ assignatâ cap. 4. inter syllogismum speculativum, & practicum, secundum quam syllogismus speculativus non continet principium applicans ad exercitium actûs, secus syllogismus practicus. Ex quo fit, ut conclusionis assensus non tribuatur speculativè syllogizanti, sed applicanti intellectum ad considerationem præmissarum; è contrâ conclusionis assensus tribuitur practicè syllogizanti, eo quod practicè syllogizans ex amore boni faciente majorem sui syllogismi applicat intellectum ad considerandum minorem sub majore, & minore occurrente solum materialiter, & objectivè est totalis causa suæ conclusionis, quæ est amor boni particularis. Cum ergo liberum sit, quod causa sui est, conclusio syllogismi practici formaliter libera efficitur libertate agentis: secus conclusio syllogismi speculativi, vide prædictum caput. Quare testimonia Angelici Doctoris aliâ in instantiâ argumenti solum probant necessitatem quoad specificationem

nem actûs, siue necessitatem objecti, secundum quam necesse est amantem finem amplecti medium, sine quo finis haberi non potest, ita ut non possit illud repudiare. Verum, quia amplectitur medium ex propria voluntatis determinatione, non ex soli alterius causæ applicatione; ex collatione rationis, non ex instinctu naturæ, libere libertatis agentis medium prædictum amplectitur.

§. V. *Ultimum argumentum, ejusq; solutio.*

LXXXVIIJ. **U**ltimum argumentum deducit ad inconueniens sub hâc formâ: si ad essentiam libertatis sufficit, quod voluntas agat per propriam determinationem ad actum, Deus libere amabit suam essentiam: sed hoc est inconueniens: ergo, &c. Sequela Majoris patet; quemadmodum eo ipso quod Deus non habet esse ab alio, oportet, ut sit ex se perfectissimè subsistens; ita eo ipso quod non determinetur ab alio; oportet, ut sit perfectissimè seipsum determinans, & ita determinando seipsum ad amorem suæ essentiae, libere amabit seipsum, si ad essentiam libertatis propria sufficiat determinatio voluntatis.

Respondetur distinguendo Majorem: si ad essentiam libertatis sufficit, quod voluntas agat per propriam determinationem fundatam in indifferentiâ alicujus judicii, Deus libere amabit suam essentiam, negatur. Non fundatam in indifferentiâ alicujus judicii, conceditur. Deinde distinguitur Minor: inconueniens est, quod Deus libere amet suam essentiam libertate indifferentiæ, conceditur: libertate coactionis, negatur.

LXXXIX. Explicatur solutio. Duplex est libertas, una coactionis, alia indifferentiæ; libertas coactionis propriè sumpta est potestas applicandi se ad actum præcisè; libertas indifferentiæ superaddit potestatem non agendi ortam ex judicio aliquo indifferente: qui enim virtute alicujus judicii, & amoris indifferentis potest se applicare ad agendum, ille habet potestatem applicandi se ad agendum cum potestate non agendi. Deus respectu creaturarum determinat se ad eas diligendum ex judicio indifferente, & amore suæ essentiae, nullam habentis connexionem necessariam cum creaturis: & ideò habet potestatem applicandi se ad amorem cujuslibet creaturæ cum potestate non amandi, imò & repudiandi: ac proinde gaudet, seclusis imperfectionibus, libertate indifferentiæ per ordinem ad creaturas. Verum, per ordinem ad suam essentiam, non habet, nili libertatem coactionis, eo quod non diligit eam cum potestate non amandi, licet perfectissimè ad amorem illius se determinet. Imperfectio est amoris creati, quod tendat in divinam essentiam cum potestate non amandi, etiam negativè: quia ad hoc requiritur duplex actus, unus applicans, alter applicatus, cujus objectum non potest specificare voluntatem; quare si Deus ex præcedente actu applicaret se ad amorem suæ essentiae, essentia divina non posset esse specificativum divinæ voluntatis, sicut nec creaturæ possunt esse objectum

C c

speci-

specificativum divinæ voluntatis, eo ipso quòd Deus ad amandum illas se determinet ex amore suæ essentiae, seclusis semper imperfectionibus: nec Deus potest similiter esse objectum specificativum voluntatis nostræ, eo ipso quòd ex amore boni præcedente determinemus nos ad amandum Deum.

Dixi, quod *libertas coactionis propriè sumpta sit potest. applicandi se ad actum præcisè*, quia si libertas coactionis universaliter sumatur, nihil erit aliud, quàm inclinatio interior ad actum, ita ut omnis actus, qui ex interiori inclinatione procedit, sit liber à coactione. Verùm, Sancti Patres videntur sumpsisse libertatem coactionis magis propriè, nempe, pro potestate applicandi se ad actum præcisè, ita ut ille actus sit propriè liber à coactione, ad quem voluntas præcisè se applicat. Et cum ad nullum actum se applicet voluntas creata, nisi ex amore præcedente, & iudicio indifferente, fit, ut in voluntate creatà libertas à coactione usurpata à SS. Patribus coïncidat cum libertate indifferentiæ de objecto universali, sive cum dominio intensivo actûs, & solum distinguatur à libertate indifferentiæ de objecto particulari, sive à dominio extensivo actûs.

In divinà autem voluntate datur libertas coactionis propriè sumpta, distincta à libertate indifferentiæ, eo quòd voluntas divina tam *ut natura*, quàm *ut voluntas est*, se applicet ad amandum; nam voluntas divina *ut natura* ex summà suà actualitate determinat, & applicat se ad amandum essentiam divinam: voluntas divina, *ut voluntas est*, ex amore essentiae divinæ præcedente determinat se ad amandum creaturas: & ideo voluntas divina amat essentiam divinam libertate coactionis, sicut nostra voluntas amat felicitatem in communi libertate coactionis; cum hac differentià, quòd libertas coactionis in amore essentiae divinæ sit propriè sumpta, at in amore felicitatis in communi sit universaliter sumpta. Creaturæ autem amantur à voluntate divinà libertate indifferentiæ, & contrarietatis.

XC. Totam hanc doctrinam desumpsimus ex Angelico Doctore q. 10. de potentia, a. 2. ad 5. *Dicendum, quòd naturalis necessitas secundum quod voluntas aliquid ex necessitate velle dicitur, ut felicitatem, libertati voluntatis non repugnat, ut AUGUST. docet in 5. lib. de civit. Dei. Libertas enim voluntatis, violentia, vel coactioni opponitur. Non est autem violentia, vel coactio in hoc, quòd aliquid secundum ordinem suæ naturæ movetur, magis in hoc quòd naturalis motus impeditur: sicut cum impeditur grave ne descendat ad medium. Unde VOLUNTAS LIBERE APPETIT FELICITATEM, LICET NECESSARIO APPETAT ILLAM. SIC AUTEM ET DEUS SUA VOLUNTATE LIBERE AMAT SEIPSUM, LICET DE NECESSITATE AMET SEIPSUM. Et necessarium est, quòd tantum amet seipsum, quantum bonus est, sicut tantum intelligit seipsum, quantum est. LIBERE ERGO SPIRITUS SANCTUS PROCEdit A PATRE, NON TAMEN POSSIBILITER, SED EX NECESSITATE. Manifestum est, quòd in istis verbis Magister noster loquatur de libertate coactionis, prout distinguitur contra libertatem indifferentiæ: quandoquidem cõparet libertatem amoris divinæ essentiae libertati amoris beatitudinis ut sic, qui non potest esse liber*
liber-

libertate indifferentiæ, sed solum habet coactionis libertatem. Idem patet ex eo quod dicit, Spiritum Sanctum procedere à Patre libere, *non tamen possibiliter*, quod idem est, ac non indifferenter.

Quæ verò ratione necessitas naturalis inclinationis non repugnet libertati, dictum est cap. 7. vel enim tenet se ex parte majoris tantum, vel tenet se ex parte majoris, & minoris; id est, vel sola major oritur ex inclinatione interiori, & minor per collationem accipitur; vel etiam minor cum majori sine collatione habetur ex interiori inclinatione. Primo modo causat dominium actus extensivum, sive potestatem *volendi opposita*: secundo modo causat dominium intentivum, sive potestatem *volendi, vel non volendi*. Neutro modo potest dici repugnare libertati, nisi dicantur principia, ex quibus conclusio deducitur, repugnare conclusioni.



APPENDIX AD CAP. X.

* *Amica Refutatio quatuor Conclusionum.*

AMICUS quidam, cui Opusculum nostrum primum mirifice placuit, quatuor Conclusiones proposuit contra SYLLOGISMUM PRACTICUM, & deductam ex eo amoris beatifici libertatem. Non animo, ut credo, contradicendi, sed exercitii, sine dubio gratiâ ad majorem SYLLOGISMI PRACTICI elucidationem. Cum enim in principiis conveniamus, non possumus in re multum dissentire; si quæ verò in terminis fuerit differentia, amica refutatio tollet, & Amicum, quem plurimum veneramus, quique omni æstimatione nostrâ major est, facillimè conciliabit.

§. I. *Proponitur prima Conclusio.*

AD confirmandum, quod ad essentialem libertatem voluntatis, etiam ut voluntas est, sive ad hoc, ut voluntas habeat dominium sui actus, nulla requiratur indifferentia, sive potestas ad non agendum, dum agit, (undè concludunt etiam voluntatem habere dominium amoris beatifici) quibusdam utilis videtur explicatio *syllogismi practici*, in hunc ferè modum: Omnis actus ad quem voluntas se applicat ex præcedente actu, est sub dominio voluntatis, & liber libertate voluntatis, prout voluntas est: atqui ad amorem beatificum voluntas se applicat ex

„ præcedenti actu : Ergo, &c. Negamus Minorem. Probant : In amore beatifico
 „ voluntas , saltem virtualiter , utitur hoc syllogismo practico : Omne bonum est
 „ amandum : Deus clarè visus est bonus : ergo est amandus. Et hæc practica con-
 „ clusio est amor beatificus. Ergo , inquit , est liber : Ad hoc respondemus ,
 „ amorem beatificum non esse conclusionem , ne virtualiter quidem illatam ex illo
 „ principio , *Bonum est amandum*. Est enim amor beatificus (supposità in intellectu
 „ visione Dei) ipsum primum voluntatis principium , ac velut dictamen naturale
 „ voluntatis pondus inclinans , & attrahens , ita immediatè , & magis , quàm illud , quo
 „ voluntas non-beati fertur in confusam rationem boni.

AMICA REFUTATIO.

SI postremas hujus conclusionis lineas sustuleris , quæ incipiunt , *Est enim amor bea-*
tificus , &c. *Amico* consentimus ; qui fortè non tam ex Opusculo nostro , quàm
 ex relatione quorundam videtur SYLLOGISMUM PRACTICUM didicisse. Nàm quibus-
 dam , inquit , utilem visam fuisse explicationem *syllogismi practici* , ad hoc , ut ad do-
 minium actûs sui , nulla requiratur indifferentia , sive potestas ad non agendum.
 Hoc cerè non dicimus nos ; siquidem indifferentiam judicii de *objecto universalis* , &
 potestatem *non agendi negativè* exigimus ad essentialem libertatem voluntatis , ut vo-
 luntas est , actusque sui dominium , ut videre est cap. 4. §. 3. & cap. 7. §. 2. In syllo-
 gismo practico judicium majoris est indifferens , nec ejus indifferentia tollitur per
 indeterminationem minoris. Inviçè probavimus indifferentiam judicii de *objecto*
 particulari secundùm quam possumus judicare , *bonum est non agere* , causare libera-
 tem specificationis minimè necessariam ad libertatem exercitii. Non enim solum-
 modò voluntas potest *non agere* , quia judicatur , *bonum est non agere* ; sed etiam ipsa
 voluntatis indeterminatione ad actum est potestas *non agendi* , si fuerit conjuncta cum
 potestate se applicandi ad actum. Cùm ergo voluntas ex majore syllogismi practi-
 ci si indeterminata ad hunc particularem amoris actum , & possit mediante minore
 ad illum se applicare , manifestum est , libertatem ortam ex *syllogismo practico* à nobis
 explicato non esse sine indifferentiâ *objectivâ* judicii , nec sine potestate *non agendi*.

Admittimus etiam cum *Amico* , amorem beatificum non esse conclusionem illa-
 tam præcisè ex alio principio , *Bonum est amandum* ; sed syllogismum practicum quo
 concluditur dicimus esse istum : *Summum bonum , seu ultimus finis est amandus : sed*
Deus , ut in se bonus , est summum bonum , seu ultimus finis : ergo Deus , ut in se bonus , est
amandus. Majorem ministrat natura voluntatis , quæ naturaliter appetit beatitudi-
 nem. Minorem in viâ lumen fidei , in patriâ lumen gloriæ ; conclusionem sequitur
 amor Dei , ut in se boni. Communis est Thomistarum sententia , amorem patriæ
 non distinguî specie formaliter ab amore viæ ; inò eundem numero actum charita-
 tis viæ , posse in patriâ continuari : atqui ex Præceptore nostro Sole Angelico cla-
 rissi-

rissime habetur, amorem Dei concludi in viâ ex amore naturali ultimi finis; ergo & poterit concludi in patriâ, lumine gloriæ succedente lumini fidei, quod ministrabat minorem. Probat Minorem testimonium citatum num. 24. ex q. 22. de veritate a. 7. in quo dicitur: *Homini inditus est appetitus ultimi finis sui in communi, ut scilicet, APPETIT NATURALITER se esse completum in bonitate, sed in quo ista completio consistat, utrum in virtutibus, vel scientiis, vel delectabilibus, vel huiusmodi aliis, non est ei determinatum à naturâ. Quando ergo EX PROPRIA RATIONE, ADIUTUS DIVINA GRATIA, apprehendit aliquod speciale bonum, ut suam beatitudinem, in quo verè sua beatitudo consistit, TUNC MERETUR non ex hoc quod appetit beatitudinem, quam naturaliter appetit; sed EX HOC QUOD APPETIT HOC SPECIALE, QUOD NON NATURALITER APPETIT, UT VISIONEM DEI, in quâ tamen secundum rei veritatem sua beatitudo consistit.*

Quibus verbis manifestum sit, hominem ex amore ultimi finis determinare se ad amorem Dei meritorium, ut est beatitudinis objectum. Nam, ut in eâdem q. a. 5. docet D. THOMAS, *Sicut est ordo naturæ ad voluntatem, ita se habet ordo eorum, quæ naturaliter vult voluntas ad ea respectu quorum à seipâ determinatur, non ex naturâ. Et illud sicut naturæ est voluntatis fundamentum, ita appetibile, quod naturaliter appetitur, est aliorum appetibilium principium, & fundamentum.* Quam doctrinam applicat ad beatitudinem i. p. q. 72. a. 8. *Naturæ ad beatitudinem comparatur, sicut primum ad secundum, quia beatitudo naturæ additur, semper autem salvatur primum in secundo. Unde oportet, quod naturæ salvetur in beatitudine, & similiter OPORTET QUOD IN ACTU BEATITUDINIS SALVETUR ACTUS NATURÆ.* Judicet modò Amicus, si congruenter ad hæc tam aperta Communis Magistri nostri testimonia possit dici, quod amor beatificus sit ipsum primum principium, ac velut dielamen, naturæ voluntatis pondus inclinans, & attrahens, ita immediatè, & magis quàm illud, quo voluntas non-beati ferat in confusam rationem boni; uti postremis lineis conclusionis asseritur.

§. II. Proponitur secunda Conclusio.

IN hoc enim hallucinari videntur, quod reputent Deum respectu clarè eum videntis esse particulare quoddam, & non potiùs *omne bonum*, quod proindè respectu beati non ponat in numero cum bono in communi: undè & voluntas beati in amorem Dei, sive amando in Deum, etsi maximè spontaneè feratur, non fert tamen, sive non movet, non determinat se, ut voluntas est, sive non reduplicativè, quia sic ipsi placet; sed placet illi bonum istud, ac vult ut natura quædam suo plenè satiatur bono, felicissimè omni modo occupata, & determinata, ut nullus in eâ remaneat inclinationis modus, aut pars liber ab isto bono. Et sic hunc actum, sive inclinationem vocamus naturalem, non quod non sit supra innatas vires voluntatis creatæ, verùm, quia voluntatis est, non sub reduplicatione voluntatis, sed sub conceptæ naturæ talis speciei: & habitus charitatis ei superadditur,

„ similiter non ut voluntati, sed ut naturæ, in ordine scilicet ad Deum secundum se.
 „ Aliàs autem fatemur, quòd objectum, vel bonum particulare quodcumque, & in
 „ quocumque statu naturæ, non occupet, non impleat voluntatem, sive non aufe-
 „ rat libertatem voluntatis, prout est voluntas, sive liberum arbitrium: ideoque per
 „ se voluntas quoad exercitium necessitatur in solo amore beatifico.

AMICA REFUTATIO.

C Onfirmat hæc assertio, *Amicum* ex aliorum relatione didicisse syllogismum practicum, quo concluditur libertas amoris beatifici: siquidem non sumus de numero illorum, quos in hoc hallucinatos videri dicit, *quòd reputent Deum respectu clarè eum videntis esse particulare quoddam, & non potius omne bonum, quod proinde respectu beati non ponat in numero cum bono in communi.* Qui concludit Deum esse amandum, quia est summum bonum, quia est ultimus finis; ille non reputat Deum esse particulare quoddam, quod non sit omne bonum. *Amicus* distinguat inter summum bonum in communi, & summum bonum in particulari; sicut & inter ultimum finem in communi, & ultimum finem in particulari, negare non poterit, Solem Angelicum docere, quòd voluntas ex amore summi boni, & ultimi finis in communi, quem habet *ut natura*, se applicet *ut voluntas* ad amandum summum bonum, & ultimum finem in particulari; ut patet ex cit. testimonio in primâ assertionem.

Quid ad hanc applicationem refert, quo lumine cognoscatur Deus esse omne bonum, & ultimus finis? etenim, sive credam Deum esse omne bonum, & ultimum finem, sive id ipsum evidenter cernam, semper ista cognitio obtinebit locum minoris in syllogismo practico, & amor omnis boni, & ultimi finis in communi locum majoris: & consequenter amor Dei, ut ultimi finis in particulari, erit conclusio syllogismi practici, sive credam Deum esse ultimum finem, sive id ipsum evidentiissime cernam. Non ergo amor Dei ut ultimi finis in particulari potest esse à voluntate *ut natura*, sed necessarium est, ut sit à voluntate *ut voluntas est*, etiam respectu clarè videntis Deum. Idque cogitur admittere *Amicus*, eo ipso quod in sequenti assertionem concedit, quòd visio Dei, sive Deus clarè videndus ametur conclusione syllogismi practici, à quocumque non vidente Deum. Nam apud Cordatos Angelici Solis discipulos inter quos eminet *Amicus*, insolubile sit argumentum à charitate viæ ad charitatem patriæ, quoad specificationem objecti; quod sic propono; charitas viæ amat Deum, ut est beatitudinis objectum, conclusione syllogismi practici; ergo charitas patriæ amat Deum, ut est beatitudinis objectum, conclusione syllogismi practici. Antecedens concedit *Amicus*; quia charitas viæ est charitas non videntis Deum. A quocumque autem non vidente Deum amatur Deus, ut est beatitudinis objectum *conclusionem syllogismi practici.*

Consequentia negari non potest, si idem sit specie formaliter actus charitatis viæ,

ris viæ, & patriæ, & multo minùs, si idem sit numero. Certum est, quòd actus voluntatis *ut natura*, sit specie formaliter distinctus ab actu voluntatis *ut voluntas* est: comparantur enim isti actus inter se, sicut assensus principiorum, & assensus conclusionis, quos certum est specie formaliter distingui. Undè si habitus charitatis perficiat voluntatem, *ut voluntas est*, in viâ: oportet, ut eam quoque sub tali ratione perficiat in patriâ: & consequenter si mediante *sylogismo practico* concludat in viâ, Deum esse amandum, necessarium est, ut similiter concludat in patriâ.

Consideretur attentè natura SYLLOGISMI PRACTICI. Inspiratur voluntati, *ut natura est*, amor boni, sive justitiæ; & voluntas ardet amore justitiæ, ostendit intellectus lumine fidei, Deum esse fontem omnis boni, sive justitiæ: & voluntas amans justitiâ concludit amorem Dei, ut fontis omnis justitiæ. Quid facit lumen gloriæ succedens lumini fidei? nihil certè aliud, quàm evidentè ostendere id ipsum quod obscurè ostendebat fides. Tota immutatio est ex parte intellectûs, nulla ex parte voluntatis, nisi fortè, quia quòd clariùs cognoscitur Deus esse fons justitiæ, cò intensior amor Dei ex amore justitiæ concluditur. Si quis amet sanitatem, & ostendatur ei aliquod medium, sine quo non acquirèt sanitatem; an, quia medium illud clarè cognoscitur habere necessariam cum sanitate cognitionem, desinet voluntas ex amore sanitatis se determinare ad illud amandum? Nec ergo qui amat ipsam rationem ultimi finis, ex eo quòd clarè videat Deum habere necessariam cum dictâ ratione habitudinem, desinet ex amore ultimi finis se determinare ad amandum Deum. Videatur cap. 9. §. 4. .

§. III. Proponitur tertia Conclusio.

Item admittimus, quòd visio Dei, sive Deus clarè videndus sit respectu quantumcumque illuminatissimi intellectûs, & incitatissimæ voluntatis, objectum, ac bonum particulare, quodque ametur conclusione syllogismi practici; præterquam respectu clarè Deum videntis. Et sic pleno, plenoque sentiu admittimus, quod urgeri solet ex 3. *dist.* 18. q. 1. n. 2. *solutione secundâ*, ad 5. solum advertendo secundam solutionem non repugnare primæ, sed in secundâ sermonem esse de voluntate, ut est **LIBERUM ARBITRIUM**, at de Christo formaliter ut viatore. Potest enim manere libertas arbitrii, et si sit determinatum ad unum numero objectum, modò hæc determinatio non proveniat ex intrinsicis meritis objecti, ut stat sub tali proponendi modo, secundum quem necessariò videatur esse omne bonum. Necessariò siquidem modus volendi sequitur modum intelligendi, ita ut iudicium ad unam partem ex parte actûs primi determinatum sequatur volitio non libera, & iudicium sic non determinatum sequatur volitio libera, juxta regulam S. THOMÆ, *quæst.* 24. *de Veris.* a. 2. *Tota ratio libertatis ex modo cognitionis dependet.*

AMICA REFUTATIO.

NON aliter refutatur hæc conclusio, quàm efficaciter probando ex illis, quæ asserit, amorem beatificum esse conclusionem SYLLOGISMI PRACTICI. Duobus argumentis id efficimus. *Primum argumentum* præbent primæ lineæ, in quibus dicitur, Deum clarè videndum, sive, quod idem est, Deum, ut est beatitudinis objectum amari conclusione syllogismi practici, à quocumque non vidente Deum. Hoc argumentum prosecuti sumus in secundâ assertionem. *Secundum argumentum* formatur ex illis verbis: *Potest enim manere libertas arbitrii, etsi sit determinatum ad unum numero objectum, modo hæc determinatio non proveniat ex intrinsecis meritis objecti, ut fiat sub tali proponendi modo, secundum quem necessariò videatur esse omne bonum.* Ex his sic argumentor; Actus liberi arbitrii est quædam syllogismi practici conclusio, ut admittit *Amicus*; ergo determinatio illius ad unum numero diligendum debet oriri ex aliquâ præmissarum. Non potest oriri ex majori, cum sit universalis, v. g. ex istâ majore, *summum bonum est amandum*, non potest voluntas esse determinata ad unum numero diligendum, quia intellectus potest pluribus rationem summi boni applicare. Oportet igitur ut ex minore oriatur determinatio ad unum numero diligendum, sed quando minor proponit objectum aliquod, ut non habens necessariam connexionem cum summo bono, non potest voluntas esse determinata ad illud diligendum: ergo tunc solum voluntas amans summum bonum erit determinata ad unum numero diligendum, quando minor clarè proponet unum numero objectum cum necessariâ connexionem ad rationem summi boni, quam voluntas naturaliter amat. Ex quo ulteriùs sic argumentor. D. THOMAS docet, beatum conservare libertatem amoris sui, etiamsi sit determinatus ad unum numero diligendum, quod est Deus, & concedit *Amicus*; ergo amor, quo diligitur Deus à beato, est conclusio syllogismi practici; cujus determinatio provenit ex minore ostendente per lumen gloriæ Deum cum ratione summi boni necessariam habere connexionem, imò esse ipsam rationem summi boni per essentiam. Quare evidens est, quòd determinatio orta ex meritis objecti, propositi in minore, ut continentis omne bonum, non impediatur, quin ex amore boni concludatur amor illius, quod clarè conspicitur esse omne bonum.

§. IV. Proponitur quarta Conclusio.

„**C**UM illi Thomistæ, quibus ita visa est utilis explicatio syllogismi practici, faciantur voluntatem non habere dominium supra illos actus, quos naturaliter, & non ut voluntas producit, videant, quid dicant de dominio amoris beatifici, ubi S. THOMAS dicit, 1. p. q. 41. a. 2. ad 3. *Voluntas in quantum est natura*
 „ *qua-*

„*quadam, aliquid naturaliter vult; sicut voluntas hominis naturaliter tendit in beatitudinem.* Et similiter DEUS NATURALITER VULT, ET AMAT SEIPSUM. Sed circa alia „*à se voluntas Dei se habet ad utrumque quodammodo, ut dictum est.* SPIRITUS autem „*SANCTUS procedit ut amor, in quantum Deus amat seipsum.* Unde NATURALITER PRO- „*CEDIT, quamvis per modum voluntatis procedat.* Et 1. p. q. 60. a. 5. ad 5. *Cum in Deo* „*fit unum, & idem, ejus substantia est bonum commune, OMNES, QUI VIDENT IPSAM* „*DEI ESSENTIAM, EODEM MOTU DILECTIONIS MOVENTUR IN IPSAM DEI ESSEN-* „*TIAM PROUT EST AB ALIIS DISTINCTA, ET SECUNDUM QUOD EST BONUM QUOD-* „*DAM, COMMUNE.* Et quia in quantum est bonum commune, naturaliter amatur ab omnibus, „*quicumque videt eam per essentiam, impossibile est, quin diligat ipsam.* Similiter 1. p. q. „*19. a. 3. & q. 82. a. 2. c.* Et ubi non?

AMICA REFUTATIO.

O Bicit nobis postrema hæc conclusio duo S. THOMÆ testimonia: quorum primum nihil penitus contra doctrinam syllogismi practici, libertatemque amoris beatifici ex eo ortam. Non enim Deus amat seipsum, nec voluntas nostra beatitudinem in communi mediante syllogismo practico; sicuti nec mediante eo procedit Spiritus Sanctus à voluntate. Secundum testimonium dicit, quod videns Deum eodem motu dilectionis feratur in ipsam Dei essentiam, prout est ab aliis distincta, & secundum quod est bonum quoddam commune. Optima doctrina, ex qua si volderis inferre: ergo non amatur Deus conclusione syllogismi practici: negamus Conseq. Nam istum motum dilectionis, quo videns Deum fertur in ipsam Dei essentiam, ut est ab aliis distincta, & secundum quod est bonum quoddam commune, dicimus esse conclusionem syllogismi practici. Quia ad hoc nihil aliud d. sideratur, quam quod voluntas videntis, quæ naturaliter amat ipsam rationem boni communis, cernens istam rationem plenissime esse in essentia Dei, prout est ab aliis distincta, determinet se ad eam amandum mediante hoc syllogismo: *Ipsa ratio communis boni est amanda: sed ipsa Dei essentia, ut ab aliis distincta, est ratio communis boni: ergo, &c.* In quo syllogismo motus dilectionis in conclusione illatus, fertur in ipsam Dei essentiam, ut ab aliis distinctam, sub ratione communis boni. Quod satis insinuavit Sol Angelicus, dum prius præmisit, *Cum in Deo sit unum, & idem ejus substantia, & bonum commune;* Ex quo statim sequitur, quod qui videt Dei essentiam, videt eam esse commune bonum: ac proinde ex amore communis boni, quod naturaliter amatur, se determinat ad amandum Dei essentiam, ut ab aliis distinctam.

Intentio D. THOMÆ in istâ solutione est, ostendere Deum non posse à vidente ipsum odio haberi secundum aliquos effectus, eo quod videat ipsum ut principium cujuscumque effectus esse universale bonum. Non videntes autem Deum

licet ament eum ut universale bonum, secundum quod est causa illorum bonorum, quæ amant, odio tamen habent eum secundum aliquos effectus, quos odium.

Nec ex eo quod Deus dicatur à beatis naturaliter amari, sicut voluntas nostra naturaliter vult beatitudinem, debet concludi amorem Dei esse à voluntate, ut natura est. Nam ly *naturaliter*, idem est, quod necessarium. Unde sensus est, quod sicut ex necessitate volumus beatitudinem, ita ex necessitate volumus illud bonum, in quo solo evidenter cernimus esse nostram beatitudinem. Hujus autem boni amor comparatur conclusioni demonstratæ: cui licet naturaliter, & ex necessitate assentiamur, non propterea definit esse conclusio, & rationis discurrentis actus. Ita, qui videt Deum clarissime, cognoscit, in solo Deo consistere nostram beatitudinem; & idè naturaliter, & ex necessitate inhæret Deo: non tamen propterea amor Dei in vidente ipsum desinet esse conclusio syllogismi practici deducta ex amore beatitudinis. Quam doctrinam ex Præceptore nostro hausimus in eodem ipso loco, ad quem nos remittit *Amicus*, videlicet l. p. q. 82. a. 2. ubi sic loquitur Doctor Ecclesiæ quintus.

„Quædam autem propositiones sunt necessariae, quæ habent connexionem necessariam cum primis principiis: sicut conclusiones demonstrabiles, ad quarum remotionem sequitur remotio primorum principiorum. Et his intellectus ex necessitate assentit, cognita connexionione necessaria conclusionum ad principia per demonstrationis deductionem. Non autem ex necessitate assentit, antequam hujusmodi necessitatem connexionis per demonstrationem cognoscat. Similiter etiam ex parte voluntatis. Sunt enim quædam particularia bona, quæ non habent necessariam connexionem ad beatitudinem, quia sine his potest aliquis esse beatus, & hujusmodi voluntas non de necessitate inhæret. Sunt autem quædam, habentia necessariam connexionem ad beatitudinem, quibus scilicet bono Deo inhæret, IN QUO SOLO VERA BEATITUDO CONSISTIT, SED TAMEN ANTEQUAM PER CERTITUDINEM DIVINÆ VISIONIS NECESSITAS HUIUSMODI CONNEXIONIS DEMONSTRETUR, VOLUNTAS NON EX NECESSITATE DEO INHÆRET, NEC HIS, QUÆ DEI SUNT. Sed voluntas videntis Deum per essentiam, de necessitate inhæret Deo, sicut nunc ex necessitate volumus esse beati.

Quam aptè docet ibi Sol Angelicus amorem beatificum esse conclusionem vi illius cognitionis, quæ necessitas connexionis Dei cum beatitudine, & eorum, quæ Dei sunt cum Deo, demonstratur. Quasi diceret, quantumvis voluntas ex necessitate velit beatitudinem, antequam tamen per certitudinem divinæ visionis demonstraretur necessitas connexionis, quam habet Deus cum beatitudine, ac proinde clarissime videatur, quod in ipso solo vera beatitudo consistat, voluntas amans beatitudinem non ex necessitate concludet Deo esse inhærendum. Videntis autem Deum ex necessitate concludit Deo esse inhærendum, sicut nunc ex necessitate volumus esse beati. Atqui necessitas, quæ nunc volumus esse beati, est solum necessitas obiecti,

Qi, sive specificationis, non necessitas exercitii, sive agentis. Ergo & necessitas quâ concludit beatus Deo esse inhærendum, erit solum necessitas objecti, non verò actûs; necessitas specificationis, non exercitii; necessitas finis, non agentis. Cum hæc differentiâ, quod libertas actûs, quo volumus beatitudinem, oriatur ex eo, quod possimus non cogitare de beatitudine; libertas verò agentis in amore beatifico oriatur ex eo, quod sit ex præcedente actu deductus. Vide num. 81.

Habes, *Amice*, semota omnia impedimenta, quibus posset impediri, ne doctrina nostra de SYLLOGISMO PRACTICO, & libertate amoris beatifici ex eo ortâ tantum tibi placeat, quantum tibi placuit illa de duplici prædeterminatione, quâ gratiam naturæ sanæ distinximus à gratiâ naturæ infirmæ, Hanc dignatus es ex Opusculo primo ponere conclusionem:

„ Motionem, Auxilium, Gratiam efficacem, Prædeterminationem pro eodem accipimus. distinguo, ut suprà, Motionem specialem, & universalem; & elucebit, „ quomodo Angeli, & Adam integer à Deo acceperint, vel non acceperint *Amicum* „ *quo fieret*, ut vellent perseverare in bono. Nam (ut bene *Caietanus in 1. 2. q. 111. a. 2.*) *Deum facere ut velimus, movendo nos-ipsos ad hoc* (ecce motio, seu „ prædeterminatio universalis) & *ut velimus moti tantum ab ipso Deo*, ecce prædeter- „ minatio specialis, conformiter ad S. THOM. 1. p. q. 9. a. 6. ad 3. Adam ergo, &c.

Noligitur elongare à te *Amicum* tuum; sed attende, obsecro, necum pro doctrinâ Angelicâ zelum, & videbis, quod non aliquâ novitatis prurigine, verum sincero conciliandi animo discipulum cum Magistro, hoc Opusculum perfecimus; ut huiusmodi concordia canamus Triumphum de inimicis nostris; & de manu omnium, qui oderunt nos.

§. V. *Ex principiis R. M. Ioannis à S. Thomâ ostenditur, eum in re convenire nobiscum; sed in eo quod asserimus ambo, aliquid plus à nobis fuisse consideratum.*

UT magis pateat, nos in libertate amoris beatifici non *nova* dicere, sed *novè*, concludimus Amicam refutationem, ostendendo nihil à R. M. Ioanne à S. Thomâ assertum ad libertatem formalem, quod etiam non asseramus. Totum quod de amore beatifico dixit, dicimus & nos: sed si aliquid, in eo quod dicimus ambo, consideretur nobiscum, quod ipse non consideravit, inveniatur. Omnia quæ ad formalem libertatem exigit, habere locum in amore beatifico. Nec debet movere aliquem, quod *liberum formaliter* definiat, esse illud quod procedit cum formali indifferentiâ, & contingentia, & sine ulla necessitate, ita quod possit non procedere: *liberum eminenter* definiat esse illud, quod sine tali indifferentiâ formali, sed cum necessitate, non tamen ortâ ex coactione, vel coactione potentia, sed ex adæquatione

rotius universalitatis potentie in agendo procedit. Ex quibus definitionibus confestim sequitur *liberum eminenter*, non esse *liberum formaliter*; ac proinde amorem beatificum, quem dicit esse *liberum eminenter*, non posse juxta eum esse *liberum formaliter*. Hæc, inquam, aliquem movere non debent, quia dicuntur de amore beatifico ex parte respectus, quem dicit voluntas ad objectum, & quem solum consideravit Sapientissimus Magister; non autem dicuntur ex parte respectus, quem dicit voluntas ad actum; ut ex dicendis constabit.

Ad intentum igitur nostrum ponderanda est doctrina prædicti Magistri Sapientissimi, quam tradit in 1. 2. tomo 1. disp. 1. 3. 1. num. 24. ubi hæc docet: „ Uter-
„ go aliquis se moveat, & determinet in finem, necesse est, quod appetitus, quo
„ tenditur in talem finem, supponatur non determinatus, sed indifferens, & ex ali-
„ quo principio interno moveatur, & determinetur, sic enim dicitur se movere,
„ quia ex interno principio determinat, & tollit illam indifferentiam. Principium au-
„ tem internum movens appetitum est judicium, seu cognitio. Si autem judicium,
„ seu cognitio non sit in potestate hominis, nec sit indifferens, sed determinata;
„ nec appetitus ipse indifferens erit, sed determinatus. & sic non poterit moveri ad
„ determinandum sibi finem, ut rectè obliervat S. THOMAS 24. de verit. 2. 2. Ete-
„ nim appetitus sequitur cognitionem, seu judicium ipsum: ergo si judicium est de-
„ terminatum, ita quod non est in potestate hominis determinare ipsum, & re-
„olvere; sed sine ullâ indifferentiâ habetur, & determinatum est, appetitus quo-
„ que determinatus erit, quia, cum non possit appetitus verti, & ad aliud determina-
„ ri, nisi ex judicio, si non est in potestate ejus determinare, acvertere judicium,
„ neque erit in potestate ejus determinare, & resolvere seipsum erga finem, seu
„ subjectum.

„ Ad hoc autem, ut judicium, seu cognitio, ejusque determinatio, & resolutio sit
„ in potestate judicantis, requiritur discursus, & ratio. Ergo ad hoc, ut aliquid se mo-
„ veat in finem requiritur discursus, nec sufficit determinatio ex instinctu, sed ex
„ arbitrio, & collatione. Minor probatur à D. THOMA cit. loc. quia judicium in
„ captum est in potestate judicantis, in quantum potest de suo judicio judicare, de eo
„ enim, quod est in nostrâ potestate, possumus judicare, siquidem possumus de eo disponere. In-
„ dicare autem de judicio suo, solius rationis est, qua super actum suum reflectitur, & cog-
„ noscit habitudines rerum, de quibus judicat, & per quas indicat. Quare cum movere se
„ ad finem, sit determinare se ad finem, supponaturque indifferentiam, & indetermi-
„ nationem in appetitu, qui ad finem moveri debet, tota autem indifferentia, &
„ indeterminatio non possit inveniri in appetitu, nisi detur indifferentia, & indeter-
„ minatio in judicio, quod est radix appetitus, cujus indifferentia determinatur non
„ ab instinctu, seu motione alterius, sed ex collatione, & discursu, & per potesta-
„ tem ipsius judicantis: nec possit aliquis habere potestatem super judicium suum,
„ nisi possit reflectere super actum proprium, & cognoscere habitudines rerum;
„ hinc

hinc fit, quòd movere se in finem intentum, & præstítuendo sibi finem, solùm pertineat ad rationem, non ad alia agentia, quæ ratione non utuntur, ut bruta, sed per instinctum determinantur. Et ideo S. THOMAS compendio totam rationem movendi se in finem ad hoc reduxit, quòd aliquid agens habeat dominium sui actûs in hæc q. 2. a. 1. & 3 contra Gent. c. 110. & 111. quia si non esset dominus suorum actuum, non haberet potestatem super iudicium suum, & sic non posset illum determinare, & resolvere, & consequenter neque potestatem haberet in appetitum suum, nec posset ejus determinare indifferentiam, quod est non se determinare, nec movere in finem. Undè tandem concludit q. 24. de verit. a. 1. in fine corp. quòd est homo liberi arbitrii, non solùm quia est causa sui-ipsius in movendo, & agendo, sed etiam in judicando. Est autem causa sui iudicii, seu potest de iudicio judicare, in quantum cognoscit rationem finis, & ejus quod est ad finem, & habitudinem; & ordinem unius ad alterum.

Totam hanc doctrinam, ut Angelicam suscipimus, & illud ipsum est, quod dicimus ambo; sed præter finem, quem solùm consideravit Sapientissimus Magister, considero & ego actum. Undè totum, quod dixit de objecto, & fine, dico insuper ego de actu. Oportet igitur distinguere voluntatem moventem se in finem, & voluntatem moventem se in actum. In amore beatifico voluntas non se movet in finem, sed movet se in actum. Non se movet in finem, quia iudicium, quo Deus judicatur esse summum bonum, sive ultimus finis, non est in potestate judicantis, eo quòd non accipitur per discursum, & rationem. Ad hoc autem ut voluntas præstítuat sibi finem, & objectum sibi determinet, opus est, ut aliquo syllogismo concludat aliquid esse bonum, ita quòd non sufficiat voluntatem ex instinctu, seu motione alterius, judicare, *hoc est bonum*, sed requiritur ut ex arbitrio, & collatione judicetur, *hoc est bonum, quia tale*, puta honestum, vel delectabile, vel quia utile. In his convenimus.

Verùm, in his sistit Magister prædictus: sed nos relicto fine, quem sibi non præstítuit voluntas beati, transimus ad actum, quem sibi determinat, eo quòd mediante syllogismo concludatur, *Deus est amandus*, quia *summum bonum est amandum*. Nullus inficari potest, diversa esse hæc duo iudicia, *hoc est bonum*, & *hoc est amandum*: primum iudicium est de objecto, secundum est de actu. Agnoscit Ioannes à S. Thomæ, quòd per discursum, & rationem iudicium sit in potestate judicantis: si iudicium de objecto habeatur per discursum, & rationem; erit in potestate judicantis: si iudicium de actu habeatur per discursum, & rationem, erit etiam in potestate judicantis. In syllogismo practico conclusio semper habetur per discursum, & rationem; ergo conclusio syllogismi practici, quæ est iudicium de actu, non potest non esse in potestate judicantis. Minor verò, quæ est iudicium de objecto, quandoque habetur ex instinctu, seu inclinatione interiori, *qualis enim unusquisque est insus, talis finis videtur ei*; quandoque ex collatione rationis: & ideo quandoque est in potestate judicantis,

quandoque non est. Dum minor erit in potestate judicantis, tunc voluntas est libera *libertate moventis se in finem*; quando vero minor non est in potestate judicantis, tunc voluntas non est libera *libertate moventis se in finem*; est tamen libera *libertate moventis se ad actum*, quia conclusio, quæ est *judicium de actu*, semper est in potestate judicantis.

Certum est, quod beatus non per discursum, & rationem judicet Deum esse ipsam essentiam bonitatis: ac proinde voluntas beati non amat movendo se in finem, sed ut à fine mora. Si autem voluntas beati non amaret naturaliter bonum, nunquam judicaret Deum esse amandum, quantumvis videret ipsum esse per essentiam bonum. Et ideo convenienter dicitur, quod voluntas beati amet Deum movendo se ad actum. Etenim ex hoc quod voluntas vult bonum, & videat Deum esse ipsam boni rationem, & plenitudinem, determinat se ad volendum Deum; amor boni est major, visio divinæ essentiae proponit minorem: & amor Dei concluditur.

Hinc est, quod R. M. *Joannes à S. Thoma*, dum asserit amorem beatificum esse liberum libertate eminentiali, non formali, optime possit intelligi, quod loquatur de voluntate in ordine ad objectum, ita ut *libertas moventis se ad objectum* non sit formalis in amore beatifico; sed eminentialis, quia objectum adæquat universalitatem voluntatis. Cui doctrinæ non contrariatur, si superaddideris, quod *libertas moventis se in actum* sit formalis in amore beatifico, eo quod ex amore præcedente concludatur; siquidem non cæco modo, non ex impetu naturæ, sed ex meritis objecti amatur Deus à beato. Quid est ex meritis objecti amare? nisi rationem sui amoris agnoscere, ac proinde de suo amore judicare. Qui reddit causam sui amoris, judicat de suo amore, & consequenter judicat de suo judicio. Atqui *judicium in tantum est in potestate judicantis: in quantum potest de suo judicio judicare*, ut ex D. THOMA refert Magister Joannes. Ergo tam amor beati, quam judicium, quo judicat Deum esse amandum, erunt in potestate ipsius beati.

Hoc ipsum magis elucidatur. Si quærat à beato, cur amas Deum? procul dubio respondebit, quia summum, & omne bonum; & similiter, si quærat à beato, cur judicat Deum esse amandum? etiam respondebit, quia summum, & omne bonum. Si judicium sit in potestate judicantis in quantum potest de suo judicio judicare, id est, causam sui judicii reddere; sequitur evidenter, ex principiis Angelici Solis à R. M. Joanne relatis, judicium, quo beatus judicat Deum esse amandum, esse in potestate beati. Quod certissime sufficit, ut habeat sui amoris dominium.

Ulterius radicem libertatis ponit in universalitate voluntatis. Nec hoc recusamus, sed distinguimus universalitatem objecti, & universalitatem actus; quia sicut voluntas attingit ipsam rationem boni, ita attingit rationem amoris; cum enim ratio judicans bonum esse amandum, discernit inter bonum, & amorem cognoscendo proportionem utriusque, voluntas sequens hoc judicium non solum vult bonum, sed etiam vult amare. Dum ergo ex illa præcedente voluntate mediante syllogis-

mo

mo practico concludit, *hoc est amandum*; voluntas non solum se determinat ad volendum hoc bonum, sed etiam se determinat ad volendum hunc amoris actum. Hinc fit, quod sicut voluntas attingens rationem boni non iudicat necessario aliquid esse bonum, nisi id quod est *omne bonum*; ita voluntas volens *amare*, non iudicabit necessario ponendum hunc actum: siquidem nullus particularis amoris actus habet necessitatem cum amore ut sic: eo quod non detur aliquis particularis actus, qui sit omnis amor, sicut datur aliquod particulare objectum, quod est omne bonum.

In amore igitur beatifico, si attendatur ordo voluntatis ad objectum, non est libertas formalis, sed eminentialis; quia ut ait R. M. *Iohannes à S. Thomà*, procedit ex cognitione adæquante universalitatem objecti. Huic veritati superaddimus, quod si attendatur ordo voluntatis ad actum, reperitur voluntas formalis in amore beatifico: quia non procedit ex cognitione adæquante universalitatem actus. Quibus manifestum est, in eo quod dicimus ambo, aliquid me considerasse, quod ipse non consideravit, ratione cujus cum libertate eminentiali amoris beatifici possit conjungi & formalis.

Pro cæteris Thomistis observandum est, quod, qui iudicat, Deum esse amandum, quia summum bonum; vel formaliter, vel virtualiter facit hunc syllogismum, *summum bonum est amandum; Deus est summum bonum: ergo Deus est amandus*. Ex quo manifestè patet, nullam in re esse diversitatem inter nostram, & communem Thomistarum sententiam, dicentium, beatum ex meritis objecti amare Deum. Non enim volumus ad dominium actus necessarium syllogismum formalem, nec actum præcedentem debere realiter distingui ab actu deducto. Sed dicimus, quod sicut cognitio conclusionum in principiis non desinit esse scientifica, & volitio mediorum in fine non desinit esse electio, ita licet unus foret actus à parte rei, quo voluntas beati feratur in summum bonum, & in Deum, ut summum bonum, amor Dei, ut summi boni, non desinit esse actus voluntatis, ut voluntas est; & sicut Deus ex amore suæ essentiae verè dicitur se determinare ad amandum creaturas, habereque amoris creaturarum dominium, quamvis amor divinæ essentiae, & amor creaturarum in Deo non sint duo actus realiter distincti: ita dicimus, quod dato, amorem summi boni, qui à voluntate ut naturâ procedit, & amorem Dei, ut summi boni, qui à voluntate ut voluntas est procedit, esse in beato unum realiter actum; adhuc tamen verè dici poterit, beatum ex amore summi boni se determinare ad amandum Deum, habereque amoris Dei dominium. Quare enixè obsecramus Cordatum Angelici Solis discipulum, ut quæ in hoc Oportulo non *nova*, sed *novè* dicendo protulimus, non perfunctoriè, sed magno animi studio legere dignetur; & speramus nobis assensurum. Faxit Deus, qui tribuit mihi intellectum. Ipsi soli honor, & gloria.*



CAPUT UNDECIMUM.

*Libertas natura lapsa ex syllogismo practico
declaratur.*

HActenus libertatis creatæ essentiam, actûsque dominium secundum omnem statum naturæ humanæ, ex SYLLOGISMO PRACTICO exposuimus. superest ad complementum præsentis Opusculi ut ex doctrinâ ejusdem syllogismi libertatem secundum specialem statum naturæ lapsæ decidemus.

Primò, quid fide tenendum sit, exponemus. Deindè, duplicem contrarietatis libertatem in naturâ lapsâ, juxta doctrinam in primo Opusculo traditam, distinguemus. Ulkimò, argumento insolubili, libertatem naturæ lapsæ à Molinistis destrui, convincemus.

§. I. *De justâ damnatione hujus propositionis: Ad merendum, & demerendum in statu naturæ lapsæ, non requiritur in homine libertas à necessitate, sed sufficit libertas à coactione.*

XCJ. **C**Um propria Theologiæ principia sint fidei articuli, oportet Theologum ante omnia considerare, quid in materiâ, quam tractat, fides discernat. Circa libertatem naturæ lapsæ, quam inquirimus, damnata est hæc propositio: *Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione.* Quæ propositio, in quocumque sensu libertas accipiat, tam à necessitate, quàm à coactione, justissimè damnata est.

Libertas à necessitate in duplici sensu potest accipi secundum duplex illius membrum. Primò, pro *libertate à necessitate actûs*, sive exercitii; & evidens est falsam esse propositionem, quæ ad merendum, & demerendum, &c. non requirit libertatem à necessitate. Secundò, pro *libertate à necessitate objecti*, sive specificationis, & contrarietatis: nec minùs evidens est falsam esse propositionem, quæ ad meritum, & demeritum

ritum naturæ lapsæ non requirit libertatem ab hac necessitate: quandoquidem ad meritum cum potestate demerendi necessaria sit libertas contrarietatis, secundum quam possumus bene, & malè operari; servare legem, & transgredi.

Similiter in duplici sensu potest accipi *libertas à coactione*: vel pro libertate à coactione *universaliter sumptâ*, vel pro libertate à coactione *proprie sumptâ*, juxta num. 89. Quocumque modo sumatur, certissimum est, ad meritum, & demeritum naturæ lapsæ, non sufficere libertatem à coactione. Non enim sufficit, quòd actus procedat ab aliquâ interiori inclinatione, nec quòd ad illum se applicet voluntas, sed requiritur, ut ita eliciat actum meriti, ut possit se applicare ad actum demeriti.

Quarè prædictam propositionem iterum in hoc Opusculo damnamus, & reprobamus in omni sensu ab Ecclesiâ damnato. Veritatem, juxta nomen assumptum, amamus, & quærimus, quam in sensibus ab Ecclesiâ damnatis impossibile est invenire. Invenitur autem in tutissimis, & inconcussis SS. AUGUSTINI, & THOMÆ dogmatibus. Qui AUGUSTINUM à THOMA sejungit, quid mirum, si de veritate reddatur suspectus!

Libertas naturæ lapsæ est libertas specificationis, & contrarietatis, sive dominium sui actûs extensivum. Oritur ex minore syllogismi practici, sive ex judicio particulariter indifferenti. Exigit Adversariorum conditionem, nempe apprehensionem bonitatis objecti cum aliquâ ratione malis; sive, quod idem est, cum amabilitate oppositi: ista enim ratio mali non est nisi alicujus particularis boni defectus, quidefectus isti bono particulari opponitur: defectus autem boni particularis non est causa repudiandi bonum, cui conjungitur, nisi priùs judicetur istud particulare bonum, cujus defectum dicit, esse amplectendum: omnis enim repudiatio ex aliquo amore proficiscitur, & ideo illud bonum amatum, ex cujus amore aliud bonum repudiatur, verissimè opponi dicitur bono repudiato in quantum tali: ac proinde in idem redit dicere, *quòd proponi debet objectum cum aliquâ ratione mali*, ac dicere, *quòd proponi debet objectum cum amabilitate boni oppositi*. Ex quo fit, ut non sit possibile, dari apprehensionem objecti cum aliquâ ratione mali sine libertate contrarietatis. Undè si ad essentiam libertatis requiratur prædicta apprehensio, non salvabitur libertas sine aliquâ libertate contrarietatis.

XCIIJ. Cave, ne incidas in illorum indifferentiam, qui asserunt voluntatem, è duobus sibi propositis bonis ab intellectu, posse pro nro suo quodlibet eligere, nullâ præcedente intellectûs determinatione: hoc enim nihil est aliud, quàm cæcum de coloribus judicare, unumquæque colorem alteri præferre. Si volueris circa indifferentiam ad libertatem contrarietatis requisitam, recta sapere, primò concipias, quòd libertas formalis actûs, nihil sit aliud, quàm habitudo actûs ad voluntatem se determinantem ex amore boni præcedente. Quòd autem ad plures actus voluntas possit se determinare provenit ex indifferentiâ particularis objecti, secundum quam

apprehenditur illius bonitas cum aliquâ ratione mali, ita tamen ut prius intellectus determinet unum esse altero hic, & nunc convenientius, antequam voluntas concludat unum præ altero eligendum; vel non obstante ratione mali determinet hic, & nunc esse conveniens, antequam voluntas concludat esse amandum. Nam cum voluntas sequatur intellectum, potestas voluntatis ad prosequendum plura sequitur potestatem intellectus ad judicandum de pluribus, quam habet intellectus eo ipso, quod diversas rationes boni apprehendat: ita ut ad apprehensionem plurium rationum sequatur in intellectu potestas judicandi de pluribus; ad potestatem judicandi de pluribus sequatur in voluntate potestas plura prosequendi. Ad actuale vero judicium sequatur etiam actualis unius prosecutio. Denique sicut actuale judicium de uno non tollit potestatem judicandi de altero; ita actualis amor unius non tollit potestatem amandi aliud. Hæc est vera species judicii indifferentis ad libertatem contrarietatis requisiti, quam ex doctissimis Salmanticensibus latè prosequuti sumus in primo Opusculo, cap. 2. a. 2. §. 5. per totum.

§. II. Duplex contrarietatis libertas distinguitur.

XCIIJ. **U**T plenius naturæ lapsæ intelligatur libertas, oportet eam distinguere juxta duplicem modum, quo se habet voluntas ad divinam motionem, per quam Deus facit nos velle. Nam (ut ait Caietanus 1. 2. q. 111. a. 2. relatus Opusc. 1. num. 109.) *facere ut velimus non contingit uno modo, sed duobus, scilicet, ut velimus movendo nos ipsos ad hoc, & ut velimus moti tantum ab ipso.* Alia est ergo libertas voluntatis se applicantis, alia est libertas voluntatis applicatæ tantum. Ad primam libertatem requiritur, ut voluntas non solum eliciat actum cum potestate se applicanti ad oppositum, sed etiam faciat se elicere cum prædictâ potestate. Ad secundam libertatem sufficit, quod voluntas eliciat actum cum potestate se applicanti ad oppositum. In hac libertate non debet concipi voluntas ut inanime quoddam merè passivè se habens, sed ut verè se movens, non quidem applicando se ad actum, verum eliciendo vitaliter actum cum potestate applicanti se ad oppositum. In libertate voluntatis applicantis, actus tribuitur voluntati sicut proximo applicanti. Quantumvis enim à Deo ad illum actum physicè prædeterminetur, quia tamen prædeterminatur ex amore boni præcedente, ille actus respicit Deum ut causam primam, & universalem, voluntatem verò ut causam propriam, & particularem: & ideo secundo, & particulari applicanti, tribuitur, non primo. In secundâ libertate, quæ est voluntatis applicatæ tantum, actus tribuitur Deo ut proximo moventi, & applicanti, non voluntati, quæ in illo magis habet se ut mota, quam ut movens; motus autem tribuitur moventi, & non mobili.

Hinc duplicem oportet distinguere prædeterminationem physicam, unam universalem procedentem à Deo ut à causâ primâ, & universali; aliam specialem procedentem.

cedentem à Deo agente per modum causæ primæ, & particularis, eo modo, quo se habet in creatione rerum; illas enim dicitur creare, ut causâ particularis, quia nullo causæ secundæ influxu utitur ad creandum; ita dum applicat, & prædeterminat voluntatem sine prævio amore, dicitur illam applicare, & prædeterminare, ut causâ particularis applicans, quia nullius causæ secundæ applicatione utitur ad applicandum; quâ tamen utitur, dum applicat ex prævio amore, cum tunc voluntas ita à Deo applicetur, ut etiam vi amoris præcedentis se applicet ad amandum.

XCIV. Quam doctrinam tradit Magister noster D. THOMAS 1. 2. q. 9. a. 6. ad 3. dum dicit: *Dicendum, quod Deus movet voluntatem hominis sine universalis motor ad universale objectum voluntatis, quod est bonum, & sine hac universalis motione non potest aliquid, vel illud (intellige applicando se) sed homo per rationem determinat se ad volendum hoc, vel illud, quod est verè bonum, vel apparens.* Ecce universalis nostra prædeterminatio, quâ ex prævio amore boni, sine quo non potest se ad aliquem actum applicare, determinat, & applicat se voluntas ad prosequendum hoc, vel illud, quod est verè bonum, vel apparens. Deinde subiungit specialem prædeterminationem his verbis: *sed tamen interdum specialiter Deus movet aliquos ad aliquid determinatè volendum, quod est bonum, ut in his, quos movet per gratiam, ut infra dicitur.* In loco autem, ad quem se refert, nempe 1. 2. q. 111. a. 2. docet, in hac speciali Dei motione per gratiam, voluntatem se habere ut motam tantum, & non ut moventem; non quod voluntas non eliciat actum, sed quia elicit ut applicata, & non ut applicans: movens enim ad actum propriè dicitur illud, quod facit agere, sive illud, quod applicat ad actum.

De hac doctrinâ videnda est *Scientia media ad examen revocata*; tibi latè traditur, & simul observatur istam distinctionem non peti ex objecto, sed ex modo tendendi in illud; sicut cognoscere per discursum, & per simplicem intuitum. Undè actio aliqua naturalis, si fiat ex speciali Dei motione, non tribuetur voluntati, sed Deo, è contrâ, actio supernaturalis, si fiat ex universali Dei motione cum prævio amore, tribuetur voluntati, & non Deo. Videatur Opusculum citatum cap. 2. art. 1. §. 3. & num. 89.

§. III. Ex supradictâ libertatis distinctione ostenditur differentia naturæ lapsæ, à naturâ sanâ.

XCIV. Manifestum est ex doctrinâ præced. paragrapho traditâ duplicem esse modum aliquid amandi; unum amandi ex propriâ applicatione, alium ex alterius applicatione. Ut ergo aliquid dicatur simpliciter, & absolute posse amari à voluntate, non requiritur, quod possit utroque modo amari, sed sufficit, quod uno ex illis duobus modis possit amari; sicut itur Parisios pedibus, & currus; ut aliquis simpliciter, & absolute possit ire Parisios, sufficit, quod possit ire, vel pedibus, vel

curru: ita tenditur, & quasi itur in objectum, & propriâ applicatione, & alterius applicatione, ut aliquis possit simpliciter, & absolute tendere in aliquod objectum, sufficiet, quod possit, vel ex propriâ applicatione, vel ex alterius applicatione, tendere in illud.

Defectu hujus distinctionis deficiunt Adversarii circa libertatem naturæ sanæ, & naturæ infirmæ: cum enim ad libertatem contrarietatis requiratur potestas volendi utrumque oppositum, non distinguentes inter duos modos volendi prædictos, putant, ad essentialiam libertatis requiri æqualem potestatem ad volendum utrumque oppositum. Verum, qui duos illos modos volendi distinxerit, clarè videbit ad libertatem sufficere, quod voluntas possit velle unum oppositum ex propriâ applicatione, & aliud ex alterius applicatione: sic enim utrumque simpliciter, & absolute poterit velle, quamvis diverso modo. Diversus modus tendendi in objectum non tollit potestatem tendendi in illud; alicui qui potest ire pedes Parisios non posset ire in Angliam; cum non pedibus, sed navi in Angliam eatur.

XCVI. Talis est differentia libertatis in naturâ sanâ, & lapsâ. Natura sana respectu justitiæ, & peccati, habebat potestatem volendi utrumque ex propriâ applicatione. Natura infirma habet etiam potestatem volendi, & justitiam, & peccatum; sed peccatum ex propriâ applicatione, justitiam verò ex speciali Dei applicatione. Ex quo fit, ut homo sanus tanquam fortis, dando sibi velle, faciebat justitiam; homo verò infirmus, tanquam impotens, non faciat justitiam, nisi quando donatum accipit velle. Quod nervosè docuit S. Augustinus lib. de corrept. & gratiâ, cap. 12. his verbis: *Fortissimo quippè dimisit, atque permisit facere quod vellet: infirmus servavit, ut ipso donante invictissime, quod bonum est, vellent, & hoc deserere invictissime nollent.*

Præclara alia differentia ex hac primâ contra Molinistas concluditur; nempe in naturâ sanâ fuisse vires sufficientes actu datas ad servandum mandata; in naturâ infirmâ non esse vires sufficientes actu datas, juxta illud Apostoli 2. Cor. 3. *Non quid sufficientes sumus cogitare aliquid à nobis, quasi ex nobis: sed sufficientia nostra ex Deo est.* Omnis cogitatio, eo ipso, quod à nostro intellectu elicitur, & non ab alieno, à nobis est, sed quando ita elicitur à nobis, ut ad eam nos applicemus, tunc est à nobis, quasi ex nobis: quando verò ita elicitur à nobis, ut ad eam nos non applicemus, sed à Deo specialiter applicamur, tunc non est à nobis, quasi ex nobis, sed sufficientia nostra ex Deo est,

XCVIJ. Ad intelligentiam hujus differentię sciendum est, duplex esse principium actionis; unum, eliciens actionem, aliud applicans ad actionem. Vires ergo sufficientes possunt sumi ex parte principii elicientis: & sic ad vires sufficientes pertinent omnia, quæ requiruntur ad actionem ex parte actûs primi, ut conditioni contra actum secundum, veluti potentia, habitus, gratia, virtutes, & illa omnia, sine quibus non fit actio. Possunt etiam sumi vires sufficientes ex parte principii applicantis: principium autem applicans est aliquis actus secundus. Non enim vo-

lun-

luntas se applicat ad actum, nisi actuata fuerit per alium actum præcedentem, ex quo se determinat ad subsequenter. Ex amore finis se applicat ad volendum medium: & ex amore ultimi finis in communi se applicat ad volendum fines particulares. Tunc ergo erunt vires sufficientes in voluntate ex parte principii applicantis, quando amor præcedens erit sufficiens ad applicationem subsequentium.

His præsuppositis dicimus, quòd insufficientia naturæ infirmæ non se tenet principaliter ex parte principii elicentis, loquendo de illis, qui reparati sunt per gratiam. Habemus enim vires sufficientes ex parte principii elicentis ad servandum præcepta, dum habemus gratiam, virtutes infusas, cæteraquæ omnia ab actu secundo distincta, sine quibus non servatur præceptum. Nec de huiusmodi sufficientia fuit præcipua difficultas inter S. AUGUSTINUM, & Pelagianos; qui acrioris erant ingenii, ut non agnoscerent ad actus supra naturam elicendos, requiri principia elicitive supra naturam. Verùm, insufficientia naturæ infirmæ tenet se principaliter ex parte principii applicantis, quod in eâ non est ampliùs sufficiens insurgente concupiscentiæ motu, sed indiget GRATIA VICTRICE, ET PRÆDETERMINANTE. Et de hac insufficientiâ, ejusque VICTRICE ADIUTORIO, principalis fuit difficultas inter S. AUGUSTINUM, & Pelagianos, qui non putabant conservari libertatem, si homo deberet specialiter à Deo applicari ad agendum. Quare impossibile omninò est eos ab hoc Ecclesiæ Sole illuminari, qui ad hanc insufficientiam non se couvertunt, & principium applicans ab elicitive non distinguunt.

XCVIJ]. Ratio autem, quare natura infirma non habeat ampliùs, quantumcumque reparetur, principium applicans sufficiens, provenit ex motu concupiscentiæ prævenientis. Quamcumque gratiam per modum principii solum elicitive habuerit homo infirmus, potest cum illâ insurgere motus concupiscentiæ, & si non insurgat, nec præveniat, misericordæ est divinæ illum specialiter impediens. Insurgente autem, & præveniente motu concupiscentiæ in particulari operabili, amor boni, ex quo voluntas fit potens se applicandi, non est sufficiens, ut ex eo se applicet voluntas ad bonum justitiæ, eo quòd particulares rationes magis movent, quàm universales, & ita plus delectat bonum concupiscentiæ in particulari operabili, quàm bonum justitiæ. Undè si Deus non faciat auxilio GRATIÆ VICTRICIS, ET PRÆDETERMINANTIS, plus delectare bonum justitiæ, quàm bonum concupiscentiæ, semper voluntas ex amore boni se determinabit ad prosequendum bonum concupiscentiæ, declinando à bono justitiæ. In homine autem sano, amor boni erat sufficiens, ut voluntas posset se applicare ad prosequendum quodcumque particulare operabile hic, & nunc occurrens; quia nullo præveniebatur, & impediebatur motu in contrarium.

Non ampliùs ergo homo infirmus ex amore boni se determinat ad amorem justitiæ, sed speciali auxilio GRATIÆ VICTRICIS, ET PRÆDETERMINANTIS ad illum applicatur, & prædeterminatur. Undè ex carentiâ principii applicantis dicitur non

habere vires sufficientes actu datas, sed solum paratas, quas actu haberet, si eis, applicando se ad oppositum, non poneret impedimentum. Juxta illud, *perditio tua Israel, tantummodo in me auxilium tuum*. Videatur *Scientia media ad examen revocata*; ibi tota hæc utriusque naturæ differentia Gemini Solis testimoniis propugnatur; & sufficiens Molinistarum gratia multis impugnatur; Scientiaque Media à suis pigmentis denudatur.

§. *Vltimus. Corollarium de necessitate orandi libertati
natura lapsæ conjuncta.*

XCIX. **C**um libertas naturæ lapsæ non sit libertas voluntatis se applicantis, sed voluntatis applicatæ, secundum quam non potest amare bonum, *sine oportet*, nisi speciali GRATIÆ VICTRICIS, ET PRÆDETERMINANTIS auxilio præveniat; sequitur necessarium esse, quod homo infirmus in omni opere occurrente, in quo debet vinci concupiscentia, & impleri iustitia, debeat invocare Deum adiutorem, & ad eum clamare: *Deus in adiutorium meum intende, Domine ad adjuvandum me festina*. Certè præceptis salutariis moniti audemus dicere, hominem quamvis infirmum, nunquam tamen peccatum, si in omni suo opere crederet se impotentem, & practicè assentiretur venienti, quam de se protulit Magistrorum Magister, Christus Dominus dicens: *sine me nihil potestis facere*.

Nec cuiquam difficile erit, rationem nostri dicti cognoscere; si reflexerit ad modum suum operandi, dum ei mandatur aliquid, quod solus non potest. An non statim recurrit ad alterius auxilium? quis prudens applicabit se ad implendum opus, quod scit certò se non habere ad illud vires sufficientes, sed indigere alterius auxilio? An non potius credit, se potentem sufficienter, qui sine recurso ad alium se applicat ad opus aliquod perficiendum? Quare si homo infirmus verè, & practicè agnosceret, se sine Christi auxilio nihil posse facere, quâ ratione ad illud applicaret, sine prævio ad Christum recurso? Hinc tota ratio peccandi est secreta, & occultissima quædam de viribus suis præsumptio, non tam speculativa, quàm practica. Quis enim in Domino speravit, & confusus est? Ideò peccamus, quia ad Deum, *sine oportet*, non recurrimus: quod si, *ut oportet*, eum invocarem, proculdubio non peccarem.

Nihil igitur libertati naturæ lapsæ adeò contrarium, quàm sufficiens Molinistarum gratia. Ecce quod produxerunt adinventiones Ludovici Molinae. Excogitavit sufficientiam gratiæ *ulterioris auxilio non indigentis*, ut salvaret hominis infirmi libertatem: & quam salvare voluit, perdidit, destruendo orandi necessitatem. Nam si data gratia sufficiente nullum ulterius debeat homo infirmus recipere à Deo auxilium, sed solummodo paratum sibi concursum pro nutu suo determinare; nihil consequi-

quenter habebit à Deo petendum, sed magis à Deo rogandus erit, ut suum deterneret paratum concursum.

Hoc argumentum Opusc. 1. de *Scientiâ Mediâ ad examen revocata*, num. 110. sic
 „proposuimus: „Molinistæ Deum deprecanti, ut tentationem vincat, præcep-
 „tum impleat, Deus iustissime respondebit, quid me deprecaris? credis te accepisse
 „gratiam sufficientem ulteriori meo auxilio non indigentem: quid ultra tibi debui
 „facere, & non feci? Ecce concursum meum indifferentem paratum habes; illum
 „determina; tuam expecto determinationem; ego igitur non sum à te rogandus,
 „cùm concursus meus sit à te determinandus; sed magis te debeo rogare, ut dig-
 „neris illum determinare.

Quidam Molinista (de quo amicus Philalethis cap. ult.) effugiens vim huius argu-
 menti dixit, hominem infirmum non debere rogare Deum pro concursu, sed ut
 det illi gratiam in illis occasionibus, in quibus prævisa est habitura effectum. Ve-
 rum incidit in Scyllam cupiens evitare Charibdim. Nam impossibile est aliquem ro-
 gare Deum pro gratiâ, quæ prævisa est habitura effectum. Quod sic demonstro. Qui
 duo solummodò habet danda, quorum uno dato non potest aliud dare, ille post-
 quam dedit unum, nihil habet ampliùs dandum, & consequenter nihil potest ab ip-
 so peti: sed Deus, juxta Adversarios, duas tantùm habet gratias sufficientes, illam,
 nempe, quæ prævisa est habitura effectum, & illam quæ prævisa est non habitura
 effectum, quarum unâ datâ non potest aliam dare: ergo postquam dedit Deus
 unam ex prædictis gratiis sufficientibus, nihil habet ampliùs dandum, nec conse-
 quenter habetur aliquid à Deo petendum. Tunc subsumo: sed antequam obliget
 præceptum debet Deus dedisse unam ex illis duabus gratiis sufficientibus, alioqui
 præciperet impossibilia: ergo pro tempore illo, quo obligat præceptum, Deus ni-
 hil habet ampliùs dandum, nec habetur aliquid à Deo petendum. Et ita pro toto
 illo tempore, quo aliquis debet vincere insurgentem concupiscentiæ tentationem,
 impossibilis est alicujus oratio.

C. Confirmatur. Quidquid potest Deus dare, vel se tenet ex parte actûs pri-
 mi, vel se tenet ex parte actûs secundi; sed ea omnia, quæ tenent se ex parte actûs
 primi, debet dedisse Deus antequam præceptum imponat, alioqui præciperet impos-
 sibile, ut volunt Adversarii: ergo pro tempore illo, quo obligat actu præceptum,
 solum potest Deus dare aliquid ex parte actûs secundi: tunc urget discursus ex O-
 puscul. 1. nuper positus: cùm nihil ex parte actûs secundi possit dare Deus, si priùs
 voluntas non se determinaverit. Iterùm vide Opusc. 1. quia in hac secundâ editione
 specialem addidimus *Junioris Molinistæ* refutationem.

Clarissimum igitur est, quòd per sufficientem Molinistarum gratiam excluda-
 tur orandi necessitas, & naturæ pereat infirmitas; ut naturæ lapsæ salvetur liber-
 tas. Non sic utriusque Solis discipuli, non sic: sed humiliter agnoscetes cum A-
 postolo, omnem suam sufficientiam ex Deo esse, invocant auxilium. GRATIÆ

VICTRICIS, ET PRÆDETERMINANTIS, quæ usque dum vincatur actu concupiscentiæ, & impleatur actu justitiæ, semper remanet danda, & consequenter semper est invocanda. Victa autem concupiscentiâ, & impletâ justitiâ Deo gratias agunt, qui dedit eis victoriam per JESUM-CHRISTUM Dominum nostrum sua GRATIA VICTRICE, ET PRÆDETERMINANTE in eis *velle*, & *perficere* operantein.

Hæc sunt, quæ de libertatis essentiâ ex SYLLOGISMO PRACTICO prælibare volui, non ut novitatem amans, sed, ut antiquitatem venerans; non ut à me inventa, sed, ut ex principiis utriusque Solis deducta; non ut suprà Juniores sapiens, sed, ut cum Antiquis eos reconcilians, ita quòd stent in unâ utriusque Solis doctrinâ unanimes, idemque sapiant omnes gratiæ Christi perfectæ intrepidi defensores. Si quid benè, soli Deo specialiter prædeterminanti honor, & gloria; si quid malè, mihi confusio, & improprium; de utroque penes Ecclesiam Romanam esto judicium, quam firmiter credo firmamentum esse, & columnam veritatis in sæcula sæculorum. Amen.

FINIS.





DE CONTRITIONE

GEMINA GEMINI SOLIS ASSERTIO

SS. AUGUST. ET THOMÆ.
OPUSCULUM QUARTUM.



Proëmium.

POST Concilium Tridentinum ita invaluisse plerisque videtur Attritionis servilis sufficientia, ut nullum dicant de illa dubitandi superesse locum. Verum non est idem gemina Belgii nostri Universitatis judicium; siquidem tam hic Duaci, quam Lovanii, incipit contritionis necessitas, quasi post nubila phabus, avitum recuperare splendorem. Mirum certè foret in lege gratiæ, & amoris, peccatorem solo timore servili sine ullo amore Dei salvari; dum sub lege servitutis, & timoris, nullus peccator sine amore Dei super omnia salutem obtineret. Non hoc TUTISSIMA, ET INCONCussa sonant SS. AUGUSTINI, & THOMÆ DOGMATA; non in illis legitur timoris servilis sufficientia. Amorem Dei ubique spirant; eumque *super omnia* unanimiter exigunt, ubi poenitendi, *sicut oportet*, debitum incumbit. Huic CONCORDI Gemini Ecclesiæ Solis VERITATI quantum in hac editione consecramus Opusculum, qui conciliandis amborum discipulis omnem operandamur. In quo, ut clarius, sublatisque æquivocationibus procedamus, à nominibus Attritionis, & contritionis abstinemus; ex quorum diversâ acceptione non parva in præsentî generatur confusio. Quapropter omne hujus difficultatis punctum, & pondus, duabus assertionibus declaramus, & sustinemus.

Ff

ASSERTIO

ASSERTIO PRIMA.

Dolor ex solo timore Dei servili conceptus sine aliquo amore justitiæ, non est sufficiens dispositio ad gratiam per Sacramentum Pœnitentiæ consequendam.

ASSERTIO SECUNDA.

Amor justitiæ necessarius ad gratiam per Sacramentum Pœnitentiæ consequendam, est castus Dei amor super omnia.

Prima Assertio jam prævaluit apud Cordatos: Secunda non ita; imò nimium exigere quibusdam videtur; quosdam autem adhuc tenet in ancipiti. Sed hoc satis demirari nequeo; quia si attentè res perpendatur, Assertio secunda non est nisi sequela primæ. Certum est, quòd ad dispositionem Sacramento Pœnitentiæ necessariam requiratur propositum non peccandi, id est, cavendi omne peccatum mortale. Certum quoque est, quòd hujusmodi propositum debeat procedere ex amore Dei, si semel hic amor est necessarius ad Sacramentum. Certum igitur erit, supposità necessitate amoris Dei, necessarium esse ad Sacramentum amorem Dei super omnia: quia cui ita placet bonitas divina, ut pro ejus amore velis abstinere ab omni peccato mortali, præeligit bonitatem divinam super omne bonum commutabile mortaliter peccaminosum; ac proindè paratus est dimittere quodcumque hujusmodi bonum potius quàm per peccatum displicere bonitati divinæ. Hoc dicimus esse, amare Deum super omnia. Nec aliud quidpiam exigit Assertio secunda, quàm quòd aliquis ex casto Dei amore doleat de præteritis, & proponat cavere à futuris; eo enim ipso apud nos diligit Deum super omnia, id est, super omne bonum mortaliter peccaminosum.

Ij. Quocirca, si Assertio prima jam prævaluit apud Cordatos; ergo & secunda

da etiam prævalebit, dum illam attentione, quâ par est rimati fuerint. Pro primâ autem Assertionem pluriqum centum Authores, tam Theologos, quàm-famosos Con-
cionatores post Concilium Tridentinum collegit R. P. HENRICUS A S. IGNATIO
Ordinis Sacri Carmelitarum, Theologiæ Professor, Assertionis hujus acerrimus
Propugnator, quique eam à paucis hinc annis in hac Almâ Universitate maximâ
cum laude præclaris Thesibus sustinuit. Hic R. Pater suo tempore Provinciæ Gal-
lo-Belgiæ Definitor, nunc Assistens Provincialis, me in amicitiam recipere non est
dedignatus; mihiqum transmittere Catalogum prædictorum Authorum, quorum lo-
ca, & verba fideliter citata in suis manuscriptoris habere testatur. Hunc Catalogum
hic subiicio, ut Cordatus Lector cernens suis oculis quantum invaluerit prima As-
sertio, & per consequens secunda, liberior sit ad assensum eorum, quæ ex gemino
Ecclesiæ Sole in favorem utriusque Assertionis dicturi sumus.

CATALOGUS AUTHORUM

Contra sufficientiam doloris ex solo timore
Dei concepti in Sacramento Pœnitentiæ.

*Qui Concilio Tridentino interfuerunt, vel post
illud scripserunt.*

Salvator. Alepius Archie-
piscopus Turrisanus.
Clausius Sains, S. I.
Lipomannus Coadjutor. Ver.
Pius Francisc. Generalis.
Didacus Laignez.
Jacobus Terrusius.
Melchior Avofmedianus.
Bernardus Cellereus.

Franciscus Contrera.
Ioannes Emilianus.
Iacobus Paywa.
Guilielmus Lindannus.
Andreas Vega.
Cornelius Mussus.
Fridericus Nanfct.
Franciscus Richardor.
Dominicus Soins.

Franciscus Sominus.
Salmeron.
Hoffelinus.
Ruardus Tapperns.
Martinus Rychonius.
Petrus Soets.
Ravenfleenius.
Toletus.
Iansenius. Gaudens.

Omnes isti Authores interfuerunt Concilio
Tridentino.

Qui sequuntur post Concilium scripserunt.

Petrus Simonis Tiletanus.	✧ S. Carolus Borromeus.	✧ Guilielmus Pepin.
Cunerus Petri.	✧ Alphonsus Virvesius.	✧ Petrus Dynollens.
Martinus Navarrus.	✧ Ioannes Hoffmeister.	✧ Philippus Bosquierus.
Corduba.	✧ Martinus Benvelet.	✧ Gabriël Inchino.
Alphonsus à Castro.	✧ Melchior Flavius.	✧ Catechismus Romanus.
Ludovicus Carbo.	✧ Adrianus Hecquetius.	✧ Cardinalis Sarnanus.
Jacobus Bains.	✧ Ioannes Molanus.	✧ Martinus ab Eifengrein.
Ludovicus Granatenfis.	✧ Alphonsus Vivaldus.	✧ Ioannes Lufans.
Hieronymus Torres.	✧ Ioannes Bunderius.	✧ Guilielmus Estius.
Conradus Clingius.	✧ Franciscus Panigarol.	✧ Alphonsus Vivaldus.
Gabriël Putherbaus.	✧ Ioannes Ferns.	✧ Innocent. Cibo Chisi.
Ludovicus Blofius.	✧ Didacus Stella.	✧ Author Gemma Evangel.
Egidius Topiarus.	✧ Indocus Clitovius.	✧ Reginaldus.
Stapleton.	✧ Dionysius Peronet.	✧ Ioannes à Iesu Maria.
Ioannes Maldonatus.	✧ Adrianus Gambart.	✧ Hugo Matthonus.
Metzeffus.	✧ Hieronymus Hartfius.	✧ Ioannes Morinus.
Posnaniensis.	✧ Cardinalis Pallandinus.	✧ Universitas Lovaniensis.
Antonius Godeau.	✧ Ifamberius.	✧ Pastores Gandenses.
Synodus Namurcensis.	✧ Stigneus.	✧ Christianus Lupus.
Antonius Caignes.	✧ Sylvius.	✧ Franciscus Farvacius.
Alexander VWhite.	✧ Hugo Quarré.	✧ Quibus addo in Manu-
Francisc. à Tolosa, Capuc.	✧ Ioannes Pontius.	✧ scriptis.
Biront.	✧ Martinonius.	✧ Nicolaum de la Verdure.
Ioannes le Ienne, Oratorius.	✧ Martin. Vidal.	✧ Hieronymum Hennegnier.
Franciscus Boëa Spei.	✧ Gaugericus Hispanus.	✧ Henricum à S. Ignatio.

Et unum pro multis S. D. N. CLEMENTEM IX. vel X. ut patet ex
Epist. seq.

Extractum

Extractum R. P. FARVACQVES, Ordinis
S. August. ad R. P. HENRICVM A
S. IGNATIO, Carmelitam, 17. Iunii
1671.

EGi cum Illustrissimo Nuntio Bruxellis, qui
..... declaravit se nullâ ratione existimare
quòd Jesuita auderent pœnitentem absolvere, qui
cum Assertionem ex solo timore se sisteret Sacerdoti.
..... Addo, Sanctissimum Dominum declarasse no-
stris Deputatis Lovaniensibus, se in illâ esse sen-
tentia, quòd requiratur aliquis amor Dei propter
se in Sacramento Pœnitentia, ut spes mihi magna
sit veritatem, & charitatem tandem triumph-
turam.

His omnibus innixi Authoribus non trepidamus in duobus nostris Assertioni-
bus, quas hoc ordine discutimus. *Primò*, Doctrinam Gemini Ecclesiæ Solis de
Timore servili proponemus. *Secundò*, Eorundem doctrinam de casto Dei amore
præmittimus; cui ad plurimum instantiam addimus in hac editione appendicem de
motione casti amoris. *Tertiò*, Primam Assertionem probabimus; & *Quartâ*, Secun-
dam Assertionem. *Ultimò*, Argumenta in contrarium solvemus confutatione Patris
Le Deu.

Addimus in hac editione secundâ Decretum S. D. N. ALEXANDRI VII. editum
5. Maii 1667. Ut ex eo iudicet CORDATUS LECTOR, quo honore fuerit à nobis
habitu, cum ne latum quidem unguem ab eo deviaverimus.

Decretum S.^{mi} D. N. Alexandri VII.

SANCTISSIMUS D. N. ALEXANDER VII. càm acceperit non sine gravi animi mœore Scholasticos quosdam acriùs, nec absque fidelium scandalo inter se contendere, an ista attritio, qua concipitur ex metu gehennæ excludens voluntatem peccandi cum spe veniæ, ad impetrandam gratiam in Sacramento Pœnitentiæ requiratur insuper aliquem actum dilectionis Dei, asserentibus quibusdam, negantibus alijs, & invicem adversam sententiam censurantibus: Sanctitas sua enixè cupiens pacis vinculum inter fideles servari, omnemq; scissuræ fomitem extinguere, auditus votis Eminentissimorum, & Reverendissimorum DD. Cardinalium adversùs hæreticam prævitatem generalium Inquisitorum, nec-non DD. Consultorum, & Qualificatorum Sacræ Congregationis ejusdem Generalis Inquisitionis, hoc præsentis Decreti in virtute sanctæ obedientiæ, & sub pœnâ excommunicationis lætæ sententiæ huic Sanctæ Sedi reservatæ, alijsq; ejusdem Sanctæ Sedis arbitrio taxandis, præcipit cunctis, & singulis fidelibus quocumque gradu, ac dignitate Episcopali, & Majori, imò & Cardinalitiâ fulgentibus, ut si deinceps de materiâ attritionis præfatæ scribeant, vel libros, aut scripturas edant, vel doceant, vel prædicabunt, vel aliquo quorvis modo pœnitentes, aut Scholares, ceterosve erudiant, non audeant alicujus Theologiæ censuræ, alteriusve injuriæ, aut contumeliæ notâ taxare alterutrâ sententiam, sive negantem necessitatem aliqualem dilectionis Dei in præfatâ attritione ex metu gehennæ conceptâ, qua hodie inter Scholasticos communior videtur, sive asserentem dictæ dilectionis necessitatem,

CAP. J. DOCTRINA GEMINI SOLIS DE TIMORE SER. 231-
ratem, donec ab hac Sanctâ Sede fuerit aliquid hac in re definitum.
Statuitq; præterea Decretum hoc, seu illius exemplum ad valvas
Basilica Principis Apostolorum de Vrbe, & in acie Campi Flora affi-
xum, omnes ubique existentes aretare, afficere, ac si unicuique
personaliter fuisset intimatum.

FRANCISCUS RICCARDUS,
Sanctæ Romanæ, & Universalis In-
quisitionis Notarius.

Locus † Sigilli.



CAPUT PRIMUM.

Doctrina utriusque Solis circa Timorem Dei servilem.

SI ea, quæ S. AUGUSTINUS docet de Timore Dei servili, in S. THOMA, & quæ
docet S. THOMAS, in S. AUGUSTINO observassent Juniores, nunquam dolo-
rem, cuius motum sit solus gehennæ metus, docuissent sufficere, ad gratiam per Sa-
cramentum Pœnitentiæ consequendam. Quare ut veritatem assequamur, sedulo
examinare oportet, quos veritatis radios geminus Ecclesiæ Sol de Timore servili
emiserit.

§. I. In quo consistat Timoris servilitas.

NJ. Timorem Dei servilem ex primis suis principiis eleganter manifestat Ange-
licus Sol 2. 2. q. 19. 2. 4. his verbis: *Respondeo dicendum, quod timor ser-
vilis ex parte servilitatis habet quod sit malus. Servitus autem libertati opponitur. Unde cum
liber sit, qui causa sui est, ut dicitur 1. Metaph. servus est, qui non causa sui operatur, sed
qua-*

quasi ab extrinseco motus. Quicumque autem ex amore aliquid facit, quasi ex seipso operatur, quia ex propria inclinatione movetur ad operandum: & ideo CONTRA RATIONEM SERVILITATIS EST, QUOD ALIQUIS EX AMORE OPERETUR. Sic ergo timor servilis in quantum servilis est, charitati contrariatur.

Quibus verbis luculentè ostenditur, servilitatem in operatione, nihil esse aliud, quàm operari non ex amore ipsius operationis: & ideo qui bonum facit, non ex amore boni, serviliter operatur; qui verò ex amore boni bonum facit, liberè operatur. Notanda sunt Angelica ista verba: *contra rationem servilitatis est, quòd aliquis ex amore operetur.* Si contra rationem servilitatis est, ex amore operari: ergo de ratione servilitatis est, non ex amore operari. Servilitas autem est mala: quia, ut dicit Magister noster, *timor servilis ex parte servilitatis habet quòd sit malus.* Oportet igitur concludere, malum esse, non ex amore boni bonum operari: & consequenter peccare, qui ex solo timore bonum operatur. Vide infra Paragraph. 4.

IV. Idipsum docet Angelicus Sol ad solutionem primi argumenti, quod sic, formaverat: videtur quòd timor servilis non sit bonus. Quia cujus usus est malus, ipsum quoque malum est. Sed usus timoris servilis est malus: quia sicut Gloss. dicit Rom. 8. *Qui timore aliquid facit, & si bonum sit, quòd facit, non tamen bene facit.* Ergo timor servilis non est bonus. Huic argumento respondet Doctor Communis: quòd verbum illud Augustini intelligendum est, de eo, qui facit aliquid timore servili, in quantum est servilis, ut scilicet NON AMET IUSTITIAM, SED SOLUM PŒNAM TIMEAT. Quid clariùs? Illa operatio procedit à timore servili, in quantum servilis est, quæ non fit ex amore iustitiæ, sed solùm ex timore pœnæ: cum ergo operatio procedens à timore servili, in quantum servilis est, sit mala; ista operatio erit mala, quæ non fit ex amore iustitiæ, sed solùm timore pœnæ.

In eodem sensu exponit verba S. Gregorii dicentis: *cum ex peccato præsens pœna metuitur, & amissa Dei facies non amatur, timor ex timore est non ex humilitate:* quæ, inquam, verba sic ad 2. exponit: *Timor servilis secundum suam substantiam non oritur ex timore, sed ejus servilitas ex timore nascitur; in quantum scilicet, HOMO AFFECTUM SUUM NON VULT SUBICERE IUGO IUSTITIÆ PER AMOREM.*

Infert Angelicus Præceptor, quòd si servilitas esset de ratione timoris servilis, id est, si excludere amorem esset de ratione timoris pœnæ, oporteret, quòd timor pœnæ simpliciter esset malus. Sed quia timori pœnæ potest conjugi amor iustitiæ, timor servilis secundum suam substantiam bonus est. Timor servilis excludit amorem iustitiæ, quando bonum, cui contrariatur pœna, accipitur tanquam ultimus finis, & per consequens pœna timetur tanquam principale malum: quod contingit in non habente charitatem. Timor servilis conjungitur amor iustitiæ, quando bonum, cui contrariatur pœna, ordinatur in Deum sicut in finem, & per consequens pœna non timetur tanquam principale malum: quod contingit in habente charitatem.

§. II. Quâ ratione timor Dei servilis sit bonus, & utilis.

V. S I superficialiter doctrina Angelica solummodò consideretur, alicui videbitur omnem timorem pœnæ in non habente charitatem esse servilem, & peccatum mortale; quod tamen remotissimum est à veritate Angelicâ.

Hæc enim tantum docet, timorem pœnæ posse esse servilem in non habente charitatem; secus in habente, eo quod statim per servilitatem timoris amittatur charitas. In non habente charitatem contingit quandoque timorem pœnæ esse servilem, & peccatum mortale; non tamen sic semper se habet. Nam sicut non omne bonum, quod amat non habens charitatem, accipitur ut ultimus finis: ita non omnis pœna timetur tanquam principale malum à non habente charitatem.

Aliquod bonum accipitur ut ultimus finis, quando propter istud bonum paratus est quis transgredi legem obligantem ad mortale. Contingit autem, quod quis propter conservandam vitam paratus sit transgredi aliquod præceptum sub mortali obligans, nullum tamen hujusmodi præceptum vellet violare propter conservandam pecuniâ. Timor mortis est in isto servilis, & peccatum mortale; timor verò damni non est servilis: siquidem damnum pecuniæ non timetur ut principale malum, cum pecuniâ, cui contrariatur damnum, non accipitur ut ultimus finis; E contra cum vita accipitur ut ultimus finis, mors timetur ut principale malum, & per consequens timor mortis est servilis, & peccatum mortale. In habente charitatem, vita, pecuniâ, & quodcumque aliud bonum ordinatur in Deum sicut in finem, eo ipso quod ita placeat Deus, ut quis paratus sit præferre observationem legis cuicumque bono: nullum ergo malum ab habente charitatem timetur ut principale malum, nisi peccatum, quod observationi legis directè contrariatur.

VJ. Præter istum vitæ amorem deliberativum, quo vita præfertur observationi legis hæc, & nunc occurrentis, inest homini alius vitæ amor naturalis à voluntate *ut natura* procedens, qui ratione regulatur, fiet actus virtutis: sicut passio appetitus sensitivi à ratione regulata. Utitur enim voluntas *ut ratio* voluntate *ut natura*, ejusque motum moderatur, sicut utitur appetitu sensitivo passiones illius regulando; Vide quæ diximus Opusc. 3. de Libertate, cap. 6. §. 1. num. 43.

Amor vitæ naturalis à ratione regulatur, dum homo ex amore super omnia, vel justitiæ, vel Dei, ita ordinavit vitam suam in justitiâ, vel Deum, ut nihil pro conservandâ vitâ velit agere, quod sit contra justitiâ, vel Deum, & postmodum caveret, ne amor vitæ aliquâ malâ circumstantiâ vitietur. Quidquid ex amore vitæ sic regulato homo operabitur, etiam si non cogitet actu, de justitiâ, vel de Deo, erit virtuosum; & si sit in charitate, erit secundum Anglicum Solem meritorium. Sufficit enim ad opus virtuosum, & meritorium virtualis in Deum relatio,

G g quæ

quæ in prædictâ operatione ex vi præcedentis amoris, & præsentis dispositionis sufficienter habetur in habente charitatem.

VII]. D'xi, *ex vi præcedentis amoris, & præsentis dispositionis*, eo quod utrumque requiritur. Nam actus non potest esse virtuosus, nisi ordinetur ad debitum finem, & careat omni malâ circumstantiâ. Si non præcederet amor super omnia, vel iustitiæ, vel Dei, non haberet amor vitæ debitum finem, cum supponamus hominem operari non cogitando actu de iustitiâ, vel de Deo. Si non adesset præsens dispositio, quâ si adverteretur aliqua mala circumstantia, non fieret operatio, actus non caret omni malâ circumstantiâ: & ideò esset peccaminosus venialiter, supposito ordine ad finem ex præcedente amore.

Quod si non præcesserit amor super omnia, vel iustitiæ, vel Dei, tunc actus, quo naturaliter amatur vita, erit quidem bonus bonitate physicâ, nec ullam habebit malitiam moralem, utpotè à voluntate *ut natura* procedens; quidquid tamen ex amore vitæ operabitur homo, peccatum erit mortale, non quia operatio procedit præcisè ex amore vitæ, qui naturalis est, & physicè bonus: sed quia homo in vitâ lissit, sicut in ultimo fine, eo ipso quod amore vitæ utitur sine ullo præcedente amore iustitiæ, vel Dei. Nec amor vitæ est causâ, quod homo illo utatur sine præcedente amore, sed mala hominis voluntas: & ideò licet amor vitæ influat in operationem, non tamen est causâ malitiæ. Quod utinam adverterent Molinistæ: aperirentur enim oculi eorum ad veritatem Angelicam de PRÆDETERMINATIONE PHYSICA materialis peccati intuendam, quam in hoc Opusculo primo de Scientiâ Mediâ ad examen revocatâ ab omnibus P. Annati cavillis, & Molinistarum fallaciis, invictè ex utroque Sole defendimus.

Quæ de amore vitæ doctrina, applicanda quoque est ad omnem alterum amorem, quo aliud quodcumque bonum temporale, & indifferens amatur, puta honor, pecunia, delectatio. Qui enim eo amore Dei præcedente super omnia, ita est dispositus, ut in nullâ re velit delectari contra Deum, nec in delectatione hîc, & nunc occurrente, ullam advertit circumstantiam malam, puta tempus indebitum, locum non opportunum, personæ qualitatem, delectationis excessum, &c. iste virtuosè, & meritorie delectationem capiat, si fuerit in charitate. Et si omnia sua cum tali dispositione faciat, adimplebit istud præceptum, de quo Apostolus 1. Cor. 10. *sive ergo manducatis, sive bibitis, sive aliud quid facitis, omnia in gloriam Dei facite*. Vide D. THOM. Coloss. 3. lect. 3. in fine.

VIII]. Cum amor sit radix, & principium omnium affectuum voluntatis; oportet: ut juxta bonitatem amoris regulentur omnes alii affectus, videlicet Spes, & Timor, Gaudium, & Tristitia. Si amor sit naturalis, omnes alii affectus erunt naturales; sicut & boni, si amor sit bonus. Si amor sit substantialiter supernaturalis, erunt & omnes alii affectus substantialiter supernaturales. Si verò speciali quâdam ratione Spiritus Sanctus utatur amore naturali ad producendum aliquos affectus, tunc illi

Illius affectus ita procedent ex amore naturali, ut sint etiam specialiter à Spiritu Sancto. Sic timor servilis specialiter procedit à Spiritu Sancto utente ad hoc amore naturali, cui gehenna, quam fides demonstrat, contrariatur, utpotè tollens consistentiam, & bene esse sui subiecti, quæ naturaliter amatur.

Timorem Dei servilem procedere ex amore naturali clarissimè docet Magister noster Ecclesiæ Sol, D. THOMAS 3. dist. 34. a. 2. quaestione. 2. ad 2. Ubi formaverat hoc argumentum: *Omnis actus virtutis ex aliquo amore procedit: sed actus timoris servilis non procedit ex amore charitatis: ergo procedit ex amore libidinoso. Ergo est malus.* Huic argumento respondet: *Dicendum quòd ACTUS TIMORIS SERVILIS, QUANDO BONUS EST, non est ex amore gratuito, neque ex amore libidinoso, sed ex amore naturali, quo quis vult consistentiam, & bene esse sui subiecti: & ideo HORRET OMNEM POENAM; sive quam experientia docet, sicut in timore naturali, sive quam fides demonstrat, sicut in servili.*

Eundem timorem à Spiritu Sancto procedere, testatur idem Angelicus Doctor 2. 2. q. 19. a. 9. *Timor servilis non est numerandus inter septem dona Spiritus Sancti, licet sit a Spiritu Sancto: quia ut August. dicit in lib. de naturâ, & gratiâ, POTEST HABERE ANNEXAM VOLUNTATEM PECCANDI, dona autem Spiritus Sancti non possunt esse cum voluntate peccandi: quia non sunt sine charitate, ut dictum est. Unde relinquatur, quòd timor Dei, qui numeratur inter septem dona Spiritus Sancti, est timor filialis, sive castus.*

IX. Si timor Dei servilis sit à Spiritu Sancto, firmiter tenendum est, eum esse bonum, & utilem, cum omne datum optimum, & omne donum perfectum desursum sit. Aperta est S. AUGUSTINI sententia in Psalm. 127. Ubi ait: *Ille timor nondum castus praesentiam Domini, & panis timet: timore facit quicquid boni facit, non timore amittendi bonum illud, sed timore patiendi illud malum. Non times ne perdat amplexus pulcherrimi sponsi, sed times ne mittatur in gehennam.* BONUS EST ISTE TIMOR, UTILIS EST.

Nec aliquid melius timendum esse, perhibet serm. 18. de verbis Apostoli dicens: „Modò cum dicis mihi gehennam timeo, ardere timeo, in æternum puniri timeo, „quid dicturus sum? Malè times? vanè times? Non audeo quandoquidem ipse „Dominus ablato timore subjecit timorem: & ait, ubi dixit: *Nolite timere eos, qui corpus occidunt, postea non habent, quòd faciant: sed eum time, qui habet potestatem & „corpus, & animam occidere in gehennam ignis: ita dico vobis hunc time.* Cum ergo „Dominus timorem incusserit, & vehementer incusserit, & repetendo verbum „comminationem geminaverit, dicturus ego sum malè times? Ita non dicam, Pla- „nè time. NIHIL MELIUS TIMES. NIHIL EST QUOD MAGIS TIMERE DEBEAS.

Catholicus non est, quisquis timorem servilem asseruerit esse malum, Concilio Tridentino definiente sess. 6. can. 6. *Si quis dixerit gehenna metum per quem ad misericordiam Dei de peccatis dolendo consurgimus, vel à peccando abstinemus, peccatum esse, vel peccatores peiores facere, anathema sit.* §. III.

§. III. Timor servilis annexam habere potest voluntatem peccandi.

X. **H**ic offendunt Juniores, qui considerantes timorem servilem esse bonum, & à Spiritu Sancto, putant eum separari posse ab omni voluntate peccandi, ita ut aliquod peccatum actuale cum eo componi non valeat. Quibus manifestè se opponit D. THOMAS num. 8. citatus ex 2. 2. Ubi docet ex S. AUGUSTINO lib. de naturâ, & gratiâ, timorem servilem posse habere annexam voluntatem peccandi, & idèò non esse inter septem dona Spiritûs Sancti enumerandum. Locus autem, quem citat S. AUGUSTINI habetur cap. 57. sub his verbis: *Sub lege est enim, qui timore supplicii, quod lex minatur, non amore justitiæ se sensit abstinere ab opere peccati*, NONDUM LIBER, NEC ALIENUS A VOLUNTATE PECCANDI. IN IPSA ENIM VOLUNTATE REUS EST, quia mallet, si fieri posset, non esse, quod timeat, ut liberè faciat, quod occultè desiderat.

Hæc utriusque Solis sententia diligenter est à nobis firmanda, & radicatus declaranda; cum ex eâ potissimum, imò & unicum de sufficientiâ doloris servilis fundamentum penitus destruat, ut cap. 3. dicemus: nec alio id præstare poterimus lumine, quàm Angelico. Recolenda est Angelici Solis, & Præceptoris nostri doctrina de voluntate antecedente, & consequente, quam ad q. 19. primæ partis communiter defendunt Thomistæ.

Secundùm istam doctrinam distingui possunt duæ voluntates peccandi, una antecedens, alia consequens. Voluntas peccandi antecedens est illa, cui peccatum secundùm se placet, præcisiò ordine ad quodcumque aliud circumstans. Voluntas consequens peccandi est illa, quæ tendit in peccatum sub omnibus suis circumstantiis, hîc, & nunc occurrentibus. Differunt hæ duæ voluntates, quantum ad præsens attinet, quod voluntas antecedens peccandi non excluditur nisi per displicentiam peccati secundùm se; unumquodque enim tollitur per suum contrarium; complacentiæ peccati secundùm se contrariatur displicentia peccati secundùm se; nisi ergo voluntati, cui peccatum secundùm se placet, superveniat displicentia peccati secundùm se, semper manebit voluntas affecta ad peccatum. Voluntas consequens peccandi tollitur per displicentiam cujusvis circumstantiæ hîc, & nunc occurrentis; cum enim impossibile sit peccatum poni à parte rei, nisi ponatur cum omnibus suis circumstantiis, eo ipso quod voluntas unam ex circumstantiis repudiet, non potest habere voluntatem consequentem peccandi.

XI. Ex hac manifestissimâ, & receptissimâ inter Thomistas doctrinâ probatur manifestè timorem servilem annexam habere posse voluntatem peccandi, ita ut eum eo stare possit aliquis actualis affectus ad peccatum. Considerare peccatum cum ordi-

ordine ad pœnam, pertinet ad voluntatem consequentem; siquidem consideratio peccati secundum se, præscindit ab ordine ad pœnam, sicut & à quâcumque aliâ circumstantiâ, quæ non est de essentiâ peccati. Unde sic formo argumentum. Voluntas consequens non peccandi potest habere annexam voluntatem antecedentem non peccandi: sed timor servilis tantum causat voluntatem consequentem non peccandi: ergo timor servilis potest habere annexam voluntatem antecedentem peccandi. Major patet ex eo, quod aliquid secundum se potest placere inefficaciter, & simul propter circumstantiam superadditam displicere, & repudiari efficaciter, ut videre est in voluntate antecedente salvandi reprobos, quâ Deus sincerè vult eorum salutem secundum se consideratam, quam tamen ut impedivim manifestationis justitiæ Dei efficaciter repudiat. Quare sicut voluntas consequens non salvandi reprobos habet annexam voluntatem antecedentem salvandi reprobos: ita & voluntas consequens non peccandi poterit habere annexam voluntatem antecedentem peccandi.

Probatur Minor, Timor servilis tantum potest causare displicentiam peccati propter pœnam. Displicentia autem peccati propter pœnam non potest esse actus voluntatis antecedentis, quæ solum considerat peccatum secundum se, & sine ullo ordine ad pœnam, aliasque circumstantias: ergo displicentia peccati propter pœnam ad solam voluntatem consequentem pertinere potest. Et consequenter timor servilis, qui solummodo facit displicere peccatum propter pœnam, tantum causabit voluntatem consequentem non peccandi: & sic hæc voluntas consequens potest componi cum voluntate antecedente peccandi, & timor servilis id ipsum poterit.

XIJ. Vim hujus argumenti dilucidè exhibet Præceptor noster S. THOMAS, dum 1. 2. q. 6. a. 7. ad 2. inquit: *Qui per metum aliquid agit, manet repugnantia voluntatis ad id, quod agitur, secundum quod in se consideratur. Sed in eo, qui agit aliquid per concupiscentiam, sicut est incontineus, non manet prior voluntas, quæ repudiabat illud, quod concupiscitur, sed mutatur ad volendum id, quod prius repudiabat: Et ideo quod per metum agitur, quodammodo est involuntarium. Sed quod per concupiscentiam agitur, nullo modo. Nam incontineus concupiscentiæ agit contra id quod prius proponebat, non autem contra id, quod nunc vult: sed timidus agit contra id, quod etiam nunc secundum se vult.*

Conformer prorsus ad suum Magistrum S. AUGUSTINUM, qui in Epist. 144. sic loquitur: „ Inaniter autem putat victorem se esse peccati, qui pœnæ timore non peccat, quia & si non impletur foris negotium malæ cupiditatis, ipsa tamen mala cupiditas intus est hostis. Et quis coram Deo innocens invenitur, qui vult fieri quod vetatur, si subtrahas quod timetur? ac per hoc in ipsâ voluntate reus est, qui vult facere, quod non licet fieri, sed ideo non facit, quia impune non facit.

XIIJ. Non potest voluntatis antecedentis peccandi energia expressius declarari. Nam quemadmodum voluntas salvandi reprobos est quædam ex parte objecti conditionata voluntas, secundum quam verificatur, salvarentur reprobi, si non ebbet manifestatio divinæ justitiæ. Ita voluntas antecedens peccandi est quædam conditionata voluntas, secundum quam verè dicit S. AUGUSTINUS, peccaret voluntas, si subtraheres quod timetur, sed idè non peccat, quia impunè non peccat. Nam cui delectatio peccati secundum se placet, & solùm à capiendâ delectatione retrahitur propter annexam pœnam, vellet sine dubio non adesse talem pœnam, & voluntati antecedenti superadderet consequentem, appareretque in opere, quod latenter gerit in corde, si speraretur impunitas.

Quod iterùm expressit S. AUGUSTINUS concione 25. in Psalm. 118. Ubi explicans ista Davidis verba: *Confuge timore tuocarnes meas, à judicis enim tuis timui*, hæc enarrat. „ Timor iste, quo non amatur justitia, sed timetur pœna, servilis est, quia „ carnalis est, & idè non crucifigit carnem. Venit enim peccandi voluntas, quæ „ tunc apparet in opere, quando speratur impunitas. Cùm verò pœna creditur se- „ cutura, latenter vivit, vivit tamen. Mallet enim licere, & dolet non licere, quod „ lex vetat: quia non spiritaliter delectatur ejus bono, sed carnaliter malum me- „ tuit, quod n. i. n. i. r.

Nec ab hac voluntate antecedente non peccandi vitatur superveniens timor servilis, sed magis ex suâ bonitate custodit voluntatem, ne se extendat ad voluntatem consequentem. Hæc est una timoris servilis utilitas, de quâ S. AUGUSTINUS lib. 2. contra litteras Petiliani ait: *Timor pœnæ & si nondum habet delectationem bonæ conscientia, saltem intra claustra cogitationis coercet malam cupiditatem*, id est, voluntatem antecedentem peccandi. Et Epist. 144. *Pœna corporis & si non à voluntate peccandi (antecedente) tamen revocat ab opere peccati*, impediendo, & compescendo voluntatem consequentem.

Item serm. 18. de verbis Apostoli, cap. 8. *Si faceres (peccatum Deo non vidente) ergo pœnam times, castitatem nondum amas, charitatem nondum habes: serviliter times, formido est mali, nondum dilectio boni. Sed time tamen, ut ista formido custodiat te, ut perducas ad dilectionem*. TIMOR ENIM ISTE, QUO GEHENNAM TIMES, ET IDÈ MALA NON FACIS, CONTINET TE, ET SIC VOLENTEM PECCARE ANIMUM INTERIOREM (voluntatem antecedentem) NON SINIT. Est enim quidam custos timor, quasi pædagogus levis. Littera est minans, nondum gratia juvenans.

§. IV. *Peccat, qui ex solo timore operatur. Nec propterea timor servilis facit hominem hypocritam, & magis peccatorem.*

XIV. **C**onsideravimus hætenus timorem secundum rationem suam, quam ex suo objecto, & amore consequitur. Nunc consideramus illum per ordinem ad operationem, cujus est principium. Non enim eadem est ratio timoris secundum se, & timoris, ut est operationis principium. Timor, qui secundum se est bonus, & à Spiritu Sancto, potest esse operationis malæ principium, dum, scilicet, voluntas eo utitur, ad operandum bonum sine ullo amore justitiæ. Malè proculdubio operatur, qui bonum non ex amore boni facit. Si id, quod est propter se bonum, non ametur propter se, sed propter aliud, inordinatè amatur: inordinatus quippè amor est, qui sine tanquam medio utitur. Justitia, & legis observatio est propter se amanda: qui ergo eam non propter se amat, inordinatè amat. Qui bonum justitiæ operatur non ex amore justitiæ, & qui legem observat non ex amore legis, nec justitiam, nec legis observationem propter se amat. Peccat ergo, quicumque bonum operatur non ex amore boni.

Confirmatur hæc doctrina ex parte timoris. Malum est fugiendum propter amorem boni, non verò bonum est faciendum propter fugam mali. Qui ex solo timore bonum operatur, facit bonum propter fugam mali, & ita ordinem pervertit, quem ratio constituit inter bonum, & malum. Peccat ergo quicumque ex solo timore bonum operatur, facit justitiam, & legem observat: bonum enim facit, sed *non benè, non sicut oportet*, non sicut exigit ipsa justitia, & natura boni. Qui amat aliquem, & non quantum debet; amat quidem, sed non sufficienter: ita qui facit justitiam, & non amat eam; facit quidem, sed non sufficienter, *non benè, non sicut oportet*.

Hæc est constans utriusque Solis doctrina, tam in locis præced. §. citatis, quàm ex dicto illo S. AUGUSTINI: QUANDO TIMORE POENÆ, NON AMORE JUSTITIÆ FIT BONUM, NONDUM BENE FIT. Quod Angelicus Sol 2. 2. q. 19 a. 4. ad 1. dicit esse intelligendum *de eo, qui facit aliquid timore servili, in quantum est servilis, ut scilicet NON AMET JUSTITIAM, SED SOLUM POENAM TIMEAT.*

XV. Animadvertant, quæso, Adversarii hæc duo toto cælo distinguì: *qui operatur ex solo timore peccat, & timor est causa peccati.* Primum docet Geminus Ecclesiæ Sol, secundum præscribit Concilium Tridentinum, dum fert anathema eis, qui dicunt metum gehennæ facere hominem hypocritam, & magis peccatorem. Nam si timor sit causa peccati, magis peccatorem faciet eum, qui ex timore operabitur. Qui peccatum peccato addit magis est peccator, quàm prius erat. Si ergo à timore oriatur, quòd peccatum peccato superaddatur, proculdubio faciet hominem magis peccatorem.

catorem, in quantum & ipse timor apud hæreticos malus est, & actionem à se procedentem facit esse malam.

Quæ societas luci utriusque Solis ad tenebras hæreticorum? Quemadmodum longè aliud est, *timorem servilem esse malum*, & *timorem servilem habere annexam voluntatem antecedentem peccandi*; ita hæc duo, ut nuper dixi, toto cælo differunt: *timorem esse causam peccati*, & *ex solo timore operantem peccare*. Nōunt hoc, & apprimè sciunt Angelici Solis discipuli, qui spretis omnibus Molinistarum caviliis, invictè distinguunt ista duo; *Prædeterminatum actum peccati peccare*, & *Prædeterminatum esse causam peccati*.

Sicut enim distinguunt in peccato, actum peccati quem prædeterminat Deus, & malitiam quam ex propriâ determinatione adjungit voluntas; ita distinguere oportet in operatione, quæ procedit à timore servili, *ipsum operari bonum*, quod habet à timore servili, & quod *bonum non benè fiat*, quod habet à voluntate utente timore sine amore justitiæ; eo igitur modo, quo Deus influit in actum peccati, non attingendo peccati malitiam, ita timor servilis facit quod voluntas bonum operetur, absque eo quod sit causa ipsum bonum *non benè fieri*: & sicut voluntas non considerans regulam est causa malitiæ, ita & eadem voluntas non amans justitiam est causa, quod bonum *non benè fiat*,

§. V. Objeçtio contra doctrinam traditam de timore servili.

XV]. **O** Bīcies. Complacentia peccati secundum se punitur pœnâ gehennæ: ergo ex solo metu gehennæ poterit voluntas eam tollere, & consequenter per actum, *cujus motivum sit solus metus gehennæ*, excludetur voluntas antecedens peccandi, quæ nihil est aliud, quàm quædam complacentia peccati secundum se. Probatur Conseq. Ideò voluntas cohibet manum ab opere peccati, & excludit voluntatem consequentem, quia scit se puniendam: ergo si sciat se puniendam propter complacentiam dictam peccati, si è propter voluntatem antecedentem peccandi, poterit quoque se continere à prædictâ complacentiâ, & voluntate antecedente.

Hanc objectionem consultò formavimus ut in eâ elideremus Adversariorum argumenta, quæ contra doctrinam de timore servili traditam formare possent. Nam adeò claram confidimus dare illius solutionem, ut inirum Cordatis futurum sit, Viros doctos potuisse allerere, quod per actum, *cujus motivum sit solus gehennæ metus*, possit excludi omnis voluntas peccandi.

Quare ad objectionem respondetur negando Consequentiam. Ad Probationem distinguitur Consequens: ergo si sciat se puniendam propter voluntatem antecedentem peccandi poterit se à tali voluntate continere, si metus introduxerit amorem justitiæ, vel Dei, conceditur. Si metus non introduxerit amorem justitiæ, vel Dei,

negat-

negatur. Est enim impossibile, quòd tollatur voluntas antecedens peccandi, si non displiceat peccatum propter propriam malitiam; quando metus non introducit amorem istius boni, cui propria malitia peccati opponitur, peccatum displicet propter malitiam pœnæ tantum: si propter malitiam pœnæ tantum, ergo non propter malitiam propriam, quæ est aliter rationis à malitiâ pœnæ. Est igitur implicancia in adjecto dicere, quòd voluntas antecedens peccandi tollatur ex solo motivo gehennæ, sicut implicat dicere, quòd peccatum displiceat propter alienam malitiam tantum, & simul displiceat propter malitiam propriam.

XVII]. Explicatur magis solutio. Malitia propria peccati est difformitas ad legem, & quædam privatio iustitiæ, sicut malitia pœnæ est quædam difformitas ad *bonè esse* subiecti. Quare sicut non posset peccatum displicere propter pœnam, si non amaretur *bonè esse* subiecti; & quidquid aliud amatur, usquedum ametur *bonè esse* subiecti, nunquam peccatum displicebit propter pœnam; ita non poterit peccatum displicere propter propriam malitiam, si non ametur iustitia, & usquedum ponatur amor iustitiæ, nunquam displicebit peccatum propter propriam malitiam; & per consequens, usquedum ponatur amor iustitiæ, semper remanebit voluntas antecedens peccandi.


Fundamentum, & radix hujus doctrinæ est, quòd voluntas non potest exercere aliquem actum, nisi utatur motivo proprio istius actus, v. g. Si voluntas velit exercere actum castitatis, debet uti motivo proprio castitatis; si actum temperantiæ; debet uti motivo proprio temperantiæ; & sic de aliis actibus. Dolor de peccato propter se, & dolor de peccato propter pœnam sunt dolores speciei distincti; habentes diversa speciei motiva: si voluntas velit exercere dolorem de peccato propter pœnam, debet uti motivo proprio istius doloris. Si velit exercere dolorem de peccato propter se, debet uti motivo proprio istius doloris. Eo igitur ipso quòd ponatur voluntatem exercere dolorem de peccato ex solo motivo gehennæ, impossibile est, quòd doleat de peccato ex motivo propriæ malitiæ.

Motivum dolendi est aliquod bonum amatum; omnis quippè dolor secundum utrumque Ecclesiæ Solem in amore fundatur. Displicet enim malum quia triste est, quia placet delectabile; displicebit turpe quia turpe, quia placet honestum; displicebita marum quia amarum, quia placet dulce. Si turpe displiceret, quia placet dulce, tunc non displiceret quia turpe est, sed quia amarum foret. Ut ergo peccatum displiceat quia opponitur iustitiæ, debet placere iustitia; ut verò displiceat quia per pœnam tollit consistentiam, & *bonè esse* subiecti, debet amari consistentia, & *bonè esse* subiecti.

XVIII]. Non negamus, timorem servilem tollere voluntatem antecedentem peccandi, & causare displicentiam peccati secundum se, sed dicimus debere prius causare amorem iustitiæ, vel Dei, eo modo quo voluntas volens amare Deum debet prius applicare intellectum ad proponendum aliquod amoris incentivum. Sic voluntas timore conculsa debet prius excitari ad amorem iustitiæ antequam possit pec-

eatum ei displicere propter propriam malitiam, Quare in peccatoribus solet Deus primò uti amore naturali, quem habet ad consistentiam, & bene esse sui subiecti, & incutiens metum ignis æterni facit eos dolere de peccatis suis propter se. Ad actum penitentia non sufficit primus dolor, quamvis sit in se bonus.

Hunc Dei processum docet S. Augustinus tract. 9. in Epist. Joan. Ubi dicit : Si nullus timor, non est quâ intret charitas. Sicut videmus per setam introduci linnam quando aliquid fitur. Seta prius imrat, sed nisi exeat non succedit linnam. Sic timor primò occupat mentem, non autem ibi remanet timor, quia idè intravit, ut introduceret charitatem. Et in Psalm. 149. Nisi timere incipiat homo Deum colere non perveniet ad amorem : imminu sapientia timor Domini, incipit ergo à videntis ferreis, & finitur ad torquem auream. Item, ut ait lib. de Catechizandis rudibus, cap. 5. Rarissime accidit, imò vero nunquam, ut quisquam veniat velens fieri Christianus, qui non sit aliquo Dei timore percussus.



CAPUT SECUNDUM.

Doctrina utriusque Solis circa castum Dei super omnia amorem

DUæ sunt partes hujus capitis : prima, quis sit amor Dei castus : secunda, quis sit amor Dei super omnia : nec utcumque de utraque inquirimus : sed quid habeant tutissima, & inconcussa SS. AUGUSTINI, & THOMÆ dogmata.

§. I. Quis sit amor Dei castus ?

XIX. AMor Dei duplex est : unus concupiscentia, quo Deum nobis concupiscimus ; alius amicitia, quo Deum Deo diligimus. In amore concupiscentia consideramus divinam bonitatem, ut nos beatificantem, & volumus frui divinâ bonitate. In amore amicitia consideramus divinam bonitatem, ut Deum beatificantem, & volumus ac gaudemus Deum suâ bonitate, sive seipso frui. Ex parte objecti, sive boni amati, nulla est utriusque amoris differentia, sed omnis differentia se tenet ex parte subiecti, cui bonum amatum volumus. Si subiectum proximum, cui fruitionem divinæ bonitatis volumus, sit Deus, est amor amicitia. Si subiectum proximum sit alius à Deo, est amor concupiscentia, sive nobis, sive

sive proximo velimus fruitionem divinæ bonitatis. Nam qui divinam bonitatem proximo concupiscit, licet amet proximum amore amicitiae; divinam tamen bonitatem amat amore concupiscentiae, sicut dum vult eam sibi.

Finis *cujus gratia* utriusque amoris, tam proximus, quam ultimus est Deus, sive divina bonitas beatificans. In amore concupiscentiae est Deus ut nobis, & proximo bonus; in amore amicitiae est Deus, ut sibi bonus. Per concupiscentiae amorem intendimus Deum possideri à nobis; per amicitiae amorem intendimus Deum à se ipso possideri.

Finis *in* proximus est diversus: in amore concupiscentiae est creatura rationalis, cui volumus fruitionem divinæ bonitatis; in amore amicitiae est Deus, cui congratulamur de perfectissima, & comprehensiva sui fruitione. Finis *cui* ultimus, sive implicite, sive explicitè, in utroque amore est Deus; implicite, & virtualiter in amore concupiscentiae; explicitè, & formaliter in amore amicitiae. De quo sine Parag. seq.

XX. In hoc differt bonum subsistens à bono inherere, quod bonum inherens nullo modo possit diligi amore amicitiae, sed solo amore concupiscentiae amari potest. Bonum verò subsistens, cum sit, & sibi bonum, & alteri bonum, potest amari, & per modum amicitiae, & per modum concupiscentiae. Quidam ad hanc differentiam minime attendentes, existimant amorem Dei per modum concupiscentiae, excludi ab amore Dei casto. Verum existimatio ista derogat veritati: eo quod castè amare Deum nihil sit aliud, quam amare Deum propter suam bonitatem, & non propter aliud. Quare, qui concupiscit sibi Deum propter suam bonitatem, & non propter aliud, castè concupiscit Deum. Nam sicut mulier castè amat virum suum, quæ viri sui amplexus, & non alterius sibi concupiscit: Ita & anima castè amat Deum, quæ nullius creaturæ, sed solius Dei desiderat fruitionem. Quid est fruitio Dei, nisi amplexus pulcherrimi sponsi?

Obiectum igitur casti amoris est Deus propter se dilectus; qui non desinit propter se diligi, etiam si per modum concupiscentiae diligatur: sicut justitia, virtus, &c. adhuc propter se diligitur, etiam si quis justitiam, sive virtutem sibi concupiscat. Undè castè procul dubio amatur Deus ab eo, qui nullà alià re à Deo distincta, sed solo Deo frui exoptat: sicut & mulier castè amat virum, quæ nullius alterius viri desiderat amplexus.

XXI. Præclare hoc docet S. AUGUSTINUS in Psalm. 72. ad illa verba: *Quid enim mihi est in caelo, & à te quid volui super terram? Deus cordis mei, & pars mea Deus in æternum:* quæ verba sic dilucidat: comparavit voluntati suæ terrenæ PRÆMIUM COELESTE, quod accepturus est, vidit QUID IBI SIBI SERVARETUR, & cogitans, & assuans in cogitatione causam rei ineffabilis, quam nec oculis vidit, nec auribus audivit, nec in se hominis ascendit, non dixit illud, aut illud mihi est in caelo: sed QUID MIHI EST IN COELO? QUID EST ILLUD, QUOD HABEO IN COELO? *Quamvis est*

quale est? & cum non transit, quod habeo in cælo, à te quid volui super terram? De illo loquitur S. AUGUSTINUS, qui quærit præmium cælestē; de illo agit, qui ineffabile quoddam bonum suum desiderat, quod sibi servatur in cælo, quod sibi est in cælo, quod habet in cælo, relictis omnibus illis bonis quæ concupiverat in terrâ: de amore igitur concupiscentiæ tractat, quo aliquis Deum ut summum suum bonum sibi concupiscit; undè post paucadicit: *Servus, inquit, mihi tu in cælo divitiarum immortalis teipsum, & ego volui à te in terrâ, QUOD HABENT ET IMPII, quod habent & mali, quod habent, & facinorosi, pecuniam, aurum, & argentum, gemmas, familias, quod habent & scelerati, quod habent multa femina turpes, multi viri turpes. Hæc pro magno desideravi à Deo meo super terram, cum serves se mihi in cælo Deus meus.*

Hunc amorem, quo solum Deum concupiscimus, paucis interjectis castum prædicat his verbis: *Factum est cor castum, gratis jam amatur Deus. Non ab illo petitur aliud præmium. Qui aliud præmium petit à Deo, & propterea servire vult Deo, carius facit quod vult accipere, quam ipsum à quo vult accipere. Quid ergo nullum præmium Dei? Nullum præter ipsum. PRÆMIUM DEI IPSE DEUS EST. HOC AMAT, HOC DILIGIT, SI ALIUD DILEXERIT, NON ERIT CASTUS AMOR.*

Quasi diceret: non habebat cor castum, qui bona creata, quæ habent & impii, desiderabat à Deo; sed cor illius factum est castum, & jam gratis amavit Deum, dum non ampliùs alicujus creaturæ possessionem, sed solius Dei fruitionem à Deo exposulavit. Quare firmiter secundum S. AUGUSTINUM tenendum est, cum castè amare Deum; qui Deum non propter aliud, sed propter Deum habendum, quærit, & concupiscit. Ille ipsum solum amat, gratis amat, quia in ipso habet omnia, quia per ipsum facta sunt omnia, ait S. AUGUST. Idem dicendum est de eo, qui nullius creaturæ, sed solius Dei cognitionem, & visionem quærit, iste castè amat Deum, ipsum solum amat, gratis amat, quia in ipsâ Dei visione omnia cognoscit. Vide num. 30. ubi egregius locus S. AUGUSTINI ex serm. 19. de verbis Apostoli ad idem adducitur.

Landabilis est ista concupiscentia non damnabilis, ait S. AUGUSTINUS in Psal. 118. Non de hac dictum est non concupisces, sed de illâ, quâ caro concupiscit adversus spiritum. De hac bonâ concupiscentiâ, quâ concupiscit spiritus adversus carnem, quero ubi scriptum sit, & invenies, concupiscentia itaque sapientiæ deducit ad regnum perpetuum, & multa alia reperientur bonæ concupiscentiæ testimonia.

XXIJ. Consonat Magistro suo Angelicus Doctor in omnibus illis locis, in quibus docet beatitudinem nostram in solo Deo esse ponendam, eique soli super omnia, tanquam summo bono nostro adhaerendum, juxta illud Psalmi 12. *Mihi autem adhaerere Deo bonum est.* Amor Dei rectus, & ordinatus, non potest non esse castus; qui concupiscit Deum ut suam beatitudinem, summumque suum bonum, rectè, & ordinatè amat Deum; ergo & castè amat. Et quâ ratione non foret castus amor ille, qui maximè facit hominem bonum? amor, quo concupiscimus Deum ut ultimum finem nostrum, maximè facit hominem bonum; quod pulchrè probat

bat Magister noster 3. contra Gentes, capite 116. his verbis:

Finis cuiuslibet legis, & præcipue divina est homines facere bonos. Homo autem dicitur bonus ex eo quod habet voluntatem bonam, per quam reducit in actum quicquid boni in ipso est. Voluntas autem bona est, ex eo quod vult bonum, & præcipue maximum bonum, quod est finis. Quando igitur huiusmodi bonum magis voluntas vult, tanto magis homo est bonus: sed magis vult homo id quod vult propter amorem, quam id quod vult propter timorem tantum. Nam quod vult propter timorem tantum, dicitur mixtum involuntario, sicut aliquis vult in mari protectionem mercium propter timorem: ergo amor summi boni, scilicet Dei, maxime facit bonos, & est maxime intentum in divinâ lege.

S. II. *Castia Dei concupiscentia plus amat Deum, quam Dei fruitionem: & virtualiter, ac implicite fertur in Deum, ut in ultimum finem cui.*

XXIIJ. **C**astia Dei concupiscentia est amor ille, quo Deus amatur, non propter aliquid creatum habendum, sed propter ipsum Deum habendum. Est enim beatitudo nostra boni increati, non creati, possessio. Quia tamen ipsa possessio est aliquid creatum, fit, ut *Deus habendus* duo involvat, ipsum, scilicet Deum, & illud creatum quo possidetur Deus, quod nomine fruitionis intelligimus. Quâ ratione, & quo ordine Deus, & fruitio Dei cadant sub amore concupiscentiæ, prima pars huius Paragraphi expostulat.

Ad cuius evidentiam sciendum est, quod fundamentum amoris concupiscentiæ sit comparatio objecti ad diligentem, secundum quam consideratur Deus ut diligenti bonus. Qui sic amat Deum, gaudet si possideat, & si non possideat, possidere desiderat. Cum autem Deus sit bonum subsistens, possidetur per operationem, non per inhærentiam: undè sicut sanitas habetur quando inhæret, ita Deus possidetur quando operatur sui visionem, & fruitionem: sicut & vinum delectabile possidetur, in quantum delectabile, quando causat sui delectationem. Quemadmodum ergo velle habere delectabile est idem ac velle delectabile causare sui delectationem: ita velle habere Deum est idem ac velle Deum operari sui visionem, & fruitionem: & consequenter amare Deum propter Deum habendum nihil aliud erit, quam amare Deum propter Deum operantem sui visionem, & fruitionem.

Ex quo fit, ut concupiscentia boni subsistentis tendat in causam, & in effectum. Quare si effectus sit præstantior causâ, oportet, ut concupiscatur bonum subsistens propter effectum, & plus diligatur effectus, quam ipsum bonum subsistens. Sic se habet concupiscentia vini delectabilis, delectatio habet esse præstantius inanimâ, quam in vino delectabili: & idè plus diligitur quam vinum, quod etiam propter

delectationem diligitur. Si verò causa sit potior suo effectû, oportet ut plus diligatur bonum subsistens, quàm suus effectus, qui propter ipsum bonum subsistens concupiscitur: sic accedit castitæ Dei concupiscentiæ; est enim Deus omni sui visione, & fruitione infinitum præstantior, & idè plus concupiscitur, quàm sui visio, & fruitio, quæ non nisi propter Deum desideratur. Concupiscitur namque Deus, ut *bonum in quo* quiescere volumus: visio autem, & fruitio Dei concupiscitur, ut *bonum quo* in Deo quiescimus.

XXIV. Ne quis existimet ex cerebello meo ista procedere, adduco Magistrum nostrum, quintum Ecclesiæ Doctorem D. THOMAM in Opusc. 61. cap. 3. ubi assignans tria discrimina inter amorem, quo vinum dulce amatur propter delectationem, & amorem, quo Deus amatur propter Deum habendum, sic de tertio discrimine discurret.

„Tertiò, dulce vinum appeto ut delectet. In proposito verò (*id est, dum Deum*
 „*appeto, ut Deo fruor*) opposita est relatio. Nam Dei bonitatem non referimus ad
 „nostram delectationem, scilicet creatam beatitudinem, vel qualitatem, sed potius
 „è contrà. Causa autem dissimilitudinis patet sic. Omne receptum est in recipien-
 „te per modum recipientis, & non per modum recepti. Igitur si receptum est mi-
 „nus nobile recipiente, nobilitatur in ipso, non autem si nobilius ipso. Sicut er-
 „go species rei visibilis recepta in oculo, & perficiens ipsam in esse, nobilior & me-
 „lior est in oculo, quàm in materiâ primâ: sic dulcedo rei gustabilis recepta in
 „gustu, melior, & nobilior est, quàm in suâ materiâ, & idè dulcedo vini melior
 „est in eo, quem delectat, quàm in vino. Bonum autem referri habet ad melius,
 „& non è contrà, idè appeto dulcedinem vini propter delectari.

„E contrario summum bonum, & infinitum, quod beatificare, & delectare habet
 „affectum, ab affectu recipitur per modum affectus, scilicet, finitè; & excedit infi-
 „nitè. Sicut ergo minus bonum ad majus bonum; sic beatitudo creata in animâ,
 „per influentiam beatitudinis increatæ, & summi boni, ad ipsum summum bonum,
 „quod influit, est referenda. In infinitum ergo major debet esse motus, quo appe-
 „to Deum, & summum bonum, quàm ille, quo appeto vitam æternam, & fruitio-
 „nem meam. Nam & istud appeto propter aliud, istud ut *finem quo* quieto, illud
 „ut *finem in quo* quiesco.

Hæc Angelici Doctoris verba sufficienter probant, quòd etiam in amore concupiscentiæ, quo Deum ut summum bonum concupisco, adhuc plus amo Deum, quàm Dei fruitionem. Nam qui vult habere Deum, movetur ejus voluntas in Deum, & Dei fruitionem per modum unius; ergo vel Deum propter Dei fruitionem, vel Dei fruitionem propter Deum appetit; non enim duo diversa possunt appeti ut unum quid, nisi unum propter alterum, aut utrumque propter unum tertium appetatur. Si Dei fruitio propter Deum concupiscatur, habemus intentum: si Deus propter Dei fruitionem concupiscatur, Angelico Doctori contradicitur, qui dicit,

dicat, quod in infinitum major debet esse motus, quo appeto Deum, & summum bonum, quàm ille, quo appeto vitam æternam, & fruitionem meam. Quare, si amor concupiscentiæ, quo Deum ut summum mihi bonum concupisco, fuerit reclusus, & castus; necesse est; ut plus ametur Deus, quàm Dei fruitio.

Subjungit D. THOMAS: „Nota ergo, quod sex sensus habet hæc propositio: *Ille diligit Deum propter Deum*. Primò diligit Deum propter Deum, supple habendum, ut habere Deum, vel frui Deo sit finis in quo quiescitur, ut iste vadit ad tæbernæ propter vinum, scilicet, bibendum, bibitio, & delectatio plus placet illi, quàm vinum, & sic diligere est malum, & peccatum, quia refertur Creator ad creaturam. Secundò, diligit Deum propter Deum, scilicet, habendum, ut habitus Dei, vel FRUITIO CREATA SIT FINIS, NON IN QUO QUIESCIT, SED QUO QUIESCITUR. Beatitudo enim creata potest appeti ut *finis quo* quiescamus, quia ipsa habita nihil creatum amplius appetimus: sed non debet poni *finis in quo* non ipsa quiescamus, sed per ipsam in Deo.

XXV. Pro alterâ parte huius Paragraphi, nempe, castam Dei concupiscentiam tendere virtualiter, & implicite in Deum, ut ultimum finem cui, notanda est Angelica doctrina, quam sæpè tradit Præceptor noster, ac Magister Communis D. THOMAS; maxime 1. p. q. 60. 2. 5. Ubi docet, Deum à qualibet creaturâ naturaliter diligi super omnia:

„Respondeo dicendum, quòd quidam dixerunt, quòd Angelus naturali dilectione diligit Deum plusquàm se amore concupiscentiæ, quia scilicet plus appetit sibi bonum divinum, quàm bonum suum: & etiam amore amicitie, in quantum scilicet Angelus vult naturaliter Deo majus bonum, quàm sibi: vult enim naturaliter Deum esse Deum, se autem vult habere naturam propriam. Sed simpliciter loquendo, naturali dilectione plus diligit se, quàm Deum, quia intensius, & principalius naturaliter diligit se, quàm Deum.

„Sed falsitas huius opinionis manifestè apparet, si quis in rebus naturalibus consideret ad quid res naturaliter moveatur. Inclination enim naturalis in his, quæ sunt in generatione, demonstrat inclinationem naturalem in voluntate intellectualis naturæ:

„UNUMQUODQUE AUTEM IN REBUS NATURALIBUS, QUOD SECUNDUM NATURAM HOC IPSUM QUOD EST ALTERIUS EST, PRINCIPALIUS, ET MAGIS INCLINATUR IN ID CUIUS EST, QUAM IN SEIPSUM: & hæc inclinatio naturalis demonstratur ex his, quæ naturaliter aguntur, quia unumquodque sicut agitur naturaliter, sic aptum natum est agi, ut dicitur in 2. Phylæ. Videmus enim quòd naturaliter pars se exponit ad conservationem totius: sicut manus exponitur ictui absque deliberatione ad conservationem totius corporis. Et quia ratio imitatur naturam; huiusmodi imitationem invenimus in virtutibus politicis: est enim virtus, si civis, ut se exponat mortis periculo pro totius Reip. conservatione: & si homo esset naturalis pars huius civitatis, hæc inclinatio esset ei naturalis.

„Quæ

Quia igitur bonum universale est ipse Deus, & sub hoc bono continetur etiam Angelus, & homo, & omnis creatura (QUIA OMNIS CREATURA NATURALITER, SECUNDUM ID QUOD EST, DEI EST) sequitur, quod, naturali dilectione etiam Angelus, & homo plus, & principalius diligit Deum, quam seipsum. Alioqui si NATURALITER PLUS SEIPSUM DILIGERET, QUAM DEUM; SEQUERETUR, QUOD NATURALIS DILECTIO ESSET PERVERSA, & quod non perficeretur per charitatem, sed destrueretur.

XXVJ. Ut ex hac profundissima doctrinâ probemus intentum, considerata sunt ea, quæ Majusculis notavimus: 1. *Quod aliterius est, magis inclinatur in id in juss est, quàm in seipsum.* 2. *Omnis creatura naturaliter secundum id, quod est, Dei est.* 3. *Si naturaliter plus seipsum diligeret, quàm Deum, sequeretur, quod naturalis dilectio esset perversa.* Distinguantur tres amores, amor vitæ, amor justitiæ, amor beatitudinis æternæ; amor vitæ competit creaturæ rationali secundum *esse naturale*: amor justitiæ competit creaturæ rationali secundum *esse rationale*, sive *intellectuale*; amor beatitudinis æternæ competit creaturæ rationali secundum *esse supernaturale*. Primus amor est naturalis; secundus anterior est rationalis, sive virtuosus; tertius est supernaturalis. Secundum quemlibet amorem tres subdistinguntur amores: vult enim creatura rationalis vitam sibi, vult vitam proximo, vult vitam Deo; similiter vult justitiam sibi, vult justitiam proximo, vult justitiam Deo; denique vult beatitudinem sibi, vult beatitudinem proximo, vult beatitudinem Deo.

Manifesta modò erit Angelica doctrina ex duobus primis prænotatis. Nam si quod alterius est, magis inclinatur in id cuius est, quàm in seipsum; & omnis creatura secundum id, quod est, DEI EST: sequitur manifestè, quod creatura rationalis, quæ secundum *esse naturale* DEI EST, magis vult Deum vivere, quàm seipsam; similiter, quod creatura rationalis, quæ secundum *esse rationale* DEI EST, magis vult Deum esse justum, quàm seipsam; denique, quod creatura rationalis, quæ secundum *esse supernaturale* DEI EST, magis vult Deum esse beatum, quàm seipsam. Alioqui si plus sibi vitam, quàm Deo diligeret, sequeretur, quod naturalis dilectio esset perversa; sicut & rationalis, nec non gratuita dilectio foret perversa, si plus sibi justitiam, & beatitudinem, quàm Deo diligeret.

Ex quo sequitur, quod sicut amor partis, quo pars fertur in bonum suum, virtualiter, & implicite refertur in totum, ut in ultimum finem *eius*; ita & amor ordinatus creaturæ rationalis, quo fertur in bonum suum ordinatè, refertur in bonum universale, quod est Deus, sicut in ultimum finem *eius*, virtualiter, & implicite. Nec quantum ad hoc distinguuntur tres isti amores, sed solum penes rationes diligendi. Amor naturalis tendit in Deum, ut universale principium vitæ; amor rationalis tendit in Deum, ut universale principium justitiæ; amor supernaturalis tendit in Deum, ut universale principium beatitudinis.

XXVIJ. Obiicies. Dilectio naturalis fundatur in unione naturali; ergo illi ma-

gis volumus naturaliter bonum, cui magis unimur naturaliter. Sed creatura rationalis est magis una sibi-ipsi naturaliter, quàm alteri: ergo magis vult sibi bonum, quàm Deo. Quod argumentum potest etiam formari de amore rationali, & supernaturali.

Respondetur distinguendo Minorem: est magis una sibi-ipsi, quàm alteri, qui est ei tota ratio existendi, negatur. Quàm alteri, qui est ei æqualis, conceditur. Deus est tota ratio existendi creaturæ rationali, sicut totum parti, & ideo sicut pars magis est totius, quàm sui-ipsius: ita creatura rationalis magis est Dei, quàm sui-ipsius. Sic Angelicus Doctor loco citato ex 1. q. 60. a. 5. ad 1. his verbis: *Dicendum, quod ratio illa procedit in his, quæ ex aquo dividuntur, quorum unum non est alteri ratio existendi, & bonitatis: in talibus enim unumquodque diligit naturaliter magis seipsum, quàm alterum, in quantum est magis sibi-ipsi unum, quàm alteri. Sed in illis, quorum unum est tota ratio existendi, & bonitatis alii; magis diligitur naturaliter tale alterum, quàm ipsum; sicut dictum est, quod unaquaque pars diligit naturaliter totum, plus quàm se. Et quodlibet singulare naturaliter diligit plus bonum suæ speciei, quàm bonum suum singulare. Deus autem non solum est bonum unius speciei, sed est ipsum universale bonum simpliciter. Unde UNUMQUODQUE SUO MODO NATURALITER DILIGIT DEUM PLUSQUAM SEIPSUM.*

§. III. Casta Dei concupiscentia gignit timorem castum, non servilem.

XXVIIJ. **M**ira est quorundam Juniorum hallucinatio, qui timorem ortum ex amore vitæ æternæ, sive, quod idem est, ex castâ Dei concupiscentiâ, putant esse servilem, non castum. Quod prorsus est à ratione alienum, & principiis utriusque Solis totaliter repugnans. Ratio naturalis docet, timorem pœnæ non oriri ex amore justitiæ; siquidem principium operandi in malis est timor pœnæ: principium verò operandi in bonis est amor justitiæ, juxta illud communiter decantatum: *Oderunt peccare mali formidine pœnæ: oderunt peccare boni virtutis amore.* Si formido pœnæ, ex quâ operantur mali, oriretur ex virtutis amore, etiam mali operarentur virtutis amore. Cùm ergo ratio distinguat inter bonos, & malos quoad principium operandi, oportet dicere alium esse timorem pœnæ ortum ex amore naturali, qui competit malis: & alium esse timorem amittendi virtutis bonum ortum ex amore virtutis, qui proprius est bonorum.

Timor ortus ex amore vitæ æternæ est timor amittendi vitam æternam; quæ nihil est aliud, quàm gratia Dei, & sempiterna justitia. Timor servilis est timor patiendi malum. Timor castus est timor amittendi justitiam ex gratiâ Dei ortam. Non est igitur possibile, ut timor ortus ex amore vitæ æternæ sit servilis, sed debet esse castus, utpotè respiciens amissionem justitiæ, non passionem alicujus nocivi.

XXIX. Verùm, hæc ex principiis utriusque Solis magis elucidabuntur, & evincuntur. Primò, juxta Angelicum Solem duplex est timoris objectum, sic enim discitur 1. p. q. 43. a. 1. „Cum timor fugam quamdam importet, primò, & per se respicit malum sicut proprium objectum: potest autem respicere etiam bonum „secundùm quod habet habitudinem ad malum, quod quidem potest esse dupliciter. Uno quidem modo, in quantum per malum privatur bonum. Ex hoc autem ipso est aliquid malum, quod est privativum boni; undè cum fugiatur malum, quia malum est, sequitur ut fugiatur, quia privat bonum, quod quis amando prosequitur: & secundùm hoc dicit AUGUSTINUS, quod NULLA EST CAUSA „TIMENDI, NISI NE AMITTATUR BONUM AMATUM.

„Alio modo comparatur bonum ad malum ut causa ipsius, in quantum scilicet, cet aliquod bonum sua virtute potest inducere aliquod nocumentum in bono amato: & idè sicut spes, ut suprà dictum est, ad duo respicit, scilicet, ad bonum, in quod tendit, & ad id, per quod sperat se bonum concupitum adipisci: ita etiam timor ad duo respicit, scilicet, ad malum, quod refugit: & ad illud bonum, quod sua virtute potest infligere malum. Et per hunc modum Deus timetur ab homine, in quantum potest infligere poenam, vel spiritualem, vel corporalem.

XXX. Ex primo timoris objecto probatur efficaciter, timorem ortum ex amore vitæ æternæ non esse servilem, sed castum. Ut timor oriatur ex amore, debet bonum amatum esse causa timendi; ut patet ex verbis Angelicis: sed in timore servili vitæ æternæ non est causa timendi: ergo timor servilis non oritur ex amore vitæ æternæ. Prob. Minor. In timore servili justitia, & ipsa Dei gratia non est causa timendi: ergo nec vitæ æternæ, quæ est gratia consummata, & justitia sempiterna: etenim si gratia, & justitia, quæ habetur in præfenti sæculo, non sit causa timendi serviliter, multò minùs id erit gratia, & justitia danda in futuro.

Quòd autem justitia non sit causa timendi serviliter, constans est S. AUGUSTINI doctrina, qui non aliam servilitatem timoris agnoscit, quàm quòd justitia non sit causa timendi. Ita concione 25. in Psalm. 118. clarissimè exprimit: *Timor, quo non amatur justitia, sed timetur poena servilis est.* Ex quo subsumo: sed timor, quo amatur vitæ æternæ, est timor, quo amatur justitia; ergo servilis non est.

Idem subsumi potest ex tract. 43. super S. Joannis Evangelium, in quo dicit: „Est timor servilis, & est timor castus, est timor ne patiaris poenam, est alius timor ne amittas justitiam. Timor ille ne patiaris poenam, servilis est. Quid magnum est timere poenam? Hoc & nequissimus servus, hoc & crudelissimus lauro. „Non est magnum timere poenam, sed magnum est amare justitiam. QUI ERGO „AMAT IUSTITIAM NIHIL TIMET? TIMET PLANE; NON NE INCIDAT IN POENAM, „SED NE AMITTAT IUSTITIAM. Amat aliquis vestrum pecuniam; ex hoc ipso „quòd amat, intelligat quòd dico. Timet damnum. Quare timet damnum? Quia „pecuniam diligit. Quantum amat pecuniam, tantum timet ne perdat pecuniam.

„Et-

Ergo invenitur aliquis amator iustitiæ, qui plus in corde pertimescat damnum, quam plus pertimescat spoliari iustitiâ, quam tu pecuniâ.

Cum gratia Dei, Christo dicente, sit vita æterna, nullus negare poterit amorem vitæ æternæ esse amorem iustitiæ, nisi carnalis, qui per vitam æternam, vitæ corporalis, & animalis, quam amat, apprehendit æternitatem. Si amor vitæ æternæ sit amor iustitiæ, dicamus ergo cum Ecclesiæ Sole S. AUGUSTINO: non est magnum timere pœnam, sed magnum est amare vitam æternam. Qui ergo amat vitam æternam, nihil timet? timet planè. Non ne incidat in pœnam, sed ne amittat vitam æternam.

Et serm. 19. de verbis Apostoli, cap. 20. ALIUD EST TIMERE POENAM, ALIUD EST AMARE JUSTITIAM. *Amor castus in se esse debet, quo amore desideres videre, non cælum, & terram, &c. sed desideras videre Deum tuum, amare Deum tuum..... Ecce propter quam visionem fac bonum, ecce propter quam noli facere malum.* Reddens huius rationem docet eum gratis, sive castè amare, qui propter Dei visionem non facit malum. Sic enim prosequitur: Si enim AMAS VIDERE DEUM TUUM, si in hac peregrinatione illo amore suspiras, ecce probat te Dominus Deus tuus, quasi dicat tibi: *ea fac quod vis, imple cupiditates tuas, extende nequitiam, dilata luxuriam, quidquid libuerit licitum puta: non hinc te punio, non te in gehennas mitto, FACIEM MEAM TANTUM TIBI NEGABO.* SI EXPAVISTI, AMASTI *si hoc quod dictum est, faciem suam tibi negabit Deus tuus, contremis cor tuum, IN NON VIDENDO DEUM TUUM MAGNAM POENAM PUTASTI, GRATIS AMASTI.* Quid clariùs? Negare debet S. AUGUSTINUM, qui negare voluerit, eum amare Deum castè, qui amat vitam æternam; & eum castè timere, qui propter amorem vitæ æternæ non facit malum.

§. IV. Ex alio timoris objecto idem comprobatur.

XXXJ. **N**ON minùs efficaciter ex secundo timoris objecto probatur, timorem ortum ex amore vitæ æternæ non esse servilem, sed castum. Deus est secundo modo objectum timoris, tam servilis, quàm casti; sub diversâ tamen habitudine. Est enim objectum timoris servilis, sicut principium inflictivum pœnarum; timoris autem casti, sicut terminus à quo refugit separari. Ita Præceptor noster D. THOMAS 2.2. q. 19. a. 5. ad 2. *Dicendum, quod timor servilis, & timor filialis non habent eandem habitudinem ad Deum. Nam timor servilis respicit Deum sicut principium inflictivum pœnarum; timor autem filialis respicit Deum non sicut principium, activum culpe, sed potius sicut terminus à quo refugit separari per culpam.*

Quam doctrinam hausit Angelicus Sol ex Magistro suo S. AUGUSTINO, qui variis in locis diversas has habitudines, sub typo duarum mulierum, quarum una est adultera, & altera casta, pulchrè depingit. Sufficiet nobis locus unus super Epist. S. Joân, & aliter Epist. 120.

In tractatu nono super Epistolam S. JOANNIS hæc habet verba: „Non potest
 „melius explicari, quid intersit inter duos istos timores, nisi penes duas mulieres
 „maritatas, quarum una ita constituas volentem facere adulterium, delectari nequi-
 „tiâ, sed timere ne dampnetur à marito. Timet maritum, sed quia adhuc amat ne-
 „quitiam, idcò timet maritum. Hinc NON GRATA, SED MOROSA EST MARITI
 „PRÆSENTIA. Et si fortè vivit nequiter, TIMET MARITUM NE VENIAT. Tales sunt,
 „qui timent ne veniat dies judicii. Fac alteram amare maritum, debere illi castos
 „amplexus, nullâ se adulterii immunditiâ maculare, OPTAT VIRI PRÆSENTIA: &
 „quomodò discernuntur isti timores? Timet illa, timet & illa? Interroga, quasi
 „unum respondent. Interrogetur illa, times virum? Timeo. Interroga & illam, si
 „times virum, respondet timeo. Una vox est, sed diversus animus. Jam ergo in-
 „terrogentur quare: ILLA DICIT, TIMEO VIRUM NE VENIAT, UT DAMNERI IL-
 „LA TIMEO NE DESERAT. Pone hoc in animo Christianorum, & invenisti ti-
 „morem quem foras mittit charitas, & alium timorém castum.

Idem docet Epist. 120. cap. 2. ubi explicans verba illa Psalm. 118, *Confige ti-
 more tuo carnes meas: à judiciis enim tuis timeo*, ait: „Et bene enim istum castum
 „dixit, hoc enim non caret amor quo anima inhæret Deo, quo dicit in alio Psalm-
 „mo: *Perdidisti omnem, qui fornicatur abs te, mihi autem adherere Deo bonum est*. Nam
 „& conjux, quæ adulterium animum gerit, etiam si timore viri non adulterium
 „perpetrat, tamen quod deest operi, inest voluntati. Casta verò aliter timet, nam
 „& ipsa timet virum, sed castè. Deniquè TIMET ILLA NE VIR INFESTUS ADVE-
 „NIAT, ILLA NE OFFENSUS ABSCEDAT. NON AMANTI ENIM PRÆSENTIA VIRI
 „MOLESTA EST, AMANTI AUTEM ABSENTIA.

XXXI]. Secundùm hanc utriusque Solis lucidissimam doctrinam duplex for-
 mo argumentum. Primum sub hæc formâ: amor vitæ æternæ, nihil est aliud, quàm
 amor adhærendi Deo, ut summo suo bono: ergo timor procedens ex amore vi-
 tæ æternæ considerat Deum ut terminum, à quo refugit per culpam separari, quæ
 est habitudo, quam habet Deus juxta S. THOMAM in timore casto. Patet Consequen-
 tia: quia timor procedens ex amore vitæ æternæ est timor amittendi vitam æter-
 nam per culpam: Si ergo vita æterna sit perpetua, quædam cum Deo conjunctio;
 Deus erit terminus, à quo timens amittere vitam æternam refugit per culpam sepa-
 rari.

Secundum argumentum sic formo: amanti vitam æternam, si vè, quod idem est,
 volenti adhærere Deo, ut summo suo bono, molesta est Dei absentia, grata præ-
 sentia. Amans vitam æternam optat Dei præsentiam, non timet ne infestus adve-
 niat, sed timet ne offensus non adveniat, vel abscedat. Quæ omnia secundùm S. AU-
 GUSTINUM casti sunt timoris insignia.

Utrumque argumentum breviter complexus est S. AUGUSTINUS in Psalm. 127.
his verbis: Ille timor nondum castus præsentiam Domini, & penas timet: timore facis
quid-

quidquid boni facis NON TIMORE AMITTENDI BONUM ILLUD, SED TIMORE PATIENDI ILLUD MALUM: NON TIMET NE PERDAT AMPLEXUS PULCHERRIMI SPONSI, SED TIMET NE MITTATUR IN GEHENNAM. Et paulò antè dixerat: *jam incipit homo iuste vivere, propterea, non quia timet poenas, sed quia amat æternitatem.*

Quid vita æterna, nisi præsentia Domini, & amplexus pulcherrimi sponsi? Quid amor vitæ æternæ, nisi amor æternitatis? ergo secundum S. AUGUSTINUM timor amittendi vitam æternam est timor amittendi bonum illud, non timor patiendi poenas: est timor perdendi amplexus pulcherrimi sponsi, non timor mittendi in gehennam. Ergo qui propter vitam æternam recedit à peccatis, de eo verè dicitur, quòd incipiat iuste vivere, non quia timet poenas, sed quia amat æternitatem.

XXXIIJ. Fundamentum horum omnium est, nec à Junioribus sufficienter consideratum, quòd in ordine ad castè amandum, & castè timendum, non ponant in numero amor Dei, & amor bonorum æternorum; sicut nec in ordine ad serviliter amandum, & serviliter timendum ponunt in numero amor sui inordinatus, & amor bonorum temporalium. Cujus ratio est, quòd bona æterna nos conjungunt Deo, & solis iustis sunt propria: bona temporalia non conjungunt nos Deo, sed magis separant, bonisque ac malis sunt communia. Amor ergo æternorum oritur ex amore Dei, & eum includit. Nam qui non placet Deus, nunquam ei conjungi, & adhære exoptabit: nec unquam dicit: *mibi adhærere Deo bonum est.* Amor verò temporalium non oritur ex amore Dei, nec eum includit, sed ex amore sui inordinato procedit, dum non amantur propter æterna, sicut modò de illis loquimur; sic enim amor temporalium contradistinguitur ab amore æternorum.

Uterius bona æterna, cum sint iustis propria, non ordinantur nisi ad finem iustis proprium; bona verò temporalia, cum sint bonis, ac malis communia, ordinantur ad finem bonis, ac malis communem. Hinc fit ut bona æterna, eo ipso quòd propter seipsa amentur, etiam propter Deum amantur, secùs bona temporalia. Et hæc est ratio, quare amor æternorum non reddat hominem mercedarium, secùs amor temporalium: & similiter cur timor amittendi æterna sit castus, timor verò amittendi temporalia sit servilis. Nam sicut timor amittendi æterna reducit ad timorem culpæ, quæ amori Dei directè adversatur; ita & timor amittendi temporalia reducit ad timorem poenæ cruciantis, quæ amori naturalis integritatis contrariatur. Eiusdem enim est rationis, amare seipsum secundum integritatem naturalem *sui esse*, & amare seipsum secundum bona temporalia, quæ ad perfectionem esse naturalis immediatè ordinantur: sicut eiusdem rationis est, amare Deum propter divinam bonitatem, & amare Deum propter bona, quæ ad bonitatem divinam immediatè ordinantur.

XXXIV. Hæc penetrans S. AUGUSTINUS pro eodem sumpsit operari propter

felicitatem æternam, & operari propter Deum, non quòd non distinguantur penes perfectum, & imperfectum; sed quòd ad amorem castum, & timorem castum sufficiat amor felicitatis æternæ, qui non adest, nisi Deus propter suam bonitatem; & non propter aliquid creatum sicut finem, ametur. Qui enim solo Deo vult frui, amat felicitatem æternam; qui verò vult creaturâ aliquâ frui, etiam cum Deo, non amat felicitatem æternam, quandoquidem hæc non in possessione alicujus boni creati, sed in possessione solius boni increati essentialiter consistat.

Undè præclare S. Doctor in Psalm. 120. ait: „Sinistra nostra dicitur, quidquid temporaliter habemus. Dextera nostra dicitur, quidquid nobis æternum, & incommutabile Dominus pollicetur....., Quid est, *nescias sinistra tua quid faciat dextera tua?* Id est. QUANDO FACIES BONUM OPUS, PROPTER VITAM ÆTERNAM FAC. Nam si opus bonum in terrâ propterea feceris, ut terrena tibi abundant, scit sinistra tua quid faciat dextera tua, miscuisti dexteram sinistræ. NOLI FACERE NISI PROPTER VITAM ÆTERNAM. Si idcirco facis, securus facis: hoc enim mandavit Deus. Si propter solas res humanas, & solam vitam istam facias quod facis, sinistra sola operatur. Si autem propter vitam æternam opereris, dextera sola operatur. Si autem habes intentionem ad vitam æternam, sed surrepit tibi cupiditas vitæ temporalis; ut attendas etiam ista quando facis opus bonum, ut hic ibi aliquid retribuatur: MISCE RE SINISTRA OPERIBUS DEXTERÆ. HOC VETAT DEUS.

Ad idem facit, quòd suprà num. 30. ex sermone 19. de verbis Apostoli, relatum est: *Ecce propter quam visionem fac bonum. Ecce propter quam visionem noli facere malum.* Quâ doctrinâ implevit suas in Psalmos enarrationes, ut legenti constabit.

Non igitur nodum difficultatis præsentis attingunt, qui amorem Dei per modum concupiscentiæ dividunt ab amore Dei per modum amicitiae. Nam quicumque Dei amor ad gratiam justificationis per Sacramentum Pœnitentiæ recipiendam requiratur; semper erit verum dicere, quòd ad hujusmodi gratiam non sufficiat dolor, *cujus motivum sit solus gehennæ metus*; nec sufficiat displicentia peccati propter aliud, id est pœnam; sed oporteat, ut peccatum propter se displiceat.

S. V. Quis sit castus Dei amor super omnia, tam affectivus, quàm effectivus.

XXXV. **C**ASTUM Dei amorem diximus esse eum, quo Deus amatur propter Deum, vel habendum, si fuerit concupiscentiæ, vel magnificandum, si fuerit amicitiae. Nunc inquirimus, quid supra castum Dei amorem addat *ly super omnia*? Conveniunt omnes ultimum finem super omnia amari. Quare, si Deus ut ultimus finis *nos* ametur à nobis, super omnia amabitur amore concupiscentiæ:

riæ: si Deus ut ultimus finis *sui* ametur à nobis (*omnia autem propter semetipsum operantur*) super omnia amabitur amore amicitie. Finis non secundum abjectionem sui considerationem, sed secundum comparativam dicitur ultimus; in quantum scilicet, aliorum finium terminat habitudines. Bonitas divina in se considerata amatur ut finis: comparata ad alia bona, quibus præfertur ut eorum finis, amatur ut finis ultimus. *Ly*, ergo, *super omnia* addit ad castum Dei amorem, quod bonitas divina ita placeat, ut omnibus quibuscumque bonis præferatur.

Unde, cui ita placet bonitas divina, ut magis velit frui Deo, quam quocumque alio bono, castè concupiscit Deum super omnia: cui verò ita placet bonitas divina, ut magis velit ejus gloriam, quam cujuscumque alterius, casto amore amicitie diligit Deum super omnia. Castus Dei amor super omnia, sive fuerit concupiscentie, sive amicitie, triplex est, juxta triplex illius principium. Primus procedit à gloriâ, sive à gratiâ consummatâ, secundus procedit à gratiâ habituali, tertius ab auxilio gratie. Quæcumque ad Deum conversio potest sic distingui juxta Angelicum Solem, qui 1. p. q. 62. a. 2. ad 3. hæc habet:

„Dicendum, quod *quilibet motus voluntatis in Deum*, potest dici „conversio in ipsum. Et ideo triplex est conversio in Deum, una quidem per dilectionem perfectam, quæ est creaturæ jam Deo fruëntis: & ad hanc conversionem „requiritur gratia consummata. Alia conversio est, quæ est meritum beatitudinis: „& ad hanc requiritur habitualis gratia, quæ est merendi principium. Tertia con- „versio est, per quam aliquis præparat se ad gratiam habendam: & ad hanc non „exigitur aliqua habitualis gratia, sed operatio Dei ad se animam convertentis: se- „cundum illud *Thr. ult. Convertite nos Domine ad te, & convertemur.*

Ita dicimus esse triplicem Dei super omnia amorem. Unus, qui est creaturæ jam Deo fruëntis, & ad hunc requiritur gratia consummata. Alius est amor Dei super omnia, qui est meritum beatitudinis, & ad hunc requiritur habitualis gratia, quæ est merendi principium. Tertius Dei super omnia amor est, per quem aliquis præparat se ad gratiam habendam: & ad hunc non exigitur aliqua habitualis gratia, sed operatio Dei ad se animam convertentis: secundum illud *Thr. ult. Convertite nos Domine ad te, & convertemur.*

Nec est inesse hos tres Dei super omnia amores specie distingui, si verum est, quod docet Præceptor noster Doctor Communis de veritate, q. 24. a. 1. ad 2. his verbis: *Dicendum, quod opus meritorium à non meritorio non distat in quid agere; sed in qualiter agere. Nihil enim est, quod unus homo meritorie agat, et ex charitate, quod alius non possit absque merito agere, vel velle. Ex ideo hoc quod homo non potest sine gratiâ agere opera meritoria, nihil derogat arbitrii libertati: quia homo dicitur esse liberi arbitrii, secundum quod potest agere hoc, vel illud, non secundum quod potest sic, vel sic agere: quia secundum Philosophum ille, qui nuncium habet habitum virtutis, non habet in sua potestate agere*

agere taliter qualiter virtuosus agit, nisi in quantum potest acquirere habitum virtutis.

Si, inquam, verum est, (ut verum esse minimè dubitamus, cum sit Angelici Solis doctrina) quòd opus meritorium à non meritorio non distet in *quid agere*, sed in *qualiter agere*, nihil oberit quominus dilectio ex auxilio gratiæ possit esse ejusdem speciei, ac dilectio ex habituali gratiâ. *Ly in quid agere* sonat objectum actionis; *ly in qualiter agere* sonat modum actionis. Non ergo erit necesse ut distinctio dilectionis meritoria à non meritoria lumatur ex objecto, sed sufficiet ut habeat alium modum diligendi: sicut actus virtuosus ante habitum virtutis elicitus, non distinguitur ex objecto ab actu virtuoso ex habitu virtutis elicto, sed solum in aliquo facilitatis, & delectabilitatis modo.

Quid igitur oberit, quominus sic distinguamus dilectionem Dei super omnia procedentem ex auxilio gratiæ à dilectione Dei super omnia procedente ab habituali gratiâ, ut bonitas divina, in quantum beatificans sit objectum formale utriusque dilectionis: modus verò diligendi sit, quòd in dilectione procedente ex auxilio gratiæ, ita incipiat placere, & dulcescere bonitas divina, ut solum proponatur eam omnibus præferre: at in dilectione procedente ab habituali gratiâ, ita placeat, & dulcescat bonitas divina, ut non solum proponatur, sed de facto omnibus præferatur. Primam dilectionem dicimus esse *amorem affectivum Dei super omnia*; secundam dilectionem vocamus *amorem effectivum Dei super omnia*: quorum differentia non est penes ipsum actum amoris, ita ut in *amore affectivo* amor sit solum in proposito, & in *amore effectivo* amor actu habeatur: in utroque enim amore, amor est in actu, sed unus amor habet solum in voto, & desiderio prælectionem Dei super omnem creaturam; & idè *affectivus* dicitur: alter verò amor habet non solum in voto, sed etiam in effectu prælectionem Dei super omnem creaturam; & idè *effectivus* nominatur.

Hanc distinctionem solum haberi ex modo diligendi patet ex eo, quòd *ly super omnia* sonet modum diligendi. Tota autem hæc distinctio tenet se ex parte *ly super omnia*. Nam si *ly super omnia* sit solum in voto, & proposito faciet *amorem affectivum*: si verò in effectu, *amorem effectivum* causabit.

XXXV]. Ut autem sciatur, quæ sit differentia inter præponere Deum omni creaturæ *affectivè*, & præponere Deum *effectivè*, recolenda est doctrina, quam ex S. AUGUSTINO dedi in primo Opusculo de Scientiâ Mediâ ad examen revocatâ, cap. 2. a. 1. §. 2. Ibi voluntatem faciendi distinxi cum S. AUGUSTINO à potestate faciendi: ita ut possit adesse voluntas faciendi sine potestate faciendi; & è contrâ possit inveniri potestas faciendi sine voluntate faciendi: primum patet in paupere volente dare eleemosynam: secundum in divite potente facere eleemosynam, & non volente. Secundum hanc doctrinam voluntas potest dici efficax dupliciter: uno modo simpliciter, alio modo in lineâ voluntatis. Ut voluntas sit simpliciter efficax, requiritur potestas: ut verò voluntas in lineâ voluntatis sit efficax non requiritur potestas,

restas, sed sufficit, quod sit talis volitio, quæ inferret actum, si adesset potestas.

Sic in præsentī theologicè discutimus. Voluntas præponendi Deum omni creaturæ potest esse sine potestate, & è contrā potestas præponendi Deum omni creaturæ potest haberi sine voluntate. Quando adest voluntas, sive desiderium præponendi Deum omni creaturæ, & non potestas, tunc præponitur secundum affectum, & non secundum effectum; quando adest voluntas, & potestas, tunc præponitur Deus omni creaturæ, & secundum affectum, & secundum effectum. Potestas præponendi Deum ut beatificantem omni creaturæ est habitualis gratia in animā, & habitus charitatis. Cujus ratio est, quod sic præponere Deum creaturæ, est *effectivè* tendere in Deum beatificantem, tanquam in ultimum finem; de ratione autem ultimi finis est, subdere sibi non solum omnes affectus actuales hominis, sed etiam omnes habituales, ut ritè expendunt doctissimi Salmanticenses tom. 3. tract. 8. disp. 4. dub. 2. num. 15.

Undè actus tendens *effectivè* in ultimum finem debet subdere ultimo fini omnes affectus habituales, & non solum actuales, quod non potest fieri nisi exeat à principio subdente fini omnes affectus habituales; non enim potest actus ultra vim sui principii; si ergo principium non subdat fini omnes affectus habituales, nec actus ad poterit. Sola habitualis gratia, & solus habitus charitatis subdit Deo beatificanti omnes affectus habituales; quare si actus tendens in Deum ut beatificantem non procedat ab habituali gratiā, & habitu charitatis, non subdet Deo beatificanti omnes affectus habituales; ac proinde non tendet *effectivè* in Deum beatificantem tanquam in ultimum finem; quod erat necessarium ut Deus beatificans præponeretur *effectivè* omni creaturæ.

Verum, ut Deus præponatur *effectivè* omni creaturæ, sufficit desiderium in lineā voluntatis efficax præponendi Deum beatificantem omni creaturæ. Nam per tale desiderium subduntur Deo beatificanti omnes affectus actuales; quod satis est, ut voluntas *effectivè* tendat in Deum beatificantem tanquam in ultimum finem, & excludatur à voluntate omne peccatum actuale, tam secundum voluntatem antecedentem, quam secundum voluntatem consequentem. Nam cui displicet peccatum, ut tollit ordinem ad ultimum finem; displicet ei peccatum secundum se.

XXXVI]. Ex quo clarè apparet, quod amor Dei beatificantis super omnia, procedens ab auxilio gratiæ, sit solum *effectivus*, habens repugnantiam cum omni peccato actuali, non cum habituali, & quod sit vera dispositio antecedens ad gratiam. Quemadmodum desiderium gratiæ est præparatio ad gratiam, & ut ait Seneca *persanitas velle sanari*; ita desiderium præponendi Deum omni creaturæ est præparatio ad *effectivum* Dei super omnia amorem ab habituali gratiā oriundum. Tales enim sunt viz Domini Dei nostri, ut quod vult nobis dare, prius faciat nos illud desiderare, & secundum magnitudinem desiderii nostri repleat suis bonis

animas nostras, prius habentes in in affectu, quod postea habituri sumus in effectu.

De hoc desiderio amandi Deum super omnia loquitur S. AUGUSTINUS in Psal. 118. ad ista verba: *Concupivit anima mea desiderare iustificationes tuas*, dum ait: „Quid autem diligendum diligitur, si ipsa delectatio non diligitur? unde consequenter, iste incola in terra cum Dei mandata ne sic absconderentur, orasset, in quibus dilectio præcipitur vel sola, vel maxime; & ipsius DILECTIONIS DILECTIONEM, SE VELLE HABERE PROCLAMAT, dicens: *Concupivit anima mea desiderare iustificationes tuas in omni tempore*. Laudabilis est ista concupiscentia, non damnabilis. Et infra: an hoc est quod superius dixi, quod DILIGENDA SIT IPSA DELECTIO, quam diligitur, quod diligi oportet: sicut odio habenda est dilectio, quam diligitur, quod diligi non oportet?

XXXVII. OBIICIET PRIMÒ, Desiderium amandi Deum super omnia non videtur esse aliud, quam propositum de cætero non peccandi, & servandi omnia mandata: Ergo cum omnes requirant ad gratiam per Sacramentum Pœnitentiæ consequendam; huiusmodi propositum; sequetur, quod omnes requirant amorem Dei affectivum super omnia.

RESPONDETUR distinguendo Ant. desiderium amandi Deum beatificantem super omnia non videtur esse aliud, quam propositum &c. ortum ex complacentiâ divinæ bonitatis beatificantis; conceditur; ortum ex metu gehennæ, negatur. Admittimus, quod ille, cui divinæ bonitas beatificans ita placet, ut desideret, & proponat eam de cætero non offendere, ejusque omnia servare mandata, habeat amorem Dei affectivum super omnia, si prædicta complacentia, & propositum ex eâ ortum, procedant ab auxilio gratiæ, non ab habituali gratiâ: ut enim procedunt ab auxilio gratiæ, subiciunt sibi omnes affectus actuales tantum: ut verò procedunt ab habituali gratiâ, subiciunt sibi eam habituales, quam actuales. Verum illi, qui volunt sufficere ad gratiam per Sacramentum Pœnitentiæ consequendam, actum, *cujus motivum sit solus gehennæ metus*, non possunt asserere, propositum non peccandi, & servandi legem oriri ex complacentiâ divinæ bonitatis beatificantis: nec consequenter nobiscum requirunt amorem Dei affectivum super omnia.

* OBIICIET SECUNDÒ, Non potest dari subiectio omnium affectuum actualium sine subiectione habitualium: ergo non potest distingui amor Dei super omnia, in eum, qui est ab auxilio gratiæ, & est affectivus super omnia, & in eum, qui est à gratiâ habituali, & est effectivus super omnia. Prob. Ant. Celebriores Thomistæ, inter quos doctissimi Salmanticenses, docent, quod voluntas habitualiter conversa ad unum ultimum finem, non possit actualiter converti ad alium ultimum finem: ita ut non solum existiment duos ultimos fines habituales, aut actuales esse impossibiles; sed etiam duos ultimos fines implicare dicant; quorum unus sit habitualis, alter actualis. Quæ certè doctrina ruit, si possit dari subiectio omnium affectuum

effectuum actualium sine subiectione habitualium.

RESPONDETUR negando. Ant. Ad Prob. dicimus præfatos Solis Angelici discipulos loqui de voluntate se applicante ad agendum, non verò de voluntate ab alio applicatâ tantum. Ratio disparitatis est, quòd voluntas se movens ad agendum, semper se movet ex præconcepto fine; & ideo quando semel elegit aliquid pro ultimo suo fine, nunquam sine retractatione præcedentis electionis determinabit se ad volendum aliquid contrarium illi rei, quam habet pro ultimo fine. Voluntas autem ab alio mota, cum ipsa non se moveat, sed ab alio moveatur, non in finem à se præstitutum tendit, sed in finem, quem intendit movens ipsum. Cum enim voluntas peccatoris se habeat ad auxilium gratiæ, ut mota tantum, non ut se movens, eo modo quo diximus Opusc. 3. cap. ult. remanente habituali conversione ad ultimum finem, quem sibi præstituit, poterit ex auxilio gratiæ tendere in ultimum finem actuale ab alio præstitutum: sic enim Deus non est ultimus finis actualis voluntatis se moventis, sed voluntatis motæ tantum: & ita verificatur, quòd voluntatis se moventis unus sit tantum ultimus finis: cui nihil prorsus obstat, quòd voluntas ex motione alterius possit actu, non habitu tendere in alium ultimum finem actuale.

OBICIES TERTIO, Concupiscere sibi Deum, est amare seipsum, est enim sibi velle bonum: amare autem aliquem, est velle ei bonum: ergo concupiscere sibi Deum, non est amare Deum.

RESPONDETUR distinguendo. Ant. Concupiscere sibi Deum est amare seipsum, ut conjunctum Deo, conceditur. Est amare seipsum ut conjunctum creaturæ, negatur. Qui vult conjungi Deo propter suam bonitatem, ita amat seipsum, ut etiam virtualiter, & fundamentaliter, ac implicite amet Deum plusquam seipsum amore amicitie; quia ex eodem motivo charitatis vult homo sibi Deum, quo vult Deo Deum, & quo Deus vult sibi seipsum.

Ad ejus intelligentiam addimus Appendicem sequentem.

APPENDIX AD CAP. II.

* De motivo utriusque amoris.

PLURES quibus probatum est præsens Opusculum, postulâunt à nobis, ut in hac secunda editione magis elucidaremus distinctionem casti amoris. Verum

animas nostras, prius habentes in in affectu, quod postea habituri sumus in effectu.

De hoc desiderio amandi Deum super omnia loquitur S. AUGUSTINUS in Psal. 118. ad ista verba: *Concupivit anima mea desiderare justificationes tuas*, dum ait: „Quid autem diligendum diligitur, si ipsa delectatio non diligitur? unde consequentor „iste incola interra cum Dei mandata ne sic absconderentur, orasset, in quibus „dilectio precipitur vel sola, vel maxime; & IPSIUS DILECTIONIS DILECTIONEM „SIC VELLE HABERE PROCLAMAT, dicens: *Concupivit anima mea desiderare justificationes tuas in omni tempore*. Laudabilis est ista concupiscentia, non damnabilis. Et „infra: an hoc est quod superius dixi, quod DILEGENDA SIT IPSA DELECTIO, quæ „diligitur, quod diligi oportet: sicut odio habenda est dilectio, quæ diligitur, quod „diligi non oportet?

XXXVII]. OBICIENS PRIMò, Desiderium amandi Deum super omnia non videtur esse aliud, quàm propositum de cætero non peccandi, & servandi omnia mandata: ergo cum omnes requirant ad gratiam per Sacramentum Pœnitentiæ consequendam, huiusmodi propositum; sequetur, quod omnes requirant amorem Dei affectivum super omnia.

RESPONDETUR distinguendo Ant. desiderium amandi Deum beatificantem super omnia non videtur esse aliud, quàm propositum &c. ortum ex complacentiâ divinæ bonitatis beatificantis; conceditur; ortum ex metu gehennæ, negatur. Admittimus, quod ille, cui divinæ bonitas beatificans ita placet, ut desideret, & proponat eam de cætero non offendere, cuiusque omnia servare mandata, habeat amorem Dei affectivum super omnia, si prædicta complacentia, & propositum ex eâ ortum, procedant ab auxilio gratiæ, non ab habituali gratiâ: ut enim procedunt ab auxilio gratiæ, subiiciunt sibi omnes affectus actuales tantum: ut verò procedunt ab habituali gratiâ, subiiciunt sibi tam habituales, quàm actuales. Verum illi, qui volunt sufficere ad gratiam per Sacramentum Pœnitentiæ consequendam, actum, cuius motivum sit solus gehennæ metus, non possunt asserere, propositum non peccandi, & servandi legem oriri ex complacentiâ divinæ bonitatis beatificantis: nec consequenter nobiscum requirunt amorem Dei affectivum super omnia.

* OBICIENS SECUNDò, Non potest dari subiectio omnium affectuum actualium sine subiectione habitualium: ergo non potest distingui amor Dei super omnia, in eum, qui est ab auxilio gratiæ, & est affectivè super omnia, & in eum, qui est à gratiâ habituali, & est effectivè super omnia. Prob. Ant. Celebriores Thomistæ, inter quos doctissimi Salmanticensis, docent, quod voluntas habitualiter conversâ ad unum ultimum finem, non possit actualiter converti ad alium ultimum finem: ita et non solum existimant duos ultimos fines habituales, aut actuales esse impossibiles; sed etiam duos ultimos fines implicare dicunt; quorum unus sit habitualis, alter actualis. Quæ cæterè doctrina ruit, si possit dari subiectio omnium affect-

effectuum actualium sine subiectione habitualium.

RESPONDETUR negando. Ant. Ad Prob. dicimus præfatos Solis Angelici discipulos loqui de voluntate se applicante ad agendum, non verò de voluntate ab alio applicatâ tantum. Ratio disparitatis est, quod voluntas se movens ad agendum, semper se movet ex præconcepto fine; & ideo quando semel elegit aliquid pro ultimo suo fine, nunquam sine retractatione præcedentis electionis determinabit se ad volendum aliquid contrarium illi rei, quam habet pro ultimo fine. Voluntas autem ab alio mota, cum ipsa non se moveat, sed ab alio moveatur, non in finem à se præstitutum tendit, sed in finem, quem intendit movens ipsum. Cum enim voluntas peccatoris se habeat ad auxilium gratiæ, ut mota tantum, non ut se movens, eo modo quo diximus Opusc. 3. cap. ult. remanente habituali conversione ad ultimum finem, quem sibi præstituit, poterit ex auxilio gratiæ tendere in ultimum finem actualem ab alio præstitutum: sic enim Deus non est ultimus finis actualis voluntatis se moventis, sed voluntatis motæ tantum: & ita verificatur, quod voluntatis se moventis unus, sicut tantum ultimus finis: cui nihil pressus obstat, quod voluntas ex motione alterius possit actu, non habitu tendere in alium ultimum finem actualem.

OBICIENS TERTIO, Concupiscere sibi Deum, est amare seipsum, est enim sibi velle bonum: amare autem aliquem, est velle ei bonum: ergo concupiscere sibi Deum, non est amare Deum.

RESPONDETUR distinguendo. Ant. Concupiscere sibi Deum: est amare seipsum, ut conjunctum Deo, conceditur. Est amare seipsum ut conjunctum creaturæ, negatur. Qui vult conjungi Deo propter suam bonitatem, amat seipsum, ut etiam virtualiter, & fundamentaliter, ac implicite amet Deum plusquam seipsum amore amicitie; quia ex eodem motivo charitatis vult homo sibi Deum, quo vult Deo Deum, & quo Deus vult sibi seipsum.

Ad cujus intelligentiam addimus Appendicem sequentem.

APPENDIX AD CAP. II.

* De motivo utriusque amoris.

PLURES quibus probatum est præfens Opusculum, postulaverunt à nobis, ut in hac secunda editione magis elucidaremus distinctionem casti amoris. Verum

castam Dei concupiscentiam, & castam Dei amicitiam explicando, an ad unam, an verò ad plures pertineret virtutes? Ut illis satisfaciamus, præfens Appendix à nobis ordinatur de motivo utriusque amoris: siquidem diversa motiva, diversos causant amores, & unitas motivi unitatem efficit amoris.

§. I. De diversis modis concupiscendi Deum, & eum diligendi.

Motivum amandi finem distinguitur à fine, sicut res quæ diligitur à ratione diligendi. Sed quod à parte rei propter se amatur, finem dicimus: perfectio illa intrinseca, propter quam res amatur, motivum nominatur. V. g. Concupiscit quis vinum, quia dulce; vinum est finis concupiscentiæ, dulce motivum. Diligit alius Petrum, quia est justus, Petrus est finis, esse justum est motivum. Unde sicut res, quæ agit & ratio agendi non constituunt nisi unicum agendi principium: ita res quæ amatur, & perfectio intrinseca, propter quam amatur, non constituunt nisi unicum finalizandi principium. Verùm, quia creaturæ distinguuntur realiter à suis perfectionibus, oportet ut dum propter suas perfectiones amantur, propter aliud amentur, non quidem in genere causæ finalis, sed in genere causæ formalis. Duntaxat igitur amore concupiscentiæ concupisco vinum, quia dulce, concupisco dulce formaliter, & vinum materialiter; & dum amore amicitie diligo Petrum, quia est justus, diligo justum formaliter, Petrum materialiter. Ex quo fit, ut secundum diversas perfectiones, quibus formaliter movetur voluntas, multiplicentur unus, & ejusdem rei amores. Nam alius est concupiscentiæ amor, quo concupisco vinum, quia dulce, & alius, quo illud concupisco, quia forte. Alius est etiam amor amicitie, quo amo Petrum, quia est justus, & alius quo amo Petrum, quia est consanguineus. Non sic est in Deo; ipse enim non distinguitur realiter à sua bonitate, suisque perfectionibus: dum ergo amatur propter suam bonitatem, non solum in genere causæ finalis, sed & in genere causæ formalis propter se amatur. Omnis etiam diversa ratio concupiscendi, & diligendi reperta in creaturis, in Deo simpliciter adunatur. Ex quo fit, ut licet bonitas divina multiplicetur per analogiam ad diversa motiva concupiscendi, & diligendi creaturas, ipsa tamen non multipliciter ametur per amores specie distinctos.

Explico me. Qui concupiscit Deum sub ratione summè delectabilis, non habet concupiscentiam specie distinctam ab illà, quæ concupiscitur Deus sub ratione summè honorabilis, aut sub ratione summè dulcis, summè pulchri, summè sapientis, &c. & qui amore amicitie diligit Deum ut Patrem, non habet amicitie amorem specie distinctum, ab illo, quo Deus diligitur ut amicus, ut sponsus, ut benefactor, &c. Ratio est, quod omnes illi tituli, seu diversa motiva concupiscendi, & diligendi Deum

Deum fundantur in unicâ Dei bonitate, quæ omnibus illis rationibus significatur.

Verùm, quia bonitas Dei nullatenus dependet à creaturis, & sine ullo ad creaturas respectu est in seipsâ summè fruibilis, superexcedens omnem cujuscumque creaturæ facultatem, fundat duos amores specie diversos, unum, qui est naturæ divinæ connaturalis, quo bonitas Dei ut in seipsâ fruibilis, tribusque Personis propria, amatur; alium, qui est creaturæ rationali connaturalis, quæ bonitas Dei ut multipliciter in creaturis relucens, concupiscitur, atque diligitur. Quod est alicui naturæ connaturale, sit alteri naturæ connaturale per participationem. Deus igitur ex supereminenti bonitatis suæ abundantia elevavit creaturam rationalem ad talem naturæ suæ participationem, secundum quam Deus quodammodo effecta propriâ Dei beatitudine, beatificaretur. Hinc duplex exurgit motivum amandi Deum. Primum motivum est naturale, & respicit Deum, in quantum est author naturæ, & universale boni principium. Secundum motivum est supernaturale, & respicit Deum, in quantum est largitor gratiæ, æternæ beatitudinis objectum.

In utroque ordine amatur Deus, & amore concupiscentiæ, & amore amicitie. In ordine naturali concupiscitur Deus ut ultimus finis naturalis: diligitur verò, dum ipsius, ut authoris naturæ, bonum queritur. In ordine supernaturali concupiscitur Deus ut ultimus finis supernaturalis: diligitur verò, dum ipsius, ut est beatitudinis objectum, bonum queritur. In utroque ordine se habet creatura rationalis ad Deum sicut pars ad totum; & idè in utroque ordine plus amat Deum amore amicitie, quàm seipsam. Nam quodcumque bonum ordinis naturalis sibi concupiverit creatura rationalis, illud sibi, ut parti concupiscit; & quodcumque bonum ordinis supernaturalis sibi concupiverit, illud etiam sibi, ut parti concupiscit. Quod autem concupiscitur parti, ut parti, necesse est, ut in bonum totius cedat, & ad ipsum finaliter ordinetur; ac proinde omnis amor partis, quo bonum suum querit, si fuerit ordinatus, est implicitus, & virtualis amor totius. Amor partis est ordinatus, quando bonum suum querit secundum indigentiam totius: quodcumque igitur bonum sibi concupiverit creatura rationalis, amor illius erit ordinatus, si legem Dei servaverit, sive, ut authoris naturæ, sive, ut largitoris gratiæ. De hoc duplici Dei amore vide Oputc. 2.

§. II. Ex eodem charitatis motivo procedunt, & amor concupiscentiæ, quo Deus castè concupiscitur, & amor amicitie, quo Deus castè diligitur.

Suppositis iis, quæ §. præced. dicta sunt, constanter asserimus, amorem concupiscentiæ, quo Deus castè concupiscitur, procedere ex eodem charitatis motivo,

Kk 3

ac amor

ac amorem amicitiae, quo Deus castè diligitur. Quòd possint isti duo amores Dei habere idem virtutis motivum, constat ex ipsà charitate, à quā procedunt amor Dei, amor sui, & amor proximi. Nam sub eādē formali ratione charitatis volumus bonum Dei, bonum nostrū ipsius, & bonum proximi. Quòd autem semper actu habeant, tribus firmissimis rationibus comprobatur.

Prima ratio sumitur ex ipsīs voluntatis affectibus, qui omnes in amore radican-
tur, ac proinde tendunt in bonum amatum, sub illā ratione, quā amatur; v. g. si amo vinum, quia delectabile, desidero etiam vinum, quia delectabile, si absens fuerit, si verò praesens, gaudeo de vino, quia delectabile; si sit difficile haberi, sperabo me habiturum delectabile; & si non consecutus fuero, tristabor quòd non habeam delectabile amatum. Hujus ratio est, quòd diversitas istorum affectuum non oritur ex diversis bonis, sed ex diversis respectibus ad idem bonum, sub quacumque ratione fuerit amatum. Docet hoc S. AUGUSTINUS lib. 14. de civitate Dei, cap. 7. *Amor ergo inhians habere, quod amatur, cupiditas est; id autem habens, eoque nens, letitia. Fugiens, quod adversatur, timor est; idque si acciderit sentiens, tristitia est. Proinde mala sunt ista, si malus est amor, bona, si bonus.* Et cap. 9. ut refert S. THOMAS 1. 2. q. 24. a. 2. in argum. Sed contra: *Rectus amor omnes istas affectiones rectas habet. Mutuus enim peccare, cupiunt perseverare, dolent in peccatis, gaudent in operibus bonis.*

Si bonitas amoris facit omnes illas affectiones bonas, & rectitudo amoris rectas; ergo talis bonitas, & talis rectitudo faciet eas taliter bonas, & taliter rectas. Atqui certum est, fruitionem Dei, seu gaudium de Deo visio per suam essentiam, procedere ex motivo charitatis, & habere bonitatem, ac rectitudinem charitatis; ergo & desiderium videndi Deum, & amor causans hujusmodi desiderium, sicut & ipsam fruitionem procedunt ex motivo charitatis, & habebunt bonitatem, ac rectitudinem charitatis: ac proinde si casta sit fruitio Dei, castus quoque erit amor concupiscentiae, quo cupio Deo frui. Tendit enim desiderium ad habendum Deum sub illā ratione, quā possidetur; & possidetur sub illā ratione, quā amatur.

Secunda ratio petitur ex speciali ratione ultimi finis, & objecti beatitudinis. Primum est apud S. THOMAM principium, quòd sola charitas attingat Deum sub ratione ultimi finis supernaturalis, & ratione sui objecti ad eam solam pertineat, ordinare omnium aliarum virtutum actus in finem supernaturalem. Sed amor concupiscentiae, quo Deum ut beatitudinis nostrae supernaturalis objectum concupiscimus, attingit Deum sub ratione ultimi finis supernaturalis; & vi istius amoris ordiāmus omnes actus nostros in finem supernaturalem: ergo praedictus amor procedit ex motivo charitatis. Nec, ut Opusc. 2. vidimus, aliter distinguit Praeceptor noster, amorem Dei naturalem ab amore charitatis, quā penes hoc, quòd amor naturalis respiciat Deum, ut universale boni principium, amor verò charitatis respiciat Deum, ut est beatitudinis objectum.

Tertiam rationem praebet ipsa ratio amicitiae. Omnis amicitia fundatur in aliqua

com-

communicatione. Cum ergo sit aliqua communicatio hominis ad Deum, secundum quod nobis suam beatitudinem communicat, super hanc communicationem oportet aliquam amicitiam fundari. De quâ quidem communicatione dicitur 1. ad Cor. 1. *Fidelis Deus, per quem vocati estis in societatem Filii ejus. Amor autem super hanc communicationem fundatus, est charitas.* Ita Sol Angelicus 2. 2. q. 23. a. 1. Si charitatis amicitia fundatur in ipsâ Dei beatitudine nobis communicatâ, necesse est, ut idem sit formale objectum beatitudinis Dei, & beatitudinis nostræ. Sic ergo bonitas divina est ratio formalis objecti, quo (modo nostro intelligendi) beatificatur Deus; ita eadem bonitas divina est ratio formalis objecti, quo beatificatur creatura rationalis, divinæ facta consors naturæ. *Ex quo sic arguimur*: uno, & eodem motivo diligitur Deus, & creatura, dum bonitas divina est ratio diligendi creaturam, sicuti est ratio diligendi Deum: ergo uno, & eodem motivo amatur beatitudo Dei, & beatitudo creaturæ, dum bonitas divina est ratio beatificandi creaturam, sicuti est ratio beatificandi Deum. *Subsumo.* Amare beatitudinem Dei, est amare Deum amore amicitiz, & amare beatitudinem creaturæ, est amare Deum amore concupiscentiz: ergo uno, & eodem motivo amatur Deus, & amore concupiscentiz, & amore amicitiz.

§. III. Tertia ratio magis elucidatur.

Explicatur magis. In hoc maxime distinguuntur isti duo amores, quod amor concupiscentiz tendit in bonum proprium, & amor amicitiz tendit in bonum alterius. Si ergo detur aliquid à parte rei, quod sub illâ ratione, quâ est bonum alterius, sit etiam bonum proprium, oportet ut idem sit motivum utriusque amoris. Sic autem contingit in presenti. Docent enim communiter Anglici discipuli, supernaturalitatem desumi ex participatione boni divini, non ut relucet in creaturis, sed ut est in seipso. Unde ultimus finis supernaturalis est Deus, non ut in creaturis bonus, sed ut in seipso bonus. Nec aliâ ratione fides, spes, charitas, dicuntur virtutes Theologicæ, quàm quod attingunt Deum ut est in seipso. Est igitur manifestum, quod bonitas divina sub illâ ratione, quâ est Deo bona (ut sic loquamur) sit etiam bona nobis; siquidem est bona nobis, in quantum est noster ultimus finis, qui non potest non esse summum bonum nostrum. Sed Deus est ultimus finis noster, ut est in seipso bonus; ergo erit etiam bonum nostrum, ut est in seipso bonus. Qui igitur amat Deum sub illâ ratione, quâ est supernaturale bonum nostrum, sive, quod idem est, in quantum est beatitudinis objectum, amat etiam illum sub illâ ratione, quâ est in seipso bonus.

Defectus in presenti accidit, quod non sufficienter distinguatur inter operationem, & objectum; cui per operationem conjungimur. Quando operatio est superior objecto, tunc conjungimur objecto propter bonitatem operationis, non propter bonitatem, quæ est in objecto. Et tunc non ad bonitatem objecti sed ad bonitatem

tatem operationis sicut ad finem ordinatur. Quando autem operatio nostra est inferior objecto, tunc coniungimur objecto propter ipsam bonitatem, quæ est in objecto, non propter bonitatem operationis; & tunc ipsum objectum, non operatio finis, & ipsa bonitas objecti, non bonitas operationis, est principale bonum nostrum. Omnis creatura, cuiuscumque excellentiæ fuerit, est inferior operatione nostrâ propter capacitatem, quam habet ad bonum infinitum. Cum enim operatio desumat suam speciem ab objecto, oportet ut, dum specificatur ab objecto infinito, trahat quamdam dignitatem superexcedentem omne finitum. Demergitur ergo operatio nostra, dum aliquid minus Deo accipit pro objecto; & idcirco quid minus Deo amatur, ut objectum operationis ad amantem ordinatur. Solus autem Deus, etiam ut objectum operationis nostræ ametur, ad amantem non ordinatur, sed isto amore ordinat ad se amantem.

Nec obest, quod amare Deum ut objectum operationis nostræ sit amare seipsum; quia eo ipso quod aliquis accipiat Deum pro objecto sui amoris propter suam bonitatem, id est, velit coniungi Deo per suam operationem propter Dei bonitatem consequendam, non propter aliquod objectum creatum habendum; eo, inquam, ipso amat seipsum ut partem, non ut totum; & talis amor ex sua naturâ ordinat amantem ad amatum sicut ad finem, non verò amatum ordinat ad amantem. Nec aliam huius perquire rationem, quàm quod Deus sit bonum infinitè excellentius omni operatione nostrâ, atque ultimis finis, propter quem consequendum creata est natura rationalis.

DICES. Quod amatur ad habendum, ordinatur ad amantem. RESPONDETUR, distinguendo Assumptum. Quod amatur ad habendum per modum finis, ad quem amans ordinatur, ordinatur ad amantem, negatur. Quod amatur ad habendum per modum medii ad amantem ordinati, ordinatur ad amantem, conceditur. Explicatur solutio. Duplex est bonum amantis; aliquid enim dicitur bonum amantis, quia ad ipsum perficiendum ordinatur; & aliquid est bonum amantis, quia amans ad illud ordinatur. Qui vult habere id, quod est primo modo bonum, ordinat illud ad se; qui verò vult habere id, quod est secundo modo bonum, non ordinat illud ad se, sed destinat se in illud; vult enim illud habere sub illâ ratione, quâ est bonum suum; est autem bonum suum, quia ad illud ordinatur; sicut sanitas est bonum medicinæ, non quia ad medicinam ordinatur, sed quia ad ipsam medicinam ordinatur: qui igitur amaret sanitatem in quantum est bonum medicinæ, non deberet amare sanitatem propter medicinam, sed multò magis medicinam amaret propter sanitatem. Ita in præsentî, quia Deus est bonum nostrum ex eo quod sumus propter illum, non autem ipse propter nos; qui amat Deum in quantum est bonum suum, non debet ordinare Deum ad se, sed multò magis debet ordinare se in Deum; alioquin non amaret Deum sub illâ ratione, quâ est bonum suum.

INSTABIS. Finis *in seipso* ordinatur ultimè ad finem *sui*. RESPONDETUR disti-

stinguendo Assumptum, finis *cuius gratia* ordinatur ultimare ad finem *cui*, si comparatur ad illum, sicut pars ad totum, conceditur. Si comparatur ad illum, sicut totum ad partem, negatur. Dico, quod amore concupiscentiæ totum diligit partem ultimare propter se, eo quod totum bonum partis est propter totum; & ob eandem rationem, licet pars sibi diligit proximè totum, ultimare tamen diligit se propter totum. Dum ergo amans, & amatum ita comparantur, ut amans sit totum, & amatum pars perfectionis illius, tunc finis *cuius gratia* ordinatur ultimare ad finem *cui*. Dum verò amans se habet ut pars perfectionis amati, & amatum ut totum, tunc finis *cuius gratia*, licet proximè ordinetur ad finem *cui*, ultimare tamen finis *cui* ordinatur ad finem *cuius gratia*; & huiusmodi concupiscentia est quasi implicita amicitia, non ex intentione operantis, sed ex intentione operis.

§. IV. Confirmantur prædictæ rationes ex unitate Spei.

Sicut una fides est, & unum baptisma, ita una est spes omnium Christianorum. Si Deus ut ultimus finis supernaturalis, sive in quantum est beatitudinis objectum duplici amore specie distincto ametur, necesse est spem multiplicari specie. Nam ut primò ratione vidimus, quilibet amor trahit post se omnes affectus subsequentes, eoque qualificat. Unde amor specie distinctus habet desiderium, & gaudium specie distinctum; ergo & spem specie distinctam habet. Non igitur cum unitate spei Christianæ stare potest duplex specie distinctus amor, quo Deus amatur ut ultimus finis supernaturalis: nec consequenter cum eadem spei unitate stare potest duplex motivum amandi Deum, ut est ultimus finis supernaturalis, sive, ut est beatitudinis objectum. Cum ergo tam amore concupiscentiæ, quam amore charitatis ametur Deus ut ultimus finis supernaturalis, concludendum est, unum & idem esse utriusque amoris motivum.

Ad maiorem huius evidentiam sciendum est, duplex esse objectum spei, de quo Præceptor noster Sol Angelicus 1.2. q. 40. a. 7. sic differit: *Dicendum, quod spes duo respicere potest. Respicit enim sicut objectum bonum speratum: sed quia bonum speratum est arduum possibile, aliquando autem sit aliquid arduum possibile nobis, non per nos, sed per alios; idè spes etiam respicit illud, per quod sit nobis aliquid possibile. In quantum igitur spes respicit bonum speratum, spes ex amore causatur, non enim est spes nisi de bono sperato, & amato. In quantum verò spes respicit illud, per quem sit aliquid nobis possibile, sic amor causatur ex spe, & non è converso. Ex hoc enim, quod per aliquem speramus nobis posse provenire bona, movemur in ipsum sicut in bonum nostrum, & sic incipimus ipsum amare. Ex hoc autem, quod amamus aliquem, non speramus de eo nisi per accidens, in quantum credimus nos reamari ab ipso. Undè amari ab aliquo facit nos sperare de eo, sed amor ejus causatur ex spe, quam de eo habemus.*

In lumine hujus Angelici testimonii dico, quod spes ex parte boni sperati non

distinguat^r specie à charitate, ad hunc sensum, quòd bonum speratum ametur ex motivo charitatis. Cùm enim amor boni sperati causet spem; ubi erit distinctus specie amor boni sperati, ibi duplex spes causabitur. Unde alia est spes, quæ causatur ex amore naturali, alia est spes, quæ causatur ex amore supernaturali. Si modò intra lineam amoris supernaturalis detur duplex amor ultimi finis specie distinctus, sequitur apertissimè dandam quòque esse duplicem spem. Quare ad unitatem spei Christianæ dicendum est, uno, & eodem motivo amorem ferri in ultimum finem supernaturalem; cùmque proprium sit charitatis ordinare omnes alias virtutes in ultimum finem supernaturalem, sciendum est, spem Christianam fundari in amore concupiscentiæ, qui tendat in Deum ex eodem motivo, quo in illum tendit charitas cum solâ distinctione perfecti, & imperfecti intra eandem lineam. Hoc autem motivum est bonitas divina ut in Deo existens, sic enim est supernaturalis: si propter complacentiam huiusmodi bonitatis velimus Deo coniungi, eumque habere, erit castus amor concupiscentiæ; si propter eandem complacentiam queramus gloriam Dei, erit castus amor amicitiae.

Ex quo patet amor castus in Deum abstrahere ab amore casto concupiscentiæ, & amore casto amicitiae: sicut *ly propter Deum* abstrahit à *ly propter Deum habendum*, & à *ly propter Deum glorificandum*: si amemus Deum propter Deum habendum, propter aliquod creatum bonum habendum, castè concupiscimus: si amemus Deum propter Deum glorificandum, castè diligimus. Eadem est bonitas divina, quæ sub illâ ratione, quâ à tribus Personis divinis fruibilis est, movet nos & ad volendum eam habere, & ad volendum eam glorificare, id est, illi soli placere. Voluntas eam habendi causat voluntatem eam glorificandi; si enim ex eo, quòd speramus aliquid à Deo, movemur in ipsum sicut in bonum nostrum, si incipimus eam amare; multò magis ex eo, quòd volumus habere Deum, movebimur in ipsum sicut in bonum nostrum, & incipiemus amare Deum, id est, gloriam Dei querere.

Quare subtiliter, & diligenter distinguere oportet, inter spem, quâ speramus habere Deum, & spem, quâ speramus habere aliquod bonum creatum. Dictum est ex Angelico Sole, quòd spes causata ex amore boni sperati causet amorem auxiliantis. Unde bonum speratum est fundamentum amoris amicitiae, quo prosequimur auxiliantem. Si ergo bonum speratum fuerit aliquod bonum creatum, amor amicitiae, quo diligimus Deum auxiliantem fundabitur in bonitate creatâ, quæ est ratio amandi bonum creatum, non verò in bonitate divinâ: & sic non poterit esse idem motivum amoris concupiscentiæ, & amoris amicitiae erga Deum. At si Deus est ultimum bonum nostrum, quod à Deo speramus; amor amicitiae, quo Dei auxiliantis queramus gloriam, fundabitur in ipsâ bonitate divinâ, quæ nobis est ratio amandi Deum; & sic idem erit à parte rei motivum castæ concupiscentiæ, & castæ amicitiae erga Deum.

Deum

Deum autem esse illud bonum, quod spes Christiana expectat, pulchrè, & profundè docet Præceptor noster S. THOMAS 2. 2. q. 17, a. 2. Sp. *de qua loquimur, attingit Deum innitens ejus auxilio ad consequendum bonum speratum. Oportet autem effectum esse causæ proportionatum: & ideo bonum, quod propriè, & principaliter à Deo sperare debemus est bonum infinitum, quod proportionatur virtuti Dei, adjuvantis. Nam infinite virtus nostri proprium ad infinitum bonum perducere. Hoc autem bonum est vita æterna, quæ in fruitione ipsius Dei consistit. NEN ENIM MINUS ALIQUID AB EO SPEKANDUM EST: QUAM SIT IPSE, cum non sit minor ejus bonitas, per quam bonæ creaturæ communicat, quam ejus essentia, & ideo proprium, & principale obiectum spei est beatitudo æterna.*

Duplex ratio formalis solet à Theologis distinguì in obiecto alicujus habitus. Ratio formalis *sub quâ*, & ratio formalis *quæ*. Sic in fide ratio formalis *sub quâ*, test Deus revelans, seu divina revelatio, ratio formalis *quæ* sunt illæ veritates, quæ de Deo revelantur; illæ verò veritates, quæ de creaturis revelantur ad obiectum secundarium, aut materiale spectant, eo quod non revelentur illæ veritates de creaturis, nisi ut creature aliquid sunt Dei. Ibi in spe ratio formalis *sub quâ* est Deus auxilians, seu divinum auxilium: ratio formalis *quæ* est Deus habendus non ut habetur à creaturis per quandam assimilationem; sed ut habetur à Deo, scilicet quæ Per sonis. Nam ad ipsam Dei beatitudinem sumus elevati, & divinæ facti sumus confortes nature. Deus cognoscendo se per suam essentiam, & amando possidet seipsum fructivè: & ita sub illâ ratione, quâ à seipso possidetur fructivè, est ratio formalis *quæ* spei; bona creata non nisi ad obiectum secundarium, & materiale spectant. In charitate ratio formalis *quæ* est Deus glorificandus; ratio formalis *sub quâ* est Deus sub illâ ratione, quâ per sui visionem, & amorem à seipso glorificatur. Bre viter bonitas divina ut amata à Deo est obiectum formale charitatis; bonitas divina ut possessa fructivè à Deo, est obiectum formale spei. Certum est, quod bonitas divina sub eadem indivisibili ratione, quâ à Deo cognoscitur, & amatur, sub eadem quoque à Deo fructivè possidetur; & consequenter eadem est motivum amoris, à quo spes causatur, ac amoris, qui à spe causatur, scilicet, quod eodem est, causa Dei concupiscentiæ, quâ Deus ut à seipso habetur, haberi concupiscitur, & causa Dei amicitie, quâ Deus ut à seipso diligitur, glorificari quaeritur.

S. V. Cæssa Dei concupiscentia, & cæssa Dei amicitia distinguuntur sicut imperfectum, & perfectum intra eandem lineam.

Qui vult habere Deum, movetur in Deum sicut in bonum suum, & sic incipit amare Deum, id est, velle Deo bonum, querendo gloriam ejus. Qui ergo homini præter Deum habere voluerit, in solum Deum movebitur, sicut in bonum suum, & sic incipit solum Deo velle bonum, honorem, & gloriam. Hinc etiam

rissimè apparet, quòd amorì, quo solum deum habere concupiscimus, conjungitur connaturaliter amor, quo solius dei honorem, & gloriam quærìmus, sicut fundamento conjungitur relatio. Ordine generationis imperfectum præcedit perfectum. Dum igitur amor concupiscentiæ, & amor amicitiae tendunt in idem objectum sub eadem formali ratione boni, oportet ut differant sicut imperfectum, & perfectum intra eandem lineam; cum enim hæc convenientia proveniat ex eminentiâ objecti, quod ratione propriæ bonitatis simul est sibi bonum, & alteri bonum: quâcumque ratione ametur, sive ut sibi bonum, sive ut alteri bonum, semper amatur propter propriam bonitatem. Verùm tamen imperfectè amatur, dum amatur ut alteri bonum; perfectè autem amatur, dum amatur ut sibi bonum.

Desumpsimus hanc doctrinam ex Sapientissimo Magistro nostro Doctore Angelico, à quo minimum quidquid accipere maxime gloriamur. Amor THOMÆ urget nos: & dat nobis intellectum. Tradit eam 2. 2. q. 17. a. 8. his verbis: „Dicens, quòd duplex est ordo. Unus quidem secundum viam generationis, & nature, secundum quem imperfectum prius est perfectò, Alius autem ordo est perfectionis, & formæ, secundum quem perfectum naturaliter prius est imperfectò. Secundum ergo primum ordinem spes est prior charitate. Quod sic patet: quia spes, & omnis appetitivus motus ex amore derivatur, ut supra habitum est, cum de passionibus ageretur. Amor autem quidam est perfectus, quidam imperfectus. Perfectus quidem amor est, quo aliquis secundum se amatur, ut puta, cum aliquis secundum se vult alicui bonum, sicut homo amat amicum. Imperfectus amor est, quo quis amat aliquis non secundum ipsum, sed ut illud bonum sibi ipsi proveniat, sicut homo amat rem, quam concupiscit.

„Primus autem amor pertinet ad charitatem, quâ inhæret deo secundum seipsum: sed spes pertinet ad secundum amorem, quia ille qui sperat, aliquid sibi obtinere intendit. Et idè in viâ generationis spes est prior charitate. Sicut enim aliquis introducit ad amandum deum per hoc, quòd timens ab ipso puniri, ut AUGUST. dicit super primam Canonicam Joan. Ita etiam spes introducit ad charitatem, in quantum aliquis sperans remunerari à deo, accenditur ad amandum deum, & servandum præcepta ejus: sed secundum ordinem perfectionis, charitas prior est naturaliter, & idè adveniente charitate, spes perfectior redditur, quia de amicis maxime speramus. Ex hoc modo dicit Ambros. quòd spes est ex charitate.

Ne comparatio spei cum timore pœnæ, quam hic ponit Sol Angelicus, nobis officiat, notandum est, quòd nuper diximus, spem habere deum pro objecto materiali, aut ad summum secundariò. Est ergo duplex actus spei, unus primarius, quo speramus mercedem, in quâ deus dat seipsum; alius secundarius, quo speramus mercedem, in quâ deus dat aliquid creatum, aut temporale. Spes, non quoad actum primarium, quo deus ipse speratur, sed quoad actum secundarium, quo ali-

quid

quid præter Deum speratur, timori poenæ comparatur: hic enim actus non fundatur in castâ Dei concupiscentiâ, sed in amore naturali, sicut & timor poenæ. De hoc actu secundo spei intelligitur, quod dixit Sol Angelicus 1. 2. q. 78. a. 3. *Si aliquis prohibeat peccare, non quia peccatum ei secundum se displiceat, sed propter spem vitæ æternæ, vel propter timorem gehennæ.* Accipitur enim ibi vitæ æternæ pro vitâ creatâ oppositâ morti, quam naturaliter amamus, & illius æternitatem supernaturaliter speramus. Si alicui propter huiusmodi spem peccatum displiceat, non ei peccatum displicet secundum se, quia propria malitia peccati non opponitur vitæ æternæ sic acceptæ, sed iustitiæ, & Deo sive habendo, sive glorificando. Et ideo nisi quis detestetur peccatum ex amore iustitiæ, aut ex amore Dei propter Deum, vel habendum, vel glorificandum, non detestatur peccatum propter se, sed propter aliud, ut dicemus infra. Interim observa, quàm clarè dicat S. THOMAS, cum displicentiâ peccati propter timorem gehennæ stare complacentiam peccati secundum se.

Spes quoad actum primarium, quo Deum à Deo habere speramus, comparatur timori casto, non quidem perfecto, sed imperfecto. Etenim distinguendus est timor castus, sicut & amor castus: siquidem timor est mali, quod opponitur bono amato. Si sit aliquod bonum, quod imperfectè, & perfectè ametur, malum quod opponitur illi bono imperfectè amato causabit timorem imperfectum, non in ratione timoris, sed in motivo virtutis: malum autem quod opponitur eidem bono perfectè amato, causabit timorem perfectum. Deus ut habendus, sive, quod idem est, Deus ut est ratio beatificandi creaturam imperfectè amatur amore casto: ergo malum quod opponitur bonitati divinæ, ut est ratio beatificandi creaturam, causabit timorem Dei castum imperfectum. Deus ut glorificandus, sive, quod idem est, ut est ratio beatificandi seipsum perfectè amatur amore casto: ergo malum quod opponitur bonitati divinæ, ut est ratio beatificandi Deum, causabit timorem Dei castum perfectum.

Hinc lucidiùs apparet, quomodò idem sit motivum castæ Dei concupiscentiæ, & castæ Dei amicitiae. Nam bonitas divina ut est ratio beatificandi Deum est motivum castæ Dei amicitiae: & bonitas divina ut est ratio beatificandi creaturam rationalem est motivum castæ Dei concupiscentiæ. Nôrunt Thomistæ (scientibus enim doctrinam Angelicam loquor) quòd bonitas divina ut est ratio diligendi Deum, & ut est ratio diligendi proximum, non constituat duplex motivum charitatis: siquidem uno & eodem motivo charitatis amatur Deus, & proximus, amatur Deus se, & creaturam; ergo similiter diligere bonitatem divinam ut est ratio beatificandi diligenterem, & diligere eam ut est ratio beatificandi Deum, non possunt non procedere ex eodem charitatis motivo.

¶

L 13

6.2

*§. VI. Solvitur quædam objectio; & doctrina tradita ex
GRATIA VICTRICE corroboratur.*

OBJECIES. Caritas est quædam participatio divini amoris: ergo motivum charitatis prius tendit in Deum, quàm in creaturam: siquidem amore divini prius amat seipsum Deus, quàm creaturam.

RESPONDETUR, distinguendo Conseq. Ergo motivum charitatis prius tendit in Deum imperfectè, quàm in creaturam, conceditur. Prius tendit in Deum perfectè, quàm in creaturam, negatur. Explicatur solutio. Cum Deus sit actus purissimus, non est in eo reperiri imperfectum, & perfectum: sed quidquid amat perfectissimè amat, & quæ perfectiora sunt, intimiora sunt Deo: Creatura exit de potentia in actum, & idèd viâ generationis prius venit ad imperfectum, ut quid medium inter potentiam, & actum, quàm ad perfectum, quod est extremum potentiz. Dictum est, quòd Deus imperfectè amatur, dum amatur propter suam bonitatem, ut est ratio beatificandi creaturam: perfectè verò diligitur dum amatur propter suam bonitatem, ut est ratio beatificandi Deum. Creatura igitur exeunti de potentia in actum, prius viâ generationis convenit amare Deum propter suam bonitatem, ut est ratio beatificandi creaturam, quàm amare Deum propter eandem bonitatem, ut est ratio beatificandi Deum. Utrobique castè amatur Deus: quia utrobique amatur Deus propter suam bonitatem; & licet primò amatur imperfectè, & postea perfectè, semper tamen est idem motivum, quia sub eadem ratione formali ex parte objecti se tenente; bonitas divina beatificat Deum, & creaturam rationalem divina factam consortem naturæ.

Quæcumque in hac Appendice de motivo utriusque amoris castè diximus, mirum in modum confirmantur ex doctrinâ GRATIÆ VICTRICIS. Per hanc enim gratiam evidenter demonstratur, quòd respicere deum ut bonum nostrum non sit contra rationem casti amoris. Quod sic ostenditur: Respicere deum ut nobis delectabilem est respicere deum ut bonum nostrum: sed amor physicè prædeterminatione GRATIÆ VICTRICIS causatus respicit deum ut nobis delectabilem, dulcem, & suavem; ergo amor à physicè prædeterminatione GRATIÆ VICTRICIS causatus respicit deum ut bonum nostrum. Maior est evidens. Minor etiam patet ex ipsâ ratione nominis. Nam idèd dicitur GRATIA VICTRIX, quia gratia facit quòd deus, seu ipsa iustitia, magis nos delectet, quàm objectum concupiscentiæ hæc, & nunc occurrens. Sexcentis in locis id asserit S. Augustinus, & Fulgentissimus Ecclesiæ Sol. Sed unus est locus hæc de clarissimus & præclarissimus, qui aureis meretur scribi characteribus, videlicet in Epistolâ ad Galatas, ex quâ cum ex Apostolo fructus Spiritus Sancti retulisset, & illis varia peccatorum genera sanæ doctrinæ

ne adversantia subiectissent, ait: *Regnant ergo speciales isti fructus in homine, in quo peccata non regnant. Regnant autem ista bona, si tantum delectant, ut ipsa teneant animum ne in peccatis consensione mutet. Quod enim amplius nos delectat, secundum id operamur. Necesse est: ut, verbi grati, occurrat forma speciosa formine, & movet ad delectationem fornicationis; sed si plus delectat pulchritudo illa intima, & sincera species castitatis, per GRATIAM, QUÆ EST EX FIDE CHRISTI, secundum hanc virtutem, & secundum hanc operamur, ut non regnante in nobis peccato ad obediendum desideris ejus, sed regnante iustitiâ per charitatem cum magna delectatione faciamus quidquid in eâ d. & placere cognoscimus. Et ut hanc totius vitæ humanæ contra peccatum pugnantis regulam generalem esse sciremus, subiungit statim. Quod autem de castitate, & fornicatione dixi, hoc de cæteris intelligi valui.*

Si igitur illa sit, GRATIA VICTRIX, quæ delectat hominem lex Dei, & sic delectat ut omnes delectationes lascivie vincat; quæ donatur, ut delectatio peccati, iustitiæ delectatione vincatur; quæ iustus ex fide vivens non cedit male concupiscentiæ, vincens delectationem iustitiæ; quæ sic animus delectetur iustitiâ, ut eam cæteris delectationibus anteponat; ut quod male libet vivente delectatione non fiat; ut contra suavitatem noxiam suavitatis beneficiâ delectetur amplius continentiâ; si inquam, illa sit GRATIA VICTRIX, quæ his omnibus S. AUGUSTINUS locutionibus exprimitur, evidentissimum est ipsam exhibere deum ut nobis delectabilem, dulcem, & suavem: ergo deum ut nobis bonum concupiscimus, dum GRATIA VICTRIX ad illius amorem prædeterminatur; & consequenter non erit contra rationem casti amoris, cujus principium est GRATIA VICTRIX, concupiscere deum ut sibi bonum.

Verumtamen hic amor parvulorum est, & imperfectorum, quibus lacte opus est, non solido cibo; infirmæ naturæ, non integræ, & sanæ adiutorium. Hujus radicem assignat Sol Angelicus 2.2. q. 36. a. 4. ad 2. Ubi & Philosoph. 8. Ethic. docet, ex eo quod nullus diu absque delectatione potest manere cum iustitiâ, necesse est, quod ex tristitiâ aliquid dupliciter oriatur, uno modo ut homo recedat à contrariis istius; alio modo, ut ad alia transeat, in quibus delectatur. Sicut illi qui non possunt gaudere in spiritualibus delectationibus, transferunt se ad corporales, secundum Philosoph. in 10. Ethic. Ea quæ sunt iustitiæ, & dei, propter laborem, & difficultatem constant hominem infirmum, repletum multis miseriis, & brevi viventem tempore; Ea verò, quæ sunt concupiscentiæ, propter præsentiam, & experientiam continuam mirificè delectant; consequens igitur est, ut homo infirmus recedat à iustitiâ, & se transferat ad delectationes concupiscentiæ, nisi deus faciat suâ GRATIA VICTRIX plus delectare iustitiâ, quam delectat ejus concupiscentia.

Quare condescendens deus infirmitati nostræ, prius, ut diximus, præbet se delectabilem concupiscentiæ carni, prius se demonstrat ut summum bonum beatificans castis nostris desideriis, quam ut sibi bonum, & ut seipsum beatificantem exhibeat castæ amicitie, quæ solidus est perfectorum cibus, de quo cibo ait Christus Joan.

*§. VI. Solvitur quedam obiectio; & doctrina tradita ex
GRATIA VICTRICIS corroboratur.*

OBJECTIONES. Charitas est quedam participatio divini amoris: ergo motivum charitatis prius tendit in Deum, quam in creaturam: siquidem amore divino prius amat seipsum Deus, quam creaturam.

RESPONDETUR, distinguendo Conseq. Ergo motivum charitatis prius tendit in Deum imperfecte, quam in creaturam, conceditur. Prius tendit in Deum perfecte, quam in creaturam, negatur. Explicatur solutio. Cum Deus sit actus purissimus, non est in eo reperiri imperfectum, & perfectum: sed quidquid amat perfectissime amat, & quæ perfectiora sunt, intimiora sunt Deo. Creatura exit de potentia in actum; & ideo viâ generationis prius venit ad imperfectum, ut quid medium inter potentiam, & actum, quam ad perfectum, quod est extremum potentie. Dictum est, quod Deus imperfecte amatur, dum amatur propter suam bonitatem, ut est ratio beatificandi creaturam: perfecte vero diligitur dum amatur propter suam bonitatem, ut est ratio beatificandi Deum. Creatura igitur exeunti de potentia in actum, prius viâ generationis convenit amare Deum propter suam bonitatem, ut est ratio beatificandi creaturam, quam amare Deum propter eandem bonitatem, ut est ratio beatificandi Deum. Utrobique castè amatur Deus; quia utrobique amatur Deus propter suam bonitatem; & licet primo amatur imperfecte, & postea perfecte, semper tamen est idem motivum, quia sub eadem ratione formali ex parte obiecti se tenente; bonitas divina beatificat Deum, & creaturam rationalem divine factam consortem naturæ.

Quæcumque in hac Appendice de motivo utriusque amoris casti diximus, mirum in modum confirmantur ex doctrinâ GRATIÆ VICTRICIS. Per hanc enim gratiam evidenter demonstratur, quod respicere Deum ut bonum nostrum non sit contra rationem casti amoris. Quod sic ostenditur. Respicere Deum ut nobis delectabilem est respicere Deum ut bonum nostrum: sed amor physica prædeterminatione GRATIÆ VICTRICIS causatus respicit Deum ut nobis delectabilem, dulcem, & suavem; ergo amor à physica prædeterminatione GRATIÆ VICTRICIS causatus respicit Deum ut bonum nostrum. Maior est evidens. Minor etiam patet ex ipsâ ratione nominis. Nam ideo dicitur GRATIA VICTRIX, quia gratia facit quod Deus, seu ipsa iustitia, magis nos delectet, quam obiectum concupiscentiæ hæc, & nunc occurrens. Sexcentis in locis id asserit S. AUGUSTINUS, & Fulgentissimus Ecclesiæ Sol. Sed unus est locus hæc de Deo purissimus & præclarissimus, qui aureis meretur scribi characteribus, videlicet in Epistolâ ad Galatas, ex quâ cum ex Apostolo fructus Spiritus Sancti retulisset, & illis varia peccatorum genera sanæ doctrinæ

ne adversantia subiectissent, ait: *Regnant ergo speciales isti fructus in homine, in quo peccata non regnant. Regnant autem ista bona, si tantum delectant, ut ipsa teneant animum ne in peccatis consensionem tui.* Quod enim amplius nos delectat, secundum id operamur. Necesse est: ut, *verbi grati, occurrat forma speciosa feminae, & movere ad delectationem fornicationis; sed si plus delectat pulchritudo illa intima, & sincera species castitatis, per GRATIAM, quæ est ex fide Christi, secundum hanc vivimus, & secundum hanc operamur, ut non regnante in nobis peccato ad obediendum desideris ejus, sed regnante iustitia per charitatem cum magna delectatione faciamus quicquid in eâ. D. 9 placere cognoscimus.* Et ut hanc totius vitæ humanæ contra peccatum pugnantis regulam generalem esse sciremus, subiungit statim. *Quod autem de castitate, & fornicatione dicit, hoc de cæteris intelligi valui.*

Si igitur illa sit, GRATIA VICTRIX, quæ delectat hominem lex Dei, & si delectat ut omnes delectationes lascivie vincat; quæ donatur, ut delectatio peccati, iustitia delectatione vincatur; quæ iustus ex fide vivens non cedit male concupiscentiæ, vincens delectatione iustitiæ; quæ sic adimus delectetur iustitiâ, ut cum cæteris delectationibus anteponat; ut quod male libet, vivente delectatione non fiat; ut contra suavitatem noxiam suavitatis beneficiâ delectetur amplius continentia; si inquam, illa sit GRATIA VICTRIX, quæ his omnibus S. AUGUSTINI locutionibus exprimitur, evidentissimum est ipsam exhibere deum ut nobis delectabilem, dulcem, & suavem: ergo deum ut nobis bonum concupiscimus, dum GRATEA VICTRICE ad illius amorem prædeterminatur; & consequenter non erit contra rationem casti amoris, cujus principium est GRATIA VICTRIX, concupiscere deum ut sibi bonum.

Verum tamen hic amor parvulorum est; & imperfectorum, quibus lacte opus est, non solido cibo; infirmæ naturæ, non integræ, & sanæ adiutorium. Hujus radicem assignat Sol Angelicus 2.2. q. 36. 2. 4. ad 2. Ubi: *x Philosoph. 8. Ethic. docet, ex eo quod nullus diu absque delectatione potest manere cum iustitiâ, necesse est, quod ex tristitia aliquid dupliciter oriatur, uno modo ut homo recedat à contristantibus; alio modo, ut ad alia transcat, in quibus delectatur.* Sicut illi qui non possunt gaudere in spiritualibus delectationibus, transferunt se ad corporales, secundum Philosoph. in 10. Ethic. Ea quæ sunt iustitiæ, & dei, propter laborem, & difficultatem continent hominem infirmum, repletum multis miseriis, & brevi viventem tempore; Ea verò, quæ sunt concupiscentiæ, propter præsentiam, & experientiam continuam mirifice delectant; consequens igitur est, ut homo infirmus recedat à iustitiâ, & se transferat ad delectationes concupiscentiæ, nisi deus faciat suâ GRATIA VICTRICE plus delectare iustitiâ, quam delectat ejus concupiscentia.

Quare condescendens deus infirmitati nostræ, prius, ut diximus, præbet se delectabilem concupiscentiæ carni, prius se demonstrat ut summum bonum beatificans castis nostris desideriis, quam ut sibi bonum, & ut seipsum beatificantem exhibeat castæ amicitie, quæ solidus est perfectorum cibus, de quo cibo ait Christus Joan.

2. *Meus tibi est, ut faciam voluntatem ejus, qui misit me, ut perficiam opus ejus.* Non amplius habere oculus ad bonum nostrum; sed ad rudam divinæ voluntatis impletionem ad perfectos pertinet, & est actus perfectus charitatis, ut amicitia est. Verum delectari in domino, & propter benedictionem dulcedinis suæ eum concupiscere, ad incipientes, & imperfectos pertinet, estque actus imperfectus charitatis, ut virtus est. Actus charitatis, ut virtus est, præcedunt actus charitatis, ut amicitia est, sicut imperfectum viâ generationis præit perfectum. Utrique actus possunt cum solo gratiæ auxilio elici sine habitu charitatis; & licet tunc excludant omnem affectum actualem peccati, si respiciant Deum super omnia; non tamen valent ad excludendam habituales conversionem ad bonum commutabile, sicut ad ultimum finem: eo quod hæc habitualis conversio non potest in naturâ elevatâ tolli, nisi per habituales conversionem ad bonum incommutabile, quæ haberi nequit sine habitibus gratiæ, & charitatis. *

CAPUT TERTIUM.

Dolor ex solo timore Dei servili conceptus sine aliquo timore justitiæ, non est sufficiens dispositio ad gratiam per Sacramentum Pœnitentiæ consequendam.

XXXIX. **A**D duas assertiones revocavimus punctum præsentis difficultatis; quarum prima in hoc capite probatur, & est tenoris sequentis: *dolor ex solo timore Dei servili conceptus sine aliquo amore justitiæ, non est sufficiens dispositio ad gratiam per Sacramentum Pœnitentiæ consequendam.* Hæc assertio, suppositâ definitione Concilii Tridentini, à nullo Cordato Theologo videtur nobis posse negari. Definivit enim Concilium, dolorem, qui ad Dei gratiam in Sacramento Pœnitentiæ impetrandam disponit, excludere voluntatem peccandi. Verba Concilii sunt hæc: *Illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat cum spe veniæ, declarat non solum non facere hominem hypo-*

Hypocritam, & magis peccatorem, verum etiam donum Dei esse, & Spiritus Sancti impulsu, non adhuc quidem inhabitantis, sed tantum morientis, quo penitens ad viam sibi adjustitiam parat. Et quamvis sine Sacramento Penitentiae per se ad justificationem perducere peccatorem nequeat: tamen cum ad Dei gratiam in Sacramento Penitentiae impetrandam disponit. Sess. 14. cap. 4.

Argumentum sub hac formâ proponitur; dolor ad gratiam per Sacramentum Penitentiae consequendam necessarius, excludit voluntatem peccandi: sed sine aliquo amore justitiæ non excluditur voluntas peccandi: ergo sine aliquo amore justitiæ dolor non est sufficiens dispositio &c. Minor, de qua solum potest esse difficultas apud eos, qui Concilio Tridentino obediunt, tripliciter probatur: primò ex S. AUGUSTINO: secundò ex S. THOMA: tertio ratione.

§. I. Probatur ex S. AUGUSTINO, sine aliquo amore justitiæ non excludi voluntatem peccandi.

XL. *N*otum est illud S. AUGUSTINI lib. 2. contra Adversar. leg. cap. 7. *Desiderium peccandi non extinguitur nisi contrario desiderio rectè faciendi, ubi fides per dilectionem operatur.* Hic locus evidentem continet demonstrationem, quæ sub hac formâ proponitur: voluntas peccandi non excluditur nisi desiderio rectè faciendi, ut patet ex Ecclesiæ Sole: sed sine aliquo amore justitiæ non habetur desiderium rectè faciendi: ergo sine aliquo amore justitiæ non excluditur voluntas peccandi. Minor est S. AUGUSTINI, qui ad desiderium rectè faciendi requirit fidem per dilectionem operantem; dilectio per quam fides operatur, non potest non esse quidam amor justitiæ.

Confirmatur ex Epist. 144. ubi dicit: *Tantum porro quisque peccatum odit, quantum justitiam diligit.* Ecce, mensura ad odium peccati est dilectio justitiæ: ergo qui non diligit justitiam, non odit peccatum. Jam dixit Ecclesiæ Sol, quòd ad extinguendam voluntatem peccandi non sufficiat cessatio à peccato, sed debeat voluntas in contrarium transmutari affectum, ut amor peccati succedat odium peccati. Si ergo qui non diligit justitiam, non odit peccatum; nec etiam carebit voluntate peccandi, qui non diligit justitiam.

Quare jure merito inferit S. AUGUSTINUS: *Inimicus ergo justitiæ est, qui pœna timore non peccat: amicus autem erit, si ejus amore non peccat.* Inimicus justitiæ est, qui habet aliquem affectum peccandi: amicus justitiæ est, qui nullum habet affectum peccandi. Oportet ergo, ut qui solo timore pœnæ non peccat, conservet aliquem affectum peccandi; siquidem inimicus justitiæ est: & cum amicus justitiæ non fiat, qui non diligit justitiam, nunquam erit verum dicere, quòd nullum habeat affectum peccandi is, qui non diligit justitiam.

XLJ. Vis rationem habere istius doctrinæ? Audi S. AUGUSTINUM prosequentem: *Nam qui gehennas metuit, non peccare metuit, sed ardere, ille autem peccare metuit, qui peccatum ipsum sicut gehennas odit.* Lucidissima, & profundissima est hæc Ecclesiæ Solis ratio. distinguit S. AUGUSTINUS inter timorem gehennæ, & timorem peccati; inter odium peccati, & odium gehennæ. Apertè enim dicit eum, qui timet gehennam, non timere peccatum: *NON PECCARE METUIT, SED ARDERE.* Nec ultra odium gehennæ requireret odium peccati, si non essent distincta odia; nam ubi unum esset odium, non posset dici ille peccare metuit, qui *PECCATUM IPSUM SICUT GEHENNAS ODIT.* Ubi verò sunt distincti timores: & ubi distincta odia, ibi necesse est inveniri distinctos amores: cum omnis timor, & omne odium in aliquo fundentur amore, qui est principium, & radix omnium affectionum voluntatis, juxta receptissimam utriusque Solis doctrinam.

Timor, & odium mali fundantur in amore boni malo oppositi; ergo timor, & odium talis mali debent fundari in amore talis boni tali malo oppositi. Quapropter si timor, & odium gehennæ distinguantur à timore, & odio peccati, oportet, ut aliud sit bonum, quod ametur à timente gehennam, & aliud sit bonum, quod ametur à timente peccatum. Bonum, cui directè opponitur gehenna, est integritas sui esse: bonum, cui directè opponitur peccatum, est justitia. Manifestissimum igitur est, quòd sicut, qui timet gehennam, debet amare integritatem sui esse: & sicut qui timet triste debet amare delectabile; ita qui timet peccatum, debet amare justitiam, & qui timet turpe, debet amare honestum.

Hæc profundè penetrans Ecclesiæ Sol S. AUGUSTINUS, lucidissimam dedit rationem, quare; qui timore pœnæ non peccat sit inimicus justitiæ, dum ait: *Nam qui gehennas metuit: non peccare metuit, sed ardere.* Quasi diceret: inimicus justitiæ est, qui peccatum, quia peccatum est, non timet; qui autem solum amat integritatem sui esse, & non amat justitiam, gehennam timet, & non peccatum, quia peccatum est, timet: quod probat subsequentibus verbis; *ille autem peccare metuit, qui peccatum ipsum sicut gehennas odit:* quasi diceret, ille peccatum, quia peccatum est, timet, qui sicut gehennas odit ex amore integritatis sui esse, ita peccatum ipsum odit ex amore justitiæ. Tunc enim verè timebit peccare, concludit S. Doctor.

Tunc etiam fit quod Apostolus admonet, Rom. 6. *Humanum dico propter infirmitatem carnis vestra, sicut enim exhibuistis membra vestra servire immunditie, & iniquitati ad justitiam, sic nunc exhibete membra vestra servire justitie in sanctificationem:* quæ verba sic dilucidat ad nostrum propositum S. AUGUSTINUS loco citato: *Quidenim est sicut illud, ita et hoc? Nisi quemadmodum ad peccandum nullus vos cogebat timor, sed ipsius libido, voluptasque peccati; sic ad iuste vivendum non vos supplicii metus urgeat, sed ducat delectatio, charitasque iustitiæ.*

Si, qui pœnas metuit, non peccatum metuit, sed ardere; ergo qui de peccato ex solo motivo gehennæ dolet, non de peccato dolet, sed de ardore; & si ille pecca-

re metuit, qui peccatum ipsum sicut gehennas odit: ergo ille de peccato dolet, qui peccatum propter suam malitiam odit, sicut & gehennam propter propriam malitiam odit.

XLIJ. Deniquè constans est S. AUGUSTINI doctrina timorem pœnæ ad veteris Testamenti legem, amorem verò justitiæ ad novi Testamenti gratiam pertinere. Quare ubicumque probat S. AUGUSTINUS, solam legem non sufficienter voluntatem peccandi exclusisse, sed ad hoc necessariam fuisse novi Testamenti gratiam, ibidem etiam virtualiter probat, solo timore pœnæ non sufficienter excludi voluntatem peccandi, sed opus esse amore justitiæ.

Ad quod sufficit locus ex lib. 3. ad Bonifac. cap. 4. ubi de illis qui solo timore legem servabant, sic loquitur: „Neque enim fides in eis per dilectionem operabatur, sed terrena cupiditas, metusque carnalis. Sic autem præcepta qui facit, procul dubio invitùs facit, ac per hoc in animo non facit: mavult enim omninò non facere, si secundùm ea, quæ cupit, & metuit permittatur impunè. Ac per hoc in ipsâ voluntate intùs est reus, ubi ipse, qui præcipit, inspicit Deus. Tales erant filii terrenæ Hierusalem, de quâ dicit Apostolus: *Servis enim cum filiis suis*, pertinens ad Testamentum vetus à monte Sinâ in servitutem generans, quod „est Agar.

Et rursùm inferiùs: *Hi ad vetus pertinent Testamentum quod in servitutem generat, quia facit eos carnalis timor, & cupiditas servos, non Evangelica fides, spes, & charitas liberos.* Multùm observandum est, S. AUGUSTINUM, carnaliter timori, & cupiditati semper opponere fidem per dilectionem operantem; & ex carentiâ fidei per dilectionem operantis semper inferre carnalem timorem, & cupiditatem.

§. II. Probatur ex S. THOMÆ, sine aliquo amore justitiæ non excludi voluntatem peccandi.

XLIIJ. **M**agistrum suum sequitur Angelicus Doctor 2. 2. q. 59. a. 9. ubi docet, quod *timor servilis non est numerandus inter septem dona Spiritûs S. licet sit à Spiritu Sancto. Quia ut AUGUSTINUS dicit in libro de naturâ, & gratiâ, POTEST HABERE ANNEXAM VOLUNTATEM PECCANDI.* LOCUS S. AUGUSTINI ad quem se refert S. THOMAS, habetur cap. 57. his verbis: *sub lege est enim qui timore supplicii, quod lex minatur non amore justitiæ se sentis abstinere ab opere peccati; mundum liber nec alienus à voluntate peccandi. In ipsâ enim voluntate reus est, quâ mallet, si fieri posset, non esse quod timeas, ut liberè facias quod occultè desideras.* Vide quæ dicta sunt cap. 1. num. 10.

Non excluditur voluntas peccandi, nisi per actum, qui sit impossibilis cum actuali affectu ad peccatum, id est, ut docet Tannerus disp. 6. q. 6. dub. 4. n. 84.

Cum quo voluntas peccandi simul esse non possit. Et P. Suarez 3. p. disp. 10. sect. 4. ait: sumitur ex eodem loco Concilii Tridentini, dicentis talem esse necessarium dolorem, qui VOLUNTATEM PECCANDI EXCLUDIT, id est, cum quo voluntas peccandi ESSE REPUGNET: alioquin, quamvis contingat hominem habere dolorem, & non habere actualem voluntatem peccandi: si tamen dolor talis non est, ut ex se non repugnet simul esse cum tali voluntate, reverà non est dolor, qui excludit illam voluntatem, sed aliunde contingit illà carere. Tannero, & Suarez consentit P. le Dent de Attritione, cap. 5. referens etiam Reginaldum.

Cum igitur uterque Ecclesiæ Sol doceat timorem Dei servilem posse habere annexam voluntatem peccandi, dolor indè proveniens non excludit voluntatem peccandi secundum doctrinam utriusque Solis, si verum sit, quod asserunt supradicti Patres.

XLIV. Quemadmodum etiam docet S. AUGUSTINUS, quòd desiderium peccandi non extinguitur, nisi contrario desiderio rectè faciendi; ita Sol Angelicus de veritate, q. 28. a. 3. docet, quòd in adultis requiritur immutatio actus voluntatis ad justificationem; sunt enim per actum voluntatis ad aliquid inordinatè conversi. Quia quidem conversio immutari non potest, nisi per actum contrarium voluntatis; quo, scilicet, voluntas recedat à peccato per detestationem, & accedat ad iustitiam per desiderium, ut habetur 1. 2. q. 113. a. 5.

Et sicut S. AUGUSTINUS ad desiderium rectè faciendi exigit fidem per dilectionem operantem: ita Angelicus Sol ad inchoationem novæ vitæ exigit amorem iustitiæ, & gratiæ. Clarissimè id exprimit de malo, q. 7. a. 11. ad 3 his verbis: *eiusdem rationis est, quòd voluntas feratur in appetitum unius contrarii, & in detestationem alterius. Nullus autem habens usum liberi arbitrii potest inchoare novam vitam, quæ est per gratiæ infusionem, NISI APPETAT, ET AMET GRATIÆ BONUM: & ideo oportet, quòd detestetur omne malum repugnans.*

Propter hanc rationem docet sine amore iustitiæ non dari veram poenitentiam. Nam in 4. dist. 20. q. 1. a. 1. de Antiocho ait: quòd veniam consecutus fuisset, si verè poenitisset: sed NON HABUIT VERAM POENITENTIAM, QUIA NON EX AMORE IUSTITIÆ DE PECCATIS COMMISSIS DOLEBAT; SED TIMORE POENÆ, quam expectabat, vel dolore poenæ, quam sustinebat. *Es hoc etiam multis in fine poenitentibus contingit, quia non est facile, ut affectus, quem homo toto tempore vitæ suæ inclinavit in aliquid, subito ad contrarium retrahat.*

Item ad Ambr. sic inquit: *veritas poenitentia in fine non manifestatur. Incertum est enim utrum taliter poenitens ex solo timore poeniteat, vel ex amore DEI, qui ad veram poenitentiam requiritur: & præcipuè cum difficile sit, ut homo, cuius affectus semper fuit in peccatis, in momento iustitiam amplectatur.*

Et ibid. ad 3. poenitentiam feram vocat Glossa eam, quæ fit post mortem, non quæ in morte; vel quæ fit solo timore poenæ, non amore iustitiæ: nunquam

quam enim est fera vera poenitentia, ut dicit S. AUGUSTINUS. Hæc D. THOMAS.
 „ XLV. Denique, sicut S. AUGUSTINUS timorem poenæ reducit ad legem veteris Testamenti, quæ cohibebat manum, non animum, ita & S. THOMAS docet operantem ex solo timore poenæ non totaliter recedere à peccatis, & ad legem pertinere, 1. 2. q. 107. a. 1. ad 2. his verbis.

„ Dicendum, quòd omnes differentię, quæ assignantur inter novam legem, & veterem; accipiuntur secundum perfectum, & imperfectum. Præcepta enim legis cujuscunque dantur de actibus virtutum: ad operandum autem virtutum opera aliter inclinantur imperfecti, qui nondum habent virtutis habitum, & aliter illi, qui sunt per habitum virtutis perfecti. Illi enim, qui nondum habent habitum virtutis, inclinantur ad agendum virtutis opera ex aliquâ causâ extrinsecâ, puta, ex comminatione poenarum, vel ex promissione aliquarum extrinsecarum remunerationum, puta, honoris, vel divitiarum, vel alicujus hujusmodi. Et ideo lex vetus, quæ dabatur imperfectis, id est, nondum consecutis gratiam spiritualem dicebatur lex timoris, in quantum inducebat ad observationem præceptorum per comminationem quarundam, & dicitur habere temporalia quædam promissa.

„ Illi autem, qui habent virtutem, inclinantur ad virtutis opera agenda propter amorem virtutis, non propter aliquam poenam, aut remunerationem extrinsecam; & ideo lex nova, cujus principalitas consistit in ipsâ spirituali gratiâ inditâ cordibus, dicitur lex amoris: & dicitur habere promissa spiritualia, & æterna, quæ sunt objecta virtutis præcipuè charitatis: & ita per se in ea inclinantur non quasi in extranea, sed quasi in propria.

„ Et propter hoc etiam lex vetus dicitur cohibere manum, non animum, quia QUI TIMORE POENÆ AB ALIQUO PECCATO ABSTINET, NON SIMPLICITER EIUS VOLUNTAS A PECCATO RECEDIT, SICUT RECEDIT VOLUNTAS EIUS, QUI AMORE IUSTITIÆ ABSTINET A PECCATO; ET PROPTER HOC LEX NOVA, QUÆ EST LEX AMORIS, DICITUR ANIMUM COHIBERE.

„ Fuerunt tamen aliqui in statu veteris Testamenti habentes charitatem, & gratiam Spiritus Sancti, qui principaliter expectabant promissiones spirituales, & æternas, & secundum hoc pertinebant ad legem novam, similiter etiam in novo Testamento sunt aliqui carnales nondum pertingentes ad perfectionem novæ legis, quos oportuit etiam in novo Testamento induci ad virtutis opera per timorem poenarum, & per aliqua temporalia promissa: lex autem vetus etiam præcepta charitatis daret, non tamen per eam dabatur Spiritus Sanctus, per quem diffunditur charitas in cordibus nostris, ut dicitur Rom. 5.

§. III. *Probatur ratione, sine aliquo amore justitiæ non excludi voluntatem peccandi.*

XLVI. **R**atio efficax ex supradictis gemini Solis testimoniis desumitur, ad probandum, sine aliquo amore justitiæ non excludi voluntatem peccandi. Potest sub hæc formâ proponi. Quamdiu peccatum secundum seipsum placet, non excluditur omnis voluntas peccandi: sed peccatori sine aliquo amore justitiæ peccatum secundum seipsum placet: ergo sine aliquo amore justitiæ non excluditur voluntas peccandi. Prob. Min. Peccatum secundum suam essentiam, & propriam rationem opponitur conformitati legis: ergo non potest displicere peccatum secundum seipsum, nisi displiceat difformitas ad legem. Difformitas autem ad legem non displicet nisi cui placet conformitas ad legem: siquidem ut ait D. THOM. num. 44. *citatus, ejusdem rationis est, quod voluntas feratur in appetitum unius contrarii & in detestationem alterius: oportet igitur ut prius ametur conformitas ad legem, quæ justitia quædam est, quàm displiceat peccatum secundum seipsum.*

Confirmatur. Gehenna habet se ut quædam circumstantia consequens peccatum à parte rei existens: ergo poterit peccatum secundum propriam rationem placere, & simul propter gehennam displicere. Patet Consequentia. Nam hæc duo simul stant, quod objectum secundum propriam rationem placeat, & simul propter circumstantiam aliquam à parte rei occurrentem displiceat: ut videre est in mercatore, cui conservatio mercium secundum se placet, & tamen propter periculum naufragii à parte rei occurrens displicet mercium conservatio: ergo etiam poterit alicui peccatum secundum se placere, & propter gehennam à parte rei occurrentem displicere: ac proindè displicentia peccati ex solo motivo gehennæ non est sufficiens ad excludendam omnem voluntatem peccandi. Ad hoc enim requiritur, juxta P. Suarez, & P. Le Dent, ut displicentia exclusiva voluntatis peccandi sit talis, quod cum illâ omnis voluntas peccandi esse repugnet.

Confirmatur secundò. Ex amore boni oppositi gehennæ detestatur quis peccatum propter gehennam: ergo similiter ex amore boni oppositi propriæ rationi peccati debet aliquis detestari peccatum, si velit illud detestari propter propriam rationem. Quare sicut integritas *sui esse* est bonum oppositum gehennæ, & ex amore naturali istius integritatis detestamur peccatum propter gehennam: ita justitia, sive conformitas ad legem est bonum oppositum propriæ rationi peccati: & ideo ex amore justitiæ, sive conformitatis ad legem, debet detestari peccatum propter propriam rationem.

XLVIJ. Fundamentum, & radix istorum est: quod omnis displicentia, & dolor in aliquo amore fundatur: & ubi est diversa ratio dolendi, ibi debet quoque esse

esse diversa ratio amandi : ac proinde non poterunt esse diversi dolores, nisi adsint diversi amores. Certissimum est, quod sicut malitia culpæ specie distinguitur à malitiâ pœnæ, ita specie differunt dolere de malitiâ culpæ, & dolere de malitiâ pœnæ. Alius ergo est amor, ex quo aliquis dolet de actu propter malitiam culpæ, & alius amor, ex quo dolet aliquis de actu propter malitiam pœnæ : ac consequenter aliud est bonum, cui opponitur malitia culpæ, & aliud bonum, cui opponitur malitia pœnæ. Bonum, cui opponitur malitia pœnæ, est integritas *sui esse*; bonum, cui opponitur malitia culpæ, est, vel justitia, vel Deus, qui est fons omnis justitiæ.

Quemadmodum igitur non potest quis dolere de peccato propter malitiam pœnæ, nisi amet integritatem *sui esse*; ita non poterit quis dolere de peccato propter malitiam culpæ, nisi amet, vel justitiam, vel Deum fontem omnis justitiæ. Dolere de peccato propter malitiam culpæ, est dolere de peccato propter se; dolere de peccato propter malitiam pœnæ, est dolere de peccato propter aliud. Quare si ad excludendum omnem voluntatem peccandi non sufficiat displicentia peccati propter aliud, sed requiratur displicentia peccati propter se, plusquam evidens erit, quod sine amore justitiæ, vel Dei fontis omnis justitiæ, non possit excludi omnis voluntas peccandi. Vide quæ diximus cap. 1. §. 3. Ubi etiam probavimus, Timorem Dei servilem annexam habere posse voluntatem peccandi,

XLVIJ. Aliâ ratione convinci adhuc potest, sine aliquo amore justitiæ non excludi voluntatem peccandi. Quæ hoc modo formari potest. Detestari peccatum ex solo motivo gehennæ est actus inordinatus: ergo per dolorem ex solo motivo gehennæ conceptum, non excluditur voluntas peccandi. Probatur Ant. Actus, quo majus malum est inordinatus: sed ei, qui ex solo motivo gehennæ dolet de peccato, plus displicet malitia pœnæ, quæ est minus malum, quam malitia culpæ, quæ est majus malum: siquidem propter quod unumquodque tale, & illud magis: ergo qui ex solo motivo gehennæ dolet de peccato, inordinatè dolet.

Nec valet dicere, majus bonum subindè ordinari ad minus bonum, sicut Incarnatio Christi ordinata est ad salutem nostram, juxta illud, *Qui propter nostram salutem descendit de calis*. Hoc, inquam, non valet, eo quod aliud sit ordinari ad finem effectum, aliud ad finem *cujus gratiâ*. Cum enim causa sit nobilior suo effectui, potest magis placere causa, quam effectus ad quem ordinatur, & cujus tota perfectio vergit in majorem laudem causæ. Et secundum hoc non incongruit, majus bonum ordinari ad minus bonum, tanquam ad effectum; siquidem plus adhuc amabitur majus bonum, quam minus bonum. Verum, finis *cujus gratiâ* plus semper amatur, quam illud, quod ad hujusmodi finem ordinatur; & ideo, sicut nunquam potest esse conveniens, quod minus bonum plus ametur, quam majus bonum, ita nunquam potest esse conveniens, ut majus bonum ordinetur ad minus bonum sicut ad finem *cujus gratiâ*. Hoc autem facit, qui ex solo motivo gehennæ dolet de peccato.

§. III. Probatur ratione, sine aliquo amore justitiæ non excludi voluntatem peccandi.

XLVJ. Ratio efficax ex supradictis gemini Solis testimoniis desumitur, ad probandum, sine aliquo amore justitiæ non excludi voluntatem peccandi. Potest sub hæc formâ proponi. Quamdiu peccatum secundum seipsum placet, non excluditur omnis voluntas peccandi: sed peccatori sine aliquo amore justitiæ peccatum secundum seipsum placet: ergo sine aliquo amore justitiæ non excluditur voluntas peccandi. Prob. Min. Peccatum secundum suam essentiam, & propriam rationem opponitur conformitati legis: ergo non potest displicere peccatum secundum seipsum, nisi displiceat difformitas ad legem. Difformitas autem ad legem non displicet nisi cui placet conformitas ad legem: siquidem ut ait D. THOM. sum. 44. citatus, *eiusdem rationis est, quod voluntas feratur in appetitum unius contrarii & in detestationem alterius*: oportet igitur ut prius ametur conformitas ad legem, quæ justitia quædam est, quàm displiceat peccatum secundum seipsum.

Confirmatur. Gehenna habet se ut quædam circumstantia consequens peccatum à parte rei existens: ergo poterit peccatum secundum propriam rationem placere, & simul propter gehennam displicere. Patet Consequentia. Nam hæc duo simul stant, quod objectum secundum propriam rationem placeat, & simul propter circumstantiam aliquam à parte rei occurrentem displiceat: ut videre est in mercatore, cui conservatio mercium secundum se placet, & tamen propter periculum naufragii à parte rei occurrens displicet mercium conservatio: ergo etiam poterit alieni peccatum secundum se placere, & propter gehennam à parte rei occurrentem displicere: ac proindè displicentia peccati ex solo motivo gehennæ non est sufficiens ad excludendam omnem voluntatem peccandi. Ad hoc enim requiritur, juxta P. Suarez, & P. Le Dent, ut displicentia exclusiva voluntatis peccandi sit talis, quod cum illâ omnis voluntas peccandi esse repugnet.

Confirmatur secundò. Ex amore boni oppositi gehennæ detestatur quis peccatum propter gehennam: ergo similiter ex amore boni oppositi propriæ rationi peccati debet aliquis detestari peccatum, si velit illud detestari propter propriam rationem. Quare sicut integritas *sui esse* est bonum oppositum gehennæ, & ex amore naturali istius integritatis detestamur peccatum propter gehennam: ita justitia, sive conformitas ad legem est bonum oppositum propriæ rationi peccati: & ideo ex amore justitiæ, sive conformitatis ad legem, debet detestari peccatum propter propriam rationem.

XLVIJ. Fundamentum, & radix istorum est; quod omnis displicentia, & dolor in aliquo amore fundatur; & ubi est diversa ratio dolendi, ibi debet quoque esse

esse diversa ratio amandi : ac proinde non poterunt esse diversi dolores, nisi adsint diversi amores. Certissimum est, quod sicut malitia culpæ specie distinguitur à malitiâ pœnæ, ita specie differunt dolere de malitiâ culpæ, & dolere de malitiâ pœnæ. Alius ergo est amor, ex quo aliquis dolet de actu propter malitiam culpæ, & alius amor, ex quo dolet aliquis de actu propter malitiam pœnæ : ac consequenter aliud est bonum, cui opponitur malitia culpæ, & aliud bonum, cui opponitur malitia pœnæ. Bonum, cui opponitur malitia pœnæ, est integritas *sui esse*; bonum, cui opponitur malitia culpæ, est, vel justitia, vel Deus, qui est fons omnis justitiæ.

Quemadmodum igitur non potest quis dolere de peccato propter malitiam pœnæ, nisi amet integritatem *sui esse*; ita non poterit quis dolere de peccato propter malitiam culpæ, nisi amet, vel justitiam, vel Deum fontem omnis justitiæ. Dolere de peccato propter malitiam culpæ, est dolere de peccato propter se; dolere de peccato propter malitiam pœnæ, est dolere de peccato propter aliud. Quare si ad excludendum omnem voluntatem peccandi non sufficiat displicentia peccati propter aliud, sed requiratur displicentia peccati propter se, plusquam evidens erit, quod sine amore justitiæ, vel Dei fontis omnis justitiæ, non possit excludi omnis voluntas peccandi. Vide quæ diximus cap. 1. §. 3. Ubi etiam probavimus, Timorem Dei servilem annexam habere posse voluntatem peccandi,

XLVIIJ. Aliâ ratione convinci adhuc potest, sine aliquo amore justitiæ non excludi voluntatem peccandi. Quæ hoc modo formari potest. Detestari peccatum ex solo motivo gehennæ est actus inordinatus: ergo per dolorem ex solo motivo gehennæ conceptum, non excluditur voluntas peccandi. Probatur Ant. Actus, quo majus malum est inordinatus: sed ei, qui ex solo motivo gehennæ dolet de peccato, plus displicet malitia pœnæ, quæ est minus malum, quam malitia culpæ, quæ est majus malum: siquidem propter quod unumquodque tale, & illud magis: ergo qui ex solo motivo gehennæ dolet de peccato, inordinate dolet.

Nec valet dicere, majus bonum subinde ordinari ad minus bonum, sicut Incarnatio Christi ordinata est ad salutem nostram, juxta illud, *Qui propter nostram salutem descendit de caelis*. Hoc, inquam, non valet, eo quod aliud sit ordinari ad finem effectum, aliud ad finem *cujus gratiâ*. Cum enim causa sit nobilior suo effectui, potest magis placere causa, quam effectus ad quem ordinatur, & cujus tota perfectio vergit in majorem laudem causæ. Et secundum hoc non incongruit, majus bonum ordinari ad minus bonum, tanquam ad effectum; siquidem plus adhuc amabitur majus bonum, quam minus bonum. Verum, finis *cujus gratiâ* plus semper amatur, quam illud, quod ad hujusmodi finem ordinatur; & ideo, sicut nunquam potest esse conveniens, quod minus bonum plus ametur, quam majus bonum, ita nunquam potest esse conveniens, ut majus bonum ordinetur ad minus bonum sicut ad finem *cujus gratiâ*. Hoc autem facit, qui ex solo motivo gehennæ dolet de pecca-

10. Nam finis *cujus gratia* dolendi est sola malitia gehennæ, quæ est minus malum, quàm malitia culpæ.

XLIX. Hanc rationem tangit Præceptor noster S. THOMAS q. 1. de malo, a. 5. ad 11. his verbis: „Dicendum, quòd virtuosi est fugere culpam propter seipsam, „& non propter pœnam secundum illud Horatii: *Oderunt peccare mali formidine* „*pœna; oderunt peccare boni virtutis amore.* Sed quod plus est, Deus pœnam non „infert nisi propter culpam, ut dictum est, nempe in corpore articuli; ubi tertia ratio probans culpam esse majus malum, quàm pœnam, sic se habet:

„Illud malum, quod sapiens artifex inducit ad vitandum aliud malum, minùs habet de ratione mali, quàm illud malum ad quod vitandum inducitur; sicut si medicus sapiens præcidat manum ne pereat corpus, manifestum est, quòd minus malum est præcisio manus, quàm destructio corporis. Manifestum est, quòd Dei sapientia pœnam inducit ad hoc quòd vitetur culpa, vel ab eo qui punitur, vel saltem ab aliis, secundum illud Job. 19. *Fugite à facie iniquitatis, quoniam ultor iniquitatis est gladius.* Sic ergo patet, quòd majus malum est culpa, ad cujus evitacionem inducitur pœna, quàm ipsa pœna.

Quibus patet, quòd licet detestari peccatum propter pœnam non sit absolute, & secundum se malum; cum pœna inducatur à Deo ad vitandum culpam; verùm ita detestari peccatum propter pœnam, ut plus displiceat malitia pœnæ, quàm malitia culpæ, non potest non esse inordinatum; sicut procul-dubio doleret inordinatè, qui plus doleret de mutilatione amici, quàm de ejus occisione. Sic autem se habet, qui ex solo motivo gehennæ, sine aliquo amore justitiæ, dolet de peccato; non enim peccatum horret, sed gehennam: propter quod verissimè dixit Sanctus AUGUSTINUS Epist. 144. *Qui gehennas mituit, non peccare metuit, sed ardere; ille autem peccare metuit, qui peccatum ipsum, sicut & gehennas odit.* Vide num.

41.



CAPUT QUARTUM.

*Amor iustitiæ, necessarius ad gratiam per Sacramentum Pœnitentiæ consequendam, est castus
Dei amor super omnia.*

L. Evidenter, quantum existimo, probata est prima nostra Assertio, nec-non tenuissimis, & inconcussis SS. AUGUSTINI, & THOMÆ stabilita dogmatibus. Mirabitur fortè aliquis, quòd in re tam clarâ, quam fortè nemo Catholicorum negaturus est diutius inhæserimus. Verùm mirari desinet, si animadverterit, veritatem primæ Assertionis manuducere intellectum ad assensum secundæ Assertionis: imò, ut in Proëmio diximus, secundam non esse nisi sequelam primæ. Nam si ad gratiam per Sacramentum Pœnitentiæ consequendam semel requiratur aliquis amor iustitiæ, confestim apparebit, dictum iustitiæ amorem non esse alium, quàm castum Dei super omnia amorem. Quod adeò mihi manifestum videtur, ut explicatione magis, quàm probatione indigeat hæc secunda nostra Assertio.

Imprimis quantum ad amorem super omnia, nulla potest esse difficultas: quævis enim ad aliquod bonum opus faciendum non requiratur amor iustitiæ super omnia, ut patet in peccatoribus: attamen ad dolorem in Sacramento Pœnitentiæ necessarium, si semel requiratur amor iustitiæ debet iustitia super omnia amari, eo quòd dolor prædictus debet excludere voluntatem peccandi, quæ, ut dictum est, non excluditur, nisi per actum, cum quo impossibilis sit actualis omnis peccati affectus. Ad quod requiritur, ut quis sit paratus dimittere quodcumque bonum mortaliter peccaminosum ad vitandum peccatum. Ita ergo debet amari iustitia, ut propter ejus amorem quis sit paratus dimittere quodcumque bonum, si exigar hoc iustitia, alioquidolor ex amore iustitiæ procedens non excludet voluntatem peccandi. Qui autem ita amat iustitiæ, amat eam super omnia: nec aliud quidpiam intelligimus per amorem iustitiæ super omnia, ut patet ex capite secundo. Quare nihil superest aliud probandum, quàm istum iustitiæ amorem esse castum Dei amorem, nec hoc difficile erit, si duplex distinguatur iustitia.

§. I. Duplex distinguitur justitia, justitia scilicet hominis, & justitia Dei.

LJ. JUSTITIA alia est humana, quam homo ex proprio rationis suæ consilio tribuit suis actionibus; alia est divina, non quam Deus in se habet, sed quam facit in nobis ex fide per dilectionem operante. Primam justitiam vocat Apostolus, *justitiam nostram, justitiam legis, justitiam quæ est ex lege*. Secundam dicit esse *justitiam Dei, justitiam fidei, justitiam quæ est ex fide*. Utramque exprimit ad Rom. 10. dicens: *ignorantes enim JUSTITIAM DEI, ET SUAM QUÆRENTES STATUERUNT JUSTITIÆ DEI NON SUNT SUBJECI*. Et ad Philip. 3. & Rom. 1. inveniat in illa non habens MEAM JUSTITIAM, QUÆ EX LEGE EST, SED ILLAM, QUÆ EX FIDE EST CHRISTI, *quæ ex Deo est justitia in fide*.

Primum locum Apostoli sic explanat S. AUGUSTINUS tract. 26. in Joannem, ad ista verba, *Ego sum panis vitæ, qui de caelo descendi*: „qui esurit hunc panem, esuriet justitiam, sed justitiam quæ de caelo descendit, JUSTITIAM, QUAM DAT DEUS, NON QUAM SIBI FACIT HOMO: si enim nullam sibi homo faceret justitiam, non diceret Apostolus de Judæis: *ignorantes enim Dei justitiam, & suam volentes statuerere, justitiæ Dei non sunt subiecti*. Indè erant illi, qui panem de caelo descendentem non intelligebant, quia SUA JUSTITIA saturati, JUSTITIAM DEI non esuriebant. Quid est hoc JUSTITIA DEI, ET JUSTITIA HOMINIS? Justitia Dei hic dicitur, non quia justus est Deus, sed quam dat homini Deus, ut justus sit homo per Deum. Quæ autem erat illorum justitia? Quam de suis viribus presumebant, & quasi impletores legis seipsum ex sua virtute dicebant. Nemo autem implet legem, nisi adjuverit gratia, id est, panis, qui de caelo descendit. Legis enim plenitudo compendio, ut ait Apostolus, charitas est. Charitas non nummi, sed Dei: charitas non terre, non coeli, sed ejus, qui fecit coelum, & terram.

Secundum locum Apostoli ad eundem sensum explicat idem Ecclesiæ Sol lib. de gratiâ, & libero arbitrio, cap. 12. his verbis: „Quid est autem NON HABENS MEAM JUSTITIAM, QUÆ EX LEGE EST; cum sua non esset lex ipsa, sed Dei: nisi quia suam dixit justitiam, quamvis ex lege esset, quia suâ voluntate legem se posse putabant implere sine adjutorio gratiæ, quæ est per fidem Christi? Idèd cum dixisset, *non habens meam justitiam, quæ ex lege est*, securus adjunxit, sed EAM QUÆ EST PER FIDEM CHRISTI, QUÆ EST EX DEO. Hanc ignorabant de quibus ait, *ignorantes Dei justitiam*, id est, QUÆ EST EX DEO (hanc enim dat non littera occidens, sed vivificans Spiritus) & suam volentes statuerere, quam dixit ipse EX LEGE JUSTITIAM, cum diceret non habens meam justitiam, quæ ex lege est, *justitia Dei non sunt subiecti*, hoc est, gratiæ Dei non sunt subiecti: sub lege enim erant, non sub gratiâ; & idèd eis dominabatur peccatum, à quo homo non fit

„li-

„libet lege; sed gratia. Propter quod alibi dicit: *peccatum enim vobis non dominatur, non enim estis sub lege, sed sub gratia*: non quia lex mala est, sed quia sub illa sunt, quos reos facit jubendo, non adjuvando. Gratia quippe adjuvat, ut *legis*, quisque sit *factor*, sine qua gratia sub lege positus, tantummodo erilegis auditor, Talibus itaque dicit: *qui in lege iustificamini, gratia excluditis*.

LIJ. En abbreviatum habes, CORDATE LECTOR, totam S. AUGUSTINI de gratia doctrinam. Quam si attentè meditatus fueris, Molinismo renuntiandum esse, minime dubitabis. Solum attende duplicem *iustitiam hominis à iustitia Dei* differentiam. Prima differentia petitur ex fine, & vix est, qui eam non agnoscat. Secunda differentia ex modo operandi accipitur, & à Molinistis penitus ignoratur, aut saltem despicitur. Secundum primam differentiam *iustitia hominis* ordinat hominem ad bonum naturę humanę proportionatum, *iustitia Dei* ordinat hominem ad bonum divinum naturam humanam superexcedens. Inde oritur distinctio naturalitatis, & supernaturalitatis. Nam *iustitia hominis* viribus naturę acquiritur; *iustitia Dei* viribus de super acceptis elicitur. Quis est, qui non agnoscat, hominem elevatum ad finem supernaturalem, indigere viribus supernaturalibus ad istum finem obsequendum; Ipsi Pelagianialiquod posse naturę superadditum minime recusarunt, ut videre est apud Aluarem de auxiliis, lib. 1. disp. 1. num. 8.

Hanc primam differentiam sic explicat Angelicus Sol. 1. 2. q. 62. a. 1. Est autem duplex hominis beatitudo, sive felicitas, ut supra dictum est. Una quidem proportionata humanę naturę, ad quam scilicet homo pervenire potest per principia sue naturę. Alią autem est beatitudo naturam hominis excedens, ad quam homo solā divinā virtute pervenire potest secundum quandam divinitatis participationem, secundum quod dicitur 2. Pet. 1. quod per Christum facti sumus cōsortes divinę naturę. Et quia huiusmodi beatitudo proportionem humanę naturę excedit, principia naturalia hominis, ex quibus procedit ad bene agendum secundum suam proportionem, non sufficiunt ad ordinandum hominem ad beatitudinem prædictam. Unde oportet, quod superaddantur homini divinitatis aliqua principia, per quę ita ordinetur ad beatitudinem supernaturalem, sicut per principia naturalia ordinatur ad finem connaturalem; NON TAMEN ABSQUE ADIUTORIO DIVINO.

LIJ. Secunda differentia *iustitia hominis à iustitia Dei* ex modo operandi desumitur; eo quod non solum homo, sed homo infirmus elevatur ad finem supernaturalem. Nam, si secundum integritatem suę naturę elevaretur, nulla esset in modo operandi diversitas inter principia naturę sanę, & supernaturalia; sed sicut homo sanus viribus naturalibus ad beneplacitum suę voluntatis uteretur; ita & homo elevatus viribus supernaturalibus ad beneplacitum suę voluntatis uteretur; utrobique Deo per solum concursum generalem prædeterminante.

Verum, cum Deus decreverit hominem, non sanum, sed infirmum efficaciter

elevare ad suam beatitudinem, & societatem, ac propterea miserit Filium suum, qui peccatores salvos faceret, ut ipse testatur dicens: *non veni vocare iustos, sed peccatores*; alius debet esse modus operandi in *iustitiâ Dei*, quàm sit in *iustitiâ hominis*, sicut aliter operatur homo infirmus, ac homo sanus; qui diversus modus operandi non solum attenditur in principiis supernaturalibus, sed etiam in principiis naturalibus, quibus diverso modo utitur homo infirmus, ac eis uteretur homo sanus.

S. II. *Explicatur magis secunda differentia iustitiæ hominis à iustitiâ Dei.*

LIV. **I**ste modus operandi diversus consistit in hoc, quod homo sanus utitur tam principiis naturalibus, quàm supernaturalibus ex propriâ applicatione, quasi *iustitiâ dominus*; homo infirmus utiturque ex speciali Dei applicatione, quasi *iustitiâ servus*. Differentia domini, & servi in modo operandi, non petitur ex indigentia auxilii generalis physicè prædeterminantis; tam enim dominus, quàm servus debet à Deo physicè prædeterminari: sed ita prædeterminatur dominus ad agendum, ut ex propriâ voluntate, & consilio se applicet ad agendum; ita verò prædeterminatur servus, ut ad alterius voluntatem, & consilium applicetur ad agendum. Quæ si ad hominem sanum, & infirmum applicueris, invenies hominem sanum indigere auxilio generali physicè prædeterminante; sicut & hominem infirmum; verum homo sanus quasi *iustitiâ dominus* ita à Deo prædeterminatur, ut etiam agat pro nutu voluntatis suæ quæcumque lex imperat; homo verò infirmus quasi *iustitiâ servus* ita prædeterminatur, ut non pro nutu suæ voluntatis, sed ad voluntatem, & consilium Dei specialiter prædeterminantis legem impleat.

LV. Vel si volueris, concipe duos homines, quorum unus ita disponitur ad agendum, ut præter concursum generalem prædeterminantem, nullius alterius causæ particularis requirere debeat auxilium; alter verò præter concursum generalem indigeat speciali alterius causæ particularis auxilio. Sic diversum modum operandi hominis sani, & infirmi facillè concipies. Nam homo sanus præter concursum generalem nullius motoris particularis requirere debet auxilium: homo verò infirmus alterius motoris particularis indiget auxilio, qui non est alius, nisi Deus, quem debet homo infirmus suis precibus invocare, ut adjuvet infirmitatem suam. Unde si differentiam hominis sani ab homine infirmo consideremus ex parte Dei, & auxiliorum gratiæ, inveniemus, quod Deus ad hominem sanum se habeat solum ut motor universalis, cuius auxilium non est precibus impetrandum; alioqui pro actu peccati deberemus orare Deum, cum sine Dei ut motoris universalis auxilio nequeat à nobis elici.

Ad

Ad hominem autem infirmum se habet Deus, non solum ut motor universalis, sed etiam ut motor particularis, cujus auxilium est precibus impetrandum; & ideo in ipso quod homo infirmus agit sine recurſu ad divinum auxilium, practice preſumit de ſuis viribus; & legem, quam practice credit ſe poſſe implere, non implet. Unde cum ſecundum ſuam exiſtimationem practice poſſit legem implere, recte imputat illi Deus, ſi eam non implet. Nam qui exiſtimat ſe poſſe implere, & non implet; etiamſi à parte rei poſſet, non adhuc impleret; etenim ideo non implet, quia hic, & nunc plus ei placet bonum concupiſcentiæ, quam bonum juſtitie, quod etiam plus placeret, etiamſi à parte rei poſſet. Attamen in hoc ipſo fit impotens ad implendum legem, quod plus amet bonum concupiſcentiæ, quam bonum juſtitie, ſine cuius amore non adimpletur mandatum *sicut oportet*. Unde ejus impotentia oritur ex amore, quo liberè ſe determinat ad ſequendum concupiſcentiam.

LVJ. Hanc differentiam in citatis testimoniis precipue tangit S. Augustinus, & eſt illa, quæ maximè ſpectat ad gratiam Salvatoris, qui non venit vocare juſtos, ſed peccatores, ut virtus ſua in eorum perficeretur infirmitate; & ab eo diſceremus, non mundum fabricare, non in ipſo mundo inviſibilia creare, & mortuos reſulcitare, ſed miteſcere, & humiles corde.

Quare dicendum eſt, *juſtitiam hominis* non ſolum eſſe illam, quam viribus nature facit, ſed etiam omnem illam, quam exiſtens in gratia facit ſine recurſu ad divinum auxilium: ſic enim practice preſumens de viribus ſibi datis, & quali non indigens ulteriori auxilio, bonum quod facit, non gratiæ, ſed voluntariis tribuitur determinationi. *Juſtitia verò Dei* eſt illa, quam fides *orando* impetrat: illud enim maximè facit in nobis Deus, quod *orando* impetramus. Si *juſtitia Dei* eſt illa, quam Deus facit in nobis, convenientiſſimè dicitur *juſtitia Dei* illa juſtitia, quam fides *orando* impetrat. E contra ſi *juſtitia hominis* ſit illa, quam facit homo, ſua voluntate de viribus ſuis preſumens, ſine dubio tenendum eſt, opera, quæ facit homo infirmus ſine fide per orationem impetrante, pertinere ad *juſtitiam homini*.

Videant igitur, qui gratiam ſufficientem nullo ulteriori indigentem auxilio defendunt, ne de illorum ſint numero, de quibus dicit Apoſtolus, *ignorantes, juſtitiam Dei, & ſuam querentes ſtatuerè, juſtitia Dei non ſunt ſubjecti*. Videant, ne inveniantur habere ſuam ex lege juſtitiam, non quæ eſt ex fide Chriſti. Videant dico, quia, non cenſurantes, ſed veluti fratres eodem Chriſti ſanguine redempti fraternam præmittimus admonitionem. De his plura ſi volueris, conſule primum Tomum.

S. III. *Ex differentiâ assignatâ manuducitur intellectus ad Assertionem intentam.*

LVIJ. **D**uplex justitia duplicem gignit justitiæ amorem: unum, quo amatur *justitia hominis*, quæ non per fidem *orando* impetratur: alium, quo amatur *justitia Dei*, quam fides *orando* impetrat. Supposito quod peccatum displicere debeat ex aliquo justitiæ amore, certissimum est, non sufficere ad gratiam per Sacramentum Pœnitentiæ obtinendam; quod peccatum displiceat ex amore *justitiæ hominis*; sed necessarium est, quod displiceat ex amore *justitiæ Dei*: siquidem prædicta peccati displicentia debet fundari in fide, sine quâ impossibile est placere Deo.

Si justitia Dei. & non *justitia hominis* debet amari à verè pœnitente; concluditur manifestè, necessarium esse castum Dei amorem ad veram pœnitentiam; siquidem primum, quod occurrit diligendum in *justitiâ Dei*, quam fides demonstrat, est ipse Deus, cui tanquam fini adherere debet voluntas, & ex illius amore peccata sua detestari. Cernis, benevole Lector, manuduci intellectum ad veritatem secundæ Assertionis ex iis, quæ usque nunc asseruimus. Nam *primò* ostendimus invictè dolorem requisitum ad gratiam per Sacramentum Pœnitentiæ consequendam; non posse ex solo timore pœnæ procedere, sed exigere aliquem justitiæ amorem. *Secundo* probavimus, justitiam debere amari super omnia. *Tertiò* manifestavimus, istam justitiam, quæ super omnia amari debet, non esse *justitiam hominis*, quam ratio demonstrat, sed *justitiam Dei*, quam fides *orando* impetrat, & in quâ primum, quod diligendum occurrit, est ipse Deus. Ex quibus concluditur dolorem verè pœnitentis procedere ex casto Dei super omnia amore.

LVIJ. Quæ conclusio aliter adhuc potest deduci. Dictum enim est, quod dolor verè pœnitentis debet excludere voluntatem peccandi, ad quod requiritur, ut doleat de peccato propter propriam turpitudinem. Duplex autem est peccati turpitudo, sicut & duplex justitiæ pulchritudo; una est turpitudo peccati, quam ratio demonstrat; & dolor de peccato propter istam turpitudinem, cum non fundetur in fide, non potest esse sufficiens ad gratiam per Sacramentum Pœnitentiæ consequendam. Alia est turpitudo peccati, quam fides demonstrat, & consistit in aversione à Deo: ob quam peccatum nequaquam displicere potest, nisi ei, qui verè, & præcise dicit: *mibi adhærere Deo bonum est*: & ita prius debet amari Deus, & prius debet adesse voluntas Deo adherendi, quàm peccatum displiceat ob propriam turpitudinem fidè demonstratam: ut prius debet amari bonum rationis, sive justitia, quàm peccatum displiceat ob propriam turpitudinem ratione demonstratam; sicut etiam prius amatur integritas sui esse, quàm peccatum displiceat propter pœnam. Quorum

omnium ratio est, quòd omnis dolor in aliquo amore fundetur; & diversa motiva dolendi exigant diversos amores.

LIX. Quare, ut veritas Assertionis secundæ ab omni verborum æquivocatione reddatur immutis, & quemlibet Cordatum convincere possit, tribus principiis; quæ non videntur posse cordatè negari, eam stabilimus.

PRIMUM PRINCIPIUM est, quòd poenitens detestatur, & fugit peccatum propter bonum aliquod amatum: cum enim amor sit prima voluntatis affectio, in qua omnes aliæ radican- tur, sicut nulla est causa timendi nisi ne amittatur bonum amatum, ut dicit S. AUGUSTINUS relatus num. 29. ita nulla est causa dolendi, nisi amissio alicujus boni amati. Vide num. 47.

SECUNDUM PRINCIPIUM est, quòd poenitens debet ita esse dispositus, ut sit paratus dimittere quodcumque bonum ad vitandum peccatum mortale, si aliter vitari non potest; & consequenter bonum amatum, propter quod poenitens detestatur, & fugit peccatum, debet præferri omni alteri bono cum peccato mortali comparabili: alioqui prædicta detestatio non excluderet voluntatem peccandi secundum quòd exigit Concilium Tridentinum: siquidem, ut ex P. Suarez, & P. Le Dent vidimus num. 43. non excluditur voluntas peccandi, nisi per actum, cum quo omne peccatum actuale sit impossibile; ac proinde amor excludens voluntatem peccandi debet esse impossibilis cum omni peccato mortali actuali, ad quod indispensabiliter requiritur, ut bonum amatum præferatur omni illi bono, cui adjungi potest malitia mortalis peccati: quod apud nos est amari super omnia.

TERTIUM PRINCIPIUM est, quòd bonum amatum super omnia à poenitente, propter quod detestatur, & fugit peccatum, debet fide demonstrari, nisi volueris, aliquem sine fide posse placere Deo, & salutem consequi, quod hæreticum est. Fides nullum bonum demonstrat super omnia amandum, præter solum Deum, de quo dicit, *nemo bonus, nisi solus Deus*. Ergo Deus est istud bonum super omnia amatum, propter quod poenitens debet detestari, & fugere peccatum. Undè firmiter stabilita manet veritas secundæ Assertionis, quæ asseritur, quòd amor justitiæ necessarius ad gratiam per Sacramentum Pœnitentiæ consequendam, sit castus Dei amor super omnia.

Falsissimum igitur est, quod P. Le Dent cum aliis Junioribus asserit, actum, *cujus motivum est solus metus gehennæ*, sive dolorem ex solo motivo gehennæ conceptum, sufficere ad gratiam per Sacramentum Pœnitentiæ consequendam. Quod non ex animo censurandi dictum volumus; sed solummodò ex doctrinâ traditâ deductum concludimus.

§. IV. *Authoritate Concilii Tridentini probatur, amorem justitiæ requisitum ad gratiam per Sacramentum Pœnitentiæ consequendam esse castum Dei super omnia amorem.*

LX. **C**Um in authoritate Concilii Tridentini maximè glorientur Adversarii, qui ex verbis Concilii non satis Cordatè intellectis sufficientiam doloris servilis evidenter deduci putant: necessarium fuit, ut apertam Concilii Tridentini pro nostrâ Assertionem authoritatem specialiter adduceremus, in quâ omnis Adversariorum gloriatio firmiter confundi posset. Aperta Concilii pro nostrâ Assertionem authoritas in tribus locis continetur.

PRIMUS Concilii locus est idem ipse locus, in quo maximè gloriatur Adversarii, nempe sess. 14. cap. 4. quem initio hujus capituli retulimus. Cum enim in isto loco requirat Concilium dolorem *excludentem voluntatem peccandi*, & efficaciter probaverimus, nullum dolorem in fide fundatum *excludere voluntatem peccandi*, nisi procedat ex casto Dei super omnia amore; efficaciter quoque manet probatum, istum Concilii locum requirere ad gratiam per Sacramentum Pœnitentiæ consequendam, castum Dei super omnia amorem. Imò specialem hic agnoscimus Spiritus Sancti assistentiam; cum enim Concilium cum disjunctione dixisset, *contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, & pœnarum metu communiter concipitur*, statim speciali Spiritus Sancti impulsu addidit esse credimus, **SI VOLUNTATEM PECCANDI EXCLUDAT**; ut per hoc significaretur; Concilium loqui de consideratione turpitudinis peccati, quæ sit ex fide per dilectionem operante, & de dolore, qui non solum ex metu gehennæ, sed simul ex aliquo Dei super omnia amore communiter concipitur: rari enim sunt, qui ex solo motivo amoris Dei dolorem de suis peccatis concipiunt. Ratio credulitatis nostræ est, quod consideratio turpitudinis peccati, quæ sit sine fide per dilectionem operante, non est sufficiens ad excludendum voluntatem peccandi, & multò minùs actus, *cujus motivum sit solus metus gehennæ*, ad id sufficiet, ut multis probavimus. Ne ergo verba Concilii traherentur ad dolorem servilem *excludentem castum Dei super omnia amorem*, addidit Spiritus Sanctus, **SI VOLUNTATEM PECCANDI EXCLUDAT**.

LXJ. SECUNDUS Concilii locus accipitur ex sess. 6. cap. 5. & ita se habet; Disponuntur autem ad ipsam justiciam dum excitati divinâ gratiâ, & adjuti fide, dem ex auditu concipientes liberè moventur in Deum, credentes vera esse, quæ divinitus revelata, & promissa sunt; atque illud imprimis à Deo justificari, impium per gratiam ejus, per Redemptionem, quæ est in Christo Jesu: & dum peccatores se esse intelligentes à divinæ justitiæ timore, quo utiliter concutuntur ad considerandam Dei misericordiam se convertendo in spem eriguntur, fi-

den-

„dentes Deum sibi propter Christum propitium fore; illumque tanquam
 „OMNIS IUSTITIÆ BONITATEM DILIGERE INCIPIUNT, AC PROPTEREA
 „MOVENTUR ADVERSUS PECCATA per odium ali quod, & detestationem, hoc est,
 „PER EAM POENITENTIAM, QUAM ANTE BAPTISMUM AGI OPORTET:
 „denique proponunt suscipere Baptismum, inchoare novam vitam, & servare di-
 „vina mandata.

Quibus verbis apertissimè docet Concilium, quòd odium, & detestatio peccati, requisita ad poenitentiam, quam ante Baptismum agi oportet, debeant procedere ex amore Dei tanquam fontis omnis iustitiæ; diligere autem Deum, tanquam fontem omnis iustitiæ, dilectione excludente omnem voluntatem peccandi, est diligere Deum super omnia. Sitalis dolor ad gratiam per Baptismum consequendam requiratur, multò magis requiratur prædictus dolor, ad gratiam per Sacramentum Poenitiæ consequendam; cum longè major debeat esse poenitentia post Baptismum suscepta, quàm sit illa, quæ ante Baptismum suscipitur; ut docet Concilium sess. 14. cap. 2. dicens: *Per Baptismum enim Christum induentes nova prorsus in illo efficitur creatura, plenam, & integram peccatorum omnium remissionem consequentes: ad quam tamen novitatem, & integritatem per Sacramentum Poenitiæ sine magnis nostris flexibus, & laboribus, divinâ ad exigentem iustitiâ, pervenire nequaquam possumus: ut merito Poenitentia laboriosus quidam Baptismus à Sanctis Patribus dictus fuerit.*

LXI]. Nullum aliud habent Adversarii effugium, quam Concilium loqui de justificatione, quæ sit ex solo voto Baptismi, non ex r. aliius susceptione. Sed contra. Loquitur Concilium de poenitiâ requisitâ ad suscipiendum Sacramentum Baptismi: ergo si ista poenitentia debeat procedere ex dilectione Dei, tanquam fontis omnis iustitiæ, etiam poenitentia requisita ad suscipiendum Sacramentum Poenitiæ, debeat procedere ex dilectione Dei, tanquam fontis omnis iustitiæ. Pater Consequentia ex nuper dictis. Prob. 1. Ant. Poenitentia; quam debet peccator agere ante Baptismum, est illa, quam debet habere ad suscipiendum Baptismum: non enim tenetur quis habere ante Baptismum perfectam contritionem: sed Concilium expressè explicat se loqui de illâ detestatione, & poenitiâ, quam ante Baptismum agi oportet: ergo loquitur de illâ poenitiâ, quam debet peccator habere ad suscipiendum Baptismum.

Prob. 2. Ant. Concilium loquitur de dispositione requisitâ ad justificationem, quæ sit virtute Baptismi, ut causæ instrumentalis: ergo loquitur de poenitiâ requisitâ ad suscipiendum Baptismum. Prob. Ant. ex cap. seq. ubi dicit: *hanc dispositionem, seu preparationem justificatio ipsa consequitur.* Et post pauca, istius justificationis, quæ ad dispositionem includentem dilectionem Dei, ut fontis omnis iustitiæ consequitur, enumerat causas, & inter eas Baptismum, ut causam instrumentalem, dicens: *Huius justificationis causa sunt, finalis quidem gloria Dei, & Christi, ac vita æterna, &c. INSTRUMENTALIS, item SACRAMENTUM BAPTISMI.* Ubi nomen huius

refert justificationem ad istam justificationem, quam dixit Concilium in initio capituli consequi *hanc dispositionem*, & consequenter, quæ consequitur dilectionem Dei tanquam fontis omnis justitiæ; ita ut planissimus sit Concilii sensus: ad detestationem peccati ex amore Dei, tanquam fontis omnis justitiæ conceptam consequitur justificationem, & *hujus justificationis causa sunt, finalis quidem gloria Dei, & Christi, æterna, æt.* &c. INSTRUMENTALIS ITEM SACRAMENTUM BAPTISMI: ergo non nisi violenter negari potest, Concilium loqui de dispositione requisitâ ad justificationem, quæ sit virtute Baptismi. ut causæ instrumentalis.

Prob. 3. Ant. Concilium probat ex Scripturâ dispositionem, quam tradiderat; & ut probet pœnitentiam requisitam ad hanc dispositionem adducit locum ex Act. 2. *Pœnitentiam agite, & baptizetur unusquisque vestrum.* Qui locus manifestè agitur de pœnitentiâ, quæ debet præmitti ad susceptionem Baptismi; unde Glossa ex Bedâ ait: *Disertus de baptismo promissit lamenta pœnitentia, ut prius se aquâ suâ afflictionis infunderent, & post Sacramento Baptismi lavarent.* Et S. THOMAS 3. p. q. 84. a. 7. ad 3. ait: *etiam ante Baptismum requiritur quadam pœnitentia, sicut & Petrus dicit Act. 2. Pœnitentiam agite, & baptizetur unusquisque vestrum.* Sicque hunc locum explicant communiter Interpretes: ergo Concilium loquitur de pœnitentiâ requisitâ ad suscipiendum Baptismum. Quare, si ista pœnitentia debeat procedere ex amore Dei tanquam fontis omnis justitiæ juxta Concilium; necesse est, ut juxta idem Concilium pœnitentia ad Sacramentum Pœnitentiæ requisita, ex eodem amore procedat. Vide infra num. 64.

* TERTIUS locus Concilii Tridentini pro nostrâ Assertionem secundâ, in calamo remansit in primâ hujus Opusculi editione. Eum nunc addimus. Desumitur ex sess. 14. cap. 1. ubi dicitur: *Fuit quidem pœnitentia universis hominibus, qui se mortali aliquo peccato inquinassent, quovis tempore ad gratiam, & justitiam assequendam necessaria, illis etiam, qui Baptismi Sacramento ablu peccassent, ut pervertere abjectâ, & emendatâ, tantam Dei offensionem cum peccati odio, & pio animi dolore detestarentur.* Ex quo loco sic argumentor: Pœnitentia, quæ universis hominibus in peccato mortali existentibus fuit quovis tempore necessaria, erat pœnitentia ex amore Dei concepta: sed illa eadem pœnitentia elevata est ad rationem Sacramenti: ergo pœnitentia quæ elevata est ad rationem Sacramenti est pœnitentia ex amore Dei concepta. Pater Consequentia. Quæ enim sunt eadem uni tertio, sunt eadem inter se: Pœnitentia ex amore Dei concepta, & pœnitentia, quæ est Sacramentum identificantur in illâ pœnitentiâ, quæ fuit universis hominibus quovis tempore necessaria: ergo, &c. Pœnitentiam universis hominibus necessariam quovis tempore, debuisse ex amore Dei concipi, manifestum est; cum extra Sacramentum Pœnitentiæ non detur remissio peccatorum sine amore Dei. Id ergo, quod quovis tempore universis hominibus fuit necessarium ad remissionem peccatorum, debuit ex amore Dei procedere: siquidem amor est prima omnium nostrarum affectionum. Quod autem

autem eadem pœnitentia, quæ fuit quovis tempore universis hominibus necessaria, sit elevata ad rationem Sacramenti, apertè id docet Concilium.

Nam in eodem capite, postquam ex Scripturis Sacris probavit necessitatem dictam pœnitentiæ, subiungit: *Porro nec ante adventum Christi Pœnitentia erat Sacramentum, nec est post adventum illius etiam ante Baptismum. Dominus autem Sacramentum Pœnitentiæ tunc præcipuè instituit, cum à mortuis suscitatus insufflavisset in discipulos suos dicens: Accipite Spiritum Sanctum, &c.* Eadem ergo pœnitentia, quæ ante adventum Christi non erat Sacramentum, & quam dixerat Concilium fuisse quovis tempore necessariam universis hominibus, post adventum Christi facta est Sacramentum. Nullo igitur mododici poterit, pœnitentiam ex solo timore pœnæ conceptam elevari ad rationem Sacramenti; cum huiusmodi pœnitentia non fuit universis hominibus quovis tempore necessaria; & distinguatur specie à Pœnitentiâ ex amore Dei conceptâ. Aqua per elevationem ad rationem Sacramenti non fuit immutata in suâ specie; & sic de aliis rebus, quæ assumptæ sunt in materiam aliorum Sacramentorum: ergo nec pœnitentia fuit in suâ specie immutata; id est, non alia specie pœnitentia fuit in materiam Sacramenti assumpta, ab eâ, quæ ante adventum Christi dicebatur pœnitentia. Quod præclare considerans Magister noster Sol Angelicus, eidem pœnitentiæ, quæ quovis tempore fuit virtus, tribuit rationem Sacramenti, ut s. seq. dicitur.

Confirmatur, Hæc deductio ex cap. 4. ejusdem sessionis, ubi dicitur: *Fuit autem quovis tempore ad impetrandam veniam peccatorum hic contritionis motus necessarius; et in homine post Baptismum lapsus; ita demum preparat ad remissionem peccatorum, si cum fiducia divina misericordia, et voto præstandi reliqua, conjunctus sit, quæ ad ritè suscipiendum hoc Sacramentum requiruntur.* Ecce evidentissimè dicit Concilium eundem contritionis motum, qui fuit quovis tempore necessarius, esse illum dolorem, qui est dispositio ad Sacramentum, imò & pars illius. Quem contritionis motum docet ibidem aliquando esse charitatem perfectam; sed dolor ex solo timore servili conceptus non potest esse charitatem perfectus: siquidem impossibile est dolorem ex amore charitatis produci, & simul ex solo motivo timoris pœnæ. Vide s. seq.

OBICIENS. Tria hæc Concilii Tridentini loca probant efficaciter requiri amorem Dei ad dolorem de peccatis in Sacramento necessarium: sed non probant istum amorem esse Dei super omnia: qualem nos requirimus.

RESP. Quod si semel tria ista loca probent efficaciter necessitatem amoris Dei, probant etiam efficaciter necessitatem amoris Dei super omnia. Ratio clarissima est. Tria ista loca exigunt dolorem exclusivum omnis peccati mortalis; sive, quod idem est, dolorem cum proposito non peccandi. Jam diximus in Proœmio huius Opusculi, quod amare Deum cum proposito efficaci non peccandi propter illius amorem, sit apud nos amare Deum *super omnia*. Si ergo ista tria loca probent efficaciter dolorem cum proposito non peccandi debere ex amore Dei procedere, ut sit suffi-

ciens dispositio ad Sacramentum; probabunt etiam efficaciter necessarium esse amorem Dei super omnia, id est, super omne mortaliter peccaminosum.

§. V. Ex Angelico Sole probatur necessitas casti amoris Dei super omnia, ad gratiam per Sacramentum Pœnitentię consequendam.

LXIIJ. **N**on esset opus Assertionem nostram secundam specialiter munire Angelici Solis autoritate; cum doctrina hucusque tradita, quæ eam sufficienter firmat, tota sit ex Angelico Sole deprompta. Nihilominus, ut videant Adversarii, quàm aperte nobiscum sentiat Magister noster, & Doctor Communis D. THOMAS, præter ea testimonia, quæ sparsim ad confirmationem doctrinæ traditæ adduximus, ex duobus ejus principiis luculenter deducemus necessitatem casti amoris Dei super omnia, ad gratiam per Sacramentum Pœnitentię consequendam.

PRIMUM PRINCIPIUM consistit in illâ doctrinâ, quam sæpius tradit D. THOMAS, videlicet actum virtutis pœnitentię exigere amorem Dei. Hoc docet 3. p. q. 85. a. 5. Sic igitur patet, quod actus pœnitentiæ à timore servili procedit sicut à primo motu affectûs ad hoc ordinato: à timore autem filiali sicut ab immediato, & proximo principio. Certum est in doctrinâ Angelicâ timorem filialem à casto Dei amore procedere. Certum ergo quoque erit actum pœnitentię virtutis ex casto Dei amore procedere, si timor filialis sit ejus proximum, & immediatum principium.

Idem docet ad 2. his verbis: *peccatum prius incipit homini displicere (maximè peccatori) propter supplicia, quæ respicit timor servilis, quàm propter Dei offensam, VEL PECCATI TURPITUDINEM, quod pertinet ad charitatem.* In corpore autem articuli docuerat ad actum virtutis pœnitentię pertinere, quod peccatum propter se displiceat. Nota bene D. THOMAM reducere ad charitatem, non solum displicentiam peccati propter Dei offensam, sed etiam displicentiam peccati propter peccati turpitudinem: per hoc significans utrumque motivum ad amorem pertinere, non ad timorem, qui causat displicentiam peccati propter supplicia. Unde patet eos non penetrasse nodum difficultatis præsentis, qui volunt timorem servilem concipi ex amore vitæ æternæ. Nam tota difficultas in hoc consistit, an sufficiat ad Sacramentum displicentia peccati propter supplicia? an verò requiratur displicentia peccati propter Dei offensam, vel peccati turpitudinem? Si primum sufficit timor. Si secundum requiritur amor. Qui ergo dicunt sufficere timorem, eo ipso excludunt amorem.

Eandem doctrinam clarissimè tradit a. 6. ejusdem q. his verbis: *in justificatione impij simul est motus liberi arbitrii in Deum (qui est actus fidei per charitatem formatus) & motus liberi arbitrii in peccatum. Horum tamen duorum actuum primus naturaliter præcedit secundum, nam ACTUS VIRTUTIS PœNITENTIÆ EST CONTRA PECCATUM EX AMORE DEI. Unde primus actus est ratio, & causa secundi.*

Deni-

Denique q. 89 a. 3. docet veram poenitentiam exigere amorem Dei super omnia dilecti. Verba ejus sunt: *Non potest esse verè poenitens, qui de uno peccato poenitet, & non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem verè poenitentiae) sequeretur quòd de omnibus peccatis poeniteret*

Cordato sufficeret hoc testimonium, non solum pro actu virtutis poenitentiae, qui apertè dicitur tendere in peccatum, ut est contra Deum super omnia dilectum; verum etiam pro dispositione necessarià ad Sacramentum. Nam vera poenitentia non distinguitur contra imperfectam poenitentiam, sed contra falsam. Si ad rationem vera poenitentiae requiritur motus in peccatum, ut est contra Deum super omnia dilectum, ut asserit Angelicus Sol, sequitur, falsam esse poenitentiam, cujus actus non detestatur peccatum, ut est contra Deum super omnia dilectum. Falsa autem poenitentia nequit esse conveniens ad Sacramentum dispositio.

LXIV. SECUNDUM PRINCIPIUM docet, dolorem requisitum ad Sacramentum Poenitentiae esse actum virtutis poenitentiae. Hoc tradit D. THOMAS q. 1. Supplementi, a. 2. dum Contritionem, quam in primo articulo dixerat esse partem poenitentiae, docet esse actum virtutis poenitentiae.

At profundius illud ipsum deducitur ex institutione Sacramenti Poenitentiae, quam explicat 3. p. q. 84. a. 7. ubi ad 2. docet Christum insignisse dolorem partem Sacramenti Poenitentiae, instituendo, quòd aliquis doleret de peccato cum proposito subiiciendi se per confessionem, & satisfactionem clavibus Ecclesiae sub spe consequendae veniae virtute Passionis Christi:

Observatione profundà dignum est, quòd propositum subiiciendi se per confessionem, & satisfactionem clavibus Ecclesiae nihil immutat de objecto, & motivo doloris. Quocirca poenitentia veteris legis, & poenitentia novae legis non habent distinguere ex objecto, & motivo doloris, sed ex parte remedii: quia remedium doloris quaerebat poenitentia veteris legis per confessionem quamdam in generali factam Ministris Dei, eo quòd nondum esset instituta potestas clavium, quae a Passione Christi derivatur. Post hanc verò institutionem, poenitentia novae legis remedium doloris quaerit per subjectionem ad claves Ecclesiae. Ita D. THOMAS loco citato.

Nec etiam Concilium Tridentinum distinxit poenitentiam veteris legis à poenitentia novae legis penes objectum, & motivum doloris. Nam sess. 14. cap. 4. de contritione, quam dixerat cap. 3. esse partem Sacramenti Poenitentiae, sic loquitur: *Contritio, quae primum locum inter dictos poenitentis actus habet, animi dolor, & detestatio est de peccato commissio cum proposito non peccandi de cetero*. Deindè subiungit: *Finit autem quovis tempore ad impetrandam veniam peccatorum* haec CONTRITIONIS MOTUS NECESSARIUS. Ubi eundem animi dolorem, quem partem Sacramenti pronuntiatur, apertè dicit fuisse quovis tempore necessarium ad impetrandam veniam peccatorum.

torum. Idem ergo dolor, qui quovis tempore fuit necessarius, fit secundum Concilium pars Sacramenti, dum conjungitur proposito subiiciendi se per confessionem, & satisfactionem clavibus Ecclesiae: addit enim: *& in homine post Baptismum lapsa ita demum preparat ad remissionem peccatorum, si cum fiducia divina misericordiae, & voto praestandi reliqua conjunctus sit, quae ad ritè suscipiendum hoc Sacramentum requiruntur.* Denique distinguens contritionem in perfectam, & imperfectam, hanc differentiam ponit, quod contritio perfecta à gratiâ, & charitate procedat, contritio verò imperfecta ex auxilio gratiâ, live, quod idem est, ex impulsu Spiritus Sancti, non quidem inhabitantis, licet contritio perfecta, sed tantum moventis. Quae differentia coïncidit cum differentiâ doloris procedentis ex amore Dei effectivo super omnia, à dolore procedente ex amore Dei affectivo super omnia. De qua cap. 2. §. ult.

Quemadmodum igitur consensus matrimonialis est elevatus ad rationem Sacramenti, non amittens propterea rationem contractus: ita actus virtutis poenitentiae, qui quovis tempore fuit necessarius ad impetrandam veniam peccatorum, est etiam elevatus ad hoc, ut sit pars Sacramenti Poenitentiae, nihil amittens de ratione virtutis poenitentiae. Vide §. praeced.

LXV. Ex duobus istis Angelici Solis principiis conclusionem inrentam evidenter deduco hoc syllogismo: Docet Angelicus Sol actum virtutis poenitentiae procedere ex casto Dei super omnia amore, ut patet ex primo principio: sed docet Angelicus Sol dolorem, qui est pars Sacramenti, esse actum virtutis poenitentiae, ut patet ex secundo principio: ergo docet Angelicus Sol dolorem, qui est pars Sacramenti poenitentiae, procedere ex casto Dei super omnia amore. Medium hujus syllogismi accepimus ab Eximio Domino ac Magistro nostro D. DE LA VERDURE Professore Regio, ac Ordinario Almae hujus Universitatis, qui nuper in Collegio publico dictavit necessitatem amoris Dei super omnia ad Poenitentiae Sacramentum, eamque supradictò medio comprobavit. Gloriam ergo ei post Deum reddimus, majoremque daremus, si ipse non prohibuisset. Propter praeceptum illius filemus, non propter calumniam ei, & mihi impactam à quodam Molinistâ, de quo Amicus Philalethis cap. ultimo, & quem in Tomo primo in aliis abundè refutavimus, sub titulo *Junioris Molinistae*. Sincerus veritatis amator eos, qui veritatem quaerunt, à grege non quaerentium veritatem secernit, talesque jure merito, & sine ullâ adulationis notâ EGREGIOS DOCTORES appellat, id est, extra gregem eorum, qui non sincero docent veritatis affectu. In quâ appellatione sine alicujus inanis gloriae vanitate gloriari quis potest, cum scriptum sit, *qui gloriatur, in Domino gloriatur*. Cum ergo Dominus sit veritas, & tales quaerat sui adoratores, qui cum in Spiritu, & veritate adorent: *qui in veritate gloriatur, in Domino gloriatur.*

§. VI. Ratio à priori desumitur ex eo, quòd voluntas peccandi non excluditur sine casto Dei super omnia amore.

EXVJ. **R**atio à priori nostræ secundæ Assertionis in hunc modum formatur : dolor excludens voluntatem peccandi debet procedere ex casto Dei super omnia amore : sed dolor necessarius ad gratiam per Sacramentum Pœnitentiæ obtinendam, est dolor excludens voluntatem peccandi juxta Concilium Tridentinum : ergo dolor necessarius ad gratiam per Sacramentum Pœnitentiæ obtinendam debet procedere ex casto Dei super omnia amore.

Planus est iste syllogismus, & optimus, de cuius Majore est solum difficultas, & quidem talis, ut super eam præsentis verratur cardo controversiæ, ut scitè admonuit P. Le Dent de Attritione, cap. 5. §. 3. in fine. Cujus hæc sunt verba : *quare cum in hoc puncto totus ferè verratur controversia cardo, nosque fateamur actum in Sacramento requisitum debere positivè excludere omne peccatum, toti in id incumbere debent Adversarii, ut efficaci quopiam argumento probent, non posse metum gehennæ positivè excludere omne peccatum, tunc enim vel nobis fatentibus rem consecerint.*

Rem ergo fatente P. Le Dent confecimus, dum cap. 1. §. 3. clarè demonstravimus metum gehennæ annexam habere posse voluntatem peccandi, & cap. 3. sine aliquo amore iustitiæ non excludi voluntatem peccandi. Nam si metus gehennæ possit annexam habere voluntatem peccandi, & ad hanc excludendam necessarius sit aliquis amor iustitiæ, efficaciter probatum manet voluntatem peccandi non posse excludi per solum timorem pœnæ, sive ut loquitur P. Le Dent cap. 5. num. 44. per actum, *injus motivum sit solus gehennæ metus.*

LXVIJ. Verùm, rem dictam plenius adhuc conficiemus, si ostenderimus voluntatem peccandi non excludi sine casto Dei super omnia amore. Ad hoc probandum accendimus lucernam Angelicam ex 3. p. q. 86. a. 2. Ubi sub his verbis, quasi sub modio later :

„ Respondeo dicendum, quòd impossibile est peccatum actuale mortale sine pœ-
 „ nitienciâ remitti, loquendo de pœnitentiâ secundum quòd est virtus. Cum enim
 „ peccatum sit Dei offensa, eo modo Deus peccatum remittit, quo remittit offen-
 „ sam in se commissam. Offensa autem directè opponitur gratiæ : ex hoc enim di-
 „ citur aliquis alteri esse offensus, quòd repellit eum à gratiâ suâ. Sicut autem ha-
 „ bitum est in secundâ parte, hoc interest inter gratiam Dei, & gratiam hominis,
 „ quòd gratia hominis non causat, sed præsupponit bonitatem veram, & apparen-
 „ tem in homine grato : sed gratia Dei causat bonitatem in homine grato, eo quòd
 „ bona voluntas Dei, quæ in homine grato intelligitur, est causa omnis boni crea-
 „ ti. Undè potest contingere, quòd homo remittat offensam, quâ offensus est alicui
 „ abs-

„absque aliquâ immutatione voluntatis ejus; NON AUTEM CONTINGERE POTEST,
 „QUOD DEUS REMITTAT OFFENSAM ALICUI ABSQUE IMMUTATIONE VO-
 „LUNTATIS EIUS.

„Offensa autem peccati mortalis procedit ex hoc, quod voluntas hominis est
 „aversa à Deo per conversionem ad aliquod bonum commutabile. Unde requi-
 „ritur ad remissionem divinæ offensæ, quod VOLUNTAS HOMINIS SIC
 „IMMUTETUR, UT CONVERTATUR AD DEUM CUM DETESTATIONE CON-
 „VERSIONIS PRÆDICTÆ, ET PROPOSITO EMENDÆ, QUOD PERTINET
 „AD RATIONEM PŒNITENTIÆ SECUNDUM QUOD EST VIRTUS. ET IDEO
 „IMPOSSIBILE EST, QUOD PECCATUM ALICUI REMITTATUR SINE PŒ-
 „NITENTIA SECUNDUM QUOD EST VIRTUS.

„Sacramentum Pœnitentiæ (sicut supra dictum est) perficitur per officium Sa-
 „cerdotis ligantis, & solventis, sine quo Deus potest peccata remittere, sicut re-
 „misit Christus mulieri adulteræ, ut legitur Joann. 8. & peccatrici, ut legitur
 „Luc. 7. Quibus tamen non remisit peccata sine virtute pœnitentiæ: nam sicut
 „Gregor. dicit in Homil. *per gratiam traxit intus*, scilicet ad pœnitentiam, *quam per*
 „*misericordiam suscepit foris.*

LXVII]. En lucidissima Solis Angelici doctrina, ex quâ statim apparet immu-
 tationem voluntatis, secundum quam homo convertitur ad Deum cum detestatio-
 ne conversionis ad bonum commutabile, pertinere ad rationem pœnitentiæ secun-
 dum quod est virtus; sed sine actu pœnitentiæ secundum quod est virtus non ex-
 cluditur voluntas peccandi: ergo sine prædictâ immutatione non excluditur vo-
 luntas peccandi. Prob. Min. voluntas peccandi tamdiu manet donec per actum vir-
 tutis pœnitentiæ retractetur; alioqui si sine actu virtutis pœnitentiæ posset suffi-
 cienter retractari voluntas peccandi, etiam sine actu virtutis pœnitentiæ posset fie-
 ri remissio peccati, quod dicit D. THOMAS esse impossibile: in hoc distinguens
 pœnitentiam secundum quod est virtus à pœnitentiâ secundum quod est Sacramen-
 tum: quæ certè distinctio non subsisteret, si sine actu virtutis pœnitentiæ posset per
 Sacramentum fieri remissio peccati. Nam sicut contingeret remitti peccatum per pœ-
 nitentiam, ut est virtus sine Sacramento, ita etiam contingeret, & quidem multò
 frequentius, remitti peccatum per Pœnitentiæ Sacramentum sine pœnitentiâ, ut est
 virtus.

Quod tamen expressè negat Sanctus Doctor in verbis citatis; & ibid. ad 1. di-
 cens: *adulto, in quo sunt actualia peccata, quæ consistunt in deordinatione actuali volun-*
tatis, non remittuntur peccata sine actuali immutatione voluntatis, quod fit per pœnitentiam.
 Quàm clarè docet Angelicus Sol actualem immutationem voluntatis, sine quâ in
 Baptismo non remittuntur peccata, esse actum virtutis pœnitentiæ: multò igitur
 magis actualis immutatio voluntatis, quæ requiritur in Sacramento Pœnitentiæ,
 erit actus virtutis pœnitentiæ.

Si autem immutatio voluntatis, quâ convertitur ad Deum cum detestatione con-
 versio-

versionis ad bonum commutabile, necessaria sit, ut excludatur voluntas peccandi; sequitur, quod amor Dei super omnia requiratur ad excludendum voluntatem peccandi, cum talis ad Deum conversio non sit nisi amor Dei super omnia.

* In isto Angelici Solis testimonio ponderanda sunt ista verba: *Offensa autem peccati mortalis procedit ex hoc, quod voluntas hominis est aversa à Deo per conversionem ad aliquod bonum commutabile.* Qui ergo dolet de aversione à Deo, & conversione ad bonum commutabile, dolet de peccato in quantum est offensio Dei. Atqui in amore concupiscentiæ, quo concupiscimus Deum ut ultimum finem nostrum, & summum nostrum bonum, dolor inde exurgens est de aversione à Deo, ut ultimo fine, & conversione ad bonum commutabile, sicut ad ultimum finem: ergo dolor ex dicto amore concupiscentiæ exurgens, est dolor de peccato, ut est offensio Dei.

Quod certe nullus negabit, si consideret esse magnam in Deo perfectionem, quod sit ultimus finis, & summum bonum nostrum, & ideò multum offenditur, dum in aliquo alio à se distincto quærimus finem, & bonum nostrum *

LXIX. Confirmatur 1. *Offensa directè opponitur gratiæ: ex hoc enim dicitur aliquis alteri offensus, quod repellat eum à gratiâ suâ:* ait D. THOMAS suprâ. Ergo nili quis detestetur peccatum secundum quod repellit à gratiâ Dei, non detestatur illud sub ratione offensæ, & sic semper manet affectus ad peccatum sub ratione offensæ, quamvis sub aliâ ratione possit ei displicere. Nullus autem potest detestari peccatum secundum quod repellit à gratiâ Dei, nili plus ei placeat Deus, quam quodcumque aliud bonum temporale; quod est Deum amare super omnia.

Confirmatur 2. *Offensa peccati mortalis procedit ex hoc, quod voluntas hominis est aversa à Deo per conversionem ad aliquod bonum commutabile,* inquit D. THOMAS suprâ: sive, quod idem est, ex hoc, quod plus amet creaturam, quam Creatorem, ut idem S. Doctor ait q. 28. de veritate, a. 2. his verbis: *Quicumque in re temporali finem sibi constituit, quod facit omnis mortaliter peccans, ex hoc ipso quantum ad affectum suum præponit creaturam Creatori, diligens plus creaturam, quam Creatorem; finis enim est, quod maxime diligitur.* Ergo quamdiu voluntas non plus amat Creatorem, quam creaturam, tamdiu manet affecta ad peccatum, sive cum voluntate peccandi. Prob. Consequentia. Tamdiu voluntas reputatur manere affecta ad peccatum, sive cum voluntate peccandi, quamdiu peccatum non retractatur; sed si voluntas non plus amet Creatorem, quam creaturam non retractat suum peccatum: non enim retractatur peccatum nisi per actum contrarium, ut docet S. AUGUSTINUS num. 40. relatus. Dilectioni, quâ creatura præponitur Creatori, sola dilectio, quâ Creator præponitur creaturæ est contraria: ergo si voluntas non plus amet Creatorem, quam creaturam, semper remanebit affecta ad peccatum, sive cum voluntate peccandi.

CAPUT QUINTUM.

*Solvuntur argumenta in contrarium,
confutatione Patris Le
Dent.*

LXX. **A**rgumenta, quibus doloris servilis probatur sufficientia, maximè petuntur ex Concilio Tridentino sessione 14. ubi dicitur : *illam verò contritionem imperfectam, quæ ATTRITIO DICITUR, QUONIAM vel ex turpitudinis peccati consideratione, vel ex GEHENNÆ, ET POENARUM METU COMMUNITER CONCIPIATUR, si voluntatem peccandi excludat cum spe veniæ, declarat non solum non facere hominem hypocritam, & magis peccatorem; verum etiam donum Dei esse, & SPIRITUS SANCTI IMPULSUM, NON ADHUC QUIDEM INHABITANTIS, SED TANTUM MOVENTIS. quo penitens adjutus viam sibi ad justiciam parat. Et QUAMVIS SINE SACRAMENTO POENITENTIÆ PER SE AD IUSTIFICATIONEM PERDUCERE PECCATOREM NEQUEAT, TAMEN EUM AD DEI GRATIAM IN SACRAMENTO POENITENTIÆ IMPETRANDAM DISPONIT.*

Duo argumentorum genera ex hoc Concilii testimonio formari possunt : unum contra primam nostram Assertionem, aliud contra secundam. Quæ, confutando P. Le Dent, in lumine utriusque Solis clarissimè solvemus.

§. I. *Confutatur Assertio P. Le Dent.*

Argumentum contra 1. conclusionem ex verbis Concilii Tridentini relatis probat sufficientiam doloris servilis, potestque sic efformari. Dolor excludens voluntatem peccandi est sufficiens dispositio ad gratiam in Sacramento Poenitentiz impetrandam ; sed dolor ex solo motivo gehennæ conceptus est dolor excludens voluntatem peccandi ; ergo dolor ex solo motivo gehennæ conceptus est sufficiens dispositio ad gratiam in Sacramento Poenitentiz impetrandam.

dam. Tota difficultas est circa Minorem, quia Majorem admittimus cum Adversariis.

LXXJ. R. P. Le Dent de Familiâ Societatis edidit de Attritione Opusculum, in quo capite 5. numero 44. arbitratur actum, *cujus motuum sit solus gehennæ metus*, posse positivè excludere voluntatem peccandi. Utque hoc evincat, ponit numero 55. istam assertionem pro indubitato principio: *Dari potest desiderium beatitudinis sit efficax, ut excludat positivè omnem voluntatem peccandi*. Et addit: *Id tanquam indubitatum supponunt passim omnes, adeò ut supervacaneum videri possit id probare*.

Minimè dubitamus desiderium vitæ æternæ, si vita æterna ametur super omnia, ita esse efficax, ut positivè excludat omnem voluntatem peccandi. Nihil tamen ad mentem Patris Le Dent potest indè deduci, qui in æquivoco videtur laborare. Nam per vitam æternam intelligit, vel fruitionem boni increati, sive æternum de Deo gaudium? vel fruitionem boni creati, sive æternum de creaturâ gaudium? Abstrahimus modò ab illâ difficultate de essentiâ beatitudinis; æ possessionem boni increati, sive fiat per visionem, sive per amorem, vocamus fruitionem, & gaudium; eo quòd sub illâ ratione, quâ terminant nostrum amorem, & desiderium, non ponunt in numero visio Dei, & gaudium de Deo, qui enim desiderat videre Deum, desiderat & gaudere de Deo. Undè tota nostra distinctio ponitur inter bonum increatum, & creatum, Deum, & creaturam: ita ut qui desiderat vitam æternam, vel desiderat frui Deo, vel desiderat frui creaturâ; vel desiderat adhærere Deo, vel desiderat adhærere alicui creaturæ.

LXXIJ. Si desiderium vitæ æternæ sumat P. Le Dent pro desiderio adhærendi, & fruendi Deo in æternum, spiritualiter intelligit; sed nihil concludit; siquidem timor ex desiderio adhærendi Deo conceptus, non potest non esse carus, cum sit timor, quo amatur justitia, & non quo timetur poena; cum sit timor amittendi bonum increatum, non timor patiendi malum; cum sit timor, quo timetur turpe, non quo timetur triste; cum sit timor termini à quo refugit separari, non timor cruciantis, cum quo refugit conjungi; cum sit timor absentiz, non timor presentiz; cum denique sit timor, ne perdat amplexus pulcherrimi sponsi, non timor ne mittatur in gehennam. Vide caput 2. paragrapho 3. & 4. ubi has omnes antitheses in suis fontibus conspicies.

Non videtur prædictus Pater sufficienter distinxisse cum aliis Junioribus, inter ista duo actionum humanarum principia, TIMOR MALI, & AMOR BONI. *Amor bo-*

ne contraponitur *timori mali*; & ideo possibile non est, quòd *timor mali*, secundum quem dicitur aliquis serviliter operari, oriatur ex *amore boni* secundum quem aliquis dicitur castè, & liberè operari. Timor gehennæ servilis, est *timor mali*; & amor vitæ æternæ, sive amor adhærendi Deo, est *amor boni*. Est ergo impossibile, ut qui fugit peccatum ex solo timore gehennæ, fugiat illud ex amore vitæ æternæ, sive ex amore adhærendi Deo.

LXXII]. Si desiderium vitæ æternæ sumat P. Le Dent pro desiderio fruendi aliquo bono creato in æternum, carnaliter intelligit, carnalem habens fidem, carnalem spem, carnalem charitatem, ait Sanctus AUGUSTINUS sermone 44. de diversis; capite 3. his verbis: *Sive ergo carnaliter vivens, & salibus gaudens in hoc tempore, & talia de illo sperans, qualia habent & mali, & totam felicitatem suam in ipsâ ponens, de quâ gaudens & iniqui: aut certe CONTEMNENS ISTAM PRÆSENTEM, ET TALEM SPERANS IN FUTURO, carnalis est, carnalem fidem habens, carnalem spem, carnalem charitatem.*

Quare, qui amat corporalem vitam, & solum considerans illius æternitatem desiderat sic in æternum vivere, carnalis sine dubio est; sicut è contrà spiritualis est, qui amat iustitiam, & desiderat in æternum iustè vivere. Quidquid facit, ut in æternum iustè vivat, & mercedem iustitiæ accipiat, non mercenariè operatur, sed castè; & quidquid fugit, ne amittat vitæ iustæ æternitatem, ex casto timore fugit. Sicut è contrà, qui propter hujus vitæ corporalis delectationes, quas sperat in æternum, operatur, mercenariè operatur, & quidquid timore aliquid hujusmodi amittendi fugit, serviliter fugit. Cujus ratio est, quòd æternitas superaddita objecto nihil immutat de motivo amandi: verbigratiâ, qui in vino delectatur, & vellet in æternum sic delectari, non mutat amorem. Deus autem promittens nobis æterna, intendit immutare nostrum amorem, & ab uno objecto in aliud transferre, nempe à terrenis ad cœlestia, à corporalibus ad spiritualia, & à creatis ad increata, à gaudio de creaturâ ad gaudium de Creatore.

LXXIV. Qui ergo colit Deum ut accipiat cœlestia, & æternum de Deo gaudium, gratis amat, non mercenariè, & timor amittendi cœlestia, æternumque de Deo gaudium, est timor castus, non servilis. Qui verò colit Deum ut accipiat æternum de creaturis gaudium, mercenarius est, & serviliter operatur, dum ex timore amittendi terrena, aut quodvis de creaturis gaudium, peccatum fugit. Hanc rationem tangit Sanctus AUGUSTINUS in Psalmum 43. ubi eam sic prosequitur.

„ Exi-

„ Exigitur ergo à te, ut & tu gratis eum colas : non quia dat temporalia,
 „ sed quia præstat æterna. Sed IPSA ÆTERNA VIDE, NE ALITER COGITES:
 „ ET COGITANDO ÆTERNA CARNALITER, NIHIL OMNINO GRATIS NON
 „ COLAS. Quid enim ? Si ideo colis Deum, quia dat tibi fundum, non eum cul-
 „ turus es, quia tollit tibi fundum ? Sed fortè tu dicis. ideo eum colam, quia
 „ dabit mihi villam, non tamen temporalem. Nihilominus adhuc corruptam men-
 „ tem geris: amore enim casto non colis, adhuc mercedem expetis. EA ENIM
 „ VIS HABERE IN FUTURO SÆCULO, QUÆ HIC NECESSARIE EST RELINQUAS:
 „ MUTARE VIS VOLUNTATEM CARNALEM, NON AMPUTARE.

„ Non laudatur in illo jejunium, qui ad luxuriosam cœnam servat ventrem
 „ suum. Invitantur enim aliquando homines ad cœnam magnam : & cùm ad eam
 „ volunt avidi venire, jejunant. Nunquid hoc jejunium continentiae, & non po-
 „ tius luxuriae deputandum est ? Noli ergo talia sperare à Deo, qualia hic jubet
 „ contemnere. Hæc enim sperabant Judæi, ideo turbabantur in illâ questione.
 „ Nam & ipsi resurrectionem sperant, sed ad tales voluptates corporis se sperant
 „ resurrecturos, quales hic amant viventes..... NOBIS RESURRECTIO TA-
 „ LIS PROMITTITUR, NON QUÆ REPERTANTUR ADHUSMODI VOLUPTATES,
 „ SED QUÆ ÆTERNA DE IPSO DEO GAUDIA COMPARENTUR.

LXXXV. Concludamus igitur cum Sancto AUGUSTINO, quòd aliud sit ti-
 mere pœnam, aliud amare vitam æternam, aliud sit desiderium præmii, aliud
 formido supplicii. Qui bonum facit ex amore vitæ æternæ, & desiderio præmii,
 bonum facit propter bonum; qui ex timore pœnæ, & formidine supplicii, bo-
 num facit propter malum. Qui detestatur peccatum ex desiderio præmii, ma-
 lum detestatur propter bonum; qui detestatur peccatum ex formidine supplicii,
 unum malum detestatur propter aliud malum, & non propter propriam mali-
 tiam. Ut autem dolor, & detestatio excludat omnem voluntatem peccandi, de-
 bet peccatum displicere propter propriam culpæ malitiam, & non solum propter
 alienam pœnæ malitiam. Quæ diversâ displicentiae motiva non possunt non fun-
 dari in diversis amoribus; quorum unus sit amor justitiæ, amor Dei, amor
 æternorum; alter sit amor consistentiæ, & *benè esse* sui subiecti, amor creaturæ,
 amor temporalium; his amoribus ædificatur civitas Babylonis; illis civitas Hieru-
 salem, quæ desursum est.

Ad hæc non satis attendens P. Le Dent nescit quòd se vertere, ut lucidissima
 S. AUGUSTINI testimonia non sibi adversari demonstret. Novem, aut decem sen-
 sus sibi fingit, & imaginatur, ubi unus omnium intellectus, in uno eodemque
 principio radicitur. Quid mirum ! deficit in principio.

§. II. Confutatur primum argumentum Patris Le Dent.

Tribus argumentis probat idem Pater, quod possit metus, seu fuga gehennæ dari ita efficax, ut, dum adest, excludat omne peccatum actuale.

LXXVJ. PRIMUM ARGUMENTUM proponit his verbis: *Dum Tridentinum sessione 13. capite 4. dicit: illam verò attritionem, quoniam ex gehennæ metu concipitur, si voluntatem peccandi excludat, &c. aperte supponit dari posse, quæ excludat voluntatem peccandi; aliàs enim attritionem chimericam nobis obruderet. Et sessione 6. canone 8. Gehennæ metum, per quem à peccando abstinemus. Hic autem agit de metu exclusâ charitate, cum sit idem ille, quem eâdem sessione, capite 6. ponit tanquam sternentem viam ad ipsam, & amorem.*

RESPONDETUR, Concilium distinguere ibi duas attritiones, eo ipso quod addiderit, *si voluntatem peccandi excludat*, unam, quæ ex solo gehennæ metu concipitur; aliam, quæ simul ex amore *affectivo* Dei super omnia, & metu gehennæ imperatur, quæ est contritio imperfecta. Hæc secunda, & non prima, excludit voluntatem peccandi, & oritur à timore initiali, prima verò procedit ex timore servili. Unde legitimus Concilii Tridentini sensus est, *illam verò contritionem imperfectam, quæ attritio dicitur, quoniam vel ex turpitudinis peccati consideratione, vel ex gehenna, & poenarum metu communiter concipitur, si etiam ex amore affectivo Dei, ut fontis omnis iustitiæ oriatur, declarat non solum non facere hominem hypocritam, &c. Sed Spiritûs Sancti impulsu esse, non adhuc quidem per gratiam habituales inhabitantis, sed per auxilium gratiæ tantum moventis.* Vide numerum 60. Ubi ex istis Concilii Tridentini verbis probavimus necessitatem casti amoris Dei super omnia.

LXXVIJ. Quâ autem ratione dolor possit simul imperari ex metu gehennæ, & ex amore Dei *affectivo*, optime id explicat Magister noster Angelicus Sol 3. distinct. 34. quæstione 2. articulo 3. quæstiunculâ 2. Ubi inquirens distinctionem timoris initialis à timore casto sic resolvit: „Dicendum, quod in „quolibet dictorum timorum est considerare duos actus; unum principalem, „quem timor elicit, scilicet refugere hoc malum, vel illud. Alius est secundarius, „quem timor imperat, scilicet facere, aut dimittere hoc, vel illud propter fugam „illius mali, cujus est timor. Timor ergo initialis quantum ad primum actum „non

non differt à timore casto, quia timere pœnas æternas non est actus timoris initialis, sed compatitur secum istum actum, sicut & castus: sed actus timoris initialis est timere separationem, sicut & casti, quamvis non ita perfectè. Sed in secundo actu differt castus timor, & initialis, INITIALIS NON SOLÙ IMPERAT ACTUM ALIQUEM, VEL DIMISSIONEM PROPTER SEPARATIONEM, SED ETIAM PROPTER POENAM: QUOD NON CONTINGIT IN TIMORE CASTO, QUI AD SOLAM SEPARATIONEM OCULUM HABET. Actus autem imperati per accidens comparantur ad habitus imperantes: & ideo timor initialis, & castus sunt idem in substantiâ habitus.

Hæc Doctor Communis, qui eandem differentiam quoad actum imperatum brevis tangit 2. 2. quæstione 19. articulo 8. ad 2. his verbis: *Dicendum, quod timor initialis non timet pœnam sicut proprium objectum, sed in quantum habet aliquid de timore servili adjunctum, qui secundum substantiam manet cum charitate, servilitate remota, sed actus ejus manet quidem cum charitate imperfectâ in eo, qui non solùm movetur ad agendum ex amore iustitiæ, sed etiam ex timore poenæ: sed iste actus cessat in eo, qui habet charitatem perfectam, quæ foras mittit timorem habentem pœnam, ut dicitur Ioan: 4.*

Quibus verbis aperte docetur, aliquem actum fieri simul ex metu gehennæ, & amore iustitiæ, & quod talis actus pertineat ad charitatem imperfectam. Talem dicimus esse doctorem, qui secundum Concilium Tridentinum excludit voluntatem peccandi, & pertinet ad charitatem, non ut charitas nominat habitum, sed ut dicit actum. Quivis enim amor Dei beatificantis charitas nominatur, juxta phrasim AUGUSTINI, imò & quivis amor iustitiæ.

§. III. Instantia cujusdam Junioris:

LXXVIIJ. INSTABIS pro P. Le Dent. De illâ attritione loquitur Concilium Tridentinum, de quâ statim ibidem ait, non facere hominem hypocritam, sicut docuerat Lutherus, sed attritio, quam docuerat Lutherus facere hominem hypocritam, non est illa, quæ procedit ex amore Dei *affectiva*, sive ex charitate imperfectâ: sed ea quæ ex solo metu pœnarum oritur.

RESPONDETUR distinguendo Majorem, de illâ attritione loquitur Concilium Tridentinum, de quâ ait non facere hominem hypocritam, & quæ concurrit ad justifi-

justificationem, conceditur; & quæ non concurrit ad justificationem, negatur. Eodem modo distinguitur Minor, attritio, quam docuit Lutherus facere hominem hypocritam, nec concurrit ad justificationem, non procedit ex amore Dei *affectivo*, conceditur. Attritio, quam docuit Lutherus facere hominem hypocritam, quæ tamen concurrit ad justificationem, non procedit ex amore Dei *affectivo*, negatur.

Explicatur solutio. Concilium Tridentinum in his verbis duos Lutheri proscribit errores. Unus error Lutheri fuit, quòd metus gehennæ esset malus, & quòd operari ex metu gehennæ faceret hominem hypocritam. Alter error Lutheri fuit, quòd metus gehennæ non concurreret ad veram pœnitentiam, sed ex solo amore fieret contritio, & pœnitentia; ut videre est apud Eckium, qui libro 1. de pœnitentiâ, capite 2. & sequentibus per multa argumenta ostendit contra Lutherum, pœnitentiam timore etiam, & non solo amore concipi.

LXXIX. Hos duos errores proscribit Concilium Tridentinum, quos non distinguunt Adversarii. Primum errorem damnat Concilium, dum ait, metum gehennæ, & dolorem indè conceptum *non facere hominem hypocritam, sed donum Dei esse, & impulsus Spiritûs Sancti, non quidem inhabitantis, sed moventis*. Istis omnibus damnatur primus error; & si alium non adjunxisset Lutherus errorem, nihil fuisset opus addere. Sed cùm Lutherus addiderit, quòd metus gehennæ non concurreret ad veram pœnitentiam, docueritque justificationem etiam in Sacramento fieri ex solo amore; addidit etiam Concilium, quòd si metus gehennæ voluntatem peccandi excluderet, id est, si etiam ex amore Dei *affectivo* super omnia procederet; *quamvis sine Sacramento Pœnitentiæ per se ad justificationem perducere peccatorem nequeat, tamen eum ad Dei gratiam in Sacramento Pœnitentiæ impetrandam disponit*.

Observandum igitur est, quòd ista conditio, *si voluntatem peccandi excludat*, non est necessaria, ut metus, & dolor indè conceptus non faciat hominem hypocritam, & magis peccatorem; nec ista conditio requiritur, ut metus gehennæ sit donum Dei, & impulsus Spiritûs Sancti tantum moventis. Nam etiam si metus gehennæ annexam sibi haberet voluntatem peccandi, adhuc non faceret hominem hypocritam, & magis peccatorem; nec desineret esse Dei donum, & Sancti Spiritûs impulsus, ut ostendimus capite 1. paragrapho 4. Verùm prædicta conditio, *si voluntatem peccandi excludat*, necessaria omnino est ad *veram pœnitentiam*, quæ vera esse nequit cum aliquâ voluntate peccandi; & cùm solus ille metus gehennæ voluntatem peccandi excludat, qui adjunctum sibi habet amorem Dei, vel iusti-

justitiæ *affektivum* super omnia; oportet, ut dolor ex metu gehennæ conceptus concipiatur etiam ex amore Dei, vel justitiæ *affectivo* super omnia, ad hoc, quod excludat voluntatem peccandi & consequenter ad hoc, quod ad Dei gratiam in Sacramento Pœnitentiæ impetrandam disponat.

LXXX. Ad aliud Concilii Tridentini testimonium ex sessione 6. canone 8. ubi dicitur: *gehenna metum, per quem à peccando abstinemus*. RESPONDETUR verissimum esse, quod per metum gehennæ à peccando abstinemus, quia impedit voluntatem consequenter peccandi, nec est causa voluntatis antecedentis, cui conjungitur. Insuper impellit ad faciendum opera bona cum, qui faciebat mala, quamvis ex malitiâ voluntatis ipsa opera bona *non bene* fiant; peccator enim timore Dei percussus impellitur, verbi gratiâ, ad dandam eleemosynam *non bene*, sed ex malitiâ voluntatis non amantis justitiam dat eleemosynam *non bene*, non sicut oportet, id est, non ex amore justitiæ. Vide caput primum, paragrapho quar-
to.

§. IV. Confutatur secundum Argumentum P.

Le Dent.

LXXXI. SECUNDUM ARGUMENTUM. Possum aliquid malum sic averfari, ut stan-
te illo actu impossibile sit me ponere id, quo malum illud incurram: ergo pos-
sum sic averfari gehennam, ut impossibile sit me simul admittere mortale, per quod scio
gehennam incurri. Amecedens per se patet, quis enim dubitet, quin ex timore patibuli
possum futurum sic desolari, ut non possum simul velle furari, per quod sciam patibuli reus:
ita P. Le Dent. num. 40.

RESPONDETUR, hoc argumentum nimidium probare; & consequenter nihil
Probat enim ex solo motivo gehennæ posse aliquem amare Deum super om-
nia: sic enim arguitur Possum aliquid malum sic averfari, ut stante illo actu impos-
sibile sit me ponere id, quo malum illud incurram: ergo possum sic averfari gehennam, ut im-
possibile sit me simul admittere amorem Dei super omnia, per cuius omissionem scio gehennam
incurri. Si ex argumento P. Le Dent sequatur motivum solius gehennæ
excludere voluntatem peccandi; similiter ex argumento nostro sequetur moti-
vum solius gehennæ inducere amorem Dei super omnia; quia sicut cum efficaciam
aversionis gehennæ non staret, quod poneretur actus, per quem incurritur ge-
henna; ita cum eadem efficaciam aversionis non staret, quod poneretur appetitus ali-

qua,

qua,

qua, per quam incurritur gehenna. Quare eodem modo, quo ex motivo gehennæ poterit induci amor Dei super omnia, eodem etiam modo poterit excludi voluntas peccandi. Impossibile est amare Deum sine motivo amoris: impossibile est etiam ut peccatum propter se displiceat sine amore iustitiæ: siquidem iustitia amata est motivum displicentiæ peccati propter se. Ergo sicut motivo gehennæ debet addi motivum amoris, ut ametur Deus super omnia: ita motivo gehennæ debet addi motivum amoris iustitiæ, ut displiceat peccatum propter se, & consequenter, ut excludatur omnis voluntas peccandi, quæ tamdiu remanet, quamdiu peccatum secundum se placet.

LXXXIJ. Ad formam igitur argumenti RESPONDETUR distinguendo. Ant. Possum aliquid malum sic averfari, ut stante illo actu impossibile sit me ponere id, quo malum incurram; Si ad non ponendum id, quo malum incurram, requiratur amor Dei, negatur. Si ad ponendum id, quo malum incurram, non requiratur amor boni, conceditur. Deinde, distinguitur consequens: ergo possum sic averfari gehennam, ut impossibile sit me simul admittere mortale, per quod scio gehennam incurri: si ad non admittendum mortale, requiratur amor iustitiæ, sive Dei super omnia, negatur. Si non requiratur, conceditur.

Solutio est evidens. Quando ad vitandum malum requiritur amor boni, certissimum est, quod sola averfio, & fuga mali non possit efficaciter inducere vitationem mali, nisi in quantum potest causare amorem boni. Cum ergo satis probatum sit sine amore Dei super omnia non posse excludi omne peccatum actuale mortale, sequitur, quod averfio gehennæ non possit excludere voluntatem peccandi, nisi in quantum poterit inducere ad amandum Deum super omnia.

INSTAT P. Le Dent. Iuxta adversarios timor gehennæ cohibet à peccatū externis, & ab interno, à quo illa efficaciter imperarentur, sive, quod apud nos idem est, à voluntate consequente. Atque timor gehennæ positive hæc actiones excludit ergo etiam potest excludere quodvis peccatum internum, quod æquè constituit reum gehennæ, sive apud nos voluntatem antecedentem peccandi. Cum enim voluntas non sit minus dominatusui, quam suorum morum, qui in membris sunt, si possit ex metu gehennæ admoveere, vel subducere manum, prout judicatur condere ad vitandam gehennam, cur non poteris ejusdem mali meum affectum internum excitare, vel comprimere, quando hoc cognoscitur æquè necessarium ad vitandum idem malum? Cur non poteris id plenè sibi imperare?

LXXXIJJ. RESPONDETUR instantiam hanc jam esse abundè solutam capite primo, paragrapho ultimo. Ubi dedimus disparitatem inter voluntatem antecedentem pec-

peccandi, & voluntatem consequentem, quod nimirum ista excludatur ex dis-
 plicentiâ cujuscvis circumstantiæ occurrentis, etiam si secundum rationem propriam,
 vel aliquas alias circumstantias objectum aliqualiter placeret: voluntas verò ante-
 cedens non excluditur, nisi objectum secundum propriam rationem displiceat.
 Unde quamdiu objectum secundum propriam rationem placet, tamdiu manet
 voluntas antecedens. Motivum autem gehennæ non facit displicere peccatum se-
 cundum propriam rationem, sed propter aliud, siquidem impossibile est, quod
 peccatum propter se displiceat, si voluntas non moveatur à motivo amoris justi-
 tiæ. Si igitur listatur in motivo gehennæ, & non accedat motivum amoris justi-
 tiæ, impossibile est excludi voluntatem antecedentem peccandi.

Ratio istius doctrinæ redditur à Sancto AUGUSTINO, dum loco numero 40.
 citato sit: *desiderium peccandi non extinguitur, nisi contrario desiderio rectè faciendi*. Si-
 militer & à Sancto THOMA docente, quod in adultis requiritur immutatio actus
 voluntatis ad justificationem, sunt enim per actum voluntatis ad aliquid inordinatè con-
 versi. Quæ quidem conversio immutari non potest, nisi per actum contrarium voluntatis.
 Vide numerum 44. Ex hac doctrinâ utriusque Solis concluditur, quod quem-
 admodum illud solum potest expellere frigus, quod potest inducere calorem, quia
 frigus non nisi calore expellitur; ita illud solum potest excludere voluntatem pec-
 candi, sive antecedentem, sive consequentem, quod potest inducere contrariam
 voluntatem. Voluntas autem contraria voluntati consequenti peccandi est displicentia
 efficax cujuscvis minimæ circumstantiæ necessariò conjunctæ actui peccati posito à
 parte rei. Voluntas verò contraria voluntati antecedenti peccandi est simplex dis-
 plicentia peccati ex amore justitiæ. Cum ergo motivum gehennæ, listendo in tali
 motivo, possit inducere displicentiam efficacem alicujus circumstantiæ necessariò
 conjunctæ actui peccati posito à parte rei, qualis est ordo ad gehennam; ex
 solo motivo gehennæ poterit excludi voluntas consequens peccandi. E contrâ, cum
 motivum gehennæ, listendo in tali motivo, non possit inducere simplicem dis-
 plicentiam peccati ex amore justitiæ, ex solo motivo gehennæ non poterit ex-
 cludi voluntas antecedens peccandi.

§. V. Confutatur tertium argumentum P. Le Dent.

LXXXIV. **T**ERTIUM ARGUMENTUM. *Prob. 3. ex Patribus, qui generaliter asserunt timorem cohibere homines à peccatis.* Ita P. Le Dent numero 62. qui ad hoc adducit diversa Sancti AUGUSTINI testimonia, & aliorum Patrum, ex quibus primum, quod ex Sancto AUGUSTINO adducit, solummodò referimus, quia eo soluto solvuntur & alia.

Sanctus AUGUSTINUS in Psalmo. 127. Alius non in hac terrâ pati timet, sed gehennam timet; unde terris etiam Dominus, ubi vermis eorum non morietur, & ignis eorum non exstinguetur. Audiunt hæc homines, & quia verè futura sunt impiis, timeant, & continent se à peccato. Habent timorem, & PER TIMOREM CONTINENT SE A PECCATO. Timeant quidem, sed non amant iustitiam. Cùm autem PER TIMOREM CONTINENT SE A PECCATO, sic consuetudo iustitiæ.

RESPONDETUR Timorem cohibere homines à peccatis, dum continet homines ne voluntati antecedenti peccandi, cuius ipse timor non est causa, superaddant voluntatem consequentem. An non verò cohibet hominem ab homicidio, qui volentem facere homicidium impedit ne faciat? Quantò magis iste cohibebit hominem ab homicidio, qui volentem inefficaciter impedit ne efficaciter velit. Quam solutionem non adinvenimus, sed accepimus ab Ecclesiæ Sole Sancto AUGUSTINO, qui eam tradit Epist. 144. dicens: *Beata corporis, nisi non à voluntate peccandi, tamen revocat ab opere peccati.* Et sermone 18. de verbis Apostoli, capite 8. *Timor enim iste, quo gehennam times, & idcirco mala non facis, CONTINET TE, ET SIC VOLENTEM PECCARE ANIMUM INTERIOREM NON SINIT. Est enim quidam custos timor, quasi pædagogus legi. Littera est minans, nondum græta juvenis.*

LXXXV. Imò, si P. Le Dent fideliter retulisset clarum Sancti AUGUSTINI testimonium, quod pro se adducit, solutionem hanc simul adduxisset. Nam post verba relata subdit Sanctus AUGUSTINUS: *& incipit, quod durum erat, amari, dulcescis Deum, & IAM INCIPIT HOMO IUSTE VIVERE, PROPTEREA NON QUIA TIMET POENAS, SED QUIA AMAT ÆTERNITATEM.* Quibus verbis clarè dicitur, quòd per solum timorem poenæ incipiat homo iuste vivere: dum ergo antè dixit Sanctus AUGUSTINUS, quòd per timorem ho-

minet

hines contineant se à peccato, non intellexit de continentia excludente omnem voluntatem peccandi, cum omnis voluntas peccandi non possit excludi, nisi incipiat homo iuste vivere.

Incipit autem homo iuste vivere, non quando timer poenas, sed quando dulcescit ei Deus, & amat æternitatem. Unde & in alio loco (lib. 2. ad Bonifacium, capite 9.) ait: *Tunc bonum concupisci incipit, quando dulcescere coeperit: quando autem timore poena, non amore iustitia sit bonum, nondum bene sit bonum, nec sit in corde, quod fieri videtur in opere, quando malles homo non facere, si posset impune.*

LXXXVJ. Et sermone 19. de verbis Apostoli, capite 9. *Si timore gehennæ non facis malum, nondum amore iustitiæ facis bonum.* Quod testimonium referens P. Le Dent dicit numero 70. Sanctum AUGUSTINUM per amorem iustitiæ intelligere desiderium vitæ æternæ. In quo prædictus Pater sibi contradicere videtur, dum vult voluntatem peccandi excludi, & bonum bene fieri per actum; cuius motuum sit solus metus gehennæ. Nam si existimat desiderium vitæ æternæ esse amorem iustitiæ, de quo loquitur ibi Sanctus AUGUSTINUS, oportet ut desiderium vitæ æternæ distinguat à timore gehennæ eo modo, quo distinguit ibi Sanctus AUGUSTINUS amorem iustitiæ à timore gehennæ. Atqui Sanctus AUGUSTINUS ita distinguit amorem iustitiæ à timore gehennæ, ut amorem iustitiæ dicat esse amorem castum, timorem vero gehennæ sibi annexam habere malitiam; ergo oportet ut P. Le Dent existimet desiderium vitæ æternæ esse amorem castum, & timorem gehennæ sibi annexam habere malitiam; ac proinde sibi contradicit, dum vult voluntatem peccandi excludi per actum; cuius motuum sit solus gehennæ metus.

Quod Sanctus AUGUSTINUS ibi doceat timorem gehennæ sibi annexam habere malitiam, patet ex verbis immediate antecedentibus: *andæ dicere, si timore gehennæ non facis malum, est quidem in de fides, quia credis futurum Dei esse iudicium & gaudio sibi ita, sed adhuc TIMORE MALITIÆ TUÆ. Quid est quod dixi? quia si timore gehennæ non facis malum, NONDUM AMORE IUSTITIÆ FACIS BONUM.* Quali diceret, ex hoc timeo malitiam tuam, quod nondum amore iustitiæ facis bonum. Quod etiam doceat amorem iustitiæ esse amorem castum, patet ex verbis immediate subsequens: *Aliud est timere poenam; aliud est amare iustitiam.* AMOR CASTUS IN TE ESSE DEBET, quo amore desideres videre non cælum, & terram; &c. Sed DESIDERA VIDERE DEUM TUUM; AMARE DEUM TUUM.

LXXXVII. Hinc patet prædictum Patrem per ista verba, *Nondum amore iustitiæ facis bonum*, idem sentire, ac si dixisset Sanctus AUGUSTINUS, nondum de-

desiderio videndi, & amandi Deum tuum facis bonum. Si desiderium videndi, & amandi Deum requiritur, ut quis faciat bonum, quâ ratione sustinebit P. Le Dent actum, *cujus motivum sit solus metus gehenna*, excludere voluntatem peccandi? Vide caput 2. §. 3. & 4. Ubi efficaciter probavimus amorem vitæ æternæ, & amorem Dei non ponere in numero apud Sanctum Augustinum, in ordine ad amorem castum, & timorem castum: Et in Appendice ostendimus idem esse utriusque amoris motivum.

Nec videtur nodum difficultatis præsentis attigisse, dum ad idem reducit, *dolere de peccato propter timorem pænæ*, & *dolere de peccato propter desiderium vite æternæ*, si è (quod idem est apud ipsum, & apud nos) propter desiderium videndi, & amandi Deum. Nam perinè est, ac si ad idem reduceret, *dolere de peccato propter aliud*, & *dolere de peccato propter se*: si è dolorem servilem, & dolorem castum. Qui dolet de peccato propter timorem pænæ, dolet de peccato propter aliud. Qui verò dolet de peccato propter desiderium adherendi Deo per visionem, & amorem, dolet de peccato propter se. Dolere autem de peccato propter se, non fit sine motivo amoris, & charitatis juxta Anglicum Solem, qui 3. parte, quaestione 85. articulo 5. enumerans actus concurrentes ad veram penitentiam, ait: *quintus actus est motus charitatis, quo alicui peccatum displicet secundum seipsum, & non propter supplicia*. Item ad 1. docet pertinere ad charitatem, *quid displiceat homini peccatum propter Dei offensam, vel PECCATI TURPITUDINEM*.

§. VI. Confutatur aliud Adversariorum argumentum contra secundam Assertionem.

LXXXVIII. **A**LIIUD ARGUMENTUM ex verbis Concilii Tridentini in principio capitis relatis desumitur contra secundam Assertionem, quod Angelici discipulum magis urget. Potest sub hac formâ proponi. Amor Dei castus super omnia est impulsus Spiritûs Sancti inhabitantis, non tantum moventis: ergo amor justitiæ necessarius ad gratiam per Sacramentum Penitentiae consequendam, non potest esse amor Dei castus super omnia. Paret Consequentia ex verbis Concilii Tridentini, quibus decernitur dolorem, qui est à Spiritu Sancto tantum movente, sufficere ad Sacramenti gratiam consequendam.

RESPONDETUR distinguendo Antecedens. Amor Dei castus super omnia *effectivus* est impulsus Spiritûs Sancti inhabitantis, conceditur. Amor Dei castus super omnia

omnia *affectivum* est impulsus Spiritus Sancti inhabitantis, negatur. Ad gratiam per Sacramentum Pœnitentiæ consequendam, sufficit amor Dei super omnia *affectivus*, quo nempe ita placet, summa Dei beatificantis bonitas, ut licet nondum *in re*, attamen *in voto*, & desiderio præferatur omni creaturæ; ad quod non requiritur gratia habitualis, sed sufficit auxilium gratiæ moventis. Unde potuisset hoc modo distingui Antecedens argumenti; amor Dei super omnia procedens à gratiâ habituali est impulsus Spiritus Sancti inhabitantis, conceditur. Procedens ab auxilio gratiæ moventis, negatur. Videantur quæ de hâc distinctione diximus capite 2. Paragrapho 5. num. 35.

LXXXIX. INSTABIS. Non potest voluntas simul habere duos ultimos fines, quamvis unus sit habitualis, alius actualis: qui autem amat Deum super omnia *affectivè*, habet Deum ut ultimum finem actualem; cum ergo peccator sine gratiâ habituali habeat creaturam ut ultimum finem habitualem, non poterit amare Deum super omnia *affectivè*, alioqui haberet Deum ut ultimum finem actualem, & creaturam ut ultimum finem habitualem.

RESPONDETUR, voluntatem posse simul habere duos ultimos fines, si unus eorum non habeatur *in re*, sed solum *in voto*, & desiderio. Qui amat Deum super omnia *affectivè* solum habet Deum ut ultimum finem actualem *in voto*, & desiderio, & idèd non repugnat, quin taliter amans habeat *in re* creaturam ut ultimum finem habitualem. Ratio est, quòd desiderium præferendi Deum omni creaturæ, non infert *in re* hujusmodi prælationem, nisi adsit potestas; ubi autem non est potestas præferendi Deum omni creaturæ, sed solum voluntas, ibi Deus non est ultimus finis *in re*, sed solum *in voto*, & desiderio. Vide cap. 2. §. 5. Et objectiones ante Appendicem.

Nec ullus videtur posse hoc negare, cum omnes admittant peccatorem sine gratiâ habituali posse habere propositum efficacis inchoandi novam vitam, & servandi mandata, sive, quod idem est, non peccandi mortaliter. Quemadmodum ergo Adversarii dicunt propositum efficacis non peccandi mortaliter procedere posse ex motivo gebennæ, ita per amorem Dei super omnia *affectivum* nihil amplius volumus, quàm quòd summa Dei beatificantis bonitas ita incipiat peccatori dulcescere, ut displiceat ei peccatum, & proponat de cætero non peccare mortaliter. Nam cui summa Dei beatificantis bonitas ita placet, ut desideret nullum committere mortale peccatum, præfert Deum omni creaturæ, & in præparatione animi est ita dispositus, ut dimitteret cujusvis creaturæ amorem, si eo offenderetur Deus mortaliter.

XC. URGEBIS. DIVUS THOMAS sæpè docet, quòd minima gratia, & minima charitas sufficit ad resistendum cuicumque concupiscentiæ, licet & quòd minima contritio sufficit ad delenda quæcumque peccata.

RESPONDETUR DIVUM THOMAM loquide gratiâ, & charitate habituali, & de contritione procedente à gratiâ, & charitate habituali. Minima enim gratia habitualis sufficeret ad resistendum cuicumque concupiscentiæ, si homo eâ uteretur, & si occurrente hîc, & nunc delictabili judicaret bonum esse *uti gratiâ*. Verùm præventus à concupiscentiâ plus movet in particulari bonum concupiscentiæ præsens, quàm bonum gratiæ, & idèd si non adjuvetur auxilio GRATIÆ VICTRICIS, ET PRÆDETERMINANTIS, non utetur gratiâ habituali quantumvis magnâ, nec unquam judicabit bonum esse hîc, & nunc *uti gratiâ*.

§. VII. Breve pro praxi documentum coronidis loco adducitur.

XCJ. **C**Oronidem pono huic Opusculo, utilissimum, & necessarium adducens Angelici Solis pro praxi documentum. Cùm enim Sanctus, & Communis Doctor statuisset Supplement. quæstione 3. articulo 1. ad 4. contritum debere poenam inferni, omnesque poenas temporales eligere potius, quàm peccare, subiungit dicens: *Sciendum est etiam, quòd quamvis talis debeat esse contriti dispositio, NON TAMEN DE HOC TENTANDUS EST, quia affectus suos homo non de facili mensurare potest; & quandoque illud, quod minus displicere videtur, magis displicet, quia propinquius est documento, sensibili, quod magis est notum.*

Ita quoque in præsentì observandum dicimus, quòd quamvis talis debeat esse quærentis justificationem per Sacramentum dispositio, ut saltem affectivè præponat Deum omni creaturæ ex complacentiâ, & quâdam dulcedine summæ bonitatis beatificantis, NON TAMEN DE HOC TENTANDUS EST, quia affectus suos homo non de facili mensurare potest; & quandoque illud, quod ex motivo timoris displicere videtur, magis ex motivo amoris displicet. Quare non debet Confessorius sollicitè motivum doloris inquirere, sed sufficit, quòd signa amoris inveniat, puta si doleat de præteritis, & proponat cavere de futuris. Nihil aliud exigit Magister noster Sanctus THOMAS pro signis contritionis, quæ secundum eum præcedit ex amore Dei super omnia dilecti. Quia homo (ait 3. parte, quæstione 80, articulo 4. ad 5.) *per certitudinem scire non potest, utrum sit verè contritus. Sufficit enim*

SI IN SE SIGNA CONTRITIONIS INVENIAT, *puta si doleat de præteritis & proponat cavere de futuris.* Ergo similiter sufficiet confessario quòd hujusmodi signa inveniat in suo pœnitente.

* Quantus autem, & qualis debeat esse dolor de præteritis, ut sit contritionis signum, non tam ex Scholasticis, quàm ex SS. Patribus discere debemus. Quare eorum testimonia ex Joanne Morino hîc subijciemus.

S. CHRYSOSTOMUS *ad finem hom. 4. in 2. Cor.*

Cùm peccaveris ingenisce, non quòd pœnas daturus sis; nihil enim hoc est, sed quòd Dominum tuum offenderis, tam benignum, tam te amantem, tam denique salutis tuæ appensum, ut filium quoque suum tuâ causâ tradiderit: ingenisce igitur, nec unquam hoc facere intermitte. Hoc enim est Confessio. Nec nunc lætum, cras autem mæstum, ac rursùm lætum te præbe: verùm perpetuò in luctu, ac tui contritione mane. Beati enim, inquit, qui lugent, hoc est, qui assidue hoc faciunt. Itaque sic te compara, ut semper hoc facias, ubique ipsi animum intendas, ac cor tuum conteras, non secus ac si quis amisso filio unice charo in luctu versetur.

S. AMBROSIIUS *lib. 2. de Pœnitentiâ c. 6.*

Sed audiant, qui agunt Pœnitentiam quomodò agere debeant, quo studio, quo affectu, quâ mentis intentione, quâ cordis conversione. Vide, inquit, Domine, quia tribulor: venter meus tribulatus est, à fletu meo conversum est cor meum in me. Cognovisti intentionem animi, fidem mentis, cognosce & habitum corporis.

Et ejusdem libri cap. 10. Renuntiandum est sæculo, somno ipsi minùs indulgendum, quàm natura postulat, interpellandus est gemitibus, interrumpendus est suspirijs, sequestrandus orationibus: vivendum ita, ut vitali huic moriamur ului, seipsum sibi homo abneget, & totus mutetur, &c.

Commentario in psal. 128. in hunc versum, Miserere mei secundum verbum tuum. In ipsâ Ecclesiâ, ubi maximè misereri decet, teneri quàm maximè debet forma justitiæ, ne quis à communionis consortio abstentus brevi lachrymulâ, atque ad tempus paratâ, vel etiam uberioribus fletibus communionem, quam plurimis debet postulare temporibus, facilitate Sacerdotis extorqueat. Nonne cùm uni indulget indigno plurimòs facit ad prolapsionis contagium provocari? FACILITAS ENIM VENIÆ INCENTIVUM TRIBUIT DELINQUENTI.

S. CÆSARIUS *Episcopus Arelatensis hom. 1.*

Homo ipse se decipit, si cùm in medullis sibi fervere sentiat mörbum, per

R r

superficiem corporis molle deducat unguentum. Hæc itaque principalia maligni rugitu & gemitu, & fonte indigent lachrymarum: atque per lachrymas clamandum est cum Prophetâ, rugiebam à gemitu cordis mei, &c. Oportet itaque sicut super mortuum conclamatum, ita magnos super extinctam animam dare planctus. Et quomodo solet mater orbara super amissionem unici filij suifraçto pectore lamentari, ita convenit super unicam suam, sed cum spe reparationis affligi, &c. Necessè super hanc unicam criminum mucrone confossam totum pondus doloris effundi, si fortè possit lachrymarum vivificata fontibus calore fidei suscitari.

Homilia 29. Non putemus tam facilè remitti posse admissa semel crimina, & profundo vulnere in animæ impressa visceribus. Multum opus est fletus, multus gemitus, multæ contritiones corporis ad sanandos ipsos dolores corporis. Totâ incumbendum est spiritus compunctione, ut vetusta mala tamquam sagittæ quædam de conscientie visceribus evellantur. Non sufficit summis labijs dicere, peccavi, parce, & remitte. Et Saül dicebat, peccavi: sed non obtinuit illam veniam, quam David unâ Pœnitentiæ voce promeruit. Et hoc quare? Quia confessionem illam nudam magis, quàm verigemitus exprimebat: quia non compensabatur cum magnitudine criminis, levis humiliatio supplicantis. Non levi agendum est contritione, ut debita illa redimantur, quibus mors æterna debetur: nec transitoria opus est satisfactione pro malis illis, propter quæ paratus est ignis æternus, &c.

S. GREGORIUS 3. *p. Pastoralis admonit.* 31.

Quid est ergò quòd ille compungitur, & tamen justitiæ non appropinquat, iste tentatur, & tamen cum culpa non inquinat? nisi hoc quod apertè ostenditur, quòd nec malos bona imperfecta adjuvant, nec bonos mala inconsummata condemnant. At contra admonendi quoque sunt, etiam qui admissa deserunt, nec tamen plangunt, ne jam relaxatas æstiment culpas, quas etsi agendo non multiplicant, nullis tamen fletibus mundant. Neque enim scriptor, si à scriptione cessaverit, quia alia non addidit, etiam illa quæ scripserat, delevit, &c. Ita & cum Deo delinquimus, nequaquam satisfacimus, si ab iniquitate cessamus, nisi voluptates quoque, quas dileximus, è contrario appositis lamentis insequamur, &c. Hinc rursùm dicitur cor contritum & humiliatum Deus non spernit. Quisquis enim peccata plangit, nec tamen deserit, cor quidem conterit, sed humilitate contemnit. Qui verò peccata jam deserit, nec tamen plangit, jam quidem humiliat, sed tamen cor contereere recusat, &c.

Et 1. Reg. cap. 15. versus finem. Tria in unoquoque considerata sunt veraciter Pœnitente, videlicet, conversio mentis, confessio oris, & vindicta peccati. Nam qui corde non convertitur, quid prodest ei si peccata confiteatur?

Peccatum quod diligitur, confitendo minimè deletur. Nonnulli quidem sunt, qui peccata confitendo aperiunt, sed non convertendo, nequaquam de-
testantur. Hi confitendo nihil agunt, quia quod loquendo eijciunt, amando
introducunt. Vnde & salubriter confiteri volentibus Scriptura insinuat, dicens:
Corde creditur ad justitiam, ore autem confessio fit ad salutem. Quid est corde
credere ad justitiam, nisi voluntatem dirigere ad fidem per dilectionem ope-
rantem? Cum ergo quis cordis intentionem ad justitiam per amorem dirigit,
per initium bonæ voluntatis, fructum habet bonæ conversionis. Hic certè jam
ad salutem confitetur, quia plus loquendo de vulnere eijcit, quàm conversione
compunxit.

S. ANSELMUS *Similitudinum cap. 144.*

‘Sicca Pœnitentia est, cùm aliquem sui peccati pœnitet; sed humore pietatis,
suique ipsius compunctione caret. Humida verò est, cùm habet utrumque,
suumque luget peccatum magnâ cordis contritione. Vt ad hanc ergò sibi proficit
Pœnitentiam, non juvenis tantùm, verùm etiam omnis homo erubescat, cùm
quid agit illicitum.

HUGO A S. VICTORE *Miscellaneor. lib. 1. cap. 103.*

‘Sacramentum Pœnitentiæ est exterior exhibitio operis: Res Sacramenti vera
contritio cordis. Si Sacramentum suscipis, opera Pœnitentiæ facias: Habe rem
Sacramenti in verâ contritione, ne frustra speciem sine veritate ostendas. Tanta
est Pœnitentia tua, quanta est Contritio tua, &c. Opus sine Contritione flos
est sine fructu: Contritio sine opere fructus est sine maturitate.

PETRUS BLESSENSIS *in tract. de Confessione.*

Christus purgationem peccatorum faciens, non in iudicio, sed in desiderio;
non in ardore, sed in amore, tria nobis Purgatoria misericorditer assignavit,
cordis contritionem, oris confessionem, carnis afflictionem. Hæc sunt cymbala
benè sonantia: Hæc sunt tres civitates refugii. Ad Contritionem pertinet timor
Dei, & desiderium regni, Pœnitentiæ humilitas, longanimitas patientiæ, & ab-
jectio sui. Cor contritum & humiliatum Deus non despiciet. Sic ergò dolor Pœ-
nitentiæ cor conterat, ut in spiritu vehementi conterat naves Tharsis. *Et post
multa.* Vides profectò quàm gratum sit Deo Sacrificium lachrymarum, & pro
omnibus delictis sufficiens holocaustum. Sed quibus? Confitentibus, Pœniten-
tibus, non revertentibus ad vomitum; sed in spiritu humilitatis, & in animo
contrito fugientibus ad pia viscera IESU, & continuantibus dignos Pœnitentiæ
fructus.

Alia Sanctorum Patrum testimonia, quibus magis specialiter probatur, pro criminum gravitate majorem, vel minorem debere esse Contritionem.

S. CYPRIANUS *ad finem libelli de lapsis.*

Quàm magna deliquimus, tam granditer defleamus. Alto vulnere diligens & longa medicina non desit. Pœnitentia crimine minor non sit. Putasne tu Dominum citò posse placari, quem verbis perfidis abnuisti? cui patrimonium præponere maluisti? cujus templum sacrilegâ contagione violasti? Putas facili eum misereri tui, quem tuum non esse dixisti? orare oportet impensius & rogare, diem luctu transigere, vigiliis ac fletibus noctes ducere, tempus omne lachrymosis lamenrationibus occupare, stratos solo adhærere cineri, in cilicio & foribus volutari, &c..

S. AMBROSIIUS *ad virginem lapsam cap. 3.*

Pœnitudo necessaria est, sicut vulneratis sunt necessaria medicamina. Sed quanta putas, & qualis necessaria Pœnitentia, quæ aut æquet crimina, aut certè excedat? Vide ergo si simplex hoc peccatum adulterii est, an duplex sit per illam necem, quæ facta videtur in occulto. Et secundùm conscientiæ molem exhibenda est Pœnitentiæ magnitudo.

Et lib. 1. cap. 2. de Pœnitentiâ. Qui culpam exaggeravit, exaggeret etiam Pœnitentiam. Majora enim crimina majoribus abluuntur fletibus. Ita nec Novatianus probatur, qui veniam interclusit omnibus: nec vos ejus discipuli imitatores ejusdem, & condemnatores, qui ibi minuitis studia Pœnitentiæ, ubi augeri oportet, quia graviora peccata majoribus sustentanda fulcris docuit Christi misericordia.

S. HIERONYMUS *in cap. 1. Lamentationum.*

Mysticè anima peccatis obnoxia, dum pro iniquitatibus suis à Domino corripitur, si introrsùs rediens salubri dolore compungitur, abstinendo se à peccatis, omnem luxum pristinum in lachrymas vertit, & tantò fortius constringendo seipsam plangit, quantò laxius per varia desideria se diutius errasse recolit.

S. AUGUSTINUS *Serm. 58. de Tempore.*

Si alicui pes frangatur, aut manus, cum labore solet ad pristinum officium re-

vocari: Si verò secundò, & tertio, adhuc frequentius in eodem loco membra ipsa frangantur, potest intelligere *Charitas* vestra, cum quantis doloribus vulnera ipsa curanda sunt, & tamen post longas & multas tribulationes, vix erit antequam ad pristinum statum membra ipsa valeant revocari. Similis ratio in animarum fracturis seu vulneribus esse credenda est. Si semel aliquis vel secundò peccaverit, & sine aliquâ dissimulatione ad Pœnitentiæ medicamenta confugerit, pristinam incolumitatem sine aliquâ morâ, & forsitan sine aliquâ sceditate recipiet. Si verò peccatis peccata cœperint addi, & animarum vulnera magis tegendo vel defendendo putrescere, quàm confitendo & pœnitendo curari, timendum est ne in illo impleatur, quod ait Apostolus, An ignoras quia benignitas Dei ad Pœnitentiam te adducit? Tu autem secundum duritiam cordis tui, & cor impenitens thesauris tibi iram, &c.

Et Serm. 11. ad Fratres in Eremo, sicut Augustini. Simus tantum proni ad lamentum & fletum, quantum fuimus ad culpam audaces. Qualis fuit nobis intentio ad peccandum, talis sit ad pœnitendum devotio. Gravia peccata gravissimis lamentis indigent..... Ablue culpam per lachrymam, juxta quantitatem fordis mensura lachrymarum copiam, assumendo pœnitentiam, quæ mater est omnium bonorum.

S. GREGORIUS *Epist. 53. & refertur dist. 50. c. 16.*

A capite itaque incipientes usque in quartum altaris ministrum hanc formam servandam cognoscimus, ut quia minorem major præcedit, sicut honore est major, ita sit in crimine; & quem major sequitur culpa, major ei implicetur vindicta, & sic postea Pœnitentia credatur esse fructuosa.

S. ELIGIUS *homil. 15.*

Quia ergò majora crimina admittentibus, majora sunt admittenda remedia, convertam me ad vos, quos Ecclesia ex more pœnitentes vocat, cupiens videre & audire quantâ intentione deflare studuistis commissa vestra, & quanto studio deinceps procurare vultis, ne in baratrum perditionis animæ vestræ relabantur.

EUCHERIUS LUGDUNENSIS *Homil. 5. ad Monachos.*

Non putamus tam facili remitti posse peccata, inusta semel crimina, & profundo vulnere in animâ ipsius impressa visceribus. Multo opus est fletu, multo gemitu, multo dolore cordis ad sanandos ipsius cordis dolores.

R r iij

S. BERNARDUS *lib. de modo bene vivendi cap. 27.*

Si vis abluere peccatorum tuorum maculas, semper diligas lachrymas. Dulces tibi sint lachrymæ; delectet te semper planctus, & luctus; nunquam deferas planctum, & luctum. Tantò esto prona ad lamenta, quantò fuisti prona ad culpam. Quanta fuit tibi intentio ad peccandum; tanta sit ad pœnitendum devotio. Secundùm infirmitatem adhibenda est medicina: gravia peccata grandia lamenta desiderant.

HUGO A S. VICTORE *lib. 2. de Sacram. p. 14. c. 2.*

Si in correctione minor est afflictio, quàm in culpâ fuit delectatio, non est dignus Pœnitentiæ tuæ fructus.

JACOBUS VITRIACUS *Cardinalis serm. in capite jejunii.*

Sit igitur Pœnitens ita pronus ad lamentationem, quantùm fuit pronus ad culpam. Et qualis fuit ad peccatum intentio, talis sit ad pœnitendum & lugendum devotio, ut risus dolore misceatur, & extrema gaudii luctus occupet.

Quibus omnibus testimoniis apertè conficitur, non qualemcumque de præteritis dolorem sufficere, ut sit contritionis signum; sed telem debere esse dolorem, quo peccatum super omne malum detestetur, non sensibilis intensiois sensu, sed appretiatiois intelligibilis affectu: sicut enim peccatum super omne malum est fugiendum, ita incurfus seu commissio peccati, supra incurfionem cujuscumque mali est plangenda & deslenda: ita ut voluntas parata sit dimittere cujuscumque creaturæ amorem, quem noverit esse mortaliter peccaminosum. Voluntas autem illud semper eligit, quod magis amat; si ergo cujuscumque creaturæ amorem debet dimittere, oportet ut aliquid plus diligat, quàm quamcumque creaturam mortiferam. Quod certè non potest aliud esse, quàm ipsè Deus, quem se offendisse dolet. Cùm etiam amor non nisi amore fortiore superetur; necesse est ut tantò fortior sit amor Dei, quantò fortior fuerit creaturæ amor.

Ex quo consequenter fit, majori opus esse amore Dei ad aliqua peccata deslenda, quàm ad alia; Nam si dolor ex amore Dei debet procedere; oportet ut major dolor ex majori amore Dei procedat. Jam vidimus ex SS. Patribus graviora peccata, & quibus voluntas magis adhæsit, graviori dolore esse plangenda. Hæc tamen intensio, seu majoritas amoris non competit amorì Dei secundùm se, sed ut admisceatur extraneo amorì. Et sic licet minima Charitas habitua- lis sufficiat ad deslenda quæcumque peccata, etiam gravissima; ut tamen admis-

cetur amorì extraneo prævenientis concupiscentiæ, impeditur ne exeat in actum robustiorem, si GRATIÀ VICTRICE ET PRÆDETERMINANTE ulterius non adjuvetur, & roboretur. Nam sicut habens habitum citharizandi, impeditur ab actu ex læsione manus: ita dum Charitas est in voluntate non subijciente sibi appetitum inferiorem, impeditur à suo actu ex præveniente concupiscentiâ; quam ut vincat actu, opus est GRATIÀ VICTRICE ET PRÆDETERMINANTE. Duplex igitur est intensio Charitatis, una ex majori radicatione voluntatis expeditæ proveniens, quæ sola reperitur in Patriâ. Alia ex minori impedimento voluntatis à concupiscentiâ abstractæ & illectæ procedens, quæ latitudinem habet quodammodò infinitam; eò quòd, ut Opusc. 2. cap. ult. dictum est, impedimenta possunt in infinitum apponi. Et secundùm hanc intensiōis latitudinem verificatur, quòd minima Charitas non sufficit ad delenda quæcumque peccata. *

O veritas Deus! fac me unum tecum, in charitate perpetuâ: opto magis sentire compunctionem, quàm scire ejus definitionem. Et tu CORDATE LECTOR, si vis corde-tenus compungi, intra cubile tuum, & exclude tumultus mundi, sicut scriptum est: *in cubilibus vestris compungimini*. In cellâ invenies, quod de foris sæpius amittes. Si tibi placeant Opuscula nostra, *da gloriam Deo*; si tibi displiceant, *homo infirmus sum & exigui temporis & minor ad intellectum judicii*: si suspicionem ingerant, Ecclesiæ Romanæ exquire judicium, quam si non audiero, *sim tibi sicut Ethnicus & Publicanus*.

OPVS-






DE PROBABILITATE

TVTISSIMA ET INCONCVSSA DOGMATA

SS. AUGUST. ET THOMÆ.

OPVSCVLVM QVINTVM.



Proœmium.

I. **P**robabilitati maximè congruit dictum Sapientis Proverb. 16. *Est via quæ videtur homini recta, & novissima illius ducunt ad mortem.* Hæc via ubique terrarum à Molinistis prædicatur, dum tantâ virium suarum confidentiâ Probabilitatem efferunt, ut omnibus sequentibus eam omnem promittant securitatem, in capeffandâ æternâ salute : quam tamen cum metu & tremore operari nos docuit institutus à Deo Doctor Gentium, & prædicator veritatis. Pro uno Gentium Doctore reponunt nobis viginti quatuor Societatis Doctores, quos repræsentat Escobarius sub figurâ viginti quatuor seniorum sedentium super viginti quatuor thronos, qui in Apocalypsi S. Joannis procidebant ante sedentem in throno, & adorabant viventem in sæcula sæculorum. Prænuntiavit Christus Salvator noster quòd venit hora quando veri adoratores adorabunt *Patrem in spiritu & veritate.* Nunc apud Molinistas venit hora quando adoratur Deus in solâ Probabilitate. *Insuper es Domine, & rectum iudicium tuum.* Justo tuo iudicio agnovimus factum, ut gratiæ sufficientis nullo ulteriori tuo auxilio indigentis propugnatores, acerrimi fierent Probabilitatis defensores. Convenientissimum certè fuit, ut qui nullo se ulteriori lumine indigere profiterentur, & proprias ingenij sui adinventiones prætulerant tutissimis & inconcussis gemini Ecclesiæ Solis dogmatibus, ad talem statum devenirent, in quo ostenderes

Sc

homini infirmo, quid valet ratio humana, etiam in Christianis hominibus & Religiosis, dum relicta Sacrarum Scripturarum, ac SS. Patrum autoritate, proprias sequitur adinventiones. Iusto igitur Dei iudicio Molinistæ facti sunt Probabilistæ.

II. Contra Probabilitas jam se unierunt gemini Ecclesiæ Solis discipuli, & quidem ex consilio, aut melius præcepto S. D. N. Alexandri VII. ad omnes Theologos Thomistas directo, quorum minimus ego sum. Cum enim 'anno 1655. Romæ congregati essent Patres Ordinis Prædicatorum pro celebratione Capituli Generalis, evulgatum fuit in ipso Capitulo Sanctissimi D. N. Alexandri VII. præceptum, sive consilium, quo significabatur: *Tedere sanctitatem suam novarum opinionum in hoc seculo in moralem materiam introduclarum, quibus disciplina Evangelica resolvitur, ac conscientijs cum gravi animarum periculo illuditur, maximeque velle à Theologis Thomistis, in Ecclesiæ hoc morbo laborantis remedium, opus parari ex severiori & tutâ D. Thomæ Doctrinâ, quæ hæc morum licentia quæ in dies grassatur, quasi cauterio cohiberetur.* Sic referunt PP. Gonet, & Baronius in suis de probabilitate dissertationibus.

III. Videbitur primâ facie supervacaneus fore labor, quo post SINNICHIOS, FAGNANOS, post MERCOROS, GONETOS, BARONIOS, Probabilitatem expugnare contendimus. Verum intentioni nostræ non supervacaneum fore speramus. Concordiæ gemini Ecclesiæ Solis intendimus. Videmus discipulorum concordēs animos in expugnatione Probabilitatis: sed non concordant in modo. Quare si in modo non tam expugnandi, quàm expurgandi Probabilitatem concordem etiam exhibuerimus utrumque Solem Ecclesiæ S. AUGUSTINUM & S. THOMAM, non in vanum laboraverimus, nec crambem bis coctam obtruderimus. Non tam expugnari & destrui debet Probabilitas, quàm expurgari. Non enim est damnanda Probabilitas, quæ rationi veritatem indaganti viam sternit: sed à malo usu tamquam à quadam veteris fermenti corruptione venit expurganda.

Hoc igitur est, quod præsentis opusculo quinto, & ultimo suscipimus, quinque capitibus perficiendo. In primo capite verus modus expurgandi Probabilitatem ex Doctrinâ Angelicâ stabilietur. In secundo, nullum in lege naturali ostendimus esse Probabilitati locum: quo ab omni malo usu, circa ea quæ sunt secundum se mala, expurgabitur. In tertio, subjectionem Probabilitatis ad legem Divinam explicabimus; quâ subjectione expurgabitur ab omni malo usu, circa ea quæ secundum se ad salutem conducunt æternam. In quarto, aliquale Probabilitatis dominium supra legem humanam extollemus, ut fiat nova conspersio. Denique in capite quinto regulas aliquas ad rectum de agendis iudicium formandum proponemus. Omnia, favente Deo, gemino Ecclesiæ Sole prælucente, & ut in Domino confidimus, Romanâ Ecclesiâ suo tempore approbante, cui nos & quinque Opuscula nostra plene subijcimus.

CAPVT PRIMVM.

*Verus modus expurgandi Probabilitatem ad mentem
Angelicam stabilitur.*

NEquaquam à Sole Angelico illuminantur, qui Probabilitatem impugnant ex infirmitate assensus, & formidine oppositi. Mirabuntur Juniores; sed ego miror eos in S. Doctoris principiis hoc non advertisse. Quare primò illud ipsis aperiam; deinde quâ parte expurgetur Probabilitas, ostendam.

*§. 1. Probabilitas assensus est inordinatio intellectus orta ex
peccato primi hominis.*

IV. Mortali Probabilistas ferit vulnere S. THOMAS, dum à statu innocentie omnem allegat Probabilitatem propter ejus inordinationem. Præclare hoc docet de veritate q. 18. a. 6. his verbis:

„ Dico quòd non solum in statu innocentie non potuit error esse, sed nec
„ qualiscumque falsa opinio; quod sic patet: quamvis enim in statu innocen-
„ tie poterat esse alicujus boni carentia, nullatenus tamen esse poterat aliqua
„ corruptio boni. Bonum autem ipsius intellectus est cognitio veritatis; &
„ ideo habitus illi quibus intellectus perficitur ad cognoscendum verum, vir-
„ tutes dicuntur 6. Ethic. utpote intellectus actum bonum reddentes. Falsitas
„ autem non solum est carentia veritatis: sed etiam ipsius est corruptio. Non
„ enim sic se habet ad veritatem ille, qui omninò caret veritatis cognitione in
„ quo est carentia veritatis, quamvis contrarium non opinetur, & ille qui ha-
„ bet falsam opinionem cujus æstimatio corrupta est per falsitatem. Unde sicut
„ verum est bonum intellectus, ita falsum malum ipsius, propter quod habi-
„ tus opinativus non est virtus intellectualis: quia eo contingit falsum dicere,
„ ut dicitur 6. Ethic. Nullus autem actus virtutis malus esse potest, ac si ipsa
„ opinio falsa, sit quidam malus actus intellectus. Unde cum in statu innocen-
„ tie non fuerit aliqua corruptio vel aliquod malum, non potuit esse in statu
„ innocentie aliqua falsa opinio.

„ Dicit etiam Commentator in 3. de Anima quòd falsa opinio ita se habet in
S ij

„ cognoscibilibus , sicut monstra in naturâ corporali. Est enim falsa opinio pro-
 „ veniens præter intentionem ipsorum primorum principiorum quæ sunt quasi
 „ virtutes seminales cognitionis , sicut monstra eveniunt præter intentionem
 „ virtutis naturalis agentis. Et hoc ideo quia omne malum est præter intentio-
 „ nem , ut dicit Dyonis. 4. c. de divin. nom. Unde sicut in conceptione huma-
 „ ni corporis in statu innocentie nulla monstruositas accidisset , ita in intelle-
 „ ctu ejus nulla falsitas esse potuisset.

„ Quod item patet ex hoc quòd SEMPER CONTINGIT INORDINATIO , QUANDO
 „ ALIQUID MOVETUR A NON PROPRIO MOTIVO , SICUT SI VOLUNTAS MOVETUR A
 „ DELECTABILI SENSUS , CUM DEBEAT TANTUMMODO MOVERI AB HONESTO. Pro-
 „ prium autem motivum intellectus est verum id quod habet infallibilem ve-
 „ ritatem. Unde QUANDOCUMQUE INTELLECTUS MOVETUR AB ALIQUO FALLIBILI
 „ SIGNO , EST ALIQUA INORDINATIO IN IPSO SIVE PERFECTE SIVE IMPERFECTE
 „ MOVEATUR. Unde cum nulla inordinatio in statu innocentie in intellectu ho-
 „ minis esse potuerit , nunquam intellectus hominis inclinatus fuisset magis in
 „ unam partem quam in aliam nisi ab infallibili aliquo motivo. Ex quo patet
 „ quòd non solum in eo nulla falsa opinio fuisset , sed penitus nulla opi-
 „ nio in eo fuisset , ET QUIDQUID COGNOVISSET SECUNDUM CERTITUDINEM
 „ COGNOVISSET.

V. Quo planè testimonio infirmatur Probabilitas , & ex eâ pullulans in mo-
 ribus horrenda nimis Probabilistarum laxitas: Utinam stilo adamantino gere-
 rent scriptum in frontibus suis aureum illud Solis Angelici principium ! *Quando-
 cumque intellectus movetur ab aliquo fallibili signo , est aliqua inordinatio in ipso , sive perfecte
 sive imperfecte moveatur.* Utinam & istud in cordibus suis haberent scriptum ! *Sem-
 per contingit inordinatio quando aliquid movetur à non proprio motivo , sicut si voluntas movea-
 tur à delectabili sensus , cum debeat tantummodo moveri ab honesto.* Sed de his infra.

Nunc notandum est , fallibile signum , quale procul-dubio est medium Pro-
 babile se habere ad intellectum , sicut delectabile sensus ad voluntatem. Quare
 sicut delectabile sensus regulatur ratione , ita & medium Probabile ; & sicut
 nulla est voluntatis inordinatio moveri à delectabili sensus per rationem regu-
 lato , ita nulla est intellectus inordinatio moveri à medio Probabili per ratio-
 nem regulato. Qualiter medium Probabile per rationem regulari possit , in se-
 quentibus paragraphis dicemus.

§. II. Medium Probabile separari potest à formidine oppositi.

VI. Sicut qui putant medium Probabile indispensabiliter causare assensum
 formidolosum. Statim se offert contra illos insignis ille locus Solis An-
 gelici quo 3. p. q. 9. a. 3. ad 2. inquit : *Opinio ex Syllogismo Dialectico causata est via ad*

scientiam quæ per demonstrationem acquiritur : quæ tamen acquisita potest remanere cognitio quæ est per Syllogismum Dialecticum, quasi consequens scientiam demonstrativam, quæ est per causam. Quia iste qui cognoscit causam, ex hoc etiam magis potest cognoscere signa probabilia ex quibus procedit Dialecticus Syllogismus. Cognitio quæ est per Syllogismum Dialecticum, est cognitio per medium Probabile; Sed hæc cognitio stat simul cum scientiâ quæ excludit omnem formidinem oppositi: ergo cognitio per medium Probabile potest separari à formidine oppositi.

VII. DICES. In isto casu non excluditur formido oppositi vi mediû Probabilis; sed per accedens ratione scientiæ cui conjungitur.

Sed CONTRA. Quomodo cumque excludatur formido oppositi, sufficit nobis, quod revera possit dari assensus per medium Probabile, cui non sit conjuncta formido oppositi. Nam eo ipso satis ostenditur non esse de essentia assensus per medium Probabile trahere formidinem oppositi: ac proinde sicut per scientiam tollitur in isto casu formido oppositi, ita & in multis aliis per ipsam voluntatem poterit excludi formido oppositi. Et hoc est quod non adverterunt plures ex Junioribus. Dicimus enim quod medium Probabile, licet ex se natum sit inducere formidinem oppositi, potest tamen hæc formido excludi à voluntate determinante intellectum ad unam partem contradictionis, cò ipsò quod indicetur bonum esse assentiri medio probabili; sive hoc sit verè bonum, sive tantum apparenter bonum, de quo nihil in presenti.

VIII. Constans est S. THOMAS in istâ doctrinâ. Primò eam apertè tradit in 3. dist. 23. q. 2. a. 2. his verbis, Cum autem ab assentiendo sententia dicatur, „(quæ) ut dicit Isaac est determinata acceptio alterius partis contradictionis, „oportet quòd qui assentit, intellectum ad alteram partem contradictionis determinet, quod quidem contingit tripliciter secundum triplicem nostri intellectus considerationem. Potest enim intellectus noster considerari uno modo secundum se, & sic determinatur ex præsentia intelligibilis, sicut materia determinatur ex præsentia formæ. Et hoc quidem contingit in his quæ statim lumine intellectus agentis intelligibilia fiunt, sicut sunt prima principia, quorum est intellectus; & similiter determinatur iudicium sensitivæ partis ex hoc quòd sensibile subiacet sensui, quorum principalior & certior est visus; & ideo prædicta cognitio intellectus vocatur visio.

Alio modo potest considerari intellectus noster secundum ordinem ad rationem quæ ad intellectum terminatur, dum resolvendo conclusiones in principia per se nota earum certitudinem efficit: & hoc est assensus scientiæ. Post duos istos assensus, principiorum, & conclusionum evidenter deductarum, qui sunt sine formidine, adiungit tertium qui est ad nostrum propositum.

Tertio modo consideratur intellectus in ordine ad voluntatem, quæ quidem omnes vires animæ ad actus suos movet. Et hæc quidem voluntas de-

terminat intellectum ad aliquid, quod neque per seipsu videtur, neque ad ea quæ per se videntur resolui possunt, & determinat ex hoc, quod dignum reputat illis esse adherendum propter aliquam rationem quâ bonum videtur ei illi rei adherere: quamvis illa ratio ad intellectum terminandum non sufficiat propter imbecillitatem intellectus, qui non videt per se hoc, cui assentiendum ratio iudicat, neque ipsum ad principia per se nota resolvere valet: & hoc assentire propriè vocatur credere. Unde & fides dicitur captivare intellectum, inquantum non secundum proprium motum ad aliquid determinatur, sed secundum imperium voluntatis, & sic in credente ratio per se intellectum non terminat, sed mediante voluntate.

IX. Quibus verbis clarissimè exprimitur formidinem oppositi exclusi à ratione, quæ licet non sufficiat ex parte veri ad excludendum formidinem (hoc enim est terminare intellectum) sufficit tamen ex parte boni ad dictam exclusionem, in quantum facit quod videatur voluntati bonum illi rationi adherere. Et sic fides sive credere, non nominat solummodo assensum, qui sit propter autoritatem dicentis; sed quicumque assensus procedit ex ratione quâcumque persuadente voluntatem, propriè dicitur credere, quia est sine formidine oppositi. Quod clarissimè apparet ex iis quæ subjungit Præceptor noster Sol Angelicus.

Quando verò ratio quæ movet ad alteram partem, neque sufficit ad intellectum terminandum, quia non resolvitur conclusiones in principia per se nota, NEQUE SUFFICIT AD VOLUNTATEM TERMINANDUM, UT BONUM VIDEATUR EI ILLI PARTI ADHERERE, tunc homo opinatur illud, cui adheret, & non terminatur intellectus ad unum, quia semper remanet motus ad contrarium. Accipis enim unam partem cum formidine alterius: & ideo opinans non assentit.

Notentur illæ duæ conditiones quas S. Doctor requirit ad opinionem, videlicet, quod ratio inducens ad assensum rei non sufficit ad terminandum intellectum, nec sufficit ut bonum videatur voluntati ei assentiri: & clarè patebit, quod dum voluntati videbitur bonum assentiri medio Probabili, tunc non opinabitur, sed credet sine aliquâ formidine oppositi; & tunc propriè loquendo non habebit opinionem Probabilem, sed sententiam Probabilem: sententia enim teste D. THOMA, est determinata acceptio unius partis sine formidine alterius; dicitur enim ab assentiendo. Ex quo patet nonnisi ex ignorantia terminorum posse impugnari Probabilitatem, faciendo vim in verbo opinionis; reponatur loco illius *ly sententia*, & & evanescet præcipuum Juniorum fundamentum. Non est ergo ille verus modus expurgandi Probabilitatem.

X. Si quis nescientis & dubitantis scire voluerit dispositionem, legat quæ in dicto loco sequuntur in hunc modum *Quando homo verò non habet rationem ad alteram partem, magis quam ad aliam; vel quia ad neutram habet, quod nescientis est; vel quia*

ad utramque habet æqualem (intellige tam ex parte intellectus quàm ex parte voluntatis) quod dubitantis est, tunc nullo modo assentit, cum nullo modo determinetur ejus iudicium, sed equaliter se habeat ad diversas. Conveniunt nesciens & dubitans in hoc, quod neuter habet rationem ad alteram partem magis quàm ad aliam; sed in nesciente hoc provenit, quia ad neutram partem rationem habet: in dubitante verò, quia ad utramque æqualem rationem habet tam ex parte intellectus, quàm ex parte voluntatis, id est ratio utriusque partis æqualiter est insufficiens ad terminandum intellectum, & similiter utraque ratio æqualiter est insufficiens ad movendum voluntatem, inquantum videtur voluntati æqualiter bonum utrique parti adhærere; hæc igitur est dispositio dubitantis, quæ tollitur dum ex aliqua ratione superveniente, quæcumque sit illa, videtur melius hic & nunc uni parti adhærere. Tunc voluntas tollit dubitationem, & adhæret uni parti sine formidine alterius. Nec ad hoc refert quòd una ratio ex parte intellectus sit Probabilior alterâ; quia si hic & nunc videatur voluntati melius adhærere parti, cujus ratio est minùs Probabilis, determinabit intellectum ad assensum partis minùs Probabilis sine formidine partis Probabilioris.

An tunc à bono honesto, aut à bono apparenti moveatur voluntas nihil prorsus refert ad excludendam formidinem: siquidem æquè est efficax voluntas mota à bono apparenti, quàm si moveretur à bono honesto. Unde hæreticus non minus efficaciter excludit formidinem in assensu suæ hæresis, quàm Catholicus in assensu suæ fidei. Imò Rhethores aliquando efficacius persuadent voluntatem rationibus proponentibus aliquod apparens bonum, quàm rationibus proponentibus id quod est verè bonum. Quando ergo firmitas assensus dependet ex determinatione voluntatis, æquè firmus erit assensus sive determinetur voluntas à bono honesto, sive à bono apparenti. Si à bono honesto determinatur voluntas, prudenter operabitur, quamcumque partem elegerit. Si à bono apparenti, imprudenter operabitur quidquid elegerit. Quomodo id discernetur, ex materiâ operationis est dijudicandum, non ex ratione formidinis; de quo infra.

§. III. *Alio Angelici Solis testimonio confirmatur Doctrina tradita.*

XI. **U**T Juniores magis videant, quantum se elongaverint à Doctrinâ Angelicâ, quam tradidimus, eam placuit alio S. THOMÆ testimonio confirmare ex q. 14. de veritate art. 1. vbi dicitur:

„Intellectus noster possibilis respectu partium contradictionis se habet diversimodè. Quandoque enim non inclinatur magis ad unum, quàm ad aliud, vel propter defectum moventium, sicut in illis problematicis, de quibus

„rationes non habemus, vel propter apparentem æqualitatem eorum, quæ
 „movent ad utramque partem, & ista est *dubitantis* dispositio, qui fluctuat in-
 „ter duas partes contradictionis.

„Quandoque verò intellectus inclinatur magis ad unum, quàm ad alterum:
 „sed tamen illud inclinans non sufficienter movet intellectum ad hoc, quòd
 „determinet ipsum in unam partium totaliter. Unde accipit quidem unam
 „partem: tamen semper dubitat de opposita, & hæc est dispositio *opinantis*,
 „qui accipit unam partem contradictionis cum formidine alterius.

„Quandoque verò intellectus possibilis determinatur ad hoc, quòd totali-
 „ter adhæreat uni parti: (*id est sine formidine oppositi*) sed hoc est quandoque ab
 „intelligibili, quandoque à voluntate. Ab intelligibili quidem, quandoque
 „mediate, quandoque immediate: immediate quando ex ipsis intelligibilibus
 „statim veritas propositionum intelligibilium infallibiliter apparet, & hæc est
 „dispositio *intelligentis* principia, quæ statim cognoscuntur notis terminis, ut
 „Philos. dicit; & sic ex ipso quidquid est, intellectus immediate determinatur
 „ad huiusmodi propositiones. Mediate verò, quando cognitis definitionibus
 „terminorum, intellectus determinatur ad alteram partem contradictionis,
 „virtute primorum principiorum, & ista est dispositio *scientis*.

„Quandoque verò intellectus non potest determinari ad alteram partem
 „contradictionis, neque statim per ipsas definitiones terminorum sicut in prin-
 „cipiis; nec etiam virtute principiorum, sicut in conclusionibus demonstrati-
 „vis; determinatur autem per voluntatem quæ eligit assentire uni parti deter-
 „minatè & præcisè PROPTER ALIQUID QUOD EST SUFFICIENS AD MOVENDUM VO-
 „LUNTATEM, NON AUTEM AD MOVENDUM INTELLECTUM, utpote quòd vide-
 „tur bonum vel conveniens huic parti assentire, & ista est dispositio *credentis*,
 „ut cum quis credit dictis alicujus hominis, quia videtur decessu vel utile: &
 „sic etiam movemur ad credendum dictis, inquantum nobis repromittitur, si
 „crediderimus, præmium æternæ vitæ: & hoc præmio movetur voluntas ad
 „assentiendum his quæ dicuntur, quamvis intellectus non moveatur per ali-
 „quid intellectum. Et ideo AUGUSTINUS dicit, quòd cætera potest homo no-
 „lens, credere non nisi volens.

XII. Hic etiam lucidissimè dicitur, excludi assensum formidolosum ex mo-
 „tivo voluntatis. Quare si medium Probabile habuerit aliquam decentiam, aut
 „utilitatem, licet non fuerit sufficiens ad terminandum intellectum nec mediatè nec
 „immediatè, erit tamen sufficiens, ut ab illo mediante voluntate determinetur
 „intellectus ad assensum unius partis sine formidine alterius. In medio igitur
 „Probabili duæ distinguendæ sunt rationes. Una est de lineâ intellectus secun-
 „dum quam dicitur habere aliquam speciem veritatis. Alia potest esse de lineâ
 „voluntatis, secundum quam dicitur voluntati conveniens: Potest contingere ut

ratio unius partis plus habeat de specie veritatis, minùs autem de convenientià saltem quoad existimationem credentis. Ratio verò alterius partis plus habeat de convenientià, minùs de specie veritatis. Tunc plus placebit voluntati ratio minùs Probabilis quàm Probabilior: & ideo sine formidine Probabilioris poterit ad minùs probabilem intellectum determinare. An leviter id faciat, an rationabiliter & prudenter! est alia quæstio.

Prosequitur D. THOMAS dubitantis, opinantis, intelligentis, scientis, & credentis differentias; & ostendit quòd credens differat à dubitante, & opinante per assensum, qui propriè acceptus excludit formidinem oppositi. In isto assensu firmo conveniunt intelligens, sciens, & credens: sed differunt quod intelligens assentiatur sine collatione rationis, quam vocat D. THOMAS cogitationem: sciens habet collationem rationis causantem assensum: credens habet collationem rationis, qualis reperitur in enuntiatione, & assensum non vi collationis, sed à voluntate causatum. Collatio rationis in sciente confert medium cum extremis; collatio rationis in credente confert extrema inter se. Collatio extremorum cum medio causat scientis assensum: Collatio extremorum inter se non causat assensum credentis, sed firmus credentis assensus causatur à voluntate: & ideo dicitur fides ex æquo habere cogitationem, id est, collationem rationis, & assensum, id est, determinationem unius partis sine formidine alterius. Verba Angelici Solis sunt hæc.

„ Patet ergo ex dictis, quòd in istà operatione intellectus, quâ format simplices rerum quidditates, non invenitur assensus, cum non sit ibi verum vel falsum; non enim dicimur alicui assentire, nisi quando inhæremus ei quasi vero. Similiter etiam *dubitans* non habet assensum, cum non inhæreat uni parti magis quàm alii, similiter nec *opinans*, cum non firmetur ejus acceptio circa alteram partem. Sententia autem, ut dicit Isaac, & Avic. est conceptio distincta vel certissima alterius partis contradictionis; assentire autem à sententiâ dicitur. *Intelligens* autem habet quidem assensum, quia certissimè alteri parti inhæret, non habet autem cogitationem, quia sine aliquâ collatione determinatur ad unam. *Sciens* verò habet & cogitationem & assensum, sed cogitationem causantem assensum, & assensum terminantem cogitationem. Ex ipsâ enim collatione principiorum ad conclusiones assentit conclusionibus resolvendo eas in principia; & ibi figitur motus cogitantis & quietatur. In scientiâ enim motus rationis incipit ab intellectu principiorum, & ad eundem terminatur per viam resolutionis, & sic non habet assensum & cogitationem, quasi ex æquo sed cogitatio inducit ad assensum, & assensus quietat.

„ Sed *in fide* est assensus & cogitatio quasi ex æquo. Non enim assensus ex cogitatione causatur, sed ex voluntate ut dictum est. Sed quia intellectus non hoc modo terminatur ad unum, ut ad proprium terminum perducatur, qui

est visio alicujus intelligibilis, inde est quòd ejus motus nondum est quietatus: sed adhuc habet cogitationem & inquisitionem de his quæ credit: quamvis firmissimè eis assentiat: quantum enim est ex seipso, non est ei satisfactum, nec est terminatus ad unum: sed terminatur tantum ex extrinseco. Et inde est quòd intellectus credentis dicitur esse captivatus, quia tenetur terminis alienis, & non proprijs Corint. 10. In captivitatem redigentes omnem intellectum.

Inde etiam est, quod in credente potest insurgere motus de contrario hujus, quod firmissimè tenet, quamvis non in intelligente, vel sciente. Similiter dum medium Probabile persuaserit voluntatem, poterit voluntas ei firmiter adherere, etiamsi insurrexerit aliquis motus de opposito; qui poterit sperni, sicut spernitur motus de contrario hujus, quod fides firmissimè tenet. Hinc etiam nascitur pius ille timor, de quo præcepit Apostolus, *cum timore & tremore vestram salutem operamini*. Et quem inesse omnibus Sanctorum mentibus asserit S. Gregorius Mor. 5. cap. 7. *Iusti in ipsis bonis operibus positi trepidant, ac ne in eisdem occulto aliquo errore displiceant, continuis lamentis vacant*.

XIV. Concludamus igitur assensum per medium Probabile, si fuerit ex determinatione voluntatis, non esse formidolosum, sed quoddam credere. In quo sensu dictum Apostoli Rom. 14. *Omne quod non est ex fide peccatum est*, explicat S. THOMAS de eo quod est contra fidem, vel contra conscientiam. In eodem etiam sensu dicitur 3. de Anima, quòd *omnem opinionem consequatur fides*, quia ut ibid. lec. 5. ait Magister noster, *unusquisque credit illud quod opinatur, non enim videtur esse conveniens, quod aliquis non credat id, quod opinatur*, accedente scilicet voluntatis determinatione quâ unicuique complacet sua opinio, ex quâ complacentiâ fit aliquando, ut quod prius cum formidine acceperamus; postmodum firmiter credamus omni formidine exclusâ. Denique credimus persuasionibus oratorum. Non igitur viâ Angelicâ inceserunt, qui ex assensu formidoloso Probabilitatem expugnaverunt.

Quidquid in duobus his paragraphis de differentiâ Credentis ab Opinante, & alijs, diximus, breviter complexus est D. THOMAS 2. 2. q. 2. 1. Quod sufficit indicasse, ut in doctrinâ traditâ constans ostendatur; quam utinam Iuniores iterum ac iterum perlegerent, ut veras notiones *Dubitantis*, *Opinantis*, & *Credentis*, sibi efformarent, quarum ignorantia in multis hallucinati sunt.

§. IV. Verus modus expurgandi Probabilitatem.

XV. Non tam expugnandam diximus, quàm expurgandam esse Probabilitatem. Quare ablegatis nominibus *assensus formidolosi* & *opinionis*, proponenda est quæstio sub ipsis terminis; *An credere sententiæ Probabili sit conveniens?*

Dicit Scriptura Eccli. 19. *Qui cito credit, levis est corde.* Qui igitur voluerit expugnare Probabilitatem, oportet ut ostendat eum, qui credit sententiæ Probabili cito credere, & esse levem corde. Sive quod idem est, non posse à bono honesto moveri voluntatem credentis sententiæ Probabili: ut enim nuper diximus, ad firmandum assensum in illis, quæ non videntur nec immediate, nec mediate, sufficiens inductivum tenet se ex parte voluntatis, non ex parte intellectus. Si ergo sufficiens iuductivum non possit esse honestum; tunc firmitas assensus à voluntate orta, imprudens erit: si verò medium Probabile tale sit, quòd honestum sit, & rectæ rationi congruum ei assentiri, tunc firmitas assensus prudens erit, & rationalis.

Hoc autem discerni non potest aliquâ regulâ, quæ in omnibus sit uniformis: secundum diversas leges varia debet esse discretio. In hanc variae discretionis petram communiter offenderunt, & illi qui in omnibus repudiant Probabilitatem, & illi qui eam in omnibus approbant. In medio tutissimus ibis; mediumque discretionis tenebis. Ratio discretionis est, quòd qui iudicat de aliquo est quodammodo superior illo, & medium per quod fit iudicium habet se ut quid altius & superius ipsâ re iudicatâ. Unde D. THOMAS opusc. 3. De libertate nu. 36. relatus ait: *Si igitur iudicans ad iudicandum seipsum moveat, oportet quòd per aliquam altiore formam apprehensam se moveat ad iudicandum.* Et verit. q. 1. a. 10. dicit: *Anima verò inquantum de rebus iudicat, non patitur à rebus, sed magis quodammodo agit.* Item in tabulâ aurâ verbo *Iudicium*, habetur quod *iudicare qualiter res esse debeat, sit superioris tantum.*

XVI. Ea propriè Probabilitati subijciuntur, quorum veritas ignoratur. Est autem duplex ignorantia, una *iuris*, alia *facti*. In factis quorum veritas ignoratur, bonum est ignoranti, & rationi congruum adhærere Probabilibus; est enim Probabilitas via ad veritatem ut ait D. THOMAS relatus num. 6. Quare in huiusmodi factis firmitas assensus orta ex determinatione voluntatis non erit imprudens; nec levis corde censetur qui factis credet aliquâ ratione probabili persuasus. Jus autem ignoratum non sic se habet; sed est distinguendum. Si jus vincibiliter ignoretur, nullâ Probabilitate firmari potest. v. g. si vincibiliter ignorem fornicationem esse illicitam, nunquam erit mihi honestum, adhærere quibuscumque rationibus etiam probabilissimis, ad credendum fornicationem esse licitam; nec maxima meæ sententiæ Probabilitas excusare me poterit à culpâ. Et ratio est aperta: Ignorantia est fundamentum Probabilitatis: si ignorantia non excuset à culpâ, nec quæcumque Probabilitas quantumvis maxima excusare poterit à culpâ. Si autem jus fuerit invincibiliter ignoratum quoad certitudinem; adhuc est distinguendum; vel enim jus omnem rationem excedit, & tunc legi contra quamcumque Probabilitatem falsam semper est adhærendum; quia tenetur homo inniti verò quantum potest: vel jus per rationem determinatur, & tunc

sufficiet Probabili sententiæ adhærere, etiam contra legem; quia rationabiliter præsumitur istius juris latorem non velle invincibiliter ignorantem certitudinem juris, obligare in eo casu, quo habetur ratio probabilis in contrarium.

Hic est verus modus expurgandi Probabilitatem, quem tribus conclusionibus, exponemus; quarum prima est, *In lege naturali nulla Probabilitas.* Secunda, *In lege divinâ Probabilitas subijcitur.* Tertia, *In lege humanâ Probabilitas dominatur.*



CAPVT SECVNDVM.

In lege naturali nulla Probabilitas.

Confundunt aliqui legem naturalem cum lege æterna; quod eâ solùm ratione verificari potest, quâ eadem principia practica quæ naturaliter à nobis sunt cognita fuere ab æterno à Deo cognita. Et sic qui peccat contra legem naturalem peccat contra legem æternam; non tamen è conversò, quicumque peccat contra legem æternam peccat contra legem naturalem: siquidem non solùm ea quæ præcipit lex naturalis; sed & quæ præcipit lex divina, imò & quæ præcipit lex humana, sunt ab æterno in cognitione divinâ. Verùm quia lex naturalis & lex divina sunt immediatè à Deo, lex autem humana non nisi mediante ratione per quam determinatur, solet lex æterna à S. AUGUSTINO accipi pro utrâque lege & naturali & divinâ; inquantùm utriusque præcepta extant ab æterno in mente divinâ. Lex naturalis respicit ea quæ sunt secundùm se vel bona, vel mala. De quibus dicimus, quod error, quo id quod est secundùm se malum creditur bonum, nullâ Probabilitate potest excusari, ita ut non peccet ille qui ex tali errore operatur. Nec aliud volumus dum asserimus *nullam esse in lege naturali Probabilitatem.* Et quia hæc assertio evidenter deducitur, si nulla ignorantia excuset in lege naturali; hoc unicum in præsentì capite evincere conabimur.

§. I. Quæ ignorantia excuset à peccato.

XVIII. **V**T ordinatè procedamus, ad probandum nullam ignorantiam excusare à peccato quod committitur contra legem naturæ, sive quod idem est, nullum excusari ab errore, quo malum creditur esse bonum, præmittere oportet doctrinam Angelicam de ignorantia excusante à peccato.

Est enim ab universalioribus incipiendum. Eam in multis locis tradit, sed clarissime omnium q. 3. de Malo a. 8. ex quo totum corpus articuli adducimus, & rogamus Lectorem sæpius perlegere. Nam in eo discet tutissima & inconcussa ignorantie dogmata. Sic autem se habet :

„ Dicendum, cum de ratione peccati sit quod sit voluntarium, intantum ignorantia habet excusare peccatum in toto vel in parte, inquantum tollit voluntarium. Est autem considerandum, quod ignorantia voluntarium sequens tollere potest : non autem voluntarium præcedens. Cum autem ignorantia sit in intellectu, ordo ignorantie ad voluntarium, considerari potest ex ordine intellectus ad voluntatem. Præcedit enim ex necessitate actus intellectus actum voluntatis ; quia bonum intellectum est voluntatis objectum.

„ Et ideo sublata cognitione intellectus per ignorantiam aufertur voluntatis actus, & sic tollitur voluntarium quantum ad id quod est ignoratum. Unde si in eodem actu aliquid sit ignoratum, & aliquid scitum : potest esse voluntarium quantum ad id quod est scitum, semper tamen est involuntarium quantum ad id quod est ignoratum : sive ignoretur deformitas actus (puta cum aliquis nescit fornicationem esse peccatum, voluntarie quidem facit fornicationem, sed non voluntarie facit peccatum) sive ignoretur substantia actus, sicut cum aliquis accedit ad mulierem, quam credit esse suam, voluntarie quidem accedit ad mulierem : sed non voluntarie ad non suam.

„ Et quamvis semper ignorantia causet non voluntarium, non tamen semper causet involuntarium. Non voluntarium enim dicitur per solam rationem actus voluntatis : sed involuntarium dicitur per hoc, quod voluntas contrariatur ei quod fit : unde ad involuntarium sequitur tristitia, quæ tamen non consequitur semper ad non voluntarium. Contingit enim quandoque, quod aliquis accedens ad non suam, quam credit suam esse : quamvis non velit actu ad non suam accedere, quia nescit eam esse non suam, tamen vult habitu, & vellet actu si sciret : unde cum postea percipit eam non fuisse suam, non tristatur sed gaudet : nisi mutaverit voluntatem.

„ XIX. Sed rursus voluntatis actus potest præcedere actum intellectus : sicut cum aliquis vult se intelligere, & eadem ratione ignorantia sub voluntate cadit, & fit voluntaria : hoc autem contingit tripliciter.

„ *Primo* quidem quando aliquis DIRECTE vult ignorare scientiam salutis, ne retrahatur à peccato quod amat. Unde dicitur Job. 21. de quibusdam qui dixerunt Deo, *Recede à nobis, scientiam viarum tuarum nolumus.*

„ *Secundo* ignorantia dicitur voluntaria INDIRECTE : quia non adhibet studium ad cognoscendum. Et hæc est ignorantia negligentie : sed quia non dicitur aliquis negligere, nisi cum debitum prætermittit, non videtur ad negligentiam pertinere, quod aliquis non applicat animum ad quodlibet cognos-

cendum: sed solum si non applicet animum ad cognoscendum ea quæ cognoscere debet, vel simpliciter & secundum omne tempus (unde ignorantia iuris ad negligentiam reputatur) vel in aliquo casu, ut cum quis emittit sagittam in aliquo loco, ubi homines solent transire, ad negligentiam sibi imputatur, si scire non studeat, aut tunc aliquis transeat, & talis ignorantia per negligentiam coniungens, voluntaria iudicatur.

Tertio dicitur aliqua ignorantia voluntaria PER ACCIDENS, ex eo scilicet quod aliquis *directè* vel *indirectè* vult aliquid, ad quod sequitur ipsum ignorare. *Directè* quidem sicut apparet in ebrio, qui vult superflue vinum potare, per quod privatur rationis usu: *indirectè* autem CUM ALIQUIS NEGLIGIT REPELLERE INSURGENTES PASSIONIS MOTUS, QUI PERCRESCENTES LIGANT RATIONIS USUM IN PARTICULARI ELIGIBILI, SECUNDUM QUOD DICITUR OMNIS MALUS IGNORANS.

XX. Quia ergo quod ex voluntario causatur, voluntarium in moralibus reputatur, inquantum ignorantia ipsa est voluntaria, intantum deficit ab hoc, quod causet non voluntarium, & per consequens ab hoc quod excuset peccatum. Cum ergo aliquis *DIRECTÈ* vult ignorare, ut à peccato per scientiam non retrahatur, talis ignorantia non excusat peccatum, nec in toto nec in parte: sed magis augeat. Ex magno enim amore peccandi videtur contingere, quod aliquis detrimentum scientiæ pati velit, ad hoc quod liberè peccato inhæreat.

Quando autem aliquis *INDIRECTÈ* vult ignorare, quia negligit addiscere, vel etiam quando PER ACCIDENS ignorantiam vult, dum vult *directè* vel *indirectè* aliquid ad quod ignorantia sequitur, talis ignorantia non totaliter causat involuntarium in actu sequenti: quia actus sequens ex hoc ipso quod procedit ex ignorantia quæ est voluntaria: est quodammodo voluntarius: sed tamen ignorantia præcedens diminuit rationem voluntarii. Minus enim est voluntarius actus, qui ex tali ignorantia procedit, quam si scienter talem actum aliquis eligeret absque omni ignorantia. Et ideo talis ignorantia non excusat actum sequentem à toto, sed à tanto.

Sed tamen hoc est advertendum, quod quandoque & ipse actus sequens, & ignorantia præcedens sunt unum peccatum: sicut voluntas & actus exterior dicuntur unum peccatum. Unde potest contingere, quod non minus aggravetur peccatum ex voluntario ignorantia, quam excusetur ex voluntario actus diminuto.

Si autem ignorantia nullo prædictorum modorum sit voluntaria, puta, cum est invincibilis, & tamen est absque omni inordinatione voluntatis, tunc totaliter facit actum sequentem involuntarium.

Hæc est lucidissima Ecclesiæ Solis doctrina, cui si volueris addere, & eam explicare, obscuram facies. Tantum nota tertium modum, quo ignorantia dicitur voluntaria PER ACCIDENS.

§. II. *Probatur ex Angelico Sole ignorantiam legis naturalis non excusare à peccato.*

XXI. **E**X præmissâ Solis Angelici doctrinâ habemus ignorantiam non excusare si sit *PER ACCIDENS VOLUNTARIA* : sed error quo malum creditur esse bonum est *per accidens voluntarius* : ergo talis error non excusat à peccato, nec unquam excusare potest : ac proinde ignorantia legis naturalis nunquam à peccato excusabit ; quia per ignorantiam legis naturalis nihil aliud in præsentî intelligimus, quàm eam quâ *creditur bonum esse quod malum est*, & per quam *malum quasi bonum placet*. Sola minor probatione indiget. Eam autem sic probamus. Error quo malum creditur esse bonum oritur vel ex aliquâ passione insurgente, quam aliquis negligit reprimere, vel ex aliquo habitu, ergo est *per accidens voluntarius*. Patet consequentia ex Angelico testimonio n. 19. in quo clarè dicitur dari voluntarium per accidens, *cum aliquis negligit repellere insurgentes passiones motus qui percrecentes ligant rationis usum in particulari eligibili, secundum quod dicitur omnis malus ignorans*. Quibus verbis clarissimum est, errorem qui consequitur passionem, cui consentimus, sive quam non vincimus, esse *per accidens voluntarium*. v. g. Ex hoc quòd insurgat motus concupiscentiæ, creditur hic actus fornicationis esse bonus. Et voluntate non repellente motum concluditur, hunc actum fornicationis esse faciendum. Quod dum iteratis actibus concluditur, habitus generatur, quo non amplius hic actus fornicationis, sed ipsa fornicatio in universali quasi bonum placet : & impostertum ex cecâ illâ fornicationis complacentiâ, quam habitu tenemus, concludimus hunc actum fornicationis esse faciendum. Quare omnis error quo fornicatio creditur esse bona, vel est de fornicatione in universali, & sic sequitur ad habitum, vel est de fornicatione in particulari, & sic sequitur ad passionis motum hic & nunc insurgentem. Quocumque modo sequatur, semper erit *voluntarius per accidens* ; quia passio non reprimitur, & habitus sequitur ex passione voluntariè non repressâ, aut saltem liberè ei adhæremus.

XXII. Omnem errorem quo bonum esse creditur quod malum est, oriri vel ex passione vel ex habitu disertè docet Magister noster S. THOMAS I. 2. q. 94. a. 6. his verbis. *Ad legem naturalem pertinent primò quidem quadam præcepta communissima, quæ sunt omnibus nota : quadam autem secundaria præcepta magis propria quæ sunt quasi conclusiones propinque principiis. Quantum ergo ad illa principia communia lex naturalis nullo modo potest à cordibus hominum deleri in universali : deletur tamen in particulari operabili, secundum quòd ratio impeditur applicare commune principium ad particulare operabile propter concupiscentiam, vel aliquam aliam passionem, ut supra dictum est. Ecce error ortus ex passione non repressâ. Quantum verò ad alia præcepta secundaria, potest lex naturalis deleri de cordibus hominum, vel propter malas persuasiones, eo modo quo etiam in specula-*

irris errores contingunt circa conclusiones necessarias; vel etiam propter pravas consuetudines & habitus corruptos: sicut apud quosdam non reputabatur latrocinia peccata, vel etiam vinia contra naturam, ut etiam Apost. dicit ad Rom. 1. Ecce error consequens ad habitum. Nec in præsentì obest quòd etiam oriatur ex malis persuasionebus, quia non minùs voluntariæ sunt malæ persuasiones, quàm pravæ consuetudines & habitus corrupti.

Mirum est quosdam recentiores vti distinctione datâ præceptorum naturalium in *communissima* & *propria*, ad probandum ignorantiam circa propria excusare à peccato si fuerit invincibilis: putant enim D. THOMAS his docere præcepta communissima non posse invincibiliter ignorari, secus præcepta secundaria & propria. Verùm pace eorum dixerim, non est ille sensus Angelicæ doctrinæ: aliud est quòd præcepta secundaria & propria possint deleri de cordibus hominum, aliud est quòd possint deleri invincibiliter. Primum dixit D. THOMAS, distinguens penes hoc præcepta primaria legis naturæ à secundariis quòd primaria non possint ignorari: secundaria verò possint ignorari. Quod autem possint ignorari invincibiliter negavit D. THOMAS dùm dixit, ea ignorari propter malas persuasiones, pravas consuetudines, & habitus corruptos, in quo cerè sufficienter distinguuntur à præceptis primariis, quæ nullis malis persuasionebus, nullis malis consuetudinibus, nullitque habitibus corruptis deleri possunt de cordibus hominum.

§. III. Confirmatur altero Angelici Solis testimonio Ignorantiam legis naturalis non excusare à peccato.

XXIII. CONFIRMATUR. doctrina præcedens insigni alio D. THOMÆ testimonio ex 2. 2. q. 15. a. 1. ubi docet: Dicendum, quòd sicut cæcitas corporalis est privatio ejus quod est principium corporalis visionis: ita etiam cæcitas mentis est privatio ejus, quod est principium mentalis, sive intellectuales visionis. Cujus quidem principium est triplex. Unum quidem est lumen naturalis rationis, & hoc lumen cùm pertineat ad speciem animæ rationalis, nunquam privatur, ab animâ: impeditur tamen quandoque à proprio actu per impedimenta virium inferiorum, quibus indiget intellectus humanus ad intelligendum, sicut patet in amentibus & furiosis, ut in primo dictum est.

Aliud autem principium intellectualis visionis est aliquod lumen habituale naturali lumini rationis superadditum. Et hoc quidem lumen interdum privatur ab animâ: & talis privatio est cæcitas, quæ est pœna secundùm quòd privatio luminis gratiæ, quædam pœna ponitur. Unde dicitur de quibusdam. Sap. 1. Exacavit illos malitia eorum.

» Tertium

» Tertium principium visionis intellectualis est aliquod INTELLIGIBILE PRIN-
 » CIPIMUM, per quod homo intelligit alia, cui quidem principio intelligibili
 » mens hominis potest intendere, vel non intendere. Et quòd ei non intendat
 » contingit dupliciter: quandoque quidem ex hoc, quòd habet voluntatem
 » spontaneè se avertentem à consideratione talis principii, secundum illud
 » Psalm. 35. *Noluit intelligere ut bene ageret.* Alio modo PER OCCUPATIONEM MEN-
 » TIS circa alia, quæ magis diligit, quibus ab inspectione hujus principii mens
 » avertitur, secundum illud Psalmi 57. *Supercedit ignis*, scilicet concupiscen-
 » tiæ, & non viderunt Salem. Et utroque modo cæcitas mentis est peccatum.

XXIV. Profundissima horum verborum doctrina profundissimè à nobis est
 examinanda, secundum quòd placuerit Domino dare intellectum. Primò om-
 nium distinguat CORDATUS LECTOR, cæcitatem mentis quæ est pœna, & cæci-
 tatem mentis quæ est peccatum. Illa est privatio habitualis principii: hæc est
 privatio actualis considerationis alicujus intelligibilis per quod alia cognosce-
 remus: quæ actualis consideratio nobis deest, vel quia de aliis cogitamus quæ
 magis amamus, vel quia nolumus objectum illud considerare. Quòd ut melius
 intelligatur exempla proponemus. Istud principium, *Quod tibi non vis fieri alteri ne
 feceris*, est principium intelligibile quod si actu attentè consideraretur, plura
 quæ circa proximum sunt agenda, concluderentur non esse facienda. Contingit
 quòd aliquis non vult istud principium in mente volvere, ne retrahatur ab
 aliquibus malis quæ amat inferre proximo, non quia ipsi mala, sed quia sibi
 bona; error quem iste habebit ex defectu dictæ cogitationis est affectatus & di-
 rectè volutus. Si verò occupet se ad cogitandum de aliis quæ magis amat, ra-
 tione cujus dum occurrit aliquid agendum circa alterum, non attendit ad
 istud principium *Quod tibi non vis fieri alteri ne feceris*; omnes errores in quos inci-
 det ex defectu actualis considerationis dicti principii, sunt per accidens volun-
 tarii; & imputantur illi. Ad hunc modum dicimus, quòd nullus crederet esse
 bonum quod malum est, si non amaret aliqua per quæ divertitur à cogitatio-
 ne alicujus principii, ex quo concluderet esse malum, id quod credit esse
 bonum.

Scriptum est, *Cogitatio sancta servabit te. Memorare novissima tua & in aeternum non
 peccabis.* Cogitatio æternitatis facit plurima æstimare mala, quæ alioquin cre-
 derentur bona. Temporalia vilescunt, dum cogitantur æterna. Multi munda-
 ni nolunt cogitare de æternitate, ne temporalia quæ amant, vel derelinquant,
 vel cum angustia spiritus ea possideant. Quæ enim in possessione temporalium
 potest esse suavitas, dum cogitatur æternitas! Alii sunt qui non habent vo-
 luntatem spontaneè se avertentem à cogitatione æternitatis, sed occupant se ad
 temporalia quæ magis placent. Si utrisque occurrant aliqua agenda, & in illis cre-
 dant bonum esse quod malum est, quod certè non credidissent si de æternitate

cogitassent, uterque peccant, & utrique error est voluntarius.

XXV. Ex quo generaliter concludi potest, quòd quæcumque obliuio, quæcumque ignorantia, quæcumque non aduertentia oritur ex defectu alicujus bonæ cogitationis, quam habuissimus, si mens ad alias vanas cogitationes non se occupasset, nullatenus à peccato excusare possunt. In quo sensu credimus à Palestinâ Synodo damnatum, *obliuionem & ignorantiam non subiacere peccato, quoniam non eveniunt secundum voluntatem, sed secundum necessitatem*. Dum enim mens occupat se ad alia, & divertit se à cogitatione principiorum intelligibilium, necesse est ut cadat in obliuionem & ignorantiam eorum quæ occurrunt agenda, & quæ non possunt verè & rectè concludi sine illuminatione dictorum principiorum. Obliuio ergo & ignorantia eveniunt tunc secundum necessitatem, non absolutam, sed conditionatam. Et non secundum voluntatem directam aut negligentem, benè tamen secundum voluntatem per accidens: & idè subiacent peccato. Sic se habet error, quo creditur bonum esse, quod malum est.

XXVI. Meritò etiam doctrinam P. Baunii Jesuitæ gravi Censurâ cœrcuit tota Sorbonâ, Nam cum cum Pater iste docuisset, *Nunquam peccari, nisi præviâ peccati cognitione animus illudretur, ejusque vitandi desiderio extinguletur; hanc propositionem FALSAM ESSE ET VIAM APERIRE AD EXCUSANDAS EXCUSATIONES IN PECCATIS Doctores omnes censuerunt die 1. Aug. Anno Domini 1641. In hoc sequuti S. Bernardum, qui anonymum quemdam docentem semper adesse cognitionem peccati in eo qui peccat, meritò castigat Epist. ad Hugonem de S. Victore cap. 5. his verbis: *Iam, inquit, contra assertionem tertiam non nullum nobis arbitror laborandum: quòd manifestam præferat falsitatem..... Verendum tamen, ne si vel breviter non responderetur stulto juxta stultitiam suam, putans fore sapientiam, securius spargat seminarium vecordie in auribus incipientium, & ita iam insipientie ejus non sit numerus. Veritatis proinde testimoniis paucis & manifestis, manifestum mendacium confutetur. Is forsitan qui asserit nunquam posse peccari per ignorantiam, nunquam pro suis ignorantibus deprecatur; sed potius Prophetam irridet deprecantem & dicentem. Delicta juventutis meæ & ignorantias meas ne memineris. Forsitan & reprehendet Deum exigentem pro peccato ignorantie satisfactionem. Et adductis diversis testimoniis S. Scripturæ de oblatione Pontificis pro populi ignorantia; de Saulo qui se dixit misericordiam consecutum, quia ignorans fecit; de Christo orante pro suis crucifixoribus, nescientibus quid facerent; & de occisoribus Apostolorum, qui arbitrati sunt obsequium se præstare Deo; demum concludit: Nunquid ex his satis apparet, in quantis jaceat ignorantie tenebris, qui ignorat peccari posse interdum per ignorantiam.**

§. IV. *Ex S. AUGUSTINO, ignorantiam legis naturalis nunquam à peccato excusare, evincitur.*

XXVII. **P**ræmisimus Discipulum Magistro; quia lumine Discipuli indigebant verba Magistri, ut mens illius nobis manifesta foret. Nam qui eos segregarant, in varias & inextricabiles inciderunt difficultates. Ignorantiam invincibilem legis naturalis non excusare à peccato contendunt; eam autem quæ est juris positivi divini excusare volunt, si invincibilis fuerit: eò quòd hæc non sit pœna peccati, sicut prima. Et tamen testimonia S. AUGUSTINI, in quibus maxime gloriantur, utramque ignorantiam statuunt esse pœnam peccati; & ut plurimum ipse S. AUGUSTINUS explicat ea de ignorantia juris positivi divini. Sed quòd amplius est, seipsos destruunt. Nam unicum eorum fundamentum est, non esse admittendum duplicem ultimum finem, unum naturalem, alium supernaturalem; nec consequenter cognitionem Dei & amorem distingui posse in naturalem, & supernaturalem. Nunc admittunt jus aliquod positivum divinum ex solâ liberâ Dei voluntate dependens, omni creaturæ rationali indebitum. Oportet ergo ut cognitio Dei & amor ex tali jure obligantes, & ultimus finis ad quem jus istud nec non & cognitio ac amor Dei ordinantur, sint omni creaturæ rationali indebita; sine quibus creatura rationalis condi potest. Quâ ratione, & quo Sacræ Scripturæ ac S. AUGUSTINI testimonio ostensuri sunt, jus istud divinum positivum non ordinare hominem ad participandum illam beatitudinem, quâ Deus ipse in tribus personis beatificatur? Quomodò convincent ex illo jure à merâ voluntate Dei dependente, non fieri homines filios Dei adoptivos? Nonne fuisset satiùs dicere cum fidelissimo S. AUGUSTINI discipulo Sole Angelico S. THOMÆ Aquinate, & cum omnibus Scholasticis, summisque approbantibus Pontificibus, aliam esse cognitionem per dilectionem Dei operantem, quam exigit jus divinum naturale, & sine quâ creatura rationalis condi non potest; eam scilicet per quam invisibilia Dei, per ea quæ facta sunt intellecta conspiciuntur, sempiterna quoque ejus virtus & divinitas. Aliam vero esse cognitionem per dilectionem Dei operantem, quam exigit jus divinum positivum, & sine quâ creatura rationalis condi potest; eam scilicet per quam Deus ut est in seipso beatus cognoscitur & diligitur, & per quam creatura rationalis ad consortium divinæ naturæ elevatur, ut sic deificata non proprio creaturæ modo operandi, sed proprio Dei operandi modo beatificaretur. Vide Opusc. 2. de Naturâ purâ.

XXVIII. Hic igitur agnoscant, non tam humano studio, quàm lumine Solis Angelici legendum esse S. AUGUSTINUM. Ne latum unguem discedit Discipulus à Magistro; cujus profundissima mens non nisi à Sole Angelico poterat

illustrari, nobisque manifestari. Duobus testimoniis D. THOMÆ, probavimus ignorantiam legis naturalis non excusare à peccato. Duobus etiam D. AUGUSTINI testimoniis Doctrinam Angelicam præcontinentibus probabimus eandem assertionem. Primum præsentis paragraphi materia crit; secundum sequenti reservabitur. Distinxit Sol Angelicus Ignorantiam voluntariam in eam quæ est per se volita, sive directè sive indirectè; & eam quæ est per accidens volita, sive directè, sive indirectè. Dux enim sunt ignorantie voluntariæ per accidens, & dux ignorantie volitæ per se, ut videre est loco citato in §. 1. Recentiores solius ignorantie volitæ per se meminerunt; ignorantiam autem per accidens volitam non considerarunt; & idè in præsentì defecerunt.

Duplex illud genus ignorantie, nempe volitæ per se, & volitæ per accidens, expressit S. AUGUSTINUS lib. de naturâ & gratiâ cap. 17. his verbis: *Aliud est enim non curasse scire: quæ negligentie peccata etiam per sacrificia quædam legis videbantur expiri: aliud intelligere velle, nec posse, & facere contra legem non intelligendo quid velit.* Et in illa verba Psalmi 31. *Noluit intelligere ut bene ageret, dum ait: videtis quia voluntati illud tribuit: quia sunt homines qui volunt intelligere & non possunt: sunt autem homines qui volunt intelligere, idè non intelligunt.* Denique in Epistola centesimâ quintâ sic concludit, de omni peccatore, *Ac per hoc inexcusabilis est, vel reatu originis, vel aditamento etiam propriæ voluntatis, sive qui novit, sive qui ignorat, sive qui judicat, sive qui non judicat: quia & ipsa ignorantia, in eis qui intelligere noluerunt sine dubitatione peccatum est; in eis autem qui non potuerunt pœna peccati.* Ergo in utrisque non est iusta excusatio, sed iusta damnatio.

XXIX. Quibus omnibus duplex ignorantia exprimitur; una est ejus, qui potest intelligere, & non vult; alia est ejus, qui vult intelligere, & non potest. Clarum est quod ignorantia illius qui potest & non vult intelligere coincidit cum illâ ignorantia, quam dicit D. THOMAS esse volitam per se. Illa autem ignorantia, quæ est ejus qui vult & non potest intelligere, est etiam eadem cum illâ, quam dicit D. THOMAS esse volitam per accidens. Nam impotentia intelligendi oritur secundum S. AUGUSTINUM ex passione vel habitu: est ergo voluntaria per accidens. Diximus enim ignorantiam esse voluntariam per accidens, eò quod consequatur passionem quam non reprimit voluntas, vel habitum ex hujusmodi passionibus causatum. Si impotentia intelligendi, quæ est ignorantia volentis intelligere, consequatur etiam passionem vel habitum, una erit ignorantia, & illa quæ secundum S. AUGUSTINUM est volentis & non potentis intelligere, & illa quæ secundum S. THOMAM est voluntaria per accidens.

Quod impotentia intelligendi oriatur ex passione vel habitu, satis sciunt qui mediocriter in S. AUGUSTINO versati sunt. Imprimis libro de perfectione justitiæ cap. ult. ait: *Non offendit nisi cui mala concupiscentia contra justitiæ rationem appendo, vel vitando faciendum vel dicendum, vel cogitandum aliquid quod non debuit, sive FALLENS, sive PRÆVALENS persuadet.* Et libro secundo de peccatorum meritis cap. 3.

Unde fit consequens, ut nec orare debeamus ne intremus in tentationem; hoc est ne tentatione (concupiscentiâ secundum phrasim Augustinianam) vincamur, vel cum FALLIT ET PRÆOCCUPAT NESCIENTES, vel cum PREMIT ATQUE URGET INFIRMOS. In duobus locis fallere tribuit concupiscentiæ propter ignorantiam, cui proprium est scientiam subtrahendo, fallere: premere verò seu prævalere propter motus vehementiam. Denique propter ignorantiam quam causat concupiscentia vocat eam cœcam, in Enchiridio ad Laurentium cap. 27. ubi ait: Ad iram quippe Dei pertinet justam quidquid cœcâ & INDOMITâ concupiscentiâ facimus libenter mali, & quidquid manifestis apertisque pœnis patimur inviti. Ecce cœca dicitur concupiscentia propter ignorantiam, quam secum comitem trahit, Deo pluyente pœnales cœcitates super illicitas cupiditates: indomita verò propter infrenes impetus, quibus in voluptates æstuat. Vide Opusc. 1. cap. ult.

XXX. Ad majorem horum evidentiam recolenda est doctrina SYLLOGISMI PRACTICI, quam Opusc. 3. tradidimus. In hoc syllogismo, ignorantia quâ credimus, hoc esse bonum quod malum est, tenet minorem: quæ sub majore assumpta concludit, hoc quod malum est esse faciendum. Ex hoc quòd quis credit esse bonum id quod malum est, nondum peccat, sed dum ex tali errore concludit aliquid esse faciendum, tunc peccat. Sicut in simili ait D. THOMAS Opusc. 1. num 203. relatus. Non attendere ad regulam non est malum, sed sine actuali consideratione regulæ procedere ad operandum accipit rationem culpæ, sicut artifex non peccat in eo quòd non semper tenet mensuram, sed ex hoc quod non tenens mensuram procedit ad incidendum. Ita dico error ille, quo creditur bonum esse quod malum est, est quidem peccatum prout peccatum dicit actum inordinatum: non tamen est culpa, sed magis pœna peccati. At dum ex tali errore voluntas concludit, id quod malum est esse faciendum, tunc accipit primò rationem culpæ.

Quare subtiliter in ignorantia, quâ creditur bonum esse quod malum est, duplex error est distinguendus, unus est quasi speculativus qui in syllogismo practico ponitur in minore; alius est practicus qui in syllogismo practico ponitur in conclusione, & ideo dicitur à D. THOMA error electionis. Ignorantia prædicta ratione primi erroris, est pœna peccati originalis, ratione secundi erroris, est verè peccatum & culpa. Error speculativus seu minoris est ex passione vel habitu, error verò conclusionis est propriè voluntatis sequentis passionem vel habitum. Ita D. THOMAS 3. dist. 43: a. 1. ad 3. *Error ille ex quo omne peccatum (hominis infirmi) procedit est error electionis, secundum quem omnem malum ignorantem esse dicit. Hæc autem ignorantia non causat involuntarium, immò est ex voluntate causata, quia ex ipsâ inclinatione corruptâ voluntatis in peccatum, quæ est per habitum, vel passionem consequitur ut hoc quasi bonum quis eligat quod voluntati placet.*

XXXI. Quapropter manifestum est, unam esse gemini Ecclesiæ Solis mens-

tem. Apud utrumque ignorantia juris naturalis non excusat, quia est voluntaria per accidens secundum modum exprimendi Angelicum, sive quia est volentis intelligere & impotentis propter cœcam concupiscentiam, ut exprimit S. AUGUSTINUS. Ignorantia vero juris positivi excusabit à peccato, si nullatenus fuerit voluntaria secundum D. THOMAM, sive si juxta S. AUG. non fuerit impotentis propter cœcam concupiscentiam, sed impotentis propter defectum prædicationis, seu promulgationis. Nam ut ait Præceptor Angelicus. 1. 2. q. 90. a. 4. *Ad hoc quod lex virtutem obligandi obtineat, oportet quod applicetur hominibus, qui secundum eam regulari debent: talis autem applicatio fit per hoc quod in notitiam eorum deducitur, ex ipsa promulgatione, unde promulgatio ipsa necessaria est ad hoc quod lex habeat suam virtutem.* Promulgatio juris positivi fit per exteriorē verbi prædicationē, cui nihil obstant interiora nostra. At promulgatio juris naturalis fit per interiorē cordis inspirationem, cui plurimum officiant passiones concupiscentiæ, & habitus corrupti juxta illud Philosophi. *Qualis unusquisque inivis est, talis finis videtur ei.*

§. V. *Secundum S. AUGUSTINI testimonium, quo conformiter ad Doctrinam Anglicam probatur, Ignorantiam legis naturalis non excusare.*

XXXII. **D**ocuit S. Thomas §. 3. relatus, cæcitatem mentis uno modo esse peccatum per occupationem mentis ad alia quæ magis diligit, quibus ab inspectione alicujus principii intelligibilis mens avertitur, quod tamen principium si actu consideraret, quæ par est attentione, non erraret circa agenda. Quod principium intelligibile est quasi regula recte judicandi de agendis, quæ ejus lumine concluduntur. Unde & hic applicanda est doctrina §. præced. tradita. Nempe voluntatem non peccare præcisè per hoc quod se avertat à consideratione dicti principii, sed tunc primò peccare, quando cum tali aversione procedit ad judicandum de agendis, quæ ab illo principio pendunt, ita ut verificetur, si dictum principium debite considerasset, non erroneè judicasset. Ex quo aperte concluditur, nullum errorem excusare à culpâ, si procedat ex defectu considerationis hujus principii intelligibilis, *Quod tibi non vis fieri alteri ne feceris*, à cujus inspectione mens avertitur per occupationem mentis ad alia, quæ magis diligit.

Quam doctrinam funditus extraxit fidelissimus Discipulus ex sapientissimo Magistro suo S. AUGUSTINO. Hic enim iterum atque iterum docet, nullum posse à culpa excusari, si agat contra hoc principium, *Quod tibi non vis fieri alteri ne feceris*. Nec aliam rationem assignat, quàm illud esse omnibus notum, omnesque ex illo recte judicaturos, si aliud non amarent. Utinam & omnes Probabilistæ aliud non amarent! cernerent enim ex hoc ipso principio se in multis Probabilitatē suâ, non Probabiliter, sed certò hallucinatos fuisse. Ut clariùs veritas Au-

AUGUSTINIANA. innotelcat, ordinatè eam trademus. *Primò* enim ostendemus S. AUGUSTINUM docere, Principium istud, *Quod tibi non vis fieri, alteri ne feceris*, includere omnia alia præcepta Decalogi. *Secundò* istud principium à nullo posse ignorari. *Tertiò*, voluntatis esse quod contra illud concludatur aliquid agendum.

XXXIII. Quantum ad primum, videlicet in dicto principio omnia præcepta includi, expressissimis verbis id docet S. AUGUSTINUS lib. de decem chordis cap. 10. ubi sic loquitur: *Decem enim præcepta ad duo illa referuntur, sicuti audivimus ut diligamus Deum & proximum; & duo illa ad unum illud. Unum est autem. Quod tibi fieri non vis, alii ne feceris. Ibi continentur decem, ibi continentur duo.* Cumque sibi objecisset, clarum quidem esse præceptum dilectionis proximi in eo includi, quia furtum si faciam, id facio quod pati nolo, si occidam, id facio quod ab altero pati nolo, &c. Non tamen præceptum dilectionis Dei videtur in eo includi, nec etiam præceptum non fornicandi, cui enim in fornicatione facio, quod pati nolo?

„ Respondet S. AUGUSTINUS. Intelligat Sanctitas vestra. Etenim quod tibi fieri non vis, alij ne feceris ad duo præcepta pertinet. Quomodo pertinet ad duo præcepta? Si homini non feceris quod pati non vis ab homine, ad proximum pertinet; ad dilectionem proximi, ad septem chordas. Si autem quod non vis pati ab homine, ipsi Deo vis facere, quid est hoc? non facis alteri quod pati non vis? Charior tibi factus est homo, quàm Deus? Ergò quomodo injuriam facio, inquit, ipsi Deo? Corruptis teipsum. Et unde injuriam facio Deo, quia corrumpto meipsum? Unde facit tibi injuriam qui voluerit fortè lapidare tuam tabulam pictam, in quâ tabulâ imago tua est in domo tuâ inaniter posita ad vanum honorem tuum, nec sentiens, nec loquens, nec videns? Si quis illam lapidet, nonne in te esse contumeliam factam attendis? Cum verò ad imaginem Dei, quod es tu, corruptis in te per fornicationes, & per diffueltas libidinis, attendis quia ad nullius uxorem accessisti, attendis, quia post uxorem tuam nihil fecisti, quia uxorem non habes: & non attendis, per libidines, & illicitas fornicationes cujus imaginem violasti.

Et post pauca concludit: *Servum si haberes, velles ut serviret tibi servus tuus: Servum tu meliori Domino Deo tuo. Servum tuum non tu fecisti, & te servum tuum ille fecit. Vis ut tibi serviat cum quo factus es, & non vis servire ei à quo factus es? Ergò cum vis ut serviat tibi servus tuus homo, & tu non vis servire Domino Deo tuo: facis Deo quod tu pati non vis. Ergò illud unum præceptum continet duo, illa duo continent decem, illa decem continent omnia.*

XXXIV. Quantum ad secundum, videlicet, à nemine præceptum istud ignorari non minùs clarè id docet S. AUGUSTINUS concione 25. in Psalm. 118. *Nullus est enim, inquit, qui faciat alteri injuriam, nisi qui fieri sibi nolit: & in hoc transgreditur naturæ legem, quam non sinitur ignorare, dum id quod facis non vult pati.* Et Enarrat.

in Psalm. 57. *Quis, ait, de iustitiâ interrogatus quando non habet causam, non facile respondet quid sit iustum? Quandoquidem manu formatoris nostri in ipsis cordibus veritas scripserit, Quod tibi non vis fieri, ne facias alteri. Hoc & antequam lex daretur, NEMO IGNORARE PERMISSUS EST, ut esset unde iudicaretur etiam quibus non esset data. Sed ne sibi homines aliquid defuisse quererentur, scriptum est in talibus quod in cordibus non legebant; non enim & scriptum non habebam, sed legere volebant. Oppositum est oculis eorum, quod in conscientia videre cogerentur, & quasi forissecus admoda voce Dei, ad interiora sua homo compulsus est.*

Tertium denique, videlicet, voluntatis esse quidquid contra illud concluditur agendum, lucidissimè demonstrat, dum post verba citata ex libro de decem chordis subiungit: *Cantate ergo in psalterio decem chordarum canticum novum. Si autem canteris canticum novum, estote homines novi. Diligite iustitiam, quia habet pulchritudinem suam. Ideo non vultis illam videre quia aliud amatis. Nam si aliud non amaretis, eam utique videretis.* Et in Psalm. 35. *Numquid & hoc cum conatu intelligit? Quod tibi fieri non vis, alii ne feceris? ut quia non vis pati iniquitatem, non facias iniquitatem, quia non vis pati dolum & insidias, non insidieris alteri. Hoc autem cum non vis intelligere voluntati tribuitur. Quasi diceret, quod enim non vis intelligere, est defectus voluntatis, quæ (ut ait Sol Angelicus) avertit se ab actuali consideratione illius principii, per occupationem mentis ad alia, quæ magis amat.*

S. VI. Radix doctrina tradita enucleatur.

XXXV. **C**um tota ratio ad probandum ignorantiam legis naturalis non excusare, consistat in eo quod ista ignorantia sit voluntaria per accidens: oportet hoc radicitus enucleare. Quemadmodum scientia seu vera cognitio dignoscitur ex objecto, ita & ignorantia seu error quo creditur bonum esse quod malum est, ex eis quæ sunt mala secundum se dignosci debet. Unum autem oppositorum per aliud cognoscitur; ea ergo quæ sunt mala secundum se optimè cognoscuntur ex iis quæ sunt bona secundum se. Vocamus bonum secundum se, quod ex solâ sui apprehensione, nullâ factâ ad aliquid aliud collatione, iudicatur esse bonum; & ita malum secundum se dicitur, quod ex solâ sui apprehensione, nullâ factâ ad aliquid aliud collatione, iudicatur esse malum.

Quæ autem à parte rei ita se habeant, ut nullâ factâ rationis collatione iudicentur esse, vel bona, vel mala, ex lumine Angelico petendum est. Is 1. 2. q. 94. a. 2. hanc doctrinam tradit: *Hoc est ergo primum præceptum legis, quod bonum est faciendum, & prosequendum & malum vitandum: & super hoc fundantur omnia alia præcepta legis naturæ, ut scilicet omnia illa facienda vel vitanda pertineant ad præcepta legis naturæ, quæ ratio practica naturaliter apprehendit esse bona humana. Quia verò bonum habet rationem finis, malum autem rationem contrarii. Inde est quid OMNIA ILLA, AD QUÆ HOMO HABET NATURALEM INCLINATIONEM, RATIO NATURALITER APPREHENDIT*

UT BONA,

UT BONA, & per consequens ut opere prosequenda, & contraria eorum ut mala, & vitanda.

XXXVI. Fundamentum hujus doctrinæ est principium istud Philosophi; *Qualis unusquisque est talis finis videtur ei*, id quod est secundum se bonum est finis; ut ergo sic homini videatur, inesse debet ei inclinatio interior ad illud. Et idcirco ad ea quæ secundum se conveniebant homini, indita est à Deo inclinatio naturalis, ut ex istâ inclinatione statim ad apprehensionem illorum nullâ factâ collatione judicarentur esse bona; hoc est *naturaliter apprehenderentur ut bona* phrasi Angelicâ. Vide Opusc. 2. cap. 6. §. 8. ubi ostendimus firmitatem judicii practici præsupponere inclinationem interiorē voluntatis, in quâ fundetur.

Quænam sint illa bona ad quæ homo naturaliter inclinetur, ea in verbis subsequenter enumerat D. THOMAS: *Secundum igitur ordinem inclinationum naturalium est ordo præceptorum legis naturæ. Inest enim primò inclinatio homini ad bonum secundum naturam; in quâ communicat cum omnibus substantiis, prout scilicet quælibet substantia appetit conservationem sui esse secundum suam naturam: & secundum hanc inclinationem pertinent ad legem naturalem ea, per quæ vita hominis conservatur, & contrarium impeditur.*

Secundò inest homini inclinatio ad aliqua magis specialia secundum naturam, in quâ communicat cum cæteris animalibus, & secundum hoc dicuntur ea esse de lege naturali, quæ natura omnia animalia docuit, ut est commissio maris & sæminæ, & educatio liberorum, & similia.

Tertiò modo inest homini inclinatio ad bonum secundum naturam rationis, quæ est sibi propria: sicut homo habet naturalem inclinationem ad hoc quòd veritatem cognoscat de Deo, & ad hoc quòd in societate vivat: & secundum hoc ad legem naturalem pertinent ea, quæ ad hujusmodi inclinationem spectant, utpote quòd homo ignorantiam vitet, quòd alios non offendant, cum quibus deberconversari, & cætera hujusmodi quæ ad hoc spectant.

XXXVII. Sub nullâ istarum trium inclinationū cadit delectabile sensus. Nam licet ea quæ ad conservationem vitæ, & commissionem maris & sæminæ ordinantur, sint delectabilia secundum sensus, gustus & tactus; non tamen ad ea naturalis est inclinatio hominis inquantum sunt delectabilia, sed in quantum sunt necessaria & utilia ad dictos fines. Operationibus enim nutritivæ & generativæ ordinatis ad conservationem individui, & speciei naturæ delectationem apposit, ut ad hæc opera animalia magis inclinentur. *Et inde est*, ait D. THOMAS 1. 2. q. 4. a. 2. ad 2. *quòd divinus intellectus qui est institutor naturæ, delectationes apposit propter operationes.* Hinc fit quòd apprehendere delectabile sensus ut per se bonum, & judicare esse per se appetendum sit errare: ac proinde omne iudicium super hunc errorem fundatum oportet esse erroneum. Et simile est de divitiis, aliisque bonis temporalibus quibus solum uti debemus pro necessitatibus & utilitatibus vitæ præsentis; errat enim intellectus dum judicat ea ut per se bona.

Quæ doctrina prorsus est Angelica; eam enim tradit D. THOMAS, 2. 2. q. 141.

art. 6. his verbis: *Omnia delectabilia quæ in usum hominis veniunt, ordinantur ad aliquam hujus vitæ necessitatem sicut ad finem; & ideo temperantia accipit necessitatem hujus vitæ, sicut regulam delectabilium quibus utitur, ut scilicet tantum eis utatur quantum necessitas hujus vitæ requirit.* Desumpsit hanc delectabilium regulam fidelissimus Discipulus ex Sapientissimo Magistro suo S. AUGUSTINO qui libro de moribus Ecclesiæ cap. 21. eam præscribit dicens: *Habet vir temperans in rebus mortalibus & fluentibus vitæ regulam utroque testamento firmatam: ut earum nihil diligit, nihil PER SE APPETENDUM putet, sed ad vitæ hujus atque officiorum necessitatem, quantum satis est usurpet, UTENTIS MODESTIÀ, NON AMANTIS AFFECTU.*

XXXVIII. DICTUM EST quòd judicium, quo aliquid judicatur ut per se bonum oriatur ex aliquâ interiori inclinatione. Dum ergo delectabile sensus judicatur ut per se bonum, hoc non contingit nisi propter aliquam interiorem inclinationem, quæ non est alia quàm ipsa concupiscentia. Ipsa enim est quæ delectatur in sensibilibus, ut per se bonis. Quando enim quisque nascitur, (ait S. AUGUSTINUS tract. 15. in Joan.) *Antequam uti possit mente atque ratione, non regitur nisi sensibus carnis.* Anima in puero parvulo quod auditur, quod videtur, quod olet, quod sapit, quod tactu sentitur hoc appetit aut fugit. Appetit quicquid mulcet, fugit quicquid offendit, hos enim quinque sensus mulcet voluptas, offendit dolor. Ac ubi venerit ad annos exercendæ rationis, si eam susceperit optima disciplina & doctrina Sapientia: quinque illis viris ad regendum non succedit nisi vir verus & legitimus & illis melior, & qui melius regat, & qui ad æternitatem regat, ad æternitatem excolat, ad æternitatem instruat Vbi enim non succedit ille, error dominatur. Nam cum CØPPERIT ANIMA CAPAX ESSE RATIONIS, AUT A SAPIENTE MENTE REGIT, AUT AB ERRORE: sed error non regit, sed perdit.

Regere ab errore est regere ex isto principio, *Delectabile sensus est appetendum*, cui liberè inhæret voluntas. Sicut ex inclinatione naturali firmatur istud judicium *Bonum est amandum & faciendum*, quod dicit D. THOMAS esse primum præceptum legis naturalis: ita ex inclinatione concupiscentiæ firmatur istud judicium. *Delectabile sensus est amandum & faciendum*, quod est primum præceptum legis concupiscentiæ. Et sicut actus particulares & habitus determinant primum præceptum legis naturalis ad specialia bona, ita passiones concupiscentiæ & habitus corrupti determinant primum præceptum legis concupiscentiæ ad specialia delectabilia Quapropter dum voluntas liberè adhæret primo præcepto legis concupiscentiæ, ei rectè imputatur quicquid erroneè judicatur; & omnis ignorantia ex prædictâ adhæensione orta, est verè per accidens voluntaria, juxta modum loquendi Angelicum. Omnis autem error, quo creditur bonum esse quod malum est, procedit ex eo quòd voluntas liberè inhæreat delectabili sensus, & divitiis, bonisque cæteris temporalibus ut per se bonis. Oportet ergò concludere, omnem hujusmodi errorem esse per accidens voluntarium: ac proinde ignorantiam legis naturalis nunquam excusare à peccato: multò igitur minus

Probabilitas excusabit, quæ in ignorantia fundatur.

Notent Probabilistæ dictum S. AUGUSTINI, CUM CŒPERIT ANIMA CAPAX ESSE RATIONIS, AUT A SAPIENTE MENTE REGIT, AUT AB ERRORE. Qui regit, liberè se movet & dirigit. Anima ergò quæ ab errore regit, liberè amplectitur errorem.

§. VII. *Deterrima Probabilistarum confectaria transglutire coguntur, qui ignorantiam juris naturalis à peccato credunt excusare.*

XXXIX. **L** Audandi certè sunt recentes Solis Angelici Discipuli, Mercorum dico, Gonetum, & Baronium, qui primi inter Juniores Thomistas vexillum erexerunt in Probabilistas. Unus illis fuit Christianæ puritatis amor; unus Probabilistarum virulentissimum dogma de minùs tutæ minusque Probabilis sententiæ sequendæ facultate impugnandi zelus, & modus. Coguntur tamen deterrima Probabilistarum confectaria transglutire, cò ipsò quòd excusantem in jure naturali recipiant ignorantiam. Hoc demonstrare contendimus in præsentì paragrapho. Si ignorantia excusat, multò magis excusabit Probabilitas, si ab æquali aut maiori Probabilitate non impediatur. Est enim Probabilitas apparentia veritatis circa illa, quorum certa veritas ignoratur. Si ignorans aliquid esse illicitum excusatur, multò magis qui ab aliquâ veritatis apparentiâ motus, firmiter credit non esse illicitum, excusabitur, dum nulla subest ratio probabilis in contrarium.

Videant modò quâ ratione non excusetur puer, qui sequens majorum suorum fidem, & universalem morem suæ gentis, colit idola, nullam habens rationem Probabilem dubitandi, aut suspicionem contrarii cultus, quam prudenter vincere non possit. Quem casum sic proponit S. AUGUSTINUS in Psalm. 64. *Quid est sermones iniquorum prævaluerunt super nos, & impietates nostras tu propitiaberis? Quod nati sumus in hac terrâ, iniquos invenimus quos loquentes audivimus. Si possem explicare quòd sentio, adjuvet me intentio charitatis suæ. Omnis homo ubicumque nascitur, ipsius terra vel regionis vel civitatis linguam discit: illius imbuatur moribus & vitâ. Quid faceret puer natus inter paganos, ut non coleret lapidem, quando illum cultum infirmaverunt parentes? Inde prima verba audivit, illum errorem cum lacte suxit: & quia illi qui loquebantur majores erant, & puer qui loqui discerebat insans erat, unde poterat parvulus nisi maiorum auctoritatem sequi, & id sibi bonum ducere quod illi laudarent?*

Addiscentem credere oportet, dixit Philosophus. Quibus igitur puer ille addiscens convenientius & prudentius crederet, quàm eis quos natura dedit illi magistros? Non prudentius agit rusticus christianus qui nullam aliam fidei suæ scit reddere rationem, quàm quòd sequatur parentum fidem; solent enim vulgariter dicere, *le croit ce que Pere & Mere ont dit*. Deo sine dubio credit, sed non

aliâ ratione persuasus, quàm fide, & vitâ, moribusque parentum. Si iste prudenter credit, nec levitatis argui potest; cur similiter rusticus gentilis, qui à parentibus idola esse colenda audivit, non prudenter illis crederet, aut levitatis argueretur, solâ istâ ratione persuasus, *Je croid ce que Pere & Mere ont dit.*

XL. Scio Probabilistas hujusmodi puerum, & rusticum infidelem excusare à peccato in cultu idolorum. Est enim eorum hæc conclusio: *Infidelis cui proponitur nostra fides ut magis credibilis dum ejus secta Probabiliter adhuc credibilis apparet, non tenetur ad recipiendam nostram fidem.* Ita viginti quatuor Societatis Seniores apud Escobarium. Dico *viginti quatuor Seniores*; eò quòd unius sententia Probabilis, sit omnium viginti quatuor propter communicationem Probabilitatis benignæ partis. Si infidelis prudenter credit suæ fidei, etiamsi nostra fides videatur magis credibilis; adhuc magis prudenter credet, si nihil de fide nostrâ audierit. Non ergo peccabit in cultu idolorum, cum fides sua dicet ea esse colenda. Et cum idem de hæretico sentiant, sequitur quòd nullus *serè propter hæresim poterit damnari hæreticus, cum vix ullus sit, cui ejus secta non videatur probabilis*, proinde poterit quilibet in eâ Religione quam proficitur salutem consequi. Et quàmvis hanc sequelam videantur aliqui subterfugere, necesse tamen est ut eam teneant: quia (ut ait Caramuël apud P. Gonet de Probabil. pag. 197. *Vel omnia debent transigunt, vel à principali opinione discedere.* Quibus proinde rectè appropriat P. Gonet dictum S. AUGUSTINI: *Hoc in quidem non sentis, sed hoc sequitur ad illa quæ sentis. Muta ergò antecedentia, si vis cavere sequentia.*

Verùm & cuilibet ex recentibus Probabilitatum Impugnatoribus possumus reponere: hoc tu quidem non sentis, sed hoc sequitur illa quæ sentis. Nam eò ipso quòd dicant, *eum qui operatur ex opinione Probabili falsâ & legi divinæ contrariâ, quam invincibiliter putat esse veram, & legi divinæ conformem, à peccato excusari*; Sentiant etiam, quòd error possit habere sufficientem Probabilitatem ad prudentem assensum: Si enim possum id quod est erroneum credere esse verum, & id quod est verum credere esse falsum: multò magis potero id quòd est erroneum credere esse Probabile, & potero etiam credere esse Probabilius eò quòd est verum: juxta illud Philosophi: *Multa falsa sunt probabiliora veris.* Veniat ergò ad istos recentes hæreticus, & dicat, *Religio Romana videtur mihi Probabilis, sed Religio Lutherana adhuc videtur mihi longè Probabilior, & in hac persistero sententiâ, Quid dicturi sunt?* Dicent ne, quòd nullus error aut hæresis veram Probabilitatem, sed dumtaxat falsam & apparentem habere possit? Quomodo ergo sustinent opinionem, quæ credo esse conforme legi quod est contra legem, posse habere sufficientem veritatem in meâ existimatione ad prudentem assensum. Ista opinio legi contraria à parte rei est error; si ergò videatur mihi Probabilior, potero tribuere errori veram Probabilitatem, id est, quæ sufficiat ad prudentem assensum. Probabile non se habet eodem modo ad omnes. Quod uni videtur Probabile, alteri est improbabile: & quod judico Probabilius, contrarium ejus Probabilius ab

alio judicatur. Sic est in hæreticocui sua Religio Probabilior videtur.

Quare si velint isti recentes stare suis principiis, debent istum hæreticum dimittere tutum & securum in suâ Religione; cumque multi sint hæretici quibus sua Religio Probabilior Romanâ videatur, & multo plures alii, qui nihil Probabile sentiunt de Religione Romanâ, concludere debent paucos hæreticos propter suam hæresim damnari, & omnes alios in suâ Religione quam profitentur, posse salutem consequi. Unde de ipsis quoque verificabitur dictum Caramuëlis: *vel omnia debent transgigire, vel à principali opinione discedere*, & nobiscum tenere, Ignorantiam legis naturalis nunquam à peccato excusare: sicuti nec errorem contra legem supernaturalem, iis quibus prædicata est.

XLI. Dicit fortè alius, puerum inter paganos natum non excusari à peccato; colendo idola, quia non datur ignorantia invincibilis de Deo colendo: eò quòd præceptum istud, *Deus est colendus* est omnibus notum non minùs ac istud, *Parentes sunt honorandi*. Concedimus à nemine ignorari Deum esse colendum; verùm sicut multi ignorant, quinam sint eorum parentes quos honorare debent; ita & multi ignorant, quid sit illud quod tamquam Deus coli debet. Ex quo urgetur magis excusatio à peccato in puero inter Paganos nato. Sicut enim puer ille prudenter credit parentibus dicentibus se esse illos parentes, quos honorare debet. Cur similiter non prudenter crederet parentibus dicentibus idolum esse illum Deum, quem colere debet. Hunc tamen puerum non esse immunem à culpâ declarat S. AUGUSTINUS, cum cum & alios qui majorum autoritate & imitatione crimina perpetrant, vult ipsos ad Christum conversos veniam deprecari, & illis uti Psalmistæ verbis: *Sermones iniquorum prævaluerunt super nos, & impietatibus nostris tu propitiaberis*.

Excogitent quidquid voluerint, non breviorẽ, nec solidiorẽ invenient viam, quàm puerum illum à peccato non excusari, propter delectabilia secundum sensum quibus liberè inhæret, & à quibus impeditur, ne attendat ad eum qui fecit illum. Considerandus est homo ut medius inter cælum & terram, id est, inter bonum incommutabile & bonum commutabile, inter superiora, & inferiora; inter bonum rationis & delectabilia sensus; dum se convertit ad terram, avertit se à cælo; dum respicit inferiora non attendit ad superiora; dum delectabilibus secundum sensum pascitur, intelligibilibus non illuminatur. Et quia non coactus, sed voluntariè, & liberè se convertit ad inferiora & sensibilia ut per se bona, justè imputatur ei quidquid ignoraverit & erraverit ex liberâ hujusmodi conversione. Ut enim supra diximus, erroneè concluditur quidquid ex amore delectabilis sensibilis concluditur esse amandum; quia voluntas inhærens sensibilibus ut per se bonis sordescit, & obnubilat intellectum practicum, cujus veritas ab appetitu mundo & recto dependet. De justâ imputatione sic loquitur S. AUGUSTINUS libro primo de sermone Domini in monte

cap. 12. *Omnes natura in ordine suo gradibus suis pulchrę sunt: sed de superioribus, in quibus rationalis animus ordinatus est, ad inferiora non declinandum. NEC QUISQUAM HOC FACERE COGITUR; ET IDEO SI FECERIT, SINE IUSTA DEFENSIONE PUNITUR. Non enim hoc committit invidiis.* De immunditiā in eodem sermone lib. 2. cap. 13. hæc effatur. *Sordescit aliquid, cum inferiori misceatur natura, quamvis in suo genere non sordidetur; quia etiam de puro argento sordidatur aurum, si misceatur: ita & animi noster terrenorum cupiditate sordescit, quamvis ipsa terra in suo genere atque ordine munda sit.*

Quòd huiusmodi sordibus obnubiletur intellectus, luculenter & ex professo tradit in libro de utilitate credendi cap. 16. *Id nunc agitur, ut sapientes esse possimus, id est, inhęrere veritati: quòd profecto sordidus animus non potest. Sunt autem sordes animi: brevi explicem, amor quorumlibet rerum præter animum & Deum (id est præter bonam animæ & Deum) à quibus sordibus quanto est quis purgator, tanto verum facilius inuenitur.*

XLII. Quod de idololatriā cum S. AUGUSTINO dixi, de omni alio genere criminum dici potest; quorum nullum est tam nefandum quod alicubi licitum non sit existimatum. Notum est non modò vel antiquos Germanos, vel hodiernos fornicationem licitam existimasse, sed omnes Mahometanos, id est maximam orbis partem in eadem opinione esse. Hominum sacrificandorum mos barbarus multorum populorum legibus, & imprimis Gallorum & Chartaginensium, religiosus habitus est. Vitium erat apud Græcos interimere iuvenes, si cui ad eos educandos non satis opum suppeteret. Adulterium apud Calcutanos, vitii expers creditur. Denique humana ratio omnibus Philosophiæ ornamentis exulta, qualis in Platone fuit, communitatem uxorum, id est, adulteria & alia multa scelera publicis legibus permittenda decrevit. Ex his omnibus quotus quisque ignorantiam excusantem obtendere non potest? Quis enim illicitum crederet, quòd in communi totius gentis suæ more positum videt? quòd legibus sancitum cernit? quòd à sapientibus gentis suæ approbatum intuetur. Habent, inquires, naturale rationis lumen ejusmodi actus, & mores damnantis. Damnat quidem ratio naturalis, si tamen non fuerit delectabilibus obnubilata; si libera à passionibus, & habitibus corruptis; si desiderio placendi hominibus, inter quos conversatur, non fuerit præventa. Quòd si his impedita fuerit, quantumvis obmurmuraverit, vincet major Probabilitas petita ex autoritate majorum, & communi omnium exemplo, quibus credere videtur convenientius & securius, quàm proprio judicio, & propriæ opinioni.

Ratio probabilis determinat intellectum ad firmum assensum, non ex parte veri, sed ex parte convenientis, ut dictum est cap. 1. Et ideò illa ratio Probabilior videbitur, quæ convenientior judicabitur: & illa convenientior judicabitur, quæ interiori dispositioni magis congruet; quia qualis unusquisque est, talis finis videtur ei. Ubi ratio fuerit obnubilata & impedita prædictis affectionibus, majorum autoritas, commune omnium exemplum magis congruet interiori

dispositioni: erit ergo convenientius sequi majorum auctoritatem & commune omnium exemplum. Hoc in Christianis cognoscimus, & consulimus, ubi veritas non est certa: ergo & in illis agnoscendum est, & consulendum, ubi propter impedimentum rationis, certa veritas non elucebit.

XLIII. Futile est distinguere cum aliquibus opinionem falsam Probabilem, & opinionem erroneam certam; hanc excusare, secus illam. Certum est quod falsum sit objectum utriusque opinionis: certum quoque est objectum intellectus esse verum, sicut objectum voluntatis est bonum; certum denique est intellectum non posse assentiri falso nisi sub aliquâ ratione veri, ex quâ putat, vel credit esse verum; sicut voluntas non potest amare malum, nisi sub aliquâ ratione boni, ex quâ putatur vel creditur esse bonum. Si non assentiamur falso nisi quia existimatur verum, non potest aliter distingui opinio falsa Probabilis, ab opinione erroneâ certâ, quàm dicendo opinionem falsam esse Probabilem, si cum formidine existimemus eam esse veram; opinionem verò falsam esse certam si sine formidine existimemus (quod vocamus nos credere) eam esse veram. Tantum enim secundum existimationem nostram potest esse vera, non secundum rei veritatem, alioqui falsa non esset. Sola Probabilitas potest excludere formidinem, si moveat voluntatem, ut clarè ostendimus ex Sole Angelico cap. 1. Quod si contingat, tunc opinio falsa probabilis erit certa.

Verum ad hominem arguamus. Admittunt isti majorem Probabilitatem excludere formidinem, eò ipsò quod admittant probabiliorē opinionem quantumvis adversam legi, esse sequendam: ergo opinio falsa Probabilior, erit idem, quod opinio erronea certa: ac proinde si concedant opinionem erroneam certam excusare, coguntur concedere opinionem falsam Probabiliorē excusare. Ex quo fit, ut quicumque credit Probabilius esse, quod licitus sit cultus idolorum, licita sit fornicatio, licita sit pollutio, licitum sit sacrificare homines, licitum sit adulterium, licita sit uxorum communicatio, quicumque, inquam, hæc omnia esse probabiliora credit, excusetur à peccato. Quare oportet recentes istos Probabilitatis impugnatores ista omnia transglutire, vel à principali opinione recedere. Quod si displiceant horrenda illa consequentia, mutent in firmam suam antecedentia.

§. VIII. *Diluuntur quatuor Objectiones.*

XLIV. CUM admittamus ignorantiam legis naturalis à peccato non excusare, eò quod sit per accidens voluntaria, nullum potest formari contra nos argumentum, ex ignorantia invincibili, quæ intantum est invincibilis, inquantum est involuntaria: vocem enim agnoscimus Magistri nostri Solis Angelici 1. 2. q. 76. a. 3. dicentis: *Si sit talis ignorantia quæ OMNINÒ sit involuntaria, sive quia est invincibilis, sive quia est ejus quod quis scire non tenetur, talis ignorantia om-*

minò excusat à peccato. Et q. 74. a. 1. ad 2. Si defectus (ait) apprehensio virtutis nullo modo subiaceret voluntati, non est peccatum nec in voluntate, nec in apprehensio virtute, sicut patet in his qui habent ignorantiam invincibilem. Hinc nullum gemini Ecclesiæ Solis testimonium, nulla Scripturæ autoritas, nulla majorum traditio, nullum Pontificium decretum militat contra doctrinam traditam.

Econtra Adversarii patentibus gemini Ecclesiæ Solis urgentur testimoniis & teste Vasquesio in 1. 2. disp. 22. cap. 1. totâ Theologorum antiquorum premuntur autoritate : fatetur enim omnes veteres Theologos in eâ fuisse sententiâ, ignorantiam juris naturalis nunquam invincibilem esse, sive nunquam excusare à peccato. Ita sentiunt Alexander Halensis, Gratianus, Durandus, Alphonsus à Castro, Antifiodorensis, Albertus, Gabriel, D. Bonaventura; Guilielmus Parisiensis, Adrianus, Hugo de S. Victore; Imò Gerson lib. de vitâ spirituali lect. 14. corol. 3. relatus à P. Gonet pag. 353. de Probabilitate, testatur eam sententiam esse concordem; *Quidquid sit (inquit) de ignorantia facti, aut juris humani positi, concors est sententia, nullam in his quæ legis divine sunt, cadere ignorantiam invincibilem. Quam Antiquorum sententiam amplexus est Caietanus infra referendus; & Eximius D. ac Magister noster Estius hujus Almæ Universitatis, nec non & Lovaniensis præstantissimum decus, eam dilucidè explicat.*

Verumtamen ad majorem doctrinæ gemini Ecclesiæ Solis concordiam, firmioremque ejus assensum, objectiones quasdam formabimus, & diluemus.

Objeçtio prima.

XLV. OBJECIES 1. Advertentia requiritur ut peccatum sit voluntarium : sed puer inter Paganos natus, de quo supra S. AUGUSTINUS, nullam advertit malitiam in cultu idoli : ergo peccatum in cultu idoli non erit voluntarium. Si non sit voluntarium, nec peccatum esse poterit. Nam docente S. AUGUSTINO libro de verâ Religione cap. 14. *Usque adeò peccatum voluntarium est, ut nullo modo sit peccatum, si non sit voluntarium. Et hoc ita manifestum est, ut nulla Doctorum paucitas, nulla indoctorum turba dissentiat. Cum minorem concedamus, sola major manet probanda. In testimonio Angelico s. 1. hujus capituli ad longum recitato, expressè habetur, quòd cum aliquis nescit fornicationem esse peccatum, voluntariè quidem facit fornicationem, sed non voluntariè facit peccatum. Ergò advertentia malitiæ requiritur ut peccatum sit voluntarium : & consequenter ad verba Angelica de prædicto puero dici poterit; Voluntariè quidem colit idola, sed non voluntariè facit peccatum.*

• RESPONDETUR distinguendo majorem. Advertentia malitiæ requiritur, ut peccatum sit *per accidens voluntarium*, negatur, Vt sit *formaliter voluntarium*, conceditur. Peccatum quod fit ex ignorantia legis naturalis, ex parte actus est *formaliter voluntarium*; at ex parte malitiæ est *per accidens voluntarium*. Verùm quia peccatum de formali, dicit malitiam, quando hæc est solum *per accidens voluntaria*,

taria, peccatum non dicitur absolute & formaliter voluntarium, sed per accidens: Hinc planus est sensus testimonii Angelici; est enim verissimum quòd cum aliquis nescit fornicationem esse peccatum, voluntarie quidem formaliter facit fornicationem, sed non voluntarie formaliter facit peccatum, quia facit peccatum non cum advertentiâ malitiæ, sed ex ignorantia malitiæ per accidens voluntaria.

Modum istum loquendi desumpsit fidelissimus Discipulus ex sapientissimo Magistro suo S. AUGUSTINO, qui lib. 1. Retract. cap. 15. ait: *Qui nesciens peccavit, quia voluit fecit, etiamsi non quia voluit peccavit, nesciens peccatum esse quod fecit; ita nec tale peccatum sine voluntate esse potuit, sed VOLUNTATE (formali) FACTI, NON VOLUNTATE (formali) PECCATI, quòd tamen factum fuit, hoc enim factum est quòd fieri non debuit.*

XLVI. Quidam in S. AUGUSTINO oculati reducunt voluntarium istorum peccatorum ad primum peccatum Adami in quo omnes peccavimus. Verum si sufficiat ut actus inordinatus iniputetur homini, quòd voluntarium Adæ peccatum consequatur, quomodo erit verum quod dixit S. AUGUSTINUS lib. 1. de Civitat. Dei cap. 25. *Ille concupiscentialis inobedientia, si absque culpa est in corpore dormientis, quanto magis in corpore non consentientis.* Ille concupiscentialis inobedientia, in corpore non consentientis, est pœna peccati originalis, & procedit ex voluntario Adami peccato; & tamen secundum S. AUGUSTINUM est absque culpa; cuius nulla alia ratio esse potest, quàm ad culpam personalem non sufficere voluntatem naturæ, sed exigi voluntatem, id est, consensum personæ. Qui certè sufficienter adest in iis quæ fiunt ex errore, quo creditur esse bonum quod malum est; nam si passionibus fuissent superatæ, si habitus corrupti voluntarie acquisiti non extarent, nunquam id quod est malum crederetur esse bonum; sicut si lingua febris non laboraret, nunquam quòd amarum est, dulce judicaret.

Non ergò propter rationem voluntarii ad pœnam peccati reducit S. AUGUSTINUS peccata quæ fiunt ex concupiscentiâ & ignorantia, sed propter errorem & difficultatem; firma est enim S. AUGUSTINI sententia, quòd peccatum ex errore & contra naturalem voluntatem faciendi bonum commissum non possit esse primum peccatum; sed debeat esse pœna peccati. Celebris est de hoc locus lib. 3. de libero arbitrio cap. 18. ubi ait: *Nam sunt reverè omni peccanti anima duo ista pœnalia ignorantia & difficultas. Ex ignorantia debet esse error, ex difficultate cruciatus affligit. Sed approbare falsa pro veris, ut erret invitis, & resiliere atque torquente dolore carnalis vinculi, non posse à libidinosis operibus temperare, non est natura institui hominis, sed pœna damnati.* Videntur quibusdam hæc profundissima fulgentissimi Solis verba tollere agendi libertatem; quod enim facimus inviti, & id à quo temperare non est in nobis facultas, voluntarium & liberum esse nequit. Dicit autem S. AUGUSTINUS, quòd erramus inviti, & quòd non possumus à libidinosis operibus temperare.

XLVII. Planissimus tamen est istorum verborum sensus, si consideretur, quòd omnes amant veritatem, & nullus assentiatur falso, nisi quia credit esse verum, quod si sciret esse falsum, non ab eo recederet. Quisquis igitur credit verum esse quod falsum est, errat invitus in ordine ad voluntatem quæ omnibus inest pellendi ignorantiam. Cum quo stat, quòd in ordine ad specialem voluntatem quæ negligit reprimere passiones, voluntarie errat. Similiter omnes verum bonum amant, sed passiones & habitus faciunt quòd delectatio sensus, resque temporales accipiantur ut verum bonum. Amanti delectabile sensus, id quòd est contristans, non potest videri bonum. Cum ergo à libidinosis operibus temperare sit contristans, impossibile est ut amanti delectabile videatur bonum, à libidinosis operibus temperare. Tam error, quàm impotentia oriuntur proximè ex amore delectabilis, cui voluntas libere inhæret, sed contrariantur amorì naturali, quo omnes, & veritatem, & verum bonum volunt, nulla igitur infertur necessitas absoluta, sed solummodò conditionata, & ex suppositione, quæ nullo modo repugnat libertati.

Objectio secunda.

XLVIII. OBJICIES 2. Voluntarium per accidens non videtur aliud, quàm voluntarium in causâ: ergo peccata quæ fiunt ex ignorantia juris non magis imputabuntur, quàm homicidium v.g. factum ab ebrio.

RESPONDETUR negando consequ. Nam homicidium factum ab ebrio non est formaliter voluntarium ex parte actus, & ideo si non fuerit prævisum non est ejusdem speciei cum homicidio factò à sobrio, sed pertinet ad gravitatem ebrietatis. Si verò fuerit prævisum, erit ejusdem speciei. Fornicatio autem facta ex ignorantia juris naturalis est voluntaria ex parte actus, & passio, vel habitus ex quibus causatur, impediunt ne prævideatur malitia. Dum ergo voluntas negligit reprimere passionem, est sibi causa, quòd in actu quem voluntarie facit, non agnoscat nec prævideat malitiam. Et ideo ista fornicatio est ejusdem speciei ac illa, quæ fit cum advertentiâ malitiæ. Uterque enim actus fornicationis specificatur à delectatione accessus ad non suam, qui utrobique est formaliter voluntarius, ita ut differentia solum in hoc consistat, quòd in uno malitia sit formaliter cognita & volita; in alio malitia sit voluntarie ignorata, & per accidens volita.

Objectio tertia.

XLIX. OBJICIES 3. Si ignorantia legis naturalis, oriatur semper ex aliqua passione, vel ex habitu aliquo; quicumque peccabit ex ignorantia illâ, peccabit ex passione, vel ex habitu; sed peccare ex passione, est peccare ex infirmitate, & peccare ex habitu, est peccare ex certâ malitiâ, ut docet D. THOMAS I. 2.

q. 77. a. 3. & q. 78. a. 2. Ergò quicumque peccabit ex ignorantia legis naturalis, peccabit ex infirmitate, vel ex certâ malitiâ: ac proinde in lege naturali nulla erunt peccata ignorantie.

RESPONDETUR distinguendo majorem. Peccare ex passione, est peccare ex infirmitate, & peccare ex habitu, est peccare ex certâ malitiâ, si adfuerit scientia quâ scitur simpliciter hoc esse malum quod agitur, conceditur; si talis scientia non adfuerit, negatur. Qui v. g. fornicatur ex passione, habet scientiam quòd fornicatio sit mala, sed hunc actum fornicationis nunc occurrentem ignorat esse malum; eò quòd passio quæ nunc excitatur, faciat quòd hic actus credatur nunc esse conveniens: qui certè non crederetur esse conveniens, si homo esset extra passionem constitutus. Qui fornicatur ex certâ malitiâ, habet etiam scientiam quòd fornicatio sit mala, sed ignorat hoc malum non esse sustinendum propter consecutionem delectationis, eò quòd habitus quo plus amatur delectatio, quàm ordo rationis, facit quòd credatur bonum esse pati detrimentum in ordine rationis minùs amato, ut quis potatur delectatione magis amatâ. Nullus horum dicitur peccare ex ignorantia, quia ad hoc requiritur, ut ignorantia excludat scientiam, quâ aliquis simpliciter scit fornicationem esse malam: Quando ergò passio vel habitus excludunt talem scientiam, tunc peccatum tribuitur ignorantie, non passioni, vel habitui; si tamen homo ita fuerit dispositus, ut si adesset scientia contra passionem, vel habitum ageret; tunc enim ignorantia est causa peccati, quando peccatum non fieret, si scientia quam excludit, adesset. Quòd si homo non sit dispositus ad agendum contra passionem, vel habitum, tunc ignorantia prædicta erit concomitans, quæ nullam quoque præstabit excusationem. De his videndas est D. THOMAS 1. 2. q. 78. a. 1. in corpore, & ad 1. ubi doctrinam traditam dilucidè explicat.

L. Hic maximè observandum est, quòd passio, vel habitus excludunt scientiam, quâ v. g. scitur simpliciter fornicationem esse malam, inquantum ex eorum inclinatione, voluntas eam accipit ut per se bonam, vel etiam inquantum impediunt ne universale illud principium *Quòd tibi non vis fieri, alii ne feceris*, applicetur ad fornicationem. Nullus enim benè dispositus, vellet ex fornicatione nasci, si in suâ potestate id haberet; injuriam ergò quam pati non vult, alteri non faciat. Passio non durat, & ideo extra passionem positus, rectum habet judicium. Sed habitus est diuturnus; unde qui ex habitu accipit fornicationem ut per se bonam, ignorantiam habet diuturnam, à quâ per rationem propriam non potest liberari; sed indiget exteriori disciplinâ. Nam ratio propria ex inclinatione interiori judicat de illis quæ sunt ex se bona, id est, quidquid accipitur ut per se bonum, præsupponit in appetente aliquam interiorem inclinationem. Quamdiù ergò manet illa interior inclinatio quæ est ex habitu fornicatio-

nis, quotiescumque apprehenderetur fornicatio, statim judicabitur ut per se bona, sicque lex naturalis ex tali iudicio ligatur & obtenebratur, ut non possit se extendere ad dictandum fornicationem esse malam. Et hæc est ratio cur homo indiguerit lege exteriori, in iis etiam quæ sunt legis naturalis; cum enim per consuetudinem peccandi interior suggestio deesset, debuit exterius addiscere, quod interius neglexit videre.

De quo concinnè ad propositum nostrum S. AUGUSTINUS in Psal. 57. his verbis: *Ne sibi homines aliquid defuisse quererentur, scriptum est & in tabulis quod in cordibus non legebant. Non enim & scriptum non habebant, sed legere nolebant. Oppositum est oculis eorum quod in conscientia videre cogerentur: & quasi forinsecus admodum voce Dei ad interiora sua homo compulsus est, dicente Scripturâ: In cogitationibus enim impij interrogatio erit. Vbi interrogatio; ibi lex. Sed quia homines appetentes ea quæ foris sunt, etiam à seipsis exules facti sunt, data est etiam scripta lex: non quia in cordibus scripta non erat, sed quia tu fugitivus eras cordis tui, ab illo qui ubique est comprehenderis, & ad reipsum intro revocaris. Propterea scripta lex quid clamat eis qui deseruerunt legem scriptam in cordibus suis: Redite prævaricatores ad cor. Et breviter in Psal. 129. eandem radicem tangit, dicens: Non data est lex quæ posset vivificare, sed quæ ostenderet peccata peccatori. Peccator enim oblitus erat se, nec videbat se. Data est illi lex, ut videret se.*

LI. Verumtamen cum lex non daret fortiorem inclinationem interiorē ad iustitiam in particulari operabili, quā erat inclinatio habitus ad ea quæ sunt concupiscentiæ, auxit prohibitio concupiscentiam, eamque fecit invictam, ait S. AUGUSTINUS lib. de Continentia c. 3. Appetuntur enim ardentius quæ vetantur, & aucto desiderio dulcius fit peccatum, suaviusque admittitur. In quo sensu dixit Apostolus Rom. 5. *Lex subintravit ut abundaret delictum.* Ubi S. THOMAS sic exponit: „Lege datâ consecuta est abundantia delictorum dupliciter. Uno quidem modo „quantum ad peccatorum multitudinem. Lex enim licet peccatum demonstra- „ret, peccati tamen concupiscentiam non auferbat. Cum autem alicui prohi- „betur id quod concupiscit, vehementius in concupiscentiam illius exardescit: „& sicut fluvius appposito obice fortius fluit, & obicem frangit. Cujus ratio po- „test esse triplex..... Secundò superabundavit delictum lege superveniente „quantum ad gravitatem reatus. Gravius enim fuit peccatum ubi accessit præ- „varicatio non tantum legis naturæ, sed etiam scriptæ. Unde supra 4. dictum „est, quod ubi non est lex, nec prævaricatio. Quam doctrinam hausit ex sapientissimo Magistro suo. Qui de multitudine peccatorum consecutâ adilegem lib. de Spir. & litt. cap. 4. sic edidit: *Sed ubi Sanctus non adiuvat Spiritus, inspirans pro concupiscentiâ malâ concupiscentiam bonam, hoc est charitatem diffundens in cordibus nostris: profecto ista lex quamvis bona, auget prohibendi desiderium malum: sicut aqua impetus, si in eam partem non cesserit influere, vehementior sit obice posito, cujus molem cum evicerit, majore cumulo præcipitatus violentius per prona provolvitur. Nescio quo enim modo hoc ipsum quod concupisci-*

tur, sit jucundius dum vetatur. Et cap. 5. de majori gravitate ait: Sciri enim facit peccatum, potius quam caveri, & ideo magis augeri quam minui, quia mala concupiscentie etiam prævaricatio legis accedit. At nervosè utrumque complexus est in Epistolam ad Romanos: Sic abundavit peccatum, cum & concupiscentia ex prohibitione ardentior facta est, & peccantibus contra legem prævaricationis crimen accessit.

LII. Dicit fortè aliquis Molinista quosdam auditâ lege, pœnarumque comminatione implere ex gratiâ sufficienti nullo ulteriori auxilio indigenti ea quæ lex jubet, & vitare, quæ vetat: ergo falsum est quòd S. AUGUSTINUS de peccatorum cumulatione per legem, ejusque prævaricatione generaliter tradit. Audiat iste adhuc esse sub lege occultiore prævaricandi modum, quàm si manifestâ legis violatione peccaretur: sic enim ei occurrit Fulgentissimus Ecclesiæ Sol lib. 1. ad Bonifacium cap. 9. Nec moveat quòd ad Philipenses scripsit secundum justitiam quæ in lege est, quòd fuerit sine querelâ. Potuit enim esse intus in affectionibus pravis prævaricator legis, & tamen consuetudine legis implere, vel timore hominum, vel ipsius Dei; sed pœne formidine, non dilectione ac delectatione justitiæ. Aliud est enim voluntate benefaciendi benefacere, aliud autem ad malefaciendum sic inclinari, ut etiam faceret, si hoc posset impunè committi. Nam sic profectò in ipsâ intus voluntate peccat, qui non voluntate sed timore non peccat. Et generaliter de Judæis lib. de Spir. & litt. cap. 8. Illis Judæis, lex iram operabatur abundante peccato, quod ab scientibus perpetrabatur. Quia & quicumque faciebant quod lex jubebat, non adjuvante Spiritu gratiæ, timore pœnæ faciebant, non amore justitiæ: ac per hoc coram Deo non erant in voluntate, quod coram hominibus apparebat in opere: potiusque ex illo rei tenebantur, quod eos noverat Deus malle, si fieri posset impunè, committere. De his plura vide Opusc. 4. de Contritione.

Duri sunt Molinistis isti sermones, nec possunt eos audire: iis enim evacuatur gratia sufficiens versatilis, ut Opusc. 1. De Scientiâ Media ad examen revocata cap. 2. a. 1. §. 9. in tomo primo invictè, & clarissimè probavimus. Propter quod à gemino Ecclesiæ Sole abierunt retrò, & jam in illorum lumine non ambulant. Absit ut nos à magnis illis Ecclesiæ luminaribus abeamus, verba enim GRATIÆ JESU-CHRISTI VICTRICIS ET PRÆDETERMINANTIS habent; quâ ægritudo superbiorum facta est confessio humilium. Et quâ divinâ ope apprehenderunt, quod propriis viribus assequi non valuerunt.

Objectio quarta.

LIII. OBJICES 4. Quidam confitentur cum primò puberes essent, voluntariè se polluisse absque ullâ prorsus advertentiâ mali, quàm si habuissent, nullatenus se polluisent: ergo eorum ignorantia fuit invincibilis. Atqui pollutio voluntaria est contra legem naturæ: ergo ignorantia juris naturalis excusat à peccato.

RESPONDETUR dato & non concessio antecedente, negando consequentiam: quia ad hoc quòd ignorantia legis naturalis, sit voluntaria per accidens, non requi-

ritur advertentia mali, sed sufficit quòd sequatur ad amorè liberum delectabili ut per se boni. Si iste non inordinate adhæsisset delectabili ut per se bono, nec per istam adhesionem obtenebrasset lumen rationis internum, ipsa ratio naturalis dictasset ei, pollutionem voluntariam esse malam. Sibi igitur imputet, quòd non adverterit; & humiliter deprecetur Dominum, dicens cum Propheta Regio, *Delicta iuventutis mee & ignorantias meas ne memineris Domine.* Imò plus dico; Qui nesciens polluit se voluntariè, pejor est Gentili, qui solum ex passione voluntariè se polluit, sciens extra passionem positus, per dictamen rationis naturalis pollutionem esse malam. Ratio est quòd licet ignorantia diminuatur peccatum in nesciente, aggravatur tamen ex voluntario ignorantie, quæ pejor est in nesciente simpliciter pollutionem esse malam, quam in nesciente secundum quid, id est, in nesciente hic & nunc pollutionem esse malam, sicut est dictus Gentilis. Quando autem ignorantia per accidens voluntaria, & peccatum inde secutum, sunt unum peccatum per modum actus interioris, & exterioris, tunc plus potest aggravari peccatum ex voluntario ignorantie, quam diminuatur ex rationis ignorantie.

Nullus putet me excogitasse istam doctrinam (insolita enim quibusdam videbitur) eam claris verbis habet S. THOMAS in illo eleganti testimonio quod s. 2. hujus capituli, pro basi totius doctrinæ in eo traditæ adduximus. In quo testimonio sicut Juniores non satis considerarunt tertium modum, quo ignorantia dicitur voluntaria; ita non attenderunt ad annotationem, quam facit ibi Sol Angelicus dicens: *Sed tamen hoc est advertendum, quòd quandoque & ipsa actus sequens, & ignorantia præcedens sunt unum peccatum: sicut voluntas & actus exterior dicuntur unum peccatum. Unde potest contingere, quòd non minus aggravetur peccatum ex voluntario ignorantia, quam excusetur ex voluntario actus diminuto.* Quia profundissima simul, & utilissima est præsens doctrina, amplius est à nobis elucidanda.

LIV. Qui ignorat pollutionem esse peccatum, vel qui credit non esse peccatum, non peccat præcisè ratione ignorantie aut erroris, sed quia ista ignorantia aut error est causa peccati. Id quod est malum quia præcisè est causa mali, non habet aliam malitiam, quam habeat malum cujus est causa, & velle talem causam esse quædam voluntas interior mali, ad quam ipsum malum comparabitur sicut actus exterior. v. g. applicatio ignis ad combustionem domus non est mala nisi propter combustionem domus quam causat: unde qui vult istam ignis applicationem, vult etiam interiùs comburere domum; & ipsa combustio domus est quasi actus exterior voluntatis interioris applicandi ignem. Similiter se habet ignorantia pollutionis, & cujuscumque peccati contra legem naturalem. Qui vult talem ignorantiam sive directè, sive indirectè, sive per accidens, eodem modo vult pollutionem, & ipsa pollutio se habet ut actus exterior ad voluntatem ignorandi; sunt ergo unum peccatum ignorantia pollutionis, & pollutio sequens.

Quapropter regula S. THOMÆ poterit prædictæ ignorantie applicari, nimirum quod possit contingere, *quod non minus aggraveretur peccatum ex voluntario ignorantie, quam excusetur ex voluntario actus diminutio.* Hanc regulam dicimus non tantum posse, sed actu verificari in ignorantia pollutionis, quæ creditur non esse mala, si fiat comparatio polluentis se ex ignorantia, & Gentilis polluentis se ex passione. Dico Gentilis, quia qui per legem Dei novit pollutionem esse prohibitam, gravius peccat propter prævaricationem non solum legis naturalis, sed etiam legis Divinæ, ut dictum est in præced. objectione. Manendo igitur intra terminos legis naturalis, dico quod quicumque ex ignorantia peccat contra legem naturalem, gravius peccat, quam ille qui peccat ex passione contra dictam legem.

Ratio est aperta, ubi est major inordinatio, ibi est gravius peccatum: sed in peccante ex ignorantia est major inordinatio, quam in peccante ex passione, loquendo de peccato contra legem naturalem: ergo. Prob. minor. Qui peccat ex ignorantia, est inordinatus circa finem; accipit enim pollutionem ut per se bonam, & ideo semper amat illam, & semper ei placet. Qui verò peccat ex passione, est solum inordinatus circa hunc actum particularem; tantum enim in passione existens amat pollutionem, extra autem positus non amplius amat, sed displicet ei. Inordinatio autem circa finem est major, quam inordinatio circa actum aliquem hic & nunc currentem.

L.V. Rationem istam tradit Sol Angelicus, qui eam utitur, ad probandum eum qui peccat ex certa malitia, gravius peccare eo, qui peccat ex passione. Rationes causales æquivalent universalibus. Si eadem dispositio sit in peccante ex ignorantia legis naturalis, ac in peccante ex certa malitia, eandem vim habebunt rationes Angelicæ in nostro proposito, quam habent in proposito S. THOMÆ; qui 1. 2. q. 78. a. 4. sic discurret: *Ille qui peccat ex certa malitia, est male dispositus quantum ad ipsum finem, qui est principium in operabilibus, & sic ejus defectus est periculosior, quam ejus qui ex passione peccat, cujus propositum tendit in bonum finem, licet hoc propositum interruptatur ad horam propter passionem. Semper autem defectus principii est pessimus unde manifestum est, quod gravius est peccatum, quod est ex malitia, quam quod est ex passione.* Et paulò superius ait: *Passio quæ inclinat voluntatem ad peccandum, citò transit: & sic homo citò redit ad bonum propositum præmitens de peccato: sed habitus quo homo ex malitia peccat, est qualitas permanens: & ideo qui ex malitia peccat, diuturnius peccat.* Unde Philosoph. in 7. Eth. comparat incontinentem qui peccat ex malitia, infirmo qui continuo laborat: incontinentem autem qui peccat ex passione, ei qui laborat interpolatè.

Eandem esse dispositionem peccantis ex ignorantia juris naturalis, & peccantis ex certa malitia, patet ex eo, quod uterque ex aliquâ interiori dispositione, id quod est malum eligit, sed unus scienter, alter ignoranter. Quia tamen ignorantia est voluntaria, & consequenter culpabilis; actus inde sequens si prævisus fuerit, aut sit formaliter ex parte actus voluntarius, est ejusdem

Ipse cum eodem actu formaliter voluntario ex parte malitiæ, & scienter factus.

Si defectus principii sit pessimus, ut ait Sol Angelicus; & qui peccat ex ignorantia legis naturalis, patitur defectum principii; sequitur pessimè esse dispositos, qui ex ignorantia legis naturalis peccant.

§. IX. *Concluditur præsens Caput abominandâ Caramuëlis Doctrinâ.*

LVI. **C**ONSTAT ex dictis in hoc capite, legem naturalem non tam ratiocinatione humani intellectus, quam suggestionè affectus benè dispositi debere dignosci. Est enim lex naturalis principium ex quo in agendis discurrere debet ratio; sicut ergo cognitio priorum non pertinet ad rationem, omnisque particularis scientia præsupponit sua principia de quibus nullatenus iudicat: ita ratio practica præsupponit præcepta legis naturalis, ex quibus ea quæ hic & nunc agenda sunt concludit. Sunt ergo præcepta legis naturalis altiora ratione practica: quorum proinde cognitio regulare debet ratiocinationem intellectus practici; non autem ab eâ regulari. Cum ergo cognitio Probabilis non sit nisi quædam ratiocinatio ex medio Probabili deducta, apertè sequitur, cognitionem præceptorum legis naturæ non debere regulari ab aliquâ cognitione Probabili, sed omnem Probabilitatem sibi subijcere: Inordinatum igitur est quidquid contra legem naturalem ex Probabilitate concluditur, non minus ac iudicium inferioris contra superiorem latum. Hæc est ratio à priori, cur in lege naturali nulla sit Probabilitas; non enim prævalet contra legem; nec ad eam multum conducit, quia ut dictum est, ea quæ sunt legis naturæ ex rectâ animi dispositione per interiores suggestiones practice iudicantur, non per probabiles ratiocinationes. Et idè eorum cognitio non tam studio, quam virtutum exercitio acquiritur; nec tam scientiâ, quam bonâ voluntate perficitur.

LVII. Hinc detestanda & abominandi venit Joannis Caramuëlis doctrina; qui lib. 4. Theologiæ Moralis num. 1603. docet nullâ ratione naturali, sed jure tantum positivo divino pollutionem interdicti, adeoque sublatâ juris istius prohibitionem, posse esse bonam; & aliquando debitam sub gravi præcepto: de facto tamen nunquam licere, quia obstat prædictum jus positivum. Verba ejus accipe: *Si Deus molliorem non interdixisset, nunquam esset mala, sæpe esset bona, & aliquando obligatoria sub peccato mortali.* Idem statuerat num. 1600 de simplici fornicatione. Nec permittit textus, ut ea verba de prohibitionem juris naturalis. accipiamus: nam impugnat quotquot reperit (non reperit omnes) naturales rationes conducentes ad intentum, contendens prædictum effectum nullatenus

„ nullatenus rationis principii adversari. Neque aliter de effusione seminis dil-
 „ currit, quam de esu pomi, & de minoratione sanguinis, aliisque similibus le-
 „ cundum se bonis, vel indifferentibus, si Deus ea interdixisset.

Sic referunt Salmanticensēs Tract. 13. de peccatis disp. 10. num. 227. eumque
 efficaciter impugnant (sicut & ex illis facit P. Gonet, in Opusculo de Probabili-
 tate) his verbis:

„ Verum enimverò Authoris istius animositatem & ingenium alii extulerint :
 „ nos erga familiam nostram benevolentiam & affectum : quo provocati, sed
 „ ex iudicio etiam incitati nostro, personam ex corde diligimus, & pro laudis
 „ immeritis vocibus, quas in nostra præconia aptat, mutæ benevolentie gra-
 „ titudinem amicissimè rependimus. Sed quia major amica veritas, apagè com-
 „ mendet, quis philosophandi methodum, sentiendi libertatem, opinandi
 „ licentiam, inconsultis etiam vel abjectis receptionibus Theologiæ principiiis,
 „ quod passim offendes.

„ LVIII. Possemus ex utrâque Theologiâ Regulari & Morali asserta pro-
 „ ferre non pauca, quæ jam expungi debuissent, quæque censuram nostram
 „ mitiorem æquo demonstrarent. Vide an sit huiusmodi quod in Theolo-
 „ giâ Morali n. 1582. asserit hoc iuramentum *per vitam meam* sic expositum,
 „ *tam verum est quod dico, quam quod habeo vitam*, posse mendaciter citra peccati
 „ vel venialis noxam emitte. Certè (quidquid sit de ratione iuramenti) nemo
 „ Catholicorum admittet, quantumvis leve mendacium sine veniali saltem cul-
 „ pā proferri posse.

„ Deindenum. 1607. hanc ponit assertionem, *Mollities, Sodomia, & Bestialitas*
 „ *sunt peccata ejusdem speciei infimæ, adeoque nemo tenetur in confessione exponere, nro ex istis*
 „ *modis peccaverit; sed satisfaciet dicens procurasse pollutionem.* Id quod & D. THOMÆ
 „ falsissimè tamen, imponit, tantæque animositate affirmat, ut dicat contrarium
 „ videri errorem in Philosophiâ.

„ Ex quo satis apertè sequitur, neque Sodomiam, neque bestialitatem prohi-
 „ bitam esse ipso jure naturæ; sed jure tantum positivo, quo dumtaxat ex ejus
 „ sententiâ pollutio prohibetur: nam si sunt ejusdem omnino malitiæ, eodem
 „ jure debent prohiberi.

„ Quin etiam Matrimonii contractum non esse de jure naturæ, neque uxorum
 „ communitatem tali juri repugnare, contendit num. 1604. & consequenter
 „ tenetur idipsum concedere de adulterio. Hæc autem & similia quæ adnotare
 „ possemus, non modo falsa, & absque fundamento, sed & absurda esse, &
 „ moribus satis nociva quisque, credimus, animadvertet. Ergo Lector studiosè
 „ dum Caramuelis scripta evolveris, ne festines credere, sed pedetentim grade-
 „ re; ubique, cautè legas, doctrinam examines, opiniones discutias, & quàm
 „ solidiora principia non firmaverint, TANTUM QUIA ILLIUS, ne tibi adsequelam
 „ in canonem adscribas.

„ LIX. Porro (ut ad intentum nostrum redeamus) falsitatem ejusmodi doctrinæ, quæ negat, pollutionem voluntariam ratione naturali prohiberi, im-
 „ primis ostendit, quod Ethnici & Gentiles, quibus nulla Dei præcepta, nisi
 „ naturalia innotuerunt, ut rem pessimam & detestandam prædictam pollutio-
 „ nem reprobarunt: sicut videre est apud Martialem lib. 9. epigrammate illo
 „ 42. in Ponticum polluentem se, *Pontice quod nunquam*, &c. Vbi post objectam
 „ prædictæ actionis fœditatem, sic illam reprehendit:

*Hoc nihil esse putas? Scelus est, mihi crede, sed ingens;
 Quantum ex animo concipis esse tuo.*

„ Utque ostendat non opus esse lege aliâ interdicante, sed ab ipsâ naturâ, &
 „ naturali ratione scelus reprobari, concludit inferius.

*Ipsam crede tibi naturam dicere rerum,
 Istud, quod digitis Pontice perdis, homo est.*

„ Qui autem ductus naturali lumine pollutionem sic damnat, quanto acrius
 „ bestialitatem aut Sodomiam reprehenderet? Dolendum igitur, celasse natu-
 „ ram Christianum Doctorem, quod Philosopho Gentili, & aliis in moribus
 „ satis depravato non occultavit.

„ LX. Deinde probatur falsitas illius doctrinæ: quia si pollutionis interdictio
 „ non emanaret à lege naturali: nulla esset ratio cur in nullo eventu liceret:
 „ quippe nulla est lex vere positiva, quæ illam ita arctè & indispensabiliter
 „ prohibeat. Vel enim talis lex esset humana? & hæc neque obligaret cum tan-
 „ to vitæ discrimine, neque esset prorsus indispensabilis, ut in cæteris legibus
 „ præcisè humanis constat. Vel esset divina? & hæc non assignabitur in Scri-
 „ pturâ, quæ interdicit actum sub eâ generalitate, adeoque strictè, ut in nullo
 „ evectu, & pro nullo fine quantumvis maximè necessario liceat. Quotquot enim
 „ sive ex veteri, sive ex novo Testamento adduci poterunt, loquuntur absolu-
 „ tè, neque descendunt ad casum ita urgentem ut vitæ periculum, Quare sicut
 „ aliæ leges v. g. *Non occides, Non accipies rem proximi tui*, &c. quæ eodem tenore
 „ & generalitate enuntiantur, non intelliguntur neque ex vi verborum, neque
 „ ex Legislatoris mente obligare cum vitæ discrimine, quoties natura sic non
 „ obligat: & ideo permittunt defensionem cum moderamine, etiam occidendo
 „ invalorem, & sustentationem omnino necessariam, etiam ex bonis alienis:
 „ quia natura has non vetat: ita lex pollutionem interdicens, neque ex vi verbo-
 „ rum, neque ex Legislatoris animo similem casum comprehenderet, si natura,
 „ & naturalis ratio illum permetteret.

„ Eò præsertim, quia juxta Authorem quem impugnamus, in casu de quo
 „ loquimur, non modò non est mala pollutio attentò jure naturæ, sed est de-

bita & obligatoria sub peccato mortali, ut vidimus in ejus verbis: ubi lex naturalis ita obligat, cessat omnis obligatio legis positivæ. Id quod certò certius est, saltem dum positivus Legislator non declarat in speciali, se velle obligare, etiam contra legem naturalem: quæ declaratio pro casu præsentis minime reperitur. Ergo per recursum dumtaxat ad jus positivum non salvatur prohibitio pollutionis quoad prædictum casum. Quare nisi à lege naturali emanet talis prohibitio; valde infirmabitur doctrina, quæ ab omnibus Catholicis tenetur, pro nullo eventu permittens talem actum. Huc usque Doctissimi Patres.

Qui meritò laudandi, quòd amicitie veritatem prætulercint. Utinam & omnes eodem veritatis zelo armarentur in publicos illos Evangelicæ Doctrinæ corruptores, quos ut religiosos, ac doctos prædicare, ut quidam faciunt; veritas non permittit, & charitas vetat. Quemadmodum enim sine veritatis & charitatis dispendio laudari ut bonæ fidei non potest, qui veneno infecta alimenta venderet; sic illi qui pestiferis doctrinis Ecclesiam inficiunt, quasi sinceræ doctrinæ periculosissime commendantur.

CAPVT TERTIVM.

In lege divinâ Probabilitas subjicitur.

LXI. **P**ER legem dirigitur homo ad actus proprios in ordine ad ultimum finem. Et siquidem homo (ait D. THOMAS. 1. 2. q. 91. a. 4.) ordinaretur tantum ad finem qui non excederet proportionem naturalis facultatis hominis, non oporteret quòd homo haberet aliquid directivum ex parte rationis supra legem naturalem, & legem humanitùs positam; quæ ab eâ derivatur, sed quia homo ordinatur ad finem beatitudinis æternæ, quæ excedit proportionem naturalis facultatis humanæ, vt supra habitum est, ideo necessarium fuit, ut supra legem naturalem & humanam dirigeretur etiam ad suum finem lege divinitùs datâ. Verba hæc Angelica manifestant satis quid per legem divinam oportet intelligere. Quare ad eorum sensum per legem divinam intelligimus præcepta omnia quæ ordinant omnes ad salutem æternam, qualia sunt præcepta Fidei, Spei, & Charitatis: nec non & ea quæ receptionem & administrationem Sacramentorum tangunt; hæc enim sunt quæ præceptis le-

gis naturæ superadduntur, & de quibus præfenti capite concludimus, quòd in lege divinâ Probabilitas subiicitur, quia nulla Probabilitas falsa, quantumvis maxima, excusat à transgressione legis divinæ. Hoc unicum incumbit nobis probandum.

§. I. Nulla Probabilitas falsa excusat à transgressione legis divinæ.

LXII. **S**upponimus quòd lex divina possit invincibiliter ignorari quantum ad ea quæ superaddit legi naturæ. Non debemus concipere legem divinam distinguì à naturali, per modum excludentis & exclusi, sed per modum potentis superioris ab inferiori, quæ potest quiddam inferior, sed aliquid amplius, & sub ratione universaliori; sicut quiddam potest sensus, potest & intellectus, sed sub ratione universaliori; ita quiddam præcipit lex naturalis, præcipit & divina, sed aliquid amplius, & ordinando omnia ad beatitudinem supernaturalem. Ea ergo quæ addit lex divina supra legem naturalem, & ipsum ordinem naturalium ad supernaturalia; cum omnibus Theologis, qui ex gemino Ecclesiæ Solè admittunt infidelitatem negativam, (de quâ Opusculum 2. cap. 7. consule) invincibiliter ignorari posse supponimus; ab iis, scilicet, qui de Evangelio nihil audierunt. Fidelibus autem, & iis qui respuerunt Evangelium, nullam inesse ignorantiam inyincibilem, non solum juris naturalis, sed & divini, firmiter asserimus: ita ut ubi lex divina promulgata fuerit, ac proinde ubi quis obligatur legi divinæ, nullum ejus præceptum possit invincibiliter ignorari.

Hinc manifestum est, eodem prorsus argumento invincibiliter probari, nullam probabilitatem falsam excusare fideles à transgressione legis divinæ, quo capite præcedenti probavimus, ignorantiam legis naturalis neminem excusare à peccato. Potest enim sic formari argumentum. Ubi ignorantia veritatis non excusat à peccato, nec probabile falsum potest à peccato excusare: siquidem, ut supra notavimus, fundamentum Probabilitatis, est ignorantia veritatis. Sed in fidelibus ignorantia veritatis, sive legis divinæ, non excusat eos à peccato. Ergo nec Probabilitas falsa poterit eos excusare. In solâ minore est difficultas, quæ sic tollitur: Ignorantia voluntaria non excusat; omnis autem ignorantia legis divinæ est voluntaria in fidelibus: quod si probaverimus, consequemur intentum.

LXIII. Ad hujus evidentiâ notanda est doctrina Angelica de ignorantia §. 1. præced. cap. tradita. Ubi ignorantia dicitur tripliciter voluntaria, directe, indirectè, & per accidens. Ignorantiam legis naturalis diximus esse per accidens voluntariam, quia consequitur passionibus quæ voluntariè non reprimuntur, & habitus quibus voluntariè adhæremus. At ignorantiam legis divinæ, maxime

quoad ea quæ legi naturali superaddit, dicimus esse indirectè voluntariam propter negligentiam addiscendi, juxta illud Joan. 6. *Omnis, qui auditur à Patre, & didicit, venit ad me.* Ea ergo quæ supra naturam sunt, addiscuntur à Deo; qui dixit, *Petite, & dabitur vobis.* Et Jacob. 1. *Si quis autem vestrum indiget sapientiâ, postulet à Deo qui dat omnibus affluenter, & non impropere; & dabitur ei. Postulet autem in fide nihil hesitans.*

Omnibus infidelibus incumbit credendum, se esse destinatos ad vitam æternam, quam consequi debent non per vires suas, sed per Dei auxilium, ubi ergo obligatio ad supernaturalia confurgit, & homo sine invocatione divini auxilii fert de illis judicium, debet sibi imputare si falsum judicet. Neglexit enim addiscere ex inclinatione ad alia: cum tamen paratus esset Deus dare illi suam lucem, teste S. AUGUSTINO, qui lib. 2. de Serm. Dom. in monte cap. 3. disertissimè ait: quod Deus semper paratus est dare suam lucem nobis, non visibilem, sed intelligibilem & spiritalem, sed nos non semper parati sumus accipere, cum inclinamur in alia, & rerum corporalium cupiditate obtenebramur. Cui mirè consonat fidelissimus Discipulus, q. 3. de malo a. 1. ad 7. his verbis: *Deus quantum est in se omnibus se communicat pro capto eorum: unde quod res aliqua à participatione bonitatis ipsius deficiat, est ex hoc, quod in ipsâ invenitur aliquod impedimentum participationis divine.* Sic ergo quod gratia alicui non apponatur non est causa ex Deo, sed ex hoc quod ipse cui gratia non apponitur, impedimentum gratiæ præstat, INQUANTUM AVERTITUR A NON AVERTENTE SE LUMINE, ut Dycius. dicit. Omnis igitur ignorantia, quæ oritur ex eo quod voluntas avertatur à non avertente se lumine, non potest non esse voluntaria, & dum hoc contingit ex inclinatione ad alia, est indirectè voluntaria, & quædam addiscendi negligentia respectu supernaturalium. Idem Docet Sol Angelicus lib. 3. contra gentes cap. 159. Quod testimonium videre poteris tomo primo n. 129. ubi non parùm elucidatur doctrina præfens.

Non possum prætermittere verba Angelica, quibus Opusculum 73. de Usuris sic incipit: Omnis homo à naturâ non degenerans veritatem amat, & eam scire, super omnia desiderat, quàm si quis concupiscit vero corde, & eam quæsit, rit in simplicitate cordis, ipsa seipsam manifestabit, & Deus qui hoc promisit verax est, & eam præbet diligentibus se, sicut scriptum est Sap. 6. *Fræoccupat eos qui se concupiscunt, ut illis se prior ostendat.* Eccli. 1. *Fili concupiscens sapientiam, accede ad illam, & Dominus præbebit illam tibi.* Invoco ipsam, ne me errare permittat in periculum animæ meæ, & in laqueum aliorum, sed illuminare dignetur oculos caliginosos, sine quo nemo valet ad lumen veritatis usquequaque pertingere.

LXIV. Hic maximè locum habet celeberrimus ille locus S. AUGUSTINI lib. 3. de libero arbitrio cap. 19. quo Molinistæ plurimum abutuntur. Ibi satisfacit S. Doctor querimoniam illorum qui dicunt se non esse culpandos in illis, quæ ex

ignorantiâ & impotentiâ faciunt. Quibus injustam esse eorum excusationem ostendit ex eo, quòd cum tali ignorantia & impotentiâ procedant ad opus negligentes addiscere, id est non recurrentes ad divinum auxilium quo tolleretur ignorantia, & vinceretur impotentia; verba ejus sunt:

„ Hic occurrit illa quæstio, quam inter se murmurantes homines rodere consueverunt, quid quodlibet aliud in peccando quàm se accusare parati sunt. Dicunt enim si Adam & Eva peccaverunt, quid nos miseri fecimus, ut cum ignorantia cecitate, & difficultatis cruciatibus nasceremur, & primò erraremus, nescientes quid nobis esset faciendum: deinde ubi nobis inciperent aperiri præcepta justitiæ, vellemus ea facere, & renitente carnalis concupiscentiæ nescio quâ necessitate, non valeremus.

„ Quibus breviter responderetur ut quiescant, & adversus Deum murmurare desistant. Rectè enim fortasse quererentur, si erroris & libidinis nullus hominum victor existeret: cum verò ubique sit præsens, qui multis modis per creaturam sibi Domino servientem aversum vocet, doceat credentem, consoletur sperantem, diligentem exhortetur, conantem adjuvet, exaudiat deprecantem: non tibi deputatur ad culpam, quod invitus ignoras, sed quod negligis querere quod ignoras, neque illud quòd vulnerata membra non colligis, sed quod volentem sanare contemnis. Ista tua propria peccata sunt. „ Nulli enim homini ablatum est scire utiliter querere, quod inutiliter ignorat, & humiliter confitendam esse imbecillitatem, ut querenti & confitenti ille subveniat, qui nec errat dum subvenit, nec laborat.

„ His præclarissimis verbis abutuntur Molinistæ, qui ex illis verbis putant stabiliri gratiam suam sufficientem, non considerantes, quòd dum AUGUSTINUS dicit Deum *docere credentem, consolari sperantem, diligentem exhortari*, loquatur de credente, sperante, & diligente ex auxilio Dei, non per vires suas; juxta sua principia. Solutio S. AUGUSTINI consistit in hoc quòd homines ignorantes, & impotentes non habeant justam excusationem de peccatis, quæ faciunt ex ignorantia, & impotentiâ: quia dantur aliqui ignorantes & impotentes, qui non peccant; & cum ab actu ad potentiam valida sit argumentatio, si dantur ignorantes & impotentes qui non peccant, dantur ergo ignorantes & impotentes qui possunt non peccare; ex quo planè satisfacit S. AUGUSTINUS querelis hominum. Nam quòd unus æquè ignorans, & æquè impotens potest non facere; alter & poterit; ac proinde de suâ ignorantia, & impotentiâ, nullam justam prætereundum poterit excusationem.

LXV. Sed an ignorans, & impotens possit nò peccare per vires proprias? an solum ex auxilio sibi parato? controversia est inter inimicos gratiæ efficacis & S. AUGUSTINUM. Primum asserunt inimici gratiæ efficacis, secundum tenet S. AUGUSTINUS, alioquin ignorantes, & impotentes nò essent. Quâ enim ratione dicerentur esse im-

potentes & potentes simul, respectu unius & ejusdem actus? nisi quia per vires quas habent actu impotentes sunt, at per auxilium sibi paratum potentes sunt. Iis ergo qui per auxilium sibi paratum potentes sunt ad scientiam, & victoriam, non illis deputatur ad culpam quòd inviti ignorant, sed quòd negligant quærere quod ignorant, applicantes se ad alia. Similiter ratione ejusdem auxilii omnibus parati verissime dixit S. AUGUSTINUS, *Nulli homini ablatum est scire utiliter quærere quod inutiliter ignorat.* Consule Tomum primum cap. 2. a. 1. ubi in duobus ultimis paragraphis, auxilium oblatum invenies plene explicatum cum amplâ refutatione *junioris Molinistæ.*

- §. II. *Probatur ex gemino Ecclesiæ Sole Probabilitatem falsam non excusare fideles à transgressione legis divinæ.*

LXVI. **C**onsideremus hominem inter duas sententiâs constitutum, quarum una stat pro lege divinâ, alia est contra legem divinam; Probabilistæ dicunt hominem istum posse sine peccato utramque sequi sententiâ, si credat utramque esse Probabilem; imò & eam quæ est contra legem divinam, esto illa quæ stat pro lege sit Probabilior. A quibus alii volentes recedere; asserunt debere sequi Probabiliorem; ita ut si illa quæ est contra legem divinam sit Probabilior, possit sine peccato eam sequi. Omnibus illis opponitur geminus Ecclesiæ Sol, qui nullum à transgressione legis divinæ excusant, si à parte rei contra legem operatur.

PRIMÒ docet hoc Sanctus THOMAS, dum loco citato num. 4. ait: *Semper contingit inordinatio quando aliquid movetur à non proprio motivo, sicut si voluntas moveatur à delectabili sensus, cum debeat tantummodo moveri ab honesto. Proprium autem motivum intellectus est verum id quod habet infallibilem veritatem. Unde quandocumque intellectus movetur AB ALIQUO FALLIBILI SIGNO, est aliqua inordinatio in ipso, sive perfectè sive imperfectè moveatur.* Inordinatio actus intellectus est peccatum, & si voluntaria fuerit, est culpabilis; nihil est aliud culpa, quàm actus inordinatus voluntarius. Medium Probabile est fallibile signum; perfectè ab eo movetur intellectus, dum ei adheret sine formidine oppositi; imperfectè verò, si ei adhareat cum formidine oppositi. Quicumque ergo intellectus movetur à medio Probabili; etiamsi perfectè ab illo moveatur sine formidine oppositi, inordinatè movetur; & consequenter si voluntariè sic moveatur, intellectus erit culpabilis. Atqui ille qui sequitur sententiâ Probabiliorem contra legem, relicta eâ quæ stat pro lege, movetur à medio Probabili sine formidine oppositi juxta Adversarios, & hoc voluntariè: ergo inordinatè & culpabiliter movetur.

LXVII. DICES 1. Hæc ratio nimium probat; quia probat eum peccare qui sequeretur sententiâ stantem pro lege: siquidem sententiâ pro lege est tantum

Probabilis: qui ergo illam sequitur, adhæret medio Probabili, & per consequens à signo fallibili movetur.

RESPONDETUR quòd medium Probabile stans pro lege, est signum infallibile practicum; quamvis enim Probabilitas de se sit signum fallibile, conjuncta tamen legi sit signum infallibile practicum, inquantum peccare non potest qui ab illo movetur. Quando sunt duæ sententiæ, una dicens *hoc est peccatum*, alia dicens *hoc non est peccatum*; certum est cum qui adhærens primæ sententiæ abstinet à tali actu, non peccare; & in ordine ad vitandum peccatum moveri ab infallibili signo. Et quantumvis ista prima sententia foret falsâ; attamen quia stat pro lege, ille qui ei adhæret, adhæret legi quæ est omnium operationum nostrarum infallibilis regula. Econtra, qui credit esse licitum quia hoc videtur ei esse Probabilius, non habet necessariam cum lege connexionem; unde si à parte rei sit falsum, remanet Probabilitas fallibile signum, cui voluntariè adhærendo sine dubio peccat. Si verò à parte rei verum sit, *hoc esse licitum*, & perfectè, id est, sine formidine oppositi à Probabilitate intueatur, tunc Probabilitas vera cum nec sit contra legem, nec contra conscientiam, sit infallibile signum ad evitandum peccatum. Nam ut ait D. THOMAS quodlib. 8. a. 13. *Quod autem nec contra conscientiam, nec contra legem est, non potest esse peccatum.*

Ex quo patet duo requiri, eaque sufficere, ad hoc quòd Probabilitas excuset à transgressione legis divinæ. Primum quòd non sit contra conscientiam, secundum quòd non sit contra legem; nec præter hæc duo quidquam aliud requiritur: liquidem quod nec contra conscientiam est, nec contra legem, non potest esse peccatum. Ut Probabilitas non sit contra conscientiam, debet excludere formidinem oppositi; quæ non tam ex motivo intellectus, quàm ex motivo voluntatis excluditur, ut dictum est cap. 1. Ut autem Probabilitas non sit contra legem, vel debet esse à parte rei vera, vel debet stare pro lege. Itaque non peccat qui facit aliquid quod sine formidine oppositi existimat esse licitum, & reverà est licitum; sicut nec ille peccat qui abstinet ab actu quem credit falsò esse illicitum; aut qui v. g. audit Missam falsò putans esse diem festum. Nullus ex illis agit contra conscientiam, nec contra legem. Verùm ille peccat, qui cum formidine oppositi facit quod à parte rei lege divinâ non prohibetur; sicut & ille qui sine formidine oppositi facit quod lege divinâ prohibetur. Primus peccat contra conscientiam; secundus contra legem. Unde hic verificatur, bonum ex integrâ causâ, malum ex quolibet defectu.

LXVIII. DICES 2. Si intellectus inordinatè movetur à medio Probabili, quomodo dictum est supra quòd Probabilitas sit via ad veritatem? potestne intellectus esse inordinatus dum tendit ad veritatem? omnes etiam qui sequuntur sententias Probabiles in speculativis, quæ innumeræ sunt, peccabunt: ergo hæc ratio nimium probat.

RESPONDETUR

RESPONDETUR, quòd Probabile medium se habet ad intellectum, sicut delectabile sensus ad voluntatem, ut patet ex testimonio Angelico, in quo ratio nostra fundatur. Quare sicut voluntas non inordinate movetur, dum movetur à delectabili sensus per rationem rectam regulato; ita nec intellectus inordinate movebitur, dum movebitur à medio Probabili per rectam rationem regulato. Medium Probabile regulatur à rectâ ratione, dum eo utimur ut viâ ad veritatem, ad hoc enim ut dictum est Probabilitas ordinatur. Omnibus ergo inquirentibus veritatem, bonum est, & rectæ rationi consentaneum, assentiri Probabilibus, ubi non habetur evidentia veritatis. Et sic nullus in speculativis peccat utendo Probabilibus. Sed in practicis uti medio Probabili tamquam regula agendorum est prorsus inordinatum in agendis, quæ rationi non subijciuntur, ut amplius dicitur s. seq.

LXIX. SECUNDÒ Idipsum docet S. AUGUSTINUS lib. 1. de Baptismo contra Donatistas cap. 3. Ubi quæstionem sibi proponit de eo qui certus est Baptismum rectè accipi in Ecclesiâ Catholicâ, sed dubitat an rectè apud Donatistas suscipiatur. Hanc quæstionem sic dissolvit: *Hic ergo securus accipiat, ubi & esse & accipi rectè certus est: illic autem non accipiat, quod esse quidem ibi dicunt, sed ibi accipiendum esse non dicunt, quorum sententiam decrevit eligere: quamquam etiam si dubium haberet, non illic rectè accipi, quod in Catholicâ rectè accipi certum haberet, graviter peccaret in rebus ad salutem animæ pertinentibus, vel eo solo quod certis incerta præponeret.* Quibus verbis lucidissimè dicitur, cum graviter peccare, qui in rebus ad salutem animæ pertinentibus certis incerta præponit. Ponderandum est, quòd propositio S. AUGUSTINI sit causalis, quæ æquivalet universali; reddit enim rationem cur graviter ille peccaret, quia scilicet, certis incerta præponeret: & addit *eo solo*, quasi diceret, nihil aliud ad peccandum graviter requiritur, quàm in rebus ad salutem animæ pertinentibus certis incerta præponere. Atqui ille qui relinquendo sententiam pro lege adhæret Probabiliori falsæ contra legem, ipse in rebus ad salutem animæ pertinentibus certis incerta præponit. Certus est enim quòd non peccabit sequendo sententiam pro lege, incertus autem est quòd non peccabit adhærendo sententiæ Probabiliori falsæ: ergo ille graviter peccat.

LXX. Respondent primò Probabilistæ, S. AUGUSTINUS loqui de Sacramentis & mediis ad salutem necessariis. *Sed contra*, loquitur aperte S. Doctor de peccato quod fit ex illicitâ receptione Baptismi, non verò de eo quod contingit ex invaliditate Sacramenti: ergo non de mediis, sed de præcepto agit quo prohibetur Baptismus accipi ab Hæreticis & Schismaticis; contra quod præceptum docet cum graviter peccare, qui certus de licitâ acceptione Baptismi in Ecclesiâ Catholicâ, cum accipit apud Donatistas, ubi incertus est quod licitè accipiatur. Antecedens patet ex verbis in initio ejusdem capitis quæ sic se habent: *Alia duo dicimus, esse apud Donatistas Baptismum, non autem illis rectè accipi. Horum duorum illi unum*

magnopere affirmant, id est, esse ibi Baptismum; non autem illic rectè accipi, nolum fateri. Conveniebant igitur de validitate Baptismi, & dubium erat de licità acceptione, si vè quod idem est de adimplentione præcepti de Baptismo rectè accipiendo: contra quod dicit graviter peccari eo solo quod certis incerta præponantur. Quæcumque ergo præcepta legis divinæ ordinantis homines in salutem æternam, graviter violabuntur eo solo titulo quod occurrente eorum obligatione certis incerta præponuntur.

LXXI. Respondent secundò alii, cum qui adhæreret sententiæ Probabiliori falsæ contra legem, esse certum se non peccaturum: major enim Probabilitas tollit formidinem oppositi. *Sed contra.* Hi lævâ manu destruunt Probabilitatem, & dexterâ ædificant. Si major Probabilitas excludat formidinem oppositi; ergo & sola Probabilitas excludet formidinem oppositi; ac proinde quodcumque præceptum legis divinæ occurrat, si videatur alicui Probabile licitum esse actum tali præcepto prohibitum, nec aliquid Probabile veniat in contrarium, sine peccato operabitur. Quid est hoc nisi uti Probabilitate ut regulâ agendorum in iis quæ rationi non subijciuntur? si semel operatio eo solo titulo est recta, non quia est à parte rei legi conformis, sed quia sic mihi probabiliter videtur, non certè veritas sed Probabilitas liberat nos à peccato; cùm tamen Christus dixerit *veritas liberabit vos* Et sic melius esset, ac desiderabilius ignorare veritatem, quàm illam scire. Præstaret etiam orare, *Probabilitatem rationis doce me*, quàm *veritatem tuam doce me*; *Deduc me in viâ rationis meæ, & ingrediar in Probabilitate*, quàm orare, *Deduc me in viâ tuâ, & ingrediar in veritate tuâ*. Imprudens demùm fuisset petitio S. AUGUSTINI, cùm sic Deum oraret: *Interfice in me quidquid est contrarium veritati*; siquidem multas bonas actiones interfici poscebat, si semel Probabilitas sit regula agendorum, id est, si ad bonitatem actionis sufficiat, quòd sit talis in exultatione hominis, non autem apud Deum.

Hæc omnia debent isti transglutire, si non velint à principali suâ opinione recedere, & nobiscum sentire, quòd nulla Probabilitas falsa contra legem divinam, excusat à transgressione illius. Quare qui salutem animæ suæ desiderat supra omnia mundana, nunquam à firmissimâ illâ S. AUGUSTINI regulâ declinet. *In his quæ sunt salutis*, TENE CERTUM, DIMITTE INCERTUM, *Quid prodest homini si universum mundum lucretur, animæ verò suæ detrimentum patiatur?* Verba sunt veritatis, verba sunt Judicis nostri, quibus strictè judicabuntur omnes Probabilitatum Doctores, & Sectatores.

LXXII. Attamen pro majori assertionis firmitate cautè observa, quòd sicut peccare contingit dupliciter, & contra legem, & contra conscientiam, ita est duplex error, nempe error contra conscientiam, & error contra legem. Tot autem modis dicitur unum oppositorum quot & aliud. Oportet igitur distinguere duplex agere, videlicet, agere secundum conscientiam, & agere secundum

legem; ac proinde duplex erit certitudo, una secundum conscientiam, alia secundum legem. Certum secundum conscientiam est illud quod accipitur sine ullâ dubitatione & formidine oppositi. Certum secundum legem est illud quod à parte rei est conforme legi; Regula S. AUGUSTINI intelligitur de utrâque certitudine, ita ut sit sensus cum graviter peccare qui in his quæ sunt salutis, id est, quæ præcipiuntur lege divinâ, præponit incerta secundum conscientiam certis secundum conscientiam, & incerta secundum legem certis secundum legem. Certitudo conscientiæ non est sufficiens regula morum, si non sit conjuncta certitudini legis. Non vitamus peccatum ex eo præcisè quòd credamus non esse peccatum, sed ex eo quòd credamus, & à parte rei ita sit. Debet ergo certitudo conscientiæ esse vera. Quare licet quis si certus secundum conscientiam, quòd non peccet, eò quòd nihil mali advertat in suâ actione, non est tamen certus non esse in ipso aliquem inordinatum affectum, qui sit causa quòd non avertat actionis suæ malitiam; juxta illud Apostoli 1. Cor. 4. *Nihil enim mihi conscius sum, sed non in hoc justificatus sum*, id est, ait Sol Angelicus lec. 1. *Non sufficit ad hoc quòd me iustum pronuntiem, quia possunt aliqua peccata in me latere quæ ignoro, secundum illud Psalmi, Delicta quis intelligit?* Ita in præsentì, non sufficit ad hoc quòd me non peccare pronuntiem, nullius mali in actione meâ conscius esse, quia potest latere aliqua ignorantia per accidens, aut indirectè voluntaria. Hic est ille metus cum quo debemus operari, non ex parte conscientiæ se tenens, sed ex parte veritatis quæ non certò & evidentèr cognoscitur.

§. III. *Idem ratione probatur, ut aiunt à priori.*

LXXIII. **R**atio hominis se habet ad legem divinam, sicut sensus se habet ad rationem. Ut enim sensus iudicium ratione regulatur, ita & rationis iudicium lege divinâ regulari oportet. Eadem est ratio de objectis: objectum sensus sunt sensibilia; objectum intellectus sunt intelligibilia; objectum legis divinæ sunt supernaturalia. Sicut se habent intelligibilia ad sensibilia, ita supernaturalia ad intelligibilia: sunt enim intelligibilia regulæ sensibilibus, & intelligibilium regula sunt supernaturalia. Ex quo sic arguuntur: Inordinatum est judicare de intelligibilibus secundum apparentiam sensuum: ergo inordinatum est etiam judicare de supernaturalibus secundum apparentiam rationis. Plus distant supernaturalia ab intelligibilibus rationis humanæ, quàm distant eadem intelligibilia à sensibilibus. Major igitur erit inordinatio judicare de supernaturalibus agendis secundum quod videtur rationi nostræ, quàm judicare de intelligibilibus secundum quòd videtur sensibus & imaginationibus nostris. Probabilitas falsa non est nisi quædam rationis apparentia. Quare non potest non esse maximè inordinatum judicare de supernaturalibus agendis secundum Pro-

babilitatem. Si ratio non sine peccato subijcitur sensui, & intelligibilia sensibilibus; multò magis peccatum erit, subijcere legem divinam Probabilitati, & supernaturalia agenda Probabilibus rationibus.

Hanc rationem eleganter tetigit Illustrissimus Dominus Episcopus Venciensis in suâ Censurâ 5. Maij anni 1659. latâ. ubi ait: *Sic humana ratio quamlibet cæca, & peccato depravata certa nostrorum actuum regula constituitur, cui suum iudicium Deus ipse accommodare debeat, insontesque pronuntiare, quos divina lex damnat, & humana Probabilitas absolvit. Unde non sine fundamento præmisit, Hæc Probabilitatis doctrina à mendacii parente proculdubio his postremis temporibus eo consilio inventa est, ut omnia Evangelii præcepta eluderet, & carnalibus animis Christianæ doctrinæ, propriæque salutis supremum arbitrium permitteret. Afferit Evangelium solâ demum veritate nos liberos effici posse: Veritas, inquit, liberabit vos. Afferit nos non ex heminum sermone, sed ex verbo Dei iudicandos: Sermo quem locutus sum vobis, ille vos iudicabit in novissimo die. Nec fieri posse quin qui cæcum sequitur ducem, videlicet vel propriæ, vel alienæ rationis errorem, cum ipso pariter in viam decidat. At novi illi Doctores prorsus oppositam statuunt conscientiæ legem: nihil referre, scilicet, verè sint opiniones, an falsæ, modò sint Probabiles: id est, ut ipsi se explicant, modò eas probantibus probabiles videantur, & aliquâ nitantur ratione, vel saltem nonnullorum auctoritate Doctorum.*

CONFIRMATUR ratio præcedens. Ostendimus cap. 1. Probabilitatem non inducere firmum assensum, id est, excludentem formidinem oppositi, nisi accesserit motio & determinatio voluntatis; in illis enim quorum veritas nec mediâtè, nec immediâtè evidenter cognoscitur, non terminatur intellectus ad unam contradictionis partem ex motivo veritatis, sed ex motivo bonitatis. Judicat intellectus bonum esse assentiri isti rationi, & voluntas movet intellectum ad credendum. Nulla motio voluntatis potest esse sine peccato, si non procedat ex amore iustitiæ, ut Opusc. 4. de Contritione latè ex gemino Ecclesiæ Sole probavimus. Amor iustitiæ, vel est ipse amor legis, vel saltem includit illum. Peccat igitur voluntas, si non ex amore legis moveat intellectum ad credendum rationi Probabili. Non amat legem qui eam subijcit inferiori, nec amat regulam qui eam subijcit regulato. Concludamus ergo eum esse levem corde, & faciliè credere, qui credit rationi Probabili contra legem, quæ omnem rationem superexcedit: non enim ex amore legis credit: nec ex amore regulæ operatur, sed secundum quod ei placet ratio Probabilis.

LXXIV. Hinc alia non minor exurgit inordinatio, nempe cum qui credit Probabilibus contra legem divinam, magis conformare legem divinam suæ voluntati quàm suam voluntatem legi divinæ: sicque lex Dei, quæ ob inflexibilitatem dicitur virga ferrea juxta illud Psalm. 2. *Reges eos in virgâ ferreâ*, fit regula Lesbia. Nam ut ait Erasmus in Adagiis, regula Lesbia dicitur, quoties præpòsterè non factum ad rationem, sed ratio ad factum accommodatur, & cum lex

moribus applicatur, non mores ad legem emendantur. Hanc inordinationem tetigit S. AUGUSTINUS in Psalm. 48. ubi concione primà dicit : *Hæc est in hominibus magna & usitata perversitas, quâ cum debeant ipsi vivere secundum voluntatem Dei, Deum volunt vivere secundum voluntatem suam : & cum ipsi nolint corrigi, illum volunt depravari ; rectum non arbitrantur quod ille vult, sed quod ipsi volunt.* Vide Sinnichium Lovaniensem Doctorem, & Professore, qui in impugnandis Probabilistis, eorumque laxitatibus, eruditionis laudem cæteris omnibus eripuit. Hic libro de Saule Exrege §. 466. doctè hanc inordinationem urget.

LXXV. Quid ex hac perversitate consequi poterat aliud, quàm multiplex in moribus inconstantia, constansque contradicção ? nihil enim tam varium & inconstans, quàm quod à voluntate dependet humanâ ; nec constantior est contradicção quàm in ipsis humanæ voluntatis affectibus. Ecce quod ante non fuit Probabile, nunc redditur Probabile ; *Quis enim negare audebit, (ait Caramuël in Theologiâ Fundam. num. 1268. aliàs 1985.) esse hodie in Dianâ centenas opiniones Probabiles, quæ AUGUSTINO, & antiquis Ecclesiæ Patribus ignotæ fuerunt.* Ecce quod nunc affirmatur esse licitum, postea ad nutum voluntatis negatur esse licitum ; idque Probabilistis laudabile videtur, ut cernere licet apud Dicastillum Jesuitam de Sac. Euch. tract. 4. disp. 10. dub. 5. n. 110. qui de Dianâ dicit : *Ecce hic Auctor sibi contrarius est ; id tamen, QUOD ILLI NON SEMEL CONTIGIT, non reprehensione, sed gratiarum actione dignum est. Nempe vir pro communi bono laborans, & communi utilitati serviens, plurimâ lætione dives & copiosus pro occurrenti consultationum & querentium necessitate aut etiam desiderio, jam huic, jam illi parti adhæret, quando pars utriusque Probabili ratione, & doctorem virorum auctoritate nititur, & in praxi utriusvis operari tantum est.* Voluit autem vobis proferre ad hunc ipsum finem quid in unâ, quid in aliâ occasione responderit querentibus. Quid QUÆSO UTILITIS PRO PRAXI Hæc obiter dixerim, ut facessere jubeam, nescio quos invidos, qui hæc, & si quæ sint similia erudito viro non verentur obijcere. Vtque in ore duorum vel trium testium stet omne verbum, audi alterum Jesuitam Tamburinum qui lib. 1. Decal. c. 3. §. 7. Neque me hic contrarium esse sufficitur is qui fortè animadvertit me interdum aliquam sententiam approbare, quàm aliàs non sum amplexus. Id enim tunc solum facio quando utraque sententia Probabilis à me judicatur, quod non est mihi adversari, sed docere potius sententias illas posse ad libitum tuò excipi.

LXXVI. Non sic lex divina, non sic : sed verbum Domini permanet in æternum ; nec mutatur propter VIDERI NOSTRUM. Nihil ita abijcit legem divinam, quàm quod operatio voluntatis humanæ non sit bona, quia à parte rei conformatur legi divinæ, sed quia videtur ei conformari ; & quod bonâ voluntas non sit talis à parte rei, sed in existimatione hominis. Quod si verum est, malè definivit S. AUGUSTINUS peccatum dum dixit : *Peccatum est dictum, vel factum, vel concupitum contra legem æternam ;* debuisset enim dicere, peccatum est quod videtur dictum, &c. Quia si id quod est à parte rei contra legem æternam non :

est peccatum, eò quòd propter rationem Probabilem non videtur esse peccatum, sequitur aperte quòd non secundùm id quod habetur à parte rei, sed secundùm VIDERI NOSTRUM explicanda sit essentia peccati; & cùm veritas non dependeat à VIDERI NOSTRO, sequitur ulterius, non amplius studendum esse veritati, sed Probabilitati: siquidem ad bonitatem operationis non requiritur quòd sit verè bona, sed sufficit quòd sit Probabilior bona.

Sic videmus fecisse Probabilistas, qui totos se dederunt ad inventionem rationum Probabilium, ita ut in rebus moralibus vix detur modò casus, in quo non sint duæ opiniones contradictoriæ, & Probabiles; & hoc punctum, ait quidam recentior, ita ad punctum reduxit Caramuël, ut vix sit aliquod præceptum Ecclesiasticum, quod eludi non possit, si ejus doctrinæ, quam Probabilem putat, adhæreamus. Hoc optimè declaratur ab Episcopo Gandaveni in Epistola Pastoralis ad Clerum suæ Diocesis, his verbis: *Esperitur quocumque tantâ passim licentiâ novas & laxas in materiâ morali excogitari opiniones, & commenta, ut vix quidquam illicitum futurum sit, si quorumdam placitis acquiescamus, nec ullum penè præceptum naturale, aut positivum, quod quasiuofis istorum Probabilitatibus obnoxium non sit, & eludatur: usque adeò student peccata omnia fucare, & obvolvare, aut de medio etiam omninò tollere, arctamque viam tali, reclamante Christo Domino dilatare; ut quantum saltem apparet, commodius per spaciosam ambulent, quæ utinam ipsos cum sectatoribus suis ad perditionem non ducat.*

LXXVII. Aliter se habent qui immutabilitatem legis divinæ, & verbum Dei permanens in æternum, continuò revolvunt. Non enim rationes exquirunt Probabiles ad excusandas excusationes in peccatis: sed in lege Domini est voluntas eorum, & in lege ejus meditantur die ac nocte. Sciunt legem Domini sapientiam præstare parvulis, & lucem esse à quâ ignorantia nostra est illuminanda, non autem legem ipsam à tenebris nostris obscurandam. Intuentur omnia penes veritatem Dei fixa esse, ac mutabilia omnia ab incommutabili veritate mensuranda. Quare mores suos ad legem Dei erigunt, non autem legem Dei ad mores suos curvant; nec voluntatem Dei volunt torquere ad voluntatem suam, sed suam corrigere contendunt ad voluntatem Dei: & idè illis semper bonum quod semel bonum est, & illis semper malum, quod semel malum est. Hanc legis divinæ immutabilitatem optimè depingit Tertullianus de Spectaculis cap. 20. his verbis: *Erramus, nusquam & nunquam excusatur quod Deus damnat. Nusquam & nunquam licet, quòd semper & ubique non licet. Hæc est veritatis integritas, & quæ ei debetur discipline plenitudo, & equalitas tingeris, & fides obsequii, non mutare scientiam, & variare iudicium. Non potest aliud esse; quòd verè quidem est bonum seu malum. Omnia autem penes veritatem Dei fixa sunt. Exhibiti quos penes nulla est veritatis plenitudo, quia nec Doctor veritatis Deus, malum ac bonum pro arbitrio ac libidine interpretantur; alibi bonum quod alibi malum, & alibi malum quod alibi bonum. Quid expressius potest dici contra multiplicem illam Probabilistarum inconstantiam, & frequentem sui contradictionem? cujus*

radix nulla est alia, quàm quòd legem quæ supra rationem est subijciant Probabilitati, & faciant servire voluntati. Nec ab hac inconstantia, aliisque Probabilistarum laxitatibus expedite se possunt, qui hoc solum concedunt majori Probabilitati falsæ. Major enim Probabilitas non est major veritas, sed major veritatis apparentia; quæ in re falsa tantò peior est, quantò major est.

LXXVIII. Cerne CORDATE LECTOR, quanta judicii perversitas ex doctrinâ Probabilitatis emanet? Ad hoc deventum est, ut quò quis magis errat, eò prudentius agat. Pro quo nota quòd assentiri sententiæ Probabili non est credere eam esse Probabilem; sed est credere rem à parte rei sic se habere sicut sententia Probabilis dictat. Sit v. g. sententia Probabilis dictans licitum esse habere plures Præbendas, assentiri illi sententiæ, non est credere, quòd Probabile sit licitum esse, habere plures præbendas, sed est credere quòd habere plures præbendas sit licitum à parte rei. Supposito quòd hoc sit falsum, eò quòd lex Dei prohibeat unum habere plures præbendas; iste qui credit hoc esse licitum, cernit esse verum quod à parte rei est falsum, & consequenter errat. Credit autem motus à rationis Probabilis apparentiâ: & quò major est Probabilitas, eò magis credit; & consequenter magis errat. Nam errat quia credit esse à parte rei licitum quod non est licitum; ergo quò magis credit, magis errat. Est ergo Probabilitas falsa, quæ creditur vera, causa erroris; major causa majoris; maxima causa maximi. Quo apparet eum prudentius agere, qui magis errat: siquidem ut aiunt, prudenter agit qui Probabiliter agit; prudentius qui Probabilius; prudentissimè qui Probabilissimè: sed qui Probabiliter agit contra legem, errat; qui Probabilius magis errat; qui Probabilissimè maxime errat: ergo à primo ad ultimum prudenter agit qui errat; prudentius qui magis errat; prudentissimè qui maxime errat.

LXXIX. Cerne iterum CORDATE LECTOR, quantum incautos decipiant Probabilistæ; dum eam sententiam prædicant Probabilem, quæ non nititur sophismati, sed gravi, solidæ, & magni momenti rationi; quæ non evidenti rationi, vel authoritati Scripturæ, Conciliorum, Pontificum, evidenter repugnet. Certum est sententiam falsam à parte rei, non posse probari per rationem quæ sit à parte rei vera, etenim vero, non potest connecti nisi verum, & ideò nec ex vero potest sequi nisi verum; unde quidquid legitime infertur ex vero est etiam verum, ut patet ex summulis. Nulla ratio falsa potest à parte rei esse gravis, solida, & magni momenti. Cum ergo Probabilistæ plurimas sententias dicant Probabiles, quæ à parte rei falsæ sunt (siquidem ex duabus contradicitoriis & Probabilibus, una debet esse à parte rei falsa) necesse est ut per rationem gravem, solidam, & magni momenti, non intelligant eam quæ sic est à parte rei, sed quæ sic videtur probantibus eam. Ratio autem quæ videtur gravis, & non est; quæ videtur solida, & reverà non est, non nisi sophisma est, id est,

apparens veritas, & vera falsitas. Similiter dum à sententiâ Probabili excludunt evidentem repugnantiam, non loquuntur de repugnantia quæ sit à parte rei evidens, sed quæ sic videatur à probantibus eam. Est enim à parte rei evidens omne falsum in moribus contrariarum alicui rationi, & authoritati.

Istam Probabilistarum delusionem nervosè describit Illustrissimus Dominus „Episcopus Venciensis in Censurâ suâ nuper citatâ, in quâ sic ait: Addunt „quidem illi nonnunquam, rationes quibus nituntur opiniones probabiles sol- „das esse debere, nec ullam Probabilitate donandam, nisi quæ non repugnet „Scripturæ ac Traditioni. Verùm hæ conditiones nihil aliud sunt quam laquei „irretiendis deludendisque simplicioribus instituti. Non enim per solidas illas „rationes eas intelligunt quæ veræ sint. Nullæ enim veræ rationes inveniri pos- „sunt ad stabiliendas opiniones falsas, quibus certè accenseri debet magna Pro- „babilium opinionum pars, quæ cùm sibi invicem adversentur, simul veræ esse „non possunt. Has ergo illi solidas vocant, quæ solidæ probantibus videntur. „Hoc verò omnibus sine exceptione erroribus convenit. Nec enim quisquam „illum tuetur errorem, qui non solidas in judicando rationes sequi sibi per- „suadeat.

„Nec volunt etiam Casuistas, suas Probabilitates reipsâ Scripturæ, Tradi- „tionisquæ principiis non repugnare: sic enim omnes omninò falsas opiniones „summovent. Quid ergo? Id demum, ut qui eas tuentur, Scripturæ ac Tra- „ditioni contrarias esse non existiment. Quid si habeantur contrariæ? Nec sic „Probabilitatem amittent: sufficit enim quosdam Casuistas aliter judicare. „Tunc enim ex Vasquesio, Sanctio, Escobario (*id est, ex viginti quatuor Societatis „Senioribus*) debet quis sibi persuadere, quod sibi ineluctabile videtur, reverà „non esse; & ab alio solutiones quasdam ac responsiones inventum iri. Itaque „ex illis Casuistis, ut aliqua opinio plenam habeat in conscientia securitatem, „id demum requiritur, ut qui eam suis consentaneam cupiditatibus judicat, vel „propter aliquam apparentem rationem, vel etiam contra propriam ratio- „nem, propter solam nimirum aliorum authoritatem, eam esse Probabilem, „nec evidenter falsam, sibi in animum inducat.

§ IV. *Adducitur doctrina Angelica quodlib. 8. art. 13. ex quâ ostenditur, in quo defecerint Iuniores.*

LXXX. **Q**ui Probabile falsum existimant excusare à transgressione legis divinæ, videntur in hoc defecisse, quòd non considerarint bonum esse ex integrâ causâ, malum autem ex quolibet defectu. Vitare peccatum habet se ut bonum, peccare ut malum. Duplex est regula ex cuius transgressione peccatur, videlicet Lex divina, & Conscientia. Dicitur duplex regula, quia una ab aliâ

ab aliâ separatur, inquantum potest quis peccare contra legem divinam, non peccando contra conscientiam : & econtra potest quis peccare contra conscientiam, non peccando contra legem. Ad vitandum autem peccatum non est duplex regula, sed una, nempe conscientia conformis legi : etenim in vitacione peccati si legem à conscientia separaveris non vitabis peccatum : eò quod se habeant ut causa prima & secunda : si ab hac separaveris concursum prædeterminantem primæ, non influet in effectum ; & si causa secunda non fuerit in debita dispositione ad primam, exibat actus inordinatus, eritque effectus deficiens. Ita si à conscientia separaveris legem divinam, nulla erit adimpletio supernaturalis, sicut patet in infidelibus negativè ; si verò conscientia obligata legi non fuerit in debita dispositione ad legem divinam, propter errorem, exibat peccatum. In hoc igitur defecerunt Juniores quod non considerarint legem divinam, & conscientiam habere se ad commissionem peccati ut causas disparatas ; ad vitacionem verò illius ut causas inter se subordinatas. Quæ ut clariùs intelligantur, & auctoritate Præceptoris nostri firmentur, adducimus integrum articulum 13. quodlibeti 8. in quo quærit,

Utrum ille qui habet plures præbendas peccet?

„ CIRCA TERTIUM SIC PROCEDITUR. Videtur ille qui habet plures præbendas,
 „ peccet ex hoc ipso, quod opiniones Magistrorum sunt in contrarium. Qui-
 „ cumque enim committit se discrimini in his quæ sunt ad salutem, peccat : sed
 „ ille committit se discrimini, ut videtur, cum faciat contra multorum perito-
 „ rum sententiam. Ergo videtur quod peccet.

„ SED CONTRA. Potest esse, quod in tali casu aliquis adhibet diligentiam, in-
 „ quirens, an habere plures præbendas sit licitum, nec invenit aliquid, quod
 „ eum moveat ad hoc, quod sit illicitum. Ergo videtur, quod sine peccato
 „ possit plures præbendas habere.

„ RESPONDEO DICENDUM, quod duobus modis aliquis ad peccatum obliga-
 „ tur : uno modo, faciendo contra legem, ut cum aliquis fornicatur : alio modo
 „ faciendo contra conscientiam, etiamsi non sit contra legem ; ut si conscientia
 „ dicat alicui quod levare festucam de terrâ sit peccatum mortale. Ex consci-
 „ entia autem aliquis obligatur ad peccatum, sive habeat certam fidem de con-
 „ trario ejus quod agit, sive etiam habeat opinionem cum aliqua dubitatione.
 „ Illud autem quod agitur contra legem semper est malum, nec excusatur per
 „ hoc quod est secundum conscientiam ; & similiter quod est contra conscien-
 „ tiam, est malum : quamvis non sit contra legem. Quod autem nec contra
 „ conscientiam, nec contra legem est, non potest esse peccatum.

„ Dicendum est ergo quod quando duæ sunt opiniones contrariæ de eodem,
 „ oportet esse alteram veram, & alteram falsam. Atque ergo ille qui facit contra

.. B b b

„opinionem Magistrorum, utpotè habendo plures præbendas, facit contra ve-
 „ram opinionem; & sic CUM FACIAT LEGEM DEI, NON EXCUSATUR A PECCATO,
 „QUAMVIS NON FACIAT CONTRA CONSCIENTIAM: sic enim contra legem Dei
 „facit.

„Aut illa opinio non est vera; sed magis contraria quam iste sequitur, ita
 „quòd verè licet habere plures præbendas; & tunc distinguendum est: quia
 „aut talis habet conscientiam de contrario; & sic iterum peccat, contra consci-
 „entiam faciens, quamvis non contra legem: aut non habet scientiam de contra-
 „rio, sed certitudinem, sed tamen in quamdam dubitationem inducitur con-
 „trarietate opinionum; & si manente dubitatione plures præbendas habet, pe-
 „riculo se committit; & sic procul-dubio peccat, utpotè magis amans benefi-
 „cium temporale, quàm propriam salutem, aut ex contrariis opinionibus in
 „nullam dubitationem adducitur; & sic non committit se discrimini nec
 „peccat.

Unde patet solutio ad objecta.

LXXXI. Habes, CORDATE LECTOR, in hoc articulo S. THOMÆ totam no-
 stram doctrinam ita clarè expressam, ut mirum sit recentes Probabilistarum im-
 pugnatores eam non advertisse. Primò docet apertè duos illos modos quibus
 contingit peccare, videlicet agendo contra legem Dei, tam naturalem quàm di-
 vinam, & agendo contra conscientiam. Deinde distinguit inter agere contra
 conscientiam, & agere secundum conscientiam: & dicit quod eò ipso quòd ali-
 quis agat contra conscientiam, peccat, non tamen eò ipso quòd aliquis agat se-
 cundum conscientiam, non peccat, aut benè agit, quia potest contingere, quod
 est secundum conscientiam esse contra legem Dei. *Illud autem quod agitur contra le-
 gem semper est malum, nec excusatur per hoc quod est secundum conscientiam*, verba sunt
 Præceptoris nostri.

In hac distinctione actionis contra conscientiam ab actione secundum consci-
 entiam, dicti recentes videntur deficere, dum ly *agere secundum conscientiam* putant
 intelligendum de conscientia quæ est cum formidine oppositi, non de consci-
 entia certâ quæ nihil suspicatur de errore, ut vult Mercorus 2. part. art. 21.
 vel de conscientia erroneâ errore crasso & affectato, ut vult Gonet art. 7. §. 4.
 Verùm pace eorum dixerim, exceptiones istæ, etsi non absolute & undequaque
 falsæ sint, nullatenus sunt ad mentem D. THOMÆ, qui nihil aliud intendit,
 quàm non sufficere ad vitandum peccatum, quòd actio sit secundum conscien-
 tiam; ad peccandum autem sufficere, quòd actio sit contra conscientiam: ita ut
 qualiscumque fuerit conscientia siuè cum formidine contrarii, siuè sine formi-
 dine, sufficiat ad peccatum, non verò ad vitavationem peccati.

Ratio est aperta; quòd aliquis non peccet agendo secundum conscientiam,
 non potest provenire ex eo quòd sequatur conscientiam certam, quæ nihil de

errore suspicatur, quia aliquis sequens conscientiam excludentem omnem formidinem, quā certò credit aliquid esse licitum, potest peccare si illud fuerit contra legem Dei, & incibiliter credat. Non ergo ad firmitatem & certitudinem conscientiae respicere oportet, ut vitetur peccatum; sed an ista firmitas sit voluntaria, ad quod non requiritur error crassus & affectatus; sed sufficit quòd sit voluntaria indirectè, & per accidens.

LXXXII. Quare planus est sensus Magistri nostri, si dixerimus, quod qui putat aliquid esse prohibitum, & tamen facit, indubiè peccat, si vè id certò putet, si vè solummodò suspicetur: ille autem qui putat aliquid esse licitum & facit, non ideo debet existimare se non peccare quia putat esse licitum, etiamsi hoc certò putet sine ullà prorsus suspitione; quia si à parte rei fuerit prohibitum lege Dei, & tota firmitas sui erroris proveniat à voluntate vel indirectè, vel per accidens, non excusabitur à peccato, etiamsi actualiter nullam habeat mali suspitionem.

Cum igitur error contra legem naturalem prout insluit in peccatum, sit omnibus peccantibus voluntarius per accidens, & error contra legem divinam in illis qui obligantur legi divinæ sit voluntarius indirectè, manifestum est quòd nullus excusatur à peccato contra legem Dei tam naturalem, quàm divinam, etiamsi agat secundum conscientiam erroneam certam. Hæc est ratio cur homo, qui nihil sibi conscius est, & aliquid facit quòd certò credit sibi licere, non adhuc debent sibi promittere securitatem à peccato: quia nescit an aliqua inordinata affectio, cui liberè adhæret, non sit causâ istius ignorantiae, quā facit aliquid quòd est secundum se malum; nescit etiam an ex auxilio gratiæ fecerit totum quòd in se est ad vitandum ignorantiam illam quā peccat contra legem divinam. Et ideo monet Apostolus ut cum metu & tremore operemur nostram salutem; per bonas actiones, & vitationem peccati operamur nostram salutem: verum quia de bonis nostris actionibus, nec de vitatione peccati sumus certi propter multiplicem ignorantiam nostram occultè voluntariam, ideo cum metu & tremore operamur nostram salutem. De quo præclare Magnus Gregorius lib. 5. Moral. c. 6. *Sancti viri cum mala superant, sua etiam bene gesta formidant, ne cum bona agere appetunt, de actionis imagine fallantur, ne pestifera tabes putredinis sub boni specie lateat coloris. Sciunt enim quia corruptionis pondere gravati, dijudicare bona subtiliter nesciunt: & cum ante oculos extremi examinis regulam deducunt, hæc ipsa in se nonnunquam & que approbant, metuent, & totid quidem mente interna desiderant, sed tamen de incertitudine operum trepidi quòd gradientur ignorant.* Nihil ad doctrinam nostram expressius.

LXXXIII. Certitudo Sanctorum consistit in hoc quòd secundum ea quæ præsentialiter intuentur certò credant, & sine formidine oppositi, sibi licere quòd faciunt, sed secundum occulta eorum timent, & continuo deprecantur:

Ab oculis meis munda me, & ignorantias meas ne memineris Domine.

Istam certitudinem necessariam esse clarissimè docet S. THOMAS dum in citato articulo ait, quod ille qui certus est quod conscientia sua sit conformis legi, Si tamen in quadam dubitationem inducitur contrarietate opinionum, & eâ manente operetur, procul-dubiò peccat. Diligenter tamen observa S. THOMAM ibidem docere eum qui habet certitudinem, quod aliquid sit licitum, posse ex contrariis opinionibus in nullam dubitationem adduci; cujus ratio non potest esse alia quàm quod certitudo illa procedat à voluntate, inquantum ipsa determinat intellectum ad credendum, id est, ad assentiendum sine formidine oppositi, hoc esse licitum. Posita istâ determinatione voluntatis manifesta fit doctrina Angelica, quia contrarietas opinionum non tollet istam determinationem nisi judicetur bonum tenere contrarium; & tunc de duobus bonis liberum erit voluntati eligere quod voluerit, vel scilicet recedere à priori determinatione, vel in eâ permanere. Exemplo res fiet clarior. Titius credit sibi licitum esse ducere Bertham in uxorem, superveniunt contrariæ opiniones de aliquo impedimento dirimente, ista contrarietas opinionum non movet voluntatem Titii, sed nonobstantibus rationibus in contrarium permanet firmus in suâ fide, quâ sine ullâ formidine oppositi credit prædictum matrimonium sibi licere. En quod dicit D. THOMAS, nempe, eum qui habet certitudinem de aliquo posse ex contrariis opinionibus in nullam dubitationem adduci.

Uterius observa, quod in isto casu, si à parte rei nullum sit impedimentum, Titius non peccabit ducendo Bertham in uxorem, nonobstantibus contrariis opinionibus, quia ut dicit D. THOMAS, non committit se discrimini; eò quod nec agat contra legem Dei, nec contra conscientiam. Non contra legem Dei, quia ponitur quod à parte rei nullum sit impedimentum. Non contra conscientiam, quia sine ullâ dubitatione credit hoc sibi licere. *Quod autem nec contra conscientiam, nec contra legem est, non potest esse peccatum*, ait Sol Angelicus. Ex quo concludi potest quod omnis qui credit aliquid sibi licere, & reverà licet, non peccat, si faciat, loquendo de malitiâ quæ est ex objecto. Peccat autem si credat aliquid sibi licere quod ex parte rei est lege Dei prohibitum, & faciat illud; quia iste error vel procedit ex inordinatâ affectione, si sit circa ea quæ sunt secundum se mala; vel ex negligentia faciendi quod in se est ex auxilio gratiæ, si sit circa supernaturalia.

§. V. *Non licet sequi sententiam alterius contra propriam sententiam quâ credimus aliquid esse illicitum.*

LXXXIV. **M**irabilis hic cernitur gratiæ versatilis & Probabilitatis conformitas. Quemadmodum enim gratiæ versatilis usus ex solo nutu &

beneplacito voluntatis dependet secundum Molinistas; ita & Probabilitatis usus mero voluntatis arbitrio subditur secundum Probabilistas. Docent enim posse Doctorem modò hoc, modò illud respondere; imò rogatum, id consilii dare quod ipse minùs Probabile, vel etiam falsum putet, modò aliis Doctoribus Probabile visum sit. Imò peccare graviter Confessarium, qui poenitentibus Probabilem opinionem secutis absolutionem negat. Est aperta Societatis Seniorum sententia apud Escobarium in proximo exam. 3. c. 3. n. 10. p. 25. ubi dicitur, *Possum Probabili aliorum sententia aptare meam Probabiliori ac tutiori relictâ? Ita planè, nec sic operans contra conscientiam agam, modò existimem alienam opinionem quam sequor esse Probabilem.* Et c. 6. n. 27. p. 25. *Tenetur poenitentis opinionem Probabilem Confessarius sequi, relictâ suâ Probabiliori? Tenetur, quia poenitens habet jus ad absolutionem, opinioni Probabili nitens.* Et p. 29. *Quòd si Confessario videatur falsa opinio poenitentis, debet se accommodare si à probatis Authoribus Probabilis reputetur.* Quale sit peccatum istud Confessarii declaratur eodem n. 27. *Vasquez 1. 2. tom. 1. disp. 92. a. 7. n. 4. addit Confessarium non proprium negarem absolutionem secundum opinionem Probabilem, solum venialiter delinquere. At credidero mortaliter peccare, si de mortalibus facta confessio.*

Denique Layman Theol. Mor. lib. 1. tr. 1. c. 5. §. 2. n. 6. unus ex viginti quatuor Societatis Senioribus: *Doctòr alteri consulenti consilium dare potest non solum ex propriâ, sed etiam ex Probabili aliorum sententiâ, si forè illi favorabilior seu exoptatior sit.* Et n. 7. *Immo arbitror nihil à ratione alienum fore si Doctòr consultus significet consulenti opinionem à quibusdam viris doctis tamquam Probabilem defendi, quam proinde sequi ipsi liceat, quam miris idem Doctòr ejusmodi sententiam specularivè falsam sibi certò persuadeat, ut proinde ipsemet in praxi eam sequi non possit.*

LXXXV. Quàm hæc sint à veritate alienâ nullus est veritatis amator, qui videre non possit, si res ipsa à suo fucò separetur, libenter hic cum S. AUGUSTINO dixerim, Epist. 56. *Pudet me ista refellere, cum eos non puduerit ista sentire. Cum verò ausi sint etiam defendere; non jam eorum, sed ipsius generis humani me pudet, cujus aures hæc ferre poterunt.* Ut igitur Fucum tollamus, distinguere oportet inter credere quòd aliqua sententia sit Probabilis, & inter credere quòd à parte rei sit vera; Iam. n. 78. prænotavimus quòd assensui sententiæ Probabili non est credere eam esse Probabilem, sed est credere eam esse veram, sive rem ita esse à parte rei sicut dictat sententia Probabilis. Illud enim credo quod alter opinatur, id est, illud actipio sine formidine oppositi quod alter accipere potest cum formidine: Sententiam Probabilem esse Probabilem non cadit sub opinione, sed sub scientiâ: siquidem tam est necessarium assensum per medium Probabile esse Probabilem; quàm assensum per medium necessarium esse necessarium. Sed res quam dictat sententia Probabilis cadit sub opinione si existimem ita esse à parte rei, cum aliquâ tamen formidine quod non ita sit. Eadem res cadit sub fide, si sine aliquâ formidine credam ita esse à parte rei. Cadet verò sub scientiâ si videam

ita esse à parte rei. Cum verum sit obiectum assensus sicut bonum est obiectum amoris oportet, ut sicut omnis amor noster est boni, ita & omnis noster assensus sit veri; quod enim est *amare* voluntati, hoc est *assensiri* intellectui. Ex quo fit, quòd sicut voluntas non amat aliquid nisi sub ratione boni, ita intellectus non assentitur alicui nisi sub ratione veri. Malum amatur quia creditur à parte rei esse bonum; falso assentimur, quia credimus à parte rei esse verum.

Impossibile est quod intellectus simul credat aliquid esse verum, & non esse verum; sicut idem à parte rei non potest simul esse verum, & non esse verum. Assentiri sententiæ Probabili dictanti licitum esse habere plures præbendas, est credere quòd habere plures præbendas sit licitum à parte rei. Qui credit ita esse à parte rei non potest in sensu composito credere non esse licitum à parte rei habere plures præbendas. Atqui assentiri sententiæ Probabili contraria dictanti non esse licitum habere plures præbendas, est credere quòd habere plures præbendas non sit licitum à parte rei; ergo impossibile erit quòd intellectus noster simul assentiatur duabus sententiis contrariis, quarum una dicat esse licitum, alia dicat non esse licitum.

LXXXVI. DICES. Intellectus credit aliquid esse licitum ut substat uni rationi Probabili, ut autem substat alteri rationi contrariæ credit idipsum non esse licitum. Non est impossibile quòd unum & idem sub diversâ ratione iudicetur esse licitum, & non esse licitum; sicut unum & idem potest sub diversâ ratione judicari bonum, & non bonum.

SED CONTRA. Hoc est quod fucum facit in præsentî materiâ. Observet, quæso, CORDATUS LECTOR, quòd aliud sit cognoscere ex unâ ratione Probabili concludi *hoc esse licitum*, & simul cognoscere ex aliâ ratione Probabili concludi *hoc non esse licitum*; aliud autem sit credere rationem concludentem *hoc esse licitum* concludere verum, & simul credere rationem concludentem *hoc non esse licitum* concludere verum. Si una concludit verum, alia concludit falsum. Ergo de duabus rationibus Probabilibus concludentibus contradictoria non possum credere utramque concludere verum; sicuti impossibile est quod credam, utramque ex duabus propositionibus contradictoriis esse veram. Qui autem assentitur conclusioni deductæ ex ratione Probabili, ipse credit rationem Probabilem concludere verum. Ergo non potest simul assentiri duabus rationibus concludentibus contradictoria.

LXXXVII. CONFIRMATUR I. Sententia dicitur ab assentiendo, & est determinata acceptatio unius partis contradictionis, ut ait D. THOMAS relatus n. 8. Certum est quòd utraque pars contradictionis non potest simul acceptari in ordine ad operandum (sic enim de assensu loquimur prout scilicet influit in opus) licet ergo antequam acceptet unam partem intellectus videat utramque partem posse concludi, postquam tamen determinatus est ad acceptationem unius,

non potest in sensu composito acceptare aliam. Assentiri sententiæ Probabili in ordine ad operandum, non consistit in eo quod videatur utraque pars posse concludi, sed consistit in acceptatione illius partis, quam dicitur sententia Probabilis: si ergo fuerint duæ sententiæ Probabiles, quarum una dicitur unam partem contradictionis, alia dicitur aliam, non poterit intellectus simul utrique assentiri.

LXXXVIII. CONFIRMATUR 2. *Quid est credere* (ait S. AUGUSTINUS de Spirit. & litt. cap. 3.) *nisi consentire verum esse quod dicitur.* Sed non possum consentire verum esse quod dicitur in duabus propositionibus contradictoriis. Ergo non possum simul credere duabus sententiis Probabilibus, quarum una ponit propositionem contradictoriam alterius.

Illud quod de bono in objectionem dicitur est pro nobis. Nam licet sub diversis rationibus unum & idem possit judicari bonum & non bonum, ad hunc sensum quod simul videatur esse bonum ex unâ ratione, non esse bonum ex aliâ ratione, non potest hoc fieri per ordinem ad amorem & repudium, ut scilicet simul ametur aliqua operatio, & simul repudietur. Nam eo ipso quod voluntas determinavit se ad amandum, non potest cum amore componi repudium. Similiter licet simul videatur utraque pars contradictionis bona & conveniens, non tamen per ordinem ad actualem amorem; si enim una pars contradictionis ametur, necesse est alteram repudiari. Quod est amor in voluntate, hoc est assensus in intellectu. Non potest propter diversas boni rationes amari simul utraque pars contradictionis; ita propter diversas sententias Probabiles, non poterit intellectus simul assentiri utrique parti contradictionis: & consequenter nec simul credere aliquid esse licitum, & non esse licitum propter diversas sententias Probabiles; quod est utrique sententiæ simul adherere.

Hoc fundamento posito quod intellectus non possit concurrentibus sententiis contrariis utrique simul adherere credendo utramque esse veram, & ad operandum juxta sententiam Probabilem debeat credere eam esse veram, hoc inquam, posito fundamento aperte sequitur, neminem posse sequi sententiam alterius contra propriam quâ credit aliquid esse licitum. Quamdiu enim credit suam sententiam esse veram, non potest credere sententiam alterius dictantem contradictoriam esse veram, sed qui operatur juxta aliquam sententiam debet credere eam esse veram, ut patet ex dictis; ergo quamdiu quis credit aliquid esse illicitum juxta veritatem suæ sententiæ, non potest sequi sententiam cuiuscumque dicentis esse licitum.

Nec refert quod sententia propria sit minus Probabilis, alterius verò sit Probabilior, imò & Probabilissima. Non enim penes Probabilitatem regulatur adhesio propriæ sententiæ, aut sequela alterius, sed penes veritatem de quâ dixit Christus, *veritas liberabit vos.* Et ideo quamdiu credit suam sententiam ve-

ram non liberabitur à peccato si sequatur sententiam alterius contradicentem suæ, quam necesse est credat esse falsam.

LXXXIX. OBJECIES 1. Hæc tantum probant, aliquem non posse operari contra propriam sententiam, non verò quod non possit dare alteri consilium ut sequatur sententiam contradicentem suæ, quam alii credunt esse veram.

RESPONDETUR, quod regula consilii non est veritas in mente sequentis, sed veritas in mente dantis consilium: iuxta veritatem à se cognitam debet quisque regulare suas operationes & consilia. Qui credit verum esse quod aliquid sit illicitum, non solum credit esse illicitum prout ab ipso fit, sed à quocumque fiat credit esse illicitum. Quamdiu ergo permanet in illa veritate quæ v. g. credit illicitam esse Religioso venationem, non potest dare consilium Religioso ut sequatur aliorum sententiam, quia semper credit Religiosum peccare cundo ad venationem: Nec ab illa persuasione remouetur ex sententiâ aliorum eo quod credat eam falsam quamdiu credit suam esse veram.

LXXXX. OBJECIES 2. Esto verum sit, & efficaciter probatum, aliquem non posse sequi sententiam alterius quamdiu credit suam esse veram: non tamen probatum est, quod aliquis non possit modò tenere unam sententiam, modò acceptare aliam priorem deferendo; ita ut Probabilitas ex utrâque parte contradictionis, sit raro sufficiens ad hæc quod voluntas pro commoditate suâ occurrente moveat intellectum prout libuerit, ad credendum modò unam partem contradictionis esse veram, modò aliam, & similiter ad dandum eodem modo aliis consilium.

RESPONDETUR scriptum esse in Ecclesiastico, *Stultus in Ligna mutatur.* Et Christus Dominus hujusmodi homines nominat *arundines vento agitatae.* Inconstantia est peccatum imprudentiæ. De quâ 2. 2. q. 43. a. 5. S. THOMAS sic loquitur: *SED CONTRA EST, quod ad prudentiam pertinet præferre majus bonum minus bono. Ergo desistere à meliori pertinet ad imprudentiam: sed hoc est inconstantia. Ergo inconstantia pertinet ad imprudentiam.* Et in corpore articuli respondet, *Dicendum quod inconstantia importat recessum quemdam à bono proposito dissinito. Hujusmodi recessus principium quidem habet à vi appetitiva. Non enim aliquis recedit à priori bono proposito, nisi propter aliquid, quod sibi inordinatè placet: sed iste recessus non consummatur, nisi per defectum rationis quæ fallitur in hoc, quod repudiât id quod rectè acceptaverat. Et quia cum possit resistere impulsui passionis, si non resistat, hoc est ex debilitate ipsius, quæ non tenet se firmiter in bono proposito concepto: & ideo inconstantia quantum ad sui consummationem pertinet ad defectum rationis.*

Consideremus hominem, qui ponderatis utrimque rationibus acceptat unam partem contradictionis. Vel rectè acceptavit, vel non rectè acceptavit. Si non rectè; non poterit juxta suam sententiam operari absque peccato. Si rectè acceptavit, non poterit suam sententiam repudiare absque inconstantia. Quando res mutantur, Prudentiæ est mutare propositum, mutare consilium. Sed in eadem rerum

dem rerum occurrente dispositione repudiare, quod rectè fuit acceptatum magna est inconstantia; nec potest hoc fieri, nisi propter aliquid quòd inordinate placet juxta Solem Angelicum.

LXXXXI. VERBIS. Eædem sunt rationes ex parte intellectus, sed diversa sunt motiva ex parte voluntatis. Dictum est c. 1. quòd firmitas assensus in illis, quæ non videntur nec mediâtè, nec immediâtè, oritur à voluntate. Ergo poterit voluntas movere intellectum modò ad unam partem, modò ad aliam, prout modò una pars erit ei conveniens, modò alia fiet ei conveniens.

RESPONDETUR, distinguendo consequens, ergo poterit voluntas, &c. Absolutè, conceditur. Poterit prudenter, negatur. Admittimus Probabilitatem sufficere ad excludendum formidinem, si accesserit motio voluntatis. Quod autem fit, à voluntate, ita ab eâ fit, ut contrarium possit ab illâ fieri. Inquantum utrumque potest apprehendi ut bonum. Et quia modò potest videri bonum voluntati adhærere uniparti, & modò videri bonum adhærere alteri, nunquam tamen utrique simul; ideo non est dubitandum quin voluntas modò possit sine formidine credere aliquid esse licitum, & modò sine formidine credere non esse licitum; nec impeditur à majori aut minori Probabilitate ut clarè ostendimus n. 10. Quod satis indicavit S. AUGUSTINUS de Spirit. & litt. cap. 35. dicens, *Cum ergo fides in potestate sit (quoniam) cum vult quisque credit : & cum credit, volens credit, Imò & Sapiens dum dixit : qui cito credit levis est corde : non enim levis credulitas (ut ita dicam) distinguitur à prudenti credulitate, penes formidinem ; siquidem utraque excludit formidinem, alioqui non credulitas sed opinio foret. Distinguantur ergo penes hoc quod ille credit leviter, qui sine sufficienti ratione credit. Ille verò prudenter, qui ex sufficienti fundamento & amore justitiæ credit.*

Quare admisso quòd voluntas possit modò credere unam sententiam Probabilem esse veram, & postea recedendo à priori possit modò credere contrariam sententiam esse veram. Negamus tamen quòd possit prudenter credere uni sententiæ Probabili quando opposita, licet longè minùs Probabilis, est favens legi & vera. Cum enim tunc erret contra legem, & error ille ut diximus, sit vincibilis, nulla Probabilitas quantumvis maxima potest efficere ut prudens sit illius assensus. Sicque sententiæ erranti contra legem divinam, quantumvis sit Probabilissima, nunquam prudenter creditur; nec auctoritate cujusquam fieri potest, ut errori contra legem Dei prudenter adhæreat voluntas. Hic enim verificatur quod Matth. 15. dicitur, *Cæcus autem si cæco ducatum præstet, ambo in fossam cadunt.*

§. VI. *Solvuntur argumenta in contrarium.*

LXXXXIJ. **C**Um altiori fundamento Probabilitatem contra legem Dei militantem expugnaverimus, ex eo nempe, quòd in illis, qui obligantur legi divinæ, error contra legem vincibilis sit, & voluntarius: & ex eo quòd de supernaturalibus non sit judicandum secundum apparentiam rationis humanæ, sicut nec de intelligibilibus secundum apparentiam sensuum; fit ut omnia Probabilistarum argumenta à ratione petita, (nulla enim habent ab autoritate Sacræ Scripturæ, Traditionis, SS. Patrum, nec non & Antiquorum Theologorum) in suâ radice solvantur, aut melius in suo supposito. Fundatur enim Probabilitas in ignorantia invincibili, inquantum ratio dicat, Probabilibus adhærere conveniens esse, ubi veritas investigatur, & non videtur; nec aliter haberi potest.

Quare ad omnia argumenta quibus firmatur Probabilitas, à Junioribus negandum est suppositum. Supponunt enim, *Bonum esse & condeniens sequi sententiam Probabilem*, quod certè verum non est, ubi veritas agendorum vincibiliter ignoratur, sive quod idem est, aliter haberi potest. Etenim si veritas agendorum, aliter haberi potest, non Probabilibus, sed certis est adhærendum; quia ut ait Magister noster, *Quandocumque intellectus moveatur ab aliquo fallibili signo, est aliqua inordinatio in ipso, sive perfectè sive imperfectè moveatur*. Vide num. 4.

LXXXXIJ. **Q**uis non videat vanum Probabilistarum laborem, quo suprà tam debile fundamentum ædificaverunt immensum illud doctrinæ Moralis ædificium. Principium istud, *bonum est operari juxta sententiam Probabilem* nullo Sacræ Scripturæ testimonio firmatur, nullâ divinâ traditione stabilitur, nullâ SS. Patrum autoritate concluditur; non est igitur Theologicum. Nec philosophicum est; cum nec sit per se justum; nec ex aliquo principio per se noto evidenter deductum. Ex quo apertè sequitur nullam esse in Probabilibus Scientiam Moralem, & in vanum assumpsisse Escobarium viginti quatuor Patres suæ Societatis in Doctores Christianæ moralitatis. Doctor non est qui scientiam non habet. Nulla autem est in illis Scientia Moralis quorum conclusiones reduci nequeunt ad principia per se nota, aut fide credita. Probabilistæ omnes suas conclusiones reducant ad istud principium, *Bonum est sequi sententiam Probabilem*, quod principium nec est per se notum, nec ex aliquo per se noto evidenter deductum; non est etiam fide creditum, cum nulla autoritate firmetur: oportet ergo concludere nullam esse in Probabilistis scientiam morum, nec consequenter sine injuriâ quærentium veritatem poterunt asciri in Magistros & Doctores Christianæ Moralitatis.

Et tamen securitatem promittunt in viâ salutis omnibus suis affectis; & glo-

riantur suâ solertiâ & industriâ viam salutis quotidie dilatari & faciliorem reddi. Quasi verò (exclamat Archiepiscopus Mechliniensis in Decreto edito an. 1665. Die 18. Febr. quo omnes Caramuelis libros à suâ Diœcesi proscripsit) possi adinventionibus suis mendacem facere sermonem Evangelicum Domini nostri Iesu-Christi dicentis : intrate per angustam portam, quia lata est porta & spaciola quæ ducit ad perditionem, & multi sunt qui intrant per eam ? Quam angusta porta & arcta via est quæ ducit ad vitam, & pauci sunt qui inveniunt eam. Ad idem optimè Sinnichius relatus à P. Gonet. a. 2. §. 2. Profectio tam non potest humana solertia ad semitam cœli adijcere digitum unum latitudinis, quæ non potest ad staturam hominum adijcere cubitum unum longitudinis. Etenim qui vitæ hominis constituit terminos qui præteriri non poterunt : ipse quoque constituit viæ tartari terminos qui contrahi non poterunt : atque adeò & illa permanet arcta, prout ab ipso constituta est, & ista perseverat spaciola, prout ab ipso constituta est.

Vnde & Parisienses Parochi nunquam satis laudandi præclaris illis magni Guignonis Chartusiani verbis idipsum meritò irriserunt. O Apostolorum tempora infelicissima ! O viros illos ignorantie tenebris involutos, & omni miseratione dignissimos, qui ut ad vitam pertingerent propter verba labiorum Dei tam duras vias custodiebant, & hæc nostra compendia nesciebant.

LXXXXIV. Non possum prætermittere Fagnanum sine oculis videntem, qui in tractatu de Probabilitate quem intexuit ingenti suo in Decretales opere septem tomis comprehensis ortum Probabilitatis luculenter describit his verbis : Nostris temporibus doctrina de liberâ electione opinionis Probabilis in moribus hoc scilicet sæculo introducta est ; & quasi parva scintilla magnum excrevit incendium. Nam illius Sectatores nullum afferunt ex Magistris, qui ante centum annos eam tradiderit. Non quia Scriptores illorum temporum de tali doctrinâ non cogitaverint : incredibile enim tot viros illuminatissimos ac acutissimi ingenii, qui de humanis actibus, & virtutibus moralibus ex professo disseruerunt, vim Probabilitatum per tot sæcula non agnovisse, sed quia cognoverunt, judicium PROBABLE NON POSSE ASSUMI PRO REGVLA OPERANDI. Quare hæc doctrina ex hoc solo redditur valde suspecta, quod sit nova, & à consuetudine Ecclesiæ exorbitans, dicente Apostolo ad Hebr. 13. 9. Doctrinis variis & peregrinis nolite abduci : & Hieron. in Epist. Apolog. contra Orig. quæ est 33. l. 1. Cur post quadringentos annos nos docere niteris quod ante nescivimus ; cur profertur in medium quod Petrus & Paulus edere non luerunt ? usque ad hanc diem sine hac doctrinâ mundus christianus fuit.

Et numero 33. Complementum & finem periculofum Probabilitatis non minus eruditè prosequitur, dicens :

„ Nulli dubium est quin omnis regula morum possit everti ex libertate opinandi non modò in præceptis humanis, sed etiam in divinis & naturalibus, dum de ipsis interdum non occurrunt rationes demonstrativæ. Vnde his tem-

poribus eo res perducta est, ut nullus ferè sit articulus in moralibus, in quo non sit varietas vel contrarietas opinionum; adeo ut in solo opere non ita pridem impresso resolutionum moralium Antonini Dianæ numerentur in unum collectæ quæstiones supra ter mille, cum opinionibus, & autoribus pro utràque parte plerumque affirmantibus, aut ambas esse Probabiles, aut unam Probabilem, & alteram Probabiliozem, in quibus ferè omnibus agitur de peccato mortali.

Quare hæc doctrina Probabilitatum videtur fovere veluti quandam libertatem conscientiae, ac proinde magnoperè indigere dextrâ Dei, & Beatissimi Romani Pontificis provisione, ne venenum jam plus nimio dilatatum, ulterius serpat..... Quapropter non immeritò Antonius Merenda in suo tractatu de hac materiâ novissimè impresso, in præfat. p. 7. rotundis verbis affirmat, usum PROBABILITATUM ESSE COMMENTUM DIABOLI ad enervandam vim præceptorum.

His omnibus indubiè permoti Eminentissimi Cardinales Congregationi sacræ Indicis Præfecti, anno 1664. 15. Ianuarii damnarunt ac prohibuerunt librum, cui titulus,

Ioannis Caramuëlis Apologema pro antiquissimâ & universalissimâ doctrinâ de Probabilitate.

Quod Decretum quinque annis ante præcesserat aliud Sanctissimi D. N. Alexandri Papæ VII. quo Beatissimus Pontifex prohibuit, & damnavit librum cui titulus, APOLOGIE POUR LES CASUISTES, &c. Utrumque Decretum refert P. Gonet a. 3. §. 5.

LXXXXV. Relictis Probabilistis in suâ novitate, & rationum nuditate; sunt alii qui Probabile falsum contra legem divinam putant excusare à peccato; quorum præcipuum fundamentum est, ignorantiam invincibilem excusare à peccato. Admittimus ignorantiam invincibilem excusare à peccato; verum dicimus, ignorantiam legis divinæ solùm esse invincibilem in infidelibus negativè, secus in fidelibus, de quibus modò loquimur. Si enim fideles fecerint quod in eis est ex auxilio gratiæ, id est, si petierint à Deo lumen sicut oportet, cognoscent veritatem; Non enim fallit qui dixit, *Petite, & accipietis*. Quod si non advertant suam infirmitatem, aut advertentes non recurrant sicut oportet ad divinum auxilium, hoc est quia aliis intendunt, quæ magis amant, ut patet in invitatis ad coenam magnam, quos cibasset Dominus pane vitæ & intellectus, si amore temporalium non fuissent implicati; ex quo se excusarunt. Unde optimè de illis S. Gregorius homil. 36. in Evang. *Et tantò celerius vocem Dei aliqui audiunt, quansò in hoc mundo non habent unde delectentur*. Quisquis igitur delectatur in hoc mundo sibi imputet, quòd non audiat vocem Dei. Ista conditionalis est vera, quicumque obligatur præcepto divino, illud cognosceret & faceret, si temporalia non amaret. Quare omnis

ignorantia & impotentia respectu legis divinæ est indirectè voluntaria, cò quòd propter amorem temporalium negligit homo, vel audire vocem Dei, vel Dei vocantis, implorare auxilium, Vide num. 63. & Tomum primum *de Scientiâ mediâ ad examen revocatâ*, ubi cap. 2. art. 1. ostendimus, ad verum *posse* non requiri potestatem actu datam, sed sufficere oblatam. Ut quis possit implere præceptum ex propriâ applicatione requiritur potestas actu data; ut verò possit illud implere ex speciali applicatione alterius, sufficit potestas oblata. Reus est qui potestate datâ non utitur; ita reus est qui potestati oblatæ ponit impedimentum. Propter amorem temporalium, ad quem se applicat voluntas fit, ut potestate datâ non utatur. Propter eundem amorem temporalium fit, ut potestati oblatæ ponatur impedimentum: ergo etiam fit, ut à luce oblata, non illuminetur amans temporalia ad cognoscendum ea quæ secundum legem divinam occurrunt agenda.

LXXXXVI. Superfunt aliqua inconvenientia, quæ videntur sequi ex traditâ gemini Ecclesiæ Solis doctrinâ. PRIMUM. sic proponitur. Si Probabile falsum contra legem nunquam excuset à peccato, sequeretur eum peccare qui ex duabus sententiis Probabilibus, Probabilissimam eligeret; siquidem fieri potest, quòd sententia Probabilissima falsa, sit, & à lege æternâ discordans.

RESPONDETUR admittendo sequelam. Nec ullum est in hoc inconveniens. Quod enim sententia falsa, & à lege divinâ discordans Probabilissima appareat, procedit à voluntate quæ propter amorem temporalium negligit, vel audire vocem Dei, vel Dei vocantis implorare auxilium. Qui sequitur istam sententiam eò ipsò quòd acceptet eam sine formidine oppositi non peccat contra conscientiam; peccat tamen contra legem Dei, cui à parte rei adversatur. In hoc falli videntur Adversarii, quod putent sufficere ad vitandum peccatum, firmiter credere non esse peccatum, cum ultra requiratur quòd *credere* nostrum sit à parte rei verum. Nam in his quæ supra rationem sunt non *videri nostrum*, sed *rei veritatis* liberat nos à peccato.

LXXXXVII. SECUNDUM. Sequitur Jacob peccasse cum primò accessit ad Liam: sed hoc est inconveniens, cum sit contra omnes Patres: ergo. Prob. majoris sequela. Tunc fecit actum contra legem Dei accedendo ad non suam. Nec potest aliter excusari à peccato, nisi dicendo Jacob tunc laborasse ignorantiam invincibili. Ergo.

•RESPONDETUR negando sequelam ad Prob. distinguitur ant. Tunc fecit actum contra legem Dei ex ignorantia invincibili juris; negatur. Ex ignorantia invincibili facti, conceditur. Quamvis non admittamus in fidelibus ignorantiam invincibilem juris divini, admittimus tamen ignorantiam invincibilem facti. Jacob non ignorabat esse malum accedere ad non suam tam in universali, quam in particulari, nec accessum ad non suam credebat esse bonum: nullum. ergo.

errorem juris habebat, sed erravit credendo Liam esse suam, quæ non erat, qui error est purus error facti. Cognitio factorum non dependet ab interno lumine, sed à solis sensibus, quorum iudicium non tam est voluntatis, quam necessitatis. Vnde non immutatur propter diversitatem affectus. Interdum autem lumen à quo dependet cognitio legis divinæ, impeditur ex diversitate affectuum, quibus homo retrahitur à cognitione legis propter applicationem ad alia. Hæc est radix cur error in factis possit esse involuntarius, secus error in iis quæ juris sunt divini.

LXXXXVIIJ. TERTIUM. Sequitur ex hac sententiâ plerumque esse fortunæ, & non-voluntatis, quòd homines peccent, vel non peccent: sed hoc est absurdissimum, cum vera & sola causa peccati sit voluntas creata, ut operari difformiter ad regulas morum, non verò casus aut fortuna. Ergo. Prob. maior Qui nescit se peccare magis ex fortunâ, quàm ex voluntate peccat. Sed qui nullam advertens malitiam credit simpliciter, & bonâ fide sententiam falsam contra legem esse veram, nescit se peccare. Ergo ille magis ex fortunâ, quàm ex voluntate peccat.

RESPONDETUR negando sequelam; ad Prob. distinguitur maior. Qui *invincibiliter* nescit se peccare, magis ex fortunâ, quàm ex voluntate peccat, conceditur. Qui *vincibiliter* nescit se peccare, negatur. Quicumque credit sententiam falsam contra legem esse veram, vincibiliter nescit ut dictum est. Vbi ignorantia est voluntaria, ibi non ex fortunâ, aut casu, sed solâ voluntate peccatur. Vnde bona fides de præsentioriitur ex malâ de præterito.

LXXXXIX. QUARTUM. Sequitur incredibilis conscientiæ perplexitas, imò & peccandi hic & nunc inevitabilis & dura necessitas, quotiescumque aliquis Probabiliter & bonâ fide iudicat aliquid sibi agendum esse, neque omitti posse sine peccato, quod tamen jure naturali aut divino illicitum est. Peccabit id faciendo juxta nos, qui dicimus ignorantiam juris naturalis, aut divini nunquam excusare à peccato. Peccabit etiam non agendo, quia aget contra conscientiam quæ ipsi dictat hoc esse agendum.

RESPONDETUR conscientiam dictantem ut præceptum quod est jure naturali aut divino adversum, esse per accidens aut indirecte voluntariam, ac proinde perplexitatem inde sequentem debet homo sibi imputare.

INSTABIS. Sit aliquis qui postquam mortaliter peccavit, dubitat an statim confiteri teneatur. Invenit sententiam S. Bonaventuræ valde Probabilem, quæ docet eum teneri; at sententiam S. THOMÆ credit Probabilissimam, quæ docet eum non teneri ad statim confitendum. Non poterit iste sequi sententiam D. THOMÆ, quia certus est quod sequendo sententiam S. Bonaventuræ non peccet, non tamen sic est certus de sententiâ S. THOMÆ. In iis autem quæ sunt saluti, certa sunt præponenda incertis.

C. RESPONDETUR, distinguendo, Non poterit iste sequi sententiam **D. THOMÆ**, si à parte rei vera sit, negatur; si non sit à parte rei vera, conceditur. Nullius Sancti autoritas potest excusare à peccato actionem quæ à parte rei est contra legem. Autoritas **S. THOMÆ** est sufficiens ut habeatur certitudo conscientiæ, non autem ut habeatur certitudo legis. Quare qui sequitur sententiam **S. THOMÆ** debet cum metu & tremore operari, non quidem ex parte conscientiæ, quia certus est se non peccare contra conscientiam: sed ex parte legis, quam fortè vincibiliter ignorat. Supposito tamen quod vera sit sententia **D. THOMÆ**, non peccabit, etiamsi non habeat certitudinem legis, quia tunc nec contra legem, nec contra conscientiam aget. Si autem sit falsa, peccabit, non scienter, sed ignoranter.

Fundamentum est, quod ad vitandum peccatum non debet homo reflectere se habere certitudinem legis, sive quod idem est non debet habere evidentiam quòd ita sit à parte rei sicuti credit; sed sufficit quòd credat non esse peccatum, & à parte rei ita sit; credo enim verè parietem esse album, si ita sit à parte rei; etiamsi non videam parietem ita esse; ac proinde etiamsi non videam me dicere verum. Ita ergo dum credo dilationem confessionis non esse peccatum, & ita est à parte rei, credo id quod verum est, etiamsi non videam quòd ita sit à parte rei. Ad peccandum autem ignoranter requiritur, ut non advertam aliquam malitiam; & quidem ita ut absque ullâ dubitatione & formidine oppositi, credam firmiter non adesse malitiam, alioquin scienter peccarem; insuper requiritur, ut falsum sit id quod credo; & tunc quia firmitas assensus mei falsi est per accidens, aut indirectè voluntaria, ignoranter pecco. Unde peccatum ignorantia, nunquam est contra conscientiam, sed solum est contra legem, quod diligenter observa.

CJ. ULTIMUM. Summi Pontifices sæpius dispensasse referuntur in votis solemnibus, quæ secundum **D. THOMAM** sunt jure divino indissolubilia. Ergo peccarunt isti Pontifices, & maxime illi qui sciebant contrarium à Sole Angelico teneri; cujus sola autoritas sufficit ad majorem Probabilitatem.

RESPONDETUR, transeat antecedens, eò quòd facti quæstionibus nolim implicari. Ad consequentiam, fateor eà urgeri qui volunt Pontifices excusare à peccato, & simul tenere, quòd Probabiliore sententiæ semper sit adhærendum. Vel debent concedere, sententiam **D. THOMÆ** non esse Probabiliorem, quod Thomistam minimè decet: vel debent fateri licitum esse adhærere sententiæ minùs Probabili, relicta Probabiliore, quod magnum apud eos videtur inconveniens. Si primum quis elegerit, & dixerit sententiam **D. THOMÆ** visam fuisse Summis Pontificibus minùs Probabilem; non quod à parte rei non sit Probabilior; statim in eum retorquetur responsio; ergo & vobis Thomistis sententia **D. THOMÆ** videbitur Probabilior, non quòd ita sit à parte rei. Ulteriùs dic,

quæso, unde provenit quod Probabilius tibi videatur quod minus Probabile videtur Summis Pontificibus, an quia illis es occultior?

His difficultatibus non laboramus, qui Probabilitatem magis ex parte boni, quam ex parte veri dijudicamus. Unde ad argumentum distinguimus consequens; & si sententia D. THOMÆ sit à parte rei vera, concedimus istos Pontifices peccasse, non scienter, sed ignoranter. Si verò sententia D. THOMÆ sit falsa, negamus eos peccasse aut scienter, aut ignoranter. Certum est Summos Pontifices in dispensationibus & regimine Ecclesiæ non esse impeccabiles, & infallibiles, sed reddituri sunt rationem villicationis suæ, juxta illud Felicis IIJ. Epist. 7. *Nihil per nostram facilitatem tribunalis excelsi judicio derogatur, cui illa sunt rata, quæ pia, quæ vera, quæ iusta sunt.*

CII. INSTABIS. Qui peccat contra conscientiam non peccat ignoranter; sed Pontifices isti peccarunt contra conscientiam. Ergo non ignoranter. Prob. min. Reliquerunt sententiam D. THOMÆ Probabiliorem, & adhæserunt minus Probabili: sed qui relictâ Probabiliore sequitur sententiam minus Probabilem peccat contra conscientiam. Ergo.

RESPONDETUR negando min. ad Prob. distinguitur major, adhæserunt minus Probabili, ita ut ex majori Probabilitate sententiæ D. THOMÆ fuerint inducti in aliquam dubitationem & formidinem, negatur. Ita ut in nullam dubitationem & formidinem fuerint inducti, conceditur. Quando quis ex contrarietate sententiarum non inducitur in dubitationem, sed manet firmus in propriâ sententiâ, quam sine formidine credit esse veram; iste non peccat contra conscientiam nec scienter, sed ignoranter, si conscientia erronea sit vincibilis, id est, voluntaria. Est autem semper voluntaria in his quæ sunt à parte rei contra legem naturalem & divinam.

CIII. Nec ullus hoc inficiari poterit, si attentè consideraverit, quod in illis quæ non sunt evidenter vera & falsa, credimus quia volumus, ita ut firmitas assensus, sive exclusio formidinis est voluntatis, non necessitatis. Quod sufficienter cap. primo probatum est, & in decursu hujus Opusculi ex utroque Ecclesiæ Sole. Ut tamen Juniores totaliter isti doctrinæ Angelicæ acquiescant, addam hic elegantissimum Angelici Solis testimonium ex 2. 2. q. 3. a. 9. ad 2. ubi dicitur: *In scientiâ duo possunt considerari, scilicet ipse assensus scientis ad rem scitam, & consideratio rei scitæ. Assensus autem scientiæ non subijcitur libero arbitrio, quia sciens cogitur ad assentiendum per efficaciam demonstrationis: & ideo assensus scientiæ non est meritorius, sed consideratio actualis rei scitæ subijcet libero arbitrio. Est enim in potestate hominis considerare vel non considerare: & ideo consideratio scientis potest esse meritoria, si referatur ad finem Charitatis, id est, ad honorem Dei vel utilitatem proximi: sed in fide utrumque subijcet libero arbitrio, & ideo quantum ad utrumque, actus fidei potest esse meritorius: sed opinio non habet firmum assensum. Est enim quoddam debile, & infirmum secundum Philosophum*

in 1. Po.

in 1. *Poster. Unde NON VIDETUR PROCEDERE EX PERFECTÂ VOLUNTATÊ : & sic ex parte assensus non multum videtur habere rationem meriti, sed ex parte considerationis actualis potest meritoria esse.*

CIV. Habes, CORDATE LECTOR clarissimè expressum, quòd in opinione infirmitas assensus oriatur ex imperfectâ voluntate, in fide verò firmitas assensus oriatur ex perfectâ voluntate. Quare in illis quorum non est certa veritas & evidens, rationi Probabili credimus, id est, sine formidine assentimur; si perfectè volumus; opinabimur, id est, cum formidine assentiemur, si imperfectè volumus. Primum igitur motivum credendi non tam est apparens veritas, quàm apparens bonitas. Si quæretur, cur assentiris isti propositioni, respondeo, quia credo esse veram, est enim verum objectum assensus, sicut bonum est objectum amoris. Si ulterius quæretur, cur credis esse verum, respondeo, quia videtur mihi bonum tali rationi adhærere, & non isti. Quare si rationi minùs Probabili videatur mihi bonum adhærere, & non rationi Probabiliori, & Probabilissimæ, tunc firmiter, & sine formidine oppositi credam esse verum quòd ratio minùs Probabilis dicitur.

CV. Nullatenùs istam Solis Angelici doctrinam penetrarunt, qui volunt intellectum debere assentiri Probabiliori rationi. Solâ veritate evidenti cogitur intellectus: cum ergo major Probabilitas non faciat veritatem evidentem, non potest ergo intellectus cogi ad assensum ex majori Probabilitate, sed liberi arbitrii erit determinare assensum. Quæ major Probabilitas quàm sit illa quæ est Religionis & fidei nostræ, & tamen illa non cogit nos ad assensum, sed voluntatis est quod credamus. Imò plus dico, si aliqua ratio contra fidem Probabilior nobis videatur, quàm illa quæ inducit ad fidem, magis laudandi sumus si minùs Probabili rationi adhærentes non recedamus à fide. Cujus ratio non est alia, quàm voluntatis esse quòd credamus, non alicujus rationis cogentis. De quo optimè S. THOMAS loco citato a. 10. ad 3. his verbis: *Ea quæ repugnant fidei sive in consideratione hominis, sive in exteriori persecutione, intantum argunt meritum fidei, inquantum ostenditur voluntas magis prompta & firma in fide. Et idè etiam martyres majus fidei meritum habuerunt, non recedentes à fide propter persecutiones. Et etiam sapientes majus meritum fidei habent, non recedentes à fide propter rationes Philosophorum, vel hæreticorum contra fidem inductas.* Non intendimus hanc doctrinam Angelicis ostendere, quòd aliquis ratione minùs Probabili persuasus non recedat à fide; scimus enim quod hujusmodi persuasio diminuat meritum fidei, ut dicit Magister noster in corpore articuli; sed solùm hæc adducimus, ut clarè videatur, quod nulla Probabilitas quantumvis maxima cogit intellectum ad assensum, sed possit, si voluerit, ad contrarium se determinare. Ex quo apertè sequitur quòd in concursu Probabilioris possit quis minùs Probabili firmiter adhærere sine ullâ dubitatione oppositi.

CVI. Ex hoc quod voluntatis sit firmitas assensus in his quæ non evidentè cognoscuntur, destruitur totaliter Probabilistarum doctrina. Nam ratio humana & voluntas assumuntur ut regula agendorum, omnisque in operando securitas reducitur ad rationem humanam & voluntatem. Nihil autem est inordinatiùs quàm ea quæ sunt supra rationem & voluntatem, regulari per rationem & voluntatem. Nihil etiam infirmiùs quàm securitas à ratione & voluntate dependens in illis, quæ rationi & voluntati non subiiciuntur. Quà ratione inferior securitatem promittere potest, in his; quæ sunt contra voluntatem superioris? Hoc præclare urget S. AUGUSTINUS fulgentissimus Ecclesiæ Sol. Sic enim homil. 12. loquitur. *Ecce dat tibi securitatem procurator. Quid tibi prodesi si pater-familias non acceperit? Procurator firm; servus firm; vis dicam tibi: vive quomodo vis, Dominus te non perdet? Securitatem tibi procurator dedit. Nihil valet securitas procuratoris. Vtinam Dominus tibi securitatem daret, & ego te sollicitum facerem! Domini enim securitas valet, etiamsi nolim; mea verò nihil valet, si ille noluerit. Quæ est autem securitas Fratres vel mea, vel vestra, nisi ut Domini iussa intente diligenterque audiamus, & promissa fideliter exspectemus..*

Hæc ergo fit securitas nostra cum metu & tremore operari nostram salutem. Metu dico, non anxietate & inquietudine. Firmitas conscientiæ tollit anxietatem & inquietudinem; siquidem secundum ea quæ præsentialiter occurrunt nullius malitiæ in actione nostrâ conscii sumus; ac proude in oculis nostris re-cta sunt quæ agimus; timemus tamen ne se tenebræ alicujus erroris offundant, ne talia non sint ante oculos Omnipotentis Dei. Unde licet bona quæ prævaleremus incessanter agamus; semper tamen super nos tonantem illam iudiciorum abyssum pertimescere debemus.

CAPVT QVARTVM.

In lege humanâ Probabilitas dominatur.

Quasi vetus fermentum expurgavimus Probabilitatem à lege tam naturali quàm divinâ, nunc aliquale ejus dominium supra legem humanam stabilire prætendimus. Primò naturâ legis humanæ explicabimus, Secundò ex ipsâ naturâ legis humanæ deducemus Probabilitatis dominium. Utramque breviter perstringemus.

§. I. *Quæ sit legis humanæ natura?*

CVIJ. **A**D Solem Angelicum convertendus est intellectus noster, ut de naturâ legis humanæ illustrari valeat. Hic 1. 2. q. 91. a. 3. Legem humanam sic explicat: *Sicut in ratione speculativâ ex principiis indemonstrabilibus naturaliter cognitis producuntur conclusiones diversarum scientiarum, quarum cognitio non est nobis naturaliter indita, sed per industriam rationis inventa: ita etiam ex præceptis legis naturalis, quasi ex quibusdam principiis communibus & indemonstrabilibus, necesse est quod ratio humana procedat ad aliqua magis particulariter disponenda, & istæ particulares dispositiones adiuvantia secundum rationem humanam, dicuntur leges humanæ observatis aliis conditionibus, quæ pertinent ad rationem legis.*

„ Huic doctrinæ addenda est alia quàm S. THOMAS credit q. 95. a. 2. Sed
 „ sciendum est quòd à lege naturali dupliciter potest aliquid derivari. Uno mo-
 „ do, sicut conclusiones ex principiis: alio modo sicut determinationes quæ-
 „ dam aliquorum communium. Primus quidem modus similis est ei, quo
 „ in scientiis, ex principiis conclusiones demonstrativæ producuntur. Secundo
 „ vero modo simile est, quod in artibus formæ communes determinantur ad
 „ aliquid speciale: sicut artifex formam communem domus necesse est quòd
 „ determinet ad hanc, vel illam domus figuram. Derivantur ergo quædam à
 „ principiis communibus legis naturæ per modum conclusionum: sicut hoc
 „ quod est non esse occidendum, ut conclusio quædam derivari potest ab eo
 „ quod est, nulli esse faciendum malum. Quædam verò per modum determi-
 „ nationis: sicut lex naturæ habet, quod ille qui peccat, puniatur: sed quòd
 „ tali pœnâ, vel tali puniatur, hoc est quædam determinatio legis naturæ.
 „ Utraque igitur inveniuntur in lege humanâ posita: sed ea quæ sunt primi mo-
 „ di continentur in lege humanâ, non tamquam sint solum lege posita, sed ha-
 „ bent etiam aliquid vigoris ex lege naturali: sed ea quæ sunt secundi modi ex
 „ solâ lege humanâ vigorem habent.

CVIII. Docet nos Sol Angelicus duplex esse præceptorum genus legis huma-
 næ, unum per modum conclusionis aliquid vigoris habens ex lege naturali;
 aliud per modum determinationis ex solâ lege humanâ vigorem habens. De pri-
 mo genere præceptorum non agimus in præsentī capite; eò ipsò quòd vigorem
 habeat ex lege naturali, dicimus non posse invincibiliter ignorari, eò quòd ex
 passione vel habitu corrupto, aut malâ aliquâ persuasione provenit quòd con-
 conclusio particularis dictis principiis contraria deducuntur; sive quòd idem est,
 quòd aliquid ex se malum concludatur appetendum. Scimus quòd sint aliquæ
 conclusiones quæ studium requirunt, cuius non omnes sunt capaces. Sed aliud
 est non scire conclusionem, aliud est contrarium conclusionis deducere. Non

D d d ij

peccatur præcisè contra legem naturalem, quia plures conclusiones ignorantur; sed quia illarum contrarium deducitur; sicut qui ignorat aliquam scientiam non peccat, sed qui cum tali ignorantia procedit ad judicandum de scibilibus istius scientiæ, meritò vituperatur si de illis erroneè judicet.

Non nostra sed Angelici Solis doctrina est, qui de malo q. 3. a. 7. eam tradit his verbis: *Quandoque autem ignorantia est aliquid scientiæ contrarium, quæ dicitur ignorantia perversæ dispositionis, puta cum aliquis habet habitum falsorum principiorum, & falsarum opinionum, ex quibus impeditur à scientiâ veritatis. Error autem est approbare falsa pro veris: Unde addit ætiam quendam super ignorantiam. Potest enim esse ignorantia sine hoc quòd aliquis de ignotis sententiam ferat, & tunc ignorans est, & non errans: sed quando jam falsam sententiam fert de his quæ nescit, tunc propriè dicitur errare, & quia peccatum in actu confitit, error manifestè habet rationem peccati. Non enim est absque præsumptione, quòd aliquis de ignoratis sententiam ferat, & MAXIMÈ IN QUIBUS PERICULUM EXISTIT. Quibus aureis verbis invictè probatur eum qui contra legem Dei tam naturalem quàm supernaturalem aliquid agendum erroneè concludit, non posse à peccato excusari.*

Modò venit in mentem illud Psalm. 2. *Qui habitat in cælis iridebit eos, & Dominus subsannabit eos.* Sit aliquis extraneus qui Gallicam linguam non novit, dum iste vult gallicè loqui, & errat dicendo v. g. *Ma Pere & mon Mere* irridetur ab audientibus, & tantò magis, quantò magis existimat se rectè loqui. Sic se habet Deus contra prævaricatores suæ legis. Cernit eos judicare de agendis quæ ignorant, eosque magis errare, quantò magis præsumunt de ignoratis sententiam ferre. In die judicii putabunt se à peccato excusare, sed *qui habitat in cælis iridebit eos, & Dominus subsannabit eos.*

CIX. Omisso igitur primo genere præceptorum legis humanæ, de secundo genere quod ex solâ lege humanâ vigorem habet, hoc capite tractamus, & asserimus Probabilitatem in illo genere dominari. Solet distingui lex humana, una civilis, alia canonica, vel quod idem est, una sæcularis, alia Ecclesiastica. Lex Civilis dicitur quæ est ex præceptis legis naturalis concludit aliquid disponendum, vel illis aliquid per modum determinationis superaddit. Lex canonica, seu Ecclesiastica propriè dicitur quæ ex præceptis legis divinæ aliquid disponendum concludit, vel eis aliquid per modum determinationis superaddit. Qualis est legis naturalis & divinæ differentia, talis erit legis Canonice & Civilis differentia, eo modo quo ex diversitate principiorum sequitur diversitas sententiarum. Non negamus legem canonicam aliquid concludere ex præceptis legis naturalis, aut eâ determinare; sed tunc lex naturalis consideratur ut inclusa in divinâ, & ad vitam æternam ordinatur: & sic semper stat differentia data. Hanc tamen magnam utriusque legis humanæ differentiam in præsentī non abscondimus, sed solum quòd est utrique commune, nempe quòd ex solâ lege humanâ, id est, ex solâ ratiocinatione & voluntate humanâ vigorem habeant.

Quemadmodum ratio se habet ad præcepta legis naturæ, ita se habet ad præcepta legis divinæ. Sicut enim ex præceptis legis naturalis aliquid concludit, vel ea determinat, sicque legem Civilem constituit; ita ratio ex præceptis legis divinæ aliquid concludit, vel præcepta divina determinat, sicque constituit legem Canonicam. Et sicut ea quæ ex lege naturali concluduntur, aliquid vigoris ex lege naturali habent, nec eorum transgressio potest excusari; ita ea quæ ex lege divinâ concluduntur aliquid vigoris habent ex lege divinâ, nec eorum transgressio aliquem excusat, ut modò ex Angelico Sole probatum est, nec non totis capitibus 2. & 3. Sub hac ratione non agimus de lege Civili & Canonica, sed solum sub istâ ratione quâ utraque lex ex solâ ratiocinatione, & voluntate humanâ vigorem habet.

•CX. Verumtamen præterire non possum exemplum unum conclusionis ex lege divinâ deductæ; cujus ignorantia ceciderunt Probabilistæ in varias & Christiano homine indignas homine laxitates. Lex divina est quod *Fide, Spe, & Charitate, est Deus colendus*, sive ut dixit Christus, *In spiritu & veritate Deus est adorandus*. Ex hoc præcepto Lex humana Canonica concludit exteriorem Dei cultum exhibendum esse Deo in Fide, Spe, & Charitate, sive in spiritu & veritate. Quod legis humanæ præceptum aliquid vigoris indubiè habet ex lege divinâ. Hujus præcepti veritas dissipat omnes Probabilistarum tenebras quibus caliginantes concluderunt, attentionem internam non esse ad horas canonicas ex præcepto Ecclesiæ recitandas, sicuti nec devotionem internam ad Missam de præcepto audiendam; nec aliquam voluntatem satisfaciendi præcepto exigi ad ejus impletionem. Imò quod aures Christianæ horrent, intrepidè dicunt ex voluntate peccandi satisfieri præceptis Ecclesiæ. Manifestum est quod tali exteriori Probabilistarum cultu non adoratur Deus in spiritu & veritate, est ergo contra præceptum Ecclesiæ præcipientis cultum Dei exteriorem exhibendum esse in spiritu & veritate.

Istas omnes laxitates doceri à Probabilistis, patet ex Societatis Senioribus. Quorum nomine sic loquitur Escobarius: *Scio vagari mente ex negligentia in officio, veniale solum peccatum esse. Rogo an si ex proposito id fiat, graviter delinquam, & ad repetendum officium tenear? Azorius secutus assero peccare ex contemptu mortaliter; satis facere tamen Ecclesiæ præcipienti, nec teneri iterum recitare, ut diximus supra. Tract. 5. exam. 6. n. 157.*

Audis quis sacrum animo non satisfaciendi præcepto, satisfacit ne? Ita planè ex Vasquez assertionem. Idem tract. 1. Exam. 11. n. 107. Verè implet audiendi sacri præceptum illud ex contemptu audiendi; ergo à fortiori cum intentione non satisfaciendi. Sanchez Oper. Moral. lib. 1. c. 3. n. 13.

His superadditur Coninck 3. p. q. 83. a. 6. n. 301. *Non est necessarium ut quis satisfaciat præcepto Ecclesiæ, ut habeat internam aliquam devotionem.* Et. n. 352. *Hinc sequi-*

ur enim qui etiam voluntarie est toto corpore sacri distractus, modo sufficienter sibi præsens sit, ut sacro cum externâ reverentiâ debitè afficiat, satisfacere præcepto Ecclesiæ.

Nec refert quod actus externus sine interno non potest habere rationem veræ virtutis, cum possit fieri ob malum finem, quia possumus Ecclesiæ præceptis satisfacere per actum qui non sit vera virtus, imò qui sit peccatum. Ibid.

Quis hæc in Christianis & Religiosis non desiccat? Quibus homo non colitur hæc cultui divino sufficient? Quis Probabilistarum honorari se æstimaret, si quis offerret ei pannum menstruatæ, non dico quid vilius? An non pannum menstruatæ, & omni re viliori, vilius est apud Deum ipsum peccatum? Quâ igitur ratione potest Deus coli ab eo qui offert ei actionem peccaminosam? Vel verum Dei cultum, vel simulatum cultum præcipit Ecclesiæ: Non simulatum, ut patet: ergo verum: ergo & actio exterior quam præcipit debet esse à patre rei quid Deo gratum & acceptum, ad minùs gratitudine virtutis & iustitiæ. Denique non nisi honestas actiones præcipit Ecclesiæ; nulla autem actio honesta est si non fiat amore iustitiæ, ut Opulc. 4. de Contritione probavimus ex gemino Ecclesiæ Sole.

Probabilistarum fundamentum est, Ecclesiam non præcipere actus internos. Quod fundamentum evanescit, si consideretur cultum Dei exteriorem præcipi ab Ecclesiâ per modum conclusionis deductæ ex lege divinâ. Hujusmodi autem præcepta aliquid vigoris habent ex lege divinâ, ratione cujus ad actus internos se extendere possunt. Quod nota bene.

§. II. Probabilitatis dominium in lege humanâ stabilitur.

CXL. Probabilitatem à lege naturali exclusimus. Eam legi divinæ subijcimus. Etenim in lege naturali nec prævalet Probabilitas contra eam, nec tam Probabilitate, quàm interiori dispositione, & inclinatione ea, quæ hujus sunt legis dijudicare consuevimus. Etiam legi divinæ subijcitur Probabilitas, quia nullam vim habet contra legem divinam, sicut nullum est contra Dominum consilium. Non tamen totaliter à lege divinâ excluditur, eò quòd in illis quæ non videntur, Probabilitate manudicatur intellectus, ut non sit levis corde, & citò credere videatur. Verùm in lege humanâ secundum ea quæ ex solâ ratiocinatione & voluntate humanâ vigorem habent, dominam facimus Probabilitatem.

Fundamentum est, quòd in illis quæ ex ratiocinatione & voluntate humanâ statuuntur agenda, eorum veritas à ratiocinatione & voluntate humanâ dependet sicut à regulâ agendorum; sunt enim bona, quia rationi & voluntati placuit ea præcipere; sunt verò mala, quia rationi & voluntati humanæ placuit ea prohibere. Etcùm omnium hominum non sit una ratiocinatio, & una volun-

tas, nec etiam in uno & eodem homine secundum diversa tempora & loca sit una ratiocinatio & una voluntas; sit ut secundum diversas nationes & conditiones hominum, nec non secundum diversa loca & tempora, multiplicentur, varientur, & sibi quandoque contrariantur leges humanæ, tam Civiles, quam Canonicae. Fit etiam ut à multis conditionibus dependeat lex humana. Unde definitur, aut potius describitur ab Isidoro his verbis: *Erit lex honesta, iusta, possibilis secundum naturam, secundum consuetudinem patriæ, loco temporisque conveniens, necessaria, utilis*, MANIFESTA QUOQUE, NE ALIQUID PER OBSCURITATEM IN CAPTIONE CONTINEAT, *nullo privato commodo, sed pro communi utilitate civium scripta*. Vide D. THOMAM I. 2. q. 95. art. 3.

CXII. Cum igitur ex ratiocinatione & voluntate humanâ, & tam multis conditionibus dependeat veritas agendorum secundum legem humanam, dicimus adesse sufficiens fundamentum præsumendi, Legislatorem humanum non habere intentionem obligandi in conscientiâ, in concursu Probabilium sententiarum, quarum una credit aliquid esse licitum secundum legem humanam, alia credit non esse humanâ lege licitum, ita ut ratio Probabilis in contrarium se habeat ad legem humanam, sicut defectus conditionis ad valorem legis requiritur. Quod in suo simili colligi potest ex Angelico Præceptore Nostro, qui I. 2. q. 97. art. 3. ad 2. ait: *Si autem adhuc maneat ratio eadem, propter quam prima lex utilis erat, non consuetudo legem, sed lex consuetudinem vincit: nisi forte propter hoc solum inutilis lex videatur, quia non est possibilis secundum consuetudinem patriæ, quæ erat una de conditionibus legis*. Quare cum ex rationibus Probabilibus in contrarium lex obscura fiat, dico tunc legem similiter reddi inutilem, quia non est manifesta, quæ erat una de conditionibus legis. Unde Cordatè præsumitur Legislatorem humanum, non velle in tali concursu obligare in conscientiâ.

Potest etiam hæc præsumptio suaderi ex eo quod perfectio hominis non consistit in subiectione ad alium hominem; sed in perfectâ ad Deum subiectione; & idèò quantò magis homo subijcitur legi naturali & divinæ, tantò perfectior est ejus libertas: siquidem per istam subiectionem consequitur libertatem Dei; ita ut tam sit ampla libertas obedientis, quam ampla est libertas præcipientis, ut tomo primo de Scientiâ Mediâ ad examen revocata ostendimus; ubi cap. 1. art. 3. §. 2. Clarissimè conciliamus libertatem Christi cum præceptis. At subijci alteri homini non est perfectio liberi arbitrii habentis suorum actuum dominium nisi fiat propter Deum à quo est omnis potestas, & cui servire, est regnare. Unde ex lege humanâ minuitur libertas, quam naturaliter possidet; Cordatè igitur præsumitur, Legislatorem humanum non velle obligare in conscientiâ, dum Probabiliter aliquid creditur lege humanâ non prohiberi, id est, dum propter rationes Probabiles in contrarium, lex non est manifesta; cum hæc sit una de conditionibus legis humanæ.

CXIIJ. Eadem præsumptio colligitur ex fine dominij humani ; Nam propter libertatem arbitrij , in qua omnes homines sunt æquales , fit ut in hominibus , subditus non sit propter prælatum , sed prælatus e contra est propter subditum. Sic docet Magister noster Doct̃or Communis 1. p. q. 96. a. 4. Dominium accipitur dupliciter. Uno modo secundum quod opponitur servituti. Et sic dominus dicitur cui aliquis subditur ut servus. Alio modo accipitur dominium , secundum quod communiter refertur ad subiectum qualitercumque ; & sic etiam ille qui habet officium gubernandi & dirigendi liberos , dominus dici potest. Primo ergo modo accepto dominio , in statu innocentie homo homini non dominaretur , sed secundo modo accepto dominio , in statu innocentie homo homini dominari potuisset. Cujus ratio est ; quia servus in hoc differt à libero , quod liber est causa sui , ut dicitur in prin. Metap. Servus autem ordinatur ad alium. Tunc ergo aliquis dominatur alicui ut servo , quando eum cui dominatur ad propriam utilitatem sui , scilicet dominantis refert. Et quia unicuique est appetibile proprium bonum , & per consequens contristabile est unicuique , quod illud bonum quod deberet esse suum , cedat alteri tantum , idèò tale dominium non potest esse sine poenâ subiectorum. Propter quod in statu innocentie non fuisset tale dominium hominis ad hominem.

Tunc verò dominatur aliquis alteri ut libero , quando dirigit ipsum ad proprium bonum ejus , qui dirigitur , vel ad bonum commune. Et tale dominium hominis ad hominem in statu innocentie fuisset , propter duo. Primò quia homo naturaliter est animal sociale. Unde homines in statu innocentie socialiter vixissent. Socialis autem vita multorum esse non posset , nisi aliquis præsideret qui ad bonum commune intenderet. Multi enim per se intendunt ad multa , unus verò ad unum. Et idèò Philos. dicit in principio Politic. *Quandocumque multa ordinantur ad unum , semper invenitur unum principale & dirigens.* Secundò , quia si unus homo habuisset super alium supereminentiam scientie & justitie , inconvenientis fuisset , nisi hoc exequeretur in utilitatem aliorum , secundum quod dicitur 1. Petr. 4. *Vivis , ut gratiam quam accepis , in alterutrum illam administrantes.* Unde August. dicit 19. de Civit. Dei , quod *justi non dominandi cupiditate imperant : sed officio consulendi , hoc naturalis ordo prescribit , ita Deus hominem condidit.* Utinam Superiores omnes Christiani , Domini doctrinam hanc gemini Ecclesie Solis sculptam haberent in cordibus suis ? Ex quâ sufficiens præsumptionis nostræ habetur fundamentum ; Nam ubi propria , aut boni communis non est manifesta utilitas , sed rationes Probabiles pugnant in contrarium , Cordatè præsumitur ad istum casum non se extendere obligationem legis humanæ secundum debitam Legislatoris humani intentionem ; qui non dominandi cupiditate , sed officio consulendi , qui non ad propriam utilitatem , sed ad manifestam subdito-

subditorum, aut boni communis utilitatem, debet alios dirigere & gubernare.

CXIV. Libertas quoque Christiana quâ à iugo veteris legis liberamur, videtur hoc exigere, ut quantum fieri potest supra ea quæ legis sunt naturalis & divinæ, paucissimis oneretur obligationibus. De quo optimè S. AUGUSTINUS diligentissimus Ecclesiæ Sol Epist. 119. *Omnia itaque talia quæ neque Sanctorum Scripturarum autoritatibus continentur, nec in Conciliis Episcoporum statuta inveniuntur, nec consuetudine Ecclesiæ roborata sunt, sed diversorum locorum diversis moribus innumerabiliter variantur: ita ut vix aut omninò nunquam inveniri possint causæ, quas in eis instituendis homines secuti sunt: ubi facultas tribuitur, sine ullâ dubitatione refecanda existimo. Quamvis enim neque hoc inveniri possit quomodo contra fidem sint: IPSAM TAMEN RELIGIONEM, QUAM PAUCISSIMIS ET MANIFESTISSIMIS CELEBRATIONUM SACRAMENTIS MISERICORDIA DEI LIBERAM ESSE VOLUIT, SERVILIBUS ONERIBUS PREMUNT, ut tolerabilior sit conditio Iudæorum, qui etiam si tempus libertatis non agnoverint, legalibus tamen sarcinis, non humanis præsumptionibus subiiciuntur. Sed Ecclesia Dei inter multam paleam, multaque zizania constituta, multa tolerat, & tamen quæ sunt contra fidem, vel bonam vitam non approbat, nec tacet, nec facit.*

Nemini dubitare licet quædam esse Ecclesiæ præcepta similiter & juris civilis obligantia in conscientia sub mortali. Ut enim docet S. THOMAS 1. 2. q. 96. a. 4. *Leges humanis positiæ, si iustæ sunt, habent vim obligandi in foro conscientie à lege æterna à qua derivantur, secundum illud Proverb. 8. Per me Reges regnant, & legum conditores iustæ decernunt.* Quod confirmat ad 1. his verbis: *Apostolus ad Roman. 13. dicit, omnis potestas humana à Deo est, & ideo qui potestati resistit in his quæ ad potestatis ordinem pertinent, Dei ordinationi resistit, & secundum hoc efficitur reus quantum ad conscientiam.* Quare nullo modo audiendus est, sed omninò repellendus quisquis asserere præsumperit; *Præceptum servandi festa non obligare sub mortali, seposito scandalo, si absit contemptus.* Cum quo tamen stat; quod ubi obligatio non est manifesta, sed Probabiliter nulla esse creditur, Cordatè præsumi possit Ecclesiam tamquam benignam Matrem non intendere gravi isto onere gravare fideles, in illis quæ ex solâ ratiocinatione, & voluntate humanâ habent vigorem; qualia sunt determinationes pœnarum, ut patet ex Angelico testimonio relato supra.

CXV. Placet his adducere S. Chrysostomi testimonium ad illa Matth. 23. verba: *Alligant autem onera gravia & importabilia, & imponunt in humores hominum, quod à S. THOMA in Catenâ sic refertur: Tales autem lunt qui grave pondus venientibus, tibus ad pœnitentiam imponunt, & sic dum pœna præsens fugitur: contemnitur pœna futura. Si enim fascem super humeros adolescentis, quem non potest bajulare, posueris, necesse habet, ut aut fascem rejiciat, aut suscipiens dum ferre non potest, scandalizatus amplius peccet. Deinde & si erramus, modicam pœnitentiam imponentes: nonne melius est & propter misericordiam reddere rationem, quàm propter crudelitatem? Ubi Pater-familias largus est, dispensator non debet esse tenax. Si Deus benignus, ut quid Sacerdos austerus: Vis*

„apparere sanctus, circa tuam vitam esto austerus, circa aliorum benignus, au-
 „audiant te homines parva mandantem, & gravia facientem. Talis est autem
 „Sacerdos qui sibi indulget, & alios exigit, quemadmodum malus descriptor tri-
 „buti in civitate, qui se relevat, & onerat tribuentes. Notent hæc quidam Iu-
 „niore.

Quapropter pro conclusione hujus capitis diligenter cum Sole Angelico quodlib. 9. a. 15. in legibus humanis est observandum quid jus naturale quid jus divinum habeat; quid se habeat per modum conclusionis vigoris aliquid ex jure naturali aut divino habentis, & quid solum per modum determinationis ex solâ ratiocinatione & voluntate humanâ vigorem consequentis. In illis quæ primo modo se habent Probabilitas vel excluditur, vel subijcitur. In illis verò quæ posteriori modo se habent Probabilitas dominatur. Nec est distinguendum inter majorem & minorem Probabilitatem, nisi inquantum ex majori Probabilitate aliquis induceretur in dubitationem, cum quâ operando peccaret contra conscientiam, etsi fortè non contra legem. Efficaciter in superioribus probatum esse credimus non esse necessarium, quod ex majori Probabilitate aliquis inducatur in dubitationem; & sic sequens sententiam Probabilem relictâ Probabili in illis quæ ex solâ ratiocinatione & voluntate humanâ vigorem legis habent, non peccabit; quia nec contra conscientiam, ut potè nullam habens dubitationem & formidinem: nec contra legem humanam, quæ in tali concurrentiâ cordatè præsumitur non obligare; eò quòd solius voluntatis humanæ ratione regulatè sit determinatio.



CAPVT QVINTVM.

*Tres regula ad rectum de agendis judicium
 efformandum.*

CXVI. **P**robabilitatem non tam expugnâvimus, quàm expurgâvimus, dum eam à lege naturali exclusimus, & legi divinæ subjecimus; sed in lege humana aliquâliter dominari probâvimus. Ad complementum doctrinæ traditæ oporteret eam singulis materijs applicare, & in particulari ostendere quid jure naturali aut divino liceat, quid non liceat. *Sermones enim morales universales,*

minus sunt utiles, ait Sol Angelicus in Prolog. 2. 2. *et quod actiones in particularibus sunt.* Ius humanum non tam ad Theologos spectat, quàm Juristis relinquendum. Excederemus intentum nostrum, si ea quæ sunt juris naturalis, aut divini, velle-
mus in particulari examinare. Intentum nostrum fuit in præsentī de Probabili-
tate Opusculo radicem omnium laxitatum, quas in moribus induxerunt Proba-
bilistæ, penitus evellere. Quod certè fecimus, si vera sunt quæ diximus ex tutis-
simis & inconcussis SS. AUGUSTINI & THOMÆ dogmatibus.

Illi sunt duces & Magistri nostri, quos sequendo non erramus. Absit à menti-
bus nostris istud Probabilistarum assertum: *Quæ circa fidem emergunt difficul-
tates, ea sunt à veteribus horrenda, quæ verò circa mores homine christiano dignos à novitijs scripto-
ribus.* Reginaldus præfat. ad Lector. Quasi verò lex naturalis, & lex divina sint
modò immutata? aut meliùs eas calleant novitii Scriptores, quàm SS. AUGUS-
TINUS & THOMAS, cæterique Patres? Ex his fontibus omnis doctrina morum pe-
tenda est: non ex recentiorum placitis nuper inventis. Unde præclare Cleri
Gallicani Conventus anni 1656. in Epistolâ decretis S. Caroli jussu suo editis
præfixa, de recentioribus Caluistis loquens: *Novitijs, illa opiniones ita
christianam morum disciplinam, & Evangelicam vivendi normam adulterarunt, ut hujusmodi
scientiâ quævis ignorantia longè sit potior.*

Quare ne intentioni nostræ aliquid defit, tres regulas proponimus, quibus si
in agendis dijudicandis usus fueris, omnes Probabilistarum laxitates evitabis.
Prima regulat intellectum, Secunda rectificat voluntatem, Tertia ordinat
amanda.

§. I. Prima regula regulans intellectum.

CXVIJ. **P**RIMA REGULA est ista: *Quandocumque intellectus movetur ab aliquo fallibili
signo est aliqua inordinatio in ipso sive perfectè, sive imperfectè moveatur.* Tra-
dit hanc regulam D. THOMAS citatus num. 4. Probabile fallum, sive quod idem
est, apparens verum est fallibile signum. Quicumque igitur ei adheret sive cum
formidine, sive sine formidine, est aliqua inordinatio in ipso. Probabile verum
est via ad veritatem. Qui ergo ab illo movetur, non ab aliquo fallibili signo
movetur: & sic nulla erit inordinatio uti Probabilibus veris, tamquam viis ad
veritatem. Hæc regula coïncidit cum eâ, quâ dicit S. THOMAS, de rebus esse ju-
dicandum prout sunt; sic docet 2. 2. q. 60. a. 3. his verbis: *In judicio quo judica-
mus de rebus, attenditur ibi solum bonum judicantis si verè judicet; vel malum, si falsò, quia ve-
rum est bonum intellectus, falsum autem est malum ipsius, ut dicitur in 6. Ethic. Et ideo unus-
QUISQUE DEBET NITI AD HOC QUOD DE REBUS JUDICET SECUNDUM QUOD SUNT.*
Et ad 3. *In rerum judicio debes aliquis niti ad hoc, ut interpreteretur unumquodque secundum
quod est.*

Ex hac regulâ quâ unusquisque niti debet ad hoc quod de rebus judicet secundum quod sunt, sive quod idem est, quâ unusquisque tenetur adhærere vero quantum potest, statim reprobantur omnes Probabilistarum laxitates, quas Societatis Seniores docent apud Escobarium in falsitatibus rerum; in mendaciis; in perjuriis; in falsis testimoniis; in æquivocationibus restrictionum mentalium. Certum est eum qui operibus suis alium decipit, non adhærere vero quantum potest; quod lucidissimè docet Præceptor noster Doctor Angelicus 2. 2. q. 111. a. 1. his verbis: *Ad virtutem veritatis pertinet, ut quis talem se exhibeat exterius per signa exteriora, qualis est: signa autem exteriora non solum sunt verba, sed etiam facta. Sicut ergo veritati opponitur, quod aliquis per verba exteriora aliud significet quàm habet apud se, quod ad mendacium pertinet; ita etiam opponitur veritati, quod aliquis per aliqua signa factorum, vel verum, aliquid significet contrarium ejus quod in eo est: quod propriè simulatio dicitur. Vnde simulatio propriè est mendacium quoddam in exteriorum signis factorum consistens. Non refert autem utrum aliquis mentiatur verbo, vel quocumque alio facto, ut supra habitum est. Vnde cum omne mendacium sit peccatum, ut supra dictum est, consequens est etiam quod omnis simulatio est peccatum.*

Judicet modò Cordatus ad normam regulæ Angelicæ de subsequētib.

I.

CXVIII. Filius Mercatoris patris bona administrat, & potest à patre salarium exigere, quantum alicui extraneo deberet. Si istud à patre non possit pretium impetrare, potest ne clam accipere? Potest quidem ad justam estimationem laboris, & industrie suæ, computatis tamen in dictâ estimatione expensis quas pater in ipso fecit alendo. Escobar. Tr. 2. Exam. 10. n. 31. Annon decipit ille filius Patrem, & facto mentitur, dum se exhibet Patri fidelem dispensatorem, & non est, sed fraudat eum? Quod si fortè nesciret Pater, confectum ab eo tolleretur administrationem.

II.

CXIX. Adverte furta esculentorum & poculentorum quæ committuntur à famulis & ancillis, etiamsi sensim perveniant ad notabilem quantitatem, non esse peccata mortalia, si furentur ea ut ipsimet consumant. Lessius de Just. & Jur. l. 2. c. 12. d. 8. n. 48. Coalescunt ne furta minuta famulorum de rebus comestibilibus quæ claudi non solent? Minimè si non vendenda, sed comedenda abripiant. Escobar. Tr. 1. Exam. 9. n. 25. Quidquæso, facit, ad injustam acceptionem rei alienæ, quod res aliena vendatur, vel comedatur? vel justè accipitur, vel injustè. Si justè, cur vendi non poterit? si injustè, quâ ratione comeditur? an res comesta minus perditur Domino, quàm vendita?

Non erit extra propositum referre Censuram Lovaniensis Facultatis in P. Baunii Jesuitæ sententiam latam his verbis: Famuli & famulæ domesticæ possunt occultè heris surripere ad compensandam operam suam, quam majorem judicant salario quod recipiunt. Hæc assertio falsa est, naturam hominis de se pronam ad malum præcipitans in furta, ac domesticam pacem perturbans: eò

vel potissimum quòd ista compensatio ipsorummet famulorum, & famularum iudicio relinquatur.

Similiter Facultas Parisiensis anno 1641. sic habet, Falsa est & periculosa; etiam additis restrictionibus, & domesticis furtis viam aperit.

III.

CXX. *Crediderim non esse peccatum mortale quando sciret, vel bonâ fide putaret inferior, eum esse erga se Superioris affectum, ut libenter esset consensurus si ipsum sciret, tali re egere, vel tale quid desiderare. Tunc enim censetur habere ex voluntate Superioris saltem virtuali, quæ in affectu illo latet Pari modo in furto non est peccatum mortiferum, quando quis scit affectum Domini in se talem esse, aut certè quando Dominus rem parvi æstimat; aut ita in aliquem est effectus, ut nollet illum gravi obligatione teneri. Lessius de Iustit. & Jur. lib. 2. cap. 41. d. 9. n. 79. Quàm apertum ostium ad quæcumque latrocinia? Nam si sufficiat sibi persuadere quod dominus daret si ab eo res peteretur, vel si sciret indigentiam. Quis filius hoc non facilè sibi persuadeat de Patre: servus de Domino, & de quocumque alio à quo credit se amari? Si iterum sufficiat ad excusandum furtum, quòd Dominus rem parvi æstimet, quis non excusari poterit, si à liberalibus & prodigis, imò & à maximè bonis qui temporalia parvipendunt, furtim accipiat? Si denique sufficiat, quod Dominus non velit furem gravi obligatione teneri, qualis sine dubio est obligatio ad peccatum mortale, & pœnam damnationis æternam, Quis Dominus adeò barbarus vellet huiusmodi gravi obligatione teneri cum qui aliquid ab eo furatus esset, quantò minùs id non volet Pater, Magister, amicus, & quivis bonus Christianus? Unde si furtum esse mortale dependeat à voluntate Domini, vix erit aliquis filius, aliquis servus, aliquis amicus, & alius quipiam qui furando peccabit mortaliter.*

IV.

CXXI. *Sartor cui cura emendi pannos, & serica pro vestibus consciendis committi solet, si unius Mercatoris officinam frequentans invenit pretia mitiora: potest ne illius pretii excessum sibi remissum retinere? Negat Sabas dub. 45. n. 6. Quia Mercator reverà nihil ei dimittit, sed dimittere mentitur, ad eum alliciendum. Porro Filliuzius tom. 2. Tract. 5. c. 6. n. 149. affirmat. Escobar. Tract. 3. Exam. 6. n. 60. Fidelem se exhibet dispensatorem, & non est. Tenetur ex iustitiâ dispensator, res curæ suæ mandatas dispensare sicut suas, etenim firmum est naturale principium, quòd pati non vis, alii ne feceris.*

V.

CXXII. *Si publicâ lege taxatum sit certum pondus carnis, aut mensura vini, quæ non respondent expensis, laboribus & jure stipendio venditoribus debito; potest ex taxato pondere vel mensura detrabere quantum sufficit ad hæc omnia compensanda. Amic. de Iust. & Iure d. 21. sect. 6. n. 87. Verum hæc non facilè evulganda ob periculum injustitias facilè committendi. Ridicula certè monitio, si enim adsit in hac sententiâ periculum, cur Amicus, eam publicam fecit? Satiùs esset ejusmodi sententias suppressere, quàm illas cum tali.*

E c c iij

secreto evulgare. Nonne falsarius est qui de pondere, vel mensurâ publicâ lege taxatâ detrahit? Quod est de se malum, ex nullâ causâ potest fieri bonum. Ideò falsitatem proponere in nullo casu licet, ait D. THOM. 2. 2. q. 69. a. 2. Et hoc sive in verbis, sive in factis est intelligendum, ut supra dictum est.

VI.

CXXIIJ. Sapientissimus Pater de Sa nostræ Societatis, Gabriëlis Vasquez Magister, & de re Theologicâ in Complutensi Academiâ optimè meritis, dixit non peccare eum, qui sumpsit talem se genere, seu genealogiâ, qualem requirit Religio aliqua, vel qualem ad præbendas & dignitates requirit aliqua Ecclesia; quia causa ad admittendum in Religionem debet esse Dei vocatio, & desiderium perfectionis, & ad præbendas merita candidatorum. Dicastillus l. 2. tr. 2. disp. 6. dub. 5. n. 109. Hic Sapientissimus homo generis nobilitatem quasi conditionem necessariam excludit ab ingressu Religionis, admittit verò mendacium atque fraudem. Verissimè dixit non nisi à Deo vocatos intrare debere Religionem, & Officia subire Ecclesiastica: sed cùm fateatur licitum esse mentiendo intrare: concedere etiam debet, Deum vocare fraudulentos, & mendaces ad statum Ecclesiasticum.

VIJ.

CXXIV. Totâ difficultas eo pertinet quando jurans habet animum jurandi, at nullatenus juramento se obligandi an tunc reverâ obligetur..... Posterior sententia, quam Probabiliorè puto, ait tunc juramentum non obligare. Sanchez op. mor. lib. 3. c. 10. n. 7. & 8. Scio Valentiam 2. 2. d. 6. q. 6. p. 1. censere: si promittas animo quidem te obligandi, sed cum voluntate rem promissam nullatenus exequendi, tunc nullam exurgere obligationem; quia si nullam habes voluntatem rei faciendæ, nullum emittit votum. Tambur. Decal. l. 3. c. 12. s. 1. n. 4. Illud nota: sic simulatè etiam in re gravi verbo tenus vivere, non transcendere peccatum veniale quia solum est mendacium, nec redundans in gravem Dei injuriam. Ibid. n. 3.

Omnès omnino leges naturales, divinæ, & humanæ, obligant ad solvendum promissâ; at secundum istos recentes ipsa infidelitas nostra solvet nos ab istâ obligatione. Est enim infidelitatis peccatum promittere aliquid sine voluntate exhibendi promissum; siquidem aliud significat quàm habet apud se. Quare si quis non tenetur ad solutionem promissi, quia non habuit voluntatem exequendi promissum; quid est hoc aliud, nisi obligationem ex lege fidelitatis ortam, tolli per ipsum peccatum infidelitatis, & peccando contra legem eximi ab obligatione legis? Dicat insuper Probabilistarum aliquis, annon existimaret se irrideri ab eo qui promitteret ei aliquid grave sine voluntate exequendi? Annon tantò gravius acciperet, quantò is qui promittit inferior est, & majorem sibi debet honorem? Homo quasi nihil est coram Deo, magna igitur erit contra Deum irreverentia, si homo ei promittat aliquid grave sine voluntate exequendi promissum. Aut dicendum erit, plus reverentiæ deberi homini quàm Deo, & sine gravi peccato Deum posse ab homine, qui pulvis & cinis est, irrideri.

VIIJ.

CXXV. *Quoties quis sive verè sive fide promittens matrimonium, immunitus est ob aliquam causam ab implendi obligatione, potest à iudice vocatus jurare se non promississe, intelligendo ita ut teneatur implere. Sanchez unus de viginti quatuor Senioribus Oper. Moral. lib. 3. c. 6. n. 32. Qui docet eum qui nummos mutuo acceptos solvis posse à iudice rogatum de mutuo jurare se illud non accepisse, intelligendo ita ut teneatur solvere. Atque idem dicendum est si quacunque alia ex causa ab eo mutuo solvendo liber esset. Atque idem credo si tunc non teneretur solvere, eò quòd terminus ad quem mutuum datum fuit non est impletus, vel præ paupertate excusatur debitor à tunc solvendo.*

Quidquid sit de restrictionibus mentalibus, de quibus in sequenti; certum est, earum usum illicitum esse ei qui à Iudice legitime interrogatur. Quia debetur ei confessio veritatis quam interrogat. Veritas quam interrogat, non est actio ut à me concepta, vel prolata, sed ut à parte rei exercita; usquedum ergo confitear actionem prout à parte rei exercita fuit, non confiteor veritatem de quâ interrogor legitime. Unde parùm refert, quod non mentiar, quia obligar ex præcepto affirmativo confiteri veritatem. Ita D. THOMAS 2. 2. q. 69. a. 1. „ Dicendum quod quicumque facit contra debitum justitiæ, mortaliter peccat, sicut supra dictum est. Pertinet autem ad debitum justitiæ, quòd aliquis obediat suo Superiori in his, ad quæ jus Prælationis se extendit. Iudex autem, ut supra dictum est, superior est respectu ejus, qui judicatur: & ideo ex debito tenetur accusatus Judici veritatem exponere, quam ab eo secundum formam juris exigit. Et ideo si CONFITERI NOLUIT VERITATEM, QUAM DICERE TENETUR, vel si eam mendaciter negaverit, mortaliter peccat. Cernis quomodo ex duplici capite peccat ille qui à Iudice legitime interrogatur, videlicet vel non dicendo, vel negando. Quare si ille qui promissit non dicat se promississe, ambo peccant mortaliter, quantumvis non mentirentur.

Imò ex hoc capite mendacium quòd aliàs esset officiosum, fit perniciosum quia fit injuria Judici cui debetur confessio veritatis. Sic D. THOMAS ad 2. „ Mentiri ad liberandum aliquem à morte cum injuriâ alterius, non est mendacium simpliciter officiosum, sed habet aliquid de pernicioso admissum. „ Cum autem aliquis mentitur in judicio ad excusationem sui facit injuriam ei, cui obedire tenetur, dum sibi denegat, quod ei debet, scilicet confessionem veritatis.

IX.

CXXVI. *Possunt quoque absque mendacio ea verba usurpari, etiamsi ex sua significatione non sint ambigua, nec eum sensum admittant ex se, nec ex circumstantiis concurrentibus, sed tantum eum sensum reddant ex aliquo addito mente proferentis retento, quocumque illud sit: ut si quis vel solus, vel coram aliis, sive interrogatus sine propriâ sponte, sive recreationis gratiâ, sive quocumque alio sine juret se non fecisse aliquid quod reverà fecit, intelligendo intra se aliquid aliud quod non fecit, vel etiam diem ab eo in quo fecit, vel quocumque aliud additamentum, reverà non*

mentitur nec perjurus est, sed tantum non diceret unam veritatem determinatam, quam audientes concipiunt, ac verba illa ex se significant: sed aliam veritatem disparatam. Sanchez Op. Mor. lib. 3. c. 6. n. 15. Rationem reddit: *Quia alteri respondere non obligatus, nec obligatur respondere ad ejus mentem. A quo enim removetur genus, omnis quoque species removetur. Aliam rationem reddit Filliutius tom. 2. tract. 25. c. 11. n. 330. dicens: Quia qui sic loquitur & jurat, non habet intentionem dicendi falsum, vel jurandi falsitatem ut supponimus. Ex quod profertur in rigore habet aliquem sensum verum, quem talis intendit. Ergo non mentitur. Non repugnat autem veritati, & fidelitati, quia non opponitur illi per defectum veritatis, sed per nimiam veritatis occultationem.*

Ea subtilis & recondita restrictionum mentalium doctrina, non in Sacris Scripturis fundata, nec cujusquam Sancti Patris autoritate munita, sed proprio Probabilistarum Marte adinventum; & ideo ab omni Cordato, ac sincero veritatis amatore explodenda. Ad hoc sufficienter inducit præsens regula, quâ unusquisque niti debet, ut de rebus judicet secundum quod sunt. Signa exteriora sunt etiam quædam res à parte rei ordinatæ ad aliarum rerum significationem secundum exigentiam conversationis humanæ; quarum proinde veritas consistit in quadam conformitate ad res significatas. Ille qui dicit verum, ait Magister nos-
ter 2. 2. q. 109. a. 1. ad 3. *profert aliqua signa conformia rebus, scilicet vel verba, vel aliqua facta exteriora, aut quascunque res exteriores.* Ista conformitas signi ad signatum non dependet ex arbitrio uniuscujusque, sed ex solâ voluntate illius ad quem pertinet instituire signa humanæ conversationi expedientia. Quare ut homo judicet de signis secundum quod sunt, debet eis uti conformiter ad suam propriam significationem. Et ad hoc ordinatur virtus veritatis, quæ veracitas dicitur. vide D. Th. supra art. 2.

Ex quo clarè elucet difformitas restrictionum mentalium ad arbitrium loquentis. Omnis usus rei non secundum debitam mensuram est inordinatus. Qui ad alium sensum, quem ex propria significatione habent, utitur signis, utitur rebus non secundum debitam mensuram, nisi excuset figurata locutio, quæ in conversatione humana non habet locum. Non est dubium eum inordinate agere qui proponeret imaginem alicujus extranei pro imagine Regis. Ergo.

Apparet etiam futilem esse rationem Sanchez. Nam sive teneatur respondere, sive non, dum tamen respondet, debet uti signis secundum debitam mensuram per quam signum signato adæquatur. Imò supposito quod velit cum alio conversari, tenetur ei respondere, & veritatem manifestare. *Quia homo est animal sociale dicit Sol Angelicus art. 3. ad 2. naturaliter omnis homo debet alteri id, sine quo societas humana servari non posset. Non autem possent homines ad invicem convivere, nisi sibi invicem crederent, tamquam sibi invicem veritatem manifestantibus.* Ex ideo virtus veritatis aliquo modo attendit rationem debiti. Dicit aliquo modo, quia ut habetur in corpore articuli hæc virtus non attendit debitum legale, quod attendit iustitia, sed potius debitum morale, inquantum scilicet

scilicet ex honestate unus homo debet alteri veritatis manifestationem.

Non solidior est ratio Filliucij; Qui enim scienter utitur signo non conformiter ad rem signatam, habet voluntatem dicendi falsum sicut qui scienter facit actum malum habet voluntatem peccandi. Repugnat etiam veritati per defectum veritatis, cò quòd non ponit æqualitatem in signis. Qui non ponit æqualitatem in rebus agit contra iustitiam per defectum iustitiæ; ita similiter qui non ponit æqualitatem in signis agit contra veracitatem per defectum veritatis. Hoc acutè observavit D. THOMAS dum art. 3. ait. *Virtus autem veritatis convenit quidem cum iustitiâ in duobus. Uno quidem modo in hoc quòd est ad alterum Alio modo in quantum iustitiæ equalitatem quamdam in rebus constituit; & hoc etiam facit virtus veritatis, adequat enim signa rebus existentibus circa ipsum: desinit autem à propriâ ratione iustitiæ quantum ad rationem debiti. Non enim hæc virtus attendit debitum legale, &c.*

CXXXVIJ. Negare tamen non possumus, quin verba restringi possint ex circumstantiis occurrentibus. Vnde sit ista regula: quando tales occurrunt circumstantiæ, ut prudenter existimetur non esse expediens alium scire veritatem; tunc si interrogemur de dicto vel facto, possumus absolute respondere, *Non dixi, non feci.* Tunc enim prædictæ circumstantiæ faciunt subaudire, *ad dicendum alteri ut sensus sit, Scio quidem me dixisse, aut fecisse, sed non scio tibi.* Nec obest quòd non manifestetur veritas alteri, quia manifestatio veritatis non debetur alicui, in illis quæ non expedit eum scire. Nec etiam obest quòd locutio illa non sit adæquata signato: quia id solum verum est de locutione absolute sumptâ, non tamen de locutione conjunctâ prædictis circumstantiis. Utimur enim tum signis secundum significationem propriam, sed restrictam à circumstantiis occurrentibus: qui ulus non excedit debitam mensuram.

• Fundamentum istius doctrinæ est illud quòd habetur Marc. 13. Ubi dicitur, *De die autem illo, vel horâ, nemo scit, neque Angeli in cælo, neque Filius;* Glossa interlinearis superscribit nobis, id est, Filius non scit diem iudicii, ad nobis dicendum. De quo sic Lyrannus: *In eo enim sunt omnes thesauri sapientiæ & scientiæ absconditi. Ideò absconditi: quia nobis scire non expedit. Vnde ait. Non est vestrum nosse tempora, quæ posuit Pater in suâ potestate. In quo ostendit quòd sciat; sed nosse Apostolis non expedit: ut semper incerti de adventu Iudicis sic quotidie vivant quasi aliâ die iudicandi.* SCIT ERGO FILIUS SIBI, SED NON NOBIS; ut semper sumus solliciti. Ita dicendum est, quòd quandocumque prudenter æstimatur ex circumstantiis occurrentibus non esse expediens ut alter sciat veritatem, possumus absolute dicere nos nescire, sicut Christus absolute dixit se nescire diem iudicii, quia non erat tempus loquendi, nec expediens hominibus. Vt enim ait Hilarius in Catenâ Angelicâ: *In omnibus, quæ Deus ignorare se loquitur, ignorance non detinetur, sed aut tempus est non loquendi, aut dispensatio non agendi.*

§. II. *Secunda regula reſtificans voluntatem.*

CXXXVIIJ. **S**ECUNDA REGULA eſt iſta: *Semper contingit inordinatio quando aliquid movetur à non proprio motivo, ſicut ſi voluntas moveatur à delectabili ſenſu, cum debeat tantummodo moveri ab honeſto.* Quod idem eſt ac ſi diceretur: Omnis motus voluntatis eſt inordinatus qui non procedit ex amore boni honeſti, ſivè qui non procedit ex amore juſtitiae. Quod principium latè probavimus Opuſc. 4. de Contritione. Ubi n. 7. docuimus eum peccare mortaliter qui ex amore vitæ ſine ullo præcedente amore juſtitiae operatur; quod inſiciari nemo poteſt. Qui amat vitam tamquam ultimum finem peccat mortaliter, & quidquid facit ex amore vitæ tamquam ultimi finis, peccat etiam mortaliter. Nullus hoc negare poteſt. Aperta eſt Angelica doctrina, quòd in primo iſtanti rationis tenetur homo ordinare ſe in ultimum finem, vel ergo vitam ſuam ordinavit in ultimum finem, vel non ordinavit, ſi non ordinavit, ſiſtit in eâ tamquam ultimo fine, vel in alio aliquo creato ex quo poſteà ſe movet ad neceſſaria vitæ: loquuti enim ſumus de homine movente ſe ex præconcepto fine. Nam ſi loquamur de homine ut moto ab iſtinctu naturali rationis quæ dictat hic & nunc vitam eſſe amandam; tunc non ſolùm non peccabit, ſed etiam virtuoſè aget, & ipſe amor vitæ erit tunc quidam amor juſtitiae; Non ergo de amore vitæ ut cadit ſub dictamine legis naturalis agebamus; ſiquidem hic amor ad genus moris pertinet; ſed de amore vitæ ſpectante ad ordinem phyſicum, qui omni viventi eſt connaturalis, ut ex ipſo contextu patet. Talis amor vitæ non eſt laudabilis, eſt enim in impiis; ſed amare vitam ſecundùm rationis regulam eſt maximè laudabile, & eſt proprium bonorum. Si autem amor juſtitiae non præceſſerit, tunc ex alio præconcepto fine amatur vita, cum excluſione amoris juſtitiae; & ſic peccatur mortaliter quidquid fit ex amore vitæ cum excluſione amoris juſtitiae. Et quia non ipſe amor vitæ, ſed mala voluntas excluſit juſtitiam, ideò diximus amorem vitæ influere quidem in actum, non verò in malitiam. Hæc ſint dicta in ſatisfactionem cujuſdam Conſultoris Romani qui de hoc nos arguere refertur. Ad regulam noſtram redeamus, ſecundùm quam **CORDATUS LECTOR** de caſibus ſubſequentibus.

I.

CXXXIX. *An comedere & bibere uſque ad ſatietatem abſque neceſſitate ob ſolam voluptatem ſi peccatum? Cum Santio reſpondeo negativè, modò non obſt. valetudini. Quia licet poteſt appetitus naturalis ſuis actibus frui.* Eſcobar Tract. 2. exam. 2. num. 102.

Clariffimum eſt, quod in comeſtione factâ ob ſolam voluptatem, voluntas moveatur à delectabili ſenſu, cum debeat tantummodo moveri ab honeſto, ut regula Angelica præſcribit. Eſt etiam S. AUGUSTINI doctrina lib. 10. conſeſſ.

cap. 31. ubi cum Deo loquens ait : *hoc me docuisti ut quemadmodum medicamenta , sic alimenta sumpturus accedam*. In medicamentis non sarietatem sed necessitatem quaerimus. Nullius momenti est ratio Escobarii, videlicet, *quia licet potest appetitus naturalis suis actibus frui*. In brutis valere posset hæc ratio, in quibus appetitus naturalis non habet appetitum superiorem à quo movetur, & regulatur. At in hominibus voluntas movet ad comestionem & bibitionem, quæ inordinate movet si ob solam voluptatem movet abique ullo amore iustitiæ, sive boni honesti.

II.

CXXX. *Ornatus corporis si fiat non malo fine , sed ob naturalem fastus inclinationem , veniale tantum erit , aut aliquando nullum*. Escobar. Tract. 1. Exam. 8. n. 5. Naturalis fastus inclinatio non est amor iustitiæ, est ergo impossibile, ut peccatum non sit, quod fit ob naturalem fastus inclinationem.

III.

CXXXI. *Si quis doleat de peccato propterea quod Deus in pœnam illius malum temporale. immisit , sufficit ; si autem doleat sine ullo respectu ad Deum , non sufficit*. Escobar. Tr. 7. Exam. 4. c. 7. n. 91. Dolor de malo temporali procedit ex amore boni temporalis, qui bonis & malis est communis. Imò magis spectat ad amatores huius Mundi, qui tantò plùs dolent de amissione bonorum temporalium, quàm infert illis Deus, quantò plùs amant ea. Econtra boni qui parùm amant, parùm dolebunt ; & sic magis pœnitentes erunt qui magis sunt ambitiosi, qui magis sunt avari, qui magis voluptati dediti.

IV.

CXXXII. *Suppono causam esse æqualem : potestne iudex aliquid accipere ? Docet Fagundes aliquid accipi posse , non solum ab Elcctoribus Majoratum , Cathedram , Capellam ; sed etiam à iudice , quando , ut supponitur , sententiam profert in causa æquali*. Escobar Tr. 3. Exam. 2. c. 6. n. 111. Rationem reddit : *Quia pro suo arbitratu potest cuilibet parti dare victoriam , quare datur locus gratificationi quæ est pretio æstimabilis*.

Ubi iustitia est æqualis, non potest ex amore iustitiæ unus alteri præferri. Quidquid autem ex amore iustitiæ non facit voluntas, peccat.

Deinde ubi iustitia est æqualis prælectio vnius fit ob solum motivum pecuniæ & aliorum munerum corporalium. Cùm ergo hæc prælectio sit actus spiritalis & virtutis, non potest sine inordinatione magnâ cum pecuniâ aliisque muneribus corporalibus commutari. Ex quo ratio Escobarii deijcitur, cùm gratificatio fit benevolentia affectus, qui sub æstimatione pecuniæ non cadit, ut ait D. THOMAS 2. 2. q. 78. a. 2. ad 3. & 4. Denique lege divini prohibetur est, dicitur enim Deuteroni. 16. *Non accipies personam , non munera , quia munera excæcant oculos sapientum , & mutant verba iustorum*. Contra hanc legem non prævalet consuetudo, quæ solum vim obtinere potest in iis quæ per rationem humanam determinantur. Nec obest parvitas materiæ, si parvis muneribus excæcantur oculi.

Quare non est audiendus Emmanuel Sa verbo Iudex n. 12. dicens : *Potest si est consuetudo accipere aliquid pro salario , & esculenta munera sponte oblata , modo non sint grandia.*

Verum audiendus est Sol Angelicus in 4. dist. 25. q. 3. a. 3. ad 1. Ubi doctrinam nostram sic elucidat : Dicendum quod Ecclesiæ iudicium est quantum ad exteriora , & quia non est Probabile quod animus Iudicis Spiritualis flectatur ad aliquid faciendum pro parvo munere , ideo in parvis muneribus , Iudici datis , non iudicat simoniam committi : sed apud Deum qui cor videt , SIMONIA EST , ET IN PARVIS , ET IN MAGNIS MUNERIBUS SI ANIMUS JUDICIS EX EIS FLECTATUR. Quid clarius ?

V.

CXXXIII. *Estne licitum aliquid dare concubinae Iudicis , ut apud illum intercedat , quando negotium est grave , nec alia appareat via qua possis illum ad suum jus conservandum inflectere ? Palam sentit posse me sic meam vexationem redimere. Escobar Tr. 6. Exam. 6. c. 6. n. 47. Reum legitime rogatum privatâ sententiâ iudex novit innocentem potestne cum morti addicere ? Tentanda sunt omnes viae ut eum liberet ; quod si non sufficiat , ex duplici sententia , altera asserente quod eum damnare possis altera quod non possit , sequi potest quam maluerit ; utramque probabilem iudico. Escobar ibid. c. 1. n. 6.*

Certum est quod concubina Iudicis , nonnisi quia impudica est movet animum Iudicis , suâ enim impudiciâ captivat Iudicis gratiam & amicitiam , ex quâ flectitur , ad annuendum petitioni. Eâ igitur uti ad flectendum Iudicem , non est aliud , quàm impudiciâ uti sicut modis & instrumento ad finem intentum. Quod nequaquam fieri potest ex amore iustitiæ. Agnoscit Escobarius Iudicem posse in prædicto casu dimittere innocentem : ergo tenetur , nec potest alteram sententiam sequi , Quilibet enim , & maxime Iudices , tenentur ex toto suo posse liberare innocentes ab oppressionibus & calumniis ; si ergo possit & non facit , odibilem omnibus se exhibet hominibus , & Pilatum videtur imitari , qui æqualem jactabat potestatem liberandi Christum , & eum à morte damnandi : Nescis quia potestatem habeo crucifigere te , & potestatem habeo dimittere te ? Nos autem cum Angelico Doctore firmiter tenemus non posse Iudicem dimittere innocentem legitime probatum reum.

VI.

CXXXIV. *Indigens Petrus præsentî pecunia emit à mercatore v. g. pannum credito sub rigorofo pretio , v. g. centum aureorum : mox mercator idem emit eundem pannum ab eodem Petro pretio infimo numerato v. g. sexaginta , & Petrus remanet debitor in rigorofo illo pretio aureorum centum , licetne sic ? Respondeo in consentiâ , & ex se fieri licitè : ita Facundæ loco citato , modo verè prædicti vendam emanque , nec palliare velint mutuum , & ejus usuram.*

Atque hæc vera sunt , etiamsi mercator nullo alio animo vendat credito , nisi ut mox vilius emat numerato , & etiamsi Petrus manifestet mercatori se emere carius , ut eidem vendat vilius : modo enim hæc in pactum nec explicitum nec implicitum deducantur , contra iustitiam non sunt.

Tambur. lib. 8. Decal T. 3. c. 7. §. 8. n. 9. 10. Hic est contractus quem vocant *Mohatra*. Prædictus contractus non est nisi mera usuræ cavillatio. Tota injustitia usuræ à parte rei habetur ; est enim injustitia quod aliquis recipiat solummodò octoginta , & obligatus maneat ad centum. Est aperta inæqualitas dum quis plus debet quàm accepit , & quidem debito justitiæ. Quocumque colore, quibuscumque subtilitatibus id vestiatur , quâcumque voluntate & intentione id fiat , sive adsit pactum sive non, semper à parte rei verum erit dicere , quòd Petrus titulo justitiæ debeat centum, cum tantum octoginta acceperit , & Mercator acceptâ scedulâ Petri coget eum ad solvendum centum , cui tantum octoginta dedit.

Quare cum totum illud quod est à parte rei sit objectum voluntatis tam Petri quàm Mercatoris, dubitandum non est utrumque velle iniquitatem , & tantò Deo fieri odibiliores, quantò magis hominibus videntur prudentiores : eò quòd re benè pensâ non aliter hic contractus differt ab usurâ, quàm superaddendo ei dolum & fallaciam , apertissimamque divinæ Majestatis iriisionem. Impossibile igitur erit , ut in istis contractibus voluntas ex amore justitiæ moveatur.

CXXXV. Multas usuras deteges subtilitatibus istorum palliatas si consideraveris, quomodo res se habeant à parte rei. Si enim inveneris unum manere ex justitia obligatum ad plus pecuniæ reddendum alteri, quam recipit ex mutuo, ita ut revera lucretur, qui mutuum dedit, non dubites usuram esse, & quicumque hoc intendit usuram vult, & mentaliter est usurarius, quidquid in contrarium cavillent Probabilistæ.

Ratio est, quòd usura ante Deum non est aliud quàm lucrum ex mutuo, & ideo quicumque amore lucri mutuat est usurarius ante Deum. Hoc probat S. THOMAS Opusc. 73. de Usuris cap. 4. tam ratione materiæ quàm ratione actus. Ratione materiæ, eò quòd commutatio rerum fit propter necessitatem vitæ humanæ, non propter earum multiplicationem. Omnis ergo commutatio in quâ tantum lucrum, & multiplicatio rerum intenditur propter se, & non propter necessitatem vitæ est inordinata. Et quia commutationis gratiâ factum est nummifima, idèò hujusmodi vitium magis apparet in translatione nummifimatum pro multiplicatione ipsorum. *Et idèò sequitur quod non est secundum naturam translatio hujusmodi, quæ eis ad congregandum pecuniam propter translationem pecuniæ..... quia ab ipsa fit possessio nummifimatis, & usus ejus ad aliud, ad quod non est factum per naturam: quia factum est translationis gratiâ, id est, ut per ipsum fieret translatio aliarum rerum secundum quod ad vitam necessariae sunt, & non secundum quod ad congregationem, & ad affectum sunt avaritiæ.*

Ratione actus, quia est actus dandi ad liberalitatem perticens & gratiam. Quare si aliqua circumstantia addatur hujusmodi actui, quæ liberalitatem dandi corrumpat, erit hujusmodi actus malus, & vitiosus, & peccatum. Talis autem circumstantia additur, quandoque-

que datio mutui sit pro aliquo lucro, sive in spe, sive in re, eò quòd illud, quod pro lucro fit, non pro pura liberalitate fit. Ex quo sequitur, quod sen. per ibi malum & peccatum est, non solum ex natura finis & materiae suae, sed etiam ex natura actus proprii, circa quem fieri debet.

CXXXVI. Ex hoc aperte sequitur, quod nihil potest excusare à vitio usurae quod non tollit quin mutuum fiat spe & amore lucri. Ut enim ibid. cap. 6. ait „D. THOMAS, Regula est generalis apud omnes Doctores, & firma esse debet, „quòd nulla conditio, sive circumstantia potest excusare aliquem actum vitiosum, sive habitum, nisi secundum quod potest tollere rationem vitiositatis ab eo. Cùm enim Hebraei excusantur à furto de spoliis Aegyptiorum, hoc non est nisi quia praecepto Superioris Domini res non suae factae sunt suae. Si igitur „dubium, vel periculum excusare valeant; hoc non erit nisi habeant virtutem „tollendi rationem usurae verè dictae. Et quia in mutuo vitium usurae annexum est ex eo quòd fiat spe lucri, quod est contra naturam mutui; ideò quia „dubium & periculum de suâ naturâ non tollunt hanc vitiositatem à mutuo, „quando fit spe lucri, nec dubium nec periculum excusare possunt vitium „usurae.

Quam doctrinam si ad multiplices Probabilistarum casus applicueris, invenes multiplicem usuram subtilitatibus palliatam. Dicant homines quid voluerint, ipsi ludices nostri non erunt, Dominus est qui nos iudicaturus est, qui & illuminabit abscondita tenebrarum, & manifestabit consilia cordium. Tunc videbunt multi se non nisi amore & spe lucri mutuum dedisse, ac proinde tamquam usurarios in aeternum puniendos.

Distingue solerter inter spem lucri, & vitiationem damni quod oritur vel ex iacturâ emergente, vel ex lucro cessante. Semper est licitum accipere ultra sortem propter vitandum damnum; nunquam propter lucrum: non quia nefas sit ex pecuniâ lucrari, sed quia nefas est ex pecuniâ mutuata lucrari. Ista enim inordinatio usurae est, quod sit LUCRUM EX MUTUO. Si datur à parte rei lucrum ex mutuo, datur usura à parte rei, si in mentis proposito est lucrum ex mutuo, est & usura in mentis proposito.

§. III. Tertia regula ordinans amanda.

CXXXVII. **I**ntellectus assensu veri, & voluntas amore honesti, sive iustitiae perficitur. Verum est in intellectu, & bonum in rebus quae multifariam ordinantur. Unde ad amorem iustitiae pertinet ut unumquodque ametur secundum quòd ordinatum est. Hoc pulchrè exhibet nobis fulgentissimus Ecclesiae Sol S. AUGUSTINUS lib. de Doctr. Christianâ cap. 27. his verbis: *Ille sanctè & iuste vivit, qui rerum integer aestimator est, ipse est autem qui ordinatam dilectionem habet, ne aut diligit quod non est diligendum, aut non diligit quod diligendum est, aut amplius di-*

ligat quod minus diligendum est, aut quæ diligit quod vel minus vel amplius diligendum est, aut minus vel amplius quod equè diligendum est.

Omnis error oritur quòd res ad sua principia non reducantur. Ut igitur sine errore ordinem amoris exponamus, principium amoris, seu definitionem ejus consideremus. Amare est velle bonum alicui. Duo igitur respicit amor, videlicet, bonum ipsum, & illud cui vult bonum. Bonum quod alicui volumus dicitur amari amore concupiscentiæ; illud cui volumus bonum dicitur amari amore amicitiae; non quod sint duo amores, sed unus & idem actus respectu boni dicitur amor concupiscentiæ, respectu ejus cui bonum volumus dicitur amor amicitiae. Ita D. THOMAS 1. 2. q. 26. a. 4. Secundum hunc genium amoris respectum potest distingui duplex ordo charitatis, unus qui ordinet ea quæ concupiscere debemus, alius qui ordinet illa quibus bonum debemus velle. Primus ordo est ordo concupiscendorum, secundus ordo est ordo diligendorum.

Quatuor sunt ex charitate diligenda. Deus, nos ipsi, proximus, & corpus nostrum. Inquantum Deo volumus bonum diligimus Deum. Inquantum nobis ipsis volumus bonum diligimus nosipfos; inquantum proximo volumus bonum diligimus proximum; inquantum corpori nostro volumus bonum, diligimus corpus nostrum. Hæc est S. AUGUSTINI doctrina in 1. de Doctr. Christ. quam refert fidelissimus ejus Discipulus S. THOMAS 2. 2. q. 25. a. 12. in arg. Sed contra his verbis: *Quatuor sunt diligenda, unum quod supra nos est, scilicet Deus: alterum, quod nos sumus: tertium, quod juxta nos est, scilicet proximus: quartum, quod infra nos est, scilicet proprium corpus.*

Hanc Magistri sui Sapientissimi divisionem exponit fidelissimus Discipulus in corpore articuli, & tamquam alter Ecclesiæ Sol ejus rationem reddit his verbis: Amicitia Charitatis super communicatione beatitudinis fundatur, in qua quidem communicatione, unum quidem est, quod consideratur ut principium influens beatitudinem, scilicet Deus. Aliud est beatitudinem directè participans, scilicet homo & Angelus. Tertium autem est id, ad quod per quamdam redundantiam beatitudo derivatur, scilicet corpus humanum. Id quidem quod est beatitudinem influens, est eâ ratione diligibile, quia est beatitudinis causa. Id autem quod est beatitudinem participans, potest esse duplici ratione diligibile, vel quia est unum nobiscum, vel quia est nobis consociatum in beatitudinis participatione: & secundum hoc sumuntur duo ex charitate diligibilia, prout scilicet homo diligit & seipsum, & proximum.

Quibus manifestum est, quòd amore charitatis Deo ut est causa beatitudinis volumus bonum; nobis ipsis ut directè participantibus beatitudinem volumus bonum; proximo ut nobis in beatitudine consociato volumus bonum; corpori nostro ut redundanter participantem beatitudinem volumus bonum. In quo planè distinguitur amor charitatis ab amore naturali quo Deo ut principio omnis bo-

ni volumus bonum ; nobisipfis ut habentibus talem naturam volumus bonum ; aliis, ut eos unum in natura nobiscum reputamus, volumus bonum. Corpus nostrum cum sit pars naturæ nostræ non habet in amore naturali aliam rationem diligibilis quàm nobisipfi.

Habemus quatuor diligenda : concupiscenda verò tot sunt, quos bona nobis conveniunt in ordine ad beatitudinem. Quis sit, eorum omnium ordo, dicemus in sequentibus, & primò de diligendis ; secundò de concupiscendis.

§. IV. Ordo diligendorum.

CXXXVIIJ. **H**ic est ordo diligendorum. Plus debet homo diligere Deum, quàm seipsum, plus seipsum, quàm proximum. Plus proximum, quàm corpus suum.

Ratio primi sic redditur à D. THOMA 2. 3. q. 26. a. 3. *Quia beatitudo est in Deo sicut in communi & fontali principio omnium beatitudinem participare possunt.* Amor ergo fundatur in beatitudinis communicatione magis vult salvare bonum Dei in illis quæ sunt de lineâ beatitudinis, quàm bonum suipsius omniumque participantium beatitudinem. Ratio secundi sic à D. THOMA proponitur ibid. a. 4. *Sicut unitas potior est, quàm unio, ita quod homo ipse participet bonum divinum, est potior ratio diligendi, quàm quo alius associetur sibi in hac participatione.* Et ideo homo ex charitate debet magis seipsum diligere, quàm proximum. Et huius signum est quod homo non debet subire aliquod malum peccati, quod contrariatur participationi beatitudinis, ut proximum liberet à peccato.

Ratio tertii adducitur à S. THOMA a. 5. in hunc modum : Illud magis est ex charitate diligendum, quod habet plenior rationem diligibilis ex charitate, ut dictum est. Confociatio autem in plenâ participatione beatitudinis, quæ est ratio diligendi proximum, est major ratio diligendi, quàm participatio beatitudinis per redundantiam, quæ est ratio diligendi proprium corpus. Et ideo proximum quantum ad salutem animæ, magis debemus diligere, quàm proprium corpus.

Quare sicut homo non debet subire aliquod malum peccati ut proximum liberet à peccato : ita non debet agere aliquid contra salutem proximi ut corpus suum liberet à malis.

CLIX. Cum autem plures & multi sint proximi nostri diversimodè ordinati ; necesse est ut in proximis diligendis sit suus ordo, qui etiam debet distinguere secundum duplicem amoris respectum, unum ad bonum, alium ad illum cui volumus bonum. Dilectio ex parte objecti est major quæ tendit in majus bonum. Regula huius dilectionis est, ut melioribus meliora velimus. Meliores sunt qui Deo sunt propinquiore. Ita D. THOMAS 2. 2. q. 26 a. 7. Dilectio speciem habet ex objecto Diversitas ergo dilectionis, quæ est secundum Charitatem quantum

quantum ad speciem, est attendenda in proximis diligendis secundum comparationem ad Deum, ut scilicet ei qui est Deo propinquior majus bonum ex Charitate velimus, quia licet bonum quod omnibus vult Charitas, scilicet beatitudo aeterna, sit unum secundum se, habet tamen diversos gradus secundum diversas beatitudinis participationes. Et hoc ad Charitatem pertinet, ut velit iustitiam Dei servari, secundum quam meliores perfectius beatitudinem participant: & hoc pertinet ad dilectionis speciem., id est, ad dilectionem ut tendit in diversa bona

Dilectio ex parte illius cui volumus bonum est major, quando ad idem bonum unus præferatur alteri, ita ut si occurrat casus quod ad idem bonum non possimus duobus subvenire, ille dicetur magis diligere secundum rationem hujus quantitatis, qui alteri præferetur. Et hoc vocat D. THOMAS *intensius diligere*. Nam post verba citata subdit: *Sunt enim diverse dilectionis species secundum diversa bona, quæ optamus his quod diligimus: sed intentio dilectionis est attendenda per comparationem ad ipsum hominem qui diligit.*

CXL. Regula hujus dilectionis, quâ scilicet ad idem bonum unus præferatur alteri, est major ad diligentem conjunctio. Ita S. THOMAS *ibid.* dicens; *Et secundum hoc, illos qui sunt sibi propinquiores intensiori affectu diligit homo ad illud bonum ad quod omnes diligit, quam meliores ad majus bonum: ita ut si propinquiori & meliori non possit simul subvenire, præligere debeat subvenire propinquiori.* Et quia in hac vitâ propinquior potest fieri melior, possum etiam ex charitate velle quod iste qui mihi est conjunctus, sit melior alio, & sic ad majorem beatitudinis gradum pervenire possit.

Hæc regula est verissima, si fiat respectus ad communicationem illius boni, super quam fundatur amicitia. Conjunctio ad nos ipsos est causa amandi alterum; major ergo unius præ alio conjunctio debet esse causa præferendi unum alteri in ordine ad illud bonum, ad quod utrumque diligimus. Quod ut clarius intelligatur, distinguamus diversas amicitias. Amicitia consanguineorum fundatur in conjunctione naturalis originis. In his ergo quæ pertinent ad naturam, debemus præferre consanguineos non consanguineis, & magis consanguineum minus consanguineo; ita ut si de rebus quæ ad naturam pertinent, non possum utrique providere, debeo relinquere non consanguineum, & minus consanguineum, ut provideam consanguineo, & magis consanguineo.

Amicitia concivium fundatur in communione civili. In civilibus ergo debeo præferre non civem civi, & civem vicinum civi non vicino, in ordine ad idem bonum. Rectores autem civitatis sunt nobis magis conjuncti in civilibus: habent enim se ut Patres in naturalibus. Et ideo quilibet civis debet magis in civilibus obedire Rectori, quam Patri; & Rector debet magis in civilibus providere civi, quam filio non civi.

Amicitia militantium fundatur in communione bellicâ. In bellicis igitur debemus præferre commilitones non militantibus. Et militem ejusdem legionis

alterius legionis militi, & Duces omnibus militibus præferre oportet.

Amicitia Charitatis fundatur in communione beatitudinis. In quâ si secundum se spectetur, omnes sunt æqualiter nobis confociati. Sed major aliqua conjunctio attenditur secundum statum præsentis vitæ propter disciplinæ indigentiam, secundumquam unus ab alio instruitur, & dirigitur. Quare in illis quæ sunt salutis, præferre debemus filios spirituales filiis corporalibus, & magis obedire Patribus spiritualibus, quàm Patribus corporalibus; præferre etiam debemus fideles infidelibus, ut si infidelis esset baptizandus, & peccator fidelis Sacramento Pœnitentiæ renovandus, nec possem utrique subvenire, deberem relinquere infidelem, & providere fideli. Ita D. Th. supra a. 8. Ubi versum Ambrosii dicentis: *Non minùs vos diligo quos in Evangelio genui, quàm si in conjugio suscepissem.* Sic explicat ad 2. „ Dicendum quòd Ambrosius loquitur de „ dilectione quantum ad beneficia, quæ pertinent ad communicationem gratiæ, „ scilicet de instructione morum; in hac enim magis debet homo subvenire filiis „ spiritualibus, quos spiritualiter genuit, quàm filiis corporalibus, quibus tenetur „ magis providere in corporalibus subsidiis.

At in patriâ ubi omnes sunt docibiles Dei, cessabit provisio; unde non attendetur ibi major conjunctio, nisi per ordinem ad Deum, ut scilicet ille (ait D. Thom. a. 13.) *magis diligatur & propinquior sibi habeatur ab unoquoque, qui est Deo propinquior. Cessabit enim tunc provisio, quæ est in præsentî vitæ necessaria, quâ necesse est, ut unusquisque magis sibi conjuncto, secundum quantumque necessitudinem provideat magis, quàm alieno, ratione cujus in hac vitâ ex ipsâ inclinatione Charitatis homo plus diligit magis sibi conjunctum: cui magis debet impendere Charitatis effectum.*

CXLJ. Observa diligenter postrema hæc Angelici Solis verba, contra eos, qui ita separant charitatis effectum ab affectu, ut velint aliquos effectum diligendos qui non diligantur affectu. Hoc dicit Magister noster irrationabiliter dici, eo quòd affectus debet proportionari effectui ut illos, quibus còvenit nos esse magis beneficos, etiam secundum affectum plus diligamus. Ergo multò minùs conveniet esse alicui beneficium, sine ullo charitatis affectu erga eum. Rationem reddit D. Th. his verbis. *Non enim minùs est ordinatus affectus charitatis, qui est inclinatio gratiæ, quàm appetitus naturalis, qui est inclinatio naturæ. Vtraque enim inclinatio ex divina sapientia procedit. Videmus autem in naturalibus, quòd inclinatio naturalis proportionatur ætui, vel motui, qui convenit naturæ uniuscujusque: sicut terra habet majorem inclinationem gravitatis, quàm aqua, quia competit ei esse sub aquâ. Oportet ergo, quòd etiam inclinatio gratiæ, quæ est affectus charitatis, proportionetur his, quæ sunt exterius agenda: ita scilicet ut ad eos intensiorem charitatis affectum habeamus, quibus convenit nos magis beneficos esse. Et ideo dicendum est, quòd etiam secundum affectum oportet magis unum proximum, quàm alium diligere. Ergo similiter sicut ad esse in loco inferiori præcedit gravitas, ita ad esse alicui beneficium præcedet erga eum charitatis affectus.*

Observe secundò, quòd omnis honesta amicitia subditur charitati, & ab eâ imperatur in suis actibus. In amicitia naturali, charitas imperat ut consanguinei præferantur non consanguineis, & magis consanguinei minùs consanguineis, in illis quæ pertinent ad naturam. Unde consanguinei, etiam in illis quæ sunt naturæ, sunt magis ex Charitate diligendi, non quidem elicitive, sed imperative: & sic est in omniâ amicitia ad Charitatem ordinabili.

Ex hoc ordine diligendorum multiplices dissolvuntur laxitates Probabilistarum, quorum aliquas §. seq. detegemus.

§. V. *Ex ordine diligendorum assignato aliqua ex multis dissolvuntur Probabilistarum laxitates.*

1.

CXLIJ. **L**icet communis sententia doceat dari præceptum speciale de amando Deo in illis verbis, *Diliges Dominum Deum tuum, & alibi*; tamen non ignobiles auctores docent hoc præceptum non esse speciali tempore implendum, sed generale imbibitum in omnibus præceptis; sicuti secundum præceptum de dilectione proximi non est speciale; sed in Decalogi præceptis contentum. Nam propterea dicitur in his duobus præceptis, id est, dilectionis Dei & proximi, *universa lex pendet & Prophetae*; & qui habet præcepta mea, & servat ea, ille est qui diligit me; & plenitudo legis est dilectio. Si enim qui servat præcepta diligit, quique diligit servat; jam unum ex his continetur in alio. & consequenter præceptum Charitatis indirecè solum & ratione alterius obligabit. Tamburinus lib. 2. Decal. cap. 3. §. 2.

Ante eum Pater Sirmundus etiam Iesuita Tract. 3. Sect. 1. cap. 2. *An mortali piaculo præceptum illud violaret qui nullum unquam divini amoris actum eliceret?* S. THOMAS 2. 2. q. 44. a. 6. *Videtur id negare*; idque demum ad vitandam damnationem exigere, nequid contra sacram dilectionem agamus. Si hæc, quemadmodum quidem videtur, est S. THOMÆ doctrina, ejus autoritate fretus libenter dixerim: cum Deus amorem suum nobis imperat, nihil præcisè aliud à nobis exigere, quàm ut ipsi in aliis mandatis pareamus.

Hæc est Christianorum hominum, & Religiosorum quidem sententia. Quâ ratione lex Christi est lex amoris, si nullum continet præceptum directè obligans ad amorem? & si amore non implentur ejus præcepta, cur liberi & filii dicuntur qui legem Dei adimplent? Autoritate S. THOMÆ freti libenter hoc dicunt: Sed audiamus Solem Angelicum dicentem Opusc. 4. Sciendum quòd „ homo retrahitur à malo, & inducitur ad bonum ex duobus. Primò timore. „ Primum enim propter quod aliquis incipit peccatum vitare, est consideratio poenæ inferni, & extremi judicii. Et ideo dicitur Ecclesiast. 1. *Initium sapientie timor Domini*. Et ibid. *Timor Domini expellit peccatum*. Licet enim ille qui „ ex timore non peccat non sit justus, inde tamen incipit justificatio. Hoc ergo „ modo retrahitur homo à malo, & inducitur ad bonum per legem Moysi,

„quam quidem irritantes morte puniebantur. Hebr. 10. *Irritam quis faciens legem*
 „*Moyſi ſine ullâ conſideratione duobus vel tribus teſtibus moritur.* Sed quia modus iſte eſt
 „inſufficiens, & lex quæ data erat per Moyſen hoc modo, ſcilicet per timorem
 „retrahēbat à malis, inſufficiens fuit. Licet enim coërcuerit manum, non coër-
 „cebat animum: idcō eſt alius modus retrahendi à malo, & inducendi ad bo-
 „num, modus ſcilicet amoris: & hoc modo fuit data lex Chriſti, ſcilicet lex
 „Evangelica, quæ eſt lex amoris.

„Sed conſiderandum eſt, quòd inter legem timoris, & legem amoris triplex
 „differentia invenitur. Et primò quia lex timoris facit ſuos obſervatores ſervos,
 „lex verò amoris facit liberos. Qui enim operatur ſolùm ex timore, operatur
 „per modum ſervi: qui verò ex amore per modum liberi, vel filii. Unde Apo-
 „ſtolus 2. Cor. 3. Ubi ſpiritus Domini, ibi libertas, quia ſcilicet tales ex amore
 „ut filii operantur. Secunda differentia, &c.

In lege amoris, qualis eſt lex Chriſti, omnia illius præcepta implentur ex amore, quæro ex cujus amore? non alterius certè quàm legis Chriſti, iſte igitur amor legis Chriſti, qui non eſt alius quàm amor Dei, aut ſaltem ab amore Dei indiſpenſabiliter procedit, debet cadere ſub aliquo præcepto, non legis Decalogi, quia habet ſe ut cauſa omnium quæ ſub lege Decalogi cadunt: ergo ſub aliquo præcepto diſtincto ab omnibus præceptis Decalogi.

CXLIIJ. Nec valet Tamburini diſcuſſus, videlicet *qui ſervat præcepta diligit, quique diligit ſervat: ergo unum continetur in alio.* Admittimus conſequentiam. Sed quomodo continetur? ſicut finis in medijs, & media in fine: vel ſicut principia in concluſionibus, & concluſiones in principiis. Utrumque modum continendi expreſſit D. THOMAS. Nam primum tradit 2. 2. q. 44. a. 1. ad 3. *Dicendum, quòd omnia præcepta Decalogi ordinantur ad dilectionem Dei, & proximi, & ideo præcepta Charitatis non fuerunt connumeranda inter præcepta Decalogi, ſed in omnibus includuntur.* Quafi diceret, præcepta de fine non ſunt connumeranda inter præcepta de medijs, ſed quia in volitione cujuſlibet medijs includitur volitio finis, præcepta de fine includuntur in omnibus præceptis de medijs. Quare ſicut ante volitionem mediorum debet procedere volitio finis; ita ad impletionem præceptorum Decalogi, debet antecedere volitio præcepti Charitatis. Vide corpus articuli. Secundum modum tradit D. THOMAS 1. 2. q. 100. a. 3. ad 1. *Dicendum quòd illa duo præcepta ſunt prima & communia præcepta legis naturæ, quæ ſunt per ſe nota rationi humanæ vel per naturam, vel per fidem: & ideo omnia præcepta Decalogi ad illa duo referuntur, ſicut concluſiones ad principia communia.* Quemadmodum igitur principia diſtinguuntur à concluſionibus, & principiorum aſſenſus cauſat aſſenſum concluſionum: ita præcepta dilectionis diſtinguuntur à præceptis Decalogi, & adimpletio præceptorum dilectionis cauſat adimpletionem præceptorum Decalogi.

Nec in aliquo favet D. THOMAS P. Sirmundo. Nam in loco quem citat, docet

D. THOMAS hominem non posse perfectè implere præceptum Charitatis in via: quia ad perfectam impletionem requiritur ut totaliter homo uniatur Deo, id est, cum exclusione omnis peccati venialis. Amare Deum cum exclusione omnis peccati venialis est perfectè implere præceptum. Amare Deum sine tali exclusione est imperfectè adimplere præceptum Charitatis. Unde non implere præceptum Charitatis contingit dupliciter; non implere *agendo contra*, & ista non impletio tollit omnem amorem, & perfectum, & imperfectum. Et non implere *nihil agendo contra*, & ista non impletio solum excludit amorem perfectum, secus imperfectum.

II.

CLXIV. *An vero huic præcepto satisfacere possimus per solos actus externos misericordiæ & beneficentiæ, quando necessitas & ratio postulat?* Amicus tom. 4. disp. 27. sec. 1. n. 3. *Hæc sententia Probabilis est, quam expresse tradidit Bernardus Serm. 50. in Cantica A fortiori eandem sententiam docent qui actum internum Charitatis negant esse necessarium in implendo præcepto de diligendo Deo super omnia.* Ibid. n. 14. *Probatur primò, vi hujus præcepti non tenemur diligere proximum aliter ac, & plusquam nos ipsos. Atqui nos ipsos non tenemur diligere actu interno Charitatis. Ergo nec proximum.*

Constat ex doctrinâ Anglicâ s. præced. relatâ, effectum Charitatis procedere ex affectu, & debere inter se proportionari. Ergo qui præcipit effectum, præcipit & affectum, & qui præcipit affectum, præcipit quoque effectum. Falluntur in hoc, quod putent sufficere voluntatem faciendi actum externum ad diligendum, sicut & ad impletionem præcepti putant sufficere voluntatem servandi mandata. Voluntas illa interior potest ex timore procedere, nisi ergo ex amore procedat, non potest per illam voluntatem impleri dilectionis præceptum. Ut enim ait D. THOMAS supra, duobus inducimur ad bonum, vel timore, vel amore. Si benefacimus proximo ex solo timore, non impletur dilectionis præceptum, si amore benefacimus, ergo datur internus dilectionis actus.

III.

CLXV. *Dicendum est supra quod nullus teneatur occasionem proximam vitare, cum magno suo detrimento; nec tunc dicetur velle occasionem, vel permittere; cum non abigere occasionem non oriatur quia velit penitus in eâ permanere, sed quia velit non incurrere damnum quod abieciâ occasione obveniret.* Sancius in select. disp. 10. n. 20. *Aliam Alius rationem reddit, quia occasio peccandi in se peccatum non est, neque necessitatem infert, aut animi libertatem auferit.*

Istis rationibus convicti periculosas inferunt consequentias, & certè necessarias & legitimas suppositis dictis fundamentis. *Inde nec tenebitur, inquit Sancius, domo eicere concubinam, sit nimis utilis ad lucrandum bona temporalia, mediâ negotiatione: Ibid. Imò nec si nimis utilis esset ad oblectamentum concubinarj. Ibid.*

Duo præcedentes casus ipsum amorem Dei, & proximi destruunt; tertius hic casus amoris ordinem impetit, quo debet homo plùs diligere Deum, quàm

seipsum. Ad hoc explicandum familiaris est juniorum distinctio inter *intensivè diligere*, & *appretiativè diligere*. Non improbo distinctionem, sed eâ non indigemus: quia ad hoc quòd homo plùs diligit Deum quàm seipsum, sufficit, quòd dum Deus, & bonum commutabile mortaliter peccaminosum occurrunt, tantus sit amor Dei, ut fortior sit amore boni commutabilis; & præferatur Deus bono commutabili. Ista Dei præferentia ad bonum commutabile est sine dubio quædam Dei appretiatio; sed fortior amor Dei ex quo oritur ista præferentia, quid potest esse aliud, quàm intensior amor? & cum necesse sit, præferentiam unius boni ad aliud bonum oriri ex fortiore amore, non video quomodo dilectio appretiativa possit distingui à dilectione intensivâ. Nec scio aliquod testimonium utriusque Solis, in quo possit fundari distinctio ista. Scio D. THOMAM distinguere dilectionem ex parte objecti, quæ dicitur major, si sit circa bonum melius: & dilectionem ex parte diligentis, quâ ad idem bonum unus magis intensè diligitur, quàm alius, quod certè aliud non est quàm quòd ad idem bonum unus præfertur alteri? & consequenter loquendo de actu voluntatis, intensius diligere est magis appretiativè diligere.

CXLVJ. Ne disputemus de nominibus, sufficit pro re, quòd ille non diligit Deum plusquam seipsum, qui ita bonum commutabile amat ut malit facere contra legem divinam, quàm illud dimittere. *Facere contra legem* est regula, secundum quam judicatur amor boni commutabilis esse peccatum mortale; si enim ita crescat amor boni commutabilis, ut quis non vereatur facere contra legem, eò ipsò talis amor est peccatum mortale. Tritum est istud in doctrinâ Angelicâ. Probabilistæ hoc evidenter pervertunt, dicunt enim quòd amor boni commutabilis sit regula ad dignoscendum id quod fit, esse contra legem Dei. Nam ubi occurrit damnum in famâ, honore, & pecuniis, dicunt non fieri contra legem Dei, quod ad vitandum hujusmodi damnum fit ex amore boni commutabilis: fuisset tamen contra legem Dei, si tale damnum non occurrisset.

En CORDATE LECTOR, principium ex quo procedunt multiplices laxitates. Quod ut melius intelligas distingue duos homines, unum qui amat legem, alium qui amat bonum commutabile. Qui amat legem, si occurrat aliquod bonum commutabile quod est contra legem, aut sit de hoc periculum, statim judicat non esse appetendum. Qui verò amat bonum commutabile, si occurrat lex prohibens, judicat, legem cum tanto sui detrimento non obligare: & non attendit mensuram boni commutabilis esse bonum legis. Primus ex amore boni commutabilis judicat de lege. Secundus ex amore legis judicat de bono commutabili.

CXLVIJ. Quare firmiter tenendum est, quodcumque temporale, quod nobis est occasio peccandi, esse statim fugiendum. Nec valet distinguere occasionem proximam ab occasione remota; occasionem quæ est peccatum, ab occasione quæ non est peccatum. In re, occasio illa est fugienda, ex qua probabiliter

timetur periculum peccandi. Quidquid sit illud sive proximum sive remotum, sive peccatum, sive non peccatum, dummodo ex eo probabiliter timeatur periculum peccandi, illud est fugiendum. Ad hoc, dico, debemus attendere, non verò, an sit remotum, aut proximum; an sit peccatum, aut non peccatum. Hoc docuit D. THOMAS in 4. d. 39. q. 1. a. 6. ad 3. ubi sibi objicit : *Matt. 18. dicitur si dextera manus tua scandalizat te abijce eam, & projice abs te : & dicit glos. quod in manu & dextero oculo possunt accipi fratres, uxor, propinqui, & filij : sed per quodlibet peccatum efficiuntur nobis impedimento. Ergo propter quodlibet peccatum potest dissolvi matrimonium.*

Respondet huic argumento: *Dicendum quòd hoc intelligendum est, quando mulier præstat magnam occasionem ruina viro suo, & vir probabiliter sibi de periculo timeat, tunc enim vir potest se subtrahere ab ejus conversatione, ut dictum est.* Judicet modo Cordatus, an non qui tenet concubinam probabiliter sibi de periculo timeat ?

Hinc patet inanem esse rationem Sancij. Non potest negari, quin facere aliquid, ex quo Probabiliter timetur periculum peccandi, sit de se malum; ergo nulla ratione potest honestari. Qui vult delectationem fornicationis vellet non peccare, at quia delectatio fornicationis est conjuncta peccato, eò ipsò quòd vult fornicationem, magis vult peccare, quàm carere delectatione. Ita qui vult vitiationem damni conjunctam occasione peccandi, magis vult habere occasionem peccandi, quàm pati damnum. Inanis igitur est ratio Sancij. Et multò magis ratio alterius, qui excusat manentem in occasione, eò quòd non auferat libertatem, & cum nulla occasio auferat libertatem, nulla unquam occasio erit vitanda.

Utinam Probabilistæ ponderassent verba Domini nostri Jesu Christi Salvatoris nostri dicentis *Matt. 18. Si autem manus tua, vel pes tuus scandalizat te, abscinde eum, & projice abs te.* Quæ verba sic exponit S. Hieronimus in Catenâ Angelicâ:

„ Igitur omnis truncatur affectus, & universa propinquitas amputatur : ne per occasionem pietatis uniusquisque credentium scandalis pateat.
 „ Si, inquit, ita est tibi conjunctus, ut manus, pes, & oculus, & est
 „ utilis atque sollicitus, & acutus ad perspicendum, scandalum autem
 „ tibi faciat, & propter morum dissonantiam te pertrahet in gehennam : melius est ut propinquitatem ejus careas, & emolumentis carnalibus, quam dum vis
 „ lucrifacere cognatos & necessarios, causam habeas ruinarum. Novit enim unusquisque credentium quid sibi noceat, vel in quo sollicitetur animus, ac sæpe
 „ tentetur, melius est enim vitam solitariam ducere, quàm ob vitæ præsentis
 „ NECESSARIA vitam æternam perdere. Si propter necessaria ad vitam non oportet occasionem incurrere peccandi, quomodo licitum erit ad lucrum, aut oblectamentum concubinam retinere ?

IV.

CXLVII]. *Si amicus meus velit ut ego feram munuscula, & similia turpis scilicet amoris*

incitamenta, quæ ipse mittit ad suam concubinam, possum sine peccato deferre. si tibi magni sit eiusmodi amicitia, ac verè timeas amittere, quia tunc notabilis momenti iustus metus accedit. Tambur. lib. 5. decal. c. 1. §. 4. n. 18. 19. 20.

Famulus qui submissis humeris scienter adjuvat herum suum ascendentem per fenestram ad stuprandam virginem, & multoties eidem infernis deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti: puta ne à Domino malè tractetur, ne torvis oculis afficiatur, ne domo expellatur, Castro Palao, Merula, Hurtado, & alij apud Dianam teste P. Goneto.

Militant isti casus contra ordinem, quo plus debet homo amare seipsum, quàm proximum. Cujus amoris signum est, ait Magister noster D. THOMAS, quòd homo non debet subire aliquod malum peccati, ut proximum liberet à peccato. Multo igitur minus ut habeatur illius amicitia & gratia.

§. VI. Ordo Concupiscendorum.

CXLIX. **H**ic est ordo concupiscendorum. Minora subdenda sunt maioribus, corporalia spiritualibus, temporalia sempiternis. Sic AUGUSTINUS Epist. 120. ad Honoratum. Qui & in 1. de lib. arb. ait: *quòd deteriora melioribus sunt subdenda, paria paribus comparanda, & propria suis quibusque tribuenda.* Juxta quam regulam bona exteriora, uti divitiæ, subdenda sunt bonis corporis, inter quæ præminet vita; bona verò corporis subdenda sunt bonis animæ, sensibilia intelligibilibus, temporalia sempiternis; Honor inter bona sensibilia & temporalia animæ sicut bonum quoddam exterius potest computari, est enim propinquissimum virtuti, utpote testificatio quædam existens de virtute alicujus, ut ait D. THOM. 2. 2. q. 129. a. 1. Quæ testificatio insignis exterioribus, & corporalibus consistit. Ut D. Th. docet 2. 2. q. 103. a. 1. Hoc igitur semper est præ oculis habendum; quòd bona corporis sunt regula & mensura bonorum exteriorum; intelligibilia sensibilibus; sempiterna temporalium. Hinc firmissimè tenendum est, quòd si amor bonorum exteriorum, v. g. divitiarum ita crescat, ut in vitâ patiatur homo detrimentum, est inordinatus. Similiter si amor vitæ ita crescat, ut in bonis animæ patiatur homo detrimentum, est inordinatus; inordinate igitur amat, qui amat divitias cum detrimento vitæ; qui vitam amat cum detrimento animæ; qui sensibilia amat cum detrimento intelligibilium; qui temporalia, v. g. honorem amat cum detrimento æternorum.

Hoc est, quòd Christus veritas ipsa docuit Matth. 16. *Quid prodest homini si universum mundum lucretur, animæ vero suæ detrimentum patiatur? aut quam dabis homo commutationem pro anima sua?* Minimum verò animæ detrimentum pluris faciendum est, quàm totus mundus; cujus omnia bona arbitratus est Apostolus ut stercora, ut Christum lucrifaceret.

Hoc

Hoc est quod S. THOMAS explicans prædicta verba Christi dicit. *Quid proficiunt tibi ista temporalia si animam perdis? Naturale est homini quod magis diligit finem, quam ea quæ sunt ad finem, ut corpus quam divitias. Unde naturale est quod omnia exponuntur pro salute corporis. Si contrarium fiat, pervertitur est passio. Sic & naturale est plus animam diligere quam corpus. Unde SAPIENS EST QUI MAGIS VELLE CORPORALITER PATI, QUAM SUSTINERE CONFUSIONEM MAGNAM. Si ergo ita est, magis debet optare salutem animæ, quam corporis etiam si totum mundum posset habere.*

Et 2. 2. q. 126. a. 4. *Sunt magis timenda mala animæ, quam mala corporis: corporis autem magis, quam mala exteriorum rerum. Et ideo si quis incurrat mala animæ, id est, peccata, fugiens mala corporis, puta flagella, vel mortem, aut mala exteriorum rerum, puta damnum pecuniæ, aut si sustineat mala corporis, ut vitet damnum pecuniæ non excusatur totaliter à peccato.*

Hinc sequitur, quod cum debeamus plus diligere proximum, quam corpus nostrum, magis debemus sustinere damnum pecuniæ, quam facere aliquid contra salutem animæ, & vitam corporis proximi nostri. Ex quo iudicet modò CORDATUS de casibus subsequentiis.

I.

CL. *Qui furem diurnum non se telo defendentem interficeret, non excusaretur ab homicidio in foro externo; in foro tamen conscientie excusaretur, si non erat Probabilis spes recuperandi, vel si recuperatio non erat certa, sed dubia, ut Solus ait, quia non tenetur res suas perdere, aut Probabili periculo exponere, ut fur salvus fiat. Lessius de Jure & Just. c. 9. n. 66. Idem licitum Clericis pro defensione rerum suarum; & idem extenditur ad Religiosos. n. 72.*

Quid est non excusari in foro externo, nisi apud homines? & in foro conscientie excusari quid est, nisi apud Deum? Homo damnat, quod Deus excusat. Cur excusatur in foro conscientie qui in defensionem rerum suarum occidit furem? quia non tenetur, ait Lessius, res suas perdere, aut Probabili periculo exponere, ut fur salvus fiat. Id est, tenetur apud homines res suas perdere ut fur salvus fiat: at apud Deum non tenetur. Quasi verò ipse Deus non præcepisset, ut diligeret homo proximum sicut seipsum. Ly sicut non dicit æqualitatem, sed similitudinem, ut eadem bona & eodem ordine velimus proximo, quæ & quo ordine nobis volumus. Quasi verò ipse Deus non dixisset 1. Ioan. 3. *Et nos debemus pro fratribus animas ponere.* Sicut salus proximi ad vitam nostram se habet, ita vita proximi ad res nostras: si ergò pro salute proximi debemus ponere vitam nostram, ita & pro vitâ proximi debemus exponere res nostras. Si fur esset in extremâ necessitate, deberemus vendere res nostras, ut ei subveniremus; Inordinatum igitur erit, ut illa res sit in mortem furis, quæ deberet ei esse in vitam, si extremè indigeret.

Deceptus videtur Lessius, quod non adverterit præcepta illa affirmativa de exponendâ vitâ pro salute animæ proximi, & de exponendis rebus pro vitâ corpo-

ris includere sua negativa, videlicet, Nihil pro vitâ agendum per se contra salutem animæ proximi nostri; Nihil pro rebus nostris agendum per se contra vitam proximi. Dixi *nihil per se agendum contra salutem proximi* ut non fiat instantia de occidente injustum invasorem in defensionem propriæ vitæ: per accidens enim se habet ad occisionem injusti invasoris æterna damnatio, non enim damnatur, quia occiditur. Tollitur ibi vita pro vitâ. Sic etiam tollatur res pro re, non verò vita pro re, mors enim per se ad occisionem sequitur.

II.

CLI. *Fas etiam est viro honorato occidere invasorem qui sustem, vel alapam conatur impingere ut ignominiam inferat, si aliter hac ignominia vitari nequit.* Lessius de Jure & Just. lib. 2. c. 9. dub. 12. n. 77.

Notandum est variis modis honorem alterius posse impeti, & auferri, in quibus videtur concessa defensio. n. 78. Primo, si baculum vel alapam nitaris impingere, de quo jam dictum est. Secundo, si contumeliis efficiatur, sive per verba, sive per signa, hic etiam est jus defensionis. Tertio, si illatâ alapâ cesses, vel etiam fugias. Ibid. n. 79. Quarto, si nomini meo falsis criminationibus apud Principem, vel viros honoratos detrabere nitaris, nec aliâ ratione possim damnum illud sanè avertere, nisi te occultè interficiam. n. 81.

Hæc Lessius de quocumque honore indiscriminatim. At de honore qui ex virtute & sapientiâ nascitur, sequentia docet Amicus in Cursu Theologico hîc Duaci impresso anno 1640. Tractatu de Jure & Iustit. disp. 36. sect. 7. n. 118.

Ergo saltem hunc honorem poterunt Clerici ac Religiosi cum moderamine inculpate tutelæ, etiam cum morte invasoris defendere, quin interdum lege saltem Charitatis, videntur ad illum defendendum teneri, si ex violatione propriæ samæ integra Religio infametur. Unde licebit Clerico vel Religioso calumniatorem gravia crimina de se, vel de suâ Religione spargere minantem occidere, quando alius defendendi modus non suppetat; uti suppetere non videtur, si calumniator sit paratus ea vel ipsi Religioso, vel ejus Religioni publicè, ac coram gravissimis viris impingere, nisi occidatur.

Hæc Probabilistarum de cæde doctrina in suâ radice evellitur per assignatum concupiscendorum ordinem. Nam vita præminet honori; eò quòd in conjunctione animæ cum corpore vita consistat: honor est bonum exterius animæ; bonum autem interius præminet exteriori. Inordinatus igitur est, qui plus amat honorem, quàm vitam: ac proinde & ille inordinatus est, qui vitam proximi ordinat ad suum honorem, sive qui pro defensione honoris aggreditur vitam proximi. Dicant quæso Adversarii, annon sit injustum pro duobus aureis sublati inferre privatâ autoritate damnum mille aureorum? Quod mille aurei ad duos, hoc multò magis vita proximi ad honorem nostrum. Vita proximi ad esse imaginis Dei pertinet, honor noster in hominum æstimatione exterius significatâ consistit. Qui destruit imaginem Dei ut salvet hominum de se æsti-

mationem, minus amat imaginem Dei, quàm suam, in imaginatione hominum existentem. Vnde qui occidit hominem, ut salvet honorem suum, aperte convincitur plus honorare hominis imaginatam quamdam imaginem, quàm veram Dei imaginem. Certè ad suam imaginem respexit Deus dum prohibuit homicidium, dixit enim Genes. 9. *Sanguinem animarum vestrarum requiram de manu hominis, & de manu viri fratris ejus requiram animam hominis. Quicumque effunderit humanum sanguinem fundetur sanguis illius*: AD IMAGINEM QUIPPE DEI FACTUS EST HOMO.

CLII. Hinc apparet futile esse argumentum Adversariorum, quo arguunt: *Periculum fame æquiparatur periculo vite: atqui ob periculum vite evadendum licitum est occidere*: ergo &c. Major est falsa; siquidem æquivalet isti, *Imago hominis æquiparatur imagini Dei*.

Etiàm in minore videntur decepti Adversarii, dum non sufficienter distinguunt inter occisionem defensivam, & occisionem aggressivam. Sciunt qui in castris milites fuere, quòd aliud sit divertendo ictus occidere, aliud aggrediendo occidere. Gallicè dicitur, *tuer en parant les coups, & tuer en attaquant*. Pro tuendâ Dei imagine licitum est divertendo ictus occidere; cùm enim eadem actio sit per se primò diversio ictuum (ut ita loquar) & solùm ex consequenti occisio, potest quis intendere divertere ictus absque voluntate occidendi, & sic ad volentem divertere ictus, per accidens se habet quòd occidat. At ubi quis aggrediendo occidit, ista aggressio per se primò ordinatur ad occidendum; unde non potest esse volita sine voluntate occidendi.

Hæc autem voluntas occidendi perversa est in quocumque homine privato. Ita Magister noster Sol Angelicus 2. 2. q. 64. a. 7. his verbis: *Sed quia occidere hominem non licet nisi publicâ auctoritate propter bonum commune, ut ex supradictis patet, illicitum est, quòd homo intendat occidere hominem, ut seipsum defendat, nisi ei qui habet publicam auctoritatem, qui intendens hominem occidere ad sui defensionem, refert hoc ad publicum bonum, ut patet in milite pugnante contra hostes, & in ministro Iudicis pugnante contra latronem, quamvis etiam & isti peccent, si privatâ libidine moveantur*.

CLIII. Plerique non videntur intellexisse Angelica hæc verba defectu distinctionis datæ. Quod ut clarissimum fiat, observa quòd occisio hominis potest dupliciter se habere ad defensionem propriæ vitæ; uno modo ut præcedens. Alio modo ut sequens. Qui divertendo ictus occidit hominem, prius se defendit, deinde sequitur occisio: quam non tenetur vitare ait D. THOMAS ibid. *Quia plus tenetur homo vite sue providere, quàm vitæ alienæ*. Habet ergò se occisio hominis ad defensionem vitæ sicut damnum secutum ex actione meâ, quod non tenetur vitare. Qui autem aggrediendo occidit in defensionem vitæ suæ, prius à parte rei occidit, quàm defendat se; & occisio hominis habet se ut medium ad finem respectu defensionis vitæ. Hoc est quod dixit D. THOMAS, non esse licitum homini privato quòd intendat occidere hominem; id est, quòd occisione

hominis utatur tamquam medio ad defensionem vitæ, sicut fit in aggrediente. Manifesta quoque est in hoc sensu sententia S. AUGUSTINI dicentis: *Quasdam exceptiones eadē ipsa divina fecit autoritas, ut liceat hominem occidi: non autem occidis qui ministerium debet iubenti, sicut adminiculum gladii: est utenti. Et idcō nequaquam contra hoc præceptum fecerunt qui Deo auctore bella gesserunt; sed his exceptis, quos vel lex iusta, generaliter, vel ipse sors iustitiæ Deus specialiter occidi iubet, quisquis hominem, vel seipsum, vel quemlibet occiderit, homicidii crimine innectitur.*

Est igitur regula hæc generalis: Illicitum semper est procurare bonum suum causatum ex damno alterius; licet quandoque sit licitum procurare bonum suum causans damnum alterius. Quam regulam si perpendifsent Probabilistæ, nunquam ad nocivas illas Rēpublicæ, & societati hominū opiniones deflexissent, quibus sustinent quod licitum sit occidere hominem pro conservando & recuperando honore, item pro bonis, equo, pomo, &c.

II j.

CLIV. Pro intercessione ad beneficiū potest aliquid dari sine Simonie suspitione? Escobar, tract. 6. exam. 2. c. 6. n. 43. Respondet, Si v. g. das aliquid Antonio ut intercedat apud Petrum collatorem beneficii, Simoniacus es. Si autem das aliquid Ioanni ut apud Antonium intercedat, ut ipse Antonius apud collatorem tuus intercessor existat, ex Vasquez sententiā quem citat & sequitur Sanchez d. 26. n. 7. à Simonie periculo liberaris.

Ordinem concupiscendorum manifestè pervertit Simonia, dum rem spiritualem confert pro temporali: aut utitur re temporali ad consecutionem rei spiritualis. Commune est Philosophorum axioma, *qui est causa cause est causa causati*. Juxta quod dicendum est, dationem pecuniæ influentem in causam, influere quoque in effectum causatum. Intercessio Antonii est causa intercessionis Petri; ergo datio pecuniæ quæ influit in intercessionem Antonii, influet quoque in intercessionem Petri; ac proinde si dare pecuniam pro intercessione Petri sit Simoniacum; & dare pecuniam pro intercessione Antonii, quæ est causa intercessionis Petri, erit quoque Simoniacum.

Fundamentum est, quod Simonia est, si res temporalis fiat via & medium acquirendi rem spiritualem. Cum enim via proportionetur termino, & medium fini; nullaque sit rei temporalis ad rem spiritualem proportio, non potest non esse inordinatum quod aliquis utatur pecuniā, aut aliā re temporali ad consequendum rem aliquam spiritualem. Sumpsimus hanc rationem ex Sole Angelico qui 2. 2. q. 100. a. 2. ad 5. ait: *Antequam alicui acquiratur ius in Episcopatu, vel quacunque dignitate, vel præbendā, per electionem, vel provisionem, seu collationem, Simoniacum esset adversantium obstacula pecuniā redimere, sic enim PECUNIA PARARET SIBI VIAM AD REM SPIRITUALEM OBTINENDAM.*

CLV. Si Simonia est pecuniā parare sibi viam ad rem spiritualem obtinendam, ut ait Magister noster Doctor Ecclesiæ Quintus; dicendum quoque erit,

si sequamur vestigia ejus, Simoniam esse, dum re spiritali paratur sibi via ad rem temporalem obtinendam. Vnde D. THOMAS q. 13. de malo a. 4. ad 13. dicit : *Simoniacus non dat id quod est suum, sed id quod est Christi; & idcirco non debet sperare aliquam recompensationem sibi fiendam, sed solum honorem Christi, & Ecclesie.*

Quam de Simonia doctrinam Angelicam CORDATE LECTOR, ad particulares casus si applicueris, aliter longè de multis senties quàm Probabilistæ; qui Simoniam sicut & Usuram à solis indoctis & ignorantibus incurri passim venditant. Econtra videbis doctos plurimos suis subtilitatibus à Simonia labe apud Deum non posse in æternum excusari.

CLVI. Hic sit finis Opusculi quinti, & totius Triumphi Thomistarum, seu Concordiæ Sanctorum AUGUSTINI & THOMÆ. Triumphant quàm maximè de Molinistis Thomistæ in OPUSCULO PRIMO, in quâ *Scientia Media* in suâ radice confoditur: & *gratia sufficiens versatilis* in ortu suo suffocatur. Triumphant & de quibusdam non genuinis S. AUGUSTINI Discipulis, in OPUSCULO SECUNDO de *Naturâ purâ, seu duplici Dei amore*; ibi enim ostenditur, non ex principiis Aristotelis, sed ex mente Magistri sui S. AUGUSTINI distinxisse D. THOMAM, duplicem Dei amorem, unum naturalem, alium supernaturalem; quâ distinctione evincitur, non omnia opera infidelium esse peccata. Hic separari Discipulum à Magistro totis viribus contendebant aliqui, quos inter genuinos S. AUGUSTINI discipulos connumerari veritas non permittit. In TRIBUS autem aliis de *Libertate, de Contritione, & de Probabilitate* OPUSCULIS triumphant Thomistæ, dum genuinis se adjungunt S. AUGUSTINI Discipulis, ut unanimiter contra Molinistas sapiant, qui libertatem nimium extollendo evertunt; qui dolorem de peccatis nimium deprimendo frustrant; qui legem Dei Probabilitati totaliter adhærendo enervant. O veritas Deus, fac nos omnes unum tecum in charitate perpetuâ! Aperi oculos Adversantium & contradicentium tibi, ut te toto corde perquirant, perquisitam totis viribus defendant, defensam totâ animâ expectent sicut unicam omnium suorum mercedem, sub alis Ecclesiæ Romanæ, quam credimus esse columnam & firmamentum veritatis, extra quam nulla est salus, contra quam nulla cujuscumque doctrinæ veritas, intra quam moriatur anima mea morte justorum.

F I N I S.

ERRATA TOMI PRIMI.

PAG. LIN.	ERRATA	SIC CORRIGE
2 20	utroque	utrique
4 19	proposito	propositio
4 38	gitur	igitur
5 10	inferioribus	inferioribus
7 3	præsentibus	præsentibus
14 3	ab utriusque	ab utrisque
18 2	quærebantur	queriebantur
21 21	utroque	utrique
27 14	in voluntatem	in voluntate
31 10	pereclitantes	periclitantes
34 31	utroque	utrique
34 17	præstationum	præstationem
34 23	queritur	queritur
57 4	thologie	theologie
59 40	didit	dedit
61 7	à Deo	esse à Deo
63 33	laborans	laboras
71 17	proponit	proponit
73 16	profus	proflus
74 40	vult	volunt
77 15	quo	cui
93 32	voluntatis	voluntatis divinæ
96 8	adama	ab Adamo
120 15	est	est
137 32	ac proinde	ac proinde
140 12	à discipulis	discipulis
147 27	ostendimus	ostendemus
150 14	vincit	vincente
151 14	auferat	auferat
160 16	Scientiâ	Scientiâ Mediâ
169 16	applicet	applicet te
178 17	amplectetur	amplectatur
198 23	à Deo excitanti	à Deo motum & excitatum nihil cooperari assensendo Deo excitanti
206 22	contingit	contigit
211 17	nimirum	nimirum
218 8	esse illa	esse nisi illa
252 4	indirecte	directè
264 20	admittere	amittere
279 19	prædeterminatione	prædestinatione
283 8	ponitur	sentitur
296 14	dislinienti	distinienti
299 12	oportet	oportet
309 15	intorqueri	retorqueri
312 16	habebat	habebat
319 10	credebant	crederent
326 2	possunt	potest

ERRATA TOMI SECUNDI.

PAG.	LIN.	ERRATA	SIC CORRIGE
14	33	De, i per	Dei, per
19	11	Quod est enim	Quid est enim
21	15	diligemus	diligimus
21	26	diminuta	diminutæ
43	15	re cum amata	cum re amata
91	3	gratia	gratiæ
100	20	eo non	non
138	31	non volentis	non valentis
145	12	dari	dare
146	1	sed quid appetit &c.	<i>delenda sunt omnia usque ad sed linea tertie</i>
153	7	si in eo	sine eo
153	14	participetur	participatur
156	13	quantum ex vi	quantum est ex vi
156	31	judicant suo iudicio	judicant de suo iudicio
158	19	traditur	tradita
159	9	quod sine	quod fiat
159	11	ex objecto	cum objecto
160	4	si qua fuerit forma	si quæ fuerit forma
160	37	revocavit	revocavi
162	24	Quis facilius	Quid facilius
162	30	in causa prima	in causâ secundâ
165	38	proponente	proponenti
166	36	nec si	nec sit
166	16	ad accipiendum	ad attingendum
167	34	<i>sequatur</i>	<i>sequitur</i>
167	20	Mirari non valco	Mirari non satis valco
168	23	deficiente	deficienti
168	15	subditis	subitis
169	28	proprie simpliciter	proprie & simpliciter
170	24	si determinat	si se determinat
171	25	si determinat	si se determinat
171	1	eam enim	ea enim
176	31	dederit	deperit
178	2	de necessitate fiat	necessitate fiat
179	18	habere	haberi
180	9	ex omni parte	ex parte
181	37	major ex verbis	minor ex verbis
185	12	circa	juxta
186	13	qui sit	qui sit
191	4	possit ad actum	possit se ad actum
198	12	ordinantur	ordinatur
199	8	recusatio, omni	, recusatio
200	19	conclusio	si conclusio
201	35	occurrente	concurrente
201	31	magis in hoc	sed magis in hoc
204	29	ex alio principio	ex illo principio

ERRATA TOMI SECUNDI.

PAG.	LIN.	ERRATA	SIC CORRIGE.
107	17	cognitionem	connexionem
111	31	invenitur. omnia	invenitur, omnia
116	7	decidemus	dilucidemos
112	24	applicaret	se applicaret
	31	produxerunt	perdoxerunt
126	17	velis	velit
134	2	eo amore	ex amore
140	8	prædeterminatum	prædeterminatum ad actum
		actum peccati peccate & prædeterminatum esse causam peccati.	peccati peccate, & prædeterminationem esse causam peccati.
158	6	ne sibi absconderentur	ne sibi absconderentur
161	7	quæ bonitas	quo bonitas
164	4	finis	est finis
	24	ordinantur	ordinatur
166	19	propter	non propter
168	35	officiat	officiat
		habere Deum	habere bonum creatum
170	17	licet amatur	licet ametur
171	1	subjecissent	subjecisset
	10	prædeterminatur	prædeterminatur
172	16	timore justitiæ	amore justitiæ
176	32	ut affectus	ut affectum
177	16	quarundam	quarundam peccatorum
179	24	maius malum	minus malum plus displicet quam maius malum
189	2		
189	2	BONITATEM	FONTEM
308	16	vetit	vetit
	30	incipiat	non incipiat
321	5	capellanda	capellenda
323	10	allogat	ablegat
338	2	oritur	quæ oritur
349	10	ijs quibus	eos, quibus
354	3	non ab eo	non ab eo
359	11	est	est
360	25	abominandi	abominanda
367	3	lis	ijs
368	15	intueatur	moveatur
371	11	si	sit
	14	advertat	advertat
373	25	tantum	tutum
374	6	probabilior bona	probabiliter bona
	7	dederunt	dederint
375	10	crevit	credit
377	17	videtur ille	videtur quod ille;
378	2	faciat legem	faciat contra legem

ERRATA TOMI SECUNDI.

PAG.	LIN.	ERRATA	SIC CORRIGE.
379	20	debent	debeat
380	7	in nullam	in nullam
383	10	esse licitum	esselicitum
384	19	sit ratio	sit ratio
385	25	per se iustum	per se notum
387	20	comprehensis	comprehensio
394	25	natura	naturam
	26	utramque	utrumque
395	10	credit	tradit
396	28	quæ est ex	quæ ex
	38	abscondi-	attendi-
397	14	homine indignas homine	indignas homine
398	1	corpore sacri	tempore sacri
	28	manducit	manducitur
401	31	in humeros	in humeros
403	10	horrenda	hauriendæ
404	12	vetum	rerum
407	14	quia obligat	quia obligor
	36	sine propria	sive propria
410	21	peccatur mortaliter	peccatum est mortale
	28	subsequentibus.	subsequentibus judicet.
411	27	prælectio	prælectio
412	13	rogatum	probatum
413	31	quæ eis	quæ est
416	5	quos	quor
	13	omnium	omnium qui
	14	fundatur	fundatus
421	43	si	si sit



